

ალექსი ოჩიაური

**მოსისხლეობა
და ჭრა-ჭრილობა
ხევსურეთში**



საქართველოს პარლამენტის ეროვნული ბიბლიოთეკა

ა ლ ე ძ ს ი ო ჩ ი ა უ რ ი

მოსისხლეობა და ჭრა-ჭრილობა

ხევისურეთში

თბილისი
2019

UDC(უაკ) 392(=353.1)
ო-917

წიგნში წარმოდგენილია ალექსი ოჩიაურის მიერ გასული საუკუნის 30-50-იან წლებში შეკრებილი ეთნოგრაფიული მასალები მოსისხლეობის და ჭრა-ჭრილობის შესახებ ხევისურეთში. ავტორი, როგორც თვითმხილველი, მედიატორი და უშუალო მონაწილე იმდროინდელი ხევისურული ყოფისა, ზედმინევით ზუსტად და დეტალურად აღწერს იმ პერიოდისათვის ჯერ კიდევ ცოცხალ ტრადიციებს.

ამ მასალებს დიდი მნიშვნელობა აქვს ქართველ მთიელთა ტრადიციული სოციალური ყოფის და მეზობელ კავკასიელ მთიელებთან მათი ურთიერთობის შესწავლის საქმეში.

წიგნი განკუთვნილია როგორც სპეციალისტებისათვის, ასევე დაინტერესებულ მკითხველთა ფართო წრეებისთვის.

რედაქტორები: † თინათინ ოჩიაური
ეთნოლოგი, ისტორიის მეცნიერებათა დოქტორი

ნათია ჯალაბაძე
ეთნოლოგი, ისტორიის დოქტორი

წიგნის დაკაბადონება: ჯუანშერ ამირანაშვილი

ყდის დიზაინი: ნუგზარ მეტრეველი



© საქართველოს პარლამენტის ეროვნული ბიბლიოთეკა 2019.

ISBN 978-9941-9640-5-3



აღმშენი ოჩიაურო

1892 - 1972 წწ.

მოკლე ბიოგრაფიული ცნობები

ალექსი ალექსანდრე ოჩიაური, პედაგოგი და ეთნოგრაფი, დაიბადა 1892 წელს არხოტის თემის სოფ. ახიელში. მისი მამა ხევსურეთში ცნობილი დასტაქარი ალექსანდრე ოჩიაური იყო, რომელიც თავის ქალის ოპერაციებსაც აკეთებდა. ალექსი ოჩიაური 1912 წელს ჯარში გაიწვიეს, საიდანაც კვლავ არხოტში დაბრუნდა. 1917 წელს იგი იყო ფშავ-ხევსურეთის ოლქის შუაფხოს წმინდა გიორგის სახელობის საყდრის მედავითნე, საიდანაც ეპისკოპოს ლეონიდეს ხელდასმით, სოფ. ახიელის ეკლესიის მღვდლად აკურთხეს. ბოლშევიკების ხელისუფლების დამყარების შემდეგ, იგი გააკრიჭეს და სასულიერო საქმიანობა აუკრძალეს.

არხოტში შეხვდა იგი აკაკი შანიძეს, რომელიც მაშინ ფშავ-ხევსურეთში ფოლკლორულ მასალებს კრებდა. ალექსი ოჩიაური ხალხური პოეზიის კარგი მცოდნე იყო და თავადაც წერდა ლექსებს. ამ შეხვედრამ დიდი როლი ითამაშა მის შემდგომ საქმიანობაში; ალექსი ოჩიაურმა საკუთარი და მის მიერ ჩაწერილი სხვა ლექსები აკაკი შანიძეს გადასცა, რომელიც მან თავის ხევსურული პოეზიის კრებულში გამოაქვეყნა (ა. შანიძე, ქართული ხალხური პოეზია, I, ხევსურული, 1931).

1924 წლიდან ალექსი ოჩიაური პედაგოგიურ საქმიანობას ეწეოდა. იგი 1930-იან წლებში ასწავლიდა ბარისახოს სკოლა ინტერნეტში, შემდგომ, შუაფხოს სკოლაში. 1936 წელს იგი დააპატიმრეს ცნობილი ე.წ. “ამერიკელების საქმესთან” დაკავშირებით (ხევსურების წერილი ამერიკის მთავრობას); ალექსი ოჩიაურის “დანაშაული” ის იყო, რომ მან წერილი გაატანა ამერიკელ ტურისტს ლიქოკში თავის ახლობელთან სტუმრის პატივისცემისა და მისი დაბინავების თხოვნით. სასჯელის მოხდის შემდეგ იგი გაათავისუფლეს.

1930-იანი წლებიდან ალექსი ოჩიაური, თავის მეუღლე ნათელა ბალიაურთან ერთად, ჩაება ენიმკის (ენის, ისტორიისა და მატერიალური კულტურის ინსტიტუტი, 1936-1941 წწ.; შემდეგ საქართველოს მეცნიერებათა ეროვნული აკადემიის ივ. ჯავახიშვილის სახელობის ისტორიისა და ეთნოლოგიის ინსტიტუტი) ეთნოგრაფიის განყოფილების მიერ ფართოდ გაშლილ შემკრებლობით საქმიანობაში ქართული ეთნოგრაფიის ფუძემდებლის – გიორგი ჩიტაიასა და ეთნოლოგ ვერა ბარდაველიძის ხელმძღვანელობით. პედაგოგიური საქმიანობის პარალელურად იგი

სისტემატურად იწერდა მთიელთა ზეპირსიტყვიერების ნიმუშებს და ეთნოგრაფიულ მასალებს. ეს მასალები მოიცავს ხევსურთა და ფშაველთა რელიგიური და სოციალური ყოფის ძირითად მხარეებს. მის მიერ შეკრებილი განუზომლად ფასეული მასალების ნაწილი გამოცემულია: ფშავე-ხევსურული პოეზია (1970); სტუმარმასპინძლობა ხევსურეთში (1980); ქართული ხალხური დღეობების კალენდარი ხევსურეთი (არხოტის თემი) (1988); ქართული ხალხური დღესასწაულები აღმოსავლეთ საქართველოს მთაში, ფშავე (1991); ქართული ხალხური დღეობების კალენდარი, ხევსურეთი (ბუდე-ხევსურეთი, შატღილ-მიღმახევი) (2005); ალექსი ოჩიაურის გამოუქვეყნებელი ხელნაწერები დაცულია ივ. ჯავახიშვილის ისტორიის და ეთნოლოგიის ინსტიტუტის არქივში. ესენია: თქმულებები ხევსურულ ღვთაებათა და ღვთისშვილთა შესახებ (1938); ფშაური წაწლობა და ნადობ-ნაძმობა, ნ. ბალიაურთან ერთად (1941); მასალები სამამო მიწათმფლობელობის შესახებ ხევსურეთში (1950); სახატო მიწები ხევსურეთში; ხევსურეთის ზოგიერთი ამბები (1950); ხევსურული მასალები (1937, 1948-1951, 1949, 1950) და სხვ.

ალექსი ოჩიაურს და ნათელა ბალიაურს 4 შვილი ჰყავდათ – ორი ქალი და ორი ვაჟი: ბოტანიკოსი დედოქა და ეთნოლოგი თინათინი, რომელსაც დიდი წვლილი მიუძღვის მამის ხელნაწერების გამოქვეყნებაში. მისივე ინიციატივით მომზადდა წინამდებარე წიგნიც, რომლის გამოცემაც მის სიცოცხლეში ვერ მოხერხდა. ალექსი ოჩიაურის ვაჟები ცნობილი მოქანდაკეები - ირაკლი და გოგი ოჩიაურები იყვნენ.

ალექსი ოჩიაური გარდაიცვალა 1972 წელს. დაკრძალულია სოფელ შუაფხოში.

ღირსეული მტრობის ზიჯრო ბილიკეზე

„რა კატარა არის სჰართველო და რა ღიღი ამბეზი ხდეზა“.

რეზო ჭეიშვილი

აღექსი ოჩიურის ეთნოკულტუროლოგიური ნაშრომი „მოსისხლეობა და ჭრა-ჭრილობა ხევსურეთში“, რომელიც დაგვიანებით ქვეყნდება წიგნად, ნატურალისტური სიცხადით და დოკუმენტური სისწორით ათვალსაჩინოებს კონკრეტული კუთხის ჰეროიკული ისტორიის ერთ უმნიშვნელოვანეს მონაკვეთს, მოთხრობილს მეანდრეზე რჯულისკაცთა, ჯვარხატების მოწმიდარ მსახურთა თუ რიგით „ერისაგანთა“ მიერ. ესაა არასტანდარტული, ერთობ მრავალფეროვანი ნაკრები საუკუნისწინანდელი სისხლიანი ამბებისა, მთიელთა ცხოვრების წესის მკაფიო გამოვლინებებისა, სადაც ფანტაზიისა თუ მხატვრული წარმოსახვის მკრთალ კვალსა და განასახსაც ვერ აღმოაჩენს თუნდაც დეტალებზე ორიენტირებული ცნობისმოყვარე მკითხველის მახვილი თვალი. და, ამდენად, ინტერესი და სანდოობაც დიდია მართალ და სიტყვაშეუშლელ ხალხურ მემკვიდრეთა შეუღამაზებელი ნაამბობის მიმართ.

უამწიგნოდ, დღეის ამას იქით, ჩვენი უნიკალური ეთნოკულტურის მთლიანობაში დანახვა და გააზრება, შეიძლება დანამდვილებით ითქვას, სრულფასოვანი ვეღარ იქნება. და ამიერიდან მოულოდნელობებით აღსავსე ზეპირი ისტორიების მოყვარულთათვის იხსნება დიდწილად ახალ, აქამდე მოუხილველ „საკვირველებათა“ სამყაროს კარი, რომლის სიღრმეში ზნეობრივი გმირობისა და უსასტიკესი შურისძიებების, მშობლიური მამულწყლისა და თვისტომთათვის უყოყმანო თავდადების, ღირსეული მტრის საკადრისად დახვედრისა და ჯეროვნად დაფასების, უშიშარ მოწინააღმდეგეთა დანდობისა და პატივისცემის ზოგადსაკაცობრიო მასშტაბის მოტივთა მკაფიო ანარეკლები იკვეთება...

აღ. ოჩიურის უკიდევანო დვაწლსა და დამსახურებას ეროვნული ეთნოლოგიის სფეროში ემატება კიდევ ერთი ქვაკუთხედი, კიდევ ერთი ფუნდამენტური ნაშრომი, რომლის წყალობით ჩვენი ცოდნისა და გამოცდილების დასაზღვრული სივრცე ბევრი ღირებული წიბო-წახნაგით უნდა შეივსოს.

აღ. ოჩიური უშუალო მხილველი და მონაწილე გახლდათ ხევსურეთში მომხდარი არაერთი „საარდარაო“ ამბისა და დრამატული მოვლენისა; მას მონაწილეობა მიუღია სამკედრო-სასიცოცხლოდ წაკიდებულ მოსისხლეთა შერიგების ურთულეს პროცედურებში. საკუთარი (და ხშირად გადამწყვეტი) სიტყვა უთქვამს ხევსურული რჯულ-სამართლის განმტკიცებისა და ქმედითუნარიანობის ამადლების საპასუხისმგებლო საქმეში... მის თვალწინ ხდებოდა სალოცავებისთვის

„სამეშველოს“ შეთქმა და ჭირისპატრონთან „სამანანულო“ საკლავით მისვლა, მკვლელის „ჯვარში შაჯდომა“ და „თოფის აღება“, დაზარალებული მხარისთვის „რიგის ყენება“ და „საძმოს გაღება“, „პატივის დაღება“ და „დრამის“ მიცემა, გაარჯლებული ჭრილობის მკურნალობა და „სააქიმოს“ გადახდა, ფიცვერცხლით შერიგებულთა დაძმობილება და ქვრივი ანდა ქმარსგაყრილი ქალის „კვეთილში“ ჩასმა... და ყოველივე ეს მყარი პოსტულატებია საიმისოდ, რომ „წინიდგე თოფით, ხმლითა და ისრით“ თავშენახული ეთნოსის მრწამსს, მის მონოლითურ ერთიანობასა და შინაგან შეუვალობას გაბზარვის საფრთხე არ დამუქრებოდა. დაუწერელი იურიდიული კოდექსის ძალით ინარჩუნებდა ხევსურეთი სულის სიმტკიცეს, „ჭირსა შიგან გამაგრების“ საარაკო უნარსა და „სახელმწიფოებრივ“ სუვერენიტეტს...

ორიოდე სიტყვა ნაშრომის დასათაურებაზე: შეიძლება ითქვას, რომ ის მხოლოდ ნაწილობრივ ფარავს უმდიდრესი სპექტრის მომცველი კარდინალური საკითხებისა თუ უტყუარად გადმოცემული ყოფითი ამბების იმ ერთობლიობას, რაც ამ ნაშრომის გულისგულურ ნაწილს შეადგენს. სხვაგვარად: წიგნი არ ეხება მხოლოდ ჭრა-ჭრილობასა და მოსისხლეობას ხევსურეთში. მისი თვალსაწიერი გაცილებით ფართოა. გამომდინარე აქედან, ამ წიგნით, გარდა ეთნოლოგიებისა, უეჭველად დაინტერესდებიან ისტორიკოსები და ფოლკლორისტები, ლინგვისტები და სოციოლოგები, ფსიქოლოგები და მედიცინის მუშაკები რელიგიისა თუ ძველი კულტურების მკვლევრები და, რაც მთავარია, სამართალმცოდნეები, ვისთვისაც უადრესად ფასეული და პრაქტიკაში გასათვალისწინებელი ფაქტობრივი მასალაა თავმოყრილი წინამდებარე გამოცემაში...

* * *

რამდენიმე მოკლე ამონარიდი ნაშრომიდან:

„სულ ძველ დროს წესი ყოფილა საბნელოს შაჯდომა მამკლავისა და იმით თავის მაკდა, სისხლის მაშორება“... „მთიელები როცა ერთიმეორეს ლაშქრავდნენ, ქალებთან სრულ თავდაჭერილობას იჩენდნენ და ცუდი თუ რამე ვისმეს ჩაედინა, თავისი ამხანაგები არ აცოცხლებდნენ. აგრეთვე პატივს სცემდნენ მოხუცებს და ბავშვებს“...

გონივრული დასკვნების გამოტანა შეიძლება ამ ამონარიდებიდან. ეროვნული თავისთავადობის შენარჩუნების უალტერნატივო აუცილებლობა მოითხოვს ამას. წინაპართა ნაცადი გზიდან განზე გახვევას სიკეთე არავისთვის მოუტანია. დაკარგულის (თუ დავიწყებულის) ძიების საჭიროებას ჩვენი დღევანდელი არასახარბიელო მდგომარეობა გვკარნახობს; მდგომარეობა, რომელიც საყოველთაო ინტეგრაციისა და გლობალიზაციის პირობებში წაშლას და წალეკვას უქადის ყოველივე ეროვნულს, ჩვენეულს, ქართულს...

განსაცვიფრებელია ალ. ოჩიაურის არაოდრინარული ნიჭი და უნარი, მეხსიერებაში აღიდგინოს და ფურცელზე უდანაკარგოდ გადაიტანოს ხალხურ მოხრობელთა თუ ინფორმატორთა ნათქვამ-ნაამბობი. სამაგალითოა ნარატორებთან მისი მუშაობის მანერა და მეთოდი...

ოთხი სახელოვანი შვილის მამა ამ თვალსაზრისითაც მისაბაძი მოღვაწე, მოძღვარი და მასწავლებელია...

* * *

როცა ხევსურეთში უანდრეხო ამბები ხდებოდა (ვთქვათ, ქალის მკვლელობა) და აქაურ კითხულკაცებს უჭირდათ უმწვავესი ვითარების განმუხტვა, რჩევის საკითხავად ქისტეთიდან მოჰყავდათ „მაცოდარი“ ადამიანები! ქისტები, თავის მხრივ, არხოტში აგზავნიდნენ თავიანთ წარმომადგენლებს, რათა თათია ბალიაურისა თუ სხვა ხევსური ბრძენკაცებისგან მოესმინათ უპრეცედენტო ცხოვრებისეული ფაქტების სამართლებრივი შეფასება...

ერთმანეთზე ნადირობდნენ (სხვა რა უნდა ვუწოდოთ იმას, რაც ხევსურებსა და ქისტებს შორის მაშინ ხდებოდა!), საზღვრებზე დღე და ღამ ვეშაგებად იდგნენ, მეწვერეობასა და მენაპირეობაში იწრთობდნენ, არ ემეტებოდნენ და მაინც კლავდნენ („ელდასავით მაგარი“ დიღღველი ჯერნალის შემთხვევა!), „სირცხვილიანის სიარულს სიკვდილი ერჩიათ“, თემიდან თემში „სახელის მისალოცავად“ მიდიოდნენ და, იმავდროულად... ერთურთს იურიდიული ნორმების დადგენასა და მოგვარება-მოწესრიგებაში ეხმარებოდნენ!...

* * *

ნაშრომის რამდენიმე ეპიზოდში მეორდება საკვანძო სიუჟეტური დეტალი, რომლის პირდაპირი გამოძახილია ვაჟას „აღუდა ქეთელაურის“ შესაბამისი ფრაგმენტი.

როგორ ეპყრობა ზნესრული ვაჟაკაცი მისგან მოკლული „სალირალი“ მტრის ცხედარს?

აღუდამ ცდაგაცუდებულ მუცალს იარაღები არ აჰყარა: ხანჯალი თავით დაუღო, თოფი გულზე, ხოლო მკლავზე – ფრანგული ხმალი. ამის მერე ცხონება და გვარის დღეგრძელობა უსურვა. ბოლოს კი: „სიგრძივ გაჰხურა ნაბადი, ზედ გადაადგა ფარიო“.

ახლა ვნახოთ, როგორია აკვარგიანი ხევსურების ქმედება და საქციელი მსგავს სიტუაციებში: „ჩოდრიშვილმა ტუჩა გზის თავზე შამოაწვინა, დაამკაცრა, თოფიც გვერდზე დაუწვინა, მისივე ნაბადი დახურა და წამოვიდა“. „დახოცილი ქისტები წყლის პირზე შამააწვინესა-დ იმათივ ყარწიკებ შამახურეს. წამავიდეს, იარაღი არ წამავიდეს, იმ დროს წეს არ იყვ, მაკლულს იარაღს არ აჰყრიდეს ადვილად...“

მთიელ მოყმეთა ქცევის ნორმების განმსაზღვრელ მედიატორთა („კაც-შუაკაცთა“) გონივრულ გადაწყვეტილებებზე იყო დამოკიდებული მშვიდობიანობის შედარებით ხანგრძლივი პერიოდების ჩამოგდება დაპირისპირებულ მხარეებში.

დაფიქსირებულია ისეთი შემთხვევებიც, როცა ორ გვარს შორის ატეხილი შუღლის მიზეზად მავანი ქალის ცუდი ენაპირი სახელდება და რამდენიმე მკვდარი ერთდროულად ასვენია ერთსა თუ ურთიერთმომიჯნავედ მდებარე რამდენიმე სოფელში...

აღ. ოჩიაური არ იზღუდება მხოლოდ არხოტის თემის სინამდვილით და გვაცნობს შუღლის, ჭრა-ჭრილობისა თუ გრძელვადიანი მოსისხლეობის ღირსსახსოვარ მაგალითებს შატილ-მიღმახევისა და ბუდე ხევსურეთის უახლოესი წარსულიდან... წიგნში იხსენიებიან ის თვითნასწავლი აქიმები თუ დასტაქრებიც, ვისმა სამკურნალწამლო საიდუმლოთმცოდნეობამ „სარჩობაზე“ დააყენა და გამოამჯობინა მძიმედ დაჭრილ-დაჩეხილი, გაუსაძლისი ტკივილების დამთმენი არაერთი ხევსური ახალგაზრდა. ეს მკურნალებია: კარწაულთელი მშაველათ გიგია, არხოტიანი ალექა ოჩიაური, ჯუთელი მინდიათ შიშია, მუცოელი თათო დაიაური, შატილიონი გუგუა ჭინჭარაული, არჭილოელი ფაშქოშა, გუროელი ბერდია გოგოჭური (მკურნალობდა მხოლოდ ჯიხვის ნაღველით).

* * *

წიგნში თავმოყრილი ამბების უჩვეულო აზრობრივი დიაპაზონისა თუ შინაარსობრივი განზომილების გამო იქმნება შთაბეჭდილება, რომ თვითიველი სიუჟეტი, ყოველი ცალკეული ტექსტი თუ წიგნის ნებისმიერი მონაკვეთი რაღაც ტრაგიკულად დიადის, ამაღლებულის, ასე ვთქვათ, შემზარავი სილამაზის წარუვალი განცდითაა გაჯერებული.

არ გვაქვს უფლება, კვალიფიციური ავტორის კომპეტენციაში ჩავერიოთ და შევარბილოთ და შევამსუბუქოთ თუნდაც ყველაზე უფრო მძიმე, სასტიკი, დაუნდობელი ეპიზოდები...

იმისათვის, რომ გავიგოთ და გავაცნობიეროთ, „რაისთვის აქებდა ქისტებს ბერდელა“ (ანა) და რატომ ეძებდა ხევსურეთში „საფერი“ „საფერს“ (ვეფხვისა და მოყმის ბაღადაც გავიხსენოთ: „შენც იმის საფერ ყოფილხარ...“), საჭიროა გულდასმით წავიკითხოთ და შეძლებისდაგვარად გავიშინაგანოთ ეს მართალი, „მოუსყიდველი“, ჭეშმარიტების მაუწყებელი არაორდინარული ისტორიები...

ამირან არაბული
ფილოლოგიის მეცნიერებათა
დოქტორი, პროფესორი

შ ე ს ა ვ ა ლ ი

როგორც ყველგან, ისევე ხევსურეთშიც ჩხუბი (შუღლი) ბევრ რამეზე ხდება: ქალ-ვაჟის საქმე, ადგილ-მამულის საზღვრის გადალახვა-მითვისება, ჭირნახულის წახდენა და სხვა მრავალი. უფრო ხშირ შემთხვევაში სმაში ხდებოდა ჩხუბი. მაშუღლარი (მონხუბარი) კაცი სახელოვან კაცად ითვლებოდა. „ველგამოტანილი კაცი“, მაგას ერთ კაც ვერ დახკრავს, ხუთთ ჭრისა-დ ხუთთ უფარებს, ერთ მგელ ვერ შაშჭამს, სიწითეს ვერ ვინ გამაართომს (ვერაინ დაასისხლიანებს), ეგეთ შვილ უნდა გაზარდას დედამ, ნეტავ მაგის დედას!“ – ასე მრავალ საქმე სიტყვებს იტყოდნენ მაშუღლარ კაცზე და, ხშირ შემთხვევაში, ისიც აყვებოდა ქებას და ამაყობდა. ამას კიდევ არ დაელოდა ტოლი და თუნდაც მჯობი. ასეთი ამაცი ახალგაზრდები ქალებსაც მოსწონდათ და საქმე ლექსებს ეუბნებოდნენ. ამაზე ახალგაზრდებში ჩამოვარდებოდა შური და ქალების გამჩვენებობას (სხვისთვის საჩვენებლად რამის კეთება) ხშირ შემთხვევაში შუღლობდნენ, ვინ-ვის სათითოთ (დაჯიანთ) სცემდა, ხანჯრით და ხმლით ჭრიდა და სხვა. სათითოთ ცემა იმდენად სასახელო არ იყო, რამდენადაც ხანჯრით და ხმლით ჭრა. ხანჯრით ჭრა და ხმლით ჭრა უფრო სასახელო იყო, თუ მსუბუქად იქნებოდა დაჭრილი. თუ მძიმედ დასჭრიდა, იტყოდნენ: „დაშინებულმა ვეღარ გაიგო და მძიმედ ჭრაო“. ან იტყოდნენ: „ეგ რა კაცი, იარაღის ჳმარება არ იცისო“. სათითოთ თუნდა ძალიან დაესისხლიანა, მაინც იმდენი სისხლი არ იყო. ხანჯლით მიყენებული ჭრილობა, თუნდა სულ მცირე ყოფილიყო, ესახელებოდათ. სათითოთ ნაცემზე არც გადასახადი რამე იყო, მარტო არაერთ მივიდოდა დამნაშავე და შეირიგებდა ნაცემს. ხანჯრით დაჭრილს კი თავისი საკუთარი სამართალი ჰქონდა, იმის მიხედვით, თუ სხეულის რა ნაწილი იყო დაჭრილი და რამდენი სიდიდის ნაჭრევი იყო (ამაზე მე აწერილი მაქვს ხევსურეთის რჯული და გადაცემულია მეცნიერებათა აკადემიის ეთნოგრაფიის განყოფილებაში). შუღლი ჯოხით და ქვით ხევსურეთში სირცხვილი იყო. „ეგ რა კაცია – ტყოდნენ – ბარის კაცივით ქვითა-დ ჯოხით შუღლობსავ“. თოფითაც არ შუღლობდნენ, თუ თავ-სისხლი არ ემართა. თოფით მაშუღლარსაც დასცინოდნენ: „იარაღით ახლო მისვლა ვერ გაბედაო-დ შორითავ თოფ ესრივავ“. სათითოთ დაკაწვრა უბრალო შუღლში ხდებოდა, როცა წინანდელი მტრები არ იყვნენ და რამე უბრალო საქმეზე იშუღლებდნენ. მერე როცა გამწვავდებოდა მტრობა და ერთმანეთს დაემუქრებოდნენ, უკვე სათითოთ შუღლი აღარ იყო. შეხვდებოდნენ ერთმანეთს და მაშინვე ხანჯარსა და ხმალს ამოიღებდნენ და იმით ხდებოდა შუღლი. ერთიმეორისაგან რომ ცუდ რამეს გაიგონებდნენ, მაგ. ცუდ ნათქვამს, დიაცის გაღანძვას და სხვა მრავალ ასეთს, მაშინ მტრობას დაუბარებდნენ: მტერი ვარ, სადაც შეგხვდები, მზას იყავი, სუდარი უბით ზიდე (ატარე), სადაც შეგხვდები,

ან შენ მახკვდები, ან მეო. მაგალითისათვის ერთ ასეთ მუქარის, ანუ მტრობის დაბარებას მოვიყვანო. სოფელ ახიელში მცხოვრებ გარსია ოჩიაურს შუღლის დროს შემოეჭრა მეშველი ჯუთელი ქალი, ე.ი. შემთხვევით მოხვდა სხვისთვის მოქმედი ხანჯარი და ქალი დაიჭრა. ამ ქალს ყავდა ბიძაშვილი გიგიტა არაბული, შუღლით სახელგანთქმული კაცი. გიგიტამ დაუბარა გარსიას: „უპატრონო ხო არ გგონავ ეს ქალი, რო ხანჯარს შააჭერი? რადარ ისრ ამიილი იარაღი, რო მეშველ არ შაშჭრიყვ? ეხლა მე მტერი ორ, სადაც შაგხვდები, ან შენ მახკვდები-დ ან მე. სუდარი უბით ზიდი, სადაც წახოლ, თორე რო შაგხვდები, იცოდ, რო დაგჭირდების”.

გარსიამ დაუბარა: „აქ დუქან არცად ას, მანდ ყაზბეგისკეს ას დუქნები. შენ იყიდი სუდარი, ზიდი. მე გიზამაობით არავის დაგკარით, იშობარ მამივიდა-დ, თუ არ დაიშლი, სადაც შავიყრებით, თან კი იქონიე, ან შენ გამაგადგებისა-დ, ან მე ის სუდარი”.

მანამდინ შავიყრებოდესა-დ იშუღლებდეს, აუტყდ კაც-შუაკაცი, შაარიგნეს. გარსიას დაადგეს საკლავითა-დ სასმლით შინ მისვლა (შინ მისვლა უდრის ხუთ ძროხა დრამის მიცემას). გარსიამ მიღგვარ ერთ საკლავი-დ ერთ ქინთ არაყ მიუტან. მაიყვანეს ხუცესი-დ საკლავი ორთავ სამწყალობნელოდ დაკლეს ჯუთის წმიდა გიორგიში. ხუცესმა შეახვეწა: „ერთუცის მოდავეთ სწყალობდიო, რაც ავ ჩამოუფარდავ, ნუღარას მარცხსა-დ ზიანს ჩამაუგდებავ, დაინდვენ დალოცვილო ჯუთის წმიდაო გიორგიო, როგორც დაინდობენ ერთუცს! აქამდენ მტრობა ხქონდა-დ აწიდგე ძმობაი-დ ერთუცის ნლობა-სიყვარულ მიეცი”. საკლავის ტყავი შუაკაცებს მისცეს, ხორცი ადუღეს, კაც-შუაკაციც, მეზობლები-დ თავისებოც ყველა აწიესა-დ არაყიც სვეს. არაყ რო წამაასხეს, წინწინა ყანწები უფროსებს მისცეს, იმათ დალოცეს ორივე მხარე და უსურვეს ამის შემდეგ ძმობა და მეგობრობა. ბოლოს ყანწი გიგიტას მისცეს, როგორც უმცროსს. გიგიტამ გარსია ადღეგრძელა და უთხრა: „მე ძალიან ვცდილობდი შავყრისა და მარტოთ გვეშუღლ, მაგრამ არ იქნ. ძალიან ვიყავ გაჯავრებულ შენკე. მუქარაიც დაგიბარე-დ შენ სიტყვა ძალიან მამეწონ: შენ ზიდევ უბითავ სუდარიო-დ ერთ-ერთს გამაგადგებისავ. შენ თუ დაბალი შამაგექცივ, უფრო არ მესიამოვნებოდ. მაშინ მიაც ვთქვი, რო მაგ კაცსავ გიზამაობით არა დაუკრავავ ჩვენდავ, იშობარ მაუვიდაო-დ იმით თამამად ასავ. მე მაინც მაგარ კაცი-დ მაგარ სიტყვა მამწონს; მემრ კი გადავსწყვიტი შარიგება, ცოდოიავ, ვთქვი, მაგარ ოშკაციავ, იშობარ მაუვიდაო-დ დავანებავ თავივ. თორე რო შავიყარნათავ, ერთმანეთს დავასახინრებთაო-დ მემრავ იქავ შარიგება გვინდაო-დ ეხლავ შავდრიგდათ, სჯობავ. დმერთმა ამ შუაკაცებსაც უშველას, კაის თქმადა-დ კაის გონებად ნუ დალივნას. შუ გაგვიარესა-დ შავვარიგნეს. ჩემის გულისად კი ამ შუაკაცებს ფეკზე ადგომაიც არ ეკადრებისა-დ იმით გაუგონი მიაც. აქამდენ

მტერ ვიყავი-დ ააწიდგე მაკეთე ვიქნები-დ ძმასავით ძმა გარსიასი. გამიშვა-დ გამითაგებავ ჩვენ მტერობაი”. გიგიტამ ეს ყანწი გამოცალა, მერე შუაკაცები ადგნენ. ეს ყანწი ისევ არაყით აავსეს, გიგიტაი და გარსია ერთად დააყენეს, ავსენეს ჯუთის და არხოტის სალოცავები, ყანწში ვერცხლი ჩაუფხიკეს და ორი ერთი-მეორის მოწინააღმდეგე მტერი ამობილეს. ის ყანწი, ერთი-მეორის სადღეგრძელო, ორივემ ნახევარ-ნახევარ დალია. მერე ისევ არაყით აავსეს და კიდევ მათვე ნახევარ-ნახევარი დალიეს (ამ უკანასკნელ ყანწს წამოსარეცხი ჰქვია, რომ ყანწში ფიცის ვერცხლი აღარ დარჩეს) და მერე შუაკაცებმა დალიეს მათი სადღეგრძელო და კიდევ უსურვეს შერიგებულთ ერთი-მეორის ძმობა და დანდობა. ამის შემდეგ გაგრძელდა ჩვეულებრივი სმა. საკლავის ხორცი რომ მოიხარშა, ტაბლა დადგეს და სასმელსა-დ ტაბლას ორთავ მკედრებისად უთხრეს შანდობა.

ასე ხდებოდა შუღლი და შუღლს ხშირ შემთხვევაში მოყვებოდა ჭრა-ჭრილობა. ჭრა-ჭრილობას მოყვებოდა მამკლავ-მამკედრობა. ამიტომ გვინდა დაიწეროს ჯერ შუღლი (მომხდარი ამბები) და ჭრა-ჭრილობა და შემდეგ მოსისხლეობა, ე.ი. მამკლავ-მამკედრობა. ეს იმიტომ, რომ მამკლავ-მამკედრობა და შუღლი ერთი-მეორეში არ იყოს არეული. ვისაც შორიდან გაუგონია ეს ამბები, ყველანი არა, მაგრამ ზოგიერთები უბრალო შუღლსაც მოსისხლეობას ეძახიან. მოსისხლე კი მამკლავი და მისი გვარია მოკლულისა და მისი საგვარეულოსი. აქ პირველად საჭიროა ზოგიერთი იშობრები (უცბად, მოულოდნელად, ძალაუნებურად, თავის სურვილის გარეშე, შემთხვევით მომხდარი ამბები) მოვიყვანოთ და მათი შერიგება-დაბოლოებანი ხევესურულ წესებში.

მონადირენი – აღუა და ბიბიტა

სოფელ ჭიმლაში (არხოტის სასოფლო საბჭო) ცხოვრობდა ნადირობით სახელგანთქმული კაცი აღუა (მონადირედ ხევესურეთში ითვლება მარტო ჯიხვებზე მონადირე კაცი; დანარჩენ ცხოველებზე და ფრინველებზე მონადირე მონადირედ არ ითვლება). აღუამ ბევრჯელ მოკლა ერთ სროლაში შვიდი-რვაშინი ჯიხვი. იმის სახლი ისე სავსე იყო ჯიხვის გვერდებით, რომ ადგილი აღარსად იყო, რომ შესულიყო კაცი (არხოტში ჯიხვის გვერდებისა ჭერში იცოდნენ ჩამოკიდება და გაშრობა). ერთ ცოლთან ერთი ქალი ყავდა და სხვა შვილი აღარ ეყოლა, მეორე ცოლიც მოიყვანა, მაგრამ არც ამასთან ეყოლა შვილი. ხალხი ამბობდა: ბევრ ნადირს რომ ხოცს, ნადირთ წყემსისაგან არის შემოწყეული და შვილი იმიტომ აღარა ყავსო. აღუა დადიოდა მკითხავებთან, ხოცდა ჯვარებში საკლავებს, კურეტებს, ხარებს. სწირავდა ვერცხლს, სხვადასხვა შესაწირავეებს, მაგრამ მაინც არ იქნა, ასრულებოდა სურვილი. ხალხმა დაამტკიცა: უეჭველად ნადირთ წყემსის შემოწყეულიაო. მაგათი გვარი შემოწყეული იყო მზემამსწვრალი ეშმაისაგან (გაბურთ ეშმა). ბავშვებმა რომ ჭმლის ქარქაშიდან მისი ფრჩხილები წამოყარეს და გაიქცა (გაბურთ ეშმა აწერილია და ინახება საქ. აკადემიის ეთნოგრაფიულ განყოფილებაში), მაშინ გაბურთ ეშმას დაუწყევლია: „შვიდს მამასამც ნუც გაღბევრდებითა-დ, ნუც გასთავდებით!“ ეს დაწყევაც ხომ შვიდ მამამდინ იყო, ახლა მეათე მამა არის მას შემდეგ. მაშ, ნამდვილად აღუა უნდა იყოს ნადირთ წყემსის დაწყეული! აღუას ერთხელ დამისთევეები ქონდა იმ მიზნით, რომ რომელიმე ჯვარი შეიწყნარებდა მის ვედრებას და შვილი ეყოლებოდა რომელიმე ცოლთან (ორი ცოლი ყავდა), შვილი და ისაც ვაჟი, წილის პატრონი (ვაჟს პატრონს ეძახდნენ ხევესურები, „ქალი სხვათ ყორის ქვაიას“, – იტყოდნენ, – „ქალი სხვათა გვარს ამრავლებსა-დ ვაჟი თავისას). არხოტში არც ერთი გვარი არ იყო, რომ აღუა საკლავით ან კურეტით არ მისულიყოს. ახლა ყველა ჯვარები ისტუმრა, დროშები ბანზე არ ეტეოდა და ხალხი, იმდენი ჯვარიენები მიიყვანა. ყველა ჯვარს თითო საკლავი შეაკლა, დამის სამთეველო და ჟამსაწირი ჩვეულებრივი, ლუდი და არაყი სხვა იყო. ჯვარიენები იქაურის წესით წმიდად არიან და სიზმარსაც მნიშვნელოვანს ნახავენ. მკითხაობაც ეადვილებათ, უფრო ხუცეს-კველოსნებს და ხანდახან დასტურებსაც. ჯვარიენები რომ მოუვიდნენ, ჩვეულებრივი წესები – საკლავის დაკვლა, ჯვარიონთად მოვლა და სხვა, ყველაფერი შეასრულეს (დამისთევის წესები აწერილია რელიგიურ დღესასწაულების აღწერაში). თენების დრო იქნებოდა, რომ დაიძინეს. აღუას იმედი ჰქონდა – დილას რომელიმე ხუცესი ან ხელოსანი, ან დასტური სასარგებლო სიზმარს ნახავდა და აღუას ეტყოდნენ. თუ ვინმე შვილის (ვაჟის) შეძენაზე რამეს ეტყოდა, რომელი ჯვარიც მითხოვდა საკლავს, კურეტს თუ ხარს, მზად იყო და მაშინვე შეასრულებდა.

ამ დროს არხოტის ჯვარის (მიქიელ მთავარანგელოზის) დასტური იყო ადუას უმცროსი ცოლის დედიძმა იონა. დილაზე რომ გაიღვიძეს, ადუამ ჯვარივნებს არაყი მიუტანა ლოგინში თავის მოსარჩენად. თან თვალყურს ადევნებდა – ვინ რას იტყოდა. სხვამ არავინ უთხრა ისეთი, რაც ადუას ესიამოვნებოდა. იონამ უთხრა, – მე ისეთი სიზმარი ვნახე, თეთრი მოზვერი რომ გყავთ, ის უნდა არხოტის ჯვარში დახვალა და შენს უნცროსს ცოლს ვაჟი ეყოლებათ. ადუამ ამაზე მაშინვე მადლი მოსთხოვა არხოტის ჯვარს და შეუთქვა ეს კურეტი. ჯვარი რომ სასტუმროდან დაბრუნდა, მიაყოლა ადუამაც კურეტი და დაკლა არხოტის ჯვარში. მაგრამ იმედი გაუცრუვდა, იმის ცოლებს შვილი არ ეყოლათ, არც ვაჟი და არც ქალი. მაგრამ იმედი შემდეგისთვის ისევე ჰქონდა. ამთვენ ზღვნობა არ დაიკარგებისავე ჯვართანავე, მაგრამ ხალხს კი მაინც ერთი და იგივე სჯეროდა, ადუა ნადირთ წყემსისგან არის შემოწყეული და შემოწყეული მაშინ, როცა ყველა დახოცა, რაც ერთ ფარაში იყო (მონადირეები ერთს ან ორს ცოცხალს გაუშვებდნენ, იმის შიშით, რომ მთლიანად რო გაეთავათ ნადირნი, იმათ წყემსი დასწყევდ „ქოლდ ნადირთ გათავებისად“). ადუას როგორ მოუვიდა, არ ვიცი და ერთს თოფვაში სრუ გაეთავნეს ნადირნი. აი, მაშინ იყო საეჭვო შემოწყეველა.

მეორე მონადირე იყო გიგიტა ცისკარაული სოფელ ახიელიდან. მას ესეთი შემთხვევა არ ჰქონია, რომ ნადირნი სრუ გაეთავნენ, მაგრამ თითო წასვლაზე ოთხ-ხუთს კი კლავდა. ხალხი გიგიტაზედაც ამბობდა, რომ მეტად ბევრს ნადირობს, ბევრსა ხოცავსო და კარგი არაფერი დაემართებაო. მხოლოდ შეწყველა და ასეთი კი მასზე არავის უთქვამს. მას ცოლი ნათხოვი (დანიშნული) ყავდა, მოყვანილი კი არ ყავდა.

ეს ზემოთ აწერილი ორი მონადირე შეპირდნენ ერთმანეთს და ერთის კვირით წავიდნენ ქისტების საზღვარზე, სახელდობრ ტერდას, სანადიროდ. ტერდას ბევრი ჯიხვები იცოდა, რადგან არხოტივნები და ქისტები ერთი-მეორის მტრები იყვნენ და ერთი-მეორეზე ნადირობა უფრო ეხალისებოდათ და ესახელებოდათ, ვიდრე ჯიხვებზე ნადირობა. ამიტომ ტერდას იშვიათად დადიოდნენ მონადირეები. ერთი-მეორის შიშით წასვლას ვერ ბედავდნენ, თუ რისკს ვინმე გასწევდა და წავიდოდა, იქ ძალიან ფრთხილად იქცეოდა. დურბინდით მტერს ათვალთვლებდა, ვიდრე ჯიხვებს, – არსად ჩამისაფრდეს და მომკლასო. ასეთ საშიშ სანადირო ადგილას წავიდნენ ადუა და გიგიტა ერთი კვირის საგძლით. ადუა ჯიხვებს რომ დაინახავდა, თურმე ისეთი სწრაფი სროლა იცოდა, რომ კაცი თვლას ძლივს მოასწრებდა. ისე განერვიულდებოდა, აღელდებოდა, რომ გაგიჟებულს დაემსგავსებოდა; ისედაც ძალიან ფიცხი კაცი იყო. ტერდას რომ მივიდნენ, ჯერ დაათვალთვლეს და იქ ვერავინ შენიშნეს. მერე დაიწყეს ნადირობა, დურბინდებით ნახეს ერთ-ერთ ჯიხვების საწოლში დაწოლილი ჯიხვები (ჯიხვები დღისით წვანან და საღამო ხანზე ჩამოვლენ საწოლებიდან და მთელი დამე სძოვენ. თენებას რომ დაიწყებს, ისევე მადლა წავლენ საწოლებში. საწოლები უფრო

ათეგრებული აქვთ ისეთ ადგილებში, საიდანაც მიდამოები სჩანს და მონადირე ადვილად ვერ მიეპარება. მონადირეებმა იციან, სად არის ჯიხვების საწოლი და იქ ათვალეირებენ და ისე მიდიან, რომ ჯიხვებმა საწოლებიდან არ დაინახონ. აგრეთვე მიდიან ნიავის მოწინააღმდეგე მხრიდან, რომ ჯიხვებს ნიავი არ დააყაროს – ადამიანის სუნს შორს გრძნობენ ისინი და არ დაფრთხნენ). აღუამ და გიგიტამ აირჩიეს ნიავის მოწინააღმდეგე მხარე და მიეპარნენ ჯიხვებს, დაუმიზნეს, ანიშნეს ერთიმეორეს და აუტეხეს სროლა, რამდენიმე მოკლეს და სხვები გაიქცნენ. აღუა განერვიულდა, დაავიწყდა, რომ თოფში ვაზნა იყო და თოფიც ფეხზე დაყენებული დარჩა. მოიბრუნა თავი საყუჩიდან, როცა ჯიხვები აღარ იყვნენ. თოფი უცბად დასხლიტა, გავარდა და გიგიტას ტყვია მოხვდა მუხლში. მუხლის ძვალის ერთი მხარე ტყვიამ გაიტანა. ამ დროს ჯიხვები მეორე გორზე გაჩნდნენ. აღუამ რომ ამხანაგი დაჭრა, შეკრთა, საშინლად ეწყინა და გიგიტას თოფი მიაწოდა: „აჰა, თოფ დამკარ შენაც“, უთხრა. გიგიტა ისეთი მაგარი კაცი აღმოჩნდა, რომ ამხანაგს უთხრა: „ნუ გეშინის, მე ისეთ არა ი მჭირს, აგერ ჯიხვებ მიდიან, ნუ გაუშობთ“. გიგიტამ კიდევ ესროლა და მოკლა ერთი ჯიხვი. აღუამ კი თოფი გადააგდო და გიგიტასთან მივარდა, დაუწყო ნატყვიარს სინჯვა. მემრე კი გიგიტაც ფეხზე ვეღარ ადგა, როცა ბევრი სისხლი დაღვარა და დაინახა, ერთი მხარე ძვალზე გატანილი იყო. აბა, რაღა ჯიხვების დრო ჰქონდათ. დაანებეს თავი ჯიხვებს. აღუამ გიგიტა აიკიდა და წამოიყვანა ქვეით. თანაც დაღამდა. დეკემბერი იყო და მთაზე ძალიან ციოდა. იქ არც შეშა-ტყე არის, ვეღარც ეხში მიაღწიეს, თანაც ძალიან დაბნელდა და კლდეში სიარული აღარ შეიძლებოდა. დაჭრილი ტანიანი, მძიმე კაცი იყო, დამჭრელი – მომცრო ტანის და ისე ადვილად ვერც ერეოდა; თან ფეხი ტკიოდა, ვეღარ ღუნავდა და ჩაკიდებული ფეხი კლდეებს ედებოდა. მეტი გზა აღარ იყო, დარჩნენ ერთ პატარა ქვიშიან ადგილას. აღუამ ქვიშა არგნით (სანადირო ჯოხი) გამოთხარა და დაჭრილი იქ დააწვინა, თავისი ყარწიკაც იმას დაახურა და დაჭრილის ყარწიკაც. თვითონ ამ სიცივეში დარჩა ჩოხის ამარა (ყარწიკა შალისაგან მოქსოვილი საწვიმარი, რომელსაც მონადირეები ატარებდნენ. ისედაც სოფელ ხალხს ყარწიკები ჰქონდა საწვიმრად).

ის ღამე დიდის წვალებით გაათიეს. თენება რომ დაიწყო, აღუა წავიდა ქისტების სოფელ ნეთხაში. ნეთხა იქედან უფრო ახლო იყო და არხოტი ამ მანძილთან შედარებით ხუთჯერ-ექვსჯერ უფრო შორს იყო. ქისტები და არხოტივები მტრები იყვნენ, უფრო ნეთხელნი, რადგან ის სოფელი უფრო ახლო იყო არხოტთან. მაგრამ ასეთ შემთხვევაში მტრობას თავს ანებებდნენ და ეხმარებოდნენ ერთი-მეორეს; აღუა მზის მოსვლის დროს მივიდა ქისტის სოფელ ნეთხაში. ისინი სტუმართმოყვარე ხალხი იყო. მიეგებნენ და უმაღვე ჰკითხეს მოსვლის მიზეზი. აღუამ თავისი თავგადასავალი უამბო და დახმარება სთხოვა. აღუას ვიდრე პურს აჭმევდნენ და ფეხზე ჯდნებს ხელმეორედ ჩაიცვამდა, ხუთი-ექვსი ახალგაზრდა ქისტი მოემზადა

და გაყვნენ მას. წაიღეს თან საკაცე და ფიჩხის ხეები. შუადღის დროს მიაღწიეს გიგიტასთან. ფიჩხები დაბლა დატოვეს, საიდანაც ჩამოთრა შეიძლებოდა, საკაცე კი იქ მიიტანეს. სახვიელი მიიტანეს, ჭრილობა შეუხვიეს, დააწვინეს საკაცეზე და წამოიყვანეს. მანამდინ კლდიანი იყო, საკაცით მოყავდათ. მერე ჩამოვიდნენ ისეთ ადგილას, საიდანაც გლუვი საძოვრიან-ბალახიანი რუვი იწყებოდა. ფიჩხი დააწვევს, ზედ ბლომად გრძელი ბალახი დაადვეს და ზედ ავადმყოფი დააწვინეს და ჩათარეს რუვ-და-რუვ. ის რუვი პირდაპირ ნეთხისკარ ჩავა და იქიდან ნეთხა ახლო არის. იქიდან საკაცით ნეთხას მიიყვანეს და ასმათის სახლში დააწვინეს. ასმათი ყოჩადი ქისტე იყო და ავადმყოფს კარგად უვლიდნენ. ადუა წამოვიდა და მომხდარი ამბავი არხოტში შეატყობინა. არხოტიდან ხალხი წავიდა და ავადმყოფი თავის სოფელში მიიყვანეს. ფეხი სულ მოტეხილი არ იყო. მუხლის გარეთა მხარე იყო და ძვალი და რბილი ტყვიისაგან გატანილი. რადგან ფეხი სულ მოტეხილი არ იყო, ამიტომ მოხერხდა ცხენით წამოყვანა. მაგრამ ისეთი სიცივე იყო, რომ წყალსარეგებში (წყალში გასვლა-გამოსვლის დროს) დასველდა და უზანგებში გაიყინა. ბევრი მოძრაობა ავადმყოფს აღარ შეეძლო და ახლა ფეხები დაზრა. მიიყვანეს სოფელში და, რადგან იმ დროს ნამდვილი ექიმი ხევესურეთში არსად იყო, ექიმად დააყენეს სოფელელი ექიმი. თან ჭრილობა, თან დაზრობა და გიგიტა ძალიან მძიმე ავადმყოფი შეიქნა, სასიკვდილოდ მიიწურა. ვიდრე ჯვართ ზღვნობის და მისი მორჩომა-დაბოლოების საკითხს შეგუდებოდეთ, აქ უნდა მოვიყვანოთ ამ ამბავზე გრანჯა წიკლაურის ნათქვამი ლექსი:

*ოკერო ხვენო ტერღო, სადგომო ჯიხვებისაო,
სრუ მუდამ სისხლით მასვრილო ხვენო და ქისტებისაო.
დადიან არხოტივნები, სანადიროლო სხვისაო,
ადუამა და გიგიტამ ფერი დაიდვეს მვლისაო,
შამავიარეს შავწყალო, ბოლოო ვორებისაო,
დაგაწიოკნეს ჯიხვებო, არ დაგიფერესთ სხვისაო,
ხემსამც მაუვა დამწყევსა ხიფართი ეშმაკისაო,
ამხანივს თოფი მაუხვდა, დღე დადგა ცოდობრლისაო,
ოღინათასა გივიას გული ზღებივა ქვისაო,
აისრაჲ თოფავს ნადირთა, ვითამ სრუ არა სჭირსაო.
მარტიათაი ადუა დასანანები მტრისაო.
მამრხალან რაკელ ადგილსა, შავწყალის წვერის ძირსაო.
გათენებს ხოკიანაი, დიდო ღამეო სთვლისაო,
ამაედ, ნუმც ამხკდები, ცისკარო თენებისაო,
გათენებისად მაგია სოფელო ქისტებისაო.*

*მელექსე თუ რას ხკითხულობთ, ნათქვამ ას გრანჯაისაო,
საღუქსოდ გამამიტენეთ თითო გილდ ხაზინისაო.*

ძალიან მწუხარე ავადმყოფი შეიქმნა. ფეხი დასივდა, დაჩირქდა და რამდენიმე ადგილას ჩირქი მოსდიოდა. მკურნალობდნენ სოფლური წამლებით. აყრიდნენ ბალახებისგან დამზადებულ წამლებს, რეცხდნენ წყლით ჭრილობებს, ღრუბელს დაასველებდნენ წყალში და ჩირქს იმით მოსწმედავდნენ ჭრილობის ნაპირებიდან. ძალიან გართულდა საქმე, მიმართეს მკითხავეებს. მკითხავეები სხვა-და სხვა მიზეზს ეუბნებოდნენ და ახოცინებდნენ ხატებში საკლავებს.

ამღაში, ჭიმღაში და ახიელში ყველა სალოცავებში დაკლეს თითო საკლავი. ზოგან შესწირეს ვერცხლის თასები, ქვაბები სპილენძისა, ზოგან კიდევ შაუთქვეს, რაც ხელზე არ ჰქონდათ. ეუბნებოდნენ მკითხავეები: ხიფათი ეშმაკისაგან არის და ხთიშვილთ უნდა უშველონო. არხოტში, სოფელ ახიელში არის მთელი არხოტის სალოცავი მიქიელ მთავარანგელოზი, ყველაფერში მისი იმედი აქვს არხოტივებს. აქ ერთი კურეტი და ერთი საკლავი მოიყვანეს (საკლავში იგულისხმება: ცხვარი, ჭედილა ან ბატკანი, შეიძლება იყოს მაწოვარი ხბო, განურჩევლად, სახარეა ის, თუ საფურე; მერე რომ მოიზრდება, ე. ი. წლისა გახდება, საფურე ხბო ჯვარში არ იკვლოდა. სახარე კი მუდამ იკვლოდა ჯვარში. ჯერ ხბო, მერე ხუთ წლამდინ კურეტი და ბოლოს ხარი). მეხვეწურად მოიყვანეს ახიელელთ დედანი და ზოგები ჭიმღიდანაც მოვიდნენ. მკითხავეებმა უთხრეს: დედან მივიდანავ მიქიელის კარხედაო-დ შეახვეწნანავ, დედათ უხოიშნებსაო-დ იქნება სულნ ჩაუბრუნნასავ (უხოიშნებს: აპატიებს, ხათრს გაუწევს და მათის ხათრით ავადმყოფს დაეხმარება). მავიდეს დედან მინდორ, სადამდინაც შეიძლებოდა ქალის მისვლა. დასტურებმა წამოაყენეს კურეტი და საკლავი. ხუცესმა იხუცა. შეახვეწა ავადმყოფი და ხუცობაში ჩაურთო: „შენს კალთაში სახვეწრად მასულან მანდილოსანნი, უშველე, უხოიშნი, მუკლმაცრითა-დ თავმანდილით გეხვეწებიან. უშველე, უმეშულ, დალოცვილო, მაურჩინი ავადმყოფი, ზიანი შორიულს მტერზე გადაიდი. შენ ყმანი ქუდიანნიცა-დ მანდილიანნიც ზღვნითა-დ სანთლით იმსახურენ, თავ ყმად არავის შურსა-დ საქონი ზღვნად“. ამ დროს მანდილოსნები პირჯვართკე სხედან მუხლმცირილები. მანდილები ყველას მაკდილი აქვა-დ გადაყრილი მინდორზე თავთავის წინ. იწერენ პირჯვარსა-დ ეხვეწებიან: „დალოცვილო ახიელის სალოცავო, უშველი შენს ყმას გიგიტას, ჩვენის ბეჩავის თავმანდილით შამაგხვეწნიორთა-დ შაგვიხვეწენი, მიეც შეება შენს ყმას, აუშვი-დ აღირსი შენს კარზე ზღვნითა-დ სანთლით თავის ფეკით მასვლა“.

ხუცესმ რო საკლავები დაკლა, დაამწყალობნა ჯერ ავადმყოფი და მისი ოჯახი, აგრეთვე დამჭრელი (საკლავები ორივესი იყო ზიარად) და ბოლოს დაამწყალობნა

მანდილოსნები. დამწყალობების დროს დიაცები ადგნენ და დაიხურეს მანდილები და ნელის ხმით თვითონაც ამწყალობებდნენ ავადმყოფს (სხვა დროს ქმრის სოფელში ხევსური ქალი მანდილს არ მოიხდიდა, გარდა ამ მეხვეწურისა, თუ მოიხდიდა, სირცხვილი იყო). რა თქმა უნდა, ეს ამბავი უდღეობოდ მოხდა. ხუცესმა მარტო თავები წაიღო. ხორცი, უმეტესი ნაწილი, ავადმყოფს დაუტოვეს და ცოტა ადუამ წაიღო. აგრეთვე ჯიხვის ხორციც არ აკლდა, თუკი ჭამდა რამეს ავადმყოფი. მაგრამ ის უარესად ხდებოდა და მისი მორჩენის იმედი აღარავის ჰქონდა.

მართალია, ეს საქმე იშობრად მოხდა, მაგრამ კაცი რომ მოკვდეს, მაინც თავი დაედება, არაფერი არ შევლის, არც იშობრობა და არც სხვა. ხევსურები იტყოდნენ: „მაგან მამკლ, თუნდა კოცნით მავეკალ, იარაღით კი არ, მაინც კაც მაგისგან მამიკვლ“. აიღებდნენ იარაღს და ეძებდნენ მკვლელს და იმის ნათესავებს მასაკლავად და სისხლის ასაღებად. მკვლელი და მისი მოგვარეები გაიხიზნებოდნენ და იმალებოდნენ.

თავ-სისხლი რომ არ დაზღებოდა, ამის საშველი იყო ერთი წესი: „სამთელ-სამკვდრო“. როცა ავადმყოფი (დაჭრილი) ძალიან სწუხდა და მისი სიცოცხლე ბევრად არ იყო საიმედო, მაშინ დამნაშავე მონახავდა თაოსან კაცებს, ვის სიტყვასაც უფრო გასავალი ჰქონდა, წააყვანინებდა ავადმყოფთან ერთ საკლავს და შუაკაცები სთხოვდნენ „სამთელ-სამკვდროს“ აღებას. ავადმყოფს, რა თქმა უნდა, იმ დროს იმდენი ძალ-ღონე აღარ ჰქონდა, რომ შუაკაცებისათვის პასუხი გაეცა, მაგრამ იმის ძმა-ბიძაშვილები აძლევდნენ პასუხს. „სამთელ-სამკვდრო“ იყო ნახევარი კაცის თავი. სრული კაცის თავი დაფასებული იყო სამოც ძროხად და სამთელ-სამკვდრო იყო კაცის თავის ნახევარი – ოცდაათი ძროხა. ავადმყოფი სამთელ-სამკვდროს რომ აიღებდა, თუ მორჩებოდა, ხმას ვედარავინ გასცემდა, შერჩებოდა ოცდაათი ძროხა. თუ მოკვდებოდა, იმ შემთხვევაში თავ-სისხლი იკარგებოდა. თავს აღარ დაიდებდა დამნაშავე, არც ადგილიდან აიყრებოდა და არც რიგს უყენებდა. ვერც გადაემტერებოდნენ, საამისო უფლებები აღარ რჩებოდათ დაზარალებულის ოჯახს და ნათესავებს. მხოლოდ, სიკვდილის დღეს, ხარჯების დროს და სხვა ასეთებში არ მივლენ დამნაშავე და მისი ახლობლები. ერიდებიან ადელვების დროს არავინ ასტეხოს შუღლი. მათ შორის უბრალო შუღლი არც მოხდებოდა. თუ მომხდარიყო კი უეჭველად მოკვდებოდა ვინმე. მხოლოდ არავის ახსოვს, რომ სამთელ-სამკვდროს აღების შემდეგ კიდევ რამე მომხდარიყოს შერიგებულთ შორის, რადგან ხელი აქვთ შეკრული ჯვარისაგანაც და ხალხისაგანაც. მხოლოდ დროთა განმავლობაში თუ ვისმე მოუხდებოდა შუღლი ამ ორი გვარიდან, არა ამ საქმეზე, არამედ სულ სხვა რამეზე, და დაიჭრებოდა ვინმე ძველი დამნაშავის გვარიდან, შეიძლება შეაწირა თავის მიცვალებულისათვის, ე. ი. იგი მათგან მოკლულისათვის, რომელზედაც აღებული იყო სამთელ-სამკვდრო. მხოლოდ შეწირვაზე ჩვეულებრივად მიუყვანდნენ საკლავს

და მიუტანდნენ არაყს. არავითარ გავლენას აღარ ახდენდა მათგან მოკლულობა, თუ სამთელ-სამკვდრო აღებული იყო.

შეწირვა მკვდრისად ასეთი წესით ხდებოდა: რომ დასჭრიდა, თუ ძალიან გაჯავრება უნდოდა, ეტყოდა: „უნცროსიმც ხარ (ახსენებდა თავის მიცვალებულის სახელს), ჯღანთამც უბანდავ, წყალსამც უზიდავ, ქვემც ემსახურები“. შეწირული კაცი სიკვდილის შემდეგ ვისაც შესწირეს, იმის მოსამსახურედ ითვლებოდა საიქიოში.

გიგიტა სასიკვდილოდ იყო განწირული. მისი სიცოცხლის იმედი აღარავის ჰქონდა. აღუას და იმის ძმა- ბიძაშვილებს ემინოდათ თავსისხლისა. ამიტომ შეუდგნენ სამთელ-სამკვდროს მიცემას. თუმცა ეს საქმე ადვილი არ იყო. ჯერ იმიტომ, რომ ოცდაათი ძროხის გადახდა ადვილი არ იყო. მეორე იმიტომ, რომ სამთელ-სამკვდროს აღებას გიგიტა და მისი ბიძაშვილები ადვილად არ გაბედავდნენ. ცოტა არ იყოს სასახელო ამბად არ ითვლებოდა დრამის აღება, ერთი იმიტომ, რომ მამკლავის მოკვლის თავი არა აქვსო, იტყოდა ხალხი, მეორეც, დრამის აღებას დაეშურაო. მესამე კიდევ, გიგიტა რომ მომკვდარიყო, მამკლავი თავისუფალი რჩებოდა და შურს ვეღარ იძიებდნენ, ჯავრს ვეღარ ამოიყრიდნენ. ამიტომ შეარჩიეს არხოტში თაოსანი ხალხი შუაკაცებად და სთხოვეს დახმარება. რაც არ უნდა დაჯდეს, მოახერხონ და როგორმე ააღებინონ სამთელ-სამკვდრო. შუაკაცები იყვნენ ხალხი, ვის სიტყვასაც ხალხში გავლენა ჰქონდა და მრავალი მტრები შეურიგებია. საამისო გამოცდილებით და გავლენით სავსე ხალხი იყო. ახიელში თათია ბალიაური და გიგია ოჩიაური, ამღაში თოთა წიკლაური, ჭიმღაში ბაჭყი გიგაური (გიგიტას სასიძამრო), ახიელში არხოტის ჯვარის გამძღო ქორია ჯაბუშანური. მისცეს ერთი საკლავი, სასმელი და ზემოაღნიშნული შუაკაცები მიუგზავნეს გიგიტას და იმის ბიძაშვილებს (გიგიტას ძმა არა ჰყავდა). გიგიტა თვითონ ძალიან მწუხარე ავადმყოფი იყო და ბიძაშვილებმა შუაკაცებს არ გაუგონეს, უარი თქვეს სამთელ-სამკვდროს აღებაზე. კარგა ხნის შემდეგ ავადმყოფმა ცოტა იმჯობინა და შუაკაცები განმეორებით მოუვიდნენ. ბევრის ხვეწნის შემდეგ დაითანხმეს დრამის აღებაზე. ჯერ არხოტის ჯვარში საკლავი დაკლეს და მემრე წავიდნენ ჭიმღაში დრამის გადასაფარავად. დრამა გადაფარეს ოცდაათი ძროხის ანგარიშით. ამ დრამაში ერია: ვერცხლის ქამრები, ვერცხლითავე მორთული ხანჯრები, ვერცხლის ფული, სპილენძის ქვაბები, ფარდაგები და სხვა. ხუთი ძროხა ფეკითიც იყო. დანარჩენი სულ საკვლითო. საკვლითო ძველი ხუთი მანეთის ანგარიშით იყო დაფასებული ერთ ძროხად. ამნაირად შერიგდნენ ამ იშობარ საქმეზე. მაგრამ დაჭრილი წელიწადზე მეტ ხანს იწვა და ფეხი სულ დაჩირქებული იყო. ერთი წლის შემდეგ დაიწყო გაუმჯობესება. ჩირქის დენა შეწყდა და ჭრილობები თანდათანობით იკურნებოდა. ბოლოს გამორჩა, მაგრამ ფეხი მოხრილი (მოდუნული) დარჩა და დააკოჭლა.

რადგან წინათ კარგი ამხანაგები იყვნენ და იშობრად მოუვიდა ხიფათი, ბოლოს მშვიდობიანადვე შერიგდნენ. მორჩომის შემდეგაც ისევ კარგი განწყობილება ჰქონდათ და ისე უყურებდნენ ერთიმეორეს, როგორც ძმა და უახლოესი მეგობარი. მუხლი მოხრილი დარჩა, მაგრამ ორი-სამი წლის შემდეგ ისევ დაიწყო ჯიხვებზე ნადირობა. ისე კარგად ვეღარ დადიოდა, მაგრამ ჯიხვებს მაინც კიდევ ხოცავდა. ცოლი ნათხოვი ჰყავდა, მაგრამ შინ არ იყო მოყვანილი, დაკოჭლების შემდეგ ქალს მისივე ნათესაები ეუბნებოდნენ: „კოჭლი ას, ნუ წაუხოლ მაგას“. მაგრამ ქალმა სთქვა: „განა ცუდ რაიმე საქმეში დაკოჭლდ, დაკოჭლდ ნადირობაში, სწორთად მჯობნობაში“. ქალი ისევ გაყვა და ერთად ვაუებიც შეეძინათ. ადუა კი მოკვდა უბედო.

ლეღას მოკვლა იშობრად

იგივე გიგიტა ცისკარაული დაკოჭლების და მორჩომის შემდეგ (ისევე კი კოჭლობდა) წავიდა არხოტის ჭაღას ჩირახობად. არხოტის ჭაღა არხოტიდან მიიმართება ჩრდილო-აღმოსავლეთ მხარეს. აქ ძალიან ვიწრო ხეობა არის და მიედინება არხოტის წყალი – მდინარე ასა. ეს ჭაღა ისეთი ვიწროა, რომ წყალი ძლივს ეტევა. სასიარულო ბილიკი ხან ერთ მხარეზე არის, ხან მეორეზე. აქ პატარა ხიდებია გადებული და მგზავრები ხან გაღმა გავლენ, გაყვებიან პატარა ბილიკს, ბილიკი მიადგება ფრიალო კლდეს, აქ კიდევ პატარა ხიდია და ახლა სხვა მხარეზე უნდა გადავიდნენ და გაყვნენ ვიწრო ბილიკს. ამ ხეობაში აუარე-ბელი ფიჭვის ხეებია. არხოტივნები ჯარის საპალნით ეხიდებიან აქედან შეშას და ჩირახს (ჩირახი: კვარი, ფიჭვის ძირი ან ღერო ფიჭვისა, რომელსაც აქვს საკმელის მსგავსი ღორწო და ცეცხლი ძალიან ეკიდება). რადგან არხოტს გზა არ ჰქონდა და ნავთი მუდამ ვერ მოჰქონდათ, ამ ფიჭვის ძირს, ჩირახს იყენებდნენ ლამფის მაგიერ.

როგორც ვთქვით, გიგიტა წავიდა ჩირახობად არხოტის ჭაღას. იქ ერთ-ერთ ადგილს ჯარაის წყარო ეწოდება. წყალი ძალიან მაღალ კლდეზე გადადის და დაბლა რომ ეცემა, დიდი მორევი ტრიალებს გარშემო. იმიტომ დაურქმევიათ ჯარაის წყარო. ამ მორევის პირზე ვიწრო ბილიკია გასავალი. ზევით, მაღლა ფიჭვიანი და კლდიანი ადგილებია. გიგიტა იქ ავიდა ჩირახის დასამზადებლად, ამოთხარა ერთი ყუნჭი (ყუნჭი ჰქვიან ხის ძირს, ძირკვს) და გამოაგორა ჭაღაში. მერე სხვაგან გადავიდა და დაუწყო ჩირახს მზადება. სადაც პირველად ამოთხარა ყუნჭი, იქ კლდეები დაიძრა და როცა გიგიტა სხვაგან გადავიდა, ისინი დაგორდნენ ქვევით. ამ დროს ტანიდან (ტანიე საზამთრო ადგილია ამღივნების და ახიელლებისა.

იქ ზაფხულში თიბენ, საზამთრო სახლები აქეთ და პირუტყვს ზამთრობით იქ კვებავენ) მოდიოდა ერთი ახალგაზრდა ქალი სოფელ ამლიდან, ლელა ბაბუას ასული. დაგორებული ქვა ფეხში მოხვდა მას და ძალიან დააზიანა. ერთი გვერდი სულ გააცალა და დიდი ჭრილობა მიაყენა. გაიარეს სხვა მგზავრებმა და ქალი საკაცით შინ წაიყვანეს. გიგიტა იყო ცისკარაული და ქალი წიკლაური. ცისკარაულებს წიკლაურებისა სხვა თავსისხლიც ემართათ. აბა ცისკარაულს ბავშვობაში შემოაკვდა გიგი წიკლაური და თავ-მეთავეები იყვნენ იქაურის წესით. ეხლა ეს დაემატა და ჩავარდა მათ შორის დიდი მტრობა. ცისკარაულები კი წიკლაურებს ხელს ვერ შეუქცევდნენ მოკვლის დროსაც კი, მაგრამ წიკლაურები გამწარდნენ. გიგიტა ამბობდა: ქვები რომ დაგორდა, მე იქ აღარ ვიყავი, მე დამნაშავე არ ვარ, ქვები თვითონ დაგორდაო. მაგრამ ვინ უგონებდა? ქალი ჭრილობისაგან ძალიან შეწუხდა და სასიკვდილოდ მიიწურა. მოიყვანეს მკითხავი ხოშექა. მან მიხეზი უმკითხავა. დამნაშავემ და დაზარალებულმა ორივემ ერთად ერთი საკლავი იაჭსარში დაკლეს, ერთი სვეტის ანგელოზში და ერთი პეტრეს (ჯვარს) დაუკლეს. არხოტის ჯვარში კურეტი და საკლავი მიიყვანეს. თითო საკლავი ჯაჭველში და მთიშეშავში დაკლეს. მაგრამ ქალს აღარაფერი ეშველა და გარდაიცვალა. გვარად წიკლაურები იყვნენ დაზარალებულები და მამად ბერდიშვილნი. დამნაშავენი გვარად ცისკარაულები იყვნენ, მამად ჯარანი. ეს მეოთხე თავ-სისხლი დაემართა ჯარათ ბერდიშვილებისა და დაეძებდნენ მოსაკლავად თუ ვისმე შეხვდებოდნენ. მაგრამ ისინი იმალებოდნენ და ვერ მოხერხდა მოკვლა (სხვათა შორის გიგიტას დედა ბერდიშვილთ ქალი იყო) დაუდიოდა კაც-შუაკაცი და დიდხნობამდინ არც რიგი იყენეს. ჩვენ რიგის ყენება რად გვინდა, ორი კაცი მოგვიკლეს და უნდა მოვკლათო (რიგის ყენების წესები აწერილია თავ-მეთავეობაში, ხევსურეთის რჯულში). კაც-შუაკაცი ეუბნებოდა: ძველი თავი ხომ რიგ ნაყენებია, დამნაშავე გადახიზნულია (გიგიას მკვლეელი აბა გადახიზნა ჩრდილო კავკასიაში, კავკავში და მისი ახლო ბიძაშვილებიც სამუდამოდ იქ დარჩნენ ყველანი). ქალის მაგიერ კაცს მოვკლავთ და გიგის თავი ისევ თავად დარჩება. ჯარათ ერთი თავსისხლი ისევ ედება და იმის რიგს ჩვეულებრივად ვიყენებთო. შუაკაცები მაინც ყელს იმით სტეხდნენ: ეგ საქმე ჯერ იშობრად მოხდა, მერე დიაცის თავი ნახევარს უდრის კაცის თავისას და რიგი უნდა იყენოთო (რიგის უყენებლობა მოასწავებს აუცილებლივ მოკვლის სურვილს, რიგის ყენების შემდეგ დაზარალებული ნაწილობრივ მშვიდდება. ამიტომ ცდილობენ შუაკაცებიც, რომ დაზარალებულს რიგი მალე ყენა). ბევრი ბრძოლის და ხვეწნის შემდეგ შუაკაცებმა შეძლეს რიგის ყენება. სახლმა სახლს უყენა რიგი (დამნაშავის ოჯახმა დაზარალებულის ოჯახს) ერთი კურეტი სამი წლის და სამი საკლავი პირველი რიგი იყო. დასაფლავების დროს საფლავ-სამარის სამკსნელო კიდევ ერთი საკლავი (ამათ ნაწილობრივ კაცის რიგი იყენეს და ნაწილობრივ

დიაცის რიგი. ამიტომ მოლიანი რიგის ყენება დაიწერება რომელიმე სხვა მამკლავ-მამკვდართ აღწერაში).

რიგი რომ იყენეს, ბერდიშვილებმა ნება მისცეს გარეთულ სახლისკაცებს მისულიყვნენ თავის სოფელში და მიპატრონებოდნენ თავის ოჯახს. ახლო სახლისკაცები და თვითონ მოხელე კი ისევ იმალებოდნენ (მკვლელს, მამკლავს მოხელეს//მეკვლეს ეძახოდნენ. ან მამკლავს იტყოდნენ ან მეკვლეს). კაც-შუაკაცი სთხოვდა: იშობრად მომხდარი ამბავია, გიგიტა დამნაშავე არ არის და უმსუბუქეთ, თავ-სისხლის სახით მაგათი წვალება არც მკვდრისათვის არის კარგი, არც ცოცხალისთვისო. ისინი მაინც ჯავრის გულზე თავისას არ იშლიდნენ. ქვის ნაგორს მიყვნენ და დამტკიცდა მაშინვე, რომ საიდანაც ქვები დაგორდა, იმ დროს გიგიტა იმ ადგილზე არ ყოფილა. მაგრამ მაინც იმათ აბრალებდნენ. გიგიტა აიყარა და კახეთში გადაიხიზნა. გაუჩნდა რაღაც ავადმყოფობა მოკლული ქალის მშობლებს, და-ძმებს და იმათ ოჯახში სულ აუღებელი ლოგინი იყო ავადმყოფისა. არ დარჩა არხოტში არც ერთი ჯვარი, რომ იმათ საკლავები და საწირი არ მიეყვან-მიეტანა. მაგრამ არაფერი შევლოდა. სადაც მკითხავთან წავიდნენ, ყველამ უთხრა: გიგიტა დამნაშავე არ იყო, ტყუილად დასტანჯეთ, იმიტომ იმისი სალოცავი მთიშეშავი და არხოტის ჯვარი გამწვრალი არიან და მანამ თავს არ აპატიებ, არაფერი გეშველებათ. თუმცა თავ-სისხლის დაკარგვა ეძნელებოდათ, მაგრამ გასაქანი არ მისცეს არც მკითხავებმა და არც ავადმყოფობამ და გადაწყვიტეს თავის პატიება. ქალის მამას ბაბუა ერქვა (მოკლული ქალის მამას). ძალიან რომ შეწუხდა უფრო ოჯახის წევრების ავადმყოფობით, მან დაიბარა შუაკაცები და უთხრა: მე თქვენის და ჯვართ ხათრით მაგათ თავს ვაპატივებ და იმათგან რაც მიღებული მაქვ, იმასაც იქავ დაუბრუნებ, ხოლოთ ყველა ერთად შავეხვეწნათ არხოტის ჯვარსაცა-დ სხვა ხთისშვილთაც, რომ მაპატივან, რაც უცოდრობით ვაწყინე-დ ჩამაგდან მშვიდობა, მაიყვანეთ გიგიტა ჩემს სახლში. შუაკაცებმა დაუმაღლეს და ჯვარის წყალობაც უთხრეს. შუაკაცებმავე დაიბარეს გიგიტა და ბაბუას სურვილი გამოუცხადეს.

რადგან დადებული თავ-სისხლის ასე უცბად პატიება ხევესურეთში არ მომხდარა, ამიტომ გიგიტას ეშინოდა, არ ენდობოდა, არ მიმიტყუნო, ფიქრობდა, მაგრამ უარს ხომ ვერ იტყოდა, რაც ბაბუამ მოისურვა. შუაკაცებმა ეს კაცი წაიყვანეს და იმათ სოფელში, ამაღში მიიყვანეს. ის სხვა ოჯახში დატოვეს, თვითონ ერთი საკლავი დაიჭირეს ხელში და ბაბუასთან მივიდნენ. ბაბუამ გაგზავნა და გიგიტაც იქ მოაყვანინა, მაგრამ ის შემოსული კარებთან ქუდმოხდილი ცალ მუხლზე დაჯდა. რასაც ვინ ეტყოდა, ის ხათრით ხმას ვერ იღებდა. ბაბუამ ეს საკლავი აღარ დააკვლევინა, უთხრა, ეგ ხვალ იახსარში დაკვლათ ორივე მხარის სამწყალობნელადაო. სასმელს დაუწყეს სმა. ბაბუამ არ დალია, ადგა, გიგიტას მხარზე მოკიდა ხელი და ააყენა ფეხზე, წამოაყენა და სკამზე დასვა. გიგიტა სწუხდა,

იხატებოდა და ოფლი ჩამოსდიოდა. მერე ბაბუამ უთხრა: „შენ ნუ სწუხდები, ნუ იტანჯები; ერთი, დისწული ხარ ჩვენი, შენ დედა ჩვენს ქალი ას, მეორე, იშობარ მახვდ. შვილ ყველამ იცით რაი ას დედ-მამისად. ძალიან მტკიოდ შვილის სიკვდილი-დ გადაწყვეტილი მქონდ შენ მაკვლავი. მე თაოდაც დამიდგ საოცარი-დ ქადაგ-მკითხავნიც მეუბნებოდეს. თანაც ყველა ლოგინჩი ჩავიყარენით. ამან ყველამ დამაფიქრ, იქნება ცოდოში ვდგებივ. ახლა ამ შუაკაცებსაც ღმერთმა უშველას, კაის თქმადა-დ კაის გონობად ნუ დალიუნას. ჩვენს შუაჩი ბევრ კა სიტყვა დახარჯეს. მათ სიტყვებმაც ჩემზე იმოქმედა-დ დამაფიქრ, საბოლოოდ გადავსწყვიტი თავის პატივება. აბა შენი ღონებით მე რა ქალ გამიცოცხლდების. იქნება დამნაშავეი ხარ, იქნება სრუ ცამდინ მართალიც ხარ. ახლა მე იმას აღარ ვიძევ. ჯვართაც მიზდიოდასა-დ ღმერთსაც, ემ ხალხთაც. დღემდინ შენს შახვედრასა-დ მაკვლავს ვცდილობდი, დღესიდგეს გამიშობავ, გამითავებავ თავ-სისხლი, ჯვართაც მიპატივება-დ ხალხთაც. დღესის იქით მე შენთან აღარა საქმე მექნების, შენ თავისუფლად მასავალი გაქვ ჩემთან, როგორც წინავ მაზდიოდი, რაც დაიტანჯი, იმასაც ვსთხოვ არხოტის ჯვარსაცა-დ ლაღს იაჯსარსაც, ისიც მაპატიონ. ამიშვან, დაიჯსნან ჩემ ხიზანი სნეულობისაგან. თავზდებად იყვნან არხოტის ჯვარი-დ იაჯსარი, რომ მე გული მაქვ ამარეცხილი, აღარას გედავები“. ამ სიტყვებს რომ ლაპარაკობდა, ბაბუას არაყიანი ყანწი ეჭირა ხელში, ბოლოს გიგიტა ადღეგრძელა და დალია. შუაკაცები ადგნენ, ქუდები მოიხადეს და კარგი სიტყვების და საქციელისათვის ბაბუას მადლობა გადაუხადეს. მერე იმათაც დალიეს ორივე მხარის სადღეგრძელო ერთად და დასხდნენ. ბაბუამ გიგიტას უთხრა: „თუ ჩემდ კა გინდა-დ ჩემ ხათრი გაქვ, ეეხლა ხათრს თავ დაანები, იყავ ისრ თავისუფლად, როგორც ჩვენ, აი, მე ამას მასიამოვნებ“.

მეორე დღეს ეს საკლავი წაიყვანეს და იაჯსარში დაკლეს ერთურთის მედავეთ სამწყალობნელად. ხორცი მოიტანეს, სახლში მოხარშეს და სუფრა გამართეს. ტყავი შუაკაცებს დარჩა. ამის შემდეგ მათ მტერობაზე ხმა აღარავის ამოუღია.

უთუბით თათარისაგან ბერლიათ ჯურჯაის მოკვლა იშობრად

ჯურჯა იყო სოფელ ჯუთიდან, გვარად არაბული, მამად მარაიზქეთი. მარა-იზქენი სახელგანთქმული მამიშვილობა იყო. ჯერ კაცმრავლობით და, მერე, ამათ მამაში სულ კარგი ახალგაზრდობა იზრდებოდა თვალად-ტანად და გულად. თათარა კი სოფელ ამლიდან იყო გვარად წიკლაური, მამად ჭოლიკაურთი. გადმოცემით იციან, რომ ჭოლიკაურნი თათრის ჩამომავალნი არიან. საიდან მოსულა, არ იციან, მხოლოდ ნამდვილად იციან, რომ მაგათი წინაპარი არხოტში თათარი ყოფილა. ამბობენ, როცა საქართველოს თათრები ებრძოდნენ, მაშინ ერთი კოჭლი თათარი დამრჩალა და იმის ჩამომავალნი ვართო. სახითაც ამათი მამისკაცნი ძალიან გვანან თათრებს. ისეც ამაყი და მოუთმინარი ხალხნი არიან. ჯუთაში რაღაც სმურობა იყო და უთურგით თათარაც თავისებური წესით არაყით იქ იყო მისული. ზემოაღნიშნული ჯურჯა და თათარა კარგი ძმაკაცები იყვნენ, ძალიან კარგად მიაჩნდათ ერთმეორე. თათარა სხვებთან იყო სტუმრად, მაგრამ ჯურჯა არსად არ უშვებდა, სულ ყოველ სადილ-ვახშამზე თავის სახლში მიყავდა და პატივსაც სცემდა. არც დასაძინებლად უშვებდა სხვაგან.

ერთ დღეს ხალხი ძალიან დათვრა და შუღლი ასტყდა. თათარა სრულიად ახალგაზრდა იყო და ერთმა ჯუთელმა ახალგაზრდამ სახელად ნათელიზქემ ამა-საც „შუღლად გაუკადა“ (ჩხუბი აუტეხა). ჯერ დაჯიით იშუღლეს და, ბოლოს ხანჯლები ამოიდეს. ამ დროს მოვიდა თათარას მეგობარი ჯურჯაც და გაშველები დაუწყო. მეშველები სხვებიც მოვიდნენ და მაშუღლარებს ერთმეორისათვის არ დააკვრევინეს. მიუხედავად იმისა, რომ თათარასთან მაშუღლარი ნათელიზქე ჯურჯას ახლობელი იყო, ჯურჯამ მაინც თავისი ძმობილი თათარა დაიჭირა და ხალხს გააცილა იმიტომ, რომ არ უნდოდა თათარა ან დაჭრილიყო, ან იმას ვინმე დაეჭრა. სადაც შუღლი იყო, ეს ადგილი გვერდელი და შამბიანი იყო. მეშველ-მაშუღლარნი თათარა და ჯურჯა მოულოდნელად შამბიან ბექში გადავარდნენ და დაგორდნენ. თათარას ხელში შიშველი ხანჯარი ეჭირა და შემთხვევით ჯურჯას მოხვდა წვერით მუხლის ქვევით წვივში და დაიჭრა. არ გავიდა დიდი ხანი, რომ სისხლი დაიცალა და კაცი მოკვდა. მარაიზქეთი აქ ამ დროს არავინ იყო. თათარას ჯერ უნდოდა თავის ხანჯრით თავიც მოეკლა, რადგან ასეთ მეგობართან ესეთი ცუდი საქმე დაემართა. უცბათ მოიფიქრა: მე რომ თავი დავიხანჯრა და მოვიკლა, სულ ერთია თავს არ აპატიებენ ჩემს ძმაბიძაშვილებს, ისეც თავი დაედებათ, ახირ ჯურჯაის ძმებმა მამკლანო. გაიქცა და პირდაპირ იმათ სახლში შევარდა. კაცები შინ არავინ იყო. ჯურჯაის ცოლი იყო სახლში. ჯურჯაის ცოლი ძალიან კარგი ადამიანი იყო და არ უნდოდა თათარაც მომკვდარიყო. თათარამ უთხრა, სად არიან ჯურჯაის ძმები, მამკლან,

სიცოცხლე აღარ მინდა, რადგან ის კაცი მოკვდაო. ჯურჯაის ცოლმა უთხრა: „წადი, მაშორდ აქაობას, შენ სისხლი აღარ მანახვივ დაღვრილი“. გაიყვანა გარეთ. ამ დროს მოვარდნენ სხვა მეშველებიც, გაიყვანეს და სხვა სახლში აბიკათ გიორგითას დამალეს. მარაიზძეთ ველარ გაიგეს, ის კაცი სად გაქრა და ძვეა დაიწყეს. მეშველებმა გზა-კვალი აურიეს და ველარ ნახეს. მარაიზძეთ ეგონათ შინისაკე გაიქცეოდაო და არხოტისაკე წავიდა მოელი გვარი – ზოგი ცხენით, ზოგი ფეხით (ჯუთიდან არხოტისაკე მთა არის გადასავალი და ერთი დღის სასიარულოა). თათარა ღამით სხვა გზაზე გააცილეს და ბუდე-ხევსურეთში გადავარდა. მეორე დღიას მარაიზძეთ მამის ხალხნი არხოტში ჩავიდნენ, ამღას მომავალი გზა ახიელის სოფლის ბოლოზე გაივლის. ახიელელთ გაიგეს ეს ამბავი და გაჰყვნენ ამღისაკე მიმდინარს მარაიზძეთ, რომ წინანდებურად სახლების დაწვა ან ბან-სანაპიროს ნგრევა არ დაეწყო, ან ჭოლიკაურთა ვინმე არ შეხვედროდა, მანამ გაიგებდნენ და მარაიზძეთ არ მოეკლა (ძველად იცოდნენ: მამკლავ-მამკვდრობა რომ მოხდებოდა და გვარი წავიდოდა, თუ კურეტს და საკლავებს გზაში არ მიაგებებდნენ და მოსული გვარი სოფელში შევიდოდა, თუ სახლი ცალკე იყო და სოფლელების სახლებს ცეცხლი არ გადაედებოდა, იმ შემთხვევაში მამკლავის სახლს ცეცხლს წაუკიდებდნენ. ან ბან-სანაპიროს დაუწყებდნენ ნგრევას. თუ ამ გვარში ხნიერი ჭკვიანი კაცი ვინმე იქნებოდა, შეიძლება ამას მოლიანად ბევრი ნგრევა დაეშალა, არ ეკადრა, ხოლოთ წესის მიხედვით ორ-სამ სანაპიროს მაინც ადგლეჯდნენ სახლს და თავს დაანებებდნენ (სანაპირო ჭკვიან სახლის ბანის ნაპირებზე შემოვლებულ სიპებს).

ზოგიერთი ახიელლები ცხენებით წინ წასულიყვნენ, ჭოლიკაურთად შეეცყო-ბინა, გზაში საკლავი და კურეტი მოაგებეს და გვარი ამღასთან ახლოს შეაჩერეს. მეკვლისა და იმის ძმის გარდა გვარმა გვარს მიაგება ერთი სამი წლის კურეტი, სამის ჩარექის სპილენძის ქვაბი და ორი საკლავი. უფრო ძველად ის წესი იყო, რომ თუ მოსული გვარი მამკლავის მიწა-წყალზე გადაასწრობდა და უფრო შორს არ მიაგებებდნენ გვარის რიგს, მაშინ სახლის დაწვა-დანგრევის გარდა, ერთ საკლავს მესამეს კიდევ ღებულობდნენ. ჯუთლებისთვის, ე. ი. მარაიზძეთ გვარისთვის, რიგის შორს მიგებება ვერ მოასწრეს, მაგრამ მიუხედავად იმისა, რომ მიწა-წყალზე კი არა, სოფელში იყვნენ მისულები, მაინც არც სახლის ბანზე შაჭდნენ და არც ზედმეტი რიგი მოუთხოვიათ, გარდა ორი საკლავის, კურეტისა და სამის ჩარექის ქვაბისა; და დაბრუნდა გვარი.

თათარა ჯერ ბუდე-ხევსურეთში გადავიდა. აქაც მარაიზძეთ მოგვარეები ბევრგან არიან და სად დაიმალებოდა, სულ ღამი-ღამ და უგზოზე სიარულით მიაღწია არხოტში. მხოლოდ თავის სოფელში იშვიათად მივიდოდა, იმალებოდა ახიელში.

ახლა საჭირო იყო რიგის ყენება, მაგრამ ისინი ისეთი თავმომწონე და ამაცი მამის ხალხნი იყვნენ, რომ ძალიან გაძნელდებოდა რიგის ყენება (რიგს ისინი ადვილად არ

იყენებდნენ, ვისაც აუცილებელივ გადაწყვეტილი ჰქონდა მამკლავის მოკვლა, ან მისი ძმა-ბიძაშვილებისა. ფიქრობდნენ: ხომ უნდა მოვკლათ და რიგის დაბრუნებას რაღა ჭკვა აქვს. ახირ რიგს არ ვიყენებთ, და როცა მოვკლავთ, თავიც და რიგიც ერთი მეორეში გაიბრებაო). მხოლოდ აუცილებელი იყო ერთი საკლავი დამარხვამდინ (მიწად მიტანას ეძახდნენ) უნდა მიეყვანათ, ერთი საკლავი მიწად მიტანის წინ. საკლავს დაკლავდნენ მიცვალებულის სულისათვის. თუ ეს საკლავი დასაფლავებამდინ ვერ მიაწვრეს, მაშინ „გამაუმბენ ხუთ ძროხა ჯურემს“ (საკლავის დაგვიანებაზე ხუთი ძროხა უნდა გადაეხადა დამნაშავეს და მერე მიიღებდნენ დაგვიანებით მიყვანილ საკლავს). არაბულთ გვარი დაბრუნდა თუ არა, ჭოლიკაურებმა გაგზავნეს კაცი და წაიყვანეს მიწად მიტანის წინ დასაკლავი საკლავი (ეს საკლავი აუცილებელი იყო და უკან არ აბრუნებდნენ, არც ხვეწნა უნდოდა, როგორც სხვა რიგის ყენების დროს ეხვეწებოდნენ შუაკაცები). შუაკაცმა საკლავი დროზე მიიყვანა და ჩვეულებისამებრ დაკლეს ის. ახლა საჭირო იყო სახლის რიგის დაყენება, მაგრამ მანამდე დედულნიც მოვიდნენ. ხევსურულის თქმით, დედა მოვიდა. ჯურჯას დედა ქმოსტელთ ქალი იყო, ყარდანაულთა, და ყარდანაულნი ისეთივე წესით მოვიდნენ, როგორც მარაიზძენი. ძველის წესის მიხედვით, დედულნიც წვაგდნენ მეკვლის სახლს და ანგრევდნენ კიდევ. ამათაც მესამე საკლავი კიდევ აჰყვანდა, თუ მამკლავის მიწაწყალზე მისვლამდინ ვერ მიაგებებდნენ: სამი წლის კურეტს, ორს საკლავს და სამის ჩარექის ქვაბს (ჩარექი არის ერთი კილო). დედულთ მოსვლა კი ადრევე შეიტყვეს ჭოლიკაურებმა და თავის მიწაწყლის გარეთ მიაგებეს სადედო რიგი (სადედო რიგს უყენებდა ის ხალხი, რომელიც საგვარო რიგიდან დარჩა თავისუფალი; გვარს რომ რიგი უყენეს, ეს დამნაშავეს გვარის ხარჯი იყო. წესის მიხედვით ერთი ან ორი სახლი (ოჯახი) არ მიიღებდა გვარის რიგის ყენებაში მონაწილეობას. რჩებოდა მეკვლესთან ერთად, ეს სახლი იქნებოდა ან ძმა ან ბიძაშვილი. მოსულს დედას ეს ოჯახი უყენებდა რიგს და თვითონ მეკვლეს სახლი მოკლულის სახლს უყენებდა ყველა რიგს, რაც ხევსურეთის რჯულში იყო). ასე დედასაც უყენა რიგი ჭოლიკაურთ მეორე სახლმა – ძმამ (მესამე სახლი არის ბიძაშვილი და ყველა მოგვარე მასთან ერთად არის, თუ ძმა არა ჰყავს, მაშინ მეორე სახლად რჩება ბიძაშვილი, თუ ესეც არ არის, მაშინ რჩება მეორე სახლად უფრო ახლობელი ბიძაშვილი და ეს მეორე სახლად დარჩენილი, რომელიც უნდა იყოს, დედის რიგს ის უყენებდა). დედულნი დაბრუნდნენ ისე, რომ ამდის მიწა-წყალზე არ მისულან. ახლა საჭირო იყო სახლის რიგის ყენება. სახლის რიგის საყენებლად გაგზავნილ შუაკაცებს ყოველთვის ხელში უნდა ჰყოლიყო თითო საკლავი. ამ საკლავს ეწოდებოდა ასამტეხლო (ატეხა – საუბრის დაწყება ამა თუ იმ საქმეზე. ამ შემთხვევაში, რიგის ყენებაზე საუბრის დაწყება). ჭოლიკაური გაგზავნეს რიგის საყენებლად და თან წააყვანინეს ერთი საკლავი ასამტეხლო. შუაკაცები ისე

მიიღეს, როგორც სტუმრები. მათ ჯერ ვერაფერი გაბედეს ეთქვათ, მაგრამ ბოლოს დაიწყეს თავის მოსვლის მიზეზი და გამოსთქვეს რიგის ყენების სურვილი. მოუყვანეს მომხდარი ამბების მრავალი მაგალითები და საბოლოოდ მაინც რიგის ყენება; მაგრამ მარაიზძეთ ბევრად არ იყურეს (ყურადღება არ მიაქციეს მათ ლაპარაკს). უთხრეს შუაკაცებს: „ჩვენ ჭოლიკაურთ ნაყენებ რიგი სირცხვილს არ მაგვკდის, არც გულს დაგვიოხებს ბედენად. ჩვენ განა თავგზა რაისამ გვაქვ, ან განა ქვე ვისამ მაგხკლავთ, მაგრამ აბა რად გვინდ ჩვენის სირცხვილის საკლავები ნაცოცები?! ჩვენ რიგის ყენებით აბა რა კაცობა მაგვემატების ან უყენებლობით. დარჩას ეგერ. თუ მახვდ ისრ, რო დავსწორდით, კაი ას, თუ არა, ათასი გვეყავ ამხანიგი. ჩვენ თქვენი ძალიან მადლობელნი ორთ, რო სწვალობთ. ჩვენის გულისად ფეკზე ადგომაცი არ გეკადრებისო. აწიდგე ნუღარ შასწუხდებით, ჩვენ მაგათგან ვაშკაც მაგვიკვდ. სხვათ სწორ კი არ იყავ-დ ჩვენს ჟამზე ჩვენდ კა იყვ“. შუაკაცებმა ბევრი იწვალეს, ქუდების მოხდითაც კი ეხვეწნენ, რიგი იყენეთო, მაგრამ არაფერი გამოუვიდათ, ბოლოს სოხოვეს ეს ასამტეხლო საკლავ მაინც დაეკლათ. ამაზედაც ჯერ უარი უთხრეს და ბოლოს, მარაიზძეთ მამაში უფროსმა და მცოდნე კაცებმა ბაბუკმა და გოგიტამ აღარ ხკითხეს თავის სახლისკაცებს და დაიკლა საკლავი. დაგკლათ „სულისადო“. შუაკაცები დაბრუნდნენ და ნაწილობრივ გამარჯვებულად სოვლიდნენ თავს, რადგან ასამტეხლო საკლავი მაინც დაკლეს. გადიოდა დრო, გზავნიდნენ შუაკაცებს, მაგრამ მარაიზძეთ რიგი მაინც არ იყენეს. დაუწყეს მოსაკლავად მიყოლა. სად წისქვილში ჩაუსაფრდნენ, სად ტყეში, კლდეში და სხვაგან. მარტო ახლობლები კი არ მოჰყვებოდნენ, მთელი მათი გარეთელი სახლისკაცებიც დადიოდნენ. არა მარტო ჯუთიდან, დათვისიდანაც კი. მაგრამ, ჭოლიკაურნი ისე გამოხილებულები იყვნენ, რომ ვერ ჩაიგდეს ვერავინ მათგანი ხელში, რომ ესროლათ და მოეკლათ. ერთხელ სხვა ახალგაზრდა აფერეს (ამსგავსეს) ჩასაფრებულებმა თათარას და კინადამ მოკლეს. მანამ ახიელში იმალებოდნენ, ხან ვის ქუდით და ტანისამოსით გამოდიოდნენ და ხან ვისით. ბოლოს ქისტების ბინებზედაც კი გაიხიზნენ მთაში. შატილშიც წავიდნენ, უკანხადუშიც დაიმაღნენ და არ ჩაუვარდნენ ხელში. შუაკაცებს კი ყოველთვის გზავნიდნენ რიგის საყენებლად. სადაც ჩასაფრდებოდნენ და ხალხი გაუგებდა, თითო საკლავს იქ უგზავნიდნენ ჭოლიკაურნი (მოსისხლეები რომ ჩაუსაფრდებოდნენ და ხალხი ჩასაფრებულებს მიაგნებდა, მამკლავის ოჯახი შუაკაცების ხელით საკლავს გაუგზავნიდა, რომ ისინი ამდგარიყვნენ და წასულიყვნენ. ეს მათი გულის მოგება იყო და მამკლავის თავმდაბლობის ნიშანი). ჩასაფრება, გაგება და საკლავის მიყვანა რამდენჯერმე განმეორდა და კარგა დროც გავიდა. ერთმა ძმამ ჯურჯაის ამ სასმლიანობის დროს სულ სხვა კაცი მოკლა, ამლიონი, გვარად კი წიკლაური იყო, მაგრამ ჭოლიკაურთი ის კაცი არაფერი არ იყო. ეს კაცი ხნიერი იყო, სახელად სუმელჯა. სუმელჯა ჯუთაში სტუმრად მისულიყო და სადღაცა სმაში შეხვედროდა

ჯურჯის ძმას პეტრეს (ჯურჯის ძმებს ერთს პეტრე ერქვა, ერთსა კი ადა, მესამეს ჯოყოლა. მაშინ ჯოყოლა პატარა იყო). პეტრეც ცოტა ნახვამი ყოფილიყო და სუმელჯაც. პეტრემ თურმე მოითხოვა, რომ სუმელჯა მასთან ხათრით ყოფილიყო, როგორც ამლიონი და წიკლაური, მაგრამ სუმელჯას ეთქო: ჭოლიკაურნი ჩემი არაფერი არ არიან და მე ხათრს არ გაგიწევო. წესის, რჯულის მიხედვითაც სუმელჯას მათთან არავითარი მოსისხლესებური ხათრი არ ეკუთვნოდა, მაგრამ პეტრემ უცბად ხანჯარი ამოიღო და სუმელჯას დასცა წვერით და მოკლა. სუმელჯა გაჯალათ მამიდან იყო. ამაზე პეტრე დაიჭირეს და ციხეში მოკვდა. ამათი მოსისხლეობა კი დიდხანს არ გაგრძელებულა. პეტრე რომ მოკვდა, კაც-შუაკაცმა რჯულში გაიყვანა და თავი თავში გაიბარა. მხოლოდ გაჯალათ უნდა მიეცა საუკენმამკედრო, თუ მათ ნახივარზე დაეჭირათ და მაშინ მომკვდარიყო; მაგრამ გაჯალათ არ უჩივლია, ისე დაიჭირეს და ამიტომ საუკენმამკედრო არ მიუციათ გაჯალათ; რაც რიგი იყენეს, ის რჯულმა ისევ დაუბრუნა მარაიხძეთ.

ამ ამბავმა მარაიხძეთ და ჭოლიკაურთ საქმე უფრო გაამწვავა. მარაიხძენი ამბობდნენ: პეტრეც მაგათ საქმის გულისხად მოკვდა. ჯურჯა რომ არ მოეკლა, პეტრე სუმელჯას არ მოკლავდა და დღესაც ცოცხალი იქნებოდაო. ჭოლიკაურთ ხმის ამოდების უფლება არ ჰქონდათ, მარაიხძეთ რაც უნდა ეთქვათ. ჯოყოლაც მოკვდა და ჯურჯაც და მისი კიდევ სამი სხვა ძმიდან დარჩა მარტო ერთი ძმა, სახელად აკია. აკია მაშინ ახალგაზრდა იყო და ფიცხობდა. ამოდენა ძმების დახოცამ და განვლილმა დრომ დაადინჯა და დაამწვიდა. თან მოიქანცა კაც-შუაკაცის სიარულით, მტრისად მიყოლით და ბოლოს რიგი იყენა. სახლის რიგი იყო ერთი სამი წლის კურეტი, სამი ჩარექის ქვაბი და სამი საკლავი; მიწად მიღების დღეს რომ დაიკლა, მესამე საკლავად ის ითველებოდა, ახლა მარტო ორი საკლავი მიუყვანეს. მაგრამ რიგის ყენების წინ ასეთი წესი იყო: დაზარალებული იძიებდა, საჯურუმო ხომ არავინ ჰყავდა: ეს ოჯახი როგორ იქცეოდა, ხათრიანად თუ უხათროდ, ხო არსად ითამაშა, ან იმღერა, ხო არსად ვისთან თქვა, რომ არაფერი ჩაიდინა მამკლავ-მამკედრობის წესის წინააღმდეგი. თუ რამე ასეთი იყო, ჭირის პატრონი ჯურუმს გამაუბემდა. ძველად ჯურუმი ცხრა ცხვარზე ზევით არ მიდიოდა. მერე ათი ცხვარი იყო, მერე ხუთი ძროხა და ათ ძროხამდენაც აჰყვანდა. ბოლო დროს, როგორც ჭირის პატრონი იტყოდა, ვერავინ გადაუხვევდა. შუაკაცებს ჭირის პატრონი გამოუცხადებდა – ამდენი და ამდენი ჯურუმი გადაიხადოს ამა და ამ დანაშაულზე და რიგს მემრე ვიყენებო. შუაკაცები იმის ნათქვამ დრამას მიიტანდნენ, დააწყობდნენ და მემრე იყენებდა რიგს ჭირის პატრონი.

აკიამ მთავარ დანაშაულად ის ჩაუთვალა, რომ თათარა ჯურჯის სიკვდილის დღეს იმის სახლში შევიდა – მამკლანო (ხალხი კი უჭურავდა: თათარამ სასიკვდილოდ დასდო თავი, იმდენად შეინანა ჯურჯას სიკვდილი; იმის სიკვდილის შემდეგ

სიცოცხლეს სიკვდილი ირჩია და აკიას ჯურუმი არ უნდა გამაებაო). ხუთი ძროხა ამის ჯურუმი დაადო, კიდევ სხვა რაღაცეები მოუკრიფა და სხვა ჯურუმებიც დაადო, რაც შუაკაცებმა ყველაფერი ულაპარაკოდ მიიტანეს და დააწყვეს. მემრე უყენეს სახლის რიგი ჩვეულებრივი წესით. კიდევ რამდენიმე წლის შემდეგ შუაკაცებმა მოაწყვეს თათარაის ბიძაშვილების პირსმასამყრელო. რა თქმა უნდა, ესაც აკიას და მარაიზძეთ ნებართვით. შუაკაცებმა მიიტანეს ფორის ფქვილი და სვე და ლუდი ადუღეს ჯუთის წმიდა გიორგიში და იქვე კოდში დააფუგლეს.

აკიამ და მარაიზძეთ დაუნიშნეს პირსმასამყრელოს დღე. თუ ვინმე საჯურუმები იყო, ჯურუმიც გამოუცხადეს. დანიშნულ დღეს შუაკაცებმა მოიყვანეს ჭოლიკაურები ჯვარში და მარაიზძენიც მოიყვანეს ყველანი. რა თქმა უნდა, დასტურ-ხელოსნები და შუაკაცებიც აქ იყვნენ. ჭოლიკაურები მოშორებით მუხლით დასხდნენ, შუაკაცები, მარაიზძენი და დასტურ-ხელოსნები ერთად ისხდნენ ჯვარში დაწყობილ ქვის სკამებზე. პირის მასამყრელოში მოყვანილი ჰყავდათ ჭოლიკაურებს ერთი საკლავი. ხუცესმა საკლავი დაკლა ერთურთის მოდავეთ სამწყალობნელოდ, ჭოლიკაურები მუხლითვე ისხდნენ და სხვა ხალხი ფეხზე იდგა. დაკლის შემდეგ, ჯერ ხუცესმა და მერე ყველა ხალხმა დაამწყალობნეს ერთუცის მედავენი, უსურვეს, რაც ავი ჩამოუვარდათ, მეტი ავი საქმე აღარ ჩამოვარდნოდეს; ამის მერე, ერთიმეორის დანდობა მისცეს. ჭოლიკაურებიც ფეხზე იდგნენ, მარაიზძენი მანამ სკამებზე არ დასხდნენ. მერე ჭოლიკაურები ისევ მუხლზე დასხდნენ მოშორებით. ხუცესმა სანთლები აანთო და კოდი გახსნა წმიდა გიორგის სადიდებლად (ამ დროს ამათგან მოკლულ მიცვალებულს არ ახსენებდნენ, არც შენდობას ეუბნებოდნენ აქ, როცა ეს ხალხი პირსყრებოდა. იმიტომ იყო ასეთი წესი, რომ მამკლავის მოგვარეებს პირველად ნახულობდნენ. მიცვალებულის ხსენებაზე კი შეიძლება ვინმე აღელვებულიყო და თავის უნებურად მკვლელობა გამოეწვია. თუმცა, კი არ ყოფილა ასეთი რამ, რადგან პირსმასამყრელო ჯვარში ხდებოდა და ჯვარი ყველას აშინებდა, ხევსურეთის რჯულს ემორჩილებოდა ყველა). ლუდი საწდეში დაასხა, დასტურმა საწდე მიიტანა და ხალხის წინ დადგა. ერთ-ერთმა შუაკაცმა ამოიღო თასები და ყველას დაურიგა. ყველამ დაილოცა, ადიდეს ჯუთის წმიდა გიორგი და დალიეს. დალოცვაში ლოცავდნენ ერთუცს (ერთიმეორეს), მოდავეებს, შუაკაცებს, მადლობას უხდიდნენ და ეუბნებოდნენ: „კაის თქმადა-დ კაის გონებად ღმერთმა ნუ დაგლივნასთ, რომ ავს საქმეს კარგად აქცევთ, ხალხს მარცხს, ზიანსა-დ მტერობას აშორებთ, ჯვარზე არიგებთა-დ სიმშვიდეს სთესავთ ხალხში“. თასები როცა ყველამ დალია, მერე ჭოლიკაურებს მიუტანეს, მაგრამ ისინი არც მუხლიდან ადგნენ და არც დალიეს, მანამ თითო თასი იმათი გაგზავნილი ყველამ არ შესვა მარაიზძეთამ. ერთი საწდე კიდევ მიიტანეს და პატივად დადგეს მარაიზძეთ წინ. მაიღეს ერთი თასი ლუდი და ხუცესს მისცეს, რადგან აქ ის უფროსი იყო. ეს საწდე რჯულის

მიხედვით, ხუცესმა ჭოლიკაურთ მიცვალებულისად დალოცა, კიბილაურისად (კიბილაური სახელოვანი კაცი იყო ჭოლიკაურთაში) შემდეგი სიტყვებით: „ღმერთო, დიდება შენდა! ღმერთო, მადლი შენდა! ღმერთო, სულიც შენ გებარებისა, კაციც შენ გეკმარების. ღმერთო, გაუმარჯვი ჯუთის წმიდას გიორგისა! წმიდაო გიორგიო, შენ უშველი ერთუცის მედავეთ მარაიხძეთა-დ ჭოლიკაურთ! რაც ავ ჩამაღვარდნივ, ღმერთო და წმიდაო გიორგიო, ნუღარას ავს ჩამაუგდებ. ღმერთო და წმიდაო გიორგიო, ნუ იქო ისრ მარაიხძეთ საქმეს, რომ კაცნი არ ხედებდნენ, პატივ არ მიუდიოდნენ. ნუც ჭოლიკაურთ საქმეს იქო ისრ, რო გასაგონ არ გაიგან, საპატიოს პატივ არ დაზღონ. ხთისა კვირაისა-დ წმიდის დიდებითა-დ ჩემის სიტყვის მაკსენებით სააქაოს ნათქვამ თუ საიქიოს მიდიოდნენ, წესი მართებული იყოს, ხთის წესითა, მღვდლის წესითა, იერუმსალეთის ნათლით, ქრისტეს გარიგებით, ეს თასიცა-დ საწდევ სულსამც კიბილაურისას მაეკმარების”. „შაუნდნას ღმერთმა, მააკმარას”, უთხრეს სხვებმაც. ხუცესმა კიდევ დალოცა თასი და დალია. მერე თითო თასი ყველას დააღვინეს. ეს რომ ყველაფერი მოთავდა, აკია ადგა, ამოიღო თასით ლუდი, წამოაყენა ერთ-ერთი ჭოლიკაური, დასვა სკამზე და მისცა ხელში თასი. სხვებიც ყველა ააყენა საათითაოდ და მოიყვანა სკამზე, ყველას თასები დაურიგა და დააღვინა. მერე უთხრა: „ჩემგან სათოფედ ნუღარავის გეშინისო, ვინაც აქ ხართ, ამიღავ თქვენზეით თოფი, მიპატივებავ ე ჯვართაცა-დ ხალხთადაც. დანარჩენი თქვენ იცით, თუ რას ხატრს იქონიებთ, თქვენს თავს გაუწევთ იმ ხატრს, თუ არა, ისიც თქვენ იცით. მე ვინაც თავის ჳელით მავენ, იმასთან მაქვ საქმე. ის არ იქნებისა-დ სხოი სტანავ, ისიც ისი, ჩემდ არა ბედენები. თქვენ კი, როგორც გითხარით, ჩემგან ნუღარ გეშინისო, ნუც ჩემების სახლისკაცებისაგან, თქვენთან სათოფე აღარაი გვაქვ, თუ თქვენ თავის ჳკვით არ გაიკდით საქმეს სათოფედ. ეს თქვენზე იქნების. რაველც მაიქცევით, ჩვენაც აისრ მაგეკცევით” (როცა დაზარალებული და დამნაშავის სახლისკაცები პირშასამყრელოს იზამდნენ წესით, თვითონ მკვლედი და ერთი ვინმე მისი ახლობელი, ან ძმა, ან ბიძაშვილი დარჩებოდნენ ისევ სათოფედ. ამ ორ კაცს ისევ ეძებდნენ მოსაკლავად. შეიძლება დამნაშავის გვარიდან ვინმემ რამე აწყენინა დაზარალებულს და იმაზე იყონ გაჯავრებული, უწესოდ მოიქცა მამკლავ-მამკვდრობის წესებში, უხატროდ, ასეთს დაატანდნენ მოხელეს და რომელსაც შეხვდებოდნენ, მას მოკლავდნენ. ბოლოს, რამდენიმე წლის შემდეგ მოხელესთან რომ ექნებოდათ პირშასამყრელო, მაშინ მოხელეს ვინაც დაატანეს, იმას დანაშაულისათვის ჯურუმს დაადებდნენ და მეკვლესთან ერთად შეიყრიდნენ პირს). ყველას რომ თასები მიუტანა და სკამზე დასვა, მემრე აკიამაც გაიარა და დაჯდა. ჭოლიკაურებმა თითო თასი კი დალიეს, ისევ ბოლოსაკე გადავიდნენ და მუხლით დასხდნენ. ხორციც მოიხარშა იმ საკლავისა, რომელიც აქ დაიკლა (ამ ხორცის მოხარშვას და ტაბლის გამზადებას ვინმე ახალგაზრდა თავობს, საკლავსაც ის გაატყავებს. ეს იქნება სულ სხვა ვინმე, ერთი-

მეორის მოდავით გარეშე პირი. მათი გვარებიდან არ იქნებოდა). ხორცი ამოიღეს და ტაბლაზე დააწყვეს, პური და მარილიც ჭოლიკაურებს ჰქონდა მიტანილი. ტაბლა მოიტანეს შუაკაცებმა და თვითონ დადგნენ ფეხზე. მარაიზქენი და ჭოლიკაურნი დასვეს და ერთ ტაბლაზე აჭმიეს პური. მემრე ადგნენ ჭოლიკაურები და ისინი დადგნენ ზედამდეგად. დასვეს შუაკაცები, დაუდგეს ტაბლა და ახლა ამათ აჭმიეს პური. პურის ჭამა რომ მოთავდა, ერთ-ერთი შუაკაცი გაუძღვა წინ, ერთი საწდელუდი წაიღო და ჭოლიკაურნი წაიყვანა ჯურჯაის სახლში. ამ დროს მარაიზქენი და სხვა შუაკაცები ჯვარში დარჩნენ და ლუდს სვამდნენ. ჯურჯაის სახლში შუაკაცი წინ შაუძღვა, გაიარა, „აშენდით“ უთხრა. მოეგებნენ შინ ვინც იყო – ჯურჯაის ცოლი და სხვები, „მოგვიხვეით მშვიდობით“, „მშვიდობით დაგვხვდითა, კარგად“, უპასუხა შუაკაცმა. ჭოლიკაურებმა ხათრით ვმა ვერ ამოიღეს და კართან მუხლით დასხდნენ (კარებთან ახლო). აქ შუაკაცმა საწდელშით თასი ამოიღო და ჯურჯაისად დალოცა. ჭოლიკაურნი მუხლზე ისხდნენ თავდახრილები (მუხლზე დაჯდომა ხევსურეთში გამოსატავს უაღრეს ხათრს, თავმდაბლობას. ორივე მუხლზე კი არ ჯდებოდნენ, არამედ ცალ მუხლზე). მერე ჯურჯაის ცოლმა მიუტანა ლუდიანი თასები და უთხრა: „ადეგით, თქვენ არა ბრალ გიტანავთ იმ კაცის მაკვლაში. ჯერ ვინაც მეტყელი ას, იმას იშობრად მაუჭდ. ალბათ ვერ ეწერ, აბა თქვენი სრუ რა ბრალი“. იმათ ხათრით ხმა არ ამოუღიათ. თასები გამაართვეს, ძალიან ხათრიანად და ხმადაბლა დაილოცეს, თითო თასი დალიეს და გავიდნენ სახლიდან. შუაკაციც თან გამოჰყვა და ისევ ჯვარში წავიდნენ.

ზემთ გამოგვრჩა: მანამ საკლავს დაჰკლავდნენ და ერთად შაიყრებოდნენ, შუაკაცებმა, სხვა წესების გარდა, მოიტანეს ხუთი ძროხის სპილენძი „საძმო“. საძმო უნდა გაიღოს მესაძმომ, გარეთულმა სახლისკაცებმა. პირველმა სახლმა რიგი უყენა სახლს. როგორც ზემთ ვთქვით, მერე სახლმა რიგი უყენა მოკლულის დედულებს და მესამე: საძმოს იხდის მესაძმო, ვისაც შაბათი არა აქვს გაყრილი (შაბათის გაყრა, ანუ მეშაბათე. შაბათის რიგი აწერილია მიცვალებულის კულტში). საძმო უნდა გაიღონ ბრალდებულის გარეთ სახლისკაცებმა და ეძლევა მოკლულის გარეთ სახლისკაცებს. ზემოხსენებული საძმო გაიღეს ჭოლიკაურების იმ პირებმა, რომლებსაც ეხლა პირშასამყრელს ჰქონდა და გაინაწილეს მარაიზქეთ აკიას გარეთ ბიძაშვილებმა.

თავიდანვე გამოგვრჩა: სადო აიღო დამ, ათი ცხვარი და სამამილო მამიდამ– ხუთი ცხვარი. ეს ხარჯი გადაიხადა მეტყელის სახლმა მამკლავ-მამკვდრობის ჩამოვარდნის შემდეგ მოკლე ხანშივე. ეს გადასახადი (დრამა) თათარაის სახლმა (ოჯახმა) მამიდასაც და დასაც გაუგზავნა შუაკაცების ხელით ჯურჯაის სიკვდილის მეორ-მესამე კვირასვე. დაგვიანებაზე დაადებდნენ ჯურუმს.

ჯურხაის სახლიდან ჭოლიკაურები და შუაკაცები რომ ჯვარში დაბრუნდნენ, იქ ჭოლიკაურები ისევ მუხლზე დასხდნენ. თითო-ორილი თასი კიდევ დალიეს და

წამოვიდნენ. წასული ჭოლიკაურები მარაიზძეთ გააცილეს, ლუდიანი საწდე გააყოლეს და ლუდი დააღვივნეს. მარაიზძენი (წესის) რჯულის მიხედვით ისე იქცეოდნენ, როგორც ერთიმეორესთან და სხვებთან. ჭოლიკაურებთან არ იმჩნევდნენ რამე ოდნავ მიზეზს, ვითომც მათ შორის არაფერი მომხდარიყოს და ისინი, ვითომც ჩვეულებრივი სტუმარ-მასპინძლები იყვნენ. ჭოლიკაურები კი ისე მოხატრებით იყვნენ, რომ ლაპარაკშიაც კი ენა ებმოდა. ამ სახით გაისტუმრეს და კიდევ გამეორებით გამოუცხადეს: „ჩვენგან სათოფედ ნუღარ გეშინისთ, თოფი თქვენზეთ აღებული, თუ თქვენ თაოდ აღარ გაიჭლით სათოფედ საქმეს, ჩვენ თავდებად გიყენებთ ამ ჯუთის წმიდა გიორგის, რომ თქვენზეთ თოფს ვიღებთ. აღარვის გიძვეთ სათოფედ. ამის შემდეგ ეს ხალხნი აღარ იმალებოდნენ. მხოლოდ, გზაში შეყრილს გზას გაუწირავდნენ, გზის ძირზე შორს გაივლიდნენ ქუდმოსდილები. თუ ისეთ გზაში შეხვდებოდნენ, რომ გზის ძირზე გასავალი არ იყო, ან უკან დაბრუნდებოდნენ, ან მუხლით დაჯდებოდნენ და ისე გაიცილებდნენ. დარჩა მამკლავად ორი კაცი – თათარა და მისი ძმა. ისინი დიდხანს იმალებოდნენ. მარაიზძენი ეძებდნენ მათ მოსაკლავად.

ამნაირად გაიარა სამმა წელმა და შუაკაცებმა თათარას ურჩიეს ჯვარში შეჯდომა („ჯვარნი შაჯდომა“ ხდება მკვლელობის შემდეგ ერთი წლის მერე და უფრო გვიან). რადგან მარაიზძენი ძალიან მკაცრი ხალხი იყო, თათარამ ვერ გაბედა სამ წლამდინ ჯვარში შეჯდომა და მემრე კი გაბედა და მოემზადა. წავიდა ჯუთისაკე. წაჰყვა თან ხუთი-ექვსი ახალგაზრდა. წაიყვანეს ერთი კურეტი და ერთი საკლავი, ერთი სანდო კაცი წინ გაგზავნეს იქ ხუცესის მოსამზადებლად და სათვალყუროდ – სად ვინ არის მარაიზძენიო. გაგზავნილმა კაცმა მოიტანა სხვა საქმე, ვითომ უბრალო მგზავრად მივიდა ჯუთაში. იქ სანდო პირები ჰყავდა თათარას ნათესავები, ვინც არ გასცემდა მის მოსვლას (მარაიზძენი თუ გაიგებდნენ ჯვარში შასაჯდომად მოდისო, შეიძლება გზა შეეკრათ და მოეკლათ, ვიდრე ჯვარში შეჯდებოდა). მოსულმა კაცმა ხუცესს გაანდო ამდამ თათარაის მოსვლა ჯვარში შესაჯდომად. სხვებსაც უთხრა, ვისაც ენდობოდა, რომ დახმარებოდნენ და მარაიზძეთ არცაით რა გაეცოთ, ან ვინ სად იყო მათი მამის ხალხი. ეს დაწვრილებით გაიგეს და გაგზავნილი კაცი უკან დაბრუნდა, ვითომც ისევ არხოტში წავიდა. თათარა და მისი გამყოლი ამხანაგები ერთ მოფარებულ ადგილას ელოდებოდნენ დაღამებას. გაგზავნილმა კაცმა იცოდა, ისინი სად იყვნენ და იქ მივიდა. მიიტანა ამბავი, რომ ჯუთაში ყველაფერი წესრიგზე არისო. დაღამდა და ყველანი წავიდნენ. ჯუთის სოფლის ბოლო ისე გვიან გაიარეს, რომ ყველას ეძინა (აქ მე ვიყავი, თათარა ცხენის გავაზე მეჯდა, ზედ ნაბადი მეხვია, ისე მივაცილე და წამოვიყვანე ჯუთაში. მაშინ მე ვიყავი ახალგაზრდა და ყველა ამ ამბის მოწმე ვარ). თათარა ერთ-ერთი საუკეთესო ცხენის გავაზე იჯდა იმიტომ, რომ თუ რამე მოხდებოდა და მტერი გადაეღობებოდა, მეორე კაცის გამო ცხენზე თოფს ვერ ესროდნენ. მეორე იმიტომ, რომ საიმედო ცხენი იყო და სწრაფად გააქანებდა ორივე

მხედარს. ჯუთაში ჯვარნი სოფლის ბოლოს იქით მხარეზე არიან და მისულები ჩუმად იქ მიიპარნენ. ერთი კაცი არხოტიდან მიმავალ გზაზე სოფლის პირში დააყენეს, რომ მარაიზძეთ არ ეგრძნოთ და გზის შესაკრავად ვინმე არ გაპარულიყო. ჯვარში რომ მივიდნენ, ხუცესი იქ დაუხვდათ და სამი-ოთხი ახალგაზრდა ჯუთელები, თათარას ნათესავეები. კურეტი და საკლავი ხუცესმა იხუცა ძალიან ნელის ხმით, დაამწყალობნა ორივე მხარე მოდავეები, კაც-შუაკაცი და თათარაისად გამყოლი კაცები. დაკლეს ორივე ჩუმად. მისულებს არაყი ჰქონდათ, თითო-ოროლა ყანწი საჩქაროდ დალიეს და წამოვიდნენ ცხენებით ნელის ნაბიჯით, მანამ ჯუთას გასცდებოდნენ, მერე კი ცხენებს გაუჩქარეს და გათენებამდინ არხოტში გადავიდნენ. ჯუთაში ხუცესმა და ახალგაზრდებმა კურეტი აწვევით წაიღეს და საკლავიც. მიიტანეს იქ ხუცესის სახლში და მათვე გაინაწილეს ტყავიც და ხორციც. რჯული ასეთი იყო, რომ დამხმარეები ინაწილებდნენ და შუაკაცები.

ჯვარში შაჯდომის დროს ერთი სამის წლის კურეტი უნდა იყოს და ერთი საკლავი, მამკლავ-მამკვდრობა თუ ერთ სოფელში მოხვდა, ე.ი. მამკლავი და მამკვდარი ორივე ერთი სოფლიდან არიან, მაშინ ჯვარში შაჯდომის დროს მარტო კურეტი დაიკვლებოდა, საკლავი დილამდინ რჩებოდა და მეორე დღეს მოკლულის სახლში დაიკვლებოდა. თუ ასეთი შემთხვევა იყო, როგორც ზემოთ აიწერა, როცა მამკლავ-მამკვდარი სხვადასხვა სოფლიდან იყო, მაშინ საკლავიც და კურეტი ორივე ჯვარში დაიკვლებოდა. მხოლოდ მოკლულის სახლში დაკლულის საკლავის ტყავი და ხორციც შუაკაცებს და ხუცესს მიჰქონდა. ასე მოხდა თათარას ჯვარში შაჯდომა. მეორე დღეს ხუცესი მივიდა მარაიზძესთან და გამოუცხადა ჯვარში შაჯდომის ამბავი და სთხოვა წმიდა გიორგის სახელით, რომ თოფი აეღო. იმათაც უთხრეს: „ვევსურეთის რჯულს ჩვენ ხომ არ დავშლით, სხვასაც მასვლივ ეს საქმეიდ ვერ გაუკეთებავ. ჯვარნი შაჯდომის მერჯულედ არ გაგხვდით. ავიღებთ თოფს იმ პირობით, რომ ჩვენ იმას ძეგას აღარ დაუწევებთ, ხოლოთ გზანი ნუ შაგვეყრების. ნუც გათამამდების მაგით. ჩვენ მაგის ჯვარნი შაჯდომით არც მკვდარ გაგვიცოცხლდა-დ არც სირცხვილ მაგვკვდ. თქვენაც იცოდათ, ჯვარმაცა-დ სხვა ხალხმაც, მაგათ მაკლულ კაც ჩვენ იქავ მკვდარი გვყავა-დ უწესო ქცევას ვერ მავითმენთა-დ ბრალს ნულარ ვინ დაგვდებთ, თუ მაგან თავის ბრალით თოფ აგვადებთ. ჩვენ ბევრ ვეცადენით მაგვეკლა-დ, ალბათ არ ეწერ ჩვენს კელს. ბევრჯელ მიმარჯვებულიც გვქონდ საქმე, რომენს გზაზედაც გამაივლიდ, იქ ვისხეთა-დ სხვას გზაზე გაიპარებოდ. აწიდგეს ჩვენ აღარ ვიძევთ მასაკლავად. თუ ძალად არ მაგვეკვლივ, იცხოვრას თავის სახლშია-დ საქმეიც აკეთას. ხოლოთ ჩვენ ამდას ქალ-დისწული გვყავა-დ უწესრიგობა, უხათრობა არც იმათთან ვარგ, თორემ იარად რო ვინ მაუქნივას, ჩვენ კელს ვერცაით ვის შაუკრავთ. უბრალოდ, უდანაშაულოდ კი ისეები იარადს არავის მაუქნევენა-დ, თუ რა მახვდ, ისიც მაგის

ბრალ იქნების. სხვა აბა რა გვეთქმის, რჯულ-რჯული ასა-დ, რაც რჯული გვაქვ, აბა სად ვინ წაუღოთ, ხალხსაც ეგ მაგვიდისა-დ მიწაწყალთაც. ამის შემდეგ გაიარა კიდევ ერთმა წელმა და შუაგაცები საკლავით ჰელში კიდევ მიუვიდნენ აკიას და სოხოვეს: პირშასამყრელოს ნება მიეცა თათარაისად და იმის ძმისად, რომელიც თათარასთან ერთად იყო რჯულის მიხედვით გაწირული. აკიამ და იმის სახლისკაცებმა კიდევ მოკრიფეს მიხეხები და ჯერ-ჯერობით უარი უთხრეს პირშასამყრელოზე. შუაგაცებმა საკლავი უკან აღარ დააბრუნეს და იქ დაკლეს. ამის შემდეგ კიდევ გაიარა ერთმა წელმა და მიუვიდნენ შუაგაცები. შუაგაცები ახლა იმედიანად მივიდნენ, რადგან გაგებული ჰქონდათ, რომ აკიას ოჯახში ხშირი გახდა ავადმყოფობა და მკითხავეები ეუბნებოდნენ: „ეევ მაგთვენ წვალება თქვენს მესისხლეს, სრუ ერთი, ის თქვენს ჰელს არ სწერავ, არც გიზამაობით მაუვიდ, ჯურჯას ვერ სიკვდილ ეწერა-დ ის ვაჟიც ჯურჯაის უკლოობამ გახვიე ამ ხიფართში. არხოტულნ ხთიშვილნი შასაწყინებულნი ამთვენ ამბით. ჯუთურ ხთიშვილნიც არხოტულთ ემჭრობიანა-დ თუ გულ არ ამაირეცხეთა-დ პირს არ შაიყარეთ, არას კას იქამთ“. ახლა მესულეთეს მაუვიდეს ჯურჯაის სულნი-დ ატანებივ: „ეევ იმ კაცს წვალება, თქვენ რო იმას აწუხებთ, აქაურის წესით აქ (საიქიოში) მე ვღონდები. იმ კაცს გიზამაობით არ მასვლივ, იშობარ მაუვიდ. მე ვყოფილარ უკლოი ვერ სიკვდილ მწერებივა-დ ისიც ჩემმ უკლოობამ გახვივა-დ დააღონ. აკმაეთ, ახლ კი ნუც მე მაღონებთ“.

შუაგაცებს ეს გაგებული ჰქონდათ ყველაფერი და იმედიანად მივიდნენ. აკიამ სახლისკაცები შეყარა და შუაგაცებმა თავის მოსვლის მიხეზი უთხრეს და სოხოვეს: „ახლა კი ახენეთ ღმერთს, დაგვდევით პატივი ჩვენაცა-დ აპატივეთ ჩვენებს სალოცავებსაც. აკმაეთ მაგთვენს ხანს ვერ სიარული, შაიყარეთ პირად. ჰვესურეთის მიწაწყალს ეგ მაუდის, ბევრი გყავთ ამხანაგი-დ არვინ დამრჩალ ამთვენ ხანსაც პირსაშამყრელოს გარეშე“. აკიას აღარ დააცალა მარაიზძეთ უფროსმა კაცმა გოგიტამ და შუაგაცებს უთხრა: „შასწუხდით თქვენაც ამთენივ სიარულით, მემრ განა ახლოი, მთას იქი-აქათ ორთ. ჩვენსა ჭოლიკაურთ გულისად ფეკზე ადგომამიც არ გეკადრებისთ, დაზდით თავის კაცობის გულისად. ღმერთმა კაის თქმადა-დ კაის გონებად ნუ დაგლივნასთ. ჩვენც რაიმ გაგვიგონავ ჰვესურეთის რჯულისაი, ვიცით, რო ყველაის დროი ას, ხანი ას, მაგრემ არც ჩვენ გვედების ბრალი. შინ ნაჯდომ კაცი მაგვიკლ უნაკიდებლოი. ეგ რო არხვატით აქ არ მასულიყვა-დ, აქ კიდევ არ ეჯღაბარდელავ, ჩვენ არვინ მაგკვლევდ, ჯურჯა დღესაც ცოცხალ გვექნებოდ. მაგრამ მაკდ უბედურობაი. ჩვენ იმთვენ თავი, კაცობა ნიაღვ ვინ მაგვც, რო დავსწორებულიყვენითა-დ ისრ გაგვეთავ საქმე (დავსწორებულიყვენით: ჩვენც რომ მოგვეკლა და თავი თავში გაგვებარაო). მაგრემ რა უყვათ, ე მირგვალს ჰვესურეთ მაგის ამხანაგიც ბევრი გყავ. ჩვენ მაინც სირცხვილიანნი დავდითად

მაინც. ახლა აღარც აკიას ვკითხავა-დ აღარც სხვას ვის, იმით რო ყველა ჩემზე უნცროსები არიან. დაამზადეთ პირმასამყრელი-დ შავიყრით პირს”. ხოლოთ დადოს ერთუცზე იმდენ-ამდენი ჯურუმით, უთხრა, რომელიც მარაიზქეთ წინასწარ ჰქონდათ მოლაპარაკებული და გადაწყვეტილი. ჯურუმის მიხეზიც უთხრა: როდის და რა ჩაიდინა საჯურუმო და რომელ დანაშაულზე რამდენი ჯურუმი დაადვეს. დაუნიშნა დრო პირმასამყრელისი და დაჯდა გოგიტა. მანამდე ფეხზე მდგომი ესაუბრებოდა შუაკაცებს. სხვას ხმა არავის ამოუღია. შუაკაცები ადგნენ, ქუდები მოიხადეს და უთხრეს: „აი, ე ქუდით მადლობლები ორთ, რო პატივ დაგვდევითა-დ კაცად ჩაგვეყარებით”. ქუდები გოგიტას წინ გადაუყარეს. ერთი ახალგაზრდა ადგა, ქუდები აიღო, გაბერტყა და პატრონებს დაურიგა. საკლავი დაკლეს. მოიხარშა, შუაკაცებს პური აჭმიეს და გამოსიტუმრეს. შუაკაცები დაბრუნდნენ, სვე და ფორი დაამზადებინეს, გადაიტანეს და ჯუთაში ადუღეს ლუდი. დანიშნულ დღეს წავიდნენ ჯუთაში და მივიდნენ ღამე ჯვარში. ჯვარში დახედნენ ზოგიერთი ჯუთელები, რომლებიც მარაიზქეთ მამას არ ეკუთვნოდნენ და შუაკაცობაში ღებულობდნენ მონაწილეობას. არხოტიდან მიიყვანეს ერთი მესამის კურეტი, ორი საკლავი და დრამა იმ რაოდენობით, რამდენიც გოგიტამ ჯურუმი გამოუცხადა შუაკაცებს. შუაკაცებმა მოიყვანეს მარაიზქეთ მამის კაცნი უკლებლად. ახალგაზრდებმა კურეტი და ერთი საკლავი წამოაყენეს სასაკლავოში. თათარა და მისი ძმა აქამდინ დამალულები იყვნენ და ახლა მოიყვანეს, მივიდნენ და შორს მუხლით დასხდნენ. ხუცესმა იხუცა საკლავი და კურეტი. მარაიზქენი და სხვა ხალხი ფეხზე იდგნენ. დაამწყალობნეს ერთურთის მოდავენი. მერე მოიტანეს ლუდი და კიდევ ადიდეს ჯვარნი. ხალხმა რომ ლუდი დალია, ერთი საწდე კიდევ მიუტანეს მარაიზქეთ პატივად. ეს საწდე პატივის წესით დაილოცა ჭოლიკაურთ მკვდართად. მერე თვითონ აკიამ მოკიდა მხარზე ხელი, ააყენა თათარა, წამოიყვანა, სკამზე დასვა და მისცა თასი, მერე მისი ძმაც ასე, და უთხრა: „მამეკალ მინდოდ, მაგრამ აღბათ ჩემს ჳელს არ ეწერი. ახლა ჩემგან ნულარ გეშინის, თუ ძალად არ მამეკვლევი, მე აღარ მაგკლავ”. ბევრი არ ელაპარაკა და დაჯდა. თითო თასი რომ დალიეს, შუაკაცებმა ერთი საკლავი და ჭოლიკაურნი წაიყვანეს ჯურჯაის სახლში. თათარა აქ ისე შეწუხდა, რომ სულ ოფლი სდიოდა. აქედან სულ მოკლე ხანში გამოიყვანეს და ჯვარშივე წავიდნენ. აქ შეასრულეს ყველა ის წესი, რაც წინა პირმასამყრელიში შესრულდა.

ამის შემდეგ ერთ საკლავს უკლავდნენ ჭოლიკაურნი მარაიზქეთ. თუ ვინმე ახლობელი მოუკვდებოდა, მაშინაც საკლავ-პატივს უგზავნიდნენ და იქცეოდნენ მუდამ ხათრით.

მამკლავ-მამკვლრობა ახიელში

სოფელ ახიელში ცხოვრობდა ხუთი მთავარი გვარი და ისინი კიდევ იყვნენ დაყოფილი მამებად. მთავარი გვარები იყო: ცისკარაულები, ოჩიაურები, ნაროზაულები, ჯაბუშანურები და ბალიაურები. ცისკარაულები კიდევ იყოფოდნენ მამებად: ჯარანი და თათიანი. ჯარანი კიდევ მამებად ცალ-ცალკე: ძუნძულნი, გაგუჩანი და ხომიზურანი. თათიანი აღარ იყვნენ დაყოფილი.

ოჩიაურები იყოფოდნენ მამებად: საჩინანი, ალუდიკანი და ქალიელნი. კიდევ ყოფილან კირჩანი და ისინი ამოწყვეტილან. ნაროზაულნი იყოფოდნენ: ჩაბაკაურნი, ქავთარნი და ბოდანი. ქავთარნი კიდევ იყოფოდნენ: გუგუანი და ყურფარანი. ჯაბუშანურნი იყოფოდნენ: ბაკანი და ალიანი. ბალიაურთ დაყოფა არა ჰქონდა. როგორც ძველები იტყოდნენ, ბალიაურთ წინაპარი გადმოსულა ბლოდან, ჯაბუშანურნი თათრები არიანო – ტყოდნენ. ცისკარაულები, ოჩიაურები და ნაროზაულები განაყრები არიანო. უწინ კარგი განწყობილება ჰქონია ამ განაყრებს და ბოლო-ბოლო რაღაც შური ჩამოუვარდათ ერთიმეორეში. ჯარა-ოჩიაურებსაც ხშირ შემთხვევაში მოხდიოდათ ჭრა-ჭრილობა (ბოლო ხანებში), მერე ისევ რიგდებოდნენ (ჭრა-ჭრილობა მერე სხვა ადგილზე იქნება აწერილი). ნაროზაულებთან უფრო იშვიათად იყო ჭრა-ჭრილობა, მაგრამ სხვადასხვა საქმეებზე ჩამოვარდებოდა ამ ორ გვარს შორის უფრო შურმაქნეობა. უფრო ადრე თავის სოფელთ ნაცოლარი არ მიყავდა მეორეს, არც ქერივი და არც ქმარს გაყრილი. ამ სამ, ერთიმეორის განაყარ გვარებს შორის ხომ სულ არ შეიძლებოდა ასეთი რამ (ერთი ქმარს გაყრილი გ. ოჩიაურის ყოფილი ცოლი გ. ცისკარაულმა მოიყვანა და ამის შურზედაც მაგარი ჭრა-ჭრილობა მოხდა, რაც მერე დაიწერება). ბოლოს ასეთი ამბავი მოხდა: ერთი ამდელი ქალი ნაროზაულ ახალგაზრდას ყავდა ნათხოვი. ამ ქალს ყველანი ისე ექცეოდნენ, როგორც რძალს ქმრეულები, მახლები. ამასობაში ამ ქალს შეუყვარდა ოჩიაური ახალგაზრდა. ერთიმეორე ძალიან უყვარდათ, მაგრამ მისი ცოლად წაყვანა არ შეიძლებოდა არსებული რჯულის, წესის მიხედვით, რადგან ყველანი რძალს ეუბნებოდნენ. მაგრამ ამ ქალ-ვაჟმა გადათელა ეს წესი და ერთიმეორეს შეპირდნენ ცალ-ქმრობაზე. აქ მათი ცხოვრება აღარ შეიძლებოდა, თუ ისინი ერთიმეორეს გაყვებოდნენ და ამიტომ ვაჟი ქისტეთში წავიდა საცხოვრებლად, იქ მიიღო მათი სარწმუნოება მაჰმადის სჯული, ისწავლა მათი ენა, დალოცვა მათებურად და მოეწყო იქ საცხოვრებლად. ქისტები იქ მას კარგად ეპყრობოდნენ. თავის მოსაგლის ათისთავს აძლევდნენ. მაგალითად: ათი ურემი სიმინდი რომ მოსვლოდა ამა თუ იმ ოჯახს, ერთი ურემი მასთან მიჰქონდა. ცხოვრობდა ჩრდილოკავკასიაში, კავკავის მარჯვენ, ქისტებით დასახლებულ სოფელ ბაზურგანზე. ქისტებმა სახლიც მისცეს

მას. ძალიან უხაროდათ რომ ქრისტიანობიდან გადავიდა იმათ სარწმუნოებაზე და ყოველგვარ დახმარებას პირდებოდნენ.

აქ ქალმა დაიწყო ქმრის დაწინააღმდეგობა, მაგრამ ეჭვი იყო ქისტეთში წასულ კაცს მიყვებაო და ქმარი თავს არ ანებებდა, არ ანთავისუფლებდა (ხევსურეთის წესით ქმარს უფლება ჰქონდა ცოლი არ გაენთავისუფლა და სხვაგან გათხოვების ნება არ მიეცა, თუნდაც ის ისევ მამის სახლში ყოფილიყო. მანამ ქმარი არ იტყოდა: „მე თავს ვანებებ, ვისაც უნდა გახყვას, მე საქმე აღარა მაქვს“, მანამდინ ვერავინ წაიყვანდა. იმის უფლებაც ჰქონდა ქმარს: თუ ვისმეზე ეჭვი ეპარებოდა – ჩემი ნათხოვი ქალი იმას მიჰყვებაო, იმ კაცზე გათხოვებას უკვეთდა (აუკრძალავდა) და თუ ის წაიყვანდა, მოკლავდა აუცილებელივ. თუ ვერ მოკლავდა, სირცხვილი იყო სამუდამოდ. ეს ყველაფერი ხდებოდა სახლში მოყვანამდინ. ცოლს რომ სახლში მიიყვანდა, მერე კი სხვისად გაყოლა აღარ ხდებოდა). ქალი უბარებდა – დამანებე თავი, არ გამოგყვებიო. ქმარი უბარებდა: „სრუ მამის სახლში იყავი, მანდ დაგაბერებ და გაქმრიანების ნებას არ მაგცემ, ვისაც სიცოცხლე აღარ უნდა, იმან წაგიყვანას. შენაც გაიგება-დ ისიც, რას ხანთ გაგახარებთ“. ქალი და მისი საქმრო ამ ამბავში იყვნენ და ის მესამე პირი ქისტეთში ცხოვრობდა. ქისტებმა სახელიც თავისი დაარქვეს – მაჰმადი. გავიდა დრო და მიმწვიდდა ეს მითქმა-მოთქმა. თიბა-მკის დრო იყო და სათიბზე წასული ქალი შინ აღარ დაბრუნდა. ქისტეთში წასული ახალგაზრდა მოსულა ჩუმად, დაუთვალიერებია, ის ქალი სად წავიდა სამუშაოდ, მისულა და წაუყვანია ქისტეთში. მოხდა არაჩვეულებრივი ამბავი სოფელში, ორი გვარი ერთიმეორეს უნდა მოხვედროდა და ვინც როგორ მოასწრებდა, ამოეხცა ერთმანეთი. მოვიდა ხალხი, უფროსები სხვა სოფლიდანაც. ახიელელი უფროსებიც ჩაერივნენ და ამშვიდებდნენ ხალხს. ბოლოს ნაროზულებმა მოითხოვეს ჯვარჩი საკლავი დაკლან ოჩიაურთა-დ მაიკვეთან ის კაცი, იმას ნუღარ იმძობენ: „ის რო მოგკლათ, თავს ნუ დაგვდებენ; თუ ვინ იმან მაგკვლ, ჩვენაც ოჩიაურთ თავს არ დაგვზდებთ. გაყარან ძმობაი-დ ჩვენ მაგათან სადაო აღარა დაგვრჩების, ჩვენ ვიცითა-დ იმ კაცში“. ბოლოს შუაკაცებმა ოჩიაურები დაიყოლიეს და იმათ მოიკვეთეს ის, რომელმაც წესი დაარღვია და ქალი გაიტაცა. მიიყვანეს საკლავი, დაკლეს ჯვარში და საქვეყნოდ უარყვეს მისი ძმობა. ჩვენს თვალწინ რომ ვინმემ ეგ მოკლას, ჩვენ ხმას არ ამოვიღებთ და თუ მაგან ვინმე მოკლა, მოკლულის გვარს ჩვენთან საქმე ნუ ექნებაო.

ასე დამშვიდდა ვითომ ეს ორი გვარი, მაგრამ შური მაინც არ ცხრებოდა, ერთიმეორესთან ძველებურად კარგად განწყობილნი მაინც არ იყვნენ, აღარც დადიოდნენ სმაში ერთად. დღეობებში ლუდს მასმურზე ყოფდნენ და ცალ-ცალკე მიჰქონდათ (მანამდინ ერთად დღეობობდნენ). უფრო ნაწყენი იყვნენ ნაროზაულები. ამ მოკვეთას მაინც არაფრად აგდებდნენ – ჩვენ რომ მოგკლათ, ეგენი ისევ ძმები იქნებიანო, ამბობდნენ. ოჩიაურთ ახალგაზრდებმა მათ უბანზე კვიცი ცხენი ჭენებით გაატარეს

და იმათაც მეტი არაფერი დასჭირდა: „აქ რო ცხენს ათამეშებთ, რო ვინ გალაჭას, რაიდ გგულავთ, მემრ სადად დაგვიძვრებით“, უთხრეს ნაროზაულებმა. თუმცა ცხენებით სიარული აქ ჩვეულებრივი ამბავი იყო, მაგრამ საშარო მიზეზი იპოვნეს. ოჩიაურებმაც არ დაუთმეს და მოხდა შუღლი. ხანჯარი აქ არავის ჰქონდა, ყმაწვილები იყვნენ და სათითოთ დაკაწრეს ერთიმეორე. დიდმნიშვნელოვანი შუღლი არ ყოფილა, რადგან არც ერთი გვარის ხალხი არ იყო ამ დროს აქ, ვისაც ხანჯრით შუღლი შეეძლო. თუმცა კი, ნაროზაულებს ადრევე ჰქონდათ პირობა შეკრული. ეს ყველას სირცხვილია და, თუ ვისმე ამ საქმეზე შუღლი და ჭრა-ჭრილობა მოგვიხდა, დრამა ყველამ თანასწორად გადავიხადოთო. ეს ზოგიერთ ოჩიაურებს საიდუმლოდ გაეგოთ. ეს ამბავი გაიგეს დანარჩენმა ოჩიაურებმაც და სთქვეს: „ჩვენ მაგათ სახლისკაც მაგვაკვეთიეს, ძმობა გაგვაყრიესა-დ იქავ ცუდგულობენ, არ ისვენებენ“. მეორე დღე იყო. გამოვიდა ქალის წამყვანის უფრო ახლობელი კაცი და დაუწყო ნაროზაულებს წირვა-გინება. თუ შუღლი და მტრობა გინდათ, აი ვიშუღლათო. ნაროზაულთ გვარი შედარებით კაცმრავალი (კაცრიელი) იყო და გამოვიდნენ ბევრნი. ოჩიაურები ამ დროს სულ არავინ იყო სახლში. როცა ზოგები წინ შეეგებნენ, ამ დროს ერთი ნაროზაულთაგანი ზურგიდან მოუვიდა და ორჯელ დაჰკრა ხანჯარი თავში. ისე მოხდა, რომ ორივე მოქნეული ხანჯალი ერთსადაიმავე ადგილზე მოხვდა და მძიმედ დაიჭრა. დამჭრელი ვერა და ერთ-ერთი ნაროზაული ამ კაცმა დაჭრა, მხოლოდ მსუბუქად. დაჭრილ ოჩიაურს თამარიზძე ერქვა და თუმსაც ეძახოდნენ. ჩავარდა თუში ლოგინად, რადგან ძვალაც გაჭრილი იყო და ტვინის სკაც დაზიანებული. შეიქნა ძალიან მწუხარე ავადმყოფი. დასივდა ჭრილობა, თუმცა არ დაჩირქებულა, მაგრამ მთელი თავი დასივდა. გადავიდა სიმსივნე ტანზედაც. იმ დროს ხევსურეთში ექიმი არსად იყო (ეს მეფის რუსეთის დროს იყო და მაშინ სოფელში ექიმი სად იყო). დააყენეს სოფლური ექიმი. მკურნალობდა ბალახის წამლებით. ბალახები ჰქონდა გამხმარი და წმინდად გაზელილი, რომელიც წამლად იყო მიღებული. ჭრილობას თბილი წყლით მობანდა, შეამშრალებდა, მერე ბალახის წამალს დააყრიდა, ჭრილობაში დაძენილ კანაფს ჩასჭედდა მაგრად, რომ ჭრილობა არ შემოყრილიყო, მერე ზედ პატარა რამეს ფართლის პირს დააფარებდა და ზედ თავშლებს მოახვევდა. ჯერ, დღეში ერთხელ შეუხვევდა ასე და, როცა თანდათან ცუდად გახდა, დილით და საღამოსობით ორჯელ დაუწყო შეხვევა. მაგრამ ავადმყოფს გაუმჯობესება არ ეტყობოდა. არხოტში რაც მკითხავები იყო, ყველასთან მივიდნენ, ზოგი ავადმყოფთან მოყავდათ და აქ ქადაგობდნენ. ყველანი სხვადასხვა ჯვარის მიზეზს ეუბნებოდნენ. უფრო კი მიზეზად ამბობდნენ: „არხოტის ჯვარი გამწყრალი, იმის ყმათ გათავთავადებაზე და ცალ-ცალკე სმაზე. მე მიქიელი ორ, თხა-მგელთ ერთად ვაძიებ, თქვენ კი ყმანი თავს წამიხვედით. ჩემ სადიდებელს ცალ-ცალკე სცქამლავთ. აღარ მაფასებთ. მკლავ მკლავს გამისწორეთ, კისერ კისერს“. ამასთან, მუქარას

ითხოვებოდა – თუ ჩემს ჭკეპზე არ მახოლო, სულ გაგანადგურებო. ოჩიაურნიც და ნაროზაულნიც ყველანი ამბობდნენ: „ოლომც ეს კაც მორჩას, ერთუცში სისხლ ნუ ჩამავივარდებისა-დ ყველას დავსთმობთ, ჯარსაც იქავ ვაჯარებთა-დ სოფელსაც იქავ ვასოფლებთ. ჭიმდას ხოშექამ, ამდას ნინომ, წმიდად ნამყოფ ჯვარის გამძღობებ, ყველამ იმკითხავა არხოტის ჯვარში კურეტი და საკლავი და მეხვეწურად დედანი. ჯერ არხოტის ჯვარში მიიყვანეს კურეტი და საკლავი დაკლეს მარტო ავადმყოფის სამხვეწროდ. დედანი მოვიდნენ და ჯვართ პირდაპირ მუკლმაცრილები დასხდნენ. ხუცესმა რომ ხუცობა დაიწყო, დედათ მოიკადეს თავმანდელი და გადაყარეს წინ და ეხვეწებოდნენ არხოტის ჯვარს: „შამავხვეწნიორთ დალოცვილო ახიელის სალოცავო, შენთ ყმათ ახიელელთ დედანი. შავგიხვეწენი, დაეკმარი ავადმყოფს, მარჩინე, აღირსი შენს კარზე თავის ფეკით, ზღვნითა-დ სანთლით მასვლავი. შავგიბრალენ დალოცვილო, ნუ წავგიკდენ სოფლობას, ნუ წააკდენ შენთ ყმათ შენად სამსახურად“. ხუცესმა დაამთავრა ხუცობა და დაკლა კურეტი და საკლავი. გაატყავეს ორივე, რაც კარგი ნაჭრები იყო, წაიდეს ავადმყოფთან და დანარჩენი ჯვარიონთ და სოფელმა წაიდ-წამოიდო. ამავე სახით იზღვნეს, მხოლოდ თითო საკლავი მიიყვანეს ჯაჭველში და მთიშეშავში. მაგრამ ავადმყოფს არავითარი სიკეთე არ ეტყობოდა. თანდათან მწუხარე გახდა. ოჩიაურები ღამეებს თეთრად ათევდნენ ავადმყოფთან. ნაროზაულები ფროთხილად იძინებდნენ, რომ გარდაიცვალოს, ვეღარ გავასწრებთ და ერთმანეთის ხოცვა მოყვებაო. ეს კაცი შემოდგომით დაიჭრა, ზამთარი მიიწურა და ისევ მძიმე ავადმყოფი იყო.

უკანასკნელ ღამეს ოჩიაურები, ორი კაცი იყო ავადმყოფთან. ავადმყოფს დაეტყო, რო აღარ იცოცხლებდა დილაამდინ. ავადმყოფის ცოლი გაიპარა ისე, რომ ოჩიაურებმა ვერ გაიგეს და შეატყობინა ახლო მეზობელს: ჩემი ქმარი ამაღამ აღარ იცოცხლებს, წადი და ჩუმიად შეატყობინე ნაროზაულებს, რომ თავს უშველონო. ნაროზაულები ყოველთვის მომზადული იყვნენ გასახიზნად და გაგებისთანავე დასტოვეს თავისი სოფელი და წავიდნენ სოფელ ამლაში. ზამთარი იყო და სხვაგან წასვლა დიდი თოვლების გამო არ შეიძლებოდა, აღნიშნული სოფელი ორი ვერსით იყო დაშორებული, იქ წავიდნენ, მაგრამ აქაც ოჩიაური ქალები იყვნენ გათხოვილი და მათთანაც საჭირო იყო დამალვა, ოჩიაურთ დისწულებთანაც. მაგრამ ნაროზაულები თავის ნათესავებთან მივიდნენ და დაიმაღნენ. ავადმყოფი რომ გარდაიცვალა და დაამკაცრეს (ხელები გულზე დაუწვევს, თვალები დაუხუჭეს და პირიც მოუკუმეს), იარადი აიდეს და პირდაპირ მამკლავის სახლს მიაწურეს. კარები დაკეტილი არ დახვდათ და პირდაპირ სახლში შევიდნენ, მაგრამ იქ აღარავინ დახვდა. ახლა ამის ბიძაშვილების სახლები ნახეს და აქედანაც გახიზნულიყვნენ. გატყდა ხმა სოფელში და სხვა გვარების ხალხი, კაცი და დიაცი, ყველანი მოვიდნენ. ოჩიაურებმა იცოდნენ, რომ ამღის გარდა სხვაგან ვერსად წავიდოდნენ

და უნდოდით დასდევნებოდნენ უკან, მაგრამ სოფლებმა არ გაუშვეს. სოფელი მთლიანად აქ იყო, ნაროზაულთ გარდა. მეორე დღეს თემებშიც გაიგეს, ოჩიაურთ ნათესავები ყველანი მოვიდნენ და უნათესაო ხალხიც მოვიდა ხნიერები და კაც-შუაკაცები მოსიარულენი, ხევსურეთის რჯულის მცოდნენი და დაიწყეს შუაკაცობა მშვიდობის ჩამოსაგდებად. ესაუბრებოდნენ ჭირის პატრონებს წარსულ, მომხდარ ამბებზე, მერე შერიგებაზე და სხვა. მიცვალებულს ქალები და სხვა მამის კაცნი ტიროდნენ. ოჩიაური მამაკაცები არ ტიროდნენ, რადგან სხვათაგან მოკლულზე ტირილი კაცისათვის სირცხვილია. შუაკაცებმა მაშინვე დაიწყეს რიგის ყენებაზე საუბარი, მაგრამ ოჩიაურებმა არ იყენეს რიგი. მოკლულს ძმა-ბიძაშვილი არავინ ჰყავდა. აღუდიკათ მამიდან მარტო ეს იყო და მეორე ის, რომელიც ქისტეთში წავიდა და ქალი წაიყვანა. დანარჩენი ოჩიაურები ცოტა შორიელები იყვნენ. მოკლულს შეილები პატარები ჰყავდა. ოჩიაურები შუაკაცებს ეუბნებოდნენ: „ამას აქ ახლოელი არვინ ხყავ. ნაროზაულთაგან ის კაციც მავიკვეთეთ, ეს კაციც მაგათავ მაგვიკლეს, ჩვენ გავაგებიებთ ამის ახლოელს, მავა-დ ის იყენებს რიგს”.

მესამე დღეს დასაფლავების დღე იყო. მოიყვანეს ერთი მიწად მიტანის საკლავი და სულისათვის დაკლეს (არხოტში მიცვალებულის ხარჯები თავზე ე. ი. როცა მოკვდება მაშინვე არ იცოდნენ. ხარჯებს გადაუხდიდნენ მაშინ, როცა შესძლებდნენ მომზადებას). მიცვალებული დასაფლავეს და საპირისცნოს ოჯახმა დაკლა (საპირისცნოს დაკლავენ დასაფლავების შემდეგ, ხორცი მოიხარშება და ნარეგებს დაუდგამენ ტაბლას). კაც-შუაკაცი მაინც თავისას არ იშლიდა. აქ ცუდი მდგომარეობა იყო, რადგან ერთ სოფელში იყო მამკლავიც და მამკვდარიც. მამკლავის გვარი გაიხიზნა. თან ზამთარი იყო და პირუტყვიც იყო უპატრონოდ დარჩენილი ბაგაზე. თან თოვდა და ბანებზე მძიმე თოვლი იდო დასახვეტი. უფლება არავის ჰქონდა ოჩიაურების უნებართვოდ ხელი ვისმე რამისათვის მიეკარა. შუაკაცებმა შესძლეს საკლავის მოყვანით და ხვეწნით ის, რომ გარეთული სახლისკაცების დიაც-ყმაწვილს მისცეს ნება თავის სახლებში დაბრუნებისა, პირუტყვის და სახლ-კარის მოვლისა. მამკლავის და მისი ალალი ბიძაშვილების პირუტყვისათვისაც სხვებს მისცეს ნება, მემრე კიდევ მოჰგვარეს ერთი საკლავი და ბიძაშვილების ხიზანსაც მისცეს სოფელში მოსვლის ნება. ბოლოს საქმე იქამდინ მივიდა, რომ მოკლულის ცოლმა თხოვა თავის ქმრის მოგვარეებს, რიგი მიყენეთო (სამტრო-სამოსისხლეო საქმეში ხევსურეთში დედაკაცი ნაკლებ მონაწილეობას დებულობდა). ახლა შუაკაცებმა საკლავით და ქუდით სთხოვეს და დაითანხმეს რიგის ყენებაზე [ჯერ ხომ მეკვლემ გვარს მისცა ერთი საკლავი და კურეტი, სამის ჩარეკის ქვაბი. მემრე სახლის რიგი მოიტანეს და თუ ვინმე დასაჯურუმებელი იყო, ჯურუმიც მოაყოლეს, სახლის რიგი იყო ერთი სამის წლის კურეტი, სამი საკლავი (თუ სხვადასხვა სოფელშია მამკლავ-მამკვდარი – მაშინ ორი საკლავი უნდა, თუ ორივე ერთ სოფელში არის, მაშინ სამი) და სამის

ჩარექის ქვაბი. კურეტი გაუშვეს, საკლავები დაკლეს და ტყავ-ხორცი შუაკაცებმა წაიღეს]. სადღეო დარჩა გაზაფხულამდინ, რადგან მოკლული ბუდე-ხევსურეთიდან ზეისტეხოვლების დისწული იყო და ზამთარში იქ გზა არ არის. ისინი გაზაფხულზე მოვიდნენ გვარად და ჩვეულებრივი რიგი იყვნენ (სამის წლის კურეტი და ერთი საკლავი – სამის ჩარექის ქვაბიც. აგრეთვე, სადო და სამამიდაოც ჩვეულებრივ გადაიხადეს). სოფელში ბავშვები და დიაცები ყველა მოუშვეს, მხოლოდ კაცები იმალებოდნენ ამღაში (მათ გვარში ვიღაც მოხუცი მოკვდა და საჭირო იყო მისი დასაფლავება. მაგრამ რადგან საფლავ-სამარე ერთგან ჰქონდათ, ამიტომ საჭირო იყო საფლავ-სამარის სამკსნელო ერთი საკლავი, უამისოდ არ შეიძლებოდა აქ მათი ვისმე დასაფლავება. ახალ მიცვალებულის პატრონმა გამოუგზავნა დაზარალებულის ოჯახს ერთი საკლავი და იხსნა საფლავ-სამარე, დაასაფლავა თავისი მკვდარი). იმალებოდნენ ერთ სოფელში მთელი გვარი. დადიოდნენ ოჩიაურები შურის საძებრად, მაგრამ ისეთი გაფრთხილებული იყვნენ მათი მასპინძლები, რომ ოჩიაურებმა თავის მოსისხლეთ გვარებისა ერთი კაცი ვერა ნახეს. სახლებშიც კი ჩაუსაფრდნენ, მაგრამ ვერაფერს გახდნენ, ისინი დღისით გარეთ არ გამოდიოდნენ, ღამით მასპინძელი და ის, ორივე მასპინძლის ტანისამოსში გამოწყობილები, გამოდიოდნენ და გამოცნობა ძნელი გახდა. რამდენჯერმე შენიშნეს ჩასაფრებულები და საკლავი მოუყვანეს, მაგრამ საკლავი არც ერთხელ არ მიიღეს, უკან აბრუნებდნენ. „ჩვენ საკლავისად არ მავსულოთ აქ, ჭირს მავზდევთ თავისას“ – იტყოდნენ და წამოვიდოდნენ. გაგრძელდა ასეთი მდგომარეობა გაზაფხულამდინ; ერთმა თუ ორმა კაცმა კი მოახერხა შატილში გადასვლა, დანარჩენები კი ტრიალებდნენ ამ წვალებაში. გაზაფხულის პირზე, როცა მთაზე თოვლი გამაგრდა და ზვავისათვის საშიში აღარ იყო, მთელი გვარის მამაკაცები, ნაროზაულები, წავიდნენ კახეთისაკე. მთამდინ მოკეთებმა გააცილეს (რა თქმა უნდა, არხოტიდან ღამე წავიდნენ ისე ჩუმად, რომ არავის გაუგია), იქიდან ჩამოვიდნენ, არავის ხეობა გაიარეს, იქიდან თიანეთში გადავიდნენ და თიანეთიდან კახეთში. კახეთის ტყეებში ხევსურები მოსახლეობდნენ, ზოგი არხოტიენები და ზოგები ბუდე-ხევსურეთიდან და ნაროზაულებიც ზოგი სად, ზოგი სად, შეეხიზნენ. მათ არც პური ჰქონდათ, არც ფული, არც ბინა და არც ჩასაცმელ-დასახური. მუშაობდნენ დღიურად და ირჩენდნენ თავს. ერთ ადგილას ახმეტის ახლო დაიწყეს ტყის გაველება, გაიკეთეს პატარა ქოხები და დაბინავდნენ იქ.

გაზაფხულზე, როცა გზა კარგად გავიდა, გარეთულმა სახლისკაცებმა, შუაკაცების დახმარებით, მოაწყვეს პირსშასამყრელო. პირსშასამყრელო მოეწყო იმავე წესით, როგორც აიწერა წინ, მამკლავ-მამკვდროვმაში. არხოტის ჯვარში აღუდეს ლუდი. შუაკაცებმა დანიშნულ დროზე მოიყვანეს ნაროზაულები. მოიტანეს ხუთი ძროხა სამძო (დრამა), ჯურუმები, თუ რა ვის დაედო ჭირის პატრონისაგან. ეს ყველაფერი თვითონ შუაკაცებმა გადაფარეს, რამდენი ძროხის ანგარიშიც იყო. მერე დაკლეს საკლავი და

შეასრულეს ყველა წესი, რაც პირშასამყრელოში სრულდება. ნაროზაულები ძალიან ხათრიანად იქცეოდნენ, მაგრამ ოჩიაურები თვითონვე ანუგეშებდნენ: „რა უყოთ, ეგ საქმე ეგრ ალბათ გვეწერ. ჩვენ ერთუცს მაინც ვერცად წაუოლოთ. ჩვენ ვინაც თავის კვლით დაგვიშავ საქმე, თუ შავხვდით კაი ასა, თუ არ შავგხვდა იმის ამხანაგიც ბევრი გვეყავ, მირგვალს კვესურეთ სრუ მამკლავ-მამკვდრობაში მადის ხალხი, თქვენ ჩვენგან ნულარაად გეშინისთ თუ თქვენი ჭკვით თავს არას დაუშავებთ, ჩვენგან ნულარ გეფიქრებისთ“.

ასე მოკლულის სახლშიც წაიყვანეს ნაროზაულები, დიდხანს არ დაგვიანებულან და წავიდნენ. მერე ნება მისცეს სახლების, ავეჯის და მამულების გაყიდვისა, რადგან ნაროზაულებს გადაწყვეტილი ჰქონდათ კახეთში გადასახლება და საჭირო იყო აქაური უძრავ-მოძრავი ქონების გაყიდვა და იქ ყიდვა. ახიელში რჩებოდა მამკლავის, ერთი მისი ბიძაშვილისა და ერთი ქავთართ მამის კაცის სამყო ოჯახის ხიზანი. მისი ბიძაშვილი მამკლავს დაატანეს. ქავთართ მამის კაცს, სახელად იმედას რაღაცა უწესობა ჩაედინა, ეთამაშა, ემღერა სადაც არ შეიძლებოდა და ამიტომ მას არ ირიგებდნენ. რჯულის მიხედვით კი, სახლიკაცების პირშასამყრელოს და სამმოს გაღების შემდეგ, ერთი კაცი რჩებოდა მამკლავსთან, მაგრამ აქ ორი კაცი დარჩა: ერთი, მამკლავის ბიძაშვილი და მეორე, ქავთართ იმედა. დანარჩენმა ნაროზაულებმა გაყიდეს სახლები, ავეჯი და მამულები, წავიდნენ და კახეთის ტყეებში დაიწყეს ცხოვრება. ზოგიერთებმა გაყიდვა ვერ მოასწრეს და აქვე მოხნეს. ჭირის პატრონს ერთი საკლავი გაუგზავნეს, აქვე ხენად გასვლის სამკვსნელო. მათ ნება დართეს ხენა-თესვისა. თანდათანობით მთელი გვარი წავიდა. წასვლის დროს ყველა ოჯახი ზღვნობდა ჯვართ და ისე მიუდიოდა ხიზანი. ერთ საკლავს კლავდნენ არხოტის ჯვარში, მეორეს ჯაჭველში და მესამეს მთიშეშავში, უზღვნელად არავინ არ მიდიოდა. ჯაჭველთან იყო ჩაბაკაურთ სალოცავი გიორგი, ანუ მინდორაის ჯვარი. ჩაბაკაურნი წასვლის შემდეგაც ზაფხულის დღეობებში მიდიოდნენ და ასრულებდნენ ისევ ისეთ დღეობებს, რაც წინათ იცოდნენ, საკვლოსაც ისევ აკეთებდნენ, საწმიდრობდნენ და სხვა.

მამკლავი დააპატიმრეს და სამი წელიწადი მიუსაჯეს. სამი წელიწადი სადღაცა გადასახლებაში იყო. დარჩა ჯვარში შაჯდომის და პირშასამყრელოს წესები შესასრულებელი; თუმცა რჯული ნებას არ აძლევდა, მაგრამ მამკლავის დაპატიმრების გამო გახანგრძლივდა პირშასამყრელო. შუაკაცებმა მოავარეს ამ ორი კაცის საქმე, რომლებიც მამკლავთან იყვნენ დაწირულები და მოამზადეს პირშასამყრელო. ეს ჩატარდა იმავე წესით, როგორც სხვა დანარჩენ სახლისკაცებთან. ესენი ორივენი დასაჯურუმები იყვნენ, დააჯურუმეს და პირშასამყრელოს შემდეგ აქ, თავის სოფელში, ცხოვრების ნებაც მისცეს.

ცხოვრობდნენ თავის ოჯახებში, მაგრამ ძალიან ხათრიანად, სოფელში ხმა-მადლა ვერ აჩქამდებოდნენ, ვერ იმღერებდნენ, ვერ ითამაშებდნენ. მხოლოდ, რჯულის მიხედვით, ოჩიაურები იცავდნენ მათ, არავის დააჩაგვრინებდნენ; თუ ვინმე რამეს აწყენინებდა და ისინი ამ სოფელში ოჩიაურთ ხათრით ხმას ვერ ამოიღებდნენ, მაშინ ოჩიაურნი მათ შეურაცხყოფელს სამაგიეროს გადაუხდიდნენ – „ეგენი ჩვენის ხათრით ხმას არ იღებენ და თქვენ ვინ მოგცათ მაგათ ჩაგვრის უფლება“ – ეტყოდნენ და ნაროზაულთ მოწინააღმდეგეს თვითონ ეშუღლებოდნენ. როცა ოჩიაურნი იმათ გულისათვის შუღლობდნენ, მაშინ კი ამათაც შუღლის ნება ეძლეოდა და ისინიც ჩაერეოდნენ შუღლში. სადაც სმაში მივიდოდნენ, ბოლოსაკე მუხლით დასხდებოდნენ და ოჩიაურთ ერთ თასს ან ყანწს პატივად გაუგზავნიდნენ. მერე ოჩიაურთ გვარის კაცი ააყენებდა მუხლიდან, მოიყვანდა, სკამზე ადგილს მიუჩენდა, დასვამდა და თასს ან ყანწს მისცემდა. მაგრამ ის აქ მაინც დიდხანს არ დაჯდებოდა, ამ თასს დაილცებდა, დაღეგდა, ისევ ბოლოსაკე გადმოვიდოდა და მუხლით დაჯდებოდა. ასე მიდიოდა დრო და საქმე თანდათან დამშვიდდა. მათი ხათრიანი საქციელის გამო ოჩიაურებს უფრო მეტი ხათრი რჩებოდა და აღარ იყო მათ შორის შური. ერთიმეორის სახლებშიც თავისუფლად დაიწყეს მისვლა-მოსვლა და სტუმარ-მასპინძლობა. ბოლოს, მკვლელიც ჩამოვიდა საპატიმროდან და შაუჯდა არხოტის ჯვარში (ჯვარში შაჯდომის წესი აწერილია მამკლავ-მამკვდრობაში. მხოლოდ აქ ერთ საკლავში არის განსხვავება. საკლავი, ორი და ერთი კურეტი, ყველა ჯვარში იკვლის, თუ სხვადასხვა სოფელშია მამკლავ-მამკვდარი. აქ, რადგან ერთ სოფელშია – ერთი კურეტი და ერთი საკლავი ჯვარში დაიკვლის ღამე და მეორე საკლავი დილას მოკლულის ოჯახში დაკლეს – ასეთი იყო ხევსურეთის რჯული). მამკლავი ასეთივე წესით მოიპარა ჯვარში და გაიპარა იქიდანაც, ხალხის თანდაყოლით. ჯვარში შაჯდომის მერე თოფი აღებული იყო და მოსაკლავად აღარ ეშინოდა. მას მოყვა პირშასამყრელოც. პირშასამყრელის გულისთვის შუაკაცებმა დაიწყეს სიარული ჩვეულებრივი წესით, საკლავით. ოჩიაურები ჯერ უარზე იყვნენ, მაგრამ ბოლოს დათანხმდნენ. მოამზადეს ლუდი და მამკლავი მოიყვანეს ჩუმად ჯვარში. ოჩიაურებმა რაც ეკუთვნოდა, ჯურუმი დაადვეს და კაცებმა ისიც მოიტანეს. დაღამდა და ოჩიაურებიც ყველანი მოიყვანეს ჯვარში (აქ უნდა ყოფილიყო „გვერდი სამჯდომლო“ ხუთი ძროხა, თუ მამკლავ-მამკვდარი სხვადასხვა სოფლებიდან ყოფილიყო და, თუ ერთი სოფლიდან არის, მაშინ ხუთი წერის მამული იყიდება სასუდარმამკვდრო). სხვა გვარის ხალხი ნაწილობრივ და შუაკაცებიც იყვნენ აქ. ხალხი რომ მოგროვდა, კურეტი და ერთი საკლავი სასაკლაოში წამოაყენეს. მამკლავი შორს მუხლით იჯდა და სხვა ხალხი ქუდ-მოხდილი ფეხზე იდგა. ხუცესმა ორივე მოდავეთ სამწყალობლოდ დაკლა კურეტი და საკლავი, მერე ლუდიც გახსნეს და ჩვეულებრივი წესით შეასრულეს

ყველაფერი. მერე წაიყვანეს მამკლავი მოკლულის სახლში და ერთი საკლავი წაიყვანეს, წაიღეს ლუდიც. მამკლავი იქ ვერ დაგვიანდა, საკლავი მისი წასვლის შემდეგ დაკლეს სულისათვის (აქ დაწვრილებით აღარ იწერება წესების შესრულება, რაც კი ერთნაირად შესრულდა ზემოთ აწერილ მამკლავ-მამკვდრობაში და აქ). ყველა წესი შესრულდა. ერთი მამული ხუთი წერისა დაასახელეს ადგილობრივ სადუცოვანას. ეს მოკლულის ოჯახის საკუთრებად გადავიდა. საბოლოოდ დარჩა წლიური რიგი ერთი საკლავი. მამკლავიც გადასახლდა კახეთში.

მამკლავ-მამკვდრობა სოფელ ჭიმღაში

სოფელი ჭიმღა არხოტის სასოფლო საბჭოში შედის და ეს სოფელი სხვა არხოტის სოფლებიდან დასავლეთ მხარეს უფრო მთა ადგილას არის. აქ ცხოვრობდნენ სამი გვარის ხალხნი, ძალიან მორწმუნე თავისებური სალოცავებისა და კარგი სოფლობის და ნათესაობის მქონე. ცხოვრობდნენ სხვა სოფლებიდან მოშორებით და ერთიმეორეს ძალიან პატივს სცემდნენ. გაბურები, თეთრაულები და გიგაურები. გაბურების გვარი მამებად აღარ იყო დაყოფილი, გიგაურებში იყვნენ: ბოლოკაურნი და მამუკაურნი. თეთრაულებიც იყოფოდნენ: ციანი, ბერდიკუნანი და იონანი. ამ სამში არავინ იყო ისეთი, რომ ერთიმეორის ნათესავი არ ყოფილიყოს.

ბოლოკაურთ მამაში ცხოვრობდა ერთი ობლად გაზრდილი ახლად დაცოლ-შვილებული ახალგაზრდა მიხიელი. იმავე სოფელში ციათ მამაში ცხოვრობდნენ ციათ გიორგის შვილნი სამნი ძმანი: მიხიელი, ჯურჯა და ჯირჩლა. მიხიელი იყო უმცროსი ძმა და ჯირჩლა უფროსი. ეს ორი უფროსი ძმა დაცოლშვილდა და მესამეს ახლად მოყვანილი ცოლი ჰყავდა. ეს ბოლოკაურთ მიხიელი და ციათ გიორგის სამი შვილი დედით ნათესავეები იყვნენ. მათი დედები ერთიმეორის ბიძაშვილები იყვნენ და ერთიმეორესთან ისე კარგად იყვნენ განწყობილი, როგორც ერთი ოჯახის წევრები. მისვლა-მოსვლა ერთიმეორესთან, ისე რომ უერთმანეთოდ პურსაც არ ჭამდნენ. ახლად მოყვანილი ციათ მიხიელის ცოლი ხევესურული წესით დაახლოვებული იყო ბოლოკაურთ მიხიელთან, როგორც, იქაურის წესით, ნათესავის ცოლი. ეს ამბავი არ მოსწონდა ბოლოკაურთ მიხიელის ცოლს. ერთხელ კიდევ სცემა და გააგდო მის ქმართან მოსული. მერე წავიდა და იმ ქალის ქმარს უთხრა: შენი ცოლი ჩემს ქმარს მოაშორე, თუ მეტი თავი არა გაქვს, მაშინ დაითხოვე და შინ გაგზავნეო. იმან უპასუხა: „რა უნდა, ჩვენ მაკეთებები ორთ, ჰევესურეთის წესი მაკეთებებისა ერთად და-ძმურად წოლა-დგომა, მე მაგას ვერას დაუშლი“. კარგიო – უთხრა იმ ქალმა, და იცოდე კარგი

საქმე კი არ მოყვება ამდენ მიყოლ-მიყოლასო. რიგზე ყველაფერი შეიძლება და შენი ცოლი იმას აღარ შორდებო. ეს კაცი, ცოტა არ იყოს, ბეჩავ კაცად ჩაითვლებოდა ამ მხრივ; ცოლსაც ხელში ყავდა ჩაგდებული და ვერაფერს ეუბნებოდა, იტყოდა თურმე: მებრალეების ეგ დიაცი, ახალგაზდა ქალი ას აქ მასული-დ, თუ კი სად სწადის წასვლა-მოსვლა, ან ჩემს მაკეთებში თუ ვინ მეეწონების, მე ვერას დაუშლი”. უფროსი ძმა ჯირჩლა ამას კარგი ყავდა და იმანაც უთხრა: „ცოლს მირგვლივ სიარულის ნებას ნუ აძლევ, ან გაწურთნე, ან შინ წალაღე, თუ შენს სიტყვას არ იგონებს”. მიხეილმა მაინც არ მიაქცია ყურადღება. მერე ამას ორი შვილიც უკვე ეყოლა და მირგვლივ სიარულს უკლო, როგორც შვილების დედამ. ბოლოს რაღაცაზე იშუღლეს (ჩხუბი მოუვიდა). ამ ქალის ქმარს და მათ ნათესავ მიხიელს. ეს მიხიელი თავხედი კაცი იყო და ცუდი ლაპარაკი იცოდა, ამ ქალის ქმარს შეაყვედრა: „მე შენ ცოლთან ისე ვიყავი, როგორც ქმარი და ეგ შვილებიც ჩემები გყავსო”. ეს გაიგონა ამის უფროსმა ძმამ ჯირჩლამ. შევარდა სახლში, გამოიტანა თოფი. მიხიელმა ერთი კი მოასწრო, რას შვრები, თოფი არ დამკრაო. გავარდა თოფი და იქვე მკვდარი დაეცა. შუღლში მოსული იყო სოფლის ხალხი, კაცი და დედაკაცები, ჯირჩლას დაჭერა ვედარ მოასწრეს და მოკლა კაცი. ციანი შინ შევარდნენ და მეშველებმა დანარჩენი ბოლოკაურები დაიჭირეს. ციათ და მთლიანად თეთრაულთ მამაკაცები საჩქაროდ გავიდნენ სოფლიდან და გაიხიზნენ ახიელში (ამლაში ვერ წავიდნენ, რადგან მოკლული მათი დისწული იყო). ახიელში იმიტომ გაიხიზნენ, რომ ზამთარი იყო, დიდი თოვლი და სხვაგან წასვლა არსად შეიძლებოდა, მაგრამ აქაც კარგი საცხოვრისი ვერ ჰქონდა. ერთმა კახეთში გადასულმა თეთრაულმა გაგამ მოკლა იქვე კახეთში გადასული ცისკარაული ბაბო. ბაბოს აქ ყავდნენ ბიძაშვილები, მეტი გზა არ იყო, შეიხიზნენ სხვა ნათესავებთან და ცისკარაულებს კი ემალებოდნენ. მკვლელი გაგა თეთრაული კი იყო, მაგრამ ციათი ახლობელი არ იყო. ციათ ცისკარაულებს გაუგზავნეს საკლავი და თხოვეს ნება მიეცა გაზაფხულამდინ ამ სოფელში დამალვისა, ცისკარაულები შევიდნენ მდგომარეობაში და შუაკაცებს უთხრეს: „აბა რა ვქნათ, ჯვართ ხათრითაცა-დ თქვენის ხათრითაც დავსთმობთ, თორემ არ გვეკდინებიან კი, მამკლავნი. მაგათ სახლისკაცისგან დიდ ხან არ ას, რო კაცი გვყავ მაკლული, სისხლნი ფუიან ჩვენს შუაჩი, მაგრამ იყვნან გაზაფხულამდინ. გზაში ნუ შეგვეკვებიანა-დ, უკან ქვე არას გამაუდგებით, არც მავზძევეთა-დ, იცოდან გზაჩი შაყრილსად ვერ გავსცილდებით (ვერ გავსცილდებით ნიშნავდა იმას, რომ თუ გზაში შეხვედროდნენ, ჭრიდნენ და ბაბოს შეწირავდნენ). ასე იცხოვრეს წვალებით გაზაფხულამდინ. გარეთულ სახლისკაცები მალე შეიყარეს პირს და საძმაც აიდეს მათგან ხუთი ძროხა. გარეთულ სახლისკაცებს ნება მისცეს ყველა საქმიანობისათვის თავის ოჯახში, მხოლოდ ფრთხილად იყვნენ, გზაში არ ეყრებოდნენ.

აპრილში რომ შემოიხიზნენ, აქედან შუაკაცები დაგზავნეს რიგის საყენებლად. წააყვანიეს მიწადმიტანის საკლავი და ერთი ასამტეხლო, რიგის საყენებლად (ასამტეხლო ჰქვია იმას, რომ თუ შუაკაცებს საკლავი არ ექნება ხელში, ჭირის პატრონს ვერ დაუწყებენ საუბარს, რიგი იყენეო, ვერ აუტეხენ ამ სასაუბროს. საკლავი რომ ხელში ყავს, ეს პატივდება არის, საკლავით ხევეწნა საუბრის დაწყებისათვის). შუაკაცებმა მიადწიეს იმას, რომ რიგი აყენებინეს ბოლოკაურებს. რიგის ყენება მოხდა ზევით აწერილ მამკლავ-მამკვდრობის წესის მიხედვით. როგორც იქ იყო ნათქვამი და შესრულებული, აქაც ისე შესრულდა, მხოლოდ ჯურუმები ბევრი გადაახდევინეს, სხვასთან შედარებით. გაზაფხულზე ადგნენ ახლობლები და გადასახლდნენ კახეთში. ერთი ძმა ყაზბეგის რაიონში წავიდა სოფელ ართხმოში, მეორე ძმაც იქ წავიდა, მაგრამ ამანათობა გაუძნელდა და უკან დაბრუნდა. ერთმა თეთრაულთაგანმა ვედარ მოუთმინა მეტისმეტი შევიწროება. აღელვებულმა, თან მთვრალიც აღბათ იყო, რევოლვერი ესროლა მოკლულის ბიძაშვილს, ვერ მოხვდა, მაგრამ ამის შემდეგ აღარც ამას მიეცა აქ ცხოვრების საშუალება და სულ გადაიკარგა. ციათ მამისა კი არ იყო, მაგრამ არც ძალიან შორეული იყო მათი, ხთისო ბაბუასძე. მოსაკლავად კირჩლას ეძებდნენ, მაგრამ ის სადღაც კახეთში დასახლდა და მერე იქ აღარავინ წასულა. ჯვარში შეუჯდა ჭიმდის, ანუ ჭიშველის მთავარანგელოზში, ყველა არსებული რჯულის მიხედვით. საბოლოოდ პირმასამყრელოც ჰქონდა და კიდევ ჯურუმები გადაახდევინეს. სასუდარმამკვდროც ხუთი წერის მამული დადგეს და ყველა წესი შეასრულეს რჯულის მიხედვით. აქ განსაკუთრებული აღარაფერი მომხდარა და ამიტომ დაწვრილებით აღარ იწერება, რადგან ხევსურეთის რჯულის მიხედვით ზევით ითქვა ყველაფერი.

ცისკარაულების და თეთრაულების მამკლავ-მამკვდრობა

ჩვენ ზემოაღწერილობაში ვთქვით: ცისკარაულები ახიელის მცხოვრებნია და თეთრაულები ჭიმდის. თეთრაულთ გვარის კაცმა გაგამ ითხოვა ცისკარაულთ გვარის ქალი მათი. ითხოვეს ხევსურულის წესით და პატარა ქორწილიც მოაწყვეს (ორივე ოჯახი დარიბები იყვნენ და დიდ ქორწილს ვერ მოაწყობდნენ). ასე წაიყვანა გაგამ მათი და ცხოვრობდა იქ. მერე გაგა ახიელში მოვიდა – ჩემი ცოლი მათი დაიკარგა და აქ ხომ არ მოვიდაო. მაიამ დაიწყო გაგას დაწუნება და იმალებოდა. ეძებეს და ვერსად ვერ ნახეს. ბოლოს გაგამ ისე მოაჩვენა თავი, ვითომც ჭიმდაში წავიდა, ღამე დაბრუნდა და ახიელში დაიმალა. ორ-სამ დღეს იქ იმალებოდა და ჩუმად უთვალთვალებდა მაიას ოჯახს. მათი რომ დარწმუნდა გაგა აქ აღარ არისო, გამოვიდა გარეთ. გაგაც გამოვიდა, დაიჭირა ქალი და ძალით წაიყვანა (ხევსურეთში ჩვეულება არის: თუ ცოლმა დაწუნება დაიწყო და ქმარმა ის ძალით წაიყვანა, ასეთ

დროს ადვილად არავინ გაუწევდა პატრონობას. ასე იტყოდნენ: თავისი ცოლი მიყავს და მაგის ნება არის, როგორც უნდა ისე მოიქცევაო. პატრონობა რომ ვისმე გაეწია და ქალს დახმარებოდა, ამას მოყვებოდა ჭრა-ჭრილობა და სიკვდილიც. ცოცხალი იმ ქალს თავს არ დაანებებდა, მაინც წაიყვანდა, ან მოკვდებოდა). მაია წაიყვანა, მაგრამ გაგას მაინც იწუნებდა. რამდენჯერმე გაიპარა, მაგრამ გაგამ მაინც ისევ წაიყვანა. ბოლოს იქამდე მივიდა საქმე, რომ გაგამ გადაწყვიტა თავი დაანებოს ამ ქალს, მხოლოდ დაასახიჩროს, რომ კაი ქმარმა აღარ წაიყვანოს (ხევესურებმა ასეთ შემთხვევაში იცოდნენ, ან ცხვირზე დასჭრიდნენ, ან პირისახეზე, რომ სახე დამახინჯებოდა, ან ბერა თითოს მოსჭრიდნენ, რომ სთვა, ჩეჩა და სხვა სამუშაოს შესრულება აღარ შესძლებოდა. და, როცა ჯავრით ასე დაამახინჯებდნენ, მემრე მისცემდნენ უფლებას სადაც უნდა გათხოვილიყო). ქალი არ უსვენებდა: თავი დამანებე, მე შენთან არ ვიცხოვრებ, მძულხარო. ბოლოს გაგამ უთხრა: წავიდეთ, გამოგყვები, მამისახლს ჩაგაბარებ და თავს გაგანებებო. მაიამ უთხრა: მე შენი გამოყოფა რად მინდა, გამიშვი და თვითონ წავალო. გაგა მაინც გაჰყვა. ქალმა იცოდა, რომ გაგა ძალიან ამაყი და თავმოყვარე კაცი იყო, ცნობილი მაშუღლარი და შეუპოვარი. მაია გზაში თანდათან შიშს გრძნობდა. ბოლოს ხვეწნა დაუწყო: დავბრუნდეთ უკან და მე ჩემს სიცოცხლეში შენ საწუნებლად ხმას აღარ ამოვიღებო. მაგრამ გაგა აღარ იბრუნებდა გულს. ჩამოვიდნენ ნებიერისკარ, ჭიმღის და ახიელის საშუალო ადგილზე. ქალი ებრძოდა, მაგრამ გაგამ ხელები დაუჭირა და პირისახეზე დანა გამოუსვა. დასჭრა ლოყაზე და ცხვირზე დიდი ჭრილობა მიაყენა და უთხრა: „ეხლა სადაც გინდა იქ წადი, შენ ჩემზე აღარც მთელი ხარ, აღარც მკვდარიო“. გაგა დაბრუნდა და წავიდა შინ. ქალი სისხლიანი პირისახით მამისახლში მოვიდა. ეხლა კი გამწარდნენ ცისკარაულები და გაემზადნენ ჭიმღაში წასასვლელად. გაგაისად სამაგიეროს გადასახდელად. მაგრამ ხალხმა ისინი არ გაუშვა. ქალს ჭრილობა მოურჩინეს, მაგრამ სახე მართლაც დაუმახინჯდა – ერთი მხარე სახისა და ცხვირი სულ გაჭრილი და ცუდად განკურნვილი. ამაზე დიდხანს იმტერეს. ცისკარაულები თხოვდნენ პირისახის დრამას ქალის დაჭრისას, მაგრამ გაგა არას აძლევდა, ის ხუთ ძროხას სამწუნობროს სთხოვდა, ან რას მისცემდა, გაგა ძალიან ღარიბი იყო და არაფერი არ ჰქონდა, გარდა მამულებისა, მამულებიც სხვადასხვა შუღლებში მისგან მიყენებულ ჭრილობებზე თავისავე სოფლებზე ჰქონდა გაცემული და ბევრი აღარაფერი გააჩნდა. მერე შუაკაცებმა ნაწილობრივ დააშოშმინეს და ვითომ შეარიგეს. ერთი საკლავი და სასმელი გაგას დააკისრეს ქალის დაჭრაზე. დრამა სამწუნობროში გაუბარეს, მაგრამ ცისკარაულები მაინც დროს ეძებდნენ, რომ გაგა დაეჭრათ. ერთხელ ჭიმღაში მკვდრის ხარჯები იყო და ცისკარაულებიც იქ მივიდნენ. აქ დრო იხელთა ერთმა ცისკარაულთაგანმა. გაგა დაჭრა ხანჯლით მსუბუქად. გაგამ

უფრო მძიმედ დაჭრა მათი გვარის კაცი ბაბო. ბაბო მწუხარე ავადმყოფი შეიქმნა. მკითხავეების თქმით ორივე მხარემ იზღვნა: არხოტის ჯვარში, მთიშეშაგში და ჭიშველის ჯვარში. ავადმყოფი ნახევარ წელს იწვა და მერე გამორჩა. შუაკაცებმა ისევ შეარიგეს. გაგას დრამა დააკისრეს, მამული თავის სოფლებს მიყიდა და გადაიხადა. მაგრამ შური მაინც იყო ერთიმეორეში. სასმელში ერთიმეორეს ერიდებოდნენ, რომ ცუდი საქმე არ ჩამოვარდნოდა.

ქალი ბუდე ხევსურეთში ატაბეში გაჰყვა თორელს. პატარა ქორწილიც გადაუხადეს, წაიყვანეს და ხუთი-ექვსი თვე იქ იყო, მერე იქიდანაც გამოიქცა – დაიწუნა ის ქმარი და მოვიდა ისევ მამისახლში. ქმარი მოუვიდა საწვევად. რად წამოხვედიო – კითხა. შენთან ცხოვრება არ მინდოდაო – უპასუხა ქალმა. ეს ხევსური ბევრს არ გამოეკიდა, თავისი დანახარჯი გამოართვა და დაანება თავი. უთხრა: „სადაც გინდა იქ გათხოვი, ნუღარც მთელი ხარ ჩემობაზე, ნუღარც მკვდარი” და წავიდა შინ. გაგამ სხვა ცოლი ვეღარ მოიყვანა და გაიტაცა ისევ მაია. იწყინეს ქალის მოგვარებმა, მაგრამ ქალი აღარ წამოვიდა და დარჩა გაგასთან. შვილებიც შეეძინა, მაგრამ ქალის მოგვარებს არც ქალი უნდოდათ და არც სიძე. ჯერ იმიტომ, რომ ქალი დაჭრა, დაუმახინჯა სახე. მერე ქალი ჯერ სხვაგან გათხოვდა და მერე ისევ გაგას დაუბრუნდა, რაც დიდი სირცხვილი იყო ხევსურეთის წესით. მესამე ის, რომ კიდევ კაცი ჭრა იმათ გვარში, ისაც ისეთი, რომელიც ამათ გვარში პირველი კაცი იყო და უფროს კაცად ითვლებოდა. მერე გაგა თავის ცოლ-შვილით კახეთის ტყეში გადასახლდა. ცისკარაული ბაბოც თავისი ძმისწულებით იმავე რაიონში გადასახლდა (ბაბოს შვილი არ ჰყავდა, ძმისწულები ჰყავდათ ამ ცოლ-ქმარს შვილების მაგიერ თან შემოყრილი, ობლები). სადღაც სმაში კიდევ შეხვდნენ ერთიმეორეს, მოუხდა შუღლი, ისევ გაგამ დაჰკრა თავში ხანჯარი და ბაბო დაჭრა. ჭრილობა ძალიან მძიმე არ იყო, მაგრამ ბაბო მალე ჩავარდა ლოგინად. აღბათ სისხლი მოეწამლა. დაუჩირქდა ჭრილობაც. მკითხავეებმა უთხრეს, არხოტში სამეშველოები დაკალით და ჯვართ შეუძლია მოარჩენონო. არხოტის ჯვარის ნიში აქ ბაბოს სოფელში იყო და აქაც დაკლეს თვალმომავალი ზღვენი (კარგი საკლავი). არხოტის ჯვარის კოშკიდან ერთი ქვა წაიდეს, რამდენიმე თასი და იქ გაიჩინეს სალოცავი იმავე ფორმით, როგორც არხოტში იყო. ჯვარმა ხუცესი გააქადაგა და მიიყვანა ცისკარეულების გვარიდან, დასტურებაც ისე დააყენეს და დღეობებიც იმავე სახით დააწყეს, როგორც არხოტის ჯვარში. აქ რომ საკლავი დაკლეს, ბაბოს ერთ-ერთი ძმისწული არხოტშიც წავიდა და სამეშველოები დაკლა არხოტის ჯვარში, მთიშეშაგში და ჯაჭველში. ჭრილობას სოფლური ექიმი უხვევდა, მაგრამ ავადმყოფი თანდათან უარესად ხდებოდა. კვერნაძეულში სამეშველოდ კურეტიც დაკლეს, ხარიც შეუსახელეს, მაგრამ ავადმყოფს უკვე ენა აღარ ჰქონდა და ბოლოს გარდაიცვალა. გაგას შვილები პატარები იყვნენ, მათ არავინ მოკლავდა, მაგრამ თვითონ კი ადრევე

გაიხიზნა თავის სახლიდან. ბაბო დაასაფლავეს იქვე კვერნაძეულში. მიწადმიტანის დღეს ერთი საკლავიც დაკლეს მკვლელისაგან გამოგზავნილი. გვარმაც რიგი იყენა, ერთი კურეტი და ერთი საკლავი. დედამათაც თავისი რიგი იყენეს (დედიძმანი ჭიმლაში გიგაურები იყენეს). სადო და სამამიდაო რიგიც იყენეს, მაგრამ სახლის რიგი ბაბოს ძმისწულებმა არ იყენეს. შუაკაცებმა ბევრი იწვალეს, მაგრამ მათ ვერაფერი გააგონეს. „ჩვენ მაგან უფროსი ბიძა მოგვიკლა და რიგი არ გვინდა, ჩვენ მაგას მოვკლავთ და თავი თავში გაიბრებაო“. დანარჩენ თეთრაულებთანაც პირშასამყრელო დააგვიანეს; რადგან მოკლულის ძმისწულები კახეთში ცხოვრობდნენ და მკვლელის მოგვარეები ჭიმლაში, ამიტომ მათ არ აუკრძალეს თავის სოფელში და სახლკარში ცხოვრება, რა თქმა უნდა, საკლავის მიყვანის და საკლავით თხოვნის შემდეგ დართეს ნება გარეთულებს თავისუფლად ეცხოვრა თავის სოფელში (გაგას ახლობელი არავინ ყავდა). მოკლულის ძმისწულებმა დაიწყეს მიყოლა გაგაის მოსაკლავად. ბევრჯერ ჩაუსაფრდნენ, ერთხელ კიდევ ესროლეს, მაგრამ მან ხერხი იხმარა: ტყვიამ რომ გაუარა, ის წაიქცა და გაგორდა, ვითომც მოკვდა, მოსისხლე მტრებს ეგონა მოკვდაო და აღარ ესროლეს. როცა ისინი წამოვიდნენ, გაგა ადგა და ტყეში მიიმაღლა. გაგამ ბევრჯერ მიუგზავნა შუაკაცები საკლავით, რიგი იყენეთო და ძლივს მოხერხდა რიგის დაყენება. სახლმაც ჩვეულებრივი რიგი იყენა. სახლისკაცებსაც მისცეს პირშასამყრელოს ნება. პირშასამყრელო სახლისკაცებმა არხოტის ჯვარში, არხოტში დაამზადეს იმ დროისათვის, როცა ბაბოს ძმისწულები და ბიძაშვილები არხოტში მოვიდნენ კახეთიდან. რა თქმა უნდა, მარტო პირშასამყრელოსათვის კახეთიდან აქ (არხოტში) ვერ წამოვიდოდნენ, რადგან შორი გზა არის, მაგრამ დრო დანიშნეს ათენგენას. მაშინ მათ არხოტში წამოსვლა საზღვრელადაც უნდოდათ და სხვა საქმეებიც ჰქონდათ. იმ დროს არხოტის მთაზე გზაც არის გადასული და ცხენით სიარული შეიძლება (ათენგენა ძველის სტილით ივლისის ცამეტ რიცხვში არის და იმ დროისათვის მთებზე ცხენებით სასიარულო გზები უკვე გასულია). თეთრაულებმა არხოტის ჯვარში ლუდი აღუდეს. დასაჯურუმები ვინ იყო, შუაკაცებს წინასწარ ჰქონდათ გაგებული და მოიტანეს თავის დროზე. საკლავიც მოიყვანეს და თეთრაულები ისეთ ადგილას დასვეს, სადაც ცისკარაულები არაფრად გაივლიდნენ და ვერ შეხვდებოდნენ მათ, ვიდრე პირშასამყრელოს წესები არ შესრულდებოდა.

მოვიდნენ ცისკარაულები, ქუდები მოიხადეს, ჯვარს მაღლი მოსთხოვეს და იქვე მუდმივად დაწყობილ ქვის სკამებზე დასხდნენ. წავიდნენ შუაკაცები და საკლავი მოიყვანეს. დრამა დააწყვეს, ჯურუმები ცალკე, რაც ნათქვამი ჰქონდა, და სამმო ხუთი ძროხა, ცალკე. უთხრეს ცისკარაულებს: ეს ჯურუმია, ამდენი ამის გამოღებული, ამდენი ამისი, ვისზე რამდენიც იყო დავალებული (ჯურუმის დადება ჰქვიან), ეს სამმო არის ხუთი ძროხაო, დრამა თითოობით აიღეს და გადადეს

იქით. სპილენძის ქვაბები, თუნგები, თულუხები და სხვა. ამასთან უთხრეს: ჩვენ ეს ავწონეთ და გადავფასეთ, თუ იტყვიოთ კიდევ გადავწონათო. ცისკარაულებმა უთხრეს: „ყველა წესი ას, თორემ როგორ ასწონეთა-დ, როგორ გადავფასეთ ეგ თქვენ იცით. ეს ჩვენის სირცხვილის დრამაი ას, ჩვენ ამას ეხლა წონას არ დაუწყებთ. წყალობა მაგცასო ა ემ ჩვენ სალოცავმ, თქვენ სწვალობთ ჩვენის გულისად, ფეკზე ადგომაცი არ გეკადრებისთა-დ თქვენს აწონილ დრამას ეხლა ჩვენ წონას ხო არ დაუწყებთ“. საკლავი სასაკლაოში წამოაყენა დასტურმა და შუაკაცებმა თეთრაულებიც მოიყვანეს. მანამდინ ხუცესი ხუცობას დაიწყებდა, ყველანი ცალ მუხლზე დასხდნენ და ხუცობის დროს ფეხზე ადგნენ. ხუცესმა ორივე მხარის სამწყალობნოდ დაკლა საკლავი და იქ მყოფმა ხალხმაც ყველანი დაამწყალობნა. მერე თეთრაულები მოშორებით დასხდნენ ისევ მუხლით. ხუცესი და დასტურები წავიდნენ და ლუდიანი კოდი გახსნეს ჩვეულებრივი წესით. საწდე ლუდიანი მოიტანეს და ცისკარაულების წინ დადგეს. ახალგაზრდა სოფლელებმა (ცისკარაულები და თეთრაულები არ ზედამდებობდნენ) ლუდი ყველას დააღვეინეს. მხოლოდ თეთრაულებმა ჯერჯერობით არ დაღვიეს. მეორე საწდე კიდევ გაავსეს ლუდით და მიუტანეს ცისკარაულებს პატივად (პატივის დალოცვის წესი ზემოთ მამკლავ-მამკვდრობის წესში აიწერა). პატივი ხუცესმა დალოცა თეთრაულების მკვდართად და აქედანაც თითო თასი ყველას დააღვეინეს. შემრე ადგა ბაბოს ერთ-ერთი ძმისწული და ჩვეულებრივი წესით თითოობით მოიყვანა ისინი, დასვა სკამზე და მისცა ლუდიანი თასები და შეასრულეს ყველა ჩვეულებრივი წესი, რადგან მოკლულის ოჯახის სახლი აქ არ იყო. ჩვეულების შესრულებისათვის წამოიყვანეს ისინი და ბაბოს ბიძაშვილის სახლში შეიყვანეს იქ შესვლის წესით. თეთრაულები აქ არ დაგვიანებულან, შუაკაცებთან ერთად წავიდნენ ისევ ჯვარჩი. იქაც დიდხანს ვერ დაიგვიანეს, ჯვარს მადლი მოსთხოვეს და წავიდნენ (ჯვარის მადლის მოთხოვა ყოველ მისვლაზე და წასვლაზე იცოდნენ ჯვარში. ქუდს მოიხდიდნენ, მუხლს მოიყრიდნენ, პირჯვარს იწერდნენ, ზოგი მიწას აკოცებდა და ეხვეწებოდნენ, გვაპატიე თუ რამე გაწყინეთ ჩვენი მოსვლით, ან ცოდნით ან უცოდინრად. გვიშველე და მეწადმართე ანგელთხი გამოგვაყოლეო). დარჩნენ აქ შუაკაცები და თეთრაულები და სვეს ლუდი ჩვეულებრივი წესით.

გაგა დარჩა მარტო და მას არავინ დაატანეს, რადგან ახლობელი არავინ ჰყავდა და თეთრაულების გვარში არც ვინმე დამნაშავე რამისა იყო, რომ ის დამრჩალიყო. დაუწყეს მას ისევ ძებნა მოსაკლავად. ერთხელ ჩაუსაფრდნენ და სახლიდან გარეთ გამოსულს ესროლეს. შორს იყვნენ და ტყვიები ასცდა. მეორეჯერ სხვა სოფლიდან მომავალს ჩაუსაფრდნენ, ძალიან ახლოს ესროლეს. ტყვიამ ტანისამოსში გაუარა და ხორცზე არ მოხვდა. კიდევ გადარჩა და, რაკი მესამედაც გადარჩა, ბაბოს ძმისწულმა ბაისერმა დაუძახა, დედა გაულანძღა: „თუ ეეხლადაც გადაგვირჩი-დ

არ მახკვდ ჩვენგან, ნუღარ გეშინიან აწიდგე, ჩვენ აღარ მაგძვეთ მასაკლავად, თუ ძალით არ მაგვეკელი”. დედის გაღანძღვაზე ხალხმა კიდევ გაიციხა ბაისერი, რადგან მესისხლეობაში ღანძღვა-გინება არ იციან და ძალიან სირცხვილია ასეთი.

ამის შემდეგ დაანებეს თავი გაგაისად მიყოლას. ჩვენს ჳელს თუ ეწერავ, მავხკლევედითავ სამჯერ ნასრევი ტყვიითავ. მკითხავმაც უთხრა: ტყუილად სწვალობთავ, თქვენს ჳელს არ სწერავავ. ამის შემდეგ გაგამ ჳერ ვერ გაბედა და მერე კვერნაძეულში შეუჯდა ჳვარში. მიიყვანეს ღამი-ღამ ერთი კურეტი და ორი საკლავი ჳვარში დაკლეს, მესამე საკლავი მეორე დიღას ბაბოს სახლში მიიყვანეს. ბაბოს ძმისწულებმა მაშინდა გაიგეს, რომ გაგა ჳვარში შეუჯდა. ბაბოს ძმისწულებმა მაინც აღარაფერი თქვეს, რადგან უკანასკნელი სროლის დროს ნათქვამი ჳქონდათ – თოფი აღებუღია, ჩვენ მაგას აღარ მოვეკლავთო. ეს საკლავი იქ დაკლეს, კურეტი და ერთი საკლავი შუაკაცებმა გაატყავეს და გაინაწიღეს. ეს საკლავიც კანონით შუაკაცებს უნდა წაეღო, მაგრამ შუაკაცების თხოვნით ის საკლავი იქ გაატყავეს, ხორცი მოხარშეს და პური ჳამეს. ტყავი კი შუაკაცებმა წაიღეს.

ჯვარში მაჯღომის შემდეგ გაგას იმდენი მალვა აღარ დასჭირდა, თავის სახლშიაც მოდიოდა, მხოლოდ გზაში ფრთხილობდა, რომ ბაბოს ახლობელს არავის შეხვედროდა. თუ ვისმე გარეთუღებს შეხვედებოდა, ქუღს მოიხდიდა, იქ დააგდებდა და თვითონ გზას მოშორდებოდა, შორს წავიდოდა და იქ რამეს მოეფარებოდა. გამვლელი ცისკარაული გზაში ნადებ ქუღს ზედ არ გადახდებოდა, გზის ზემოთ დადებდა და გაივღიდა. გაიარა ასე კიდევ ორმა წელმა და შუაკაცები შეუდგნენ გაგას პირშასამყრეღოზე საუბარს და მოაგვარეს კიდევ ეს საკითხი. რადგან გაგაც კახეთში ცხოვრობდა და ცისკარაუღებიც, კვერნაძეულში არხოტის ჳვარში აღუღეს ლუღი და დანიშნულ საღამოს შუაკაცებმა მოიყვანეს გაგა. მოიყვანეს კურეტი და ორი საკლავი. ცისკარაუღებიც მოვიდნენ. ზემოთ აწერიღ პირშასამყრეღოების მსგავსად შეასრულეს ყვეღა წესები. ერთი საკლავი და კურეტი აქ დაკლეს, ბაბოს სახლშიაც წაიყვანეს გაგა, ლუღი წაიღეს და ერთი საკლავიც წაიყვანეს. ჳვარში საკლავის ხორცი აღუღეს და მამკლავ-მამკვღარნი ერთად დასვეს ტაბღაზე და პური ერთად აჭმიეს. მხოლოდ, როცა ცისკარეუღებს თასები მისცეს, გაგა იქიღან აღგა, სულ ბოღოში წავიღა და მუხღით დაჯღა. როცა ამათ პური ჳამეს, მერე ცისკარაუღებმა ზედამდებები დასვეს და აჭმიეს პური. კურეტი შუაკაცებმა წაიღეს, ამის შემდეგ დარჩა რივი, წელიწადში ერთი საკლავი.

უპველესი დროის მამკლავ-მამკვდრობა

ეს ამბავი 1937 წელს ივე მამბო და ჩამაწერინა მინდია ლიქოკელმა, 75 წლისამ, მამად ბასხაჯაურთ მამის კაცმა, კარატის ჯვარის მორიგემ და მკითხავმა.

მინდია ამბობს: „ლიქოკ სამ ციხე მდგარ; ერთი ბასხაჯაურთა, ჭაღაის სოფელ, მეორე იმის პირდაპირ, ბორტველთ ციხე მდგარ, მესამე ციხე კვათელთა ყოფილ. ბასხაჯაურთ ციხეს ბასხაჯაური პატრონობდა-დ, ამის ახლო-მახლო მამულებსაც. ბორტველთ ციხე მამულებს – ბორტველი-დ კვათიონთას – კვათიონი. ბასხაჯაური-დ ბორტველი ერთუცის მემიჯნენ იყენესად მამულებზე მაზდიოდ შუდლი. ბასხაჯაურნი უკაცურად იყენეს. იმ დროსაც ერთ კაც ყოფილა-დ ერთ და ხყონივ. დას კი ჯავარა ხქვივნებივად ძმის სახელ არ ვიცი. ამათ მამულებზე მუდამ დავა ხქონივად უკაცურობით უჩაგრავ ბორტვიონთ ბასხაჯაურთაი. ბორტვიონნი ბევრებ ყოფილანა-დ ბასხაჯაურს კაც მიულაღავ: „ნუ მატანთავ ძალსავ, თორე სისხლივ ყელნი მავიდავ. ერთ დღე გაჩენისაივ, მეორე სიკვდილისაივ. თქვენაც მაგკლავთაო-დ თავსაც მავხკლავავ. მისულ კაცი სასაცილოდ აიგდეს, არცრუ იყურეს იმისი საუბარი. გამწარებული ბასხაჯაური შაჯდ ციხეში, ესრივ ისარი-დ მაკლ ბორტველთა ერთ-ერთ ძმაი. თაოდ ციხეში დაჯდ. ამის შემდეგ ბორტველთ ბევრ იწვალეს ბასხაჯაურის მასაკლავად, მაგრამ ვერ ჩაიგდეს კელნი. მაშინ შაუთვალეს, ან კაცის თავ დაიდევით-დ ან ხუთ წელს საბნელოს შაჯედით-დ იმით მაიჭადევ თავივ. ბასხაჯაურმ შაუთვალ, დავჯდებივ საბნელოსავ (მინდია მამბო და სხვა მცოდნე ხევსურებმაც დაადასტურეს: სულ ძველ დროს წესი ყოფილა საბნელოს შაჯდომა მამკლავისა და იმით თავის მაჭდა, სისხლის მოშორება; საბნელოს უნდა მჯდარიყო, ან სამ წელს ან ხუთ წელს, როგორც ციხის პატრონი დაავალებდა. ამ საბნელოს ჯდომის ვადა რომ შეუსრულდებოდა, კაცის თავ-სისხლი მოშორებული ექნებოდა და იქნებოდნენ, ისე როგორც ჩვეულებრივ – არამოსისხლე ხალხი. საბნელოს ჯდომა იყო: დღე და ღამე ბნელში უნდა მჯდარიყო, თმა-წვერ გაუპარსავი, გარეთ გამოსვლის ნება ღამით ჰქონდა ერთხელ; სხვათა შორის, წლის შესრულებამდინ მამკლავი ახლაც თმა-წვერმოშვებული დადის და ზოგი უფრო მეტ ხანსაც). ასე ბასხაჯაური საბნელოს შაჯდა. გაიარა კარგა ხანმა; თავის დას საბნელოს ნაჯდომი ძმა ძალიან ებრალებოდა. ბოლოს დამ გადაწყვიტა: მოეკვლევიოს ბორტვიონთა-დ ძმას მახჭადას, რო საბნელოს გამავიდას. ბასხაჯაურ რო საბნელოთ იჯდ, იმის ჯაღაფთ ნებაი ხქონდ ჯარჩი სიარულისაი. ხოლოთ ბორტვიონთან არ მივიდოდეს. ბოლოს ბასხაჯაურთსთან დაი მივიდა-დ მშვილდისარნი მასთხოვნ, ამა ნაცნავებჩიავ ტრედები დადოსაო-დ დავხკოცავ ისრითავ. ძმამ მშვილ-ისარნ მისცნ. შაიპარა-დ ციხის ქვეთვალჩი ძმის ტალავარ ჩაიცვ, ქუდიც დაიხურა-დ წავიდ, ბორტველთ სახლის პირდაპირ ტრედებს დაუწყ პარებაი. ამ დროს კარჩი გამავიდ ბორტველთ

მამაი, გამახენა, ნახ რო იმის შვილის მამკლავი ტრედებს ეპარების, საბნელთაც გამასულ. შავიდ ბორტველთ მამაი-დ შვილებს უთხრ: „დამეცოცენითავ, თქვენის ძმის მამკლავივ თქვენ საბნელოს გგონავითა-დ, ის გამასულაო-დ ტრედებს ეპარებისავ დასაკოცადავ. გამახენეს შვილებმა-დ ნახეს მართლა იმის ძმის მამკლავი. ესრიეს ისარი-დ დახკრეს. რო დახკრეს, გამაგორდა-დ ქალის თმან გადმაიშალნეს. იქავ მამამ უთხრა:რ „მაგიკვეითავ, ქალიც მაგაკვლიეთავ ეგ ჯავარაიავ, ძმის ტალავარ ჩაუცომაო-დ ძმის ქუდ დაუხურავავ. შასცხვენდ ძმებსა-დ შასწუხდეს ქალის მაკვლაზე. შავიდესა-დ შასხდეს საბნელოს. აღარ გამადიოდეს კარჩი. ბასხაჯაური გამავიდ, დაიც დადმარხა-დ თაოდაც კარჩი დაიწყ სიარული. აუტყდ კაც-შუაკაცი-დ სოხოვდეს ბოლოს გასვლას, რო ერთუცისად აღარა დაეცხ (აღარაფერი ცუდი ჩაედინა). მაგრემ კაც-შუაკაცს იმათ დარიგება ძალიან გაუჭირდ; რაკი ჯერ ესეთა საქმე არ იყვ მამჭდარი ჰვესურეთა-დ ამის რჯულ არ იყვ დადებულ, რო კაცის მაგივრად ქალ მაეკლას მესისხლეთად. ესენ როგორ უნდა გაერჩივნეს, აღარვინ იცოდ. ჰვესურეთის რჯულჩი ჯერ ესეთ ამბავ არ იყვ შასული. ბასხაჯაურს კვათიონთ ქალ ხყონივ ცოლად. კვათიონნი ჯერ კაის ჩამამავლობის კაცნ იყვნესა-დ ბასხაჯაურის ცოლის ძმანი ძალიანაოდ კან იყვნეს. როგორ მაგიქცავ? ბასხაჯაურმ ცოლის ძმათ ხკითხ. ეგ ქალ რომ მაკლესავ, მე ეგ კაცის თავზე მეტი მგონავავ. ცოლის ძმათ უთხრეს: ეგ შენის დის თავივ მაგათ ძმის თავში გადბარეო-დ შადრიგდივ. ერთ კაცი ხარავ. შენ რო მახკლავ, ეგენ კიდევ დარჩებიანაო-დ შენ რო მაგკლანავ, ქოოდ გასთავდებივ, კაცი პატრონ აღარ დაგჩებისავ. ამ დროს ერთ ჰვესურ იყვ ცოდნით სახელგანთქმული გელდიაური. ბასხაჯაურმ იმასაც ხკითხა-დ იმან უთხრ: „წაედიო-დ ქისტ მაიყვანევ, მაგას აქ ვერ გავარჩევთავ. მაგის რჯულ იქნება იმან იცოდესავ. ქისტეთ უფრო ბევრ მამკლავ-მამკვდრობაიაო-დ, იქნება იმათ ხქონდასავ მაგის რჯულივ, ჩვენაც იმათ რჯულს დაგუჯერდათაო-დ ეგ საქმე იმათ რჯულით გავარჩიოთავ“.

გელდიაურის უცოდარი არაფერი იყო ხვესურეთის რჯულში, მაგრამ ეს ვერ გარჯულა. გელდიაურზე ძველი ლექსიც არის:

*ხკითხევდეს გელდიაურსა, ძველსა ამბავსა წინასა,
ურჩევდა, გამაურჩევდა ჯერ ჰკეასა, მემრა რკინასა.*

ბასხაჯაურ წავიდ ქისტეთსა-დ ერთ მაცოდარ ქისტ მაიყვან. ქისტმ აილა-დ ერთ დიდ ქვა დახყუდ, ორ ქვა ცოცოტეები გვერდებზე დაუყუდ იქი-აქათი. ერთ ქვა ცალკე დახყუდ შორს. ქისტს ხკითხეს: „რაის ლიშნად დახყუდევ ეგ ქვებივ. ეგ დიდ ქვა დედაიავ, ეგ ორ ქვა მაგის შვილებიავ – ქითი რო ხყუდავავ ეს მამაიავ. ეს ყველა იმის ლიშანიავ, რო დედა შვილებსთან ახლოს ასავ, მამა შორსავ. მაშ კაცთ გამრავლება

დიაცისგან ყოფილაო-დ დიაცის თავ მეტად უნდა დაფასდასავ”. აქ ჰევსურებიც იყენეს რჯულის კაცები-დ ისენ არ დასთანხმდეს – დიაციც განა მეომარიავ, დიაცის თავი კაცის თავს უდრისავ. ჰევსურის რჯულის კაცებმ ისიც იფიქრეს: ქისტვი ბასხაჯაურმ მაიყვანაო-დ იმისკე იხრებისავ. მემრ იქავ ქისტმ უთხრ: „აბა, თუ კაცივ მეომარიავ, მარჯვენა ჰველით ომობსავ კაცივ. მარჯვენა ჰველით ყოფილავ მეტივ, მარჯვენა ჰველ თექვსმეტ ძროხაი ღირსავ ჰევსურეთის რჯულითაო-დ თექვსმეტი ძროხით მეტ ყოფილავ კაცივ დიაცზედავ. ეს ქისტი გავლენიან კაც იყვა-დ ეს სიტყვა კი გააგონ ჰევსურის რჯულის კაცებს. გარჯულეს, რო რაკი ბასხაჯაურთა ქალი იყვ მამკვდარი-დ ბორტვიონთა კაცი, თავი თავში გაბრილიყვ, ხოლოთ ბასხაჯაურთ ბორტვიონთად უნდა მიეც თექვსმეტ ძროხა. ნარჯულავი ორსავ მკარეს გამაუცხადეს. ბასხაჯაურს არ მაეწონ, მაგრამ შუაკაცებმ ბევრის ხვეწნის მემრ დააჯერეს. გადაფასეს თექვსმეტ ძროხაი-დ ბორტვიონს ჩააბარეს. პირშასამყრელიც ორსავ სახლშიით დაამზადეს, კარატის ჯვარში თითო სახლშიით თითო საკლავ მიიყვანესა-დ შაყარნეს ერთად მამკლავ-მამკვდარნი.

მინდია მ და სხვა მცოდნე ხევსურებმა ასე ჩამაწერინეს ეს პირველი რჯული, მაგრამ ამას დასძინეს: „მეორე მამკლავ-მამკვდრობა იქავ ლიქოკ მახკდ. მეშველობაში დიაც შაშტრივ ვისამ ხანჯარს (ვინ ყოფილა, მთხრობელმა ვერ სთქვა, მხოლოდ ეს ამბავიც რომ ლიქოკში მომხდარა, ეს იცოდა გადმოცემით). ნატრევე წინ-წინ ცოტა ყოფილა-დ ყურადღება არ მიუქცევა. დაჩირქებულ ნატრევი-დ მამკვდარ. მამისახლს მაუთხოვავ სრულ კაცის თავი, მაგრამ ჰევსურეთის თავ-თავ ხალხ შაყრილ ყველა თემშიით, ქისტის დადებულ რჯულზედაც უარ უთქომ – კაც რო თექვსმეტი ძროხით მეტად შაუფასებავ, კაცივ ორჯელ მეტი ღირსავ დიაცზედავ. გვარს, თემ-სოფელს, ადგილს ყველას ამავრებსავ. ომში გადისავ. დიაც ზისავ, ასთავს, ჩეჩსა-დ საქონთ ხყურებს, სხვა რა საქმეი აქვ დიაცს. ამ თემ-თემის მცოდნე კაცებმ მაშინ დაადგინეს დიაცის თავსისხლი კაცის ნახევარ თავსისხლად: კაცის თავი სამოც ძროხაი-დ დიაცის თავი ოცდაათ ძროხაი. ამ დიაცის მამისახლი ძალიან უარზე დამდგარ, ჩემს თავზე რაად არჯულებთავ მაგ რჯულსავ, რო დიაცის თავივ ნახევარ კაცის თავად ჩაავდითავ. რაიც ბასხაჯაურთ ქალის თავ დაფასდავ, ჩვენის ქალის თავიც იმთვენი ღირსავ. მაგრამ თემ-თემის ხალხმ კარატის ჯვარის დროშაით სთხოვეს: „ეს რჯულივ ყველაისად იქნებისავ, ნიადეგ ერთ ვინ იქნებისავ წინწინავ. ქალის მამისახლსაც ჯვარის ხათრით უარ ვეღარ უთქომა-დ მაშინ გარჯულებულ დიაცის თავი ნახევარ კაცის თავად”. ამავე ამბავს მინდია მ და სხვებმა დაუმატეს: „ეს იმასაც გააჩნავ, ვის რაკელ ზედამრჩიო ხყავ. ვინაც კაცრიელ გვარია-დ თავ რაისაი აქვ, მეტს რიგს სთხოვს. ვინც უკაცურია-დ უთაური, ნახევარ რიგს უყენებენ დიაცის თავში. მაგალითად, როშკიონ ჯოყოლიკათგან მეშველობაში დაჭრილი გუდანელ უჭკუათ

ქალ მამკედარა-დ მანამდენ ჯოყოლიკანი კარჩი არ გამაუშვიან, მანამ სრულ კაცის რიგ არ უყენებავ. მემრაც წლის რიგს კაცის თავის ოდნად უყენებდეს. კაცის რიგი სრუ წლისთოდ თითო საკლავი ასა-დ დიაცის რიგის საკლავი, წელშუ ას წესი (წელგამოშვებით). უჭკუან კი სრუ წლით იყენებდეს დიაცის რიგს ჯოყოლიკათაგან”. კიდევ მეორე ასეთი: „მოწმას მამისახლმ ხონდათ მაკლეს გუდანელ ბურკვათ ქალი თავის ქმარ-შვილთან ერთად. მამისახლმ ხონდან კარში არ გამაუშვნ, მანამ კაცის რიგ არ უყენეს დიაცის თავში. საერთო რჯულით კი ნახევარს უდრის დიაცის თავ-სისხლი კაცის თავ-სისხლს”.

აბაისბან ბიბის მოკვლა

რელიგიური დღესასწაულების კალენდარის აღწერილობიდან ვიცით, რომ არხოტის ჯვარს არხოტის ყველა სოფლები ეყმობოდნენ, მორიგეობით დასტურებად დგებოდნენ, ავადმყოფობის დროს ზღვნობდნენ. ათენგენას და წელწადში ამღივნები და ჭიმღივნები მოდიოდნენ და ერთ-ერთ დღეს არხოტის ჯვარში დღეობდნენ. ცალკე ამღიონთ ჯვარი დასხდებოდა, ცალკე ჭიმღიონთა და სვამდნენ ლუდს. ახიელელნი კიდევ ცალკე ჯარობდნენ. ამღივნები და ჭიმღივნები თითო საწყავ ქერს აძლევდნენ ჯვარს. ამას „ღალა” ეწოდებოდა.

ათენგენა იყო და თემი მოსული იყო (როცა ამღივნები და ჭიმღივნები მოდიოდნენ, ამ დღეს თემობა დღეს ეძახოდნენ, იმათ მოსვლას – თემის მოსვლას). როცა თემი მოსული იყო და თავ-თავის საჯარეში ისხდა, მაშინ ერთი-მეორის მიპატიჟება იცოდნენ თავის ჯარზე და პატივს სცემდნენ ლუდით. ამღივნებმა ახიელლები აწიეს (წევა – დაპატიჟება) და თავის ჯვარზე ლუდით სცემდნენ პატივს. ხალხი რომ დაითვრა, ასტეხეს შუღლი, ახიელში ცისკარაულებმა და ამღაში ბერდიშვილებმა, გვარად წიკლაურებმა. შუღლი იყო ხანჯრებით, მაგრამ მძიმედ არავინ დაჭრილა. როცა ხალხი შუღლობდა, ყმაწვილები ცალკე გასულიყვნენ და მოშულდარებს ქვას ესროდნენ. ახიელლები ამღივნებს და ამღივნები ახიელლებს. ახიელელთ ყმაწვილებისაგან გასროლილი ქვა მოხვდა ერთ ბერდიაშვილს გიგის, თავი ცოტა გაუტყდა და სისხლი გადმოვიდა. გიგიმ ეს ჭრილობა არაფრად ჩააგდო და პირველ ხანებში სულ არ შეიხვია. ორი-სამი დღის შემდეგ ჭრილობა დასივდა და თავი და სახეც მთლად დაუსივდა (ჭრილობა იყო თავში). დაუწყო ტკივილი. მაშინ არც ექიმები იყო და სოფლის ექიმი უხვევდა ბალახის წამლებით. თავი ჯერ დასივდა და მერე დაჩირქდა კიდევ. მკითხავეებმა უთხრეს: არხოტის ჯვარია გამწყრალი იქ შუღლზე, იქ სამეშვლო დაკალით, სხვა ჯვარებშიაც დახოცეთ სამეშვლოები და მორჩებაო. დავოცეს ამღას და ახიელ ყველა ჯვარებში საკლავები. სამანანულო, სამეშვლო და სხვა (სამანანულო ზღვენი ნიშნავს: დანაშაული ჩაიდინა, იმას ნანობს და პატიებას

სოხოს დანაშაულისას. სამეშველო: უშველოს და მოარჩინოს ავადმყოფი. სამხვეწრო – ეხვეწება, შველას ე. ი. სოხოს დახმარებას). არხოტის ჯვარში სამანანულოდ კურეტიც კი დაკლეს, ე. ი. შეინანეს არხოტის ჯვარში შუღლი. ცოტა ხანს თითქოს კარგად შეიქმნა ავადმყოფი, მაგრამ ჩირქის დენამ ჭრილობიდან უმატა და ბოლოს ენა ჩაუვარდა და მეორ-მესამე დღეს გარდაიცვალა. ენა რომ ჩაუვარდა, ცისკარაულებმა თავის სოფელი მაშინვე დატოვეს და გაიხიზნენ სხვა სოფლებში. მამკლავი ნამდვილად კი არ იცოდნენ, რადგან მაშინ ქვებს ბევრი ბავშვები ესროდნენ, მაგრამ დააბრალეს ცისკარაულების გვარში გაგუჩათ მამის ერთ-ერთ ობოლ ყმაწვილს, აბას. აბა მაშინ თორმეტი ან თერთმეტი წლისა იქნებოდა, მამა ცოცხალი აღარა ჰყავდა, მამის აღალი ბიძაშვილები ჰყავდნენ უთაური კაცები და, რაკი ერთმა ვიდაცამ თქვა, აბაის გასროლილი ქვა მოხვდაო და გიგი იმით დაიჭრაო, უპატრონობით ვედარაფერი საშველი გამონახეს და ამ ბავშვს თავი დაედო. სინამდვილე ჯერაც არავინ იცოდა, ვისი გასროლილი ქვა მოხვდა გიგის. გიგი რომ გარდაიცვალა, რიგის ყენება არ გაჭიანურებულა. ბერდიშვილებმა ყველა რიგი მაშინვე იყენეს (რიგის ყენების წესები აწერილია ზემოთ აწერილ მამკლავ-მამკვდრობაში და აქ აღარ ვიმეორებთ). გაგუჩათ ვაჟები მაშინვე კავკავში გადაიხიზნენ. აბაის დედა ბერდიშვილთ ქალი იყო და ნება მისცეს დრომდინ ეცხოვრა თავის სახლში. სხვა ცისკარაულები ცოტახანს გაიხიზნენ და საკლავის და შუაკაცების მიყვანა-დახმარებით ისინიც მოუშვეს თავის სოფელში. მერე მოვიდნენ ჩუმად გაგუჩანი და თავისი დიაც-ყმაწვილნიც წაიყვანეს. ადგილ-მამული თავის სახლისკაცებს გადასცეს და დაავალეს ბერდიშვილთათვის რიგის ყენება. აბაის ბიძებმა რამდენიმე წლის შემდეგ პირმასამყრელო გააკეთეს და ისევ კავკავში წავიდნენ. აბა კი აღარც მოვიდა, არც ჯვარში შეუჯდა და არც პირმასამყრელო გააკეთა. კავკავში სახლები გაიკეთეს, სამუდამოდ იქ დარჩნენ. აბა გაიზარდა და ისაც იქ დაცოლშვილდა. მისი ბიძები იყვნენ ბაბო და ქარჩაული, ისინი აქედანვე ცოლ-შვილიანები წავიდნენ. უმცროსი ძმა აღია ყავდათ და ისიც კავკავში დაქორწილდა, ხოლო დაავადდა და მალე მოკვდა. ბერდიშვილთ რიგის ყენება გაუკდა ხათაბალა ცისკარაულებს, გაგუჩათ გარეთულებს. გაგუჩანი რაკი სამუდამოდ მოშორდნენ აქაობას, იმათ სულ თავი დაანებეს ბერდიშვილებმა და იმათ გარეთულ სახლისკაცებს არ აძლევდნენ მოსვენებას. ზოგები ჭრეს და შასწირეს გიგის. ერთხელ დამბაჩა ესროლა გიგის ძმამ კირჩლამ გაგუჩათ შორეულ სახლისკაცს ფუნჩათ დავითს. სმაში ბერდიშვილთან სულ არ მიდიოდნენ, პატივს ხო მიუტანდნენ, მაგრამ მაინც მიზეზს მოუგონებდნენ და იარაღს უქნევდნენ. ერთხელ დავით ცისკარაულს გაუხვრიტეს ხანჯრით ბარკალი. მისივე ბიძაშვილი ჯურკა თავში დაჭრეს; ბერდიშვილნი თუ ხედავდნენ, ცისკარაულთ გვარის კაცი ცხენზე ვერ შეჯდებოდა. თამაშობა და მღერა ხომ შეუძლებელი იყო მათის გაგებით,

ე. ი. ისეთ ადგილას არც იმღერებდნენ და არც ითამაშებდნენ, სადაც ბერდიშვილთ ოდნავ მონათესავეც ვინმე იქნებოდა. ხევესურეთის რჯულში რაც არ იყო, ისეთ ხათრს თხოულობდნენ ბერდიშვილნი ჳარათაგან. გაგუხათ მამული ჳერ ერთს ეჭირა ჳარათას და ის უყენებდა რიგს, მერე ის მოკვდა და მამული სხვას მისცეს და ის უყენებდა რიგს. ამან ბერდიშვილთ ვერ გაუძლო და კახეთში გადასახლდა თავის მამულ-სახლ-კარსაც თავი დაანება და გაგუხათასაც. ბოლოს ერთი კომლის გარდა სულ აიყარა მთელი გვარი და ახმეტის რაიონში გადასახლდნენ. იქ ტყეში ახოებს აკეთებდნენ, თოხით მიწას თხრიდნენ, სიმინდი მოყავდათ და ამით საზრდოობდნენ. ბერდიშვილთ რიგის ყენება დაეკისრა იმ კაცს, ვინც ახიელში დარჩა. მერე ბერდიშვილებმა იწყეს კაცით ზარალი. იხოცებოდა ახალგაზრდობა. ზოგს ქისტები კლავდნენ, ზოგი ავადმყოფდებოდა და ისე კვდებოდა. აღარ იყო მათი მდგომარეობა წინანდებურად.

ბოლოს მკითხავებზე მიდგა საქმე. მკითხავებმა უთხრეს: არხოტის ჳვარის ყმათ, ახიელელთ შევიწროებას არხოტის ჳვარი არ იკდენსო, თუ არ დასთმობთ და ჳარათ შეწუხებას თავს არ დაანებებთ, კარგი არაფერი დაგემართებათო. ამას თან ურჩიეს არხოტის ჳვარში ღირებული ზღვნის მიყვანა და შეხვეწა – შანაცოდვარი გვაპატივეო. ეს ყველაფერი შეასრულეს და საბოლოოდ თავ-სისხლი გაათავეს. ახალი რჯულის თანახმად, რომელიც ჳვესურთა საერთო ყრილობამ შემოიღო, ძველი თავ-სისხლები გაათავა. თავს ათავებდნენ მაშინ, როცა მამკლავი ცოცხალი აღარ იყო. აგრეთვე პაპის-პაპისობინდელი თავებიც გაათავეს. თავის გათავების დროს მეთავე ადუღებდა ლუდს იმ სალოცავში, რომელი სალოცავის ყმაც იყო მოკლული. იქ მიიყვანდა ერთს კურეტს და საკლავს. მიიტანდა თექვსმეტი ძროხის დრამას (რა თქმა უნდა, შუაკაცების საშუალებით ხდებოდა ყველა ეს. შუაკაცები აგვარებდნენ ყველა ამ საქმეს). შეიყრებოდნენ ერთად მამკლავ-მამკვდარნი, ჩააბარებდნენ დრამას და ამით თავდებოდა ძველი თავ-სისხლი; ბერდიშვილებმა და ჳარათაც ამ სახით საბოლოოდ მოსპეს ერთმანეთთან თავ-მეთავეობა. ბერდიშვილთ აღარც დრამა აიღეს, აპატიეს არხოტის ჳვარს და ამის შემდეგ გათავედა მათ შორის ხათრი და ყველაფერი. ბერდიშვილნი ხათრს აღარ თხოულობდნენ, მაგრამ ჳარანი შეჩვეულნი იყვნენ მათგან ხათრს და ნაწილობრივ განაგრძობდნენ.

ჯაბუშანურთა და ბაჯალათი თაგ-მითაგმოლა

არხოტის ჯვარში იდგა ერთი თიხისაგან გაკეთებული ქვევრი. ვიღაცა ბერდიშვილთ კაცს მოუტანია ჯორის საპალნით ბარიდან და შეუწირავს არხოტის ჯვარისათვის. არხოტის ჯვარში პირველად საქვაბეში, სადიასახლისოსთან ჩააგდეს (ჩადეს) ის მიწაში და მემრე იქიდან გაიტანეს და საპურედ გაკეთებულ პატარა ბედელში ჩააგდეს. დააწესეს, რომ წელიწადში ერთხელ სოფელი არყით გაავსებდა. ყველა კომლი საარაყეს გამოხდიდა. ერთი ჭურჭელი ჰქონდათ საჯვარო, ყველა კომლი იმას ავსებდა და ასხამდნენ ქვაბში. რომელი კომლიც არაყს მიიტანდა, დაუძახებდა დასტურ-კვლოსნებს. სანთელსაც არაყის მიმტანი მიიტანდა, აანთებდნენ, ჯვართ ადიდებდნენ, დასტურ-კვლოსნები და მიმტანი არაყს დალევდნენ, შეამოწმებდნენ როგორი იყო და ჩაასხამდნენ ქვევრში. როცა არყების ჩასხმა მოთავდებოდა, საბოლოოდ დასტურ-კვლოსნები გამოაცხადებდნენ ვისი არაყი ჯობდა: ამა და ამის არაყი იყო უკეთესიო. როცა ქვევრი აივსებოდა, სოფელი მოვიდოდა დანიშნულ დღეს, ერთს სარიგო საკლავს მიიყვანდნენ, დაკლავდნენ, სანთლებს აანთებდნენ და გახსნიდნენ ქვევრს. სვამდა სოფელი, ვისაც რამდენი შეეძლო. გამვლელ-გამომვლელსაც ეპატიუებოდნენ და ამ დღეს უფასოდ ასმევდნენ. მეორე დღეს ბერდიშვილნი მოვიდოდნენ, რადგან ქვევრი იმათგან იყო შეწირული. მოიყვანდნენ ერთ საკლავს, დაკლავდნენ არხოტის ჯვარში ბერდიშვილთ სამწყალობნოდ და ამ დღეს ისინი სვამდნენ უფასოდ. ამ დღის გარდა კი თავისებური ფასი ჰქონდათ გადაწყვეტილი და ყიდულობდა ხალხი. ეპატიუებოდნენ ერთი-მეორეს, არაყს იქიდან ვერ ამოიღებდნენ, მანამ საკლავი არ დაიკვლოდა, რომელიც უნდა დღე ყოფილიყო. დილით ვინმე ერთ საკლავს დაკლავდა, გაიხსნებოდა ქვევრი და მერე ფასით ყველა ყიდულობდა. არაყი ბოთლებით არ იყიდებოდა. ერთი სპილენძის თუნგი ჰქონდათ და იმას ყიდულობდნენ აბაზად, ან ერთ ნასამაღ ქერზე. ფული და პური რჩებოდა საჯვაროდ. არაყს კარგს ასხამდნენ ქვევრში. ყველა ცდილობდა სხვაზე უკეთესი არაყი გამოეხადა და ჩაესხა. ამიტომ მაგარი არაყი დგებოდა და ხალხს ძალიან ათრობდა. ხშირ შემთხვევაში ხდებოდა შუღლიც. ვინც იშუღლებდა, მანამდინ საკლავს არ მიიყვანდა, ქვევრი აღარ გაიხსნებოდა და ეს ძალიან სამრისხველოდ მიაჩნდათ. მაშუღლარები, რომ მოიფხიზლებდნენ, მიიყვანდნენ საკლავს, შუაკაცები იმათაც შეარიგებდნენ და გაიმართებოდა ისევ სმა და სიმთვრალე. ერთხელ ასეთ სიმთვრალის დროს იშუღლეს ახიელლებმა და ამღივნებმა. ამღიონმა გაჯალათ გაგამ ხანჯარი გაუშვა სხვა კაცისაკენ წვერით დასაკრავად. როგორღაცა იმ კაცს ასცდა და სხვა კაცს მოხვდა მუცლის არეში. გვარად ჯაბუშანურს, ალიათ მამის კაცს გიორგას. გიორგა მიიმედ დაიჭრა და დაეცა. გაჯალათ გაგას ეს თავის უნებურად მოუვიდა. მაგრამ კაცი მისგან კვდებოდა და გაიხიზნა აქედან. დაჭრილი

კაცის ძმა-სახლისკაცები მეშველებმა დაიჭირეს და ის თავის სოფლისკენ გაიქცა. იქ რომ მივიდა იმის ძმა-სახლისკაცებმა მაშინვე საკლავი წააყვანინეს, არხოტის ჯვარში დაჭრილის სამეშველოდ. ჯაბუშანურთაც დახოცეს სამეშველოები, მაგრამ დაჭრილი მალე გარდაიცვალა. გაჯალათ გაგას კიდევ ჰყავდა ორი ძმა – ჩაჩაური და სუმელჯა. სხვა გარეთული სახლისკაცებიც ჰყავდა. ეს ძმები რიგის ყენებამდინ იმალებოდნენ არხოტის სოფლებში. შუაკაცებმა მალე შესძლეს რიგის ყენება ყველა წესის, რჯულის მიხედვით და მემრე გაგა და მისი ძმები გაიხიზნენ კავკავში და მათ გარე ბიძაშვილებს ნება მისცეს თავის სოფელში და ხიზანში ცხოვრებისა. რიგის ყენების წესები ყველა დაწერილია ზემოთ აწერილ მამკლავ-მამკვდრობაში და ამიტომ აქ აღარ ვიმეორებთ. რიგი, რჯულის მიხედვით, ყველა სრულდებოდა. ბოლოს მამასახლისმა მკვლელობის ამბავი პრისტავს აცნობა. მან კავკავიდან გაგა ჩამოაყვანინა, სასამართლომ კაცის მოკვლისათვის სამი წელიწადი ციხე მიუსაჯა და სადღაცა გადაასახლეს საქართველოდან. ეს რომ დააპატიმრეს, ამის ძმებსაც ჯაბუშანურებმა თავის ოჯახებში დაბრუნების ნება მისცეს და პირშასამყრელოც მოაწყვეს. სხვა ყველაფერი შესრულდა, მხოლოდ გაგამ ვერ მოასწრო პირშაყრა და ჯვარში შაჯდომა. მან სადღაც ციმბირის მხარეს სამი წელი საპატიმროში დაჰყო და მერე ჩამოვიდა. ჩამოსული ისევ იმალებოდა. მერე ჯვარში შაუჯდა თავის წესით. ჯვარში შაჯდომის შემდეგ კიდევ ერთმა წელმა განვლო და შუაკაცები შეუდგნენ პირშასამყრელოსთვის მზადებას და მოაგვარეს კიდევ. პირშასამყრელოს ნება რომ მიეცა, არხოტის ჯვარში შუაკაცებმა აღუდეს ლუდი და დანიშნულ დღეს მოიყვანეს გაგა და ჯაბუშანურები და პირშასამყრელოს ყველა წესი შეასრულეს. საბოლოოდ დარჩა „წლის რიგი,” წელიწადში ერთი საკლავი და სასმელი უნდა გაეგზავნა გაგას დაზარალებულის ოჯახში შუაკაცების ხელით. თუ რომელიმე წელს ეს საკლავი დროზე არ მოუვიდოდა, მაშინ აიღებდნენ ისევ თოფს მკვლელის მოსაკლავად, მაგრამ ეს არ მომხდარა მათ შორის, ყოველთვის დროზე მოუდიოდა რიგი. მამკლავ-მამკვდრობის წესით მთელ გაჯალათ ხათრი ჰქონდა ჯაბუშანურთი. ერთხელ გაჯალათ ბეწიკამ რაღაც აწყენინა ჯაბუშანურ აბიკას. აბიკამ თავში ხანჯალი დაჰკრა, მძიმედ დაჭრა და იმათგან მოკლულს შასწირა. ბეწიკა ისევ გამორჩა და ვერცარა ბევრი დრამა მიიღო დამჭრელისაგან. ბოლოს მკვლელიც მოკვდა და მისი შვილები დარჩნენ. აუტყდა კაც-შუაკაცი და ახალი რჯულის მიხედვით თავი გაათავეს. მხოლოდ გაჯალანი მაინც ხათრს უწევდნენ ჯაბუშანურებს. ისინი კი აღარ მოითხოვდნენ მათგან ასეთს.

მამკლავ-მამკვდრობა შუქიაურთა და მამუკაურთა

შუქიაურნი იყვნენ არხოტის ერთ-ერთ სოფელ კვირიწმიდაში. ამ სოფელში მარტო ამ მამის კაცი მოსახლეობდნენ, გვარად გიგაურები და ქვეგვარი შუქიაური. ესენიც კიდევ ორ მამად იყოფოდნენ: კვირიკანი და ბათირანი. სოფელ ჭიმლაში მოსახლეობდა ერთი კომლი მამუკაურთ მამიდან. გვარად ესენიც გიგაურები იყვნენ. მამუკაურების მამის ხალხნი უფრო ბლოში მოსახლეობდნენ. გვარად კი ბლოელნი მთლიანად გიგაურები იყვნენ, მამები კი სხვადასხვა. კვირიწმიდელნიც მათი მოგვარეები იყვნენ. ე. ი. გიგაურები ძირითადად ბლოში ცხოვრობდნენ და იქიდან გადმოსულნი ჭიმლაშიაც არიან და კვირიწმიდაშიც.

ძველ დროს არხოტის ხალხი ძალიან ღარიბად ცხოვრობდა და სამუშაოდ დადიოდნენ ზამთრობით კავკასის ტყეებში. საუნებს დგამდნენ, ფულს იღებდნენ. იმ ფულით პურს ყიდულობდნენ და საპალნეებით (ცხენის ზურგით) მოქონდათ ოჯახის გამოსაკვებად. ასეთ სამუშაოზე წასულები იყვნენ სოფელ კვირიწმიდაში მცხოვრები თორღვა და ჭიმლაში მცხოვრები მამუკაურთ მამის კაცი ჯადელა. სხვა ამხანაგებიც ბევრნი ჰყავდნენ. ერთხელ ტყიდან კაკაეში (ქალაქში) ჩავიდნენ ფქვილის საყიდლად. იყიდეს, არაყი დალიეს და დათვრნენ; იშუღლეს მოვრალეებმა, თორღვამ ხანჯარი ჰკრა ჯადელას, მუცლის კანი გაუჭრა. ნაწლავები გადმოვიდა (აღბათ მაშინ ექიმები არ ვარგოდნენ). ნაწლავები დაზიანებული სულ არ იყო, მაგრამ ექიმებმა მოსჭრეს მთლიანი ნაწლავები და ისეთი დააწვინეს საავადმყოფოში. სამი-ოთხი დღე იცოცხლა და მოკვდა. სამუშაოდ წასულმა ამხანაგებმა საკაცეზე მოათავსეს და მიცვალებული სამი დღის სასიარულო გზაზე არხოტში მოასვენეს. არხოტში შუქიაურები მიიმაღნენ, მაგრამ დიდი შიში მაინც არა ჰქონდათ, რადგან მამუკაურების მამიდან არავინ იყო აქ. ჯადელას მარტო ერთი ძმა ღარიბა ალუდაური და იმასაც არაფრად აგდებდნენ, რადგან მაშუღლარი და ანჩხლი კაცი არ იყო. რიგი მაშინვე იყენეს, უარის სათქმელად. შუაკაცები რიგს ხანდახან ძალად ართვამდნენ და ისე უყენებდნენ. ალუდაურს კი არ ეუბნებოდნენ. ეტყოდნენ, ძალიან დაღონებულები არიან და გვეხვეწებიან, რიგი აყენებიეთო. გაიარა დრომ, წლებმა და პირშასამყრელოც ჰქონდათ. თორღვა მოვიდა და თავის სოფელში დაიწყო ცხოვრება. შუქიაურები ბევრ ხატრს არ უწევდნენ ალუდაურს. მამკლავ-მამკვდრობის წესებს ნაკლებად ემორჩილებოდნენ, რადგან მამუკაურები არავინ იყო ერთი კაცის მეტი, შუქიაურები კი ბევრნი იყვნენ. მამკლავის მოგვარე, მამკვდრის მოგვარეს ცხენზე მჯდომი რომ შეხვდეს, ცხენიდან უნდა გადმოხტეს, ქუდი მოიხადოს და გადააგდოს მისკენ. თვითონ გზის ძირში გადახტეს და გაჩერდეს. მაგრამ შუქიაურები არც ასე იქცეოდნენ. ალუდაურს არ

ეპუებოდნენ, ეგონათ, ეს არაფერს გვიზამსო. შუქიაურთ მამაში იყო თორღვას ბიძაშვილი დავითი, თავმომწონე და ამაყი კაცი, ამასთან, თავხედიც. ერთხელ ჭიმღას მივიდა, ცხენიდან არ ჩამოვიდა და ისე გაიარა ალუდაურის სახლის წინ. ალუდაურმა დაინახა, მაგრამ ვერაფერი მოასწრო, რადგან აჩქარებული ცხენით გაიარა. ალუდაური უკვე გამოსული იყო მოთმინებიდან და ელოდებოდა იმის გამოვლას; დავითი მოვიდა ისევ ცხენდაცხენ და ალუდაურის ბანზე გამოატარა ცხენი. ალუდაური ახლა კი მზად იყო თავხედი მტრის დასახვედრად, გამოუვარდა და თავში გარტყა ხანჯარი კარგა ღონივრად. დავითს გონება წაუვიდა და იქვე დაეცა. გვიან მოვიდა გონს, დაეხმარნენ და წამოიყვანეს კვირიწმიდაში. ალუდაური თავის სახლს არ მოსცილებია. წაიყვანეს სოფლის ექიმი, დაუწირქდა ჭრილობა და შეიქმნა მძიმე ავადმყოფი. ალუდაურს ურჩევდნენ, სახლიდან გაიხიზნულიყო, მაგრამ ის ამბობდა: კაცი მომიკლეს და კაცი მოუკალი, რჯულის მიხედვით გასწორებული ვართო. მაგრამ ალუდაური ჯავრით ჯიუტობდა, რომ წაშუქიაურები, როცა ძმა მოუკლეს, არ ეპუებოდნენ, ალუდაურს არაფრად აგდებდნენ. ეხლა ეს უხდიდა სამაგიეროს. დავითს დიდხანს არ უცოცხლია და გარდაიცვალა. მაშინ კი შუაკაცებმა ალუდაურს ძალა დაატანეს და სახლს მოაშორეს. რჯულის მიხედვით, ისიც იმდენ ხანს უნდა გადამალულიყო, რამდენ ხანსაც შუქიაურები იმალებოდნენ. შუაკაცებმა ის რიგი და დრამაც მოთლიანად დააბრუნებინეს, რაც ალუდაურს ჰქონდა აღებული. ყველა ისეთი რიგი უყენა, როგორც ალუდაურმა თვითონ იყენა. დადგა საკითხი თავის გაბრაზე თავში. მაგრამ დავითის ძმამ თქვა: მე თავს თავში არ გაუბრი, რადგან თორღვას ძმა არა ვარო და მოშორებით ვარო. ალუდაურმა ჩემის ძმის თავი უნდა დაიდვას და თორღვამ ალუდაურის ძმის თავიო. მაგრამ შუაკაცებმა მოუყვანეს მაგალითები, სადაც თავი თავში გაიბარა. მაინცდამაინც ძალიან შორიელები არ იყვნენ; ხევსურეთის რჯულით, თავის გაბრა ეკუთვნოდა. თორღვა და ბათირათ დავითი ბიძაშვილები იყვნენ. შუაკაცებმა თავისი გაიყვანეს და დაითანხმეს თავის გაბრაზე. მხოლოდ ხუთი ძროხის დრამა ალუდაურს დააკისრეს „საუკენმამკვდრო“. ბოლო დროს ვინც მოკლავდა, ხევსურეთის რჯული იმას გადაახდევებდა საუკენმამკვდროს. ბოლოს ყველანი ერთად შეყარეს არხოტის ჯვარში. ერთი საკლავი დაკლეს და თავი თავში გაიბარა. აღარც ხათრი ჰქონდათ ერთიმეორისა და აღარც რიგს უყენებდნენ, მიუხედავად იმისა, რომ მკვლელები ცოცხლები იყვნენ. ალუდაური დააპატიმრეს და სამი წელიწადი ციხეშიც იყო. მერე სმაში კი ერთიმეორესთან ადვილად არ მიდიოდნენ. დანარჩენი ყველა გასწორდა რჯულის მიხედვით.

ბიოგრაფია და ჭოლიკაურთ მამკლავ-მამკვდრობა

ამლა არხოტის სასოფლო საბჭოში შემავალი სოფელია. როგორც გადმოცემით იციან, აქ სხვადასხვა ჯიშის ხალხი უნდა იყოს, სხვადასხვა კუთხიდან მოსული, მაგრამ ყველანი ერთ გვარზე იწერებიან – ჭოლიკაურნი. ამბობენ ისინი თათრების ჩამომავალნი არიანო. თათრიანობას ერთი კოჭლი თათარი დამრჩალა აქ და იმაზე გამრავლებულან ჭოლიკაურნიო. ამ სოფელში მათი გვარის სამი კომლია, მხოლოდ ერწოში გადასახლებულან და იქ კი ყავთ ამათი მამის ხალხი. ამათ მამას ორგვარი სახელწოდება აქვს: ჭოლიკაურნი და ციანი. ამათი მამის კაცნი სახელგანთქმულნი არიან მამაცობით და სიბრყევით. იტყოდნენ: ჭოლიკაურთ მამაცობის მეტი არაფერი იციანო.

ამათ გარდა კიდევ იყვნენ: უთურგანი. ესენიც რადღაცა უფრო ჭოლიკაურთკე იხრებოდნენ, „ერთუცისები ორთავ“ – ტყოდნენ. აქვე იყვნენ ქარჩანი. ქარჩანიც არხოტში ბევრნი აღარ იყვნენ, წასულან და ერწოში უფრო ბევრნი არიან. არიან კიდევ ჩინგლანი; მაგათაც ერწოში ყავთ ახლო მოგვარეები. იყვნენ კიდევ ძამურანი – სინი სულ ერწოში გადასახლებულან. ძამურათან ახლო მდგომი მამა იყო გილანი; ისინი ყაზბეგის რაიონში სოფელ ართხმოში გადასახლებულან. ამლაში უფრო ბევრნი იყვნენ ბერდიშვილნი. ბერდიშვილთან ახლობლები იყვნენ გიორგანი და აბაიხძენი. ბერდიშვილნი კიდევ იყოფოდნენ. ბაჭანი უფრო შორს იყვნენ. ერთიმეორის ახლო განაყრები იყვნენ: ბათანი, ნისლაურნი, გაგანი, მზევინარანი. ამათ მამებში სახელგანთქმულნი იყვნენ გიორგანი მონადირეობით, ქისტებთან ბრძოლით და ვაჟკაცობით. ამ გიორგათ მამაში განსაკუთრებით კარგი ახალგაზრდა წამოიზარდა ხომიზურათ ბაბუა. პატარაობიდანვე დაიწყო ქისტებზე შურისძიება. ქისტებმა მოუკლეს ახლობელი ბიძაშვილი. მაშინ ბაბუა ცამეტი წლისა იყო და მონაწილეობა მიიღო სისხლის აღებაში, სამაგიერო ქისტი მოკლეს, მერე კიდევ ორი ქისტი მოკლა ძმის ჯავრზე. ასე გათამამებული იყო და ხალხიც აქებდა.

ბაბუას შეუყვარდა თავის მოგვარე – ბაიათ დისწული ქალი. თავისი ცოლი დაითხოვა და ის ცოლად მოიყვანა. ეს ამბავი იწყინეს მისმა სახლისკაცებმა და მოიკვეთეს. ჩვენი დისწული ცოლად არ ერგებოდა და რად მოიყვანაო. არ მოიკვეთა უფრო ახლობელმა, უშიშამ. უშიშა კახეთში გადასახლდა და დარჩა ბაბუა ამლაში. ერთი სხვა ახლობელი მოგვარეც დარჩა ამლაში – მედა. ხალხში ისეთ ხმას აგდებდნენ, თითქოს იმედას ბაბუა მოკვეთილი ჰყავდა; მაგრამ იმედას ბაბუა უყვარდა და არ იყო გულით მოკვეთილი. ამ დროს ბაბუას კაცი შემოაკვდა შემდეგნაირად: ბაბუას მამა, ხომიზურა, ფიცხი კაცი იყო და ადვილად იცოდა ჩხუბი. ჭირნახულში პირუტყვის შესვლაზე ხომიზურამ გალანძდა ერთ-ერთი ჭოლიკაურთ დედაკაცი. ჭოლიკაურთ მამაშიც იყო ძალიან ამაყი და თავმომწონე კაცი ჯდუნა. ჯდუნამ,

როგორც მოხუც კაცს, ხომიზურას ვერაფერი უთხრა და იმის შვილს ბაბუას დაუხვდა გზაში. ჯღუნა ხელდახელ შეებრძოლა, ბაბუამ კი ხანჯარი ამოიღო, დაკრა თავში და დაჭრა. ჭრილობა ძალიან დიდი არ იყო. დააყენეს სოფლის ექიმი. ჭრილობას თავიდანვე დაეტყო შესიება და ავადმყოფი შეწუხდა. მკითხავეებმა უმკითხავეს არხოტის ჯვარში სამეშველო და ამღას სამივე ჯვარში იაჭსარში, სვეტის ანგელოზში და პეტრეში. ეს ყველაფერი შეასრულეს. კარგა ხნის შემდეგ ავადმყოფი კარგად შეიქმნა და სარჩობაზე დადგა. ჭრილობა დაცხრა და რჩებოდა; ამავე დროს სოფელ ამღაში მიცვალებულის ხარჯები იყო და სასმელიანობა. ბერდიშვილთ მამის კაცთ ჯღუნა არ უყვარდათ, რადგან ამაყი იყო და არ უთმობდა. ხშირ შემთხვევაში მოსდიოდათ ჯღუნასთან შუღლი და აი ამ სიმთვრალის დროსაც, მიუხედავად იმისა, რომ ის ნაჭრევიანი იყო, შუღლი ატეხეს. შუღლი მოხდა წინგარდაზე (დაბლა სართულის ბანზე). ბანი პატარა იყო, მეშველები და მაშუღლარები ბანიდან გადაიყარნენ; გადავარდნილმა ჯღუნამ რაღაცას დაჭრილი თავი დააჯახა და ძალიან დაიჟეჟა, სისხლი წავარდა და ძლივს შეაჩერეს. სისხლის შესაჩერებლად ადებდნენ: აბლაბუდას, დამწვარ ქაღალდს, მარილს და სხვა ათასგვარ სოფელურ წამლებს. ჯღუნა ამბობდა: „რო გადავვარდი-დ თავ დაგხკარი, გაწყდ რაიმ ნაჭრევიშია-დ ძალიან მაგრადაც მეტკივნ. აბა, რა მექნ, მანამ პირში სულ მედგ, ადგომა მინდოდ. გმინვას ხო არ დავიწყებდ, ხალხ იყვ, თორე გონთა-უგონთ ვიყავ, რო ავდეგი, გვიან ჩავვარდი გონთ“. ერთ დღეს კიდევ იყო ფეხზე ამ გადავარდნის შემდეგ და მერე სულ ჩავარდა ლოგინად. ის ამბობდა: „მე იქ რო არ გადავეგდი, ის ნაჭრევი ვერ მამკლევდ. ეხლა კი ძნელიდ ას ჩემ მარჩომაი“. შეწუხდა ავადმყოფი, გაიმეორეს სამეშველოების დახოცა, მეხვეწურად დედანიც მივიდნენ ჯვარისკარ, მაგრამ ავადმყოფი თანდათან უარესად ხდებოდა. გიორგანი ამბობდნენ: „ჩვენ ნაჭრევი მაგას ეკურნებოდა-დ ბანზე გადავარდნამ დაუმატ, თორე მარჩებოდ“. ხევსურეთის რჯულით, მეხელე მაინც ხანჯრის დამკრავი რჩებოდა. თუ სხვას ვისმე დაეკრა იმ ადგილზე, მაშინ რჯულით დამკრავი კელჩასამრთაოს – ხუთ ძროხას გადაიხდიდა დრამით. როგორც მეკვლე ანუ მამკლავი მაინც პირველი დამჭრელივე რჩებოდა, თუ ის ჭრილობა კლავდა, სადაც პირველმა დაჰკრა იარაღი. თუ სხვა ადგილზე დაჰკრა მეორემ და ამ დაკრულმა მოკლა, მაშინ თავი მეორეს დაედებოდა და კელჩასამრთაო ხუთ ძროხას პირველი გადაიხდიდა. მხოლოდ ჯღუნას მეორე ხელით არაფერი დაჰკრა ვინმემ და იგივე ჭრილობა კლავდა, რომელიც პირველად მიაყენეს; ამიტომ, ხომიზურათ ბაბუა მამკლავად რჩებოდა. ჯღუნა რომ სწუხდა, ხომიზურა და ბაბუა ფრთხილად იყვნენ, რომ ის თუ მოკვდებოდა, ჭოლიკაურები თავს არ დასხმოდნენ და ერთიმეორე არ ამოეწვივებოთ. ჯღუნას დამე თავი არ ნებდებოდა და ისეთი კაცებიც ყოველთვის იქ მიდიოდნენ, ვისაც ბაბუას დაზიანება არ უნდოდა. ბოლოს, ღამით ჯღუნა

გარდაიცვალა. სანთელნი რომ მისცნეს, ერთი სოფლელი კაცი მოვარდა ბაბუასთან და გახიზნა ისინი (მეზობლად ცხოვრობდნენ ბაბუა და ჯღუნა). ისინი გაიხიზნენ სოფელ ახიელში ნათესავეებში. ჯღუნა დაამკაცრეს (დამკაცრება ჰქვიან მოკვდომის დროს, რომ თვალებს დაუხურავენ, ხელებს გულზე დაუწყობენ, მუხლებს გაუსწორებენ და პირსაც მოუკუმავენ. დააწვევენ გულადმა). ჭლიკაურთ ეგონათ, ბაბუას სახლში მოვამწყვდევთ და მოკვლავთო, მაგრამ ხალხიც მოვიდა და ბაბუა ადრევე გახიზნულიყო. ჯღუნას დარჩა ძალიან მკაცრი ცოლი და წვრილი შვილები, ქალებიც და ვაჟებიც. ძმისწულები და ერთი გარეთ ბიძაშვილი, ე. ი. მოგვარე. მეორე დღეს თემშიც გაიგეს ეს ამბავი. ნათესავეები სატირლად მოვიდნენ და თავთავი უფროსი კაცები – შუაკაცებად. შუაკაცებმა ითხოვეს რიგის ყენება, მაგრამ ჯღუნას ცოლმა არაფერი არ იკითხა და თვითონ მოკრიფა აუარებელი მიზეზები და დაადო ჯურუმები. ვიდრე ამდენ ძროხას ჯურუმს არ მოიტანთ, რიგს არ ვიყენებო. ხევსურეთის რჯულის და წესის მიხედვით, დიაცი არც უნდა ერეოდეს სისხლის საქმეში. სამტერო საქმეები დიაცს სულ არ ეხება და სირცხვილიც არის, დიაცი რომ ერეოდეს სამტრო-სამოკეთო საქმეში. მაგრამ ამ დიაცმა გაითავწვერა, არავის არაფერი ჰკითხა და თვითონ როგორც სურდა, ისე ადებდა ჯურუმებს. ხალხი კიცხავდა ამ საქციელისათვის, მაგრამ ის მაინც ჯურუმს ჯურუმზე უბამდა. შუაკაცმა რომ ვერაფერი გააწყო, მიუხედავად ჯღუნაის ძმა-ბიძაშვილების სურვილისა (მათ ცხვენოდათ ამდენი ჯურუმების გამობმა და სამტრო საქმეში დიაცის თაურაობა, რითაც მამა ილანძღებოდა, იკიცხებოდა), მოზიდეს ყველა ის ჯურუმები, რაც ჯღუნაის ცოლმა თქვა და მერე უყენეს მამკლავ-მამკვდრობის დროს რჯულით დაწესებული ყველა რიგი. სახლის რიგი სახლმა იყენა, დედიძმათ სადედო აიდეს, სადო, სამამიდაო და სხვ. მკვლელის ოჯახი კარგად ცხოვრობდა და ყველაფრის შესაძლებლობა ჰქონდა. ამ ოჯახს სვილი და ქერი ჰქონდა ბევრი, კიდობნები და გოდრები სავსე იყო. დღიდან ამ სიკვდილიანობისა და მკვლელის გახიზნისა, ჯღუნაის ცოლმა ნება აღარავის მისცა იმათ სახლის ახლოს გაეგლო, მიწური ბანი ან დაეტკებნა, ან მოეგლო. სხვა მამკლავ-მამკვდრობის დროს, ცოტა ხნის შემდეგ ან ნათესავს, ან შუაკაცებს ნებას მისცემდნენ ბან-კარისა და სახლისად ყური ეგდო. რა თქმა უნდა, ეს მოხდებოდა საკლავის მიყვანის და შუაკაცების ხვეწნის შემდეგ. მაგრამ მიუხედავად შუაკაცების მრავალჯერ თხოვნის და სათანადო საკლავის მიყვანისა, ჯღუნაის ცოლმა არავის ნება არ მისცა ეპატრონა ამ უპატრონოდ დარჩენილი ქონებისა და სახლ-კარისათვის. ამან გამოიწვია სახლში წყლის ჩასვლა ავდრის დროს, ჩავიდა პურიან კიდობნებში და სულ ყველაფერი დაღპა. არა მარტო პური, სახლში რაც რამე იყო, ყველაფერი განადგურდა. ბოლოს სახლის ხეებიც დაღპა და დაიწყო ჩამატეხვა. ეცემოდა ოჯახში, რაც რამე იყო და ტეხდა იქაც. ბაბუა ჯერ ახიელში ნათესავეებთან იმალებოდა და მერე გაიხიზნა

კავკაზში. იქ სახლი დაიქირავა და დაბინავდა. ცოლიც იქ წაიყვანა. დაიწყო დღიურად მუშაობა და იმით თავის რჩენა. სახლიდან კი ბაბუას აღარაფერი უსარგებლია. მხოლოდ პირუტყვი რაც ჰყავდა, ის იყო გახიზნებული და ამით ისარგებლა. გაყიდა პირუტყვი და სახლში ამით მოაწყო ყველაფერი. ჭოლიკაურები ცდილობდნენ, როგორმე მოეკლათ, მაგრამ კავკაზში მოკვლას ვერ ბედავდნენ. ელოდებოდნენ: როგორმე გამოსცილდებოდა ამ ქალაქს და სადმე სოფლებში ჩაეგდოთ ხელში. ერთხელ დაიეჭვეს, რომ ყაზბეგის რაიონში, სოფელ ჯუთაში იყო ამოსული. ჯუთას ჩუმად ათვალიერებდნენ, რადგან იქ ბაბუას დედულები ჰყავდა და იცოდნენ, იქ სიარულს დაიწყებდა. დანამდვილებით გაიგეს, რომ ბაბუა ჯუთაში იყო და სოფლის პირდაპირ ჩაუსაფრდნენ. ორი დღე ერთ კლდესთან იყვნენ ჩასაფრებულები სამი კაცი. მესამე დღეს ბაბუა წავიდა კავკავისაკენ. სამივე ჭოლიკაურმა ერთბაშად ესროლეს და ტყვიებმა ტანისამოსში გაუარა, ხორცზე ტყვია არ მოხვედრია, მაგრამ ტყვიის ქარმა გზის ძირში გადააგდო. მოვარდა რამდენიმე ახალგაზრდაც ჯუთიდან და დაეფარნენ ბაბუას. მათ პირველად კი ეკონათ, მოვკალითო და მერე, ხალხის გამო ვეღარ ესროლეს. ჯუთლებმა ბაბუას მაგიერ ადგილზე მიუყვანეს საკლავი. საკლავი არ დაკლეს, ადგნენ და წავიდნენ არხოტში. ბაბუა კიდევ ჯუთელმა ახალგაზრდებმა ყაზბეგამდინ გააცილეს. მეორედ დაიეჭვეს ბაბუა სოფელ ახიელში მოსული და ყოველ ღამე მოდიოდნენ ჩუმად და უსაფრდებოდნენ მისი ნათესავების სახლების მიდამოს; მაგრამ ბაბუას ნათესავები ფრთხილობდნენ. ღამე ბაბუას გარეთ არ უშვებდნენ, მანამ საშიშ ადგილებს არ დაათვალიერებდნენ და მერე თან გაჰყვებოდნენ ახლო, რომ მტერს საშუალება არ ჰქონოდა თოფის სროლისა. ბოლოს ბაბუა წავიდა კავკავისაკენ. თავის სოფელი ამღა უნდა გაეწლო და ასის ხეობით გადავიდოდა იქ. გავლა ამ გზით სახიფათო იყო, რადგან ჭოლიკაურები ამ გზითვე გამოივლიდნენ თავის მამკლავის მოსაკლავად და მოსალოდნელი იყო გზაში შეხვედროდნენ და მოეკლათ. ზამთარი იყო და გზა ერთის მეტი არ იყო, სხვა გზა არ იყო, არჩიეს საუკეთესო ცხენი. ვახშმობის დროს ერთი ახალგაზრდა შეჯდა ამ ცხენზე. ცხენის გავაზე ბაბუა შემოისევა. ზედ ნაბადი მოახვია და წავიდა სახიფათო გზით. ამღის და ახიელის შუა გზაში რომ გავიდნენ, ახალგაზრდამ თოვლში შენიშნა, სამი კაცი მიდის. ამ კაცებმაც ნახეს, რომ ცხენიანი კაცი უახლოვდება. ესენი იყვნენ ბაბუას მოსაკლავად მომავალი ჭოლიკაურები. ამათ არ უნდოდათ, რომ გზაში ვინმე შეხვედროდა, რადგან ბაბუას გააფრთხილებდა შემხვედრი კაცი: ჭოლიკაურები წამოსული არიან შენს მოსაკლავად და ფრთხილად იყავიო. რა თქმა უნდა, ის უფრო მეტად გაფრთხილდებოდა. ამიტომ, ჭოლიკაურებმა გზიდან შორს გადაუხვიეს და გაეცალნენ იქით. ცხენიანებსაც ეს უნდოდა – ვითომ არაფერი, გზაზე წყნარად გაიარეს და გასცილდნენ მტერს. ბაბუა თავის სოფელში ცოტა ხანს მიბრუნდა და იმავე ღამეს

კავკაზში წავიდა. ჯღუნაის ცოლმა ეს ყველაფერი გაიგო და თავის სოფლის შელახვაზე ხუთი ძროხა ჯურუმი გამოუბა.

ჯღუნას რომ დასასაფლავებლად მიასვენებდნენ, ამ დროს თურმე ბაბუამ ჩასაცემელი ტყავი გამტვერიანებულიყო და გაბერტყა. ესეც გაუგო ჯღუნაის ცოლმა და ხუთი ძროხა ჯურუმი ამ ამბავზე დაადო. ჩემი ქმარი, მისგან მოკლული სამარისაკენ მიჰქონდათ და ის მტვერს იბერტყავდა, იმის მეტად არ ედარდებოდა მისი მოკვლაო. ვინ მოსთვლის, სხვა რამდენ ცუდ-უბრალო საქმეზე გამოუბა ჯურუმი. მამკლავი ჯურუმზე უარს ვერ ეტყვის, შეიძლება შეუაკაცები ეცადონ და რამე დაათმობინონ, ან დაუმტკიცონ: რაზედაც ჯურუმი დაადვეს, ის მართალი არ არის და ვიდაცამ ტყუილი მოიგონაო, ან თხოვნით დაათმობინებდნენ.

ახლა ამ სოფელში იყო ერთი, გიორგათ მამის ახალგაზრდა – იმედა. ჭოლიკაურთ მოითხოვეს, ეგ აქედან აიყაროს, თორემ მოკვლავთო. იმედამ უპასუხა: ბაბუა მოკვეთილი გვეყავს და მე ჭოლიკაურთ მამკლავად არ დაუდგები, რადგან იმასთან ძმობა გაყრილი მაქვსო. სინამდვილეში კი, როცა ჭოლიკაურთ ბაბუას მოსაკლავად წავიდოდნენ, იმედა მათ წინააღმდეგ ჩუმად ამზადებდა ტყვია-წამალს, ამას ჭოლიკაურებიც გრძნობდნენ. ბოლოს ჯღუნაის უფროსი შვილი შეხვდა გზაში და იმედას ხანჯარი დაჰკრა თავში. იმედამაც ამოიღო ხანჯარი და ორი იმდენი დაჰკრა. მე მამაშენის მამკლავთან ძმობა მაქვს გაყრილი და შენ ხატრს არ შეგინახავო. ორივენი მძიმედ დაიჭრნენ, ისე, რომ სამაშველოები ყველა ჯვარებში ამდას და არხოტის ჯვარშიც დაკლეს. სოფლის ექიმმა ძლივს მოარჩინა. იმედა მაინც მამკლავად არ დაუდგა და არც რჯულმა გაამტყუნა, რადგან ბაბუა მოკვეთილი ყავდა. რომ გამორჩნენ, რჯული ჰქონდათ და ნაჭრევების (ჭრილობების) მიხედვით მისცეს ერთიმეორეს ღრამა. იმედა თუ თავდაბლად შეხვედროდა, აუცილებლად მეთავედ დაიჭერდნენ, მაგრამ თავი გაიტანა და თავისუფალი დარჩა. ბაბუა ბოლოს „ჯვარჩი შაუჯდ“ – ცსარში. ჯვარჩი რომ შაუჯდ, ადგა და კახეთში თელავის რაიონში სოფელ ბაკანაში გადასახლდა. ჯვარში შაჯდომის შემდეგ ჭოლიკაურები კიდევ ფიქრობდნენ მოკვლაო, მაგრამ იაცსარმა მოამიხეხა: „ჩემს კალთაში თავშამაფარებული“ არისო და თქვენ კიდევ არ ინდობთო. და ბოლოს, გული ამოირეცხეს, რომ სულ აღარ ყოფილიყვნენ იმ აზრის, რომ ბაბუას რამე ავნონ. იაცსარში სამანანულო საკლავიც კი დაკლეს, რომ ჯვარში შაჯდომის შემდეგ კიდევ ფიქრობდნენ მამკლავის მაკვლას. ბოლოს შეუაკაცებმა იქამდინ მიიყვანეს საქმე, რომ პირშასამყრელო მოამზადეს იაცსარში. დანიშნულ დღეს (სადამოს) მოიყვანეს ორი საკლავი, მოიყვანეს მამკლავიც და მოშორებით დასვეს. მოიტანეს ხუთის ძროხის ღრამა „გვერდი საჯდომლო“ და მიიტანეს დაზარალებულის ოჯახში, ჯურუმებიც თუ რამე იყო დარჩენილი. შეუაკაცებმავე მოიყვანეს ჭოლიკაურებიც და ჩვეულებრივად დაკლეს ერთი საკლავი,

მამკლავ-მამკვდართ ორივეთ სამწყალობნოდ. მერე ლუდიანი კოდიც გახსნეს და ჯვარნი აღიდნეს ისევ იმათ სამწყალობნელოდ. მერე შუაკაცებმა ბაბუა წაიყვანეს დაზარალებულის ოჯახში. წაიდეს ერთი საწდე ლუდი, ერთი საკლავი წაიყვანეს და თორმეტი აბაზი ვერცხლის ფული პატივად, ექვსი აბაზი ზღუბლზე ფეკის გადადგმისა და იმ ოჯახში შესვლის პატივი და ექვსი აბაზი იქიდან გამოსვლისა და ზღუბლის ისევ გადმოლაჭვის პატივი.

ბაბუა სახლში შესული ძალიან იხათრებოდა. საკლავი დაკლეს, მოვიდა ჯღუნაის ცოლი, მხარზე ხელი მოჰკიდა, წაიყვანა და სკამზე დასვა და უთხრა: „ჩვენ კა მეზობლობაი გექონდ, კეებ ვიყვენიოთ ერთმანეთსთან. ეს მაუკდ ბედსად წერას. აღბათ, ჩემ ქმარსაც ეგრ სიკვდილ ეწერა-დ, არც შენ ხარ გახარებული, შენაც ეგ დაღონება თუ გეწერ. გასწირი სახლ-კარი, მთაბარი, მიწა-წყალი-დ სხვაგან გადაიკარგი. აქამდინ კი არას ვინაღვლიდი რო მაეკალ ვისა-დ, აღარც შენ გეველ მზეზე. ეხლა კი აღარ მინდ შენ სიკვდილი, საკმაო დაიტანჯი. შენაც მაგივ თავის დღეი, მიაცა-დ, სხვასაც ყველას“. ამ სიტყვების შემდეგ ლუდიც დააღვეინა. ბაბუა ხმას არ იღებდა ხათრის გამო და ვერც დაიგვიანა იქ. მალე გამოვიდა და შუაკაცებთან ერთად ჯვარნი წავიდა. აქაც დიდხანს არ დაგვიანებულა, შემდეგ ნება მიეცა თავის სოფელში მოსვლისაც. როცა სტუმრად სადმე მოვიდოდა, ჯღუნაის შვილებიც წაიყვანდნენ სახლში და როგორც სტუმარს ისე პატივს სცემდნენ. ბაბუა კი ყოველთვის ძალიან იხათრებოდა და იმათ გულში კი თითქმის ცუდი განზრახვა რამე აღარ იყო იმის წინააღმდეგ.

არხოტის ჯვარში დიღღველ-არხოტივნების უშლი

აქ მოგვეყავს არხოტივნების და დიღღველებისაგან ერთიმეორის დახოცა, რადგან ეს ამბავი მოხდა არხოტის ჯვარში, მისივე „მიზეზით“. არხოტის ჯვარში ყოფილან მებეკურად ერთი კომლი დიღღველი თავისი ოჯახით სოფელ ნეთხიდან. მათ სათიბესთან ახლო ჰქონდათ სახლი (არხოტის ჯვარის გვერდზე ერთი ადგილი ყორის გაღავნით იყო შემოღობილი და ამას სათიბეს უწოდებდნენ). თუმცა კი აქ არავინ არა თიბდა, შემოდგომამდინ დაცული იყო და შემოდგომაზე ერთ-ერთ დღეს სოფლის ნახირს შეუშვებდნენ შიგ და ის ძოვდა აქაურ ძალიან მდიდარ ბაღახს. ამ სათიბესთან იყო მებეკურის სახლი, აქვე იყო ერთი არხოტის ჯვარის მამული, მებეკურისათვის მიცემული, ამ მამულით სარგებლობდა მებეკური (ქისტი) დიღღველი. თესავდა ქერს და კარგიც მოუდიოდა. მებეკურს ევალებოდა არხოტის ჯვარის მამულების და სათიბეების დაცვა. აგრეთვე დარბას-საქვაბებესაც ისინი უვლიდნენ, გარდა თას-განძისა. თას-განძს კი აღბათ იმას არ ანდობდნენ და დასტურს ებარა. აგრეთვე დღეობებშიაც მებეკური დასტურებს ეხმარებოდა და

ნახევრის წილსაც აძლევდნენ. ჯვარის სათიბეებსაც მებეკური თავის სასარგებლოდ თიბდა.

ამ ქისტის ოჯახმა დიდხანს იცხოვრა აქ და ქართული კარგად ისწავლეს. რამდენიმე შვილი ჰყავდა და ქართულს სულ თავისუფლად ლაპარაკობდნენ. დიდი ხნის შემდეგ აყრილან და წასულან ისევ დილდოს, თავის სოფელში. მათი შვილები გამოვიდნენ ჩვეულებრივ ქისტზე მეტი ქურდები. მათ, როგორც აქ დაზრდილებმა, კარგად იცოდნენ ხევსურეთის გზები, როგორც არხოტისა, ისევე ბუდე ხევსურეთისა. დაიწყეს აქედან ხარების და ცხენების პარვა. შინაურ საოჯახო ნივთებსაც იპარავდნენ, როგორც არის სპილენძის ქვაბები, მაშინდელი საგებ-სახური და სხვა. მათ გაუძმობილდა ერთი თავაგდებული კაცი სოფელ ამლიდან, ბერდიშვილთ მამიდან გაგათ ჩაჩაური. ეს კაცი იყო არაჩვეულებრივად ამაყი, არც დილდვლებს ეპოვებოდა და არც არხოტიენებს, ჯვარ-ჯვარისკარიც არაფრად გააჩნდა. როგორც მისი სურვილი იყო, ყველგან ისე იქცეოდა, ან სათიბში, ან სამკალში. ის რომ მუშას შეყრიდა, იმის მაგიერ რომ ეთხოვა: მუშა მყავს და მომეშველეთო, ის სოფელში დაიძახებდა: ამა და ამ დღეს მუშა მყავს და მომეშველეთ, წამოხვალთ – თქვენ იცით, არ წამოხვალთ, თქვენ იცითო. ყველანი მიდიოდნენ მასთან დასახმარებლად; ვინც არ წავიდოდა, იმას კაი დღეს არ დააყრიდა – ან ქისტებს რამეს მოაპარვინებდა, ან სხვა რამეს ავნებდა შუღლით და სხვა. ეს კაცი დილდვლებს უძღვებოდა წინ და ხელს უწყობდა ქურდობაში. მკითხავებიც და სხვა ხალხიც ამბობდნენ: „ეგ არხოტის ჯვარის ყმათ დალატობსა-დ დალოცვილი მიქიელი მაგას კას არას უზამს. ისით ადგილას დაამარცხებს, რო სრუ არ ეგონას“. პირში თქმას ასეთი რამისას კი იმ კაცს ვინ გაუბედავდა. ბოლოს ეს თავის ძმობილი ქისტებიც აღარაფრად ჩააგდო. ბუდეხევსურეთიდან ნაპარევი რამეები შეუჭამა და აღარ აძლევდა; მოდიოდნენ დილდვლები და სთხოვდნენ ვალის გასწორებას, მაგრამ მან არაფერი მისცა. იქამდინ მივიდა საქმე, რომ დილდვლებმა მისი მოკვლა გადაწყვიტეს და ორი ძმა წამოვიდა არხოტში (გადმოცემით იციან, რომ ისინი არხოტში სულ ჭკევაზე შეშლილი მოვიდნენ. გიჟებივით იყვნენ. სულ შარზე იდგნენ – „ჯვარი აჩქარებდაო“). არხოტის ჯვარში ერთ-ერთი დღეობის დამისთევა იყო. ჩაჩაურიც აქ სადმე მოვიდა. ის რომ აქ მოსული გაიგეს, დილდვლებიც იქ მივიდნენ უწვევლად. დილდვლებს მოლაპარაკებული ქონდა: როცა დრო იქნება, ერთიმეორეს ვანიშნოთ და ჩაჩაური დავხანჯროთ ე. ი. ხანჯრებით მოვკლათო. დარბასში, როგორც სტუმრებს, კარგად დახვდნენ. სასმელი დილდვლებმაც დალიეს, მაგრამ ძალიან ცოტა. ისხდა ხალხი ჯვარიონთან ერთად, სვამდნენ ლუდს და საუბრობდნენ ძველ ამბებზე. დილდვლებმა ქართული კარგად იცოდნენ, მაგრამ ბევრ მონაწილეობას არ იღებდნენ საუბარში. ხელები ხანჯრის ტარებზე ჰქონდათ ორივეს. ბოლოს ერთმა უცბად თავის ძმას უთხრა: „დათ მაირ (ქართულად რომ გადავთარგმნოთ: მზათა ხარ მაირო. მაირა იმ

ერთ-ერთი ძმის სახელი იყო). „დეღარ ღათ“ – მზათა ვარო. ეს თქმა და ხანჯლებმა სწრაფად გაიფევა და ჩაჩაურს რამდენიმე ადილას დასცეს ხანჯალი და მეორე მხარეს გააგდებინეს. ეს ყველაფერი ძალიან სწრაფად მოხდა. არხოტივნებმა რომ დიღღვლებისაგან დახანჯრული კაცი ნახეს, ამათაც ასეთისავე სისწრაფით დასცეს დიღღვლებს ხანჯრები, იმათაც კიდევ რამდენიმე კაცი დაჭრეს და სამი კაცი, ორი დიღღველი და ერთი ჩაჩაური არხოტიონი მკვდრები დაეცნენ. ეს პატარა დარბასი სისხლით შეიღება. მკვდრებისას დაჭრილების სისხლიც დაემატა. ვინც უჭირვლად გადარჩა, იმათ ასწიეს მკვდრები და გარეთ გამოიტანეს (ამის შემდეგ აიკრძალა დარბასში ჯვარიონთა გარდა კაცის შეყვანა). აღარც დარბასის კარში გააჩერეს, ქისტები შორს გაიტანეს, დაასვენეს და ზედ ნაბადი გადააფარეს. ჩაჩაურიც დაასვენეს და ნაბადი დახურეს. ამღაში ამავე ღამეს გაგზავნეს კაცი და ჩაჩაურის სიკვდილი შეატყობინეს. მოვიდა ხალხი და წაასვენეს. მეორე დღეს დიღღოსაც გაგზავნეს კაცი და მაირას და მისი ძმის სიკვდილი შეატყობინეს. მოვიდნენ დიღღვლები და ხალხს უსაყვედურეს: თქვენი სტუმრები იყვნენ, ან კაცი რად მოაკვლევინეთ, ან ისინი რად დახოცეთო. ხალხი ბრალს იხდიდა და მათ აბრალებდა. ეს ასე მოხდა, მაგრამ ამის შემდეგ მოსისხლეობა დიღღვლებსა და არხოტივნებს შორის უფრო გაძლიერდა და ორივე მხარეს ბევრი მოკვდა ერთიმეორისაგან. ამ დახოცის მიზეზად კი არხოტის ჯვარისად შაცოდებას აწერდა მაშინდელი ხალხი. მან „უბირკვლა და ერთიმეორე დაახოცინაო“.

ეს სისხლის დაღვრა მოხდა ღამით, თითქმის შუაღამის დროს. როცა მკვდრები იქიდან გარეთ გამოიტანეს, თვითონაც ყველა ხალხი და ჯვარიონნიც გარეთ გამოვიდნენ. ჯვარიონთ დარბასი დაკეტეს და სადიასახლისოში გავიდნენ. დარბასის კარში ერთი დასტური დარჩა ყარაულად. დილით, რომ გათენდა, დასტურებმა დარბასიდან კაცის სისხლი მიწიანად გამოხვეტეს, ახალი მიწა შეიტანეს და ქაზდარს ის დააყარეს. წყალი დაასხეს და გატკეპნეს. დარბასის დანათვლამდინ ჯვარის რიგი არ უყენებია. ვინც ამ შუღლში იარადით მიიღო მონაწილეობა, იმათ მოიყვანეს წელგამოვლილი ვერძი და დარბასი დანათლეს. მერე შეასრულეს ჯვარის რიგის წესები: უამის წირვა და სხვა. მერე, ჯერ ჯვარიონთ გადაწვეიტეს, რომ დარბასში ჯვარიონთ გარდა სხვა კაცი არ შემოსულიყო. მერე, სოფლიდან და თემიდან დაიბარეს უფროსი კაცები და მათ გამოუცხადეს თავისი გადაწყვეტილება: „დარბასში ხალხს რო შამადის, ხო ვერ იზამ ისრ რო მასულს კაცს სასმელ არ შაასმივ. ითვრების ხალხი-დ აი, რაც ვნახეთ, ეგ უბედურება მაზდევს. ეს ჩვენაც ჯვარს გვაცოდვებსა-დ, ვინც აქ კაცის სისხლს დაღვრის, ის ხომ ნიადევ კას აღარას იქამს. კაცის სისხლზე მიმრევ რაიასა-დ დარბასი სისხლით ივსების. აი ამით გადავსწვეიტეთ, აქ გარეშე ხალხი ნუღარ ივლის“. დათანხმდა ყველა, მერე სადიდებელი დადგეს და დაარისხეს

ის, ვინც დარბასში უწევდად შევა. დაარისხეს ისიც, ვინც აწევს და დარბასში შეიყვანსო. ამ დღიდან იყო აკრძალული არხოტის ჯვარის დარბასში ნაწევი ხალხის შეყვანა. ეს გადაწყვეტილება თაობიდან თაობებზე გადადიოდა, მაგრამ ხალხს თანდათან მიავიწყდა და დაიწეეს შესვლა. მაგრამ თუ ვისმე რამე ხიფათი მოუვიდოდა, ბრალდებოდა დარბასში სიარულს. ამ ამბავზე წინ აწერილი ბერდიას და გიორგას შუღლიც დარბასში სიარულს დააბრალეს. არხოტის ჯვარის დარბასში სიარული კარგად არავის წაუვაო – ტყოდნენ შუღლისათვის გარედან მაყურებელი ხალხნი.

დიღღველ ანდარუყო და მისი ორი ამხანაბის დახრცა

ეს ამბავი მიაწერეს არხოტის ჯვარს და სხვა ხევესურულ ხოიშვილთ, რადგან იმათ ყმათ დალატობდნენ და ურჯულთ იმათ საყმში ხელს უმართავდნენ ქურდობაში. ამიტომ გვინდა ეს მომხდარი ამბავი მოვიყვანოთ. არხოტში იყო ხუთი სოფელი: ჭიმდა, კვირიწმიდა, ახიელი, ამლა და კალოთანა. პირველი ოთხი სოფელი ერთიმეორესთან ახლო-ახლო იყო და მეხუთე სოფელი, კალოთანა, უფრო მოშორებით კალოთანის ხეობაზე. მათ ქისტები ახლო ჰყავდათ უფრო. ამ სოფელში ცხოვრობდნენ ერთი გვარის ხალხნი: ქიბიშაურები. ქიბიშაურები კიდევ ორ მამად იყოფოდნენ: ხირსილნი და სოფარანი. ეს ხალხნი იყვნენ ძალიან ამაყი და თავმომწონე. უფრო მეტად ხირსილნი ამაყობდნენ. ხირსილთ მამაში ორნი ძმანი იყვნენ: გიორგი და კვირიკა, სიმამაცით და ვაჟკაცობით სახელგანთქმული. ორივე ძმას ისეთი ხუჭუჭი თმა ჰქონდა, რომ სულ დაგრეხილი და ამიტომ მათ კრავლიანათ ეძახოდნენ (კრაველი ბატკნის მატყლს ეწოდება და იმას ამსგავსებდნენ მათ თმას). ეს ძმანი სახელგანთქმულნი იყვნენ როგორც ხევესურეთში, ისევე დიღღოსაც. დიღღველებში ვინც უფრო ვაჟკაცი და ქურდ-ყაჩაღი კაცი იყო, ყველა მათი ძმობილი და ნაცნობ-მეგობარი იყო (მაშინდელ დროში დიღღოსაც და ხევესურეთშიც ასეთ ხალხს აქებდნენ). დიღღოსაც იყო ერთი ქურდობა-ყაჩაღობით და ყოჩაღობით სახელგანთქმული კაცი სოფელ ნეთხაში – ფარეშაის შვილი ანდარუყო, გვარად მარსაგოვი. ნეთხა არხოტთან ახლო იყო სხვა დიღღოზე მეტად. ანდარუყოს და კრავლიანათ კარგი განწყობილობა ჰქონდათ და ხშირი სტუმრები იყვნენ ერთი-მეორისა. ანდარუყო მათ უწყობდა ხელს დიღღოდან კარ-ცხენის გამორეკაში და ისინი ხევესურეთში უწყობდნენ ხელს მას. ბოლოს ანდარუყომ რაღაცა ნადავლი შეუჭამა. აღარ მისცა კრავლიანათ. ისინი თხოვდნენ მოგვეცი, ჩვენი ხვედრი ნადავლიო, მაგრამ ანდარუყო არ ეპოვებოდა და მიცემაზე უარს ეუბნებოდა. ბოლოს მათ გადაწყვიტეს, არ აპატიონ ამ ურჯულს და სამაგიერო გადაუხადონ მას.

ზაფხული იყო და მთებში ცხვარი იყო მოსული. კალოთანელთ საძოვარი მთები ბევრი ჰქონდათ და ერთ-ერთი მთა გაქირავებული ჰქონდათ უძილაურ

ფშაველზე, ჯღუგა ჩორხაულზე. ჯღუგას ბევრი ცხვარი ჰყავდა და ხევესურეთის მთებს ქირავენობდა საზაფხულო საძოვრად. ეს ამბავი დიღღვლებმა გაიგეს, რომ კალოთანის მთაში ფშავლის ცხვარი იდგა და ანდარუყოს მეთაურობით სამი კაცი წამოვიდა საქურდლად. შუალამე იქნებოდა, რომ კალოთანაში მოვიდნენ და კრავლიანათას მივიდნენ. კვირიკამა და გიორგიმ დიღღური ენა კარგად იცოდნენ, გამოეგებნენ და სახლში შეპატიუეს სტუმრები. იმ დამეს კარგად დაუხვდნენ და მოსვლის მიზეზი ჰკითხეს. ანდარუყომ დაუფარავად უთხრა: ფშავლის ცხვარი უნდა მოვსხლიტოთ და გავლალოთ; ვინც ძალზე დაგვიდგება, მოვკლავთო. კვირიკამ და გიორგიმ ჩუმად მოილაპარაკეს, ამას აქ ჩვენ სახლში ვერაფერს დაუშავებთ, რადგან სტუმარია და სირცხვილია ვერშენახვა; დაპირდნენ, ხვალ წავიდეთ, ჩვენ გამოეგებებით და ხელს შეგიწყობთო. ერთიმეორეს კი უთხრეს, ამის ჯავრს იქ ამოვიყრიოთ, რომ კაცად არ ჩაგვყარნა და ვალი დაგვხუთაო.

მეორე დღეს საღამო ხანზე წავიდნენ კალოთანის მთაში ადგილობრივ წყაროსთავს. დამდებოდა, რომ ჯღუგაის ბინაზე მივიდნენ (კრავლიანათ მოითათბირეს: წყემსებს რომ დაეძინება, მაშინ მოვსხლეტო ცხვრის ფარის ნაწილს და გავლალოთო. თქვენ როგორმე წყემსებს გზა-კვალი აურიეთ, რომ მალე არ დაგვედევნონო). ბინაზე რომ მივიდნენ, ჯღუგა მთეგება სტუმრებს. დიღღური ენა მან არ იცოდა; გიორგის და კვირიკას თარჯიმანობით ამბავი ჰკითხა და ესაუბრებოდა მათ (გიორგიმ და კვირიკამ თავისი ბიძაშვილი ჭაბუკათ გიორგიც თან წაიყვანეს და თავისი განზრახვაც გააცნეს მას). ჯღუგა სტუმართმოყვარე კაცი იყო, ბინაში ხორცი ბევრი ჰქონდა, მაგრამ მაინც ერთი საუკეთესო ვერძი დაიჭირა და სტუმრების პატივსაცემად დაკლა. დიღღვლები ქრისტიანი კაცისაგან დაკლული პირუტყვის ხორცს არ ჭამდნენ და ვერძს თვითონ ანდარუყომ გამოსჭრა ყელი. ხორცი მოხარშეს და ივახშმეს. ანდარუყომ უთხრა: ჩვენ მოვედით ცხვრების საყიდლად და, რამდენიც შეგიძლიანთ გაყიდოთ, ჩვენ ვიყიდითო. ჯღუგამ უთხრა: ეხლა ხომ დამეა, რა იქნება და დილაზე ვნახოთ, რამდენიმეს, თუ ბევრს ვერა, ცოტას მაინც მოგყიდითო. დიღღვლები ნაპირზე გავიდნენ და ერთად დაწვნენ. ფიქრობდნენ, ამით მოატყუებდნენ მეცხვარეებს; როცა ისინიც დაწვებოდნენ და დაეძინებოდათ, მაშინ მოიპარავდნენ ცხვრის ნაწილს; თუ ვინმე გაუგებდა და წინააღმდეგობას გაუწევდა, მოკლავდნენ. მაგრამ, კალოთანელებმა ჯღუგას გააგებინეს მათი ბორცვი განზრახვა; მოითათბირეს და გადაწყვიტეს მათი დახოცვა.

ჯღუგას აინალი თოფი ჰქონდა, ბერდენკის მსგავსი. ჭაბუკათ გიორგას ქართული კაჟიანი თოფი ჰქონდა. კვირიკას და გიორგის კი სასროლი იარაღი იქ არაფერი ჰქონდათ. ქისტები სადაც დაწვნენ, ოთხივე კაცი მიიპარა ახლო და ნაწოლებს გვერდიდან თოფები ესროლეს, თან ხანჯლებით მივარდნენ და დახანჯრეს ორი დაჭრილი დიღღველი. ანდარუყოს ტყვია ყბაში მოხვდა და ქვედა ყბა მოაგლიჯა.

იგი ასეთი მძიმედ დაჭრილი, ისევ წამოხტა და გაიქცა, ჭაბუკათ გიორგი წამოეწია და ქართული თოფი მოქნეული დაარტყა თავში. თოფი ორად გატყდა და ანდარუყო დაეცა. მიყვა მარტიას გიორგიც (კრავლიანა), ხანჯალი დასცა ბეჭში და იმანაც იქვე სული დალია. ახლა საჭირო გახდა ამ ამბის დამალვა, რომ თავ-სისხლი არ დაედოს ღილღვლებისა; აიკიდეს მკვდრები ზურგზე იმავე ღამეს, წაიდეს და შორს ქვიშაში დამარხეს. ზედ ბევრი ქვიშა გამოაქანეს. ჩამოვიდნენ და სისხლიც მოაშორეს იმათ დანახოც ადგილზე, ზედ ახალი მიწა დააყარეს იმათ ნასისხლარს. გაიარა კარგა ხანმა და ქისტები აღარ დაბრუნდნენ. მოვიდა ანდარუყოს მამა ფარეშა და დაიწყო მათი ძებნა. კრავლიანათ უთხრეს: შენი შვილი ანდარუყო და მისი ამხანაგები პირიქით ხევსურეთში წავიდნენ ცხვრების სავაჭროდათ. ფარეშა და სხვა, მისი შვილის ამხანაგების პატრონები ბუდე ხევსურეთშიც წავიდნენ მათ საძებრად. მაგრამ წყაროსთავ ქვიშაში დამარხულ ღილღვლებს სად იპოვიდნენ. იმ ღამეს თოფის ხმა გაიგონეს სოფელ ამღის მცხოვრებმა მემთოებმა და ამის გამო მითქმა-მოთქმა დაიწყო. ეჭვი აიღეს, რომ ისინი წყაროსთავ ვიღაცამ დახოცა მაშინ, როცა თოფის ხმა ისმოდათ. ეს მითქმა-მოთქმა ჯღუგამაც გაიგო, ღილღვლების შიშით ცხვარი აჰყარა და წავიდა ფშავში. ღილღვლები და ხალხი ამ ამბავმა უფრო დააეჭვა და კრავლიანათაზედაც ეჭვი ეპარებოდათ, რადგან მათი მნახველი, ე.ი. ქისტების მნახველი, სხვა არავინ აღმოჩნდა. როგორც იყო და როგორც არა, კრავლიანათ ვისდაცა ასწავლეს, რომ ისინი ამა და ამ ადგილზე ქვიშაში დამარხულები არიანო. მოვიდნენ ღილღვლები, ამოთხარეს სამი მიცვალებული და წაიდეს თავის ქვეყანაში. კალთთანელნი მთლიანად კი არ გამოტყდნენ მათ დახოცვაში, ისინი ამბობდნენ, მეცხვარეებმა დახოცესო, მაგრამ ხალხმა მაინც გაიგო საქმის სინამდვილე და კალთთანლების მტრებმა ღილღვლებსაც უთხრეს. კალთთანელნი მთელი სოფელი აიყარა და გადასახლდნენ კახეთის ტყეში, ახმეტის რაიონში. იქ ტყე გააველეს და დაბინავდნენ ადგილობრივ ასხაბარში. აქაური ადგილი ამღაში მცხოვრებლებს მიჰყიდეს, მაგრამ ღილღვლებმა დაიწყეს დავა: ამ ადგილში ჩვენი სამი ვაჟკაცი მოკვდა, ამიტომ სოფელი აიყარა და ადგილი იმ კაცის თავებში ჩვენთვის დარჩაო. ამ ადგილის მყიდველი ერთი ამღისონი, ახვათ ბეწინა, კიდევ მოკლა ანდარუყოს ძმამ, ფარეშაის შვილმა ოსიმ. ოსი უთვლიდა ამღივნებს: მაგ ადგილს თუ თავი არ დაანებეთ, ყველას მოგკლავთ, ვისაც იქ მოგასწრობთო. ზემოთ აღვნიშნეთ, ამ ადგილის გულისათვის ჩაუსაფრდნენ და მოკლეს ახვათ ბეწინა, ამღაში მოწინავე კაცი; მერე, ბეწინას შური იძიეს და ბეწინაის ახლობლებმა მოკლეს ნეთხელი ღილღვლედი, სიროდაის შვილი ისა; მერე კიდევ, ბეწინაის ახლობელმა ხომიზურათ ბაბუამ მოკლა ჩარგეხათ ნეთხელი. ეს სისხლი ძალიან გაბევრდა და ორივე მხარეს ბევრი მოკვდა ერთიმეორის ხელით.

კალთთანელთაგან მოკლულ ანდარუყოს დარჩა ორი ვაჟიშვილი. მაშინ სულ პატარები. უფროსი იყო ინალი, მეორე ალბერდი. წამოიზარდნენ. ინალი ძალიან ჭკვიანი კაცი იყო და ალბერდი მამას გაცილებული ყახალი. არხოტივნებს ზამთრის გზა კავკავისაკენ ჰქონდა. დიღლოს გაივლიდნენ და იქიდან გადავიდოდნენ კავკავში. ალბერდი თითქმის სულ გზას ყარაულობდა და მგზავრებს უხვდებოდა. მამახემი არხოტივნებმა მოჰკალით, ჩვენ დაგვაობლეთ, ესლა გავიზარდე და თქვენზე შური უნდა ვიძიოვო, ან წელიწადში კომლზე თითო ცხვარი მომეცით, თუ არადა, ამ გზაზე არავის გაგიშვებთ, ყველას დაგხოცავთო. ის დადიოდა შეიარაღებული და უიარაღო მგზავრებს ძარცვავდა. ინალი კავკავში ვიღაცა რუსმა მოკლა და სახლში დარჩა მარტო ალბერდი. შეაწუხა ხალხი. ერთ-ერთ შემოდგომაზე სოფელ ამლიდან ბერდიშვილთ მამის კაცი – მზევინარათ მინდია, ნადირობად წასული აღარ დაბრუნდა. მთელი სოფელი და თემი დადიოდა მის საძებრად, მაგრამ ვერ იპოვნეს, დაზამთრდა კიდევ და დაანებეს თავი ძებნას. დიღლოსაც ეძებეს და იქიდან ეჭვად გაიგეს, რომ დიღღვლებისაგან უნდა იყოს მოკლული და წყალში ჩაგდებული. გაზაფხულის პირზე არხოტის ჭაღას, ადგილობრივ ამჟორიტეს, წყლის პირზე იპოვნეს ერთი ხელი, მიძებნ-მოძებნეს და წყალში ნახეს მისი გვამი – მგლებისაგან თუ სხვა ნადირისაგან განადგურებული, აღარც ხელები ჰქონდა ზედ და აღარც ფეხები. ნადირობად მიმავალს, როგორც შემდეგ გამოირკვა და ალბერდმაც აღარ დამალა, ალბერდი შეხვდა ორი ამხანაგით, არხოტისაკენ კაცის მოსაკლავად მომავალი. ესროლეს და მინდია მძიმედ დაჭრეს, ცოცხალ-მკვდარს ზურგზე დიდი ქვა დააკრეს, რომ წყალში ჩაძირულიყო და გადააგდეს არხოტის წყალში (ასაში). მთელი ზამთარი წყალში იყო და გაზაფხულზე იპოვნეს. მოკრიფეს სხეულის ნაწილები, მოიტანეს და არხოტში დამარხეს. ამ ამბის შემდეგ წავიდნენ ბერდიშვილები და კიდევ სხვა დიღღვლები დახოცეს. ამ ამბავზე რაც მოხდა, ყველა შორს წავიყვანს.

ანდარუყოს მოკვლაზე კალთთანელებს საქებ ლექსებს ეუბნებოდნენ. მაგრამ ისინი თვითონ გადაიხიზნენ და ხათაბალა სხვა ხალხს გაუხდა. კალთთანელებისად ნათქვამი მაშინდელი საქები ლექსებიდან მოვიყვანო ზოგიერთს:

I ლექსი

წამავლენ ნასირივლები, შამაიარნეს გზანიო.

მაუვლენ ანდარუყოსა: დიხინ გვიჭირე მჭარო.

ემზადა ანდარუყოი, იწროდ გაბანდა ჯღანიო,

უბეს ჩაიდვა სუღარი, ჯაღლაფთ დასწერა ჯვარიო.

წამავლენდსაარხვატოდა, შამოიარნეს გზანიო.

კალოთანაში მავიდეს თვალშუაღამის ხანიო.
გამაგებენეს ხირსილნი, მარტიას შვილნ ძმანიო,
ღიღღურად ხკითხეს ამბავი, დაიწყეს საუბარიო,
ეტყოდა ანდარუყოი: ფშავლებს სად უდგას ცხვარიო?
ვიდინათ ანდარუყო, აღარა ბევრნი გ ხანიო.
კალოთანის კორკ ავიდეს, ცხვარ-წყემსს დაავლეს თვალიო.
ვიორგიმ ანდარუყოსა არ მისცა ომის ხანიო,
მაგ კვირიკაის ხანჯარმა აისხა სისხლის ცვარიო.
გამადიოდა ღვედრაი – ქიბიშაური ვარიო!
ვინ იყავ, ენა ვის გაგკმა, კორკში დგას ცოდობრალიო?
საღექსოდ გამამიგ ზავნეთ, ტერღულის ჯიკვის რქანიო.
გავაწყენა ბელლის ყორესა, შორით ემბოდას თვალიო.
მე თქვენსა ქებას არ მავშლი, სადაც დასხდების ჯარიო.

II ლექსი

ცდა უნდა აეგეთაი – მანდ რო კრაველან ცდიანო (ცდა: ომი, ბრძოლა),
ოკშამთ წინ, ოკშამთ უკენა საბაკეს* სისხლით სვრიანო
ვიორგიმ კრავლიანამა ომი არ დაავვიანო,
მაგ კვირიკაის ხანჯარმა გალოზე გაიკშიანო.
ვიორგიმ ჭაბუკათამა თოფ წვერით მაიტრიალო,
რას სწყალობს მეგლაის თოფსა, ნამტვერენი გადადიანო,
ჯღუგამა ფშავლის გაზრდილმა, აინალ დააძვრიალო,
ორთ ერთუცს აფარებიებს, რაით დაკვირიტნა ტყვიამო.
ფარეშთ ანდარუყომა ციე-ციეაც წამაიარო,
რაი ხკრეს ანდარუყოსა, ლაშნი რო გვერდზე ღბიანო.
სატყავენ გააყრევივნეს, მარტიას არ უცვიანო.
ვიორგი ეუბნებოდა: ერთს ტყავს ჩემოზა ხქვიანო.
ღედუნაისად მინდოდა, ტყავთ საკელნ არ უბიანო.
წყაროსთავისკე გასწიეს, კარნი უღელში ღბიანო.
ზედ დააყრიან ქვიშასა, დაბრუნდეს, ჩამადიანო.
აეგ ლექს გამავიგ ზავნათ ღულით ბაბილის ნიამო.

ასეთივე საქები ლექსები სხვებიც იყო კალოთანელთათვის ამ საქმეზე. მაშინდელ ხალხში დიდი სახელი დაიმსახურეს ამ ქისტების დახოციო, მაგრამ იმასაც ამბობდნენ:

* საბაკე – ადგილის სახელია.

ჰეგსურეთის ხოიშივით უბირკველეს (ბირკოლი//ბირკელა - მარცხი, უბედურება) იმათ ყმათად დალატხედო. ჰეგსურეთს დალატობდნენ და აქედან ნაპარევი მიუდიოდა დილდოს და ამას რა ხოიშივინი მოიწონებდნენო. ახლა დილდვლები კალოთანელთ ხელით დაიხოცა და არცარას კალოთანელნი გაიხარებენო. მარტიათ გიორგის ცოლ-შვილი დაეხოცა და მისი ძე არ დარჩა. კვირიკაისა ერთი შვილი დარჩა და ბევრი კარგი არც რამე იმას აყრიაო. ფარეშაის შვილმა ოსიმ ერთი გუდამაყრელი წყემსი მოკლა ანდარუყოს სისხლზე. ანდარუყოს მოკვლის მონაწილე იყო ფშაველი ჩორხაული ჯღუგა. ეს ამბავი მის ბინაზე მოხდა და მას აქეთ იმას არხოტის არემარე არ გაუვლია, რადგან ეშინოდა. მაგრამ გუდამაყრელებმა არ იცოდნენ, თუ ფშაველის დანაშაულზე გუდამაყრელს მოკლავდნენ; გუდამაყრელებიც არხოტივნების მოებს ქირავნობდნენ საზაფხულოსადოვრებად და ცხვარი გადმოუდიოდათ. აქ ტანიეში ერთი კარგი საძოვარი ადგილი იყო და ამ ადგილში იყო გუდამაყრელთ ცხვარ-ბინა, ადგილობრივ მთას ტანიეს. ოსი ნეთხიდან შურის საძებრად წამოვიდა, დღისით საძოვარზე გაშლილ ფარაში ერთ მწყემსს მიეპარა და ტყვიით მოკლა. თვითონ გაიქცა და წავიდა დილდოს, არხოტივნების დახმარებით მოკლული მწყემსი გუდამაყარში წაასვენეს.

ჯღუნათ მიხიელისაგან თავის ძმის ბამიხარდის მოკვლა

(ჩამაწერინა გიგი წიკლაურმა. 50 წლისამ. სოფელი ამლა)

ჯღუნა იყო სოფელ ამლიდან, წიკლაურების გვარისა, ჭოლიკაურთ მამის კაცი. ჭოლიკაურებზე ამბობდნენ: როცა თათრები საქართველოში თარეშობდნენ, მაშინ ერთი კოჭლი თათარი აქ დამრჩალა და ჭოლიკაურნი იმაზე გამრავლებულანო. როცა ამლაში წიკლაურების გვარი გამრავლებულა და ჭოლიკაურნი ცოტანი ყოფილან, მაშინ უკაცურობის გამო ისინიც წიკლაურებს მიეკედლენ და მათ გვარზე დაწერილან. დღესაც ისევ უკაცურად არიან. მხოლოდ ერწოში კი ჰყვანან თავისი ახლო ბიძაშვილები, რომლებიც ხანდახან მოდიოდნენ ათენგენას. მართლაც ჭოლიკაურთ მამის კაცნი სახით თათრებსა ჰყვანან და მამაცი ხალხიც არიან.

როგორც ვთქვით, ამათ მამაში იყო ჯღუნა კიბალაურის შვილი, მაშუღლარობით და მამაცობით სახელგანთქმული. ჩვენ ზემოთ აწერილი გვაქვს: ხომიზურათ ბაბუაისაგან ჯღუნაის მოკვლა. მას დარჩა ორი ვაჟი და ორი ქალი ობლები, ერთმა ქალმა თავი მოიკლა, ერთი გათხოვდა. სახლში დარჩნენ დედა და ორი ვაჟი მიხიელი და გამიხარდი. ორივენი დაცოლშვილდნენ და გაიყარნენ. ხეგსურეთში მშობლებმა „გაკვირება“ იცოდნენ: ერთ კვირას ერთ შვილ-რძალთან იქნებიან, მეორე კვირას მეორე შვილთან და რძალთან და ასე შემდეგ. ერთ მმასაც პატარა შვილები ჰყავდა და მეორესაც. ოჯახში კაცი იყო საჭირო მოსავლედად პატარა შვილებისა. უფროსი

შიველი მიხიელი იყო ძალიან ჭკვიანი და წყნარი კაცი. დედა უფრო მეტ დროს იყო მიხიელთან. ანჩხლი და შარიანი გამიხარდი ამაზე ბრაზობდა. ხშირ შემთხვევაში დედასაც ეჩხუბებოდა და ძმასაც; დედა ჩემიც არის და რატომ უნდა იყოს მეტ ხანს მიხიელთანაო. ამ საკითხზე მათი ოჯახი ბევრჯერ აქოთებულა და არეულა, მერე ისევ მიხიელი მოეფერებოდა და დამშვიდდებოდნენ. ბოლოს გუროდან სტუმრები არყით მოუვიდნენ, თორელი და სხვები. მათ მოიტანეს ქინთებით (ტიკები) ბევრი არაყი. როგორც ვიცით, ხევსურებმა ძალადობა იციან არყის და ლუდის სმაში, კისერზე ხელს მოხვევენ და ძალით დააღვეინებენ. ეს პატივისცემად ითვლება. ისეც სმის მოყვარული ხალხი დაითვრნენ, ნამეტნავად, გამიხარდი და ისევ დედის თაობაზე ძმას აუტეხა შარი. მიხიელი უთმენდა. ბოლოს გამიხარდომ თავის უფროს ძმას მიხიელს ცემა დაუწყო და დაასისხლიანა. სამამაცოს ეკიდა სტუმრების თოფები. ჯერ მთვრალმა და ახლა მოთმინებიდან გამოსულმა მიხიელმა მოავლო ხელი ერთ-ერთ სტუმრის თოფს, მთვრალმა ხალხმა დროზე ვერ დაიჭირა ეს კაცი, მოუბრუნდა და გამიხარდის ესროლა. „რაად მამკალი“ – ეს კი სოქვა გამიხარდომ, იქვე დაეცა და მოკვდა. მიხიელმა თოფი წვერით თავისაკენ შეაბრუნა, უნდოდა თავი მოეკლა, მაგრამ აღარ დაანებეს და თოფი ხელიდან წაართვეს. მიხიელი გავიდა სახლიდან და სოფლებმა თავის სახლში წაიყვანეს, თავის მოკვლა უნდოდა, მაგრამ იარაღს უმაღავდნენ. მე ცოცხალი ჩემგან დაობლებულ, ჩემის ძმის ცოლ-შიველს აღარ ვნახავო – ამბობდა და ტიროდა. გამიხარდის დარჩა ცოლი, ერთი ვაჟი და ერთი ქალი. შვილები პატარები იყვნენ, თორემ ხევსურეთის რჯულით, რიგის ყენებას მოითხოვდნენ; მაგრამ გამიხარდის ცოლმა თქვა: ან ჩემი რა საქმეა და ან ჩემი შვილებისა, ძმამ თავისი ძმა მოკლა და მაგას ჭირად თავისი დარდი ეყოფა, როცა თავის ძმისწულებს თავისგან დაობლებულებს ნახავსო. მოვიდეს და მე, როგორც ვიყავი მაგასთან, ისევ ისე რძალი ვიქნები, მიპატრონდეს, თავისი ძმაც თვითონ დამარხოს და ობლებსაც პატრონობა გაუწიოსო. ესლა შუაკაცებმაც შეაგულადეს და მიიყვანეს ისევ თავის სახლში. ბევრს ნანობდა, ტიროდა, მაგრამ ისევ თვითონ დაასაფლავა თავისი ძმა. რძალი ისე ექცეოდა, ვითომც სულ არაფერი მოხდა. მან პირველ ნახვისთანავე უთხრა: ჩემი საქმე არ არის, შენ შენი ძმა მოკალი, ჭირიც შენია და ლხინიც, სახელიც და სირცხვილიც. მკვდარსაც შენ უნდა უპატრონო და იმის დანარჩენ ოჯახსაცო. ეს ქალი ძალიან წყნარი და ჭკვიანი იყო, თორემ სხვა ქალი სოფელში არ მოუშვებდა და არც ხმას გასცემდა, შვილები როცა გაეზრდებოდნენ, რიგსაც აყენებინებდა, მაგრამ ეს ასე არ მოიქცა. მიხიელმა და მისმა რძალმა, აგრეთვე დედამ, გამიხარდი ჩვეულებისამებრ დაასაფლავეს. ხარჯები გადაუხადეს და დაიწყეს ისევ ცხოვრება. მიხიელი პირველ ხანებში დარდისაგან გადარევაძმინ მივიდა, მაგრამ თანდათან შეეჩვია და დამშვიდდა; თავის ძმისწულ პატარა აბიკას

(აბიკა სახელია) ლოგინში თან იწვევდა და ხშირად ეტყოდა: „ბუძია მაგიკვდას, როს გაიზრდებ იმთვენ, რო მამის მამკლავ მახკლ თავის ბიძაი. შენ ბიძამ შენ დაგაობლ, არცად თავ მაიკლა-დ შენ მაინც აგებ მახკლ წყეულ შენ ბიძაი“. ძალიან ხშირად ესაუბრებოდა თავის ძმისწულს ასეთი სიტყვებით. ცხოვრება გამიხარდისავე სიცოცხლეში ჰქონდა გაყოფილი, ახლაც ცალ-ცალკე ცხოვრობდნენ, მაგრამ ქვრივობლებს მაინც დიდ ყურადღებას აქცევდა. ასე გაიზარდნენ გამიხარდის ობლები. მხოლოდ დედა ყოველთვის აფრთხილებდა: ბიძას ნურას აწყენთ, მაგან თავის ძმა მაკლ, თავის გულ ეყვ. ეგ მაინც თქვენ ბიძაი. ეგ თქვენ იქავ გიპატრონებსო. ეგ რო არ გყვანდასო, თქვენ, ობლებს ყველა დაგჩაგრავსო“. ასეთი შთავონებით აღზარდა დედამ თავისი შვილები. მაგრამ აბიკა (გამიხარდის ვაჟი) როცა დავაჟკაცდა, თუ ოდნავ ვინმე რამეს აწყენდა, ბიძაშვილი ან ბიძა, ის ძალიან დელავდა: მამა მაგათაგან მაკლული მყავ, ობოლი გავიზარდე, რიგი არ მოვთხოვე და ისევე მე მაწყენენო. ისინიც კი ძალიან ერიდებოდნენ მისთვის წყენას, მაგრამ მას ცოტა მიზეხიც აღელვებდა. ბოლოს ცუდი არაფერი მომხდარა, მაგრამ მიხიელი და მისი შვილები მასთან ხათრით იყვნენ. სისხლი არ აფუვდეს და რამე არ მოხდესო.

აღუდაურისაგან თავის ძმის ბაბოს მოგვლა

მიამბო აბაიხვე გაბურმა, 62 წლისამ, სოფ. ჭიმლაში

აღუდაური იყო გაბურების გვარიდან. გაბურებს ანუ გაბურებს მეორე სახელს კიდევ ეძახოდნენ – შედმათ. შედმანი, ეს იმიტომ, რომ ჭიმლას ერთი ხევი ორ ნაწილად ყოფს. გაბურები ცხოვრობდნენ ხევის შედმა მხარეს, გაღმა მხარეს კი, აღმოსავლეთისაკენ, ცხოვრობდნენ სამი გვარის ხალხნი: თეთრაულები, მამუკაურები და ბოლოკაურები. ამ ორ უკანასკნელ მამებს საერთო გვარი ჰქონდათ გიგაური და თავისი მოგვარეები ბლოში ჰყავდნენ. თეთრაულებს და გაბურებს სხვაგან არ ყავდა მოგვარე. ამ რუეს, ანუ ხეეს გაღმა ამ სამ გვარს ეძახოდნენ „გაღმათ“. ბაბო და აღუდაური იყვნენ შედმათ მინდიას შვილები, სხვადასხვა დედისა. მინდიას პირველი ცოლი რომ მოკვდომია, ამასთან დარჩენია სამი ობოლი. ბაბო, თათუა და ძილა. ძილა გათხოვდა, თათუა დაცოლშვილებამდინ მოკვდა. დარჩა ბაბო და გაეყარა მამას. მეორე ცოლთან მინდიას ყავდა ქალ-ვაჟი: ვაჟი აღუდაური და მისი და. ქალი გათხოვდა და აღუდაური დარჩა დედ-მამასთან. მინდია გარდაიცვალა. აღუდაურმა თავის ძმას ბაბოს უთხრა: მამა შენიც იყო და ორივემ გადავიხადოთ მისი სამარხიო. ბაბომ უპასუხა: მე რომ გაგეყარეთ, ჩემი წილი ქონება წავიდეო, მამაჩემს და შენ თავისი წილი ქონება დაგრჩათ, მამაჩემს თავისი ქონება დამარხავსო. აღუდაური მაინც ისევე დავობდა, მიუხედავად იმისა, რომ ბაბო მართალი იყო. დაიწყეს ამაზე ჩხუბი და უბედურება. ბაბოს თავისი ცოლ-შვილი ჰყავდა და თავისი

საკუთარი ქონება ჰქონდა, თანაც ბაბო ჭკვიანი და მშვიდი იყო და ბევრს უთმენდა. ბოლოს ბაბო მოდიოდა გაღმათ სოფლიდან და ყანაში ჭიმას კრეფდა (ჭიმა საჭმელი ბალახია). აღუდაური თავის ბანზე იჯდა და თოფს წმენდდა, დაინახა თავისი ძმა და დაუძახა: შენ არამ გაგაძღო და მე გაგაძღე და დაუმიზნა თოფი. ბაბომ დაუძახა: „რას ღმასხარაობ, ე თოფ არა გაგივარდას მიიბრუნე თოფის წვერ სხვაკე“. მანამდე ამ სიტყვას დააბოლოვებდა, გავარდა თოფი და ბაბო იქვე დაეცა გულში ნატყვიარი და გარდაიცვალა. აღუდაური გაიქცა და ყაზბეგის რაიონში, სოფელ ართხმოში თავის გათხოვილ დასთან შეიხიზნა. ბაბოს შვილი დავითი მაშინ ჩვიდმეტ-თვრამეტი წლისა იქნებოდა და ძალიან ანჩხლი და მაშუღლარი. აღუდაურს ამისი ეშინოდა – მომკლავსო. რიგის ყენება დააპირა, მაგრამ დავითმა არ მიიღო, მაგან თავისი ძმა მოკლა და მე მაგის რიგი რად მინდაო. აღუდაური ამიტომ უფრო შეშინდა, რომ რიგი სულ არ იყენა. ალბათ მოკვლას მიპირებს ჩემი ძმისწულიო. დავითმა შეუთვალა: მოდი, თავის სახლ-კარს და ადგილ-მამულს მოპატრონდით, მაგრამ აღუდაური მაინც არ მიენდო და არ წამოვიდა ართხმოდან. მერე იქიდანაც წავიდა და თბილისში დაიწყო დღიურ მუშად მუშაობა. ერთხელ სასადილოში დათვრა და ჩხუბი ატეხა. დააპატიმრეს და ჩხუბისათვის რამდენიმე წელი მიუსაჯეს. დავითმა გაიგო და წავიდა თავის მამის მკვლელ ბიძის სანახავად და გასანთავისუფლებლად. ნახვის ნება აიღო და მივიდა მასთან. აღუდაურმა რომ ნახა, ხმა ვერ გასცა და დაიწყო ტირილი. დავითმა უთხრა: ნუ გეშინია ჩემგან. შენ შენი ძმა მახკალ. როგორც მე, შენც ისე დაგაკლდა ის კაცი, ახლა მე იქ არვინ მყავ, უკაცურ კაცი ორ, როგორმე უნდა დაგეხმარო და გაგანთავისუფლებინო, უნდა მოხვიდე იქ და ვიცხოვროთ, როგორც ბიძა-ძმისწულნი. მე შენ მეტი არვინა მყავს, არც მტერთან გვერდი დამდგომი, არც მაკეთესთანო. აღუდაური დარცხვენილი იდგა და ხმას ვერ იღებდა. მერე დავითმა მის გასანთავისუფლებლად ბევრი იწვალა და ვერაფერი გააწყო. აღუდაური ციხეში ავად გახდა და იქვე გარდაიცვალა. მერე დედაც მოკვდა; რადგან მის სახლში ქუდიანი აღარავინ დარჩა, დავითს დაინაბრდა მისი სამარხის გადახდა და წილ-ნაწილიც მასვე დარჩა თავისი ბიძისა. მერე დავითიც ხევსურებმა მოკლეს და დარჩა ერთი პატარა ბავშვი. მინდიას ჩამომავლობიდან ეს პატარა ბავშვიდა არის და მათი უძრავ-მოძრავი ქონებაც მას ეკუთვნის. ამბობენ, ამათი მამა ასეთი ბედის არის, რომ არ მრავლდებიანო. ეს ბავშვიც ჯვართ ძალით ჰყავსო, ისე არ გაივლის წელიწადი, რომ მის სამხვეწრო შვიდი-რვა საკლავი მაინც არ დაკლან სხვადასხვა ჯვარებშიო.

შინშის სისხლზე თავის შვილის მოკვლა

ჩამაწერინა სოფ. გუროში მცხოვრებმა იმედა თათიკასძე გოგოჭურმა, 76 წ.

სოფელ გუროში ყველანი გოგოჭურები არიან, მხოლოდ იყოფიან მამებად. ერთ-ერთი მამა არის ქერხოსანანი. ქერხოსანათ ბათირაის შვილმა კვირიკამ მოკლა თავისი შვილი ამავე კვირიკაის შინშის (ბიძაშვილის) მოკვლისად. კვირიკას ჰყავდა ორი შვილი: ბათირა და ხოლიგა. ბათირა უფრო სრული გონების კაცი იყო, ხოლიგა – ცოტას ნაკლები ჭკუისა. ხშირად დასცინოდნენ (ხუმრობდნენ) თავმომწონე კაცები და ეს ამას ვერ იტანდა. ხოლიგას ცოლი მოჰგვარეს და დაუწყეს ცოლის მოყვანაზე დაცინვა. დასცინოდა თავის მამიშინში წიქა, ბათაკათ ივანე და გიორგიო მშაველაც დასცინოდნენ. ხოლიგამ დაცინვას ვერ გაუძლო და ცოლი დაითხოვა. მეორე ცოლი მოუყვანეს და ამ კაცებმა უფრო მოუმატეს დაცინვას. ხოლიგამ მეორე ცოლიც ისევ დაითხოვა, რადგან ვერ გაუძლო ამათ ხუმრობა-დაცინვას. მესამე ცოლი მოიყვანა და გადაწყვიტა: თუ კიდევ რამე მითხრეს, მაგ კაცებს სამივეს მოვკლავ და მერე მოვისვენებო. წიქამ ისევ დაუწყო ხუმრობა. ხოლიგამ აიღო თოფი, მიიპარა წიქაის საკომთან, ესროლა და მარჯვენა ბარკალი დაუმტვრია. თვითონ გაიქცა და თავის ლოგინში ჩაწვა. ბნელი ღამე იყო და თან გვიანი, რომ სოფელში ვერავინ დაინახა. გატყდა ხმა სოფელში, ხალხი იქ მოგროვდა, სადაც თოფის ხმა იყო. ხოლიგაც აქ მოვიდა და ის უფრო ეძებდა თოფის მსროლელს და წიქაის დამტვრელს. ვერაფერი ვერ გაიგეს, ვინ იყო დამნაშავე.

სოფელ გუროში ცხოვრობდა ერთი კანათათ მამის კაცი თორელი. ეს თორელი სახელგანთქმული იყო მაშუღლარობით და სიმამაცით; მეტსახელად ეძახოდნენ მონა თორელს (მატილის ხეესურები მონას ეძახიან ავს, ცუდს, ასეთ შემთხვევაში, როგორც არის შეუღლი, მონა ავკაცს, საშიშს ნიშნავს). ეს მონა თორელი და ახლად მოკლული წიქა გადამტვრებულნი ყოფილან ერთიმეორეს და რაკი წიქაის მამკლავი ვერ გაიგეს, ეჭვი ქონდათ – მონა თორელს ჰქონდა მაგისი ჯავრი და ეგ მოკლავდაო. რადგან მოწამე არ იყო, არაფერს ეუბნებოდნენ, მხოლოდ ჩუმადვე აპირებდნენ იმის მოკვლას. ხოლიგას სინიდისი აწუხებდა: ის კაცი მე მოგკალი და ალაღმართალი, ე. ი. უდანაშაულო, თორელი რად უნდა მოკლანო. ხოლიგამ ბევრი იფიქრა და ბოლოს გადაწყვიტა თავის ძმისათვის ეთქვა: ის კაცი, ე. ი. თორელი, უდანაშაულოა და ნუ მოკლავთო. ერთხელ ლაპარაკში ძმას უთხრა: თორელი წიქაის მამკლავი არ არის, იმას ნუ მოკლავთო. ბათირამ უთხრა: სხვა ვინ მოკლავდა? შენ თუ იცი, მითხარიო. ხოლიგამ უთხრა მე გეტყვი, მაგრამ მეშინიან, მამას ეტყვიო. ბათირა დაპირდა, თუ სათქმელი არ არის, რად ვეტყვიო. ხოლიგა გამოუტყდა და ძმას ყველაფერი უამბო. დამცინოდა, ორი ცოლი გამაშვებინა და მესამესაც დამათხოვინებდა, მოგკალ და თავიდან მოვიშორეო.

გავიდა კიდევ დრო და ეჭვი თორელზე იყო მაინც. ერთხელ ბათირა და კვირიკა სათიბზე წავიდნენ, მამა-შვილნი. ხოლიგა იქ არ იყო. ამათ პირდაპირ თიბდა მონა თორელი. კვირიკამ უთხრა თავის შვილს ბათირას: ამ კაცმა შინში მომიკლა და უნდა მოვკლათო, ეგ ჩვენი მამკლავია და, უყურე, როგორ თავისუფლად დადის საქმის სამუშაოდაო. ბათირამ უთხრა მამას: ეგ ჩვენი მამკლავი არ არის და ცოდვას ნუ იღებ თავზედო. აბა, მაშ ვინ არისო, მითხარიო, – დაადგა თავს კვირიკა. ბათირა გამოუტყდა, უთხრა: წიქა ხოლიგამ მოკლა, ჩემმა ძმამ და შენმა შვილმაო. მოუყვა მოკვლის მიზეზსაც, რაზეც მოკლა. კვირიკამ არაფერი თქვა, წამოვიდა სახლში და შევიდა თავის ქვიტკირში. ხოლიგა სადღაც წასასვლელად ემზადებოდა და კარზე ჯორს კაზმაგდა. ესროლა მამამ შვილს თოფი და ტყვია გულზე მოახვედრა. ხოლიგა დაეცა და დიდხანს აღარ უცოცხლია, დალია სული. სულის დაღევის დროს, რომ წუხდებოდა, მამამ, კვირიკამ, უთხრა: იტანჯე, ჩემი შინში წიქაც ეგრე იტანჯებოდა შენ რო მოკალიო; მაგრამ შვილის მოკვლამ კვირიკაზე ცუდად იმოქმედა. ხალხი რომ მოვიდა და უთხრეს: რა ქენი, შვილი რად მოკალიო? კვირიკა უპასუხებდა: შინში მომიკლა და ეგრე უნდაო, თუმცა, ერთიც მე დამაკლდა და მეორეცო. ისე გადარეულაო, – თქვა მთხრობელმა, როცა ხალხი მივიდა და ესაუბრებოდნენ, თურმე ყალიონს სირა გამოაძრო, ყალიონი გადააგდო და ცარიელა სირას ეწეოდა, როგორც ყალიონს, ბოლი კი აბა საიდან მოვიდოდა, როცა ყალიონი აღარ იყო, მაგრამ ის ამას ვერ ამჩნევდა. შვილს როცა თოფი დაჰკრა, თურმე ხოლიგას პატარა ნაბადი ეჭირა და ის დაუვარდა, ზედ დაეცა და სისხლიც დაედიხა. როცა ბევრი დრო გავიდა და შვილის მოკვლის გამო ნატკენი გული დაუმშვიდდა, მერე კი იტყოდა: „თოფ რო დაგხკარ იმ უკლოს, ნაბადა ჩაუვარდ კელჩითა-დ ზედ სისხლ დაედინ, რო მივედ, იმის კელჩი ნაჭერა ნაბადა ავილი-დ ცუდ გულ მიყვ“. თურმე იმ ნაბდის ძველს სახლში ინახავდა – ჩემის შვილის უკანასკნელს დღეს ხელში ნაჭერიაო. მაგრამ ისე კი მაინც არ ტყდებოდა, რომ ამის შესახებ ვინმე რამეს ეტყოდა, ის მაინც იმას ამბობდა: „მამკლავ – მამკლავი ას, თუნდა შვილ იყოს, თუნდა სხოი. მამკლავს მაკვლა უნდ. თუ სიკვდილ ცუდი, თაოდ რაად კლავს სხვას“.

მიაზო და ჩამაწერინა მანვე, თათიკათ იმეღამ, 76 წ., სოფ. გუროში

კვირიკამ რომ თავისი შვილი მოკლა, მაგათ მამის კაცთ ეგეთი ჩამომავლობა ჰქონდა. აბა, სტუმრის მოკვლაზე ცუდი რაიდ უნდა გააკეთას კაცმა. მაგ კვირიკაის მამამ, ბათირამ, თავისი სტუმარი მოკლა თავის სახლში შემდეგ ამბავზე:

თურმე, გუროდან დიღღვლებმა წაიყვანეს ტყვეები, ერთი ქალი და ერთი კაცი, ორივე ქერხოსანათ მამიდან, და-ძმანი ყოფილან – კაცი, საყურათ სანათიზძეი-დ იმის დაი (ქალის სახელი მოხრობელმა არ იცოდა). ქისტები იყვნენ შატილის ახლო დასახლებული. ამათ საერთო ადგილს მიიხო ერქვა. დიღღვლები კი მოსახლეობდნენ არხოტის ახლო. ამათში განსხვავება არ იყო, მხოლოდ ენაში ჰქონდათ ცოტა განსხვავება კილოებში, როგორც დასავლეთ და აღმოსავლეთ საქართველოს გამონათქმებში არის განსხვავება. მიიხოვლები დიღღვლებს არაფრად აფასებდნენ და დიღღვლები მიიხოვლებს. ორივე მხარე თავისი კუთხის ხალხს მალდა აყენებდა. ქურდობაში და ყაჩაღობაში ერთიმეორეს არ ჩამოუვარდებოდნენ. ქალები ადვილად არ თხოვდებოდნენ თავის კუთხის ხალხის გარეშე, მაგრამ ქურდობა ყაჩაღობაში კი ერთიმეორეს არ გასტეხდნენ გაგებით, ჩუმად კი ერთიმეორეს არ ინდობდნენ. ზემოთ ნათქვამი ტყვეები დიღღვლებმა წაიყვანეს, მიიხო უნდა გაეგლოთ, ქორაის მთაზე გადასულიყვნენ და ჩავიდოდნენ თავის დიღღში (ქორაის მთა დაბალი გადასასვლელია და საზღვრავს მიიხოს და დიღღს. ქორაის მთიდან ჩრდილო-დასავლეთ მხარეს დიღღვლები მოსახლეობდნენ და სამხრეთ-აღმოსავლეთ მხარეს მიიხოვლები). გუროშატილის საზღვარზე იყო სოფელი ჯარეო. ტყვეები დიღღვლებმა ამ სოფელში მიიყვანეს და დაისვენეს აქ. სანათიზძე, ტყვე, პურმარილიანი კაცი იყო და მიიხოვლები მეგობრები ჰყავდა. დიღღვლების და ქისტების საერთო წესის მიხედვით, ნადავლს ვერ ჩამოართმევდნენ უსიკვდილოდ. მიიხოვლებს სანათიზძეს დატყვევება ეწყინათ, მაგრამ ვერაფერი თქვეს. მხოლოდ სანათიზძეს უთხრეს: გაიქეცი, თუ ვერ გაიქეცი, გაგორდი მაინც და შენდ დადევნებაში ჩვენ ხელს შეეუშლითო. მთელი სოფელი, კაცი და ქალი, ტყვეებთან იყო მოგროვილი. ჯარეოს ბოლოზე ძალიან გვერდელი ბეჭი აქვს. სანათიზძე უცბად გადახტა და დაგორდა. დიღღვლებს ეგონა დაგორვილი მოკვდებო, უკან დადევნებაზე ძალიან თავი არ შეიწუხეს; ახლა, მიიხოვლებმაც უთხრეს, დაგორვილი პირდაპირ არლოს წყალში ჩავარდებო. მაგრამ, სანათიზძემ სიმარდე გამოიყენა, როცა ხალხის თვალს მიეფარა, ფეხზე ადგა და შატილისაკენ გამოიქცა. დარჩა მისი და ტყვედ და წაიყვანეს დიღღს. საჭირო იყო სახსრის მოგროვება და ქალის გამოხსნა ტყვეობიდან. საცხარი ოცდაათი ძროხიდან სამოც ძროხამდინ იცოდნენ. როგორც მოიხოვდნენ ტყვის წამყვანები, ან როგორც შეთანხმდებოდნენ. ქერხოსანათ ამდენი შესაძლებლობა არა ქონდათ და ითხოვეს მოკეთებებში ზოგი დახმარება და ზოგი სესხად. ბათირაის შინშს ჰყვანდა

ბერდიშვილთ ქალი ცოლად და როგორც მოკეთებთან, არხოტსაც მოვიდა ბათირა და მოკეთებში ითხოვა დახმარება. ბერდიშვილთ მამის კაცმა, გაგათ მინდიაშეძლებისდაგვარად გაუწია დახმარება – ზოგი რამ აჩუქა და ზოგი რამ სესხად მისცა. ამნაირად მოაგროვეს საჯსარი და მოიყვანეს ტყვე ქალი.

მეორე თუ მესამე წელს გაგათ მინდია მივიდა ბათირასთან და მოსთხოვა მიცემული ვალი. მან უთხრა, ახლა არა მაქვს და მადროვეო. ბათირას ცოლი შატილიდან კოკოთ ქალი ჰყავდა, ანხელი და ბრაზიანი დიაცი. მან უთხრა თავის ქმარს: შამილი შატილს ვერ ატანდა იმდენ ძალას, შენ რომ გაგათ მინდია გადგას თავზე და ძალას გატანსო. როგორ თუ ძალას მატანს, მაშ მე კაცი აღარ ვყოფილვარო! – თქვა ბათირამ, იშიშვლა ხანჯარი, დასცა წვერით მინდიას და იქვე მოკლა. არხოტში მტყობიე გაგზავნეს. მოვიდნენ არხოტივნები და წაასვენეს თავისი მიცვალებული საკაციოთ. ბერდიშვილებმა რიგი არ იყენეს, მხოლოდ მიწად მიტანის საკლავი დაკლეს და გვარმა და დედიძმათ წაიდეს თავისი კუთვნილი რიგი. დაიწყეს ბერდიშვილებმა შურის საძებრად სიარული. სანათიზისად ნათხოვი ქალიც ბერდიშვილებმა, თავდაუნებები, ბლოს გაათხოვეს; გუროვლები კიდევ ბლოვლებს ემტერებოდნენ, ჩვენი ცოლი რად წაიყვანესო. ერთხელ, კიდევაც ესროლეს და მისი საქმრო ხელში დასჭრეს. ბერდიშვილებმაც ესროლეს და ვერ მოკლეს ბათირა. ბათირამ დაიკვეხა: ნისლაურის ნასრევე ფირფიელამ ვერა დამაკლოო. ნისლაური ერთ-ერთი ბერდიშვილთაგანი იყო, რომელიც ბათირაისად სროლის მონაწილე იყო (ფირფიელა ნიშნავს მსუბუქ რამეს, უფრო იმას, რომ მაღლიდან ფირფიელა თოვლი ჩამოდის). ბერდიშვილებმა დაიგულვეს, რომ ბათირა მუცუს წავიდაო. მუცუს ჭკალაში შეუკრეს გზა და მოკლეს. როცა ესროლეს და წაიქცა, ნისლაურმა დაუძახა: ვერც რას ეხლა გამაგრჩა ნისლაური ფირფიელაიო? ამნაირად ორი კაცი მოკვდა. შუაკაცებმა თავი თავში გაუბარეს. ტყვის სახსრად მიცემული ვალიც ბერდიშვილებს დაუბრუნეს. ქერხოსანათ საუკენმამკვდრო ერგებოდა და რჯულმა ისიც დაუკარგა, რადგან ვალის სათხოვრად მისული, სიკეთის მოქმედი კაცი, თავის სტუმარი, თავის სკამზე მოკლა. ასე დაბოლოვდა მათი საქმე.

მიამბო და ჩამაწერინა იმედა თათიკას-მე ბოგოჭუჭმა.

მამალ ძაცუართამ, 76 წ., სოფ. გუროში

ხევსურეთში სახელები ხშირ შემთხვევაში გადადის მემკვიდრეობით, მიცვალებულის სახელს სხვა ნათესავ-მეგობარსაც დაარქმევენ, მაგრამ მემკვიდრეობაში, უფრო ხშირ შემთხვევაში, გადადის სახელი. ავიღოთ, მაგალითად, ამას ზემოთ მოყვანილი ამბები ქერხოსანათ მამის ერთ-ერთ განშტოებაზე. ჯერ იყო ბათირა,

რომელმაც თავისი სტუმარი მოკლა, გაგათ მინდია, ისაც მოკლეს ბერდიშვილებმა. იმისი შვილი იყო კვირიკა, რომელმაც თავისი შვილი მოკლა. კვირიკას ჰყავდა ორი შვილი – ბათირა და ხოლიგა. ხოლიგა თვითონ მამამ მოკლა და დარჩა ბათირა. ბათირას ჰყავდა ორი შვილი, იმასაც ბათირა ერქვა. ამ უკანასკნელ ბათირას ჰყავდა შვილი ისევ კვირიკა, რომელიც სოფლელებმა მოკლეს და ამით დაბოლოვდა მათი ჩამომავლობა, ბევრი ცუდის და უწესო საქმის ჩამდენები იყვნენ და ამიტომ მათი გვარი (განშტოება) საბოლოოდ ამოწყდა.

უკანასკნელი კვირიკა მოკლეს თავის სოფელთ შემდეგ საქმეზედ: სუიკათ მამის კაცი იყო მანგიათ აპარეკა. მან ცოლად მოიყვანა შატილიონი ქალი, თოთიათ თარუა. ეს თარუა ისევ შატილში, ანატორელთ ხთისოს ნაცოლარი იყო. ანატორელთა და აპარეკას დიდი ბრძოლა ჰქონდათ და ბოლოს შუაკაცებმა შეარიგეს. თარუასთან აპარეკას ვაჟიც ჰყავდა და ცხოვრობდნენ კარგა ხანს. მერე აპარეკა ციხეში მოკვდა და თარუა დარჩა ქვრივი. ამ თარუას მახლის, ტუჩას, ცოლიც ქვრივი იყო (ის ძმები ორივენი დაიხოცნენ ციხეში). ტუჩას ცოლმა თავისი მახლის ცოლი დაუახლოვა ზემოთ დასახელებულ ქერხოსანათ ბათირათ კვირიკას. ჯერ ისე მეგობრები იყვნენ და ბოლოს კვირიკამ ცოლად წაიყვანა და მითხოში გაიქცა. ხევსურეთის წესით, ცოლი მანამ ქმრის სახლში არის, გათხოვება არ შეიძლება. თუ ვინმემ ქმრის სახლიდან წაიყვანა ქვრივი, ან ქმრიანი ქალი, ის უეჭველად უნდა მოკლან, ან სამუდამოდ შერცხვენილი უნდა დარჩეს მთელი გვარი. როცა ქმრის ოჯახიდან გაისტუმრებდნენ, მამის სახლიდან უფლება აქვს გათხოვდეს, მხოლოდ ვერ გათხოვდება ცოცხალი კაცის ნაცოლარი იმაზე, ვისაც უკვეთენ. თუ ეჭვია, რომ სხვა ვინმე მოსწონს და მას მიყვება, მაშინ ეტყვიან: წადი მამისახლში, ჩემგან თავისუფალი ხარ, გათხოვდი სადაც გინდა, მხოლოდ დაუსახელებენ იმ კაცს, ვისზედაც ეჭვი იყო და ეტყვიან: იმ კაცზე გათხოვების ნებას არ გაძლევთ, თუ გახყვები ჩვენ ვიცით, რასაც ვიზამთ. ამას ჰქვიან კვეთილიანი ქალი. თუ ის კაცი არ დაიშლიდა და წაიყვანდა, ისე დაედევნებოდნენ, როგორც მესისხლეს და, თუ ხელში ჩაიგდებდნენ, აუცილებლად მოკლავდნენ. თუ გადაიხვეწებოდა სადმე შორს, შეიძლება რამდენიმე წლის შემდეგ შუაკაცების ძალით მომხდარიყო შერიგება. შერიგება მოხდებოდა ჯვარში (კურეტი, ლუდი და სხვა). ამასთან, დრამა უნდა მიეცათ თექვსმეტი ძროხიდან ზევით, თექვსმეტი ძროხაზე დაბლა არ იყო. გააჩნდა შუაკაცებსაც და იმასაც, რა პირობებში წაიყვანა; თუ ის დაამტკიცებდა, რომ ქალის კვეთილიანობა ვერ გაიგო და ისე წაიყვანა, მაშინ შეღავათი ჰქონდა. ისეც ხდებოდა, რომ რჯული ორივე მხარეს თავს ანებებინებდა ამ ქალისათვის და ქალი მამისახლში მიდიოდა. მემრე იქიდან სხვაგან გათხოვდებოდა. მიცვალებულის ცოლზე ასე არ იყო; მას თუ რამეს შეამჩნევდნენ, გააფროთხილებდნენ: ჩამოშორდი,

ეგ კაცი არ მოგვაკვლევინო. ადგებოდნენ და ქალს გაისტუმრებდნენ მამისახლში. მაგრამ ქმრის სახლიდან ვისაც დამეგობრდა (იშვიათი შემთხვევა იყო ასეთი), თუ იმას გაყვებოდა, როგორც მესისხლეს, ისე არ დაედევნებოდნენ, მაგრამ მასთან შური მუდამ გულში ჰქონდათ და ავნებდნენ რასმე, ე.ი. ჭრიდნენ.

როგორც ზემოთ ვთქვით, აპარეკას ცოლი თარუა ქმრის სახლიდან გაყვა კვირიკას. მითხომი (ქისტეთში) გაიქცა და იქ დაიწყო ცხოვრება. აპარეკას და ტუნას უმცროსი ძმა დარჩა ცოცხალი, გიორგია. ქვრივი რძალი რომ გაუთხოვდა მკვდარი ძმის ოჯახიდან, გიორგიამ ქუდი მოიხადა და თავზე შალი მოიხვია. მე კვირიკამ თავზე ქუდი მომხადა და ახლა დიაცის თავსახვევი უნდა ვატარო, კაცს ნულარავინ დამიძახებთ, მანამ კვირიკას არ მოვკლავო. დადიოდა გიორგია თავშლით, წვალობდა კვირიკას მოსაკლავად, მაგრამ კვირიკა ძალიან ფრთხილად იყო, რადგან იცოდა სუიკანი ავი ხალხნი იყვნენ და ხელში ვერ ჩაიგდეს. მერე ქისტეთში რომ იყო შეხიზნული, იქ მოკვლა ადვილი არ იყო, რადგან ქისტები იცავდნენ მას და მასპინძელი მის მოკვლაზე შურსაც იძიებდა.

კვირიკა უზგავნიდა შუაკაცებს, ხან ქისტებს, ხან შატლიელებს – შემირიგდით, რასაც შემომითვლით ჭარს, ქვაბს, დრამას – ყველაით წინ გიდგევართ, ხოლოთ თოფი აილით, მოსაკლავად ნუ მეძებთო. გიორგია და სხვა სუიკანი შერიგებისათვის მოსულ შუაკაცებს ეუბნებოდნენ: რად უნდა შერიგება, ის მითხოს ზის და ჩვენ აქა ვართ, ჩვენ იქ ხომ ვერ მოვკლავთ და იყოს ეგრე, რა აშინებსო. მითხოს კვირიკა არ სცილდებოდა, მაგრამ ბოლოს გაიგეს, რომ მუცუსაკე შეიარაღებით. წავიდა გიორგია, ორი კაცი თავის სახლისკაცებიდან გაჰყვა. მუცუს ჭალაში შეუკრეს გზა. მეორე ღამეს მოვიდა კვირიკა. ჩასაფრებულებმა ესროლეს და მოკლეს. მათი გვარიდან უფრო ახლოელი დარჩა გუგო. მოასვენეს და ისევ გუგოს დაასაფლავეს. გუგომ მითხოვა სუიკათაგან სრული კაცის თავი, მაგრამ სუიკანი არ დათანხმდნენ. ბოლოს რჯული ჰქონდათ და სუიკათ დაადვეს ნახევარი თავი. ნახევარი თავი მკვდრის ცოლის წაყვანაში გაბარეს. მერე უყენეს ხევსურეთის რჯულით გათვალისწინებული რიგის ნახევარი. პირველ რიგის ყენების შემდეგ წელგამოშვებით უვლევდნენ თითო საკლავს, რადგან გუგოს აღარავინ ჰყავდა და სუიკანი ძალმომრეობდნენ. ბოლოს ნახევარი რიგიც დახყარეს და სულ აღარ უყენებდნენ რიგს.

თარუა მითხოდან წამოვიდა და არდოტში გათხოვდა სულ ახალგაზრდა კაცზე, ჯარჯოზე. აქაც კიდევ ეყოლა შვილები და მერე, როცა დაბერდა, მისმა ახალგაზრდა ქმარმა სხვა ცოლი მოიყვანა და თარუაც გარდაიცვალა. ასე დაბოლოვდა ამ ბევრი უწესოს გამკეთებელი მამის საქმე.

შატილიზმები, მანგიანი და მუცუშლები, დანაშრნი

მათი თავ-სისხლი

მომითხრო და ჩამაწერინა ხთისო ვაჟუნასძე ჭინჭარაულმა,

69 წ., სოფ. შატილში.

მუცუ იყო ხევსურების სოფელი და ნაწილობრივ ქისტებიც ცხოვრობდნენ. ერთ სოფელში არა, მაგრამ ერთიმეორეს ნახევარი კილომეტრის დაშორებით. მათ ერთიმეორესთან ნათესაობაც ქონდათ. აქაური ხევსურების ქალები ქისტებზედაც თხოვდებოდნენ. იშვიათ შემთხვევაში, ქისტის ქალებიც თხოვდებოდნენ ხევსურებზე. ქისტის ქალები უფრო ვერ ეგუებოდნენ ხევსურების ცხოვრებას და ამიტომ ნაკლებად თხოვდებოდნენ. ენა ერთიმეორისა ორივემ კარგად იცოდა. უფრო ხევსურებმა ქისტური ენა ზედმიწევნით კარგად იცოდნენ. ხევსურები ერთიმეორეშიც ქისტურ ენაზე ლაპარაკობდნენ. ქცევაც ქისტებიდან ჰქონდათ გადმოღებული. უფროს-უნცროსობა, სტუმართმოყვარეობა, სტუმრის დაცვა, სისხლის აუცილებელი აღება, ქურდობაც კი, ქისტების მსგავსად აუცილებლად მიაჩნდათ. ვინც არ იქურდებდა, ის ახალგაზრდა ვაჟკაცად არ ითვლებოდა და ვაჟკაცობის სახელს ვერ დაიმსახურებდა. ამ სოფელ მუცუში ცხოვრობდა ერთი ვაჟკაცობით სახელგანთქმული კაცი ჩხუბრე (ჩხუბიძე) სუხიასძე დაიაური. ჩხუბრეს აქ ნათქვამი ვაჟკაცობის შესრულება, ყველაფერი ეხერხებოდა და ამიტომ იყო იგი მაშინდელი ხევსურებისათვის ქებული ვაჟკაცი. ერთხანს ნამდვილ ყაჩაღადაც კი გავიდა. ძარცვავდა მგზავრებს, იპარავდა პირუტყვს და სხვა. ამავე დროს, სოფელ შატილში მანგიათ მამაში ცხოვრობდა მგელია ბოციასძე ჭინჭარაული. მოწინავე ვაჟკაცებში არა ჩანდა, მაგრამ საშუალო ვაჟკაცად მაინც ითვლებოდა. გაზაფხული იყო და მგელიას თივა გაუთავდა. შოვნაც არსად იყო. მგელიამ ჩხუბრეს დაავალა: ვისმეს თივა მოპარე, მე მომეცი და ხუთ ცალს ბერდენკის ვაზნებს მოგცემო. ჩხუბრემ შეუსრულა თხოვნა, თავისავე თანასოფლელს, ვაჟიკათ გიორგიას, მოპარა თივა და მგელიას მისცა. მგელიამ თივა ღამით წაიღო ისე, რომ ის ვერაფერ დაინახა. მგელიას პატრონები თან არ ჰქონდა და ვალად დარჩა. კარგა ხნის შემდეგ ჩხუბრე მოვიდა მგელიასთან, ვალის გამოსართმევად. მგელიამ ნაწილი მისცა და უთხრა: ეხლა აღარა მაქვს, მადროვე, ვიშოვნი და მოგცემო. ჩხუბრე მეტად ამაყი კაცი იყო და დაიწყო ჩხუბი, ახლავე მიშოვნე, თუარა შენს პირუტყვს რამეს წავიყვანო. მგელია ჯერ არაფერს ეუბნებოდა და ბოლოს ამანაც უთხრა: მე კაცი ვარ და ჩემს პირუტყვს არ გაგატან ცოცხალიო. მოუვიდათ შუდლი და ცარიელი ხელით გაარტყეს ერთიმეორეს. მანგიათ მამისავე კაცი იყო წიქა (მეტსახელათ ბრუცას ეძახოდნენ). მას სამი შვილი ჰყავდა: ნიკო, ჩალხია და ბათაკა. მგელიას ერთი ძმაც ჰყავდა, ვაჟკაცად ქებული სამუკა. ჩხუბრემ ჯერ მგელიას სცა და შემდეგ მთელ მანგიათ დაუწყო გინება. ამ დროს სამუკას

ვაჟი ჰყავდა მომკვდარი და მანგიანი იმის სასამარხე პურს აცხობდნენ. ჩხუბრემ მიცვალებულს შეუწირა და მემრე სამუკამაც დაჰკრა ჩხუბრეს, ბრუცათ ნიკომ ხანჯარი დაჰკრა ჩხუბრეს და ჩალხიამ – ჯოხი, იმავე ნახანჯლარში. ჩხუბრე წავიდა შინ და თანდათან ტკივილი დაუწყო ნახანჯლარმა და ნაჯოხარმა თავმა. დააყენეს სოფლური ექიმი, დაუჩირქდა თავი და გარდაიცვალა. ბევრი საკლავები დაკლეს ორივე მხარემ შატლში, ანატორის ჯვარში, მუცუს ჯონის ჯვარში. ჩხუბრე რომ გარდაიცვალა, საჭირო გახდა რიგის ყენება საარდარაოდ. ბრუცა ამბობდა: ჩემმა შვილებმა მგელიაის გულისად იშუღლეს, მერე მაგათმა ნაჭრემა არც მოკლა, სამუკამაც დაკრა ჯოხი და იმან მოკლაო. სამუკა ეუბნებოდა: მართალია ჩვენის გულისად იშუღლეს, მაგრამ დრამა და სისხლისათვის გაძლოლა ჳელს მისდევს, მე არც დამიკრავს რამე ჩხუბრესათვისო. გახდა საფიცრად. რჯულმა ბრუცათ ფიცი დააგალა. თექვსმეტი კაცი მაიკიდეს ჳელს სახლისკაცები და გადაიგდეს ჩხუბრეს სისხლი, მაგრამ დაიაურთ თქვეს: ჩვენ რო ჩხუბრე მოგვიკალით, მაშინ ერთუცს გვერდით ედევით, ერთუცისებ იყვენით, ჩვენდ სრუ ერთები ხართ, ვისაც შაგხედებით, მაგკლავთო. ფიცი არაში ჩაუთვალეს. ახლა სამუკამ მაძახურობა ქნა: „ბრუცათან ძმობა გამიყრავის, მაგათ მახკლავს ვინ, არ მივზდეგ, მახკვლენ ვის, ნუ ვინ მამყევის, მე მაგათ გვერდი არ უდგეორ. ცასაც მიზდიოდასა-დ დედამიწასაც, ჯვართაცა-დ ღმერთსაც, ხალხთაც, რომ მე ბრუცაი-დ მაგის შვილები ძმად აღარ მინდან“. ამნაირად სამუკამ ბრუცანი მაიკვეთნა, მაგრამ დაიაურთ არც მაკვეთა მიიღეს, როსაც კაც მახკალით, ძმებ იყვენით, ეხლა ჩვენ მოკვეთას აღარ ვდებულობთო – უთხრეს დაიაურთ, მაგრამ სამუკა მეტად ამაყი კაცი იყო და აღარ იმალებოდა, ის ამბობდა: „ჩხუბრეს მამკლავნი ბრუცანი მე მავიკვეთენი, მე თავ აღარ მძეს, რაც უნდა ქნან, თუნდა ჳოცან ერთუცი, თუნდა თავ აპატივან, მე თავისუფალი ორ“. დაიაურნი გაჩუმიდნენ და შესაფერ დროს ეძებდნენ, ან ერთი მოეკლათ, ან მეორე. ერთი ადგილი შატლიენებს მითხოს ახლო აქეს, ამ ადგილს სახელად „კეხი“ ჰქვიან. ამ ადგილზე უნდა გაიაროს მითხოს წამსვლელმა ხევსურმა. აქ ხნავდნენ მგელია და სამუკა, ძმები. ამ დროს მითხოდან მოდიოდა ჩხუბრეს ბიძა (მამის ძმა), ხაძე. ხაძემ მუქარის სახით, იმათ დანახვაზე თავი ჩამოძრა. თავის ჩამოძვრის დროს მგელიამ შაასწრო თვალი და სამუკას უთხრა: ხაძე მუქარას გეთხოვს, თავი ჩამოძრაო. სამუკამ მისი მუქარა არაფრად ჩააგდო. მაგრამ საკვირველი ის იყო, კაცი მოკლეს, რიგს არც ერთი უყენებდა, არც მეორე. ამიტომ, აუცილებელი იყო, ერთ-ერთს მოკლავდნენ. ხაძე შინ რომ მივიდა, აღელვებული იყო და თავის შვილ ბაბოსთან რაღაც პატარა ჩხუბი მოუვიდა; ხაძემ უთხრა: „ჩემთან კი ნუ შუღლობ, შენის შინშის ჩხუბრეს მამკლავი კეხს ჳნავსა-დ, თუ კაცი ხარ, ის მაკალი.“ ბაბო მაშინვე წავიდა ჩხუბრეს ძმა გუასთან და უთხრა ეს ამბავი. აიღეს იარაღი გუამ და ბაბომ და წამოვიდნენ

კეხს. დურბინდით შორიდან დაინახეს. მიეპარნენ დღისით, ესროლეს და მოკლეს სამუკა. თვითონ დაბრუნდნენ და მუცუში მოვიდნენ.

აღარც იმათ უყენეს რიგი და მოითხოვეს თავის გაბრა თავში. ბოციათ თქვეს: ჩვენ თავს თავში არ გავბრით, იმიტომ რომ ჩვენ ტყუილად მოგვეკლეს. მეთავე ბრუცათ ჩაღხიაი ხეგანდა მამკლავი და ჩვენ მართალი ვიყავით. ტყუილად ძალით გვადებენ თავსო. ეხლა მანგიათ, ე. ი. ბოციათ, დაუწყეს ისევ მიყოლა მოსაკლავად. ბოციათ მამაში იყვნენ ხთისო ვაჟუნასძე ჭინჭარაული და კურდღლიშვილი გიგია. მგელია, სამუკას ძმა, ამ დროს კოჭლი იყო, საკომიდან თოფი დაჰკრეს და ფეხით გახაიბრდა. უფრო მიჰყვებოდნენ ხთისო და გიგია შურის საძებრად. უფრო უნდოდათ ბაბოს მოკვლა, რადგან გაგებული ჰქონდათ, რომ სამუკა მოკლა ბაბოს ნასროლმა ტყვიამ. ერთხელ კურდღლიშვილი გიგია ქისტეთში იყო წასული, სოფელ ჯარეგოში. იქ ნახა რომ სამუკაის მამკლავი ბაბო იდგა „მაჟდაგის“ (მაჟდაგი იმათი სამლოცველო სახლიაო, ასე სთქვა მთხრობელმა) კარზე. გიგია ასე მოიქცა, ვითომ ბაბო ვერ დაინახა, მობრუნდა და აჩქარებით წამოვიდა შატილში. ვაჟუნათ ხთისო საბოსლოს იყო მუცუს ჭალას და გიგია პირდაპირ მასთან მივიდა. ყოველივე უამბო. აიღეს იარაღები და წამოვიდნენ ბაბოს გზის შესაკრავად. აპირებდნენ: სადაც სამუკა მოკლეს, იქ უნდა შეეკრათ გზა და ისიც იქ უნდა მოეკლათ. ერთი ქისტის დიაცი შეხვდა გზაში და მან უთხრა: ბაბო ისევ ჯარეგოს იყოფო. აქ დღისით წასვლა აღარ შეიძლებოდა, რადგან ნახავდა ვინმე და მტერს გაუფროთხილებდა.

დაიღამეს და ღამით მიდიოდნენ გზის შესაკრავად. მიდიოდნენ იმ გზით, რომელ გზაზედაც უნდა გამოეწყო იმათ მტერს, ბაბოს, და, უსათუოდ, ღამით გამოივლიდა. ამიტომ, დიდის სიფრთხილით და მომზადებულის თოფებით მიდიოდნენ. წინ გიგია მოუძღვებოდა და ახლო ხთისო მოყვებოდა. გიგია უფრო კარგად იცნობდა ბაბოს, რადგან წინა დღეს ნახა და მისი ჩაცმულობაც იცოდა. თუ გზაში შეხვდებოდა, გიგიას უნდა ეთქვა ხთისოსათვის „აჰა“. ეს იყო ნიშანი და ხთისო მიხვდებოდა, რომ ეს იყო ბაბო და თოფს დაჰკრავდა. მოახლოვდნენ „ეკალდამათ“. აქ პატარა აღმართი ჰქონდათ ამოსასვლელი. მზირები აღმართს შემოუდგნენ და ღამის სიბნელეში ცის ტატნობზე კაცის ლანდი დაინახეს. გიგიამ იცნო, მაგრამ არც სულ გარკვეულად, მაგრამ მაინც, ამხანაგს ნიშანი მისცა. ორივე თოფი ერთბაშად გავარდა და ბაბო ძირს დავარდა. კაცი რომ წაიქცა, ჯერ ახლო არ მიენდგნენ— ვაითუ ცოცხალი იყოს და დაგვაზიანებსო. როცა დარწმუნდნენ რომ მკვდარი იყო, მივიდნენ და შეამოწმეს — დარწმუნდნენ, რომ ის იყო მათი მტერი. ბაბო გზის თავზე შემოაწვინეს, ზედ მისივე „ყარწიკა“ შემოხურეს და წამოვიდნენ შატილში. ხთისო აღარც საბოსლოს წასულა, პირდაპირ შატილში მოვიდნენ და მგელიას უამბეს მისი ძმის, სამუკას, მკვლელის მოკვლის ამბავი. იცოდნენ, ახლა დაიაურნი დაიწყებდნენ მოყოლას მოსაკლავად და ამიტომ სიფრთხილე მართებდათ.

მეორე დღეს, შემთხვევით ამ გზაზე გამვლელმა მგზავრმა, ლეკო ჭინჭარაულმა, დაინახა მოკლული და მუცუში კაცი გაგზავნა შესატყობინებლად. მოვიდნენ და თავისი მიცვალებული მუცუში წაასვენეს. გაცხარდა უფრო მეტი მტრობა. რა თქმა უნდა, იცოდნენ მანგიათ მოკლული იქნებოდა, რადგან მათ დიდი მტრობა ჰქონდათ. ახლა იმათ დაუწყეს მიყოლა მოსაკლავად. გიგია და ხთისო ადგნენ და არხოტში გადაიხიზნენ, სოფელ ახიელში მოვიდნენ და სთხოვეს ამანათად მიღება. ახიელებს ამანათის მიღება უყვარდა და მიიღეს ისინი. ამანათებში ერთი საკლავი მიიყვანეს და არხოტის ჯვარში დაკლეს. ახიელელთ და არხოტის ჯვარს მიაბარეს თავის თავი. საკლავი დაიკლა ახიელელთ და ამანათების სამწყალობნელოდ. არხოტის ჯვარს შეახვეწეს ის, ვინც ამანათებს ხელს შეუწყობს და დაიცავს მტრისაგან. მისცეს თითო ოროლი დღის საჯვარო მამულები, ზოგი თავის მამულებს ახვნივნიებდა და თავის ოჯახის წევრებით დაბინავდნენ ახიელში.

მანგიათ რომ ერთუცი მოიკვეთეს, ე. ი. ბოციათ სამუკამ მაძახურობა ქნა: „ბრუცაიდ მაგის შვილებივ ძმად აღარ მინდანავ, მამიკვეთიანავ, თუ მაგათ ვინ მაკლეს, თავს არ დავიდებავ, თუ ეგენ ვინ მაკლავ, მამკლავს თავს არ დავზდებთ, მესისხლედ არ დავიჭერთავ“. ახლა ბრუცათ ფიცი და ბრუცანი ვითომც გამართლდნენ. ატყდა კაც-შუაკაცი, ბრუცანი და დაიაურნი შეარიგეს. ჯვარში პირმასამყრელო ქნეს და შერიგდნენ. ბოციანი და დაიაურნი დარჩნენ ერთიმეორის მოსისხლედ (ეს ბრუცანი მამად კიწუანი იყვნენ და მეორენი მამად მანგიანი; საერთო მამად კი მანგიანი იყვნენ). ბრუცანი და დაიაურნი ერთიმეორის მოსისხლედ აღარ ითვლებოდნენ. აღარც ერთიმეორის ხათრი რამე ჰქონდათ, იყვნენ ერთი-მეორესთან ჩვეულებრივი ხევსურები. ერთიმეორის არც მტრები და არც მოკეთე.

ერთ-ერთ დაიაურთ კაცს, ბოციათ მოსაკლავად მოსულს, ბრუცანი წინაც ედგენ, ე. ი. ხელს უწყობდნენ მათ მოსაკლავად მოსულებს. ერთხელ ბრუცათ ჩალხიასად ერთს დაიაურს, სახელად აკუშელას, მოუვიდა შუღლი. ჩალხია ბრაზიანი კაცი იყო და აკუშელასაგან გაბრაზებულმა უთხრა: „თქვენს ჩხუბრეს ჯოხიც მე დავკარ, ხანჯარიც და ხელიც ჩემ იყვ, მე მაგიკალით ჩხუბრე“. წამოვიდა აკუშელა და სახლისკაცებს ეს ამბავი უამბო. უთხრა, ჩვენი ჩხუბრეს მამკლავი ბრუცათ ჩალხია ყოფილა და ჩვენ ბოციათ ვედავებითო. დაიაურთ ვითომც ეს ამბავი სულაც არ გაიგეს, ისე მოაჩვენეს თავი. დაიაურთ გუროვლებთან, ჩალხიას ცოლის ძმა ჩუასთან, რაღაც პატარა მტერობა ჰქონდა. მოიგონეს რომ უნდა წაიღონ არაყი, გაიყოლონ გუროვლების სიძე ბრუცათ ჩალხია და შერიგდნენ გუროვლებს. მართლაც მოემზადნენ, წამოვიდნენ და მოვიდნენ შატილში. შატილიდან გაიყოლეს ჩალხია და წავიდნენ გუროში კანეშათ ჩუაის შესარიგებლად. გაიარეს დიდი მანძილი და გუროს რომ მიუახლოვდნენ, დაისვენეს ადგილობრივ ველისწყალზე. დამე იყო. დასხდნენ და დალიეს არაყი. ჩალხია დაბლა იჯდა, ერთმა დაიაურმა არაყიანი

ყანწი მიადო პირზე, დაადარილეს, მეორეებმა ხანჯლები დაარტყეს თავში. ისეთი ძალით სცემდნენ ხანჯლებს, რომ ჩაღხია მაშინვე უსულო დაეცა დაბლა. თუ ასე არ მოახერხებდნენ, ჩაღხიასაგან ეშინოდათ, რადგან ის ძალიან ყოჩაღი იყო და მოსალოდნელი იყო მისგან დიდი ზიანი მიეყენებინა მოპირდაპირისათვის. ჩაღხიას ნაბადი დააფარეს და დაბრუნდნენ შინისაკენ. გზაში შატილივლების ქოხი იყო, იქ დიაცები იყვნენ პირუტყვის მოსაველეად. დაიაურები მივიდნენ და უთხრეს: ბრუცათ ჩაღხია მოკვალით და მიხედონ, ველის ნადირმა არ გააფუჭოსო. დიაცებმა შატილში გატეხეს ხმა და მიცვალებული შატილივლებმა თავის სოფელში მოასვენეს.

ახლა ბრუცათ და დაიაურთ მტრობა გაძლიერდა. ბრუცას დარჩა ორი შვილი: ნიკო და ბათაკა. ახლა ისინი მიყვებოდნენ დაიაურთ მოსაკლავად, მაგრამ დაიაურები ძალიან ფრთხილად იყვნენ და ვერ მოხერხდა მათი მოკვლა.

ზემთო დასახელებული დაიაური ჩხუბრე თავის სიცოცხლეში ყაჩაღად დადიოდა, ძარცვავდა ხალხს, გზაში ეცემოდა, იპარავდა ხარებს და ცხენებს. არც კაცის მოკვლას გაურბოდა, კაცის მოკვლა სასახელო და სასიხარულო ამბად მიაჩნდა. ერთხელ მან ერთი ფშავლის, სახელად ნაცისის ამხანაგობით იორზე სოფელ სიონში მოიპარა ორი ხარი. სოფელმა გაიგო და მდევარი დაადევნა. სიონში ჩასახლებული იყო ერთი არხოტელი, მამად ბერდიშვილი ახალგაზრდა, სახელად ქორძო. ქორძო ძალიან ყოჩაღი იყო და წამოეწია ქურდებს. საჭირო გახდა მისი მოკვლა ან ხარების დაწირვა. ფშაველმა უთხრა: მე ქრისტიანი კაცის სისხლში ვერ შევალ, დავანებოთ ხარებს თავიო. ჩხუბრემ უპასუხა: მე შევალ ქრისტიანი კაცის სისხლში და სისხლს თუნდა თასით დავლეგო. ესროლა თოფი და მოკლა ქორძო. ხარებიც გაიტაცეს და გაყიდეს. ქორძოს მკვლელი ჯერ ვერ გაიგეს, მაგრამ ხევსურები ამბობენ: „კაცის ბეჭი არ იკარგებაო” და ქორძოს მკვლელიც ნელ-ნელა გამოჩნდა და ბერდიშვილებმაც გაიგეს. მხოლოდ ჩუმად იყვნენ. დაიაურებმა რომ ბრუცათ ჩაღხია მოკვლეს და მაგარი მტრობა ჩაუვარდათ, ბრუცაის შვილებმა ბერდიშვილებს უფრო კარგად გააგებინეს ჩხუბრესაგან ქორძოს მოკვლის ამბავი და სთხოვეს: ერთად წავიდეთ, ჩვენ გზები კარგად ვიცით და დაიაურების სისხლი ავიღოთ, დავხოცოთო. ბერდიშვილებიც დათანხმდნენ და მუცუელთ საბოსლოებთან დაიაურები დათოფეს. ამ სროლის შედეგად მოკვდა ტრია დაიაური. თვითონ მშვიდობიანად შინ დაბრუნდნენ. უფრო ემატებოდა მოსისხლეობას. ახლა, ბრუცამ უჩივლა და დააჭერინა დაიაურთ ტუჩა და ქოთილა. ერთი წელიწადი არ უცოცხლია და ორივენი ციხეში დაიხოცნენ. ახლა, ეს კაცის თავებიც ბრუცათ დააბრალეს – თქვენს საჩივარზე დაიხოცნენო. ბერდიშვილებმა დაიფიცეს, ჩვენი ტყვეით არ მოკვდა დაიაურიო და დადგა თავ-სისხლი ისევ ბრუცაის შვილებზე. ორი ციხეში მომკვდარი, ერთიც ისე მოკვლული – დაედოთ ბრუცათ სამი კაცის თავი. ადგნენ და ბრუცანი გადაიხიზნენ სადღაც ბარში.

ბოციათ და დაიაურთ აუტყდა კაც-შუაკაცი, სოფელ გუროში მცხოვრებ ნიკო გოგოჭურის მეთაურობით, შეყარეს რჯულის კაცები. რჯულმა ბოციათ დაადო ხუთი ძროხა, საუკენმამკვდრო. აღუდეს ჯვარჩი ლუდი. დაკლეს საერთო ერთი კურეტი და შეიყარნეს პირს და შერიგდნენ. დაიაურთ კურეტი და ბოციათ ხთისო ამძობილეს ერთიმეორეს და დაბოლოვდა მათი მესისხლეობა.

მანგია-დაიაურთ თავ-სისხლის შესახებ ლექსი ჰქონდა ნათქვამი სოფელ გუროში მცხოვრებ გუგო გოგოჭურს, რომელიც თვითონც მტრობდა დაიაურთ, მაგრამ ლექსი მაინც მათთვის საწყინოდ არ არის ნათქვამი:

მანგია– დაიაურნი

ლექსს იტყვის დაბაღ გუგოი, ფანდურს დაუკრავ ხისასა,

ფანდურო ჩირახისაო, კიდუ სჯობიხარ რგლისასა,

ქაღალდის წერას დავიწყებ, ნუმერს დაუსომ წლისასა,

წამოაღ ნადირობადა, გადავლა მგულავ მთისასა.

შამამეყარა სიკვდილი, ჩამამავალი ვ ხისასა.

მახურვილი აქვს ნაბადი, ხეტარს ანათებს კმლისასა.

კაცი ორ შაშინებული, თავს მამჭრის, როგორც თიკანსა.

სიკვდილო, მე თუ არ მამკლავ, დაგიკლავ ჯარსა ნისლასა,

გადმამიტრია თვალები, ვინ მახკლავს შენფერ ციცასა!

შატილისაკე წავიდა, ცხენას გადაჯდა წითლასა.

შატილს ხოლივას მაუკლავს, ირემს ჩაუქცევ ტყისასა,

წიქათ ბეწიკას მაუკლავს, გამრიგეს ბევრის მტრისასა,

ბრუცათ ჩაღხიას მაუკლავს, კულას დაუქცევს ქვისასა,

სუხიათ ჩხუბრეს მაუკლავს, შუქს დაუბნელებს მზისასა,

ხაძეთ მაუკლავს ბაბოსა, ქვიტკირს დაუქცევს ქვისასა,

ვაგათ სამუკას მაუკლავს, სიმაგრეს შატილისასა.

მანგია-დაიაურნი თესლს ლევენ ერთუცისასა.

კაებს ვაშაკებს არჩევენ, გულს ალაღებენ მტრისასა.

სრუ ყველას მართალს ვიამბობ მაკეთისასა, მტრისასა.

ჩაღხიას წამაიყვანენ: გამაგვევ ცოლისძმისასა.

უყურეთ უბედურებას, ხიფართსა ეშმაკისასა.

ჯორუს ძირ შამამავალსა, კიდს გაუტეხენ ხისასა,

სახქაროდ შამაავლევენ, ცხენსა გადასმენ ნიშასა.

მავიდეს წინაჭაღასა, ყანწს მიაწვდიან რქისასა,

სიმირგვლივ შამაეხვივნენ, ლეკვს ვერ დასწონენ მგლისასა.

მარტო ჩაღხია რას იქამს, თავს დაინატრის ძმისასა.

*ცულად ქნეს დაიაურთა, ცოდოს იღებენ მკედრისასა.
შატილს ცოდო-ბრალს კვირობენ, ტირილსა ორის დისასა,
ბებერთ დედ-მამათ მასწირავს ტირილსა ბიძაისასა.
ახლის დიაცის გაწირვას, ჭყვივლსა ლურჯაისასა.
ამავის მალექსებელი გამამავლიეს ზღვისასა,
სიცივე რას გამამრჩების, ტანზე ჩავიცომ მხერისასა.*

ლექსის დამწერი იყო ჩალხიას ცოლის ბიძა გუგო გოგოჭური. ამ ლექსში ორი უფროსი კაცი ჰყავს დასახელებული: ხოლიგა და ბეწიკა, შატილივნები, ჭინჭარაულები, დანარჩენები სულ მანგია-დაიაურები არიან, ერთი მეორისაგან მოკლულნი. ჩხუბრე და ბაბო არიან ერთიმეორის ბიძაშვილები, მანგიათაგან მოკლულნი, სამუკა და ჩალხია, მანგიათ მამის კაცნი არიან დაიაურთაგან მოკლულნი. ეს მოსისხლეობა დაიწყო ხუთი ვაზნის გულისათვის, პირველად, უბრალო შურით და დაიხოცა ამდენი ხალხი. ორი დაიაური: ტუჩური და ქოთილა ციხეში დაიხოცნენ ბრუცას ჩვილის შედეგად; ერთი დაიაური კიდევ სხვა მოკლეს აკუშელა ბერდიშვილებმა და ბრუცაის შვილებმა. და როგორც ვთქვით, ბოციანი და დაიაურნი შერიგდნენ, ბრუცათან ისევ გრძელდება მტერობა.

ჩამაწერინა იმედა თათიკასძე ბოგოჭურმა, ძაცუაშრთ მამისამ

ქაცუაურნი კიდევ იყოფოდნენ მამებად. იმედა არის სოსანათ მამიდან, მეორე მამა – კვირიკანი. ერთი-მეორესთან შორეული განაყრები არ არიან, მაგრამ თავ-თავის პაპების სახელზე წარმოიშვა ახალი მამები. სოსანათ მამაში თათიკას ყავდა ერთი ვაჟი იმედა და ერთი ქალი. იმედას თავისი და ძალიან უყვარდა და ჯვარებში პირიქით-პირაქეთ ხევსურეთში, ყველგან დაჰყავდა საზღვნელად. უკანასკნელად ლიქოკში იყვნენ და-ძმანი და კოპალაში ერთი ჭედილა მიიყვანეს. ჯვარშით დაბრუნების შემდეგ დაიწყო თიბაც. იმედა და კვირიკათ მამის ერთ-ერთი კაცი ხთისო იმედასთან ერთად თიბდა და ორნი მისი, ე.ი. ხთისოს, ძმანი ქვევით მოშორებით თიბდნენ (ამ სამ ძმათ მამას ერქვა აპარეკა). იმათ ახლოს ნამგლით თიბდა თათიკას იმედაის დაც.

აპარეკაის შვილები ცოტას თავმომწონებოდნენ კიდევ; სულ უბრალო საქმეზე ერთი ქისტიც მოკლეს და ქისტები მოსაკლავად მოჰყვებოდნენ. ძმები, ქისტების შიშით, ძალიან ფრთხილად იყვნენ; თოფები სულ თან დაჰქონდათ, პურის ჭამის დროსაც კი თოფები კალთაში ედოთ. დამე ხომ უიარალოდ გარეთ ფეხს არ გადადგამდნენ. ერთხელ ერთ-ერთი ძმა ღამით გარეთ გავიდა. ამ დროს თურმე მათი დედაც გარეთ იყო გასული. დაინახა ღამის სიბნელეში რაღაც შავი ლანდი. ადგა

და მისკენ წამოვიდა. აპარეკაის შვილს ეგონა შურის საძებრად მოსული ქისტი. არც, ხმა ამოუღია, ვინა ხარო, რადგან ეშინოდა ხმის გაგონებაზე ქისტი თოფს დაკრავდა. სწრაფად ესროლა და მოკლა თავისი დედა. დედამ ერთი კი ამოიკენესა რად მომკალო და იქვე სული დალია. სხვა ასეთებს ბევრ რამეს შერებოდნენ, თამამობდნენ და ამაყობდნენ, არავის არაფრად არ აგდებდნენ.

როგორც ზემოთ ითქვა, ორნი ძმანი, აპარეკაის შვილნი, ახლო თიბდნენ იმედის დასთან. თოფები ორივეს თან ჰქონდა. იმედას დაც დაჯდა და დაისვენა. აპარეკაის შვილებმაც დაისვენეს. ერთ-ერთმა ძმამ, გამახელამ, თოფი აიღო და იმედას დას დაუმიზნა. დააეიწყდა, რომ თოფში ვაზნები ეწყო, მას თოფი ცარიელი ეგონა. ძმას უთხრა: ის რომ ქისტი იყოს, როგორ გამოვაგორებდიო. თოფი ფეხზე დააყენა და დასხლიტა. ქალი მძიმედ დაიჭრა და პირქვე დაეცა. ძმები შეკრთნენ ამ იშობარი ამბით. ბევრად ინანეს, მაგრამ გვიანდა იყო. საჭირო გახდა მისი დამალვა და ქისტებისათვის დაბრალება. მაგრამ მათდა სამწუხაროდ, ქალი ჯერ ისევ ცოცხალი იყო და ის იტყოდა თავის მკვლელებს. მაგრამ იმას, რომ ქალი მოკვდებოდა, მანამდინ იტყოდა რამეს და ვეღარას ვინ გაიგებდა, მაინც დამალვა ამჯობინეს. წამოვიდა ერთ-ერთი ძმა სოფელში და ხმა გატეხა: ქისტებმა გვესროლეს და თათიკაის ქალი მოგვიკლესო. მოგროვდა ხალხი და დაჭრილი ქალი სახლში წაიყვანეს. თოფის ხმა იმედამ და ამ ქალის მკვლელის ძმამ ხთისომაც გაიგონეს. ჯერ შეკრთნენ, ქისტების თავდასხმა ეგონათ და მეორე თოფი რომ აღარ გავარდა, დამშვიდდნენ. სადამოზე წამოვიდნენ სახლში და იმედას დახვდა დაჭრილი და. სიკვდილის პირას იყო მისული, მაგრამ გონება და ენა მაინც ისევ შერჩენოდა. მკვლელები იქ არ იყვნენ და იმედას ეჭვი შეეპარა, რატომ აქ არ არიანო და ჰკითხა თავის დას, ვინ გესროლა, ვერა ნახეო? დამ იმედას არაფერი უთხრა. თავისი სოფლელი სუიკათ მამის კაცი, თაველექათ ბიძურა, შეიყვანა და იმას უთხრა: ქისტები არ იყვნენ, აპარეკაის შვილთ მესროლესო. ბიძურამ ჯერ მკვლელები გაახიზნა და მერე იმედას ყოველივე უამბო. აპარეკაის შვილები მოწმალში ექიმთან წამოვიდნენ და, მანამ დაბრუნდებოდნენ, ქალი გარდაიცვალა. იმედამ სიცოცხლითვე უთხრა: რადგან უგონებლივ მოუხდა, სიცოცხლით არაფერს ვეტყვი და როცა გარდაიცვლება ჩემის დის თავს არ დაგკარგავ, უთუოდ შურს ვიძებნიო. ქალი რომ დაასაფლავეს, იმედამ კაცის რიგი მოითხოვა, მაგრამ მათ დიაცის თავის წესით ნახევარი რიგი გაუგზავნეს. თან ამბობდნენ, ჩვენ იშობარი მოგვივიდა, ჩვენ ნახევარი რიგის ყენებაც არ გვეკუთვნისო. იმედა გაჩუმდა და მარჯვე დროს ელოდა, მათ მოსაკლავად. თავის დის სიკვდილისა მეცხრე დღე იყო, რომ იმედა ჩაუსაფრდა მოხერხებულ ადგილას. ესროლა თოფი და თავის დის მამკლავი გამახელა მოკლა. გამახელას ორმა ძმამ თქვეს: ჩვენ ჯერ იშობარი მოგვივიდა, მემრე დიაცის თავის ნახევარი კაცის თავს უდრის და ვაშკაცი რომ მოგვიკლა, ჩვენ მაგას მოგვკლავთო.

აუტეხა იმედამ შუაკაცები, რჯულში გავიდეთ და რჯული როგორც იტყვის, ისე შევრიგდეთო. მაგრამ გამახელას ძმა, ხთისო, ამბობდა: მე მაინც მოვკლავ და მერე შევრიგდეთო. იმედამ შუაკაცების ხელით რვა საკლავი გაუგზავნა შერიგების სათხოვრად და მეცხრე კარ-მაზვერი ე. ი. ოთხი წლის კურეტი. მაგრამ ხთისომ არც ერთხელ თქვა თანხმობა შერიგებაზე. მაინც ამბობდა, მეც მოვკლავ და მერე შევრიგდეთო. იმედას ჰყავდა ბიძაშვილები, ხახონი და აბა. ერთხელ ხთისო ჩაუსაფრდა და ესროლა ხახონს. ტყვიამ ტანისამოსში გაუარა და ხახონი გადარჩა. მან სწრაფად მოასწრო, ესროლა და ისევ ხთისო დაჭრა ფეხში. ამით გამწვავდა საქმე. იმედამ თქვა: მე ჰვესურეთის რჯულისა არ ვიცი. მე ჩემი და ხუთ ვაშკაცს მერჩივნა და ახლა თუ არ იშლიან, ვნახოთ ვინ ვის მოკლავსო. ხახონმა, აბამ და იმედამ თქვეს: სულ ერთია ხთისო არ მოისვენებს, მოვკლათ ეგეც და მოვისვენოთო. ჩაუსაფრდნენ, ესროლეს და ხთისოც მოკლეს. დარჩა ერთი ძმა კვირიკაის შვილებიდან. მას ახლობელი აღარავინ ჰყავდა და თუ არ შერიგდებოდა, იმასაც მოკლავდნენ და მოიშორებდნენ თავიდან. ატყდა კაც-შუაკაცი და გაიყვანეს რჯულში. რჯულმა დიაცის თავში მაინც ნახევარი თავი გაუბარა. დარჩა ერთი კაცის თავი სრული და ერთი ნახევარი. ერთი კაცის თავის ნახევარი უნდა ეხლო დრამით და ერთი კაცის თავი რჩებოდა რიგის საყენებლად. კაცის თავის ნახევარში უნდა მიეცა ოცდაათი ძროხის დრამა, მაგრამ რჯულის კაცებმა ათი ძროხის დრამა გააბარეს იმედასაგან გაწეულ სხვადასხვა ხარჯებში და დარჩა ოცი ძროხის დრამა. ამასთან კიდევ იმედას დაედო გასაღებად ხუთი ძროხის საუკენმამკვდრო. იმედამ ჩააბარა სულ ოცდახუთი ძროხის დრამა და უყენა ერთი კაცის თავის მთლიანი რიგი. დანარჩენი ყველაფერი გასწორდა, მხოლოდ იმედა დარჩა ერთი კაცის მამკლავად, რომელიც ასრულებდა მამკლავის ყველა ვალდებულებებს.

გურთელ-შატილიონთ შულლი

(გურთელ-შატილიონთ ომსაც უწოდებენ)

ეს ამბავი ჩამაწერინა მგელია ჭინჭარაულმა 1937 წელს. მგელია მაშინ იყო ორმოცდაათის წლისა. მისი თხოვრის მიხედვით სხვა ადგილას დაიწერა იმ ომში მოკლული გურთელ-შატილიონების ვინაობა. ახლა უფრო ვრცლად ჩამაწერინა სოფელ გურთში მცხოვრებმა იმედა თათუკასძე გოგოჭურმა 76 წლისამ, ამ ომის კარგად არის მომსწვრალი და, მისი გადმოცემით, ბევრი რამ ახსოვს. როგორც მგელია ჭინჭარაულმა, ისევე იმედა გოგოჭურმაც პირველი დასაწყისი ამ ომის ერთნაირად მიაბებს:

ჩვენ სათანადო ადგილზე აწერილი გვექონდა ის, რომ ჯაღაბაურნი შატილში ცხოვრობდნენ და მეტისმეტი ამაყი ხალხი იყო. შატილიონები ასე ამბობდნენ:

ჯალაბაურთ თავის სიამაყით ამოწყვიტეს თავისი საგვარეულო ანუ მამა. ისინი გათაულან და მათი ქალი ნათულა გუროში იყო გათხოვილი ჩონქარა გოგოჭურზე. ჩონქარა ცხოვრობდა შატილივნებისა და გუროველების საზღვართან ახლო, ადგილობრივ, ჯორუ-ს. შატილის და გუროს ადგილს საზღვრავს პატარა მდინარე, რაზედაც ხის ხიდი იყო გადებული. ნათულას ამ ხიდზე ოცამდინ თიკან-ბატკანი გაუდიოდა და უშვებდა შატილიონთ ადგილში. ამ ადგილს შატილივნები არაფრად იყენებდნენ, არც იყო რამე, გარდა კლდეებისა და უბრალო ფიჭვნარისა, მაგრამ შატილივნებს მაინც სწყინდათ, ჩვენს ადგილში ნუ გადმოდიხართო; კაცებიც მიუგზანეს: თიკან-ბატკნები ნუ გადმოვიდისთ, თორემ გავილაღათო, ე. ი. წაგართვამთ და შატილში გავრეკავთო; მაგრამ, ნათულა ამბობდა: მე შატილიონთ ქალი ვარ და ისინი ჩემს თიკან-ბატკნებს არ გალაღავენო, და ისევ დაუდიოდა თიკან-ბატკნები. ბოლოს შატილივნებმა პირი შეკრეს, თუ არ დაიშალეს, თიკან-ბატკნები შინ გამავლაღათო. უკანასკნელად შატილიონთ თქვეს: ბოლოს გუროველები მაგ ადგილს სულ წაგართვამენ და ჩვენთვის დიდი სირცხვილი იქნებაო და შატილიონთ მწყემსებმა ეს თიკან-ბატკნები შატილისაკენ გარეკეს. ნათულა წამოეწია, ეხვეწებოდა ნუ მივიდისთ თიკან-ბატკნები, მე თქვენი მამიდა ვარო, მაგრამ აღარ დაიშალეს და გარეკეს შატილში. ამ დროს გუროს ჯვარში ათენგენა იყო, დღეობა და მთვრალი ხალხი იყო. გუროელმა ხოლიგამ გაიგო თიკან-ბატკნების გარეკა, სოფლის ჯარზე მივიდა და უთხრა: „დღეს შატილიონთ სირცხვილ დაგვდევს, თიკან-ბატკნები გაგვილაღეს, თუ ამაზე არაი ხქენით, ხვალ მავლენ შატილიონნი, ცოლებსაც გაგვილაღვენ“. მთვრალ ხალხს მეტი არ დასჭირდა, გაიქცნენ სახლებში და ფარხმლებით შეიარაღდნენ, წავიდნენ შატილზე დასაცემად. მათი გასავალი გზა ჩონქარაის კარზე იყო. ჩონქარამ და ნათულამ რომ გაიგეს გუროელნივ შატილისად დასაცემად მიდიანავ, საკლავ მიაგებეს, საკლავს ყელზე ნათულას მანდელ მახვიეს და იმით შეეხვეწნეს გუროველებს – ნუ მიხდითავ შატილავ. გუროელთ არც მანდელს უგდეს ყური-დ არც საკლავს. ხევსურეთის წესით, მანდლის გადალაგვა არ შეიძლებოდა, მანდელი და ისიც საკლავით.

ჩონქარათ ჰყავდათ ალალი ბიძაშვილი (შინში) კარკილა. სუიკათ ჰყავდა კირკილის მამა მოკლული და თავი ემართა. კირკილას ეთქვა სუიკათად: მამის თავს გაპატივებთ, თუ ეხლად დადბრუნდებით და შატილს არ წახოლთავ. სუიკათ აღარც კირკილას უხატრეს და წავიდნენ წინ. ბოლოს ჩონქარამ გალანძდა ხალხი: ჩემებ თიკან-ბატკნებ გალაღესაო-დ მე თაოდ მავიჯდივ სირცხვილსავ, მე თქვენ მაკდილ სირცხვილ რად მინდავ“. მაინც ვერაფერმა ვერ გასჭრა მთვრალ გუროველებთან. გუროელი ბათირა ძალიან ამაყი კაცი იყო და მან თქვა: დედა შეირთას ცოლად, ვინც დაბრუნდას და შატილ არ წავიდასავ. გავარდა ხიდზე და გაჰყვა სხვა ხალხიც. თან მისდევდა დიაც-

ყმაწვილი და მოხუცი ხალხი. დიაცები და მოხუცები ეხვეწებოდნენ – ნუ მიზდითავ, მაგრამ არას ვის უგონებდეს. მეშველად მაინც გამავადგებითავ, ამბობდნენ დიაცები და მოხუცი ხალხი და მისდევდნენ თან. გზაში შეხვდათ ერთი შატილიონი კაცი, ჩაღხია. საკლავი მიხყვანიყვ გუროს ჯვარში, საზღვენელად მიმავალიყვ. გუროელთ იმისად ცუდი არაფერი ეთქვა, რადგან ის მარტო იყო, სირცხვილი იყო ერთ კაცთან ბევრის ხალხის შუღლი. ხოლოდ გუროვლებს ჩაღხიასად ეთქვა, ჩვენ შატილს მივდით საშუღლარადა-დ შენ გუროს რაღა გინდაო. დაბრუნვილიყო უკან ჩაღხიაც, გზაში ენახა შატილიონი წყემსები, გიორგით ჩუა ყოფილიყო ერთ-ერთი წყემსი ყმაწვილი. ჩაღხიას ის გაეგზავნა შატილში და ეთქვა: მიდი, შატილს გაავებიყვ, რო გუროელნ მაღიანავ შაიარადებულნიყვ შატილიენებსთან საშუღლარადაო-დ შატილიენებმავ იარად აიღანავ. ჩუას გაეტეს ჳმა. შატილიონთ ეგონა, რომ გუროელნი ახლოს თუ მოვიდნენ სოფელთან, დიაც-ყმაწვილი დაშინდებო. აჩქარებულიყვნენ, რომ სოფლიდან შორს როგორმე შეეხვდეთო. თოფები აეღო და სიჩქარის გამო ფარხმალი ვეღარ წაეღო. მოხრობელმა თქვა: ხალხი ისე აჩქარებით წავიდა, როგორც წავა მოსისხლე მტრისაკე, სინამდვილეში კი გუროელ-შატილიონი ხალხი სულ ერთი მეორის ნათესავი იყო. დისწული, დედიძმა, სიძე-ცოლეული და სხვა. გუროელი და შატილიონი ქალი სხვაგან იშვიათად გათხოვდებოდა, თუ ამ სოფლებში არა. ერთი, იმიტომ, რომ ერთიმეორესთან ახლო ცხოვრობდნენ, მეორე, იმიტომ, რომ ერთი მეორის მსგავსი ხალხი იყო ადათ-ჩვეყვებით, სიყოჩადით და სხვა. ეგუებოდნენ ერთი-მეორეს. ახლა კი თიკან-ბატკნების გადასვლის გამო ორი სოფელი იარადით გამოვიდა ერთიმეორესთან საშუღლარად.

შატილის ჳალაზე ერთი ვიწრო ადგილია მღინარე არღუნის პირზე და იქვე პატარა ხიღია. ამ ხიღზე შეხვდნენ ერთიმეორეს გუროვლები და შატილიენები. ამ ხიღზე პირველად შატილიენები მივიდნენ, ხიღზე გადაეღობა დიაცები და ხნიერი ხალხი და აღარ უშეებდნენ მათ. ამ დროს გამოჩნდნენ გუროვლები; ხიღზე რომ გზა არ დაანებეს, შატილიენები წყალში გადახტნენ და გავიდნენ. ზოგები კლდის თბეს ამოეფარნენ თოფიანები. მოხრობელმა მგელიამ ასე მიამბო: „მაშინ მე ცამეტი წლის ვიყავ, იარად კი არ მქონდ, მაგრამ იქ კი ვიყავ. აერივნეს ერთუცში გუროელ-შატილიონნი, დადგ ჳმღების ჯავ-ჯუვი, თოფების ტრიალი (სროლა). თოფის ჳმა კლდეებს უჭმობდა-დ, თოფის ბოლი ნისლივით დაიდგ (იმ დროს ბოლიანი თოფები იყო, ქართული თოფები და ბერდანკები). ზოგი იქ წაიქც ხალხი, ზოგი აქ დაეყარ რიყესავით. ჩვენ სისხლმაგოზებულ ხალხ გვეგონა-დ ისეებ მკვდრებ ყოფილიყვ (სისხლ მაგოზებული: ზოგს სისხლზე გული უწუხდება და დროებით უგრძნობლად ვარდება). შუღლი არ გაგრძელებულა, ცოტა ხანს იყო, დიაცებიც მეშველობდესა-დ სისხლმაც შაზარ ხალხი-დ დაანებეს თავი ერთსხვის ჳოცას”.

ადგილზე მკვდარი დარჩა: ორი შატილიონი და ექვსი გუროელი. მომკვდრების გარდა, მძიმედ დაიჭრა და საკაცით წაიღეს: ექვსი გუროელი და ერთი შატილიონი. გუროველები მეტი იმიტომ დაზარალდნენ, რომ შატილიონები თოფებით შეუღლობდნენ და გუროველებს თოფები არ ჰქონდათ წამოდებული, ჯმლებით შეუღლობდნენ, სასიკვდილო ნაჭრევეები თითქმის არ დაითვლებოდა, იმდენი იყო. რომლებიც თავის ფეხით წავიდნენ, თითო კაცს რამდენიმე ჭრილობა ჰქონდა მიყენებული. ხალხი დამშვიდდა და ერთი მეორისაკე აღარ იწევდნენ. წავიდნენ, მკვდრებიც წაიღეს და მძიმედ დაჭრილებიც საკაცეებით. დაჭრილებს სოფლური ექიმები დააყენეს, მაგრამ მაინც დაიხოცნენ ამ ომში მიყენებული ჭრილობებისაგან. ადგილზე დაიხოცნენ შატილიონები: იმედა გორგალათი – მოკლა თუკათ თოთიამ, გუროელმა, იქვე ომში. თუკათ თოთიათ შინში, გიგიათ წიქა, დაიჭრა ამ ომში და ბობლაცობდა, ეს მოკლული იყო შატილიონ ბოციათ მგელიაისაგან, მაგრამ ტყუილად დაღბრალდა გორგალათ იმედას. თუკათ თოთიამ რომ თავისი შინში წიქა სასიკვდილოდ დაჭრილი ნახა, სხვას წაართვა თოფი, გორგალათ იმედას დახკრა და უთხრა: ემანი რო ეს ჩემ შინში ბობლაცობს, ეემის უნცროსიმც ხარ. წიქასავ საფარშით ქუდ გამაუგორდავ, იმას ჩამახყვავ, გორგალათ იმედამ ესრივაო-დ მაკლავ, დააბრალეს. ამაზე ბძოლაც იყო. გორგალა ამბობდა, ჩემმა შვილმა იმედამ წიქა არ მოკლა და თუკათ თოთიამ ჩემი შვილი ტყუილად მოკლაო. მკვდრის ამოდებაც გაბედეს; ტყვია, რომელიც მეორე მხარეს არ იყო გასული, უნდა ეცნო ვისი იყო, მაგრამ არც ეს მოხერხდა. წიქაისა და გორგალათ იმედაის თავი რჯულმა ერთიმეორეში გაღბარა. მაგრამ, გორგალაის მეორე შვილმა, ნანაიხძემ, მაინც მოკლა თუკათ თოთია, თავის ძმის, იმედაის სისხლისად. ნანაიხძემ რომ მოკლა თოთია და შატილისაკე წამოვიდა, მდევარი დაედევნა. თოთიას ახლო სახლისკაცი, ხოლიგათ თათარა, წამოეწია და ნანაიხძეც გზაში მოკლა. ნანაიხძის და თოთიას თავიც რჯულმა ერთიმეორეში გაღბარა.

ამავე ომში მოკვდა მამულა შატილიონი, ბულაურთ მამიდან. მამულა მაშინ ემაწვილად იყო და დედა იჭერდა და ხალხს ეხვეწებოდა: თქვენი ჭირიმე, ნუ მომიკლავთ, ერთი შვილი მყავსო. გუროელმა სიგირგალმა დედის ხელში დაჰკრა თოფი და მოკლა მამულა. ამ დროს მამულას დაც აქ იყო, ლელიკა. ამავე ომში მოუკლეს ახალგაზრდა საქმრო – გუროელი გიგიათ წიქა. ახლა ეს ძმაც მოუკლეს, ქალმა ვედარ აიტანა და გადახტა წყალში. ცოცხალ-მკვდარი გამოიყვანეს, მაგრამ დაავადდა და მალე მოკვდა. ამ ომში გუროელი ხთისიათ სამუკა მოკვდა, სუკიათ გვარიდან. ეს დაბრალდა სიგირგალისაგან მოკლულ მამულას სახლისკაცებს, ე. ი. ბულაურთ ჩუას და გამახელას. სამუკას სამი ნატყვიარი სჭირდა და სამივე აქ აღნიშნულ პირებს დაბრალდა. თუმცა ესენი მამულას ახლობლები არ იყვნენ, მაგრამ რჯულმა სიგირგალისაგან მოკლული მამულას თავი გაბარა მამულაის შორეულ სახლისკაცებისაგან მოკლულ სიგირგალის სახლისკაც ხთისიათ სამუკაის თავში.

ამ ომში თორელთ ჩონქარამ ვმლით დაჭრა შატილიონი თიყათ ნია, რომელიც ამ ჭრილობისაგან მოკვდა. რამდენიმე წლის შემდეგ, რადგან ჩონქარა დაავადებული იყო და მისი მოკვლა სასახელოდ აღარ მიაჩნდათ, ჩონქარას ცამეტი წლის შვილი – ხთისო მოუკლეს. ხთისო პატარა მშვილდ-ისრით ჩიტებზე სანადიროდ გამოსულიყო. ჩონქარასაგან მოკლულ ნიას შვილმა, მიხამ და მისმა ბიძაშვილმა ხოლიგამ ესროლეს და ნიას სისხლისად მოკლეს ეს ყმაწვილი. მერე რჯულმა ამათი თავიც ერთიმეორეში გაღბარა.

ამავე ომში დაიჭრა და ჭრილობისაგან გარდაიცვალა კოკოთ გიგია, შატილიონი. მისი ნაჭრევი საარდაროდ გახდა, ჩონქარაი და სიგირგალი (გუროვლებია) იბრძოდნენ: არა შენმა ნაჭრევი მოკლა და არა შენმაო. რჯულმა სიგირგალს ფიცი უთვალა, მან თექვსმეტი კაცი ხელს მოიკიდა და დაიფიცა; თავი დაედო ჩონქარას (კაცის თავზე თუ იფიცავდნენ, თექვსმეტი კაცი უნდა მოკიდებიყო ხელს სახლისკაცებიდან. თუ დიაცის თავზე იყო ფიცი, მაშინ რვა კაცი უნდა ჰყოლოდა ხელსმომკიდე და მაშინ იყო ფიცი სრული. თუ ამდენი ხელსმომკიდე არ მოუგროვდებოდა, მაშინ ფიცი გატეხილად ჩაითვლებოდა და გამტყუენდებოდა ის, ვისაც ფიცი ჰქონდა რჯულისაგან დავალებული). ამ სისხლზე მოკლეს ჩონქარაის სახლისკაცი, თოთიათ ივანე. ეს მოკლა გიგიაის შვილმა – გიორგიმ და ორი სახლისკაცი ეტანა თან – თათიაურთ გიგია და ნათელიზძეთ გიგია. კოკოთ გიგიაის და თოთიათ ივანეს თავი რჯულმა ერთიმეორეში გაღბარა. საუკენმამკვდრო ხუთი ძროხა გუროელ ბათაკათ აიღეს (წინწინ, პირველად მომკვდარი თუ უბედო ან უცოლშვილო იყო და იმის სისხლზე მოკლეს კაცი, მაშინ საუკენმამკვდრო გაუდის; ეს, რომ უბედო, უცოლშვილო კაცის სიკვდილი მწვავედ დგას, რადგან ის სულ ისპობა უშთამომავლობოდ და მისი მკვლელის მოკვლა სამართლიანია; თუ პირველად მოკლულს შვილები, შთამომავლობა დარჩა და სულ არ ისპობა, მაშინ შედარებით მსუბუქად ითვლება ასეთი კაცის სიკვდილი და მისი მკვლელის მოკვლისათვის უნდა გაიღოს ხუთი ძროხა საუკენმამკვდრო). რიგის ყენებისათვის პირველ ხანებში გუროელ-შატილიონებს თავი ჰქონდა მინებებული, რამდენიმე წლის შემდეგ კი ხევსურეთის რჯულის მიხედვით იწყეს რიგის ყენება, რომელიც მოხრობლებმა ვერ გადმომცეს, ვინ როგორ უყენა რიგი.

ლეგუა შატილიონი ბულაურთ მამიდან იყო და შატილიონთაგან გუროვლებისათვის ნასროლი ტყვიით დაიჭრა. ამისი დაჭრა დაბრალდა ჯალაბაურთ ლევანს. ბოლოს ლევანი ხანჯლით მოკლა ამავე ბულაურთ ერთ-ერთმა კაცმა ნიკომ. ლევანს ორი პატარა ბავშვი დარჩა და თავი თავში გაბარეს.

თათართ ხთისო მოკლეს სუიკათ: თაველექათ ბიძურამ, ხოლიგათ თათარამ და სამუკათ ბესომ (იმათ სახლისკაცის ჭირზე). ჭიელთ ნიკო, გუროელი სუიკათი, მოკლა მანგიათ ბეწიკაის შვილმა – კვირიკამ ომშივე და დააბრალა ჯალაბაურთ ოჟიათ ბაბოს შვილს, ბაჭყიას. რჯულმა ფიცი ბაჭყიას დაავალა, მაგრამ ხელს მომკიდებები

არ მოუგროვდა. მერე მანგიათავ დაიფიცეს ტყუილად და დაუმტკიცეს ისევ ბაჭყიას, რადგან მანგიანი ბევრნი იყვნენ და ჭელსმომკიდებებიც მოუგროვდნენ. ჭიელთ ნიკოს ცოლად ჰყავდა კვირიკაის და. ხალხმა გაიგონა, როცა კვირიკას ეუბნებოდნენ თავისი დედა და თავისი და, რა ქენი, სიძე რად მოკალი ნიკოს, როგორი საცოდავი დედადები დარჩა მაგისიო. მაგრამ იმან ტყუილად ფიცით თავი მოიშორა და ბაჭყიას გადააბრალა. მერე წამოვიდნენ სუიკანი, საფეხვნოსთან ახლოს ჩაუსაფრდნენ და ფეხონში ნაჯდომი ბაჭყია მოკლეს მანგიათ აპარეკამ და ძაღლიკათ იმედამ. სუიკათ ახალგაზრდები, კიდევ ოთხი კაცი, შატილის პირდაპირ მსხდარიყვნეს, მღევრად წასულ შატილივნებს აუტეხეს სროლა და არ გაუშვეს. მოხრობელმა თქვა: „ამ ტყუილად ფიცზე მანგიანი გათავებაზე მივიდეს; კვირიკა, იდუკათ ჯოყოლას ცხენმ გალაჭ. ერთი შვილი მაუკვდ, ერთ შვილიც ასეთ უბედური, რომ დიდხანს არ გასტანს მაგის სიცოცხლე. სახლისკაცებიც, ვინაც ტყუილად ფიცზე ჭელს მაეკიდნეს, სრუ გათავებაზე არიან მიმდგარნი.“

რჯულმა ბაჭყიას და ჭიელთ ნიკოს თავი ერთიმეორეში გაბარა, ხოლოთ, ტყუილად დაბრალდა ბაჭყიას უკაცურობის გამო. ზემოთ ითქვა, რომ კვირიკა ცხენმა მოკლაო. კვირიკა რომ ჯოყოლამ გაალაჭვინა ცხენს (ჯოყოლა არდოტელია), კვირიკაის შვილმა ივანემ და შიშიათ იმედამ, ივანეს სახლისკაცმა, მაკლეს ჯოყოლას მამა იდუკა და გაიბარა თავი თავში. საუკენმამკვდრო აიღო ჯოყოლამ, რადგან კვირიკა ცოლშვილიანი იყო.

ამ ლევანსა და ბაჭყიას რადგან ჭელსმამკიდებები არავინ ხყვანდა, ამიტომ ტყუილად ბევრი კაცის თავები დააბრალეს (ლევანი და ბაჭყია ძმები იყვნენ). ისევ მანგიათ მამიდან იყო გაგათ სამუკა. მისაგან მოკლული იყო გუროელი ბადათ იმედა (სუიკათ მამიდან). ისევ მანგიათ დაიფიცეს, რომ ლევანმა მოკლაო და ტყუილად დაუმტკიცეს მას ფიცით. წამოვიდნენ სუიკანი – მედაის ძმა თორელი და თაველექათ ბიძურა, ესროლეს ლევანს და ორი ტყვია დახკრეს, მაგრამ ისევ გადარჩა. ლევანის ძმას, ბაჭყიას, ნამდვილად მოკლული ჰყავდა გუროელი ბენტერი, ბაჭყია აღარ იყო და ერთი ტყვია ბენტერის შვილმა დაჰკრა ლევანს; ის ისევ გამორჩა. მოხრობელმა თქვა, ლევანს მუცელში გველი ჰყავდა, ჭრილობებს ულოკავდა და იმიტომ რჩებოდაო.

ლევანს ორი ობოლი შვილი დარჩა, როცა ის ლევუაის სისხლზე მოკლა ნიკომ. ის ობლები გაიზარდნენ და სადღაც ჩრდილო კავკასიაში წავიდნენ. ბადათ იმედაის თავი გაუთავებელი დარჩა. თავი თუ გათავებულიყო, იმედაის თავში თექვსმეტი ძროხადა ერგებოდა, რადგან ლევანი იმათაგან თოფდაკრული იყო.

ამ ომში მოკლეს გუროელი ძაღლიკა, ბათაკიათი. მანგიათ ვაჟუნამ მოკლა. ამის სისხლზე მანგიათ აპარეკამ და თაველექათ ბიძურამ ვაჟუნას ესროლეს და ფეხში დაჭრეს, ხოლოთ ცოცხალი გადარჩა. ამის შემდეგ აღარ უსროლიათ და თავი დარჩა. ვაჟუნათ ხთისო რიგს უყენებს. ომში დაჭრილი იყო გუროელი იმედათ ბათირა,

სუიკათ მამიდან. ეს იყო დაჭრილი ანატორელთ ნიაისაგან და ამ ჭრილობისაგან მოკვდა. ანატორელთ დაედო სუიკათ თავი. მერე სუიკათ მამის კაცმა აპარეკამ ცოლად წაიყვანა ანატორელთ ხთისოს ცოლი, თარუა; ხთისოს მამა აბულეთი იყო და სუიკათ ჭელისქვეითად აღარ დაუდგა – თქვენ ჩვენი ცოლი წაიყვანეთო, მაგრამ აქ სისხლის საქმე უფრო მძიმე იყო და ამიტომ ისევ სუიკათ კაცმა უთურგამ აბულეთი მოკლა ხანჯრით. ესენი ახლობლები არ იყვნენ, მაგრამ რჯულმა თავი თავში გააბრია.

ამ ომში და ომის შემდეგ სისხლზე სულ დაიხოცნენ შატილიენები: 1. იმედა, 2. მამულა, 3. ნია, 4. გიგია, 5. ლეგუა, 6. თათართ ხთისო, 7. ბაჭყია, 8. აბულეთი, 9. ნანაიზძე, 10. სადარა; ქალი – ლელიკა (თავი მოიკლა). გუროვლები არიან, მაშინვე და შემდეგ დახოცილნი ამ სისხლზე: 1. წიქა, 2. შალიკა, 3. თოთია, 4. სამუკა, 5. პენტერი, 6. იმედა, 7. ძაღლიკა, 8. ჭიელთ ნიკო, 9. ბათირა, 10. ჩონქარათ ხთისო, 11. თოთიათ ივანე. ამ ამბავზე ვინც დაიხოცნენ, ზოგიერთის ცნობების უქონლობის გამო, ვერ დაიწერა, ვინ ვისგან იქნა მოკლული, ან ვის სისხლზე. ამავე ომში დაიჭრა ქაცუაურთ თორელი, ბარკალში იყო დაჭრილი გორგალაისაგან. გორგალასაც სჭირდა პატარა ნაჭრევი თორელისაგან. გორგალაის შვილის ნანაიზძის მოკვლაში თორელიც მონაწილე იყო. თორელი გორგალასაგან მოითხოვდა სამთელსამკედროს ოცდაათ ძროხას, რადგან ტყვიით იყო დაჭრილი; მაგრამ, აღარ ერგებოდა ამდენი, რადგან თორელსაც ჰქონდა ზემოთ აღნიშნული დანაშაულები და ამიტომ ვერ თანხმდებოდნენ. ადგა თორელი და გორგალაის სახლისკაცს, ხახუათ სადარას, თოფ დაჰკრა და მოკლა.

თორელის და იყო გათხოვილი ლიქოკში და შვილებიც ჰყავდა. თორელის შვილი და მისივე დისშვილი ძალიან გავდნენ ერთიმეორეს. შატილიენებს უნდოდათ თორელის შვილი მოეკლათ. მაგრამ ვერ იცნეს და, მისი გონებით, მის მაგიერ მაკლეს თორელის დისშვილი ხახუამ და გორგალათ ბათირამ. მერე მოინდომეს თავის გაბრა თავში. მაგრამ ლიქოკლებმა უარი თქვეს: ჩვენი შვილის თავს გუროვლის თავში არ გავბრითო. თორელი რიგს უყენებდა შატილიენებს და შატილიენები ლიქოკლებს, თუმცა, ხევსურეთის რჯულის მიხედვით, არასწორად; მაგრამ მაინც, რჯულმა შემდეგნაირად შეათანხმა: რიგის საკლავი თორელმა თავის დისშვილებს უნდა მოუყვანოს წელიწადში თითოჯერ, როგორც რიგის ყენების წესია, რადგან მისი დისშვილი შატილიენებმა მოკლეს მისი შვილის გონებით. შატილიონთ კი რიგს აღარავინ უყენებს, რადგან თორელს მათთვის მისაყვანი რიგის საკლავი, მათგან მოკლული თავის დისშვილის რიგის საკლავად მიყავს შატილიენების მაგიერ. ამ სისხლის საქმეზე ქაცუაურთ ერთიმეორე მოიკვეთეს. ქაცუაურნი ორ მამად იყრებიან: ბიჩინაგანი და სოსანანი. თორელი ბიჩინაგათია და სოსანანი

მათი განაყრები იყვნენ. შატლიენებმა შემოუთვალეს: თუ ბიჩინაგათან ძმობას გახყროთ, თქვენ ჩვენი თავი აღარ გემართებათ, თავისუფლები დარჩებითო. აღგნენ და სოსანათაც მაკვეთნეს ბიჩინაგანი და დარჩნენ შატლიონთ მოსისხლეობიდან თავისუფალნი.

ბაბუკთ ნათელიზბე

ჩამაწერინა ბაბუკ არაბულმა 1940 წელში, 75 წლისამ, სოფ. დათვისი

არაბულების გვარი ხევსურეთში ცნობილია ხალხის სიმრავლით. ისიც ცნობილია, რომ ისინი კიდევ ორად იყოფიან: ბიჩინაგურები და ჩუჩაყურები. მერე კიდევ მამებად იყოფიან. ბაბუკი და მისი შვილი ნათელიზბე არაბულები იყვნენ, არაბულებიდან ბიჩინაგურნი, ბიჩინაგურებიდან – მარაიზბეთი და მარაიზბეთანით კიდევ ცალკე მამა – გაგიელანი. ბაბუკი ცხოვრობდა ყაზბეგის რაიონში, სოფელ ჯუთაში. სახელგანთქმული იყო ვაჟკაცობით, ჯიხვებზე ნადირობით და ოჯახისშვილობით, პურმარილით. ჩვენ ვიცით, რომ არაბულები ჯუთაშიც ცხოვრობენ და ბუდე-ხევსურეთშიც სხვადასხვა სოფლებში არიან დასახლებულნი. მარაიზბეთ მამის ხალხნი ცხოვრობენ ჯუთაში, დათვისში და ზეისტეჩოში, სოფელ ესაჩუში. ამ ხალხთ, როგორც ერთ სოფელში, ისევე სხვა სოფლებშიც ჰქონდა ადგილის წილი, რადგან ერთიმეორესთან ახლო განაყრები იყვნენ. სადაც ვინ მოისურვებდა, იქ დასახლდებოდა. გადაუცვლიდნენ ერთიმეორეს სახლ-კარს, მამულს, ან სახლს იყიდდნენ და მოსულს სახლისკაცები მამულს თავის თანასწორად მისცემდნენ.

ბაბუკი, როგორც ვთქვით, სახელგანთქმული იყო ყველაფრით, რაც ხევსურეთში ვაჟკაცს უნდა ახასიათებდეს. ერთხელ ბაბუკსთან იშუღლა ხუთმა ხევსურმა სანეს სანე გუდანის ჯვარის მთავარი სადღეობო ადგილი იყო, სანეობა წელიწადში ერთხელ მოდიოდა ივლისის თვეში. ეს ადგილი მდებარეობს გუდანის ზევით მთაზე და ამ დღეობაში თავს იყრიდა მთელი მაგანძური, არაბული, ჭინჭარაული და გოგოჭური. მათი ქალ-ქალიშვილი და მრავალი ხალხი მოდიოდა. ხშირ შემთხვევაში ხდებოდა შუღლი, მიუხედავად იმისა, რომ აკრძალული იყო ჯვარისაგან. როგორც სხვა ხალხი, ბაბუკიც აქ იყო მოსული, ფარით და ხმლით შეიარაღებული. ერთ ხევსურთან მოუვიდა ჩხუბი და ბაბუკმა ის რომ დაჭრა და დაამარცხა, მას სახლისკაცები მიეშველნენ და ხუთი კაცი გახდა ბაბუკთან მაშუღლარი. ხევსურები იტყოდნენ: ხუთი სცა და ხუთთავე უფარაო. ხუთნივე ჭრნა და მას კი სიწითე ვერ გამართვესო, ე.ი. ხუთი ხევსური დაჭრა-დაასისხლიანა, ფარი ისე მარჯვედ იხმარა, რომ ერთი ჭრილობა ვერ მიაყენეს. სხვაფრივაც ბაბუკი ძალიან თავმოყვარე იყო.

ჯუთაში ხალხი გაქურდებული იყო, იპარავდნენ ერთიმეორის ოჯახებიდან ერბოს, ცხვრებს და სხვა წვრილმან რამეებს. ბაბუკს ჰყავდა შვილები – ერთი ვაჟი და ერთი ქალი. ნათელიზძე ჯერ კიდევ პატარა იყო, რომ ჯუთლებმა ჩაითრიეს და წვრილმან ქურდობაში მიაღებინეს მონაწილეობა. ბაბუკმა ეს იუკადრისა და გადაწყვიტა: თუშე ეს ბავშვი აქედან არ მოვაშორე, ეს ხალხნი დამიდუპავენ, ქურდობას ასწავლიანო. ადგა, დათვისში იყიდა სახლი და იქ გადასახლდა თავის ცოლ-შვილით. აქაც კაი ცხოვრება შეიძინეს და ყველაზე უკეთესად ცხოვრობდნენ. წამოიზარდნენ ქალ-ვაჟებიც. ბევრი სტუმარი და მიმსვლელ-მომსვლელი ჰყავდათ, რადგან ძალიან კარგი ოჯახი იყო დედ-მამიან - შვილებიანად და ცხოვრებაც ხელს უწყობდა.

ამავე სოფელში ცხოვრობდა არაბულების გვარიდან ერთ-ერთი მამა, დავითაურნი. ესენი მარაიზძეთ მამასთან შორს იყვნენ, მაგრამ გვარი ერთი ჰქონდათ. დავითაურთ მამაში წამოიზარდა ერთი ძალიან კარგი ახალგაზრდა – ბაბუა ჩალხასძე. ხევსურები იტყოდნენ, რჩალხათ ბაბუას ხევსურეთში ბადალი არა ხყავსო. ბაბუა და ბაბუკის ქალი თამარი ერთიმეორეს დაუახლოვდნენ, როგორც ერთი გვარის ქალ-ვაჟები. დაიწყეს სწორფრობა და ერთიმეორისათვის მიყულ-მოყულა. ერთიმეორე ძალიან შეუყვარდათ, მაგრამ რჯული უფლებას არ აძლევდა ცოლ-ქმრობისას, როგორც ერთი გვარისებს.

არაბული გამრავლდა და ქალი ვედარსაიდან მოგვეყავსო. ერთხელ კრება მოიწვიეს არაბულებმა: გვარი დავითაურთ და სხვადასხვა მამის ხალხმა არაბული შეერთოს, გარდა თავის მამის ქალ-ვაჟისაო. ეს პირი სწორედ ბაბუკმა, მინდიათ აბამ და გოგიტამ ჩაუშალეს (ესენი არაბულების გვარში მოწინავე ხალხნი იყვნენ). კრებაზე ისინი რომ მოვიდნენ, ხალხს უთხრეს: „ჩვენ უცოლობის გულისთვის გვარს და ძმობას ვერ გავხყრიით. თავის დას ვინც შეერთავს, ის რა ცოცხლებში უნდა ითვლებოდეს. ვინც ცოლს ვერ მაიყვანს, უცოლო დაბერდეს და მაკვდას. ჩვენ იმის რჯულს ვერ დავზდებთ, რომ და-ძმებმ იცოლქმრან. მაშ რას ხქვიან კაცობა, სირცხვილ-ნამუსი, და-ძმობა, თავისობა“. ამ სიტყვებს ზოგიერთმა სხვებმაც დაუჭირეს მხარი და ჩაიშალა პირი. დარჩა ისევ ისე, რომ არაბული ქალვაჟი ერთიმეორის და-ძმად ითვლებოდა და გაცოლქმრების უფლება არ ეძლეოდათ. ეს უშლიდა ხელს თამარს და ბაბუას, მაგრამ ეს ახალგაზრდა იქამდინ თამამი იყო, რომ არც პირი და არც ხალხი არაფრად ჩააგდო და თამარი ცოლად მოიყვანა. გამწარდა ბაბუკი და ნათელიზძეც. სხვა გარეშე, ამათი მოგვარე ხალხიც წყინობდა ამ ამბავს და ნათელიზძეს აქეზებდნენ ბაბუას მოსაკლავად. ბაბუას მოკვლა არ უნდოდა ნათელიზძეს, რადგან ძალიან კარგი ახალგაზრდა იყო და არ ემეტებოდა, თან კი ნაწყენიც იყო მასზე. ბოლოს ნათელიზძეს ბაბუკმაც უსაყვედურა: ჩალხაის შვილმა და გაგტაცა და თავისუფლად დადის, არ გეპოვებაო. ბაბუკს ვიღაცამ კი

მოუტანა ამბავი: ბაბუამ თქვა, მე გაგივლანი ვერ მამკლავენ, იმათ ნასროლ ტყვიას ხელს შეუდობებ და ისევ იმათაკე მივაბრუნებო. ბაბუკმა ეს ამბავიც უთხრა შვილს და დაუმატა: აი, ჩაღხაის შვილი ამის მეტად არ გვაფასებსო.

ნათელიზძეს მეტი გზა აღარ ჰქონდა, წავიდა ღამით და ბაბუას სახლის პირდაპირ ტყეში ჩასაფრდა. ბაბუა ჯერ-ჯერობით სოფელში არ გამოდიოდა. მაგრამ თავის სახლის მიდამოს კი დღისითაც დადიოდა, არ იმალებოდა. თან იმედი ჰქონდა, ნათელიზძე მე მოსაკლავად არ გამიმეტებსო. ნათელიზძე კი იმის მოსაკლავად უკვე ჩასაფრებული იყო და ელოდა იმის გამოსვლას. გათენდა. ცოტა ხნის შემდეგ ბაბუა გამოჩნდა ჭერხოს კართან. ნათელიზძემ ესროლა და სასიკვდილოდ დაჭრა. თვითონ ადგა და სოფელ გველეთში გადავიდა. დარჩა თამარი ძალიან ცუდ მდგომარეობაში. ხევსურეთის წესით მისი აქ ყოფნა აღარ შეიძლებოდა, რადგან ბაბუა კვდებოდა იმის ძმისაგან. თან აღარსად ჰქონდა წასასვლელი. ბაბუაც ძალიან უყვარდა და მოშორება ეძნელებოდა. ბაბუა ჯერ კიდევ ცოცხალი იყო. დედ-მამას და სახლისკაცებს სთხოვა: თამარს ნურასვინ აწყენო, ესეც ჩემგან ჩავარდა ამ უბედურ მდგომარეობაშიო. ბაბუას სიტყვა გაიგონეს და თამარს ყველანი კარგად ექცეოდნენ. ბაბუამ ორი დღე კიდევ იცოცხლა და თამარი სულ გვერდზე ეჯდა. ბაბუამ თქვა: არ მეგონა თუ ნათელიზძე ასე გამიმეტებდაო. თამარი უვლიდა და ეუბნებოდა: შენ თუ ვერ მორჩი, მეც მალე თავს მოვიკლავ და საიქიოში შენთან მოვალო. ბაბუა გარდაიცვალა. მის დასაფლავებამდინ კი იქ იყო თამარი. მერე თანდათან უხერხული გახდა ამის აქ ცხოვრება და წავიდა აქედან. სახლში მისვლა ვერ გაბედა, რადგან მისი ბრალი იყო ეს უბედურება და სხვა ნათესავებში მივიდა. რიგის ყენების ამბავს აქ აღარ ვეხებით, რადგან რიგის ყენების წესები ზემო თავში არის აღნიშნული. მხოლოდ, ხევსურეთის რჯულის მიხედვით, ყველა რიგი უყენეს. მოსისხლეები ხანდახან რიგს არ იყენებენ. დავითურებმა რიგი მაშინვე იყენეს. სახლის რიგი, გვარის რიგი, სადედო – დედამ. ერთი სიტყვით, რიგი უყენეს. რიგის ყენებამდინ ბაბუკი აქ იმალებოდა. მერე ადგნენ და არხოტში გადაიხიზნენ. ბაბუკის ცოლი სოფელ ახიელიდან იყო, ოჟია ოჩიაურის ქალი და ამ სოფელში მივიდნენ ამანათად. ერთი საკლავი არხოტის ჯვარში მიიყვანეს და მიაბარეს თავი ჯვარს და ხაღხს. სოფელმა ამანათობაზე უარი არ უთხრა და მიიღო ისინი. ერთი სახლიც უშოვნეს, ჯვარის მამულიც მისცეს და თავის საკუთარ მამულებსაც ახენევენებდნენ. ისინი ძალიან მშრომელი ხალხნი იყვნენ და აქაც მალე კარგად მოეწყვნენ. სოფელმა ნება დართო, სახლი და მამულები ეყიდა. სახლიც იყიდეს და მამულებსაც ყიდულობდნენ, ბარში გადასული ხევსურებისას. ხევსურები ე.ი. დავითაურები ცდილობდნენ: ან შვილი მოეკლათ ან მამა, მაგრამ არხოტში ადვილი არ იყო ასეთი რამე. ერთხელ ბაბუკი მთაში ჯოგს აძოვებდა და ერთი ხევსური მოვიდა, რაღაც ამბავი მოუტანა მისი სახლისკაცების დაზიანებისა და უთხრა: დაგიბარესო, მამა და შვილი წამოვიდნენო. ეს ყოფილიყო ჯანიკო ჳირჩღაის

შეილი ხთისო, დავითაურთ გარეთული სახლისკაცი. თურმე ეს კაცი ბავშვობიდანვე ბაკურხევში გაიზარდა, არც ბაბუკს იცნობდა და არც ბაბუკი მას. მერე ის კაცი წასულიყო და არხოტის მთაზე სანგალი გაეკეთა და ჩასაფრებულიყო. მამა-შეილი ან ორივე, ან ერთი წამოვა, აზრით გავიგებ, რომ შეიარაღებული იქნებიან, შეემჩნევა, ვინ არიან და მოვკლავო. მაგრამ ბაბუკი ბრიყვი კაცი არ იყო, ეჭვი აელო, რომ ვიდაცა დავითაურთ კაცი უნდა ყოფილიყო და აღარ წავიდნენ. თუმე ჯანიკო ხთისო ორ დღეს ელოდა არხოტის მთაზე ბაბუკის და იმის შეილის მისვლას, მაგრამ ისინი არ მივიდნენ იქ.

თანდათანობით დრომ გაიარა. დავითაურთ გულიც დამშვიდდა. დავითაურთ ჯერ ბაბუკის ახლო სახლისკაცები შეიყარეს პირს და ბოლოს ბაბუკი და იმის შეილიც პირს შეიყარნეს და თოფი აიღეს, აღარ იძევენ თოფით მოსაკლავად. მხოლოდ სადაც დავითაურთ ვინმე იყო, ისინი ადვილად არ მიდიოდნენ. წელიწადში თითო რიგის საკლავს და არაყს უგზავნიდნენ და იმასაც სხვის ხელით. დავითაურთ არ ენდობოდნენ, რადგან ძალიან ამაყი და შურისმაძიებელი ხალხი იყო. ხევსურები ამბობდნენ: სადაც დავითაურთნი არ არიან, იქ ეშმაკი ვერ გაიმარჯვებს, შუღლი არ იქნებაო. ერთხელ ეშმაკმა მიინდომა ჯარზე მისულიყო და ხალხი ეშუღლა (შუღლი ეშმაკის საქმედ ითვლებოდა, შერიგება – ანგელოზის საქმედ). წავიდა ეშმაკი, ამბობდნენ ხევსურები, მივიდა ჯარზე, სადაც სმა იყო. დაათვალიერა და იქ დავითაურთი ვერავინ ნახაო. მობრუნდა და უკან წამოვიდა, აქ დავითაურთი არავინ ურევია და მე რას გავიმარჯვებო. ასეთი ხმები იყო დავითაურთებზე. მაგათი ჭირი ქვასაც არ სცხავავ, თორე კაცს ეგენ რას შაარჩენენავ. ამიტომ განზე იდგნენ და ახლო არ მიდიოდნენ. დათვისშიც აღარ წავიდნენ. სახლიც ჩაჭოვლდა (დაინგრა). მამულებიც გაყამირდა და ბაბუკო ყველაფერს თავი დაანებეს. ნათელიზძეს იქვე არხოტში, სოფელ ამლაში, ქალი მოეწონა; ცოლად მოყვანა უნდოდა, მაგრამ მოსისხლეთ ნებადაურთველად ვერ მოიყვანდა. ბაბუკმა შუაკაცი გაგზავნა, ერთი საკლავი წააყვანინა, ტიკით არაყი და დავითაურთაგან ითხოვა, ნება მიეცა ნათელიზძისათვის ცოლის მოყვანისა. დავითაურთებმა ნება დართეს და ნათელიზძემ მოიყვანა ბერდიშვილთ მამიდან აბიკათ გაგაის ქალი ნანუკა.

თამარი ჯერ ნათესავებთან იყო და მერე დედიძმით მოიყვანეს და მამა-ძმებმაც აპატიეს უწესო გათხოვება და შეირიგეს. ბაბუა ჯერ კი ახსოვდა, მერე კი გაერთო ისევ სწორფრობაში და ბაბუა თანდათან დაავიწყდა. ერთი კარგი ახალგაზრდა იყო ბერდიშვილთავე მამაში. ის სახელიანი იყო, ქისტების მხოცელი და თამამი, სახელად ერქვა ბაბუტა, რომელიც მტერ ქისტებს შიშის ზარს სცემდა და ამის სახელით მთელი გვარიც ამაყობდა. თამარმა რომ დაინახა ასეთი სახელოვანი ახალგაზრდა, არანაკლები ჩაღხათ ბაბუაზე, ჩაღხათ ბაბუას ხსოვნა მის გულში სულ გაქრა და ახლა ახალი მეგობარი გაუჩნდა, გაყვა მას ცოლად. კარგ ქმარ-

შვილში ჩავარდა, კარგ ოჯახში, მაგრამ იმის მამა-ძმათ კი კაცის თავისისხლი არ მოშორდა. ხათრი, მრავალი ხარჯი, ადგილის დაკარგვა და სხვა.

ბაბუკი დაბერდა, მაგრამ ჯიხვებზე ნადირობას მაინც ვერ იშლიდა, რადგან ახალგაზრდობაში დიდი მონადირე იყო. უკანასკნელად ჭიმდის კლდეში წავიდა სანადიროდ და დაიკარგა. ერთი კვირის განმავლობაში თემი და სოფელი ეძებდა, ხან ფიქრობდნენ: დავითაურთ ხომ არ მოკლეს და დამალესო. მერე მოკლულ ჯიხვს შეხვდნენ კლდეზე გადმოვარდნილს, მოძებნეს და ბაბუკიც იმის ზემოთ მკვდარი იპოვეს. თურმე ესროლა ჯიხვს და მოკლა, ჯიხვი ძალიან ცუდ მისასვლელ ადგილას გაჩერებულიყო. ბაბუკი ახალგაზრდობის დროს ნაჩვევი იყო კლდეში სიარულს, მაგრამ სიბერის დროს ისე მარდად ვეღარ მოიქცეოდა. მისულიყო ჯიხვთან და კლდიდან დაეგორა (მერე ნავალზე გამოსარკვიეს ეს ამბავი). ჯიხვი რომ დაგორებულიყო, რქა, რამეს მოედო თუ თავი ვეღარ შეიმავრა, ბაბუკიც თან გადმოჰყლოდა დაგორებულ ჯიხვს. ამ ფიცარ კლდის ბოლოში ბალახიანი პატარა ადგილი ყოფილიყო და ბაბუკი იქ გაჩერებულიყო. თავი ჰქონდა ცოტათი გატეხილი. ამდგარიყო, ცოტა იქით გაეწეო და კლდის პირას მიწოლილი მომკვდარიყო. მოასვენეს და არხოტში სამი დღე იყო. ხარჯები აქ არხოტში გადაუხადეს, ცხენ დოღვი და სხვა. დარჩნენ ნათელიზძე და მისი დედა. ცოლიც მოიყვანა და შვილიც ეყოლა, ქალი.

ნათელიზძე პირველ ხანებში ჭკვიანად ცხოვრობდა და მერე დაიწყო ამაყობა. არხოტივნები, ზოგიერთი ახალგაზრდები ქისტეთიდან იტაცებდნენ ცხენებს, ცხვრებს და ნათელიზძეც ამათ აჰყვა და მონაწილეობას ღებულობდა. მშვიდობიან ხალხს ეს არ მოსწონდა, ისინი ეუბნებოდნენ ყველა ქურდებს: დაანებეთ თავი, ქისტეთში ნუ ქურდობთ, თორემ ქისტები ბევრნი არიან, ამასთან, თქვენზე მეტად ქურდები და ყოჩაღები, მოვლენ, გაგვანადგურებენ და მერე ჩვენ თქვენგან მოვითხოვთ ზარალის ანაზღაურებასო. მართლაც, აღნიშნულმა ქურდებმა ჯერ ოცი ცხენი მოიტაცეს, მერე ორასზე მეტი ცხვარი მოიტაცეს, მწვემსიც მოკლეს. ქისტებმა კაცი მოგზავნეს საითა (საითამ ქართული ენა კარგად იცოდა), დაგვიბრუნეთ ცხენები და ცხვარი, თორემ კაი საქმე არ იქნება ჩვენსა და თქვენს შორისო. მიუხედავად ხალხის თხოვნისა, გათამამებულმა ქურდებმა არაფერი დაუბრუნეს.

გაიარა ზაფხულმა. შემოდგომის ხანზე მთელმა ქისტეთის ლაშქარმა მოიყარა თავი. დაეცნენ არხოტში და ორი სოფელი – ამდა და ახიელი სულ გაანადგურეს. მესამე სოფელს, ჭიმდას, ხელი არ ახლეს, რადგან ისინი ბეგარასაც აძლევდნენ და ქურდობაში მონაწილეობას არ ღებულობდნენ. ქისტებმა, ანუ დიდღველებმა (ერთი და იგივე არიან) ღამე ორივე სოფელს ალყა შემოარტყეს და ხელში ჩაიგდეს. სოფელ ახიელიდან ტყვეებიც წაიყვანეს, პირუტყვიც გარეკეს და შინაური ქონებაც წაიღეს. ამდაში კი ხალხმა გაუგო მისვლა და ქვიტკირებში გამაგრდნენ. ნაწილი

პირუტყვი აქედანაც გარეკეს, ერთი კაცი, ერთი დიაცი და ერთი პატარა ქალიც მოკლეს. აგრეთვე მოკლეს ერთი ცხვრის მწყემსი, გუდამაყრელი. ამის შემდეგ ნათელიზძეს ხშირად ხვდებოდა უსიამოვნება ხალხში. ხალხი საყვედურს აძლევდა: თქვენ იპარეთ და სამაგიეროდ ჩენ კი გაგნადგურდითო. ბოლოს იძულებული გახდა, რომ აქაობას გაშორებოდა. სახლი და ნაყიდი მამული გაყიდა და თავის დედით და ცოლშვილით ისევ ჯუთაში წავიდა. ჯუთაში სახლი იყიდა და მამულის წილი სახლისკაცებმა მისცეს. რაკი ქისტეთში მიეჩვია ქურდობას, ჯუთაშიც ვეღარ იშლიდა და ხელმრუდობას ეწეოდა, სახლისკაცებიც ეჩხუბებოდნენ, მაგრამ გაიაღლოვა და ვეღარ იშლიდა. ჯუთლები ამბობდნენ: ჯვართაც გადასულია და ხალხსაც აღარაად აგდებს, ამას კარგი არაფერი დაემართებაო. მას ერთი ქალი არხოტშივე ეყოლა და ტყუპად, ქალ-ვაჟი ჯუთაში შეაძინა. უფროსი ქალი ხუთი წლისა იქნებოდა, როცა პატარა და-ძმა წლისა გახდნენ და იწყეს ფეხით სიარული. ნათელიზძეს შრომაც ძალიან უყვარდა. ბევრი ნახნავ-ნათესი ჰქონდა და შემოდგომაზე ბევრი საჩადლი მოიტანა სახლთან ახლო (საჩადლი ჰქვიან აგებულ ძნებს ერთად). პატარა ქალ-ვაჟი ფეხით დაცოცავდნენ და დიდი ქალის წინძლოლით ძნებში შესულიყვნენ და იქ თამაშობდნენ. სხვა ბავშვებიც იყვნენ მათთან ერთად. რომელმა ბავშვმა მოიტანა ასანთი, ეს გაუგებარი დარჩა. უფრო ეჭვი იყო, რომ ნათელიზძის უფროსი ქალი უნდა ყოფილიყო დამნაშევე. საჩადლში ერთ სერკეს ცეცხლი წაეკიდა (სერკე: დადგმული ძნა), ქარი იყო და უცბად მთელ საჩადლს მოედო. აქ ამ დროს უფროსი ვინმე არ იყო ბავშვების გარდა. მოზრდილი ბავშვები საჩადლიდან გაიქცნენ და გადარჩნენ ცეცხლში დაწვას. ნათელიზძის ორი ბავშვი ცეცხლმოკიდებულ საჩადლში დარჩნენ და ორივენი დაიწვნენ. მოსულმა ხალხმა ეს ვერც კი გაიგეს, მანამ ნახევრად დამწვარ ბავშვებს არ წააწყდნენ. ამ დროს ნათელიზძე იქ არ იყო. მეორე დღეს მოვიდა. ბავშვები დაასაფლავეს და დაიწყო ცეცხლის წამკიდებელი ბავშვის ძიება. აქ ამ დროს ერთი მარაიზძეთ მამის ბავშვი ყოფილიყო, ხუთი თუ ექვსი წლისა, ნათელიზძის უფროსი ქალი – ამაზე უფროსი. ნათელიზძის დედა ამტკიცებდა, ცეცხლი ჩვენმა ქალმა არ წაუკიდა. ცეცხლს წაუკიდებდა ეგ სხვა ბავშვიო. სპიხკა აღებული იყო ისეთი სიმაღლიდან, რომ ნათელიზძის ქალი სწვდებოდა იქ მხოლოდ; ხალხის შემოწმებით, მეორე ბავშვი იქ ვერ შესწვდებოდა. მაგრამ ნათელიზძე და მისი დედა მაინც ამბობდნენ – ჩვენი ბავშვი არ იყო, ჩაჩაური წაუკიდებდა ცეცხლსაო (მეორე ბავშვს ჩაჩაური ერქვა). ბავშვები ორივენი უარს ამბობდნენ, მე არ ვიყავიო, ერთიც ამას ამბობდა და მეორეც. ბევრი აწვალეს, აწამეს ჩაჩაური, მაგრამ ის ამბობდა: სპიხკა მე არ მქონდა, ნათელიზძის ქალმა მოიტანა სპიხკა სახლიდან და ცეცხლიც ალბათ იმან წაუკიდა, მე კი ცეცხლის წაკიდებაში არ მინახავსო. ნათელიზძემ ზარდონათ კაცი მიუგზავნა (მარაიზძეთ მამა კიდევ იყოფოდა მამებად: ზარდონანი, გაგიელანი და სხვა): მე შვილები თქვენმა შვილმა დამიწვა, თუ

დაიდებოთ ორი კაცის თავს, ის არის, თუ არა, მეც მოგკლავთო. ზარდონათ ერთი ამაყი კაცი ყავდათ გოგიტა და ამან თავის დადებაზე უარი უთხრა და, პირიქით, ლანძვაც დაუწყო – ტყუილად რად გვაბრალებსო. შუაკაცებმა გოგიტას ლანძვაც და მუქარა ნათელიზძეს არ უთხრეს. მათ უთხრეს, გოგიტა ამბობს: გამოვიძიოთ და თუკი დაგვიმტკიცდება, მაშინ კაცისთავს დავიდებოთ, მაგრამ ნათელიზძემ გიგიტას ყვირილსა და მუქარას თვითონ მოკრა ყური და გადაწყვიტა, გოგიტას მოუკლას ერთი შვილი. გამოიტანა თოფი, სოფელს ზევით ეგულვებოდა გოგიტას უმცროსი შვილი, ხუთმეტი წლის თათუა. სოფელს რომ გასცდა, დაინახა, რომ ეს ყმაწვილი კლდეზე იჯდა და დაბლა მყოფ ბავშვებს რაღაცას ეხუმრებოდა. ნათელიზძემ ესროლა და ბავშვი იქვე ადგილზე მოკლა. თოფის ხმაზე ხალხი მოვიდა და ბავშვი უკვე მკვდარი იყო. ნათელიზძე სოფელს უჩინარი გზით გაშორდა. გოგიტამ ბავშვი რომ დაინახა, უთხრა: „მოგიკვდეს შენი მამა გოგიტა, თუ შენებ თვალზე დავიცილა-დ ბაბუკის შვილს ეგ შავარჩინ“. მისულებს უთხრა, თათუა წამაიყვანეთ და თავის სახლში დააწვინეთო. თვითონ გაბრუნდა და შინ წავიდა. ეხლა გახდა რიგის ყენებაზე დავა. ნათელიზძე მოითხოვდა ორი კაცის რიგს, ე.ი. ორი კაცის თავისისხლს, გოგიტა და მისიანები ამბობდნენ: ჩვენ ნათელიზძეს არავინ მოვუკალით, ტყუილად გვაბრალებს, მაგან კი თავის ხელით მოგვიკლა. ჩვენ არ ვუყენებთ რიგს, იმიტომ, რომ მართალი ვართ, მაგან კი რიგი გვიყენოს, თუ არ გვიყენებს - ჩვენ მოვუვლითო.

კაც-შუაკაცმა ბევრი იბრძოლა და ბოლოს ასე დაიყაბუღეს ორივე მხარე: ზარდონათ ერთი კაცის თავი უნდა დაიდვან, რადგან ბავშვების დაწვა ნამდვილად იმათ არ უმტკიცდებოდა. ერთი კაცის თავი ხომ ნათელიზძეს დაედო. ჩაჩაურის მშობლებმა რიგი უყენეს ნათელიზძეს, ნათელიზძემ რიგი უყენა გოგიტას. სოფელსაც გაშორდა და გადავიდა ისევ არხოტში. აქ მას აღარც სახლ-კარი ჰქონდა და აღარც ნახნავ-ნათესი. გოგიტა სულ გაჩუმებული იყო, არც მუქარას ამბობდა. თავის გულში კი ნათელიზძის მოკვლა ჰქონდა გადაწყვეტილი. ნათელიზძე თავისთვის ბრაზობდა: იმათ ორი შვილი მომიკლეს, მე ერთი მოგკალი. ადგილიც მე გავწირე და ისინი ისევ თავის ადგილში არიანო. უგზავნიდა კაცებს: დავაბოლოვოთ საქმე, რჯულში გავიდეთ და რასაც რჯული გვეტყვის, ისე მოვიქცეთ, ისე შევრიგდეთო. გოგიტასგან დადებით პასუხს ვერ დებულა. ჯერ მადროვოსო, ამბობდა გოგიტა. იქნებ როგორმე გავიგოთ, ცეცხლი ვინ წაუკიდა და იმის მიხედვით გავარჩიოთ საქმეო. ამას ნათელიზძეც ფიქრობდა, მაგრამ თან ცხოვრებაც გაუძნელდა და უნდოდა მალე დაბოლოებულიყო საქმე და მისულიყო ისევ თავის სოფელში. მას არხოტში ნახნავ-ნათესი რომ არ ჰქონდა, ამიტომ ხიზნის შენახვა უძნელდებოდა. პური არხოტში არ იშოვებოდა და ცხენის საპალნით გადაჰქონდა ყაზბეგის რაიონიდან ნაყიდი სიმინდი. გზა ჯუთაზე მიდიოდა, ყაზბეგში მიმავალს ჯუთის, სოფლის ბოლოზედ უნდა გაეგლო. დღისით ჯუთაში ვერ გაივლიდა, ღამიღამ უხდებოდა სიარული, რაც

ძალიან მობეზრდა და უკლო თანდათანობით სიფრთხილეს. ჯუთას რომ გასცდებოდა, დღისით დადიოდა გზაზე. არხოტიდან გადასული ერთ-ერთ ჯუთელთან მივიდოდა, თოფ-იარაღს იქ დამალავდა. იქიდან რომ დაბრუნდებოდა, ისევ დამით გამოივლიდა, წაიღებდა თოფ-იარაღს და წავიდოდა. ამასობაში წლებმა გაიარა. გიოიტას გული სულ სხვანაირად შეიცვალა. აგონდებოდა თავის სახლისკაც ბაბუკთან უახლოესი მეგობრობა და ფიქრობდა: თუ წესიერად მოიქცევა და აღარაფერს მაწყენს, მე ბაბუკის შვილს მოსაკლავად აღარ გავიმეტებო. მაგრამ როცა გაიგებდა, რომ ნათელიძე ჯუთაში ყოფილათ, ისევ ცეცხლი ეკიდებოდა – ბრაზობდა, ჩემი ხათრი და რიდი არა აქვსო. ერთხელ ჯუთლებს უთხრა: ნუ დაგყავთ აქ ბაბუკის შვილი, მაგან მე შვილი მომიკლა, მაგრამ ახლა მე აღარ მინდა ისიც მოგკლა, რადგან ისიც ჩვენს გვარს დააკლდებაო. თუ მაინც არ მაიშლის აქ სიარულს, იცოდეს იმანაც და თქვენაც, რომ შემომაკვდებო, მაგრამ მაინც არ დაიშალა და მაინც დადიოდა. უკანასკნელად გოგიტამ გაიგო, რომ ნათელიძე ჯუთაში მოსულა და ყაზბეგისაკენ ჩაუვლია. იარაღი ჯუთაში დაუტოვებია და ამ ორ დღეში აუცილებელივ უნდა მოვიდეს. გოგიტამ თავისი ძმა ქუქუ ელქეშად გააყოლა; ქუქუ მიდიოდა ნათელიძისგან შეუმჩნეველად. ჩავიდნენ მოხვევებში და ქუქუმ აქ გაიგო, ნათელიძე რომელ დამეს ამოივლიდა. წამოვიდა და გოგიტას შეატყობინა. გოგიტამ ქუქუ ხიდზე დაუყენა ყარაულად. მას გოგიტასათვის უნდა შეეტყობინებინა, ნათელიძე როცა ჯუთაში მოვიდოდა. თვითონ გოგიტა სხვაგან ყარაულობდა. მოლოდინის დრო რომ გათავდა და ნათელიძე არ მოუვიდა, გოგიტა ქუქუსთან მოვიდა. წამოვიდნენ და რომელ ოჯახშიც ნათელიძე მოდიოდა, იმ ოჯახის ფანჯარასთან იყურიადეს. ნათელიძის ხმა იქიდან ისმოდა. ახლა კი მიხვდნენ, რომ ნათელიძე ბინდს გამოჰყოლოდა და ვიდრე ქუქუ ჩავიდოდა ხიდთან საყარაულოდ, ის უკვე გამოსული ყოფილიყო. ესეც აუცილებელი იყო, რომ ნათელიძე დილით დამიანად წავიდოდა აქედან. ქუქუ და გოგიტა წამოვიდნენ და ჯუთის შადმა, არხოტისაკე წასასვლელი გზა შეკრეს. ჩაუსაფრდნენ გზის პირზე საირმე კლდესთან (აქ დიდი კლდე იყო, საირმე კლდეს ეძახოდნენ). თენდებოდა, როცა ნათელიძე მოვიდა; ერთ ხელში საპალნიანი ცხენი ეჭირა, მეორე ხელში – თოფი. სულ ახლო რომ მოვიდა, ესროლა გოგიტამ და პირველივე ნასროლი გულში მოახვედრა. ისე აეშალა ნერვები გოგიტას, რომ ხუთივე ტყვია ესროლა შაშხანით. ქუქუ ხელში მივარდა თოფს, გეყოფა, ნუღარ ესვრიო. გოგიტამ იმასაც თოფის კონდახი მიარტყა გულში. მერე რომ გონს მოვიდა, ქუქუს უთხრა: მიდი–უსაკადრეოდ არ იწვას, დააწვინე რიგზე და ნაბადი დაახურეო. ქუქუმ მკვდარი გზის ზემოთ დააწვინა და მისი ნაბადი დაახურა. გოგიტა სოფელში ყვირილით და სოფლელების გინებით შემოვიდა: მანამდინ ავლიეთ, მანამ არ მომაკვლევიეთ. ჩემი შვილიც მე დამაკლდა, ეგიც ჩემი ახლოელი იყო, მამაკვლევიეთ და ჩემს გვარს დააკლდა, ეხლა თქვენ გასვენებით დასხდებითო.

ჯუთლები წავიდნენ მიცვალებულის მოსასვენებლად. გოგიტამ უთხრა ხალხს, მოასვენეთ აკიასთან (აკია მისი მამისკაცი იყო), თუ იმან სახლში არ მიიღო, ჩემს სახლში მოასვენეთ, მე გავალ სახლიდან, ის ჩემი ძმა იყო. მოასვენეს აკიასთან, კაცი გაგზავნეს და დათვისიდანაც მოუვიდნენ სახლისკაცები. არხოტიდანაც მოუვიდნენ თავის დედა და ცოლი, აგრეთვე დედულები და ნათელიძე დაასაფლავეს. გოგიტამ თავზე ყველაფერი რიგი უყენა. მარაიძეთ არხოტიდან მოიყვანეს ნათელიძის ოჯახი და ჯუთაში დააბინავეს. მისი ვაჟი – , ცოტას რომ წამოიზარდა, რჯული ქონდა და ყველა თავები ერთიმეორეში გაიბარა. შერიგდნენ და ნათელიძის ბავშვს გოგიტა თავის სიკვდილის დღემდინ უვლიდა და პატრონობდა. საუკენმაკვდრო და ასეთები ერთიმეორისაგან აღარ აუღიათ, რადგან ძმურად შერიგდნენ და დაიწყეს ძველებურად ძმური ცხოვრება.

კინწანი და ჩოდართ მამუკა

მიამბო ბაბუა ქეთელაურმა, სოფელ ბისოში, 55 წლისამ

ბისოში ცხოვრობდნენ ქეთელაურები; ხოლო, კიდევ არიან მამებად დაყოფილნი. ჩოდართ მამუკა და კინწანი ერთიმეორის შორიული განაყრები იყვნენ, მაგრამ მამუკას, გარდა ორი ბიძაშვილისა, კინწათაზე ახლობელი სახლისკაცი არ ყავდა. კინწათ ჩაღხი მარტო კაცი ყოფილა, უძმო და არც ღვიძლი ბიძაშვილი ყავდათ: ჩაღხი იყო მამაცი და ამასთან ცნობილი ქურდი – ცხენებს, ხარებს და სხვა, რაც კი შეხვდებოდა, ყველაფერს იპარავდა. მას წამოეზარდა ექვსი შვილი – ხუთი ვაჟი და ერთი ქალი. მამუკა, გიორგი, ტუჩა, აღუა, გიგია და ქალი – მზექალი. ამ შვილებმა მალე ისწავლეს მამის ხელობა და ქურდობით მამას გადააჭარბეს. იპარავდნენ ცხენებს, ხარებს ფშავიდან და კახეთშიც კი გადადიოდნენ. ტყვადნენ სახლებს, უხვდებოდნენ მგზავრებს, ძარცვავდნენ. ხევსურეთშიც არ ინდობდნენ, თუ ან ნივთი, ან პირუტყვი რამე ჩაუვარდებოდათ ხელში.

ამავე სოფელში ცხოვრობდა მამუკა ჩოდრიშვილი. მას მამა ადრე გარდაეცვალა და იზრდებოდა ობოლი, დედა-დების ხელში. კინწანი მასთან კარგად იყვნენ. ერთხელ ქისტეთშიაც გაიყოლეს საქურდალად. ხარები მოიპარეს, წამოეწია მღევარი, აღუა მძიმედ დაჭრეს ტყვიით და ცოტათი გადარჩნენ ამოწყვეტას, ღამე რომ არ დასწრებოდა. ჩოდართ მამუკას ბევრი მამული ჰქონდა და კინწანი უმამულოდ იყვნენ. პირველად ქირაობდნენ მამუკას მამულებს, ან ღალას აძლევდნენ და ისე ხნავდნენ. ბოლოს მოხნეს და მამუკას აღარაფერი მისცეს. ახლა, მეორე წელს, სადაც მისი მამული მოეწონათ, გააბეს ხარები და ხნავდნენ. მამუკამ ჯერ თვითონ სთხოვა, ნუ ხნავთ ჩემს მამულს, სხვასთანაც თქვენ უნდა მიპატრონოთ, არამც თუ თქვენ დამჩაგროთო. კინწათ ყური არ უგდეს და ისევ ხნავდნენ მის მამულებს. მერე კაცი

მიუგზავნა და სთხოვა, ნუ ხნავთო, მესამედ საკლავი წააყვანინა, ჩემს მამულებს ნუ ხნავთ, ნუც მე გამხვევთ ჭირში და ნუც თქვენს თავსო; საკლავიც უკან დააბრუნეს და მოსული კაციც გამოაგდეს. უთხრეს: ჭკვიანად იყოს, თორემ ემაგ სახლკარსაც წავართმევთო. ამ დროს კინწანი ოთხნი ძმანიდა იყვნენ. მეხუთე ძმა გიგია თოვლის ზვავმა მოკლა. კინწათ რომ არ დაიშალეს, მაშინ კი ჩოდრიშვილმა გადაწყვიტა – სინიც ყველანი დახოცოს და თუნდა თვითონაც მოკვდეს, არ დაუთმოს მათ არაფერი და შეუთვალა: მე გთხოვეთ, და ახლა ჩემი ბრალი ნულარ იქნება. ნათქვამია: „კაცი მაკვდების ცოლზედა, ადგილზე საკუთარზედა“. თქვენ დამწვარაის შვილი ცოლის ცვლაზე მახკალით, მე რაიდ მებრალეების, რო მამულის გულისხად მაგკლათ. ჩემ ბრალ (დამწვარაიშვილის მოკვლა შემდეგ დაიწერება) აღარ იქნების. კინწათ ამ მუქარაზე ბევრი იცინეს. დასცინეს, ახლა ჩოდრიშვილი დაგეხოცავსო.

მამუკას ერთი და ადრე ჰყავდა გათხოვილი და მეორე დაც გაათხოვა. ადგა და დედა მის ძმასთან ე. ი. თავის დედიძმასთან წაიყვანა, ქონებაც მას მისცა. თვითონ გამოიხურა სახლის კარები და სადღაც გაქრა. კინწანი კიდე დასცინოდნენ: მამუკა ახლა კი ამოწყვეტას გვიპირებსო. ტუჩას რაღაცაზე დასჭირდა შატილში წასვლა. გიორგის კარგი ცხენი ჰყავდა, გამოართვა ეს ცხენი და წავიდა შატილში. შატილში ორი დღე მოუგვიანდა. მამუკამ გაიგო მისი იქ წასვლა და გადაწყვიტა პირველად ის მოეკლა, რადგან ტუჩა ძმებზე მეტად ყოჩადი იყო და, თუ სხვა რომელიმეს მოკლავდა და ტუჩა დარჩებოდა, ის ძმის მკვლელს დიდხანს არ აცოცხლებდა. წამოვიდა და შატილში გადასასვლელი მთა „დათვისჯვარი“ შეკრა, ტუჩას შეატყობინეს, რომ მაგ გზით ნუ წახვალ, გზა გაქვს შეკრულიო, მაგრამ მან ეს არაფრად ჩააგდო. შეჯდა ცხენზე და წამოვიდა: მე ჩოდრიშვილი ვერ მომკლავს, იარაღებს აყერი და ისე გაუშვებო. ამოვიდა დათვისჯვარზე, თოფი მხარზე ჰკიდია, ხელშიაც არ დაიჭირა, ისე არ ეპოებოდა ჩოდრიშვილს. ჩოდრიშვილი გზის მარჯვეს, კოშკის ნანგრევში, გზის ზევით იყო ჩასაფრებული. ტუჩა რომ ახლო მოვიდა და გაუსწორდა, ზევიდან ქვევით ესროლა, ტყვია ისე მოხვდა, რომ ტუჩას და ცხენს ორივეს გაუარა და ორივე იქვე ადგილზე მოკვდა. ჩოდრიშვილმა ტუჩა გზის თავზე შამოაწვინა, დაამკაცრა. თოფიც გვერდზე დაუწვინა, მისივე ნაბადი დაახურა და წამოვიდა. მწყემსები ნახა და მომხდარი ამბავი უთხრა. მწყემსებმა ბისოში შეატყობინეს. წამოვიდა ხალხი და მიცვალებული სახლში მოასვენეს. გამწარდნენ ძმები და დაიწყეს ჩოდრიშვილის ძებნა მოსაკლავად. მაგრამ ის ხან ერთ მხარეს მოექცეოდა ხევსურეთში, ხან მეორეს, ვინ იპოვიდა მას. ის კიდევ თავის მხრივ ადევნებდა თვალყურს, დანარჩენი კინწათ ძმები სად ვინ წავიდოდა, რომ ისინიც დაეხოცა. მამუკამ გაიგო, რომ გიორგი სადღაც ბარში წავიდა მგზავრად. წამოვიდა და ხევსურეთის ჭალაზე ვიწრო ადგილას შეუკრა გზა გველეოსა და ბარისახოს შუა ადგილას. ორი დღე ელოდა და მესამე დღეს

მოვიდა გიორგიც. როცა მოუახლოვდა, ესროლა და პირველივე ნასროლი ტყვიით წააქცია. ეგონა, ვაითუ მატყუებსო და რამდენიმე ტყვია წაქცეულს კიდევ მიარტყა. როცა დარწმუნდა, რომ ის ცოცხალი აღარ იყო, დაანება სროლას თავი. გზაში არ ჩასულა, რადგან აქ ბევრი ხალხი დადის და აღარ უნდოდა კიდევ რამე ხათაბაღა მოსვლოდა. შემთხვევით გამვლელმა მგზავრებმა ნახეს, ბისოში შეატყობინეს და ეს კაციც წაასვენეს. ჩოდრიშვილი დანარჩენ ძმებს უთვლიდა: აბა, ეხლა მიდით ჩემს მამულებში, თუ კაცები ხართო, მაგრამ მამუკასთან ბრძოლა ახლა ძნელი გახდა და მის მამულებს ვინ მიეკარებოდა. კარგა ხანმა განვლო და ჩოდრიშვილმა გაიგო, კინწათ მესამე ძმა აღუა ბარში სადღაცა უნდა წავიდეს. წამოვიდა და „მოწმასძირს“ (მოწმას სოფელია და მოწმასძირი ამ სოფლის დაბლა ჭაღას პქვიან, რომელზედაც ხევსურეთში შესასვლელი გზა გაივლის. ხევსურეთისაკენ რომ მივდივართ, ხევსურეთი პირველად იწყება მოწმასძირიდან). ვიწრო ადგილას შეკრა გზა. მეორე დღეს აღუა მოვიდა თავის ოჯახის წევრ ქალებთან ერთად. ჩოდრიშვილმა ამასაც ესროლა, აღუა წაიქცა. ორი ტყვია მამუკამ კიდევ ესროლა წაქცეულს. ყველა ტყვიები მოხვდა, მაგრამ ცოცხალი დარჩა, მძიმედ დაჭრილი; მაგრამ ექიმმა აღუა ისევ გამოარჩინა. ორი ძმა მოკლა, ერთი სასიკვდილოდ დაჭრა. იმათ უფროს ძმას მამუკას არ ებრძოდა, რადგან ის უშლიდა ძმებს ჩოდრიშვილის ჩაგვრას.

აღუა დიდხანს იწვა ჭრილობებისაგან და მერე, როგორც იყო, გამორჩა. გამორჩა, მაგრამ კარგად მაინც არ იყო, ჭრილობებისაგან დაავადმყოფდა. ჩოდრიშვილის მოკვლას კი მაინც ისევ ცდილობდა. უფრო იმიტომ ბრაზობდა, ერთმა ობოლმა და არაფრად ჩასაგდებმა ახალგაზდამ ორი ძმა მოუკლა. თვითონაც ჭრილობებისაგან დაავადმყოფდა. ჩოდრიშვილმა არც თავი დაიდო, არც რიგი უყენა და არაფრად არ ჩაყარა ისინი.

მამუკა პირველ ხანებში ფრთხილად იყო, მაგრამ, თანდათან გაბრიყვდა, გათამამდა და მოურიდებლად დაიწყო სიარული. დადიოდა ხალხის ჭირ-ლხინში, დღეობებში, ჯვარში და სხვა. აღუას კი ყველგან კაცები ყავდა დაყენებული. სადაც დაიგულვებდნენ ჩოდრიშვილს, მაშინვე აღუას შეატყობინებდნენ. როგორც საბოლოოდ გამოირკვა, ყავდა ისეთი კაცებიც, რომლებიც თვითონ მოკლავდნენ, ისე მოაწყობდნენ საქმეს, რომ აღუას დააბრალებდნენ თუკი საამისოდ ხელსაყრელ დროს იხელთებდნენ. როგორც მოხრობელმაც თქვა და სხვებიც ამტკიცებდნენ, ასეც მოხდა ბოლოს – მამუკა კავმატის ჯვარში აღმოჩნდა მოკლული. აღუა ამბობდა, რომ: მე დავიგულვე მამუკა, კავმატის ჯვარში მოვიდა და ლუდსა სვამდა. აღუასავე გადმოცემით იგი მიიპარა ჯვარში, შეიხედა და დაინახა მამუკა. რადგან არ უნდოდა, რომ შიგ ჯვარის ქაზდარში მოკვლა, გარეთ ჩასაფრდა და მოუცადა მის გამოსვლას. ბოლოს მამუკამ აიღო თოფი, გარეთ გამოვიდა. კარებს რომ გამოსცდა ესროლა

ადუამ და სასიკვდილოდ დაჭრა. ჩოდრიშვილი დაჭრილი იყო, მაგრამ ელვასავით სწრაფად გაქანდა და ადუას ხელდახელ შეებრძოლა. მაგრამ მალე მოედო ღონე, დავარდა და მალე გარდაიცვალა. ადუა ასე ამბობდა, სხვა ხალხმა სხვანაირად გამოთქვა მისი მოკვლის ამბავი:

სოფლები ბისო და ხახმატი ერთიმეორესთან ძალიან ახლოს არიან. სოფელ ხახმატში იყო ერთი ოჯახი, რომელსაც კინწათან მტრობა ჰქონდა. ამიტომ მამუკა ამ ოჯახს ენდობოდა. ადუამ იმდენი მოახერხა, რომ ამ ოჯახს შეურიგდა და მოისყიდა ისინი. მამუკა მათთან ღამით მივიდა, ისინი კარგად შეხვდნენ, ლუდი და არაყი დააღვინეს და ბოლოს მთვრალი ტახტში დააძინეს. ერთმა მათგანმა თოფი ესროლა და მოკლა ის. მერე ადუას შეატყობინეს, მამუკა ფარდავით ჭაჭმატის ჯვარში მიიტანეს და აქ ადუამ რამდენიმე ტყვია დაკრა. ხევესურებმა ეს ამბავი მეორე დღესვე შეამჩნიეს, რომ პირველ ნატყვიარიდან სისხლი იყო გამოსული და სხვა ტყვიები მკვდრისათვის დაეკრა. ამ ნატყვიარებში სისხლი სულ არ იყო. ჩოდრიშვილი დედიძეებმა სოფელ კისტანში წაასვენეს და იქ დაასაფლავეს. ასე ჩაიარა მათმა თავ-სისხლმა – არც ხევესურეთის რჯული და არც რიგის ყენება.

ადუას მოკვლა

მიამბო მანვე – ბაბუამ

ადუა ამ ამბების შემდეგ ხევესურეთს გაშორდა და დაიწყო ფშავში ცხოვრება, სახელდობრ, შარახევში. ერთი ხევესური, სოფ. გუდანში მცხოვრები მინდია ჭინჭარაული, საპატიმროში გარდაიცვალა. ადუას დააბრალეს მისი დაპატიმრება და მინდიას ძმა-ბიძაშვილები გადაემტერნენ მას. როგორც შემდეგში გამოირკვა, ადუა დამნაშავე არ იყო – ს დაპატიმრებული ყოფილიყო თავის დანაშაულისათვის, მაგრამ ისინი მაინც ადუას ეძებდნენ მოსაკლავად. ხან სად უსაფრდებოდნენ და ხან სად, მაგრამ ის ფრთხილად იყო და რჩებოდა, „რომლითავე გზით წავიდოდა, იმ გზით აღარ ბრუნდებოდა“. ბოლოს მინდიას ბიძაშვილი ქალი დააყენეს ამბის შესატყობინებლად, სად წავიდოდა ადუა, როდის დაბრუნდებოდა და რომლის გზით. ქალმა ძმა-ბიძაშვილების დავალება შეასრულა. გაიგო, რომ ადუა თიანეთში წავიდა და მეორე დღეს უნდა მოსულიყო. ქალი წამოვიდა და ეს ამბავი თავის ძმა-ბიძაშვილებს უამბო. ისინი იმავე ღამეს მოვიდნენ და მოსასვლელი გზა შეკრეს. შუადღის დროს ადუა მოვიდა. თოფი ხელში ეჭირა და იქით-აქეთ ბუჩქებს ათვალიერებდა. მაგრამ ისინი შეუმჩნეველად გილას ისხდნენ. გავარდა ორი თოფი და ადუა იქვე უსულოდ დაეცა. ორი ტყვია კიდევ ესროლეს წაქცევის შემდეგ და წამოვიდნენ ტყე-ტყე. აქ მცხოვრებლები ახლო იყვნენ, სროლის ხმაზე მოვიდნენ და ადუა მკვდარი ნახეს.

წაასვენეს და შარახევის სასაფლაოზე დაასაფლავეს. არც ამისი რიგი უყენებია და აღარც შურისმაძიებელი დარჩა ვინმე. დარჩა ერთი მოხუცი ძმა მამუკა, ერთი, თავის ძმის გიორგის ბავშვი და ერთი ტუჩასი. ასე მოელოთ კინწათ ბოლო, რასაც ხევსურები მათ სიამაყეს და გადასულობას აბრალებდნენ და ამბობდნენ: თავის გადასულობით გათავდნენ კინწანიო.

ადუას მკვლელის მოკვლა

ადუას მკვლელები მიიმალნენ. მინდიას ძმა ხთისო და ერთი მისი ბიძაშვილი კობახაისშვილი იმალებოდნენ იმიტომ, რომ კინწათ ნათესავეები მათ არ დაინდობდნენ. თუმცა ხევსურეთის წესით, თავის მოგვარის გარდა სხვა ნათესავი ვერ მოკლავს მკვლელს; თუ მოკლა, თავი თავში არ გაიბრება. მაგრამ, რადგან კინწათ მეგობრების გარდა თავისი აღარავინ დარჩა შურისმძებნელი, ამიტომ მათი მეგობრები ცდილობდნენ ადუას მკვლელთან შეხვედრას და საიდუმლოდ მოკვლას. გაიგეს, რომ მისი მკვლელები არხოტში იყვნენ გადასულები და მოკლე ხანში დაბრუნდებოდნენ იქიდან. ყოველ ღამე ყარაულობდნენ ბლოს ჭალაში, სადაც ვიწრო ადგილი იყო, რომელზეც მათ უნდა გამოეველათ. და აი, ერთ ღამეს მოვიდნენ ორივენი. მომავალმა მგზავრებმაც შენიშნეს, რო ვიღაცეები გზიდან გადავიდნენ და ბუჩქებში მიიმალნენ. მაგრამ მათ აქ შიში არ ჰქონდათ, რადგან ეგონათ, რომ მათი ნამდვილი მტრები ვერ გაიგებდნენ, სად იყვნენ წასული, ან როდის დაბრუნდებოდნენ და რომელი გზით გამოივლიდნენ. ამიტომ მათ ბიჯი არ შეშალეს და თავისუფლად მოდიოდნენ. ფიქრობდნენ: ეგ ვიღაცა მტრიანი კაცია და გზას მოერიდაო, მაგრამ ისინი კი სინამდვილეში ამათ დაეძებდნენ დასახოცად. შენიშნეს, რომ ეს ორი მგზავრი არხოტიდან გადმოსულან და ისინი იქნებიან, ვისაც ელოდებოდნენ. მოვიდნენ სულ ახლოს და იცნეს შეიარაღებული ხალხი. გაიგეს, სინამდვილეში ისინი არიან და აუტეხეს სროლა. ხთისო იქვე მოკლეს, მისი ბიძაშვილი კი წყალში გადახტა და წყალდაწყალ გაიქცა. იმასაც ბევრი ესროლეს, მაგრამ არასასიკვდილოდ დაჭრილი გაიქცა. თოფის ცეცხლზე იმანაც ესროლა, მაგრამ მათ არ მოხვდა, რადგან კარგ საფარში იყვნენ ჩასაფრებულნი. მკვლელები გაქრნენ და ხთისო იქ დარჩა მკვდარი. მეორე დღეს ხალხმა გაიგო, რომ ვიღაცას ხთისო მოეკლა და მკვლელის ვინაობა დაუდგენელი დარჩა. მოვიდა ხალხი, ხთისო გუდანში წაასვენეს და იქ დაასაფლავეს. იმის მკვლელებზე ეჭვი ქონდა ხალხს, მაგრამ, არც მნახველი იყო და არც სხვა რამე დამამტკიცებელი საბუთი. ხთისოს არც ახლობელი პატრონი ვინმე ჰყავდა, რომ თავი გადაედო ამ საქმისათვის, ხთისოს მკვლელები აღმოეჩინა და შური ეძია ხევსურული წესით. დარჩა ამისი რიგი უყენებელი.

კინწათი გიორგისაბან დამწვარათ ხთისოს მოკვლა

მიამბო მანვე, ბაბუამ, სოფელ ბისოში

კინწანი, ვიცით ვინც და სადაურიც, ან როგორი კაცები იყვნენ. დამწვარათ ხთისოს სოფელ უკანხადუში მცხოვრები იყო, ატაბურათ მამიდან. ხთისოს იყო სიმამაცით სახელგანთქმული ვაშკაცი, პურადი, სწორების და პურმარილის მოყვარული, თანაც, ძალიან ამაყი. წინხადუს სოფელში ცხოვრობდა ერთი დაქვრივებული ოჯახი. ბათირა მომკვდარიყო, მისი ცოლი და ორი ქალიშვილი იყვნენ ოჯახში. უფროსი ქალი ძალიან ლამაზი იყო და ბევრი მთხოვრები ჰყავდნენ. ზოგი ძალით და მუქარით, ზოგი მოხერხებით, ეს ქალი დანიშნეს კინწათ გიორგისათვის. ხევსურეთში ქალი დანიშვნის შემდეგ დიდხანს არის მამისახლში, ზოგჯერ აკვანშივე დანიშნვენ, იმათობაზე იზრდებოდა გათხოვების დრომდინ. ითვლებოდა მის ცოლად, ვისთვისაც ნათხოვი იყო და არავის უფლება არ ჰქონდა მისი წაყვანისა, როგორც ოჯახში მოყვანილი ცოლის წაყვანის უფლება არავისა აქვს. თუ ვინმე გაბედავდა და სიტყვასაც იტყოდა იმის წაყვანის შესახებ, ის უსიკვდილოდ ვერ გადაურჩებოდა ქალის საქმროს და მერე იმის გვარს. ხოლოთ ქალს სწორფრობის უფლება ჰქონდა და ამ სწორფრობაში ბევრი ჰყავდა გულის მტეხელი მოსაუბრე, თუ ის კარგი ქალი იყო და სხვას ვისმე მოსწონდა თავისთვის, ხოლოთ ეს საუბარი ხდებოდა ძალიან ჩუმად. ამას ეწოდებოდა ცოლის ცვლა და თუ გაიგებდნენ, ესეც სასიკვდილო ამბავი იყო. ახალგაზრდები ხშირ შემთხვევაში ქალს საქმროს დაუცინოდნენ, თუნდაც ის კარგიც ყოფილიყო. ეუბნებოდნენ: ბეჩავია, არ ვარგა, ეს რამე ჩაიდინა, ისო, მამაცი ვერ არის, დავიჭერ და ტანისამოსს სულ გაეხდი, ვცემ, ვჭრი, დავაშინებ, გავაქცევ და სხვა. ქალის საქმრო თუ ამას გაიგებდა, აუცილებლად მოჰყვებოდა ჭრა-ჭრილობა და სიკვდილი. ბათირათ მზექალა სილამაზით, მუშაობით, ჭკვა-გონებით და ნამუსიანობით სახელგანთქმული ქალი იყო. ბევრს უნდოდა კინწათ მასზე ხელი აედო და სხვას წაეყვანა, მაგრამ კინწათ შიშით ხმას ვერავინ იღებდა (მანამ ქმარი არ იტყოდა: „ველ ამიდავ, თავ დამინებებავ, ვისაც უნდ იმან წაიყვანას, ვინაც უნდ იმას წაუვიდას, ნუც მთელი ას ჩემობაზე, ნუც მკვდარი“, მანამდინ მისი წაყვანის უფლება არავის ჰქონდა. თუ ქმარი ვისმეზე გათხოვებას უკვეთდა, აუკრძალავდა, ისაც ვერ წაიყვანდა. თუ წაიყვანდა, სიკვდილი ან ჭრა-ჭრილობა მოყვებოდა. უკვეთდნენ იმ კაცისად გაყოლას, თუ ეჭვი ეპარებოდათ: ქალი ქმარს იწუნებს რომელიმე სხვა ახალგაზრდისათვის გაყოლის გუმანზეო. ჩუმად კი, ძალიან ჩუმად, მზექალას ქმარზე გულის მტეხელი არ დაეღეოდა. ამ გულის მტეხლების რიცხვს ეკუთვნოდა დამწვარათ ხთისოსც. იმათ კინწათან კარგი განწყობილება არ ჰქონდა და ამიტომ მზექალას ეუბნებოდა: გაეყარე მაგ ქმარს, ეგ საშენო ვერ არის და სხვა კარგ ვაშკაცზე გაგათხოვებო. ეს ამბავი კინწათ

ყურამდინ იყო მიღწეული, რომ დამწვართ ხთისო ჩვენს ცოლს სცვლის ე.ი. ჩვენზე გულს უცვლისო და უფრო მეტად ცხარობდნენ ხთისოსაკე. ქალის წამოყვანა და იქიდან მოშორება უნდოდათ, მაგრამ დაეძალა და ვერ წამოიყვანეს. ახლა კი აშკარა გახდა, რომ მზექალა გიორგის სწუნობდა და ვიღაცა გულს უაგებს.

უკანგადუგლებს დისწული ჰყავდათ სოფელ ამლაში, გამიხარდი ჯღუნასძე წიკლაური, ჭოლიკაურთ მამიდან. ამავე სოფელში ცხოვრობდა ერთი კარგი დედისერთა ახალგაზრდა დავით წიკლაური, ჩინგლათ მამიდან. გამიხარდი, როგორც დისწული, ისე დადიოდა ჯადუს. როგორც მამიდაშვილს, კარგად ექცეოდნენ ქალებიც და ახალგაზრდებიც. მზექალასთან, როგორც დედიდასთან სწორფრობა გააბა და ეუბნებოდა: შენ კინწანი დაიწუნენ, გაეყარე მათ, ისინი საშენო ვერ არიან. შენ ეგეთი ვაშკაცის საფერო ხარ, როგორც არის დავითი, ადგი და იმას გამოყვეო. დამწვართ ხთისოც ამასვე ეუბნებოდა, მაგრამ კინწანი ქალს თავს არ ანებებდნენ. ისინი ამბობდნენ: ვისაც თავი სასიკვდილოდ აქვს გამეტებული, ეგ ქალი იმან წაიყვანოსო. დავითი ქალს არ დაიწუნებდა, რადგან ხევსურეთში ქებული ქალი იყო. მაგრამ გაიგო, რომ კინწანი თავს არ ანებებდნენ და იმის მოყვანაზე უარი თქვა. ის უკაცური კაცი იყო, ერთი ბიძის მეტი არავინ ჰყავდა. მისი ბიძა, მარაიზძეთ თოთა, ამლაში პირველი კაცი იყო, მაგრამ უკაცურობის გამო ცუდ საქმეს და ხათაბლას ერიდებოდა. ძმისწულს თოთამაც უთხრა: ჩვენ უკაცურნი ვართ, სხვის ცოლი არ გვინდა, სხვის ცოლის მოყვანას სიკვდილი და მტრობა მოსდევს, ჩვენ კი იმდენი კაცი არა გვყავს, რომ ასეთი სიტუტუცის გულისათვის მტერი გადავიკიდოთო. ამ დროს ქალის საქმე შიროშაროში იყო, კინწათ ის აღარც მიყავდათ და არც ჰელი აიდეს. მხოლოდ ქალი იქ წამსვლელი აღარ იყო, გიორგისად გაყოლაზე ცივ უარს ამბობდა. დამწვართ ხთისომ გამიხარდის უთხრა: ეს ქალი ან დავითისად წაიყვანე, ან შენთვისო. მართალია, შენ ჯადუგლთ დისწული ხარ, მაგრამ შენი ნამდვილი დედულნი სხვა მამის კაცნი იყვნენ და ეგ სხვა მამა არისო (გამიხარდის დედული ამოწყდენ, მამად ბაჭუანი იყვნენ და მათ გვარში ქალების მეტი აღარავინ იყო). გამიხარდიმ ქალი გაიტაცა, ვითომ დავითისათვის, მაგრამ სინამდვილეში, თავის ცოლად. ჯერ სხვაგან იყო გახიზნული და მერე ქალი შინ მოიყვანა. დედას და ძმას გამიხარდისას პირველად არ ესიამოვნა ამ ქალის მოყვანა, ერთი იმიტომ, რომ ჯადუგლთ ქალი იყო და როგორც დედისდა, ისე იყო ამათთან. მეორე მიტომ, რომ, თუ კინწათაგან თავდანებებული არ იყო, ისინი ძალიან ავი ხალხნი არიან; ან ამ საქმისათვის ხელის შემწყობს, დამწვართ ხთისოს, მოკლავენ, ან ქალის წამყვან გამიხარდის. რისთვის უნდა გაეხადა მტერი? მერე, არც ამათი მამის კაცნი იყვნენ მრავალნი. ჭოლიკაურნი უკაცური მამის კაცნი იყვნენ. არ იყო დიდი კაცმრავალი მამა. არ ესიამოვნა, მაგრამ გამიხარდი ანჩხლი კაცი იყო და წყენას მოერიდნენ. არაფერი არ უთხრეს. კინწათ ეს ამბავი რომ გაიგეს, თქვეს: ჩვენ ქალზე ჰელი გვქონდა

აღებული, სადაც უნდა გათხოვილიყო, ჩვენ ამას აღარ ვიდავებდით, არხოტიონსთან სულ არ გვაქვს საქმე, რადგან ჩვენ ვიცით, ქალმა იმის გულისათვის არ დაგვიწუნა. ქალს ჩვენზე გულს უავებდა დამწვარათ ხთისო და ჩვენ მაგას არ ვაპატიებთო. გაიარა კარგა ხანმა და არაფერი ხმა იყო საქმეზე. ბოლოს ლიქოკში ქორწილი იყო და კინწათ გიორგიც ქორწილში იყო ნაწვევი. დამწვარათ ხთისოც ამ ქორწილში იყო მყოლად (მყოლი: მაყარი). ხალხმა იცოდა, რომ კინწანი და დამწვარანი ერთიმეორეს ემტერებოდნენ და ამიტომ ერთიმეორეს არ ახვედრებდნენ. სადაც ერთი იყო, მეორეს იქ არ მიიყვანდნენ. მაგრამ ბოლოს ერთ მასპინძელს აღარ მოაგონდა მათი მტრობა და ორივენი აწივნა (ხევსურულ ქორწილში, სოფელში ყველა კომლი ამზადებს სასმელს და საჭმელს. აწივენ ყველა მაყარს და სოფლელებს. ახლა სხვა და, ქორწილის მეორე დღეს ქორწილის პატრონის სახლში მცირედი რამ იხარჯება. ამ დღეს სოფლელების ხარჯია მთელი დღე). ხთისო და გიორგი პირველ ნახვაზედვე შეკამათდნენ. გიორგიმ უთხრა ხთისოს: შენ ჩემთვის საქმის გამკეთებელი ხარ და ჩემს გვერდით აღარ უნდა მოხვიდე. მე შენზე კაი გული არა მაქვსო. ხთისომ უფრო უხეში სიტყვებით უპასუხა და თან სილაც გაართყა. გიორგიმ ხანჯარი მოუქნია მაგრამ მეშვლებმა დროზე დაიჭირეს და ხანჯარი ხთისოს ვედარ მისწვდა. ხთისომაც ხანჯარი ამოიღო და ერთიმეორეს ხელი მიჰყვეს. ქორწილის ხალხი, კაცი და დიაცი, ყველა მეშვლად მივიდა და ერთიმეორესთან მაშუღლარები აღარ მიუშვეს. ლანძღავდნენ ერთიმეორეს, ემუქრებოდნენ და თან თუ რამე საყვედური მოაგონდებოდათ, ერთიმეორეს ასაყვედურებდნენ. სხვათა შორის ხთისომ უსაყვედურა გიორგის: „შენ ის კაცი ხარ, რო არხოტიონთ ცოლი წაგართვეს. ის მე წავიყვანე-დ კიდევაც უარეს გიზამ. ცოლ ხო წაგართვესა-დ, შენაც ცოლად ვის წაგაყვანიებ“. გიორგი ისე აადელვა ამ საყვედურებმა, რომ გიჟივით მიიწვედა მისკენ. მეშვლებმა რომ არ გაუშვეს, ჯავრისაგან ცრემლები ჩამოყარა, რაც ხევსურეთში შერცხვენაა – ვაშკაცის თვალზე ცრემლის ნახვა. რომ ვედარაფერს გახდა, დაჯდა და დაისვენა. მერე ადგა და წამოვიდა შინ. მასპინძელი და უფროსი კაცები ეხვეწებოდნენ: ნუ წახვალ, უშუღლარი ვინ არის, შუღლი ჰვესურეთის მიწა-წყალთ მაუდის შუღლი-დ ჭრაჭრილობაი. გიორგიმ უთხრა: „ეგ კი მართალი შუღლი-დ ჭრა-ჭრილობა ჰვესურეთის მიწაწყალთ მაუდის, მაგრამ ცოლის წართმაით-დ, მემრ თაოდავ ყვედრება. რა უნდ მაგას, თუ ეგ შაშჩების, ალაღ იყოს მაგაზე“. გიორგის გამოაყოლეს ლუდი და არაყი. შეჯდა ცხენზე და წამოვიდა შინ. ლიქოკიდან ხახმატში გადასასვლელი პატარა მთა არის, გიორგის ცხენმა საჩქაროდ გადაირბინა და ჩავიდა ბისოში. ეტყობოდა არეულ გუნებაზე იყო. რატომ ხარ გაჯავრებულიო, ოჯახის წევრების კითხვაზე უპასუხა: არა, გაჯავრებული კი არა ვარ, ნასვამ-ნატანჯი ვარ და თქვენ გაჯავრებული გგონივართო. აიღო თოფი, ჯაღაფთ შეუმჩნევლად გავიდა და წავიდა ისევ ლიქოკში. სულ უგზოზე იარა და მიიპარა ისევ იმ სახლის ახლოს, სადაც ქორწილი იყო. იქ ახლო ტყის ბუჩქები იყო და ჩასაფრდა.

ქორწილის ხალხი გარეთ გამოსულიყო და თამაშობდნენ. თან ლუდიანი საწდებ ედგა და ლუდსა სვამდნენ. დამწვართ ხთისოც ამ ხალხში იყო, მაგრამ გიორგიმ დრო ვერ ნახა, რომ ხთისო ხალხიდან გამოცალკეებულყო და ნასროლი ტყვია აღარავის მოხვედროდა. გიორგის დიდხანს დასჭირდა ლოდინი, ბოლოს ხთისო ხალხიდან გამოვიდა და, პატარა გორი იყო, იქ დაჯდა. გიორგიმ კარგად დაუმიზნა. ნასროლმა ტყვიამ გულში გაუარა. ხთისო დაგორდა და, მანამ ხალხი მოვიდოდა, გიორგიმ მეორის სროლაც მოასწრო. მეორე ტყვიაც მოხვდა ისევე ხთისოს. მოვიდა ხალხი. მასპინძელმა მოინდომა სტუმრის მოკვლაზე შური ეძია, წამოვიდა იმ მხარისაკე, საიდანაც სროლა იყო. აქ გიორგიმ დაუძახა: „შენ ნუ მახოლ, მე შენი არაი მმართვეს, მე თავის მტერს მაგხყევი, მიბრუნდი, თორემ რაიც არ მინდ, იმას მაქნევ, შენაც ამაგის გვერდი გაგაგორებ“. ხალხიც ჩაერია და მოაბრუნეს გიორგისკე წასული კაცი. გიორგი ადგა და ამ სოფლისათვის მოფარებული გზით წავიდა. თოფი კი მზად ეჭირა, ვინიცობაა, ან მასპინძელი, ან სხვა ვინმე მაგისი ნათესავი წამოეწიოს, ისიც უნდა მოვკლავო. მაგრამ აღარავინ გაბედა მდევრად დაზღვევებოდნენ. მერე იმ დროს კინწანი ისე გათამამებული და გაამაყებული იყვნენ, რომ მთელ ხევსურეთს შიშის ზარს სცემდნენ. არა მარტო ხევსურეთს, მეზობელ მთიელებსაც შიში ჰქონდა მათი ავკაცობისა. გიორგი შინ მოვიდა გახარებული სახით და ახლა უამბო თავისი აწინდელი ამბები. ძმებმა არ დაუწუნეს მისი მოკვლა, რადგან ჯერ მისგან დაედოთ საყვედური, მერე თვითონვე აყვედრიდა და კიდევაც მუქარას სთხოვდა.

ქორწილი აირ-დაირია, შეიცვალა ლხინი ტირილად. გააკეთეს საკაცე და ხთისო ჯადუს წაასვენეს. ხთისოს ამ დროს პატრონი აღარ ჰყავდა, მამა დამწვარაც გარდაეცვალა. ერთი უმცროსი ძმა ჰყავდა, გოგოთური, და ამ წინა წელს ისიც გარდაცვლილიყო. ჰყავდა მარტო ცოლ-შვილი, ორი ქალი და ერთი ვაჟი, პატარები. კინწათ აღარავის შიში ჰქონდა და არც ადგილიდან აყრილან, არც რიგი უყენეს. ერთი კაციც არ გაუგზავნია შუაკაცად ამ საქმისათვის. ისინი ამბობდნენ: სირცხვილი დაგვდვა, სასაცილოდ აგვიყარნა და ამიტომ მოვკალითო. კინწათ უნდოდა ქალის წამყვანი გამიხარდი ჩაეგდოთ ხელში და მოეკლათ. არხოტში კაცის მოკვლა ადვილი არ იყო. ვერც თვითონ წამოვიდოდნენ მშვიდობიანად. გამიხარდი არხვატს არ სცილდებოდა. მერე კინწანიც დაიხოცნენ, გამიხარდიც მოკვდა და საქმე გაურჩეველი დარჩა. კინწათ მამუკა უფროსი ძმა იყო და იმან ძმებზე დიდხანს იცოცხლა. დამწვართ ხთისოს შვილი რომ წამოიზარდა, ტუჩაის და გიორგის შვილებზე დააპირა შურისძიება. მაგრამ მამუკამ წინასწარ მიუგზავნა კაცები და რაც აკლდა, ყველა რიგი უყენა. კინწათ ვერ დაამტკიცეს ის, რომ მათი ცოლი ჰელაუღებელი იყო მათგან. დამტკიცდა, რომ თავი ჰქონდა დანებებული და მერე გათხოვდა. ამიტომ მათ ცოლის გათხოვების გამო რჯულმა არაფერი აკუთვნა. ისინი კი მთითხოვდნენ თექვსმეტ ძროხა დრამას.

შიშისაგან კოხიოთ ყუდიას მოკვლა მამულის თაობაზე

ჩამაწერინა შიშია ქერაულმა, 56 წლისამ სოფელ ჯადუში

შიშია იყო სოფელ ჯადუდან, ქერაულთ გვარისა. ყუდიაც აქაურივე იყო, კოხიოთ მამიდან. ყუდია იყო ცნობილი კაცი ხევსურეთში, ის იყო მაცოდარი, ხევსურეთის რჯულის კარგი მცოდნე და კაც-შუაკაცში მაარული. მას ყველაფერი კარგი თვისება ჰქონდა, მხოლოდ, სხვის მამულს ეტანებოდა. მიწით გაუმადდარიყო – ტყოდნენ ხევსურები. არ შეიძლებოდა, რომ ერთი კვალი სხვის მამულში არ გადაეხნა; როცა მამულები ერთიმეორეზე იდო და თავის მამულს მორჩებოდა, ერთ კვალს მაინც მიაყოლებდა სხვისას. ხევსურეთში მამულების სამძღვრად სამნის (გრძელი ქვა) ჩაგდება იცოდნენ მძღვარში, მაგრამ ყუდია მაინც ღიბუს გამოუღევდა სამანს და გადმოაქცევდა.

შიშია, ობლობით გაიზარდა ჯადუში, მამულიც ბევრი ჰქონდა და სანახევროდ აქირავებდა მამულებს. სხვათა შორის, ერთი კარგი მამული იყო ყუდიას მამულის თავზე. ყუდია ყოველწლიურად მიიწევდა ზევით შიშის მამულში. სამნებს გადმოყრიდა და თითო კვალს ზევით მისწევდა. შიშია როცა წამოიზარდა, აფრთხილებდა: ნუ იქცევი ეგრე, თორემ მწყინს და ხათაბალა საქმე მოგვიხდებაო. ყუდია თითქმის დაპირდებოდა არაო, რაღაცას დააბრალებდა სამნების გადმოყრას, მაგრამ თავისას მაინც არ იშლიდა. ბოლოს შიშია მოთმინებიდან გამოვიდა და როცა სამნები გადმოყრილი დაინახა, მივიდა და უთხრა: რად შერები ამას მაგ ხნის კაცი, რომ ჩემს მამულში მიიწევო. ყუდიამ უთხრა: აქ შენი არაფერია, წადი მოშორდიო. მერე კი შიშიამ მოთმინება დაკარგა და გალანძდა. იმანაც უპასუხა და იშუღლეს. შიშიამ ხანჯარი თავში დაჰკრა მსუბუქად. ყუდია გაეშმაკებული კაცი იყო. იშუღლებდა, იარაღს დააკვრევენებდა სხვას და მერე დრამას იღებდა. შიშისთანაც ეს უნდოდა, რადგან შიშია ობოლი იყო და ღარიბი, დრამა არ ჰქონდა გასატანი. ამიტომ ყუდია ფიქრობდა – შიშის ვეჭრევი, ნაჭრევეს ისევ გავიკურნავ, ის დრამას ვერ იშოვის და ამ მამულს ჩემს მამულს გადავაბამო, ე. ი. მამულს სულ წავართვამ, რასაც მედავება, რომ ზევით ნუ მოდიხარო. ყუდიას ეშმაკობა შიშიამაც იცოდა და ამიტომ მსუბუქად დაჰკრა, რომ სად რამე არ ყოფილიყო. ხევსურის აქიმებს ერთი წამალი რაღაცა ქონდათ, ამ წამალს „დარიშკანას“ ეძახოდნენ. ასეთი გამსუნაგებელი კაცები ამ წამალს თავის ნაჭრევეში (თავში მიყენებული ჭრილობა) დააყრევიებდნენ, ეს ისეთი რაღაცა იყო, რომ ძვალს სულ დასჭამდა, დაცხრილავდა, ხევსური ექიმი ამ წამლისაგან დაზიანებულ ძვალს ხოწის (ხვეწის) პირით ამოტეხდა და იარაღისაგან დატეხას დააბრალებდა. ვითომც ხანჯარი რომ დაჰკრა, იმან ძვალი დატეხა და ის ამოვიღეო. მაგრამ დარიშკანა ძვალს აშავებდა და გამოცდილი ხევსურები ამჩნევდნენ, რომ დარიშკანასაგან იყო გაფუჭებული. ასეთ

რამეზე ბევრჯერ დავაც იყო. ბევრჯერ ექიმიც დააფიცეს, რომ მას დარიშკანა არ დაუყრია და სხვა. ყუდიამ გაიგო, აქ ძვალი არ ამოვიდოდა და შიშისაგან დრამა არ ერგებოდა, ექიმი მოისყიდა და დარიშკანა დააყრევინა. ეს ამბავი ექიმისათვის ხეირი იყო – დრამის პროცენტებს იღებდა სააქიმოდ. თუ ნაჭრევიდან ძვალი არ ამოვიდოდა, სადრამე არ იყო და აქიმსაც არაფერი ერგებოდა; ამიტომ აქიმები ნაჭრევიანს არც კი ეუბნებოდნენ და თავში დაჭრილს ჩუმად აყრიდნენ დარიშკანას ძვალის ამოღების და თავის სარგებლობის მიზნით. აქიმი ყოველ ხუთ ძროხა დრამაზე, სააქიმოდ იღებდა სამის ცხვარის დრამას და ამიტომ ცდილობდა ბევრი დრამა ყოფილიყო გასაღები. თუ ზეთა ძვალს ამოიღებდა, ხუთი ძროხა იყო დრამა და აქედან აქიმს სამი ცხვარის დრამა ერგებოდა. ჩხიმიან ძვალს თუ ამოიღებდა, რვა ძროხა დრამა იყო. თუ ტვინზეთ ამოიღებდა, ეს თექვსმეტი ძროხა იყო დრამა. ხანდახან ხელის და ფეხის ნაჭრევისაც მოხიბლავდნენ, რომ დასახიჩრებულიყო და მეტი სადრამე ყოფილიყო და აქიმსაც მეტი სააქიმო რგებოდა. ამნაირად ყუდიას დარიშკანა დააყარეს და სულ პატარა ნაჭრევი მოუხიბლეს. ძვალი დაიცხრილა, ჩირქი დადგა და შეიქმნა მძიმე ავადმყოფი. ახლა მიმართეს მკითხავეებს, მათის რჩევით, სანების ჯვარს სამეშველოდ დაუკლეს ერთი სამის წლის კურეტი. ცროლს დაკლეს ვერძი. შეუთქვეს ღამისთევები, მაგრამ ტვინი დაუხიანდა და ყუდია გარდაიცვალა. როცა ყუდია სასიკვდილოდ სწუხდა, შიშია მაშინვე გაიხიზნა სოფლიდან და სხვა სოფელში გადავიდა. აქ მოუვიდა ამბავი ყუდიას გარდაცვალებისა. შუაკაცები მაშინვე მივიდნენ დაზარალებულის ოჯახში. ყუდიას ჰყავდა ორი ბიძაშვილი, მგელია და ყუდია. დარჩა ერთი თავისი ვაჟი. ამას უფრო არაფერი ეკითხებოდა, როგორც პატარას. ამ ჭირ-სირცხვილს უძღვებოდნენ ბიძაშვილები. პირველ ხანებში რიგს არ იყენებდნენ. რიგის არ ყენება ნიშანია იმისა, რომ ჭირის პატრონს გადაწყვეტილი აქვს მამკლავის მოკვლა და ასანაზღაურებლად აღარ გაუხდება მიღებული რიგი. ამიტომ შუაკაცები ცდილობდნენ, რიგი აუცილებლად ეყენა. რიგის ყენება ჭირის პატრონის გულს ამშვიდებსო, იმასაც იტყოდნენ.

როგორც ვთქვით, პირველად არ იყენეს რიგი, მაგრამ, შუაკაცების მეცადინეობით და თხოვნით, რიგი აყენებოდა (აქ რიგის ყენების წესებს აღარ ავწერთ, რადგან ის უკვე დაწერილია ზემო თავში). გვარმაც რიგი იყენა, სახლმაც, დედულთაც, დამ, მამიდამ. ყველამ იყენა რიგი, ვისაც რა ეკუთვნოდა. შიშია ხან სად იმალებოდა, ხანს სად, რადგან ყუდიას ბიძაშვილები ეძებდნენ მოსაკლავად. შიშias თავისიანი ერთი ოჯახი ჰყავდა – დანიშათ ჭირჩლა. ესეც სოფლიდან იყო გახიზნული. ჭირჩლას მალედ აქნიეს პირშასამყრელო და სოფელში მოუშვეს. შიშიამ კი ბევრი იწვალა, ჯურუმებიც ბევრი გადაახდევინეს, სადღაცა იმღერაო, სადღაც რაღაცა სოქვაო, – დადებდნენ ჯურუმს და, რასაც ისინი იტყოდნენ, მეტი გზა არ ჰქონდა, უნდა ეხადა. ამასობაში სულ განადგურდა, გაღარიბდა და ბოლოს ერწოში წავიდა საცხოვრებლად. განვლო

წლებმაც და ყუდიის შვილიც წამოიზარდა. ბოლოს მისცეს პირშასამყრელს ნება. აღუდებოდა სანების ჯვარში ლუდი და ჩვეულებრივი რჯულით შეიყარნენ სანების ჯვარში. ამის შემდეგ დარჩა წელიწადში ერთი რიგის საკლავის დაკვლა, დანარჩენი რიგი მოთავდა. მამკლავი ხომ სულ მონა იყო იმათი თავის სიცოცხლეში.

უჯგუანი და კოკონი

ჩამაწერინა გიორგი ჯაბუმანურმა სოფელ ახიელში, 72 წლისამ

ამბავი იწეება ქისტებთან მოსისხლეობით და გადადის ბარისახოს უჭკუათ და შატილში კოკონთ ერთიმეორის დახოცაზე და მათ მოსისხლეობაზე.

ერთხელ ფშავლებმა, თუშებმა და ხევსურებმა მოიყარეს თავი მითხოვლების დასაბეგრავად. ეს იყო მენშევიკების მთავრობის დროს. ამ დროს ქისტები ძალიან თარეშობდნენ ზემოაღნიშნულ მთიელებზე, იტაცებდნენ ცხვრის ფარებს, ასობით ცხენებს და მსხვილფეხა პირუტყვს. მენშევიკებმა ვერ შეძლეს ამ მოძალადე ხალხის აღაგმვა და რაც იმათ სურდათ, იმას აკეთებდნენ. იმათ ბუნებრივად თანდაყოლილი ჰქონდა ქურდობა და ყაჩაღობა. ვისაც ეს არ შეეძლო, იმას კაცად არ სთვლიდნენ და ქალიც კი არ გაჰყვებოდა ცოლად. ასეთ კაცზე ქისტის ქალი იტყოდა: ისაც ქალია და მეც ქალი ვარ, ვაჟკაცობის თავი მაგას არა აქვს და ცოლად რად გავყვებიო. ასეთები იყვნენ ქისტები და მენშევიკების დროს ხელიც ეწყობოდათ დროებითი მთავრობის სისუსტის გამო. ქისტებმა მეზობელი მთიელები ძალიან რომ შეაწუხეს, ამათ თხოვეს მაშინდელ მთავრობას, ნება მოგვეცი გავილაშქროთ, თან იარაღითაც დაგვეხმარებით, ქისტებს ჩვენ დავეცემით და ჩვენიდან მოტაცებულ პირუტყვს მაინც დავიბრუნებთო. მაშინდელმა მთავრობამ ხელი შეუწყო იარაღით. მაშინ ფშავ-ხევსურეთი და თუშეთი თიანეთის რაიონს ეკუთვნოდნენ. რაიონმა ერთ-ორი სტრაჟნიკი და თავისი წარმომადგენელიც გააყოლა და აღნიშნული მთიელები გადავიდნენ მითხოში. პირველად სოფელ ჯარეგოში ჩავიდნენ. სოფელს ალყა შემოარტყეს, ხალხი დაიჭირეს და მათი უძრავ-მოძრავი ქონება მთლად ლაშქრის ხელში ჩავარდა. პირუტყვი გამოგზავნეს და ოჯახში, რაც რამ ნივთი მოეწონებოდათ, იმასაც აქეთ გზავნიდნენ. თვითონ ლაშქარი კიდევ სხვა სოფლებზე თარეშობდა და მოუდიოდა პირუტყვი. მთავრობის წარმომადგენლებს და ლაშქარს მათი მთავარი ძალა ხელში ჩაგდებული ჰყავდა. გამოცდილი მთიელები ურჩევდნენ მთავრობის წარმომადგენელს, ვიდაც მენტეშაშვილს: ეს დაჭერილი ხალხი შატილში გავგზავნათ, იქ ყარაული დაუყენათ, როცა ჩვენ წავალთ, – , თიანეთამდინ ჩავიყვანათ, მერე მართალი ხალხი გაუშვათ და ქურდები ციხეში დაიჭირეთო (მაშინ მითხოც თიანეთის მაზრაში შედიოდა). ქისტები კი ტკბილი ენით ელაპარაკებოდნენ: ჩვენ მთავრობის ერთგულნი ვართ, რად გვაპატიმრებთ, გაგვიშვით, ვინც აქ ქურდები და ავაზაკები არიან,

დავიჭერთ და ჩაგაბარებთ. აბა, ჩვენ, ალალ ხალხს, რას გვემართლებითო. თუშ-
ფშაგ-ხევსურები კი ამათ ეშმაკობას იცნობდნენ და ურჩევდნენ მენტეშაშვილს, ესენი
არ გაუშვას, მანამ აქედან ჩვენ არ გავსცილდებითო. მაგრამ მან ქისტების ლაპარაკი
უფრო დაიჯერა, იფიქრა: ეს ხალხი ქურდ-ყაჩაღებს დაგვაჭერინებს და ნასახელარი
დავბრუნდებითო. მაგრამ ამან ქისტების ალათი არ იცოდა, რომ მათ ქურდები და
ყაჩაღები უფრო დიდ კაცად მიაჩნია და არც ერთი მათგანისათვის მთელი სოფელი
თავს არ გასწირავდა. ადგა ეს მენშევიკების წარმომადგენელი და ეს დაჭერილი ხალხი
სულ გაანთავისუფლა. განთავისუფლებული ქისტები პირველად აქ ტრიალებდნენ.
მერე დავარდა ამბავი, რომ თუშები ერთს ოჯახში ცუდად მოიქცნენო და ამ ამბავზე
ეს ქისტები სულ გაქრნენ. ამ საკითხში ისინი ძალიან თავმოყვარენი იყვნენ და
ამას აღარავის აპატიებდნენ. ეს იცოდნენ ფშაგ-ხევსურებმა და თუშებმაც. ლაშქარი
ჯარეგოში იყო დაბინავებული, ხარები დაკლეს, ხორცი მოხარშეს და ივახშმეს. მერე
ქისტების სახლებში დაიძინეს, ზოგმა შიგ, ზოგმა გარეთ.

განთავისუფლებული ქისტები წასულიყვნენ და, სადაც ვინ ქისტი იყო დამალული
თუ საცხად, ყველანი მოეყვანა და ამავე ღამეს ჯარეგოსათვის ალყა შემოერთყა.
გათენდა დილა და ქისტებმა დაიწყეს სროლა. ვინც გარეთ იყო, ყველანი დახოცეს,
ლაშქრის ნაწილი ჯარეგოს ბოლოზე წამოვიდა და სულ ამოწყვიტეს ქისტებმა. ვინც
მოასწრო, სახლში გამაგრდნენ. თუ ვინმე გამოიხედავდა ან საკომში, ან კარებში,
მაშინვე კლავდნენ. ტყვია წვიმასავით მოდიოდა. თუში, ფშაველი და ხევსური
სამოცამდინ მოკვდა და დაიჭრა. ამ დროს ერთ სახლში გამაგრებულიყვნენ: სოფ.
ბარისახოს მცხოვრები გიგია ბაბუასძე ჭინჭარაული და სოფელ აკუშოში მცხოვრები
იმედა კირკილასძე ლიქოკელი. ერთი თავმომწონე ქისტი შევიდა ამ სახლში ამათ
დასახოცად, მაგრამ მათ დაასწრეს და მოკლეს ეს ქისტი ტყვიით. ამის გაგებაზე
ქისტებმა მოინდომეს სხვა კარებიდან შესვლა და მათი დახოცვა. ამათ ამჯობინეს
გარეთ გასვლა და იქ ბრძოლაში დახოცა, თუ გაქცევით ვერ გადაირჩენდნენ თავს.
გამოვარდნენ გარეთ, მომზადებული თოფები ეჭირა, მაგრამ ქისტები ჩასაფრებული
იყვნენ და ვის დაინახავდნენ. იმათ კი გამოსული ხევსურები დაინახეს და იქვე
დახოცეს. გათავდა ბრძოლა. მისული ლაშქრიდან ნაწილი გადარჩა, ვინც სახლებში
იყო გამაგრებული. ახლა ამათ მიუგზავნეს კაცები, გაგვიშვითო. აქ ქისტებს
ხელმძღვანელობდა იმ დროს სახელ-განთქმული ყაჩაღი ბაგი. ის დიდი გავლენიანი
კაცი იყო ქისტეთში. რა არ ჩაუდენია მას თავისებური საგმირო საქმე. პირუტყვის
მოტაცების გარდა, ერთი ტყვეც კი წაიყვანა სოფელ მათურიდან, მწარია თადიაური
და ოცდაათი ძროხა მიუყვანეს ტყვის საჯსრად. ყველა ასეთებით სახელი ჰქონდა
განთქმული მთიელ ხალხში და ქისტებიც ამის სიტყვას კანონად ღებულობდნენ.
თუშებისაგან შეურაცხყოფილი ქალების პატრონები მოითხოვდნენ: დაგვანებეთ თავი
და ამ ხალხს სულ ამოვწყვეტო, რომ ის ბოროტმოქმედი ვიღაცა იყო, ცოცხალი არ

წავიდესო (ისინი მართლა გაპარულიყვნენ და გადარჩნენ). მაგრამ ბაგიმ თქვა: ეყოფა ამდენი სისხლის დაღვრა, ვინც ცოცხალია, გაუშვით, მხოლოდ თავისი იარაღი და ცხენები აქ დატოვონო. თუმცა ეს სამარცხვინო იყო, მაგრამ სიცოცხლე არჩიეს და წამოვიდა ცარიელი ხალხი. მერე მკვდრებსაც აღარ ანებებდნენ უსაჯსროდ, რამდენიმე თუმანს თხოულობდნენ; საჯსარს მკვდრის პატრონი მიუტანდა და მოჰქონდა თავისი მიცვალებული. ზოგი დარჩა იქ: სადღაც ხრამში ჩაყარეს – ყო ხმები. უჭკუათ გიგია და იმედა წამოასვენეს (გიგია ჭინჭარაული იყო, უჭკუათ მამიდან), სახსარი მისცეს (მთხრობელმა არ იცის რამდენი) და თავ-თავის სოფელში დაასაფლავეს. გიგიას სიკვდილის გაგონებაზე, იმისმა დამაც წყალში დაიხრჩო თავი. გახდა მოსისხლეობა. გიგიას დარჩა ერთი ბიძაშვილი სულხანაური. ეს კაცი რუსეთის ძველი მთავრობის დროს ყაჩაღად იყო გასული – ხოცავდა სტრაჟნიკებს, ქისტებს და ერთი ხევსურიც შემოაკვდა ქისტისათვის ნასროლი ტყვიით. ნიკოლოზის მთავრობის სტრაჟნიკები დაზდედნენ მას დასაჭერად, მაგრამ ვერ დაიჭირეს. ხევსურეთში სულხანაური სახელგანთქმული ყაჩაღი იყო. ნიკოლოზის ჩამოგდების შემდეგ კი იმას აღარ უყაჩაღნია. დაიწყო ამან სიარული შურის საძებრად. სულხანაურს შატილში ჰყავდა ერთი ძალიან კარგი ძმობილი – გიგიათ აბა. სულხანაური რომ ქისტეთში შურის საძებრად წავიდოდა, გავლით აბასთან მიდიოდა. ის ხელს უწყობდა, საგზაღს უღებდა და გზაკვალს ასწავლიდა. სულხანაურმა მოკლა ქისტის მოღა და მისი თავი გუღაში ჩადო და შინ მოიტანა. ეს იმიტომ, რომ ქისტებმა გიგიას ცხედრის საჯსარი რომ წაართვეს, ამას ეგონა, მოღაღს თავს აქ არავინ დასტოვებს, იმ საჯსარს ისევე დავიბრუნებ, რაც იმათ წაიდეს და ამით ჯავრს ვიყრიო. მაგრამ, რატომღაც, ქისტებს ეს თავი აღარ მოუთხოვიათ და სულხანაურსვე დასჭირდა მისი ჩამარხვა მიწაში. ჯერ რამდენი სიმძიმე ატარა ამსიშორე მთა-გზაზე. სულხანაურმა მოღაღს მოკვლით კიდევ გული ვერ იჯერა და უნდოდა, მისი ბიძაშვილის მოკვლისათვის, რამდენიმე ქისტი მოეკლა. ბევრჯელ დადიოდა ამ საქმეზე, მაგრამ ვერაფერს ხდებოდა. ბოლოს წამოვიდა და ორი ამხანაგი გამოჰყვა. გიგიათ აბა სახელში არ დაუხვდა; წავიდა, შატილის და ჯარეღოს საზღვართან შეკრა გზა. ელოდა ერთი დღე და ქისტი არავინ მოვიდა. სულხანაურს გადაწყვეტილი ჰქონდა, ვინც უნდა ქისტი მოსულიყო, მოკლავდა. იმან თავის ბიძაშვილის მკვლელები ვერ გაიგო და გარჩევას არ აძლევდა, ვინც უნდა ყოფილიყო.

შუადღის დრო იქნებოდა, რომ ქისტეთის მხრიდან მოვიდა ორი მგზავრი. ერთი ხევსური და ერთი ქისტი ახალგაზრდა. ხევსური იყო კოკოთ გიგია, ნათელიზღის შვილი, სულხანაურის ძმობილის – აბას მამა. ქისტი ძალიან მოეწონა და იფიქრა: ეს არის ჩემი ბიძაშვილისათვის უნცროსად შესაფერი, ამას რომ მოვკლავ, მერე კი გული დამიმშვიდდებაო. ამოიდეს კარგად მიზანში. სამი თოფი ერთად გაგარდა და

ქისტის მიწას დაენარცხა. სულხანაურს გაეხარდა და დაუძახა: „უნცროსიმც ხარ ჩემის შინშისა, ჯღანთამც უბანდავ, წყალსამც უზიდავ“. გიგია მოვარდა წაქცეულ კაცთან და ხმამაღლა დაიძახა: „რომენ იყავ, რაზე მამიკალ შვილი, რავისა მემართ!“ შამოაწვინა და დამკაცრა. ახლა კი სულხანაური მიხვდა, რა ჩაიდინა. ქისტის ეგონა და თავისი საუკეთესო ძმობილი აბა მოკლა და ამხანაგებს უთხრა: ახლა გაწყრა ღმერთი. ქვეყანაზე ვინც ყველაზე კარგად მანჩიყო, ის კაცი მოვკალიო. ეხლა იციან, რომ შატილში ხმა გატყდება, გზას შეუკრავენ და ცოცხლების წასვლა ძნელი იქნება. გზადაგზა წამოსვლა აღარ შეიძლებოდა. აქვე შეუხვიეს და ანატორიდან მთილიმთივ წამოვიდნენ. თოფის ხმაზე შატილივინები მოვიდნენ და ნახეს, აბა უკვე მკვდარი იყო. მნახველებიც მოვიდნენ, რომ სულხანაური ჩავლილი იყო შურის საძებრად. ყველა მიხვდა, რომ ეს მან ჩაიდინა ქისტის გონობით. აბა ხევსურულ ტანსაცმელს არ იცვამდა, ნამეტნავად მაშინ, როცა ის ქისტეთში წავიდოდა, ქისტურ ჩოხა-ახალუხში და ქამარ ხანჯარში გამოეწყობოდა, ტანი და მიხრა-მოხრაც ქისტური ჰქონდა და ამიტომ ვერ იცნო სულხანაურმა. აბა სახლში მოასვენეს და შატილივინები მოემზადდნენ სულხანაურისათვის გზის შასაკრავად. უნდა შეუკრან გზები რამდენიმე ადგილას, რომ ცოცხალი არ წაუვიდეს, თორემ ხელში ვეღარ ჩაიგდებდნენ და შური დარჩებოდა საძებნი. მაგრამ ერთი ამბავი უშლიდა ხელს: სულხანაური რომ მოკლას კოკოთ მამის გარდა სხვა კაცმა, ეს არ შეიძლებოდა. თავი თავში არ გაიბრებოდა და დანაშაულიც იყო, სხვა მამის კაცის გულისათვის რომ სხვა მამის კაცს მოეკლა. გიგია ამ ამბავს მიუხვდა და თავის თანასოფლელებს უთხრა: „კვესურეთის რჯულით, სხვა მამის კაცმ, რო მაკლას სხვა მამის კაცის სისხლზე, ეს არ ას წესი, არც თავ თავში გაიბრების, მაგრემ, ვითამ ჩემნ მუშან ყოფილხართ, ჩემ საქმე გიკეთებავისთ, ჩემის შვილის გულისად ვინაც კაცს მახკლავთ, ჩემის აბაის მამკლავს, მე თავს თავში გავღბრი. აგებ მაიგონათ, ყველასთან კა იყვ, აგებ იმის მამკლავს თოფ დახკრათ, სადაც ვის მაგივასთ გზაში. რომნით გზით წამავ, აბა ვინ იცის. თქვენ გზებ იციითად ზოგნი სად შახკრავთ გზასად ზოგნი სად, აგებ არ გადაგვივიდას მთას თორემ მაგას მემრ ჰკლად ვეღარ ჩავიგდებთ. ეს სიტყვები რომ თქვა, თვითონაც თოფი აიღო და წავიდა ერთ-ერთი გზის შასაკრავად. დაღამდა კიდევ. ზოგმა სად შეკრა გზა, ზოგმა სად. სულხანაური ღამე ასულიყო ერთ მაღალ მთაზე. იქ გზა ვერ გაეგო და ღამე სადღაცა მაღლა გაეთია. დილით ჭალისაკე წამოსულიყვნენ, სადაც ეგონა, იქ არავინ იქნებო. იქ ერთ შატილიონ ახალგაზრდას ჰქონდა გზა შეკრული, ბოციათ მამის კაცს, გიგიას; მეტსახელად კურდღლიშვილს ეძახოდნენ. სულხანაურს ყველა კარგად იცნობდა, რადგანაც ისაც ჭინჭარაული იყო და შატილშიც ყველანი ჭინჭარაულები არიან, ამიტომ ხშირი მისვლა-მოსვლა ჰქონდათ ერთმეორესთან. კურდღლიშვილმა იცნო რომ სულხანაური წინ მოუძლოდა ორ თავის ამხანაგს. თოფი მომარჯვებული

ეჭირა და იქით-აქეთ იხედებოდა. კურდღლიშვილი არ აჩქარდა, რომ არ აეცდინა და სირცხვილი არ ეჭამა. ახლო მოუშვა, კარგა მაგრად დაუმიზნა გულში. თოფი რომ გავარდა, სულხანაურს თოფი ძირს ჩაუვარდა და თვითონაც წაიქცა. ამხანაგები შეერთნენ და გაიქცნენ. კურდღლიშვილმაც აღარ ესროლა მათ. ისინი რომ გაიქცნენ, კურდღლიშვილიც ადგა და საფარიდან წამოვიდა. მოვიდა და თქვა, რაც მოხდა. შვილის სიკვდილზე ხევსურეთში არ ტირიან. ნამეტნავად სხვის მოკლულზე. არც გიგიას უტირია და სულხანაურის სიკვდილის გაგონებაზე ცრემლები გადმოყარა და თქვა: „ჩემს შვილსა-დ სულხანაურს ერთ სხვა ძმებსავით უყვარდ. რად იყვნენ ასეთ უკლო უბედურებ, რო ორნივ ერთ დღეს დაივცნენ, ორნივ ტყვიით. აბა რა ექნა ჩემის შვილის ცოდოიც თაოდ დაიდვა-დ თავის ცოდვაშიაც სხვან გახვიენ“. მივიდა გიგიასთან და აკოცა. უთხრა: „ხალხსაც მიზდიოდას, ხთის-შვილთაც, ცასაც, დედამიწასაც, რომ მე ჩემის შვილის თავს გავდბრი სულხანაურის თავში. შენ თავს არ დაგდებ. ეე ხევსურეთულნი ანგელოზნი-დ ხთის ნაბადებნი იყვნან თავზდებნი, შავასრულებ, რასაც ვამბობ. შენ ჩემის გულისად გაეხვი ხათაბალაში. ბარაქალა, ღმერთმა ნუ მაგიშალას სახელი, კაიკაცობა“. ერთ-ერთი ამხანაგი სულხანაურთან მივიდა და იქ დარჩა, მეორე წამოვიდა და ჳევსურეთ ჳმა გატეხა სულხანაური მოგვიკლესო. სულხანაურს გუდანში ჳყავდნენ შორიული ბიძაშვილები. თავისი მამა ჳყავდა მოხუცებული და ერთი პატარა ვაჟი ოთხი-ხუთი წლისა. წამოვიდა ხალხი და მიცვალებული ბარისახოში მიასვენეს. ორივე მიცვალებული დასაფლავდა თავისებური წესით. რიგი არც ერთს უყენებია, არც მეორეს. კარგა ხნის შემდეგ გიგიამ გოგოთურს მიუგზავნა კაცები – საქმე დავაბოლოვოთ, თავი-თავში გავდბარათო. მაგრამ გოგოთურმა შემოუთვალა: ჩემმა შვილმა შვილი მოგიკლა და მე თავს დავიდებ მე ბოციათ მამიკლეს შვილი და თავი დაიდონ. მე თავს თავში არ გავბრიო. შუაკაცებმა ბევრი იწვალეს, მაგრამ გოგოთურმა თავი თავში არ გაბარა. მერე სულხანაურისა მამკლავი კურდღლისშვილიც მოკვდა, სულხანაურისა და აბას მამაც ორივენი დაიხოცნენ და საქმე დაუბოლოვებელი დარჩა.

გაჟუნათ ლეგუას და მბელათ ნადირასაბან ერთიმეორის ღახოცა

ჩამაწერინა ხთისო ვაჟუნასძე ჭინჭარაულმა სოფ. შატილში, 69 წლისამ

ლეგუა ვაჟუნასძე ჭინჭარაული იყო ამ ამბის მოხრობელ ხთისოს ძმა. ბოციათ მამიდან, ნადირა მგელასძე ქეთელაური იყო სოფელ ბისოდან. ერთხელ ნადირა შატილში სტუმრად მოვიდა. შატილში არის ერთი საფეხვნო ადგილი, სადაც თავისუფალ დროს მამაკაცები იყრიდნენ თავს და საუბრობდნენ სოფლის საჭირობო საკმეებზე. მასპინძელი მისულ სტუმარსაც იქ წაიყვანდა, იქ ხალხია და გაირთავო. მოსული მგელათ ნადირა საფეხვნოში იყო და ახალგაზრდებთან საუბრობდა. ხუმრობით საუბარზე შეყვნენ და შეკამათდნენ ლეგუა და ნადირა. ერთიც თავმომწონე ახალგაზრდა იყო და მეორეც. ლეგუა ბუდის ხევესურებს დასცინოდა, ნადირა შატილივნებს და ამაზე წაიშულდნენ. მეშველებმა მალე გაამეშველეს და ერთიმეორისათვის არა დაუკრავთ რა. მხოლოდ დაემუქრნენ ერთიმეორეს: სადაც მარტოები შევიყრებით იქ დაგვეცდებოა. ლეგუამ იცოდა, რომ ნადირა მეორე დღეს უნდა წასულიყო. თუმცა დიდი სამტერო არაფერი ჰქონდა, მაგრამ ლეგუა მაინც წამოვიდა და ერთ ვიწრო ადგილას გზა შეუკრა. ნადირას თოფი მხარზე გადაეკიდა და ისე წყნარად მოდიოდა. ლეგუა უცბად გადმოხტა და ხანჯარი თავში ძალიან მაგრა დაჰკრა. ნადირა ნაჭრევს შეუჩვეველი არ იყო, მაგარი ვაშკაციც იყო, მაგრამ ხანჯრის ძლიერ დარტყმაზე დაეცა დაბლა. ლეგუამ ხანჯარი ჩააგო და წავიდა. ნადირა გონს მოვიდა და დაინახა ლეგუა მიდის. მოიგდებინა თოფი, ესროლა და იქვე მოკლა. თვითონაც ისევე დასუსტდა და დიდხანს იყო წაქცეული. მერე წამოვიდა და დიდის წვალებით მოადწია კარში. აქ ნათესავეები ჰყავდნენ. ჭრილობა შეუხვიეს და ცხენით წამოიყვანეს ბისოში. ლებაისკრიდან კაცი წავიდა და შატილში ხმა გატეხა ლეგუას მოკვლის შესახებ. ხალხი წამოვიდა და მიცვალებული წაასვენეს. ნადირა, თუმცა ძალიან მძიმე ავადმყოფი იყო, სწუხდა ნაჭრევისაგან, მაგრამ ხევესურეთის რჯულის მიხედვით მაინც რიგი უნდა ეყენა თავის მოკლულის ოჯახისათვის და ყველასთვის, ვისაც რიგის ყენება ეკუთვნოდა. სახლის რიგი, გვარის რიგი, დედულთ რიგი, და, მამიდა და სხვა. ნადირა კი ლოგინად იყო ჩავარდნილი, მაგრამ მისი მამა რიგს უგზავნიდა შუაკაცების ხელით ზემოაღნიშნულ ნათესაობას და სახლს. ნადირას სოფლის აქიმი დააყენეს, მაგრამ თანდათან შეწუხდა (ნამდვილი ექიმები მაშინ ხევესურეთში არ იყო და ხევესურებს არც სჯეროდათ, თუ ნამდვილ ექიმებს ხევესურეთის ექიმებისოდნად ესმოდა ჭრილობის რამე; „ჩვენ თუ თავის აქიმ არ გვეყო, ქალაქურებ აქიმებ არას გვიშველან“ – ტყოდნენ ხევესურები). ერთი სოფლური ექიმი ამ დროს არხოტში იყო და სხვა სოფლის ექიმებთან შედარებით ის უკეთესად მკურნალობდა. ნადირას მამა მგელია წავიდა არხოტში და დიდის

თხოვნით წამოიყვანა სოფლის აქიმი ალექა. მაგრამ ლეგუას დის ქმარმა ე. ი. სიძემ, მგელას გზა შეუკრა ადგილობრივ საცოველს, ცხენზე ნაჯდომს ესროლა (თუმცა სიძისაგან ხევსურეთში შურისძიება არ შეიძლებოდა, მაგრამ მას ცოლისძმა ძალიან უყვარდა და გადაწყვიტა იმის მკვლელს მამა მაინც მოუკლას). მგელია პირისახეში ცოტათი დაიჭრა. ტყვიამ ცხენს გაუარა და ცხენი კლდეზე დაგორდა. ალექა მიეშველა, მგელა ცოცხალი გადაარჩინა, ცხენი კი თავის უნაგირით წყალში ჩავარდა მკვდარი. უკაცრავად ალექაო, დაუძახა იმედამ და წამოვიდა. მგელა ალექამ ფეხზე არ ააყენა და იმედას მკვდარი ეგონა (ლეგუას სიძე იყო ეს იმედა). მაშინ მგელა და აქიმი აქვე დარჩნენ, მეორე დღეს სხვა ცხენი შეუკაზმეს მასპინძლებმა და მგელა ისე გაისტუმრეს. აქიმიც გაჰყვა. აქიმმა ხანჯრისაგან დაჭრილ-დამტვრეული ძვლები ამოუღო, რაც ტვინზე ყოფილიყო დაწოლილი და ნადირა მომჯობინდა. ბოციანი იმის მოსაკლავად დადიოდნენ შატლიდან. ავადმყოფმა რომ იმჯობინა, აქიმი სახლში წავიდა. ახლა სხვა აქიმი მოუყვანეს. ცოტა ხნის შემდეგ ავადმყოფი ისევ შეწუხდა და დიდხანს აღარ იცოცხლა. გარდაიცვალა ნადირაც. გამოირკვა, რომ ტვინის სკა დაწყვეტილიყო, ტვინი ამოჩენილიყო და ლურჯად მოქცეულიყო ის ადგილი, სადაც ძვლის დაწოლა იყო. ახლა ატყდა კაც-შუაკაცი. ნადირას ძმა ბაბუა პატარა იყო და სხვა ახლობელი არავინ ჰყავდა. მოხუცი მამა თავობდა ამ საქმეს. რიგი, რომელიც ნაყენები ჰქონდა, შატლიონთ უკან დაუბრუნეს და უყენეს: სახლს, სახლისკაცებს, დედას, დას, და სხვა. ამაზე დიდხანს იმტერეს იმედამ და მგელაის ახლობლებმა. ისინი ამბობდნენ: იმედასაგან მკვდარია მგელა და ხთისოსგან ცოცხალიო და სამთელ-სამკვდროს თხოულობდნენ, მაგრამ იმედა ეუბნებოდა: მე ძმა ცოლისძმაზე კარგად მანხიყვ. გული მტკიოდა, იმით ვესრი, და არას აძლევდა იმედა. კარგა წლებმა განვლო და არ დაბოლოვებულყო მათი სისხლის საქმეებიც. ბოლოს შუაკაცებმა რჯულის კაცები შეუყარეს, რჯულს ჰკითხეს და იმან გაარჩია მათი საქმე. რიგი რომ ერთიმეორეში გაიბარა, საუკუნმამკვდრო აღარავის დაედო, რადგან ერთიმეორისაგან იყვნენ მოკლულნი. ერთი საკლავი ბოციათ დაედო ზედმეტად, რადგან ნადირა პირველი დამნაშავე არ იყო. რჯულმა ლუდი ორივეს აღუღებია და პირშასამყრელო მოაწყვეს ჳაჳმატის ჯვარში. საკლავებიც პირშასამყრელოში ორივე მხარემ დაკლა, იმედას დაადვეს ცხენის ანაზღაურება და სასმლით შინ მისვლა. მან ცხენი მიუყვანა და არაყიც მიიტანა და შერიგდნენ. ასე დამთავრდა მათი ამბავი.

ხარათ და ოჩიაურთ შუღლი

ეს სხვა ადგილასაც იყო ჩვენს მიერ ჩაწერილი, რომ ჯარანი, ოჩიაურნი და ნაროზაულნი ერთიმეორის განაყრები ყოფილან და მერე აქვს თავ-თავის გვარი მიღებული. ერთიმეორის ნათესაობას დიდხნობამდინ მტკიცედ ინახავდნენ. ჯარანი და ოჩიაურნი უფრო ახლო განაყრები იყვნენ. ისე რომ შაბათი არ ქონდა გაყრილი, დაახლოებით ამ სამოცი წლის წინ გაყარეს შაბათი, მაშინ, როცა ჯარათ მამაში გაგუწათ აბას შემოაკვდა ამლიონი ქორიათ გიგი (ეს მამკლაგ-მამკვდრობა აწერილია მამკლაგ-მამკვდრობის აწერილობაში). იგი რომ შემოაკვდა, მეშაბათე ოჩიაურს უნდა გაეღო სამმო ხუთი ძროხის დრამა და მერე ბერდიშვილთან ხათრით უნდა ყოფილიყვნენ მამკლაგ-მამკვდართ წესით, როგორც მეშაბათე, სამმოს გამღები. მაგრამ მაშინ ოჩიაურებმა სამმოს გაღებაზე უარი თქვეს – ჩვენ სხვა გვარი ვართ, ეგ ჯარანი ცისკარაულები არიან, სხვა გვარები და ჩვენ სამმოს არ გავიღებთ. ბერდიშვილებს უნდოდათ სამმო იმათაგან აეღო და ჯელსქვეითად დაეჭირა ოჩიაურების გვარიც. მაგრამ ოჩიაურებმა მაინც არ გაიღეს და ამის შემდეგ შაბათი გაიყარა. სამმო ცისკარაულებმა თვითონ გაიღეს. მაგრამ ოჩიაურები და ცისკარაულები მაინც ერთიმეორეს ახლობლებად თვლიდნენ. ერთიმეორის დისწული ცოლად არ მოყავდათ და არც ერთიმეორის ყოფილი ცოლი მოყავდათ. არც ქვრივი და არც ქმარს გაყრილი. ბოლოს ოჩიაურთ მამიდან ოქიათ გიგიამ დაითხოვა ერთი კვირიწმიდელი ქალი მუშტარა. რამდენიმე წლის შემდეგ ცოლშვილი დაეხოცა ჯარათ მამის კაცს, ძუნძულთ გიგიას, ადგა და ეს კვირიწმიდელი ქალი მუშტარა ამან მოიყვანა ცოლად. ამ ქალის პირველი ქმარი ოჩიაური გიგია და ეს ძუნძულთ გიგია ახლო-ახლო ცხოვრობდნენ და ამ საქმის გამო ერთიმეორეს აშურდნენ. ჯერ იმიტომ, რომ ნათესაობის გამო პირველის ნაცოლარი მეორეს არ უნდა მოეყვანა, მეორე იმიტომ, რომ ახლო მეზობლები იყვნენ და სასაიამოვნო არ იყო ამ ქალის აქ მოსვლა. ერთხელ სულ უბრალო საქმეზე შელაპარაკდნენ და იშუღლეს. ერთი-მეორე ხანჯლებით დაჭრეს, მაგრამ მძიმედ არა. ძუნძულთ გიგიამ დაინახა ოჩიაურთ მამის კაცი და ესეც დაჭრა ხანჯლით. ჩაჩაურმაც ამოიღო ხანჯალი და გააჯავრებულმა ძალიან მაგრად დაჰკრა თავში. მოვიდა სოფლის ხალხი და გააშველეს. სხვები არა, მაგრამ გიგია, ძუნძულთი, მძიმედ იყო დაჭრილი, ხორციც და ძვალიც გაჭრილი იყო თავზე. აუტყდა კაც-შუაკაცი, ერთიმეორეს პატივი დასდევს (პატივის დადება იყო ერთი აბაზიდან ექვს აბაზამდინ ჭრილობაზე) და დროებით შერიგდნენ (როცა პატივს დასდებდნენ, კაც-შუაკაცები მაშუღლარებს ერთად შაყრიდნენ, ხელს ჩამოართმევინებდნენ, რომ აღარ ეშუღლა. მერე, როცა ჭრილობები მოურჩებოდათ, მაშინ ისევ მტრად რჩებოდნენ რჯულამდინ და დრამით გასწორებამდინ). დააყენეს

ერთიმეორეს სოფლის აქიმი (ექიმი უნდა დააყენოს დამჭრელმა და საექიმო მან უნდა გადაიხადოს. ექიმს ერთი საკლავიც უნდა მისცეს სანათლავად, რადგან კაცის ჭრილობა უწმიდურად ითვლება და ექიმსაც აუწმიდურებს. ჯვარი, რომელიც აქიმს პატრონობს, აქიმის სიწმიდეს მოითხოვს, რომ ავადმყოფს დაეხმაროს). სოფლის აქიმს ჰქონდა ბალახის წამლები, ჰქონდა ღურბელი (ღრუბელი), წყლის დასასხმელი რეზინის მაშინკა. მაშინკით წყალს დაასხამდა ჭრილობაზე და გარეცხდა. წყალი იყო ნელთბილი, მერე ღრუბელს დაასველებდა, გაწურავდა და იმით მოამშრალებდა ჭრილობას. ერთი პატარა ჩხირი ჰქონდა ბრტყლად. მას ეწოდებოდა „კმალიკა“. ამ კმალიკით ამოიდებდა ბალახის წამალს გამხმარს გაუქვილულს და ჩააყრიდა ჭრილობაში. მერე გაამრგვალებდა კანაფის თოკის ნაჭრებისაგან დამზადებულ დაწეწილ კანაფს, გაპოხდა მას თაფლ-ერბოში და რამდენიმეს ძალით ჩასჩრიდა ჭრილობაში ამავე კმალიკაით. ზედ ფართლის პირს დააფარებდა და მერე ზედ თაფლს შემოახვევდა. წამლები ჰქონდა მხვარში გამოხვეული. ექიმი თავის ხელით გაიჭრიდა კანს და მერე ცდიდა თავის ჭრილობაზე სხვადასხვა ბალახებს და რომელიც კარგად იმოქმედებდა, იმ ბალახს გაახმოებდა, დახედდა, გამოახვევდა მხვარში და იყენებდა წამლად. ზოგი ბალახები ძველი აქიმებისაგან ჰქონდათ ნასწავლები. ამ წამლებით დაუწყო აქიმმა მკურნალობა. სხვები უკეთესად შეიქმნენ, მაგრამ ძუნძულთ გიგია უარესად გახდა. ჭრილობა შესივდა და გაშრა. ჩავარდა გიგია ლოგინად და სასიკვდილოდ მიიწურა. მოიყვანეს მკითხავი, ქადაგი ხოშექა. ხოშექას ჯვარი მოუვიდა და იქადაგა. ჯაჭველი მოუვიდა (ჯაჭველი ოჩიაურების სალოცავი იყო) და გაითხოვა ღირეული საკლავი მიქიელში. მე შევეხვეწები, რომ ჩემს ყმათაში სისხლი არ ჩამოაგდოს, დაეხმაროს ავადმყოფს მიქიელიო. მოატანებოდა ჯაჭველმა– დამჭრელმა და დაჭრილმა ერთობით ვერძი მიიყვანეს და დაკლეს სამხვეწროდ მიქიელში, ერთი საკლავი მთიშეშავში და ერთი ჯაჭველში. ხორცი სულ ავადმყოფთან მიიტანეს და იქ შეინახეს. „ნაჭრევიანმ კორც უნდა ჭამასა-დ ნაჭრევე ადვილად განიკურნებისო“, იტყოდნენ ხევსურები და ამიტომ ეს საკლავების ხორცი სულ ავადმყოფთან მიიტანეს. იყო სამი-ოთხი თვე ლოგინად ჩავარდნილი გიგია. თურმე ძვალი ჰქონდა ხანჯლით გაჭრილი თავში და ძვლის ნატეხები ტვინის სკას აწვებოდა. აქიმს ჰქონდა პატარა მოხრილი რკინა. ამას ეწოდებოდა არხოტში „ხვეწი“, ბუდე ხევსურეთში „ხოწი“. აქიმმა ჩაბრუნებული ძვალი ხვეწით ამოსწია, ძირზე მას ხორცი გაუჩნდა და ძვალი ტვინის გარსის ზევით ამოვარდა, სადაც გატეხილი იყო. ძვალი რომ ამოვიდა ავადმყოფი კარგად გახდა. მანამდინ მხედველობაც დაკლებული ჰქონდა და ძვალის მოცილების შემდეგ სადი მხედველობა დაუბრუნდა. ამის შემდეგ თანდათანობით კარგად გახდა. ჭრილობაც გაიკურნა. მანამდე ისე ძალიან შეწუხებით იყო, რომ მთელ ტანზე კანი აუქარაჭდა და გაეცალა. ბოლოს სულ ადგა და გარეთაც გამოვიდა. იქამდინ

მივიდა საქმე, რომ შუაგაცემმა რჯულის პირობა დაადებინეს. დანიშნეს ერთი დღე და რჯულის კაცები ახიელის სოფლის ძირ, არხოტის ჯვარის სააშლესთან მინდორზე შეიკრიბნენ. რჯულის კაცებში იყვნენ: ბალიაური თათია, მარაიხძეთ თოთა და შედმათ გიორგი. ერთიმეორის მტრებიც მოვიდნენ და ცალ-ცალკე დასხდნენ. თათია ბალიაური ადგა, მოიხადა ქუდი და თქვა: „ჩვენ, რჯულის კაცები შავიყარენით დალოცვილის არხოტის ჯვარის კალთაში. ჩვენ გვინდ, რო ავ საქმე კარგად მავაქციოთ. დალოცვილს ჩვენს სალოცავს, დიდ არხოტის ჯვარს ვსთხოვთ, რო გვიწინამძღვრას ამ საქმეში. შავგაძლებიოს სამართლიანად სისწორით გავრჯულათ, მიწვე-მაწვეას არ ვცდილობდათ. დალოცვილ არხოტის ჯვარმ ისრ გვიშველას, რაკელაც სწორად, სულის გაუმრუდებლად გავარჩევთ ამ მამკდარ სამდურავ საქმეს. თქვენაც ერთუცის მოდავეთ მაგცასთ წყალობა არხოტის ჯვარმ. რაც ავ ჩამაგივარდათ, ნუღარა ავ ჩამაგიგდასთ ერთუცში. ჩამააგდას მშვიდობა-დ მაგცასთ ერთუცის ნდობა-სიყვარული, მტრობის მაგივრად ჩამაგიგდას მეგობრობა-დ ძმობა. დაგინდვნასთ არხოტის ჯვარმ, რაკელც დაინდვათ ერთუცი. არხოტის ჯვარის სახელით ჳელს გართომთ იმაად, რო აღარ გქონდასთ შური თქვენს გულში. შურ შავეცვადასთ ერთუცის დანდობაზე. გზაში შავყრილებ ერთუცს გასცილდათ მშვიდობიანად, უწყინრად“. მივიდა და ჳერ დაჭრილს და იმის ბიძაშვილებს ჩამოართვა ხელი, მერე დამჭრელს და იმის ბიძაშვილებს (რჯულის დროს ბიძაშვილებიც მოდიან). მერე შეუდგნენ საქმეს. პირველად შეხსნეს შეხვეული თავი და ჳრილობა გასინჯეს, ამ დროს აქიმიც აქ ესწრობოდა. აქიმსაც კითხეს, რომელი ძვალი ამოვიდა, ზეთა ძვალი ჩხიმიანი, თუ ქვეთა ძვალი. ჳრილობას ეტყობოდა, რომ ძვალი ტვინზეთ სულ ამოსული იყო. მარტო ტვინის სკა იყო დამრჩალი. ტვინის მოძრაობა კი ჳრილობას ეტყობოდა. აქიმმა დაამტკიცა, რომ ძვალი ტვინზეთ ამოვიდა. მერე ისინი დაითხოვეს და დამჭრელი დაიბარეს და კითხეს: „შენ რაი გაქვ სათქმელი. ნაჭრევი ხო შენგან ას“. იმან უარი არა თქვა (იმას კი მნიშვნელობა არ ჳქონდა, შუღლში ვისი ბრალი იყო. რჯული მაინც თავის წესით გარჯულავდა ჳრილობის მიხედვით). რჯულის კაცებმა ეს მხარეც დაითხოვა და შეუდგნენ გარჯულვას (როგორც ტვინზეთ ამოსული ძვალი, ჳერ გადასწყვიტეს თექვსმეტი ძროხის დრამა. ამ დრამაში შედის ხუთი ძროხა „აღვანია“ (აღვანიას იღებდა დაჭრილი. ზოგიერთ ჳრილობაზე, მაგალითად ტვინზეთ ამასულ ძვალზე, ჳელ-ფეკის გაუჭმარებაზე, პირისახეში ზოგიერთი ადგილის ჳრილობაზე სადაც თმა-წვერი არ ფარავდა და დრამა ათ ძროხას აღემატებოდა. აღვანიას აიღებდა რასაც თვითონ მოისურვებდა. შეუთვლიდა, აღვანიაში ამას და ამას მივიღებო – იარალი, ფეკითი, საქონი, მამულამდინაც შეიძლებოდა წასულიყო საქმე) გამოუცხადეს ნარჯულავი. ჳერი მიდგა აღვანიის დასახელებაზე. რჯულის კაცებმა ჳკითხეს ძუნძულთ გიგიას (ნაჭრევიანს). ჩაჩაურს იარალი და რამე არა ჳონდა

ძვირფასი და უთხრა: ხუთი ძროხა ფეკითი იყოს აღვანიაშიო (აღვანიას რომ აიღებდა, იმის გარდა უფლება აღარ ქონდა, დრამა როგორიც უნდა ყოფილიყო— ძველი ქვაბი, თულუხი, ფარდაგი და სხვა). კაცებმა ხუთი ძროხა ფეკითი მოურეკეს დაზარალებულს და თერთმეტი ძროხა სხვა დრამა. გიგიამ ორი ძროხა დაიჭირა და სამი რჯულის კაცებს აპატიო. მათ ისევ ჩაჩაურს დაუბრუნეს. დრამის ნაწილიც დაუბრუნა ისევ. ჩაჩაურს არაფი ჰქონდა დამზადებული, მიიყვანეს კაცებმა გიგიას სახლში და შეარიგეს. დანარჩენების ჭრილობები არ იყო მძიმე და ყველა თავ-თავის წესით შერიგდა. გაიარა დრომ და მაინც ამ ორ ახლობელ გვარს შორის აღარ იყო წინანდებური სიმშვიდე, ხშირად იყო შარი და არასასიამოვნო შეხვედრა ერთიმეორესთან. ამის რამდენიმე წლის შემდეგ ამდღება იყო, დღეობა. არხოტის ჯვარში ისხდა ჯარი და სვამდნენ ლუდს. ჯარა-ოჩიაურთ ჯარი ისევ ერთკან ისხდა. სმის დროს სულ უბრალო საქმეზე იშუდლეს ძუნძულთ ბურძგლამ და ოჩიაურ თოთიამ; როგორღაცა ბურძგლას დასძლია და წააქცია. ამ დროს აქ იყო ბურძგლაის ძმა გიგია. ამოიღო ხანჯარი და დაჰკრა თავში თოთიას. მოაშორეს ერთმანეთს და თოთიამ ვეღარაფერი დაჰკრა. ამ დროს თოთიას ძმა, მინდია მოვიდა სახლიდან და შუდლის შინაარსში მანამ გაერკვეოდა, მანამ გაიგებდა, ვინ შუდლობდა, იმასაც ისევ გიგიამ დაჰკრა შუბლში ხანჯარი. დაიწყო ორი გვარის შუდლი. შუდლი ჯვარში იყო და აქ დიაცები მეშვლად ვერ მოვიდოდნენ. მაშუდლარი იყო ყველა კაცი ჯარა-ოჩიაურთ გვარში. ნაროზაულნი, ბალიაურნი და ჯაბუშანურნი მეშვლობდნენ, მაგრამ ბევრი ხალხი არ შეხვდა ამ დროს მეშვლად. ოჩიაურთ თუშმა და თათიათ მარტიამ ერთი მეორე დასჭერეს (მარტია ცისკარაული იყო და თუში ოჩიაური). თითო მათგანს ჭრილობა ჰქონდა თავში. ძუნძულთ გიგია ოჟიათ გიგიამ ჭრა, ოჩიაურმა. სამი ჭრილობა ჰქონდა თავში მიყენებული. მთელ დღეს გაგრძელდა შუდლი და სადამოს ხანზე გაამეშვლეს. წერილმანი ჭრილობები ზოგი მეშველს და ზოგი მაშუდლარს ბევრი სჭირდა. შუდლი რომ გაიყარა, მეშველებმა თავ-თავის სახლში წაიყვანეს ყველა მაშუდლარები. მაგრამ კაც-შუაკაცი არ ეშვებოდა მაშუდლარებს, იმის შიშით, რომ ნაჭრევიანი არავინ შაწუხდეს და ერთიმეორე არ დახოცონ დანარჩენებმა. კაც-შუაკაცმა მთელი ღამე არ მოისვენა და ყველას ხელი ჩამართვეს (ხელის ჩამართმევის შემდეგ აღარ იშუდლებდნენ, რადგან შუაკაცები ჭელის ჩამორთმის დროს ჯვართ აკსენებენ და ბოლო სიტყვებში ეტყვიან: „დაგინდოსთ, როგორც ერთუცს დაინდობთ. მანამდინ, ან ჯვარჩი, ან სახლში სასმელში არ შეჰყრიან ერთად, მანამ არიან უმძრახად. გზაში შაყრილები ერთმანეთს ხმაამოუღებლად გასცილდებიან). მეორე დღეს ჯვარში ისევ დღეობა იყო. კაც-შუაკაცმა მაშუდლარები ჯვარში ერთად შეჰყარა. ლუდი ჯერ არ მოიტანეს, მანამ ერთი საკლავი არ მოაყვანინეს მაშუდლარებს. კაცის სისხლი უწმიდურად

ითვლება და ჯვარში სისხლის დენა ძალიან დიდ შეცოდებად ითვლება. არც ჯვარისკარს უყენეს რიგი საკლავის მიყვანამდინ. საკლავი დაკლეს ჯვარ-ჯვარისკარის სანათლავად, რადგან აქ კაცის სისხლი დაიდვარა და ასეთ გაუწმიდურებულ ჯვარ – ჯვარისკარში ჯვართ ხსენება აღარ შეიძლებოდა დანათვლამდინ. დანათვლის შემდეგ გახსნეს კოდი და ჯვარის რიგი აყენეს ჩვეულებრივი წესით. სანათლავის სისხლი თასში აკრიფეს და სადაც კაცის სისხლი იყო დაღვრილი, ყველგან უწიეს. ყარტისაგან (ჭვავის ნამჯა) გაკეთებული პატარა სასხურებლით. როცა კოდი გახსნეს და ჯვარის რიგი აყენეს, ერთი საწდე ლუდი დარბასის კარშიაც გამოიტანეს და დადგეს მაშუღლარებთან. ისინი ჩუმად ისხდნენ და ერთი მეორეს არ ელაპარაკებოდნენ. ჯვარიონნი გამოვიდნენ, თითო თასი ლუდი დალიეს და დაამწყალბნეს მაშუღლარები. უსურვეს მშვიდობის ჩამოგდება. მერე შუაკაცებმაც დალიეს. მერე თითოობით ამოუდეს თასებით ლუდი და მაშუღლარებს მისცეს (გამოგერჩა: პატივი, როგორც ვის ეკუთვნოდა, იმავე საღამოს დასდგეს ერთიმეორეს შუაკაცების საშუალებით). მაშუღლარებმა თავ-თავის დაჭრილს თითო თასი პატივად მიუტანეს და უთხრეს: „არ მინდოდ შენთან ეს საქმე მამსვლიყვ, მაგრამ ხვდების, ან სასმლის ძალით, ან სხვა უბედურობით. ეს თასი შენ პატივ იყოს. მაპატივი, რაიც დავლი შენთან (დავლი: დავაშავე), აქიმს დაგაყენებ, ყველაით წინ გიდგეორ, თეთრი ოქროთ აგილესავ ნაჭრევს“. ისიც ცოტას დაამდურებს: „რად გინდოდ ასეთის დაკვრა (თუ დიდი ჭრილობა აქვს მიყენებული)? ძალიანაოდ გამამიქჩერი, თორე ეე შუღლ კი მიწაწყალთ მაუდის, აქ არვის გაგვიკვირდების. ყველას გვინახავ შუღლი. ეხლა რაიც მახვდ, აღარა ეშველების, მე შუღლისა, ნაჭრევის მერჯუღედ ვერც შენ დაგიჭერა-დ ვერც თაოდ დავდგები. სხო აღარა ეშველების ეხლად ნანობითა-დ ბევრის საუბრით. ეე ნაჭრევას აქიმს დაყენებაი-დ მარჩენა უნდ. თუნდაც სრუაც თაოდ დავიყენებ აქიმსაც, მავირჩენ ნაჭრევს“. „აბა შენ რაად დაიყენებ?“ – ეტყოდა დამჭრელი, „დავლი საქმი-დ გაკეთებაიც უნდა შავხძლ, აქიმსაც დაგაყენება-დ, მაგიელიც“. ნაჭრევიანი დამჭრელს ადღეგრძელებდა და ეუბნებოდა: (რადგან კარა– ოჩიაურნი ძმობდნენ და ერთი მეორის განაყრები იყვნენ) „არო უნდ, შენ ჩემს მტერსაც ევერ უზამ, როგორც მე მიყავი. როსაც მე ვინ დამატანს ძალას, შენ იქავ ჩემ ძმა იქნები. არ მამვდარიყვ, კა იქნებოდა, მაგივცა – რაიდ უყოთ. კლოვისად გაემთხილდათ, არ გვივცდების ერთუცის სისხლის დენაი-დ ჭამა-გლეჯა“. ასე რომ, ერთიმეორეს თასები მისცეს და ერთიმეორე ადღეგრძელეს. აქვე კაც-შუაკაცსაც არ ივიწყებდნენ, ეუბნებოდნენ: „შუაკაცებო თქვენაც გადღეგრძელნასო, გწყალობდასო არხოტის ჯვარიცა-დ ზეით ღმერთიც. კაის თქმადა-დ კაის გონობად ნუ დავლივნასო“.

ამის შემდეგ ვითომც სულ არაფერი მომხდარა, დაიწყეს ჩვეულებრივი სმა. სოფლის აქიმს აქვე ყველამ სთხოვა: დაზღომოდა აქიმად და შავხვია ჭრილობები.

ჯვარში ჭრილობის შეხვევა არ შეიძლებოდა და ამიტომ სოფელში, სოფლის აქიმის სახლში წავიდნენ ყველანი. აქიმმა წყალი გაათხო პატარა თუჯის ქვაბით (ერაწით), იქიდან წყალი ხის ჯამში გადაიღო. ნაჭრევიანები თითოობით დასვა ხის სამფეხა სკამზე. ღრუბელი დაასველა წყალში და ყველას ასე მოუსუფთავა სველი ღრუბლით სისხლიანი ჭრილობები. მერე დაძენდა კანაფის თოკის პირი, დაამრგვალა სელები, გაპოხა თაფლ-ერბოში და კმალიკით მაგრა გაჭედა ჭრილობებში. აქიმი კმალიკაით შეუბრალებლად მისწევ-მასწევდა ჭრილობებს, სინჯავდა, ძვალი იყო გაჭრილი თუ არა. თუ ძვალი გაჭრილი იქნებოდა და გაკურნვის საშუალებას არ მისცემდნენ, მანამ გატეხილი ძვალი არ ამოვიდოდა. თუ ძვალი გაჭრილი და გატეხილი არ აღმოჩნდებოდა, მაშინ ჭრილობას ადრე გაკურნავდნენ. აქიმს ჰქონდა სხვადასხვა ბალახებისაგან დამზადებული წამლები. დაცდილი ჰქონდა, სად, რა ადგილზე და როგორ ჭრილობაზე რომელი წამალი უფრო კარგად იმოქმედებდა და ამის მიხედვით ხმარობდა წამლებს. ამ შუღლში ძალიან მძიმედ დაჭრილი არავინ აღმოჩნდა. მხოლოდ თავში დაჭრილებს ცოტათი დაჭრილი ჰქონდა თავისქალას ძვლის ზევით პირი – ზეთა ძვალი (ხევესურულად: ზეთა ძვალი, რომელიც ღირს ხუთი ძროხა დრამა, თუ ეს ძვალის ნამტვრევი ვისმე ამოუვიდა, თუნდა დიდი ყოფილიყო, თუნდა პატარა; თუჲ მას ამოჰყვა ჩხიმი, მაშინ რვა ძროხა დრამა იყო და, თუ ქვეთა ძვალიც ამოჰყვებოდა, თექვსმეტი ძროხა. ძვლებს ყველა ცნობდა – უფრო ექიმები). აქიმმა კარგა ხანს თითქმის ორ-სამ კვირამდინ არ მისცა გაკურნვის საშუალება თავში მიყენებულ ჭრილობებს, ყოველდღე სინჯავდა ხვეწის პირით და კმალიკაით, ძვალი ამოვიდოდა თუ არა, გაჭრილ-გატეხილი იყო თუ არა. ამის შემდეგ გატეხილმა ძვლებმა იწყო ამოსვლა პატარ-პატარა ნაჭრებად. შესახვევად თვითონ მოჰქონდათ დაჭრილებს ფართლის ძველი ნაფლეოები, ხელსახოცები. გარეთ ზოგი თავმალს იხვევდა, ზოგი ფაშლაკას (ფაშლაკა: ყაბალახი). აქიმი ამბობდა: გატეხილი ძვალი, რომელიც უნდა ამოვიდეს – ძირზე ხორცი გაუჩნდება, ზევით ამოსწევს მიხეზიან ძვალს და ბოლოს ამოვარდება. მხოლოდ ყოველდღე უნდა მოედო ხვეწის პირი ან კმალიკა გატეხილი ძვლისათვის და ოდნავ ამოეწია ზევით. ასე ამ შუღლში დაჭრილ ნაჭრევიებიდან ზოგიერთებს ამოუვიდა ზეთა ძვალი, ხოლო თუმის და მარტიანის ნაჭრევიებიდან ორივემ (ერთიმეორე დაჭრეს მათ) ამოიყოლა ჩხიმი; ნაჭრევიანები ყველანი ფეხზე იყვნენ მზის მოსვლის დროს, ყველანი მოვიდოდნენ აქიმთან. ბოლოს ყველას ნაჭრევიები გაიკურნა და შეხსნეს სახვიელი. კაც-შუაკაცმა რჯულის პირობა შეუკრა და დანიშნულ დღეს არხატის ჯვარის ახლო მინდორზე დასხდა რჯულის კაცები.

რჯულის კაცებს ირჩევენ დაჭრილები და დამჭრელები. რამდენ კაცსაც ერთი მხარე აირჩევდა, იმდენსავე – მეორე მხარე. ზოგიერთ შემთხვევაში თვითონ შუაკაცი აურჩევდა რჯულის კაცებს. ეს, იმ შემთხვევაში, თუ დაჭრილი ან

დამჭრელი არ მოიწონებდა თავის მოპირდაპირის არჩეულ კაცებს. დაიწუნებდნენ ისეთ კაცებს, რომელზედაც ეჭვობდნენ, სხვა მხარისაკე გადაიხრებო. ხანდახან არც დაიჯერებდნენ ნარჯულავს და დარჩებოდნენ ისევ მტრები, მერე შუაკაცები შეუყრიდნენ სხვა რჯულის კაცებს, რომლებსაც უნდა გაერჯულა და გადახრა-გადმოხრას აღარ ჰქონდა ადგილი. ამ ნაჭრევიანებს შორის კი ასეთი რამ არ ყოფილა. აირჩიეს რჯულის კაცები და მათ გარჯულეს. ჯერ შეაფასეს ნაჭრევეები. მარტიას და თუშიას ნაჭრევეები ერთნაირი გამოდგა და სულ ერთიმეორეში გაღბარეს. სხვა, ზოგი ცოტა ნაჭრევი იყო, მხოლოდ მინდიას სჭირდა პირისახეზე. ნაჭრევი ძაფით დაზომეს, ძაფი სიპ ქვაზე დადვეს და იმის სიგრძე ხაზი გაავლეს. მოიტანეს ქერის და პურის მარცვლები და ხაზზე დააწვეეს. თითო მარცვალი სიგრძეზე და თითო გარდი-გაღმე. თითო მარცვალი პურისა და თითო ქერისა. სულ დაეტია თორმეტი მარცვალი. კილონი გადაყარნეს ე.ი. ორი მარცვალი ნაპირებიდან გადააგდეს და დარჩა ათი მარცვალი. რადგან პირისახეზე იყო, ამიტომ აღვანია ერგებოდა ხუთი ძროხა, კარგი საქონი, რასაც ნაჭრევიანი აირჩევდა; დანარჩენი დრამა, რაც უნდა ყოფილიყო. გიგიას იარაღი და რამე არ ჰქონდა, რომ ფასად ღირებულყო და ამიტომ ფეკითი მოითხოვა (აღვანიაში ღებულობდნენ: თუ ჰქონდა სახელიანი, ჯიშიანი კმალი, მაგ. ფრანგული. ქართული თოფი უფრო „მაყარი“. ასეთი იარაღის ქონა გვარში სასახელო იყო და ყველა ცდილობდა ხელში ჩაეგდო. გამტანისათვის სირცხვილი იყო ასეთი იარაღის გაღება და ამღებისათვის სახელი). შუაკაცებმა გადაფასეს: ო ხუთი ძროხა ფეკითი და ხუთი ჳელითი და მიუტანეს სახლში მინდიას. თან კაცებმა სთხოვეს: „გიგიას სახლში არცრა დარჩ. მაცემით კი ერთ ცუდ სიტყვა არ უთქომ, ისრ ჩაგვაბარ. თუ გწამს ღმერთი-დ ჩვენებ სალოცავები, ამ საქონის მოღიანად აღებას ნუ იკადრებ, არაი ას, აღებულ-გაღებულ საქონი კაცს ბედენას არ უზამს. აპატივი შენს კაცობასა, ჩვენს სალოცავებს ზოგ მაინც ამ საქონისაი; ჩვენა-დ ჩვენ თხოვნაიც ჩაგვეყარენ კაცადა-დ, თხოვა – თხოვად. ის ძალიან ნანობს მამკდარ საქმესა-დ ამბობს: „ჩემდ ახი ასავ ტანზე ტალავარიც რომ არ დამჩასავ, მე რომ რამთვნადაც მენანების მამკდარ საქმეივ, მე იმის საფასურს რას გადავიკდივ. მაგრემ, შენ იცი შენ კაცობამ, რას აიღება-დ, რას დაგვიბრუნებ შენის სასახელოდ“. შუაკაცებმა ქუდები მოიხადეს და მინდიას წინ დაბლა დაყარეს (ქუდის მოხდით თხოვნა ხევსურეთში დიდად საპატიო და ანგარიშგასაწვეი საქმე არის). მინდია ადგა, ყველა ქუდები აიღო, გაბერტყა და პატრონებს ხელში მისცა. ამ დროს აქ ესწრებოდნენ მინდიას ძმა-ბიძაშვილებიც. მინდიამ უთხრა: აი, მე აქ ძმა-სახლისკაცები მყვან, ესენიც რას იტყვიან. მე სრუაც არ მინდ მაგის მაცემულ საქონი. მერე ადგა ოჩიაურთ მამის ერთი უფროსი კაცი და იმან თქვა: „ეს საქონი არც აღებული ამდიდრებს კაცსა-დ არც გაღებულ აღარიბებს, მაგრამ ჳევსურეთის რჯულის წესი საქონის აღებ-გაღება. ეგ ნახევარი გვიპატივებავ ფეკითიცა-დ ჳელითიც, ჳვარისადაცა-დ კაც-შუაკაცისადაც.

ნახევარი საქონი ქვე ჩაგვაბარეთ. შუაკაცებმა კიდევ მოიხადეს ქუდები და ამ უფროსის კაცის წინ გადაყარეს და უთხრეს: „აი, ეე ქუდით მადლობლები ორთ თქვენის ნუგეშისაი, ჩვენაც კაცად ჩაგვყარენით. ჯიშინ კაცნი ხართ-დ ყველა საქმეს კაცურად აკეთებთ, რაც თქვენს კაცობას არ ეკადრების, იმას არ იქამთ“.

მერე მორეკეს ფეკითი საქონიც და დრამაც გადმოაწყვეს. მინდამ სამი ძროხა დაუბრუნა ფეკითი და ორი აიყვანა. ორი ძროხის დრამა აიღო და სამის დაუბრუნა. შუაკაცებმა დამჭრელი გიგიაც მოიყვანეს, მან არაყი მოიტანა და გამართეს სმა. ასე მოხდა მათი საბოლოო შერიგება.

ჭარა-ოჩიაურთ შუღლი

ახიელში გიორგობა სამივე ჯვარში იცინან: ქვექვე – მთავარანგელოზ მიქიელში, გორს – ჯაჭველში და მთას – მთიშეშაგში. ქვექურის ანუ არხოტის ჯვარს მიქიელობით ილოცავდნენ და მთელი არხოტი ეყმობოდა მას. დასტური დგებოდა მუდამ წელს: ორი ახიელიდან, ერთი ამლიდან ან ჭიმლიდან. ამლაში როცა ბოლოს გავიდოდა დასტურობა, მერე ჭიმლას გადავიდოდა. ახიელიდან კი მუდამ წელს დგებოდა ორი დასტური. გორს ჯაჭველ წმიდაგიორგი იყო ქავთარ-ოჩიაურთ ჯვარი და დასტურებიც მათი დგებოდა ყოველწლიურად ორი კაცი. ამალლებას და ათენგენას კი შიგმდგომი დასტურნიც იცოდენ და ჩაბაკაურნიც აქვე ილოცავდნენ გიორგის. ამბობდნენ: ჯაჭველი და გიორგი ძმანი არიანო. იგივე გიორგი იყო მინდორის ჯვარი, რომელსაც ებარა „ცა-დრუბელთ კელობა“. ამ მინდორის ჯვარს აქვს თავის საარსოსთან ახლო მამული ორი დღისა „მინდორის ჯვარის ყანა“. ამ მამულს სოფელი მორიგეობით ხნავდა, ვინც მოხნავდა, იმ წელს ის იყო მინდორის ჯვარის დასტური, ლუდს ადუღებდა ამალლებას და ათენგენას. და ერთ-ერთი დღე მისი დღეობა იყო ამ ჯვარში. მთელი სოფელი მოდიოდა, ჯარი დასხდებოდა იქვე პატარა, ბალახიან მოედანზე და სვამდნენ ლუდს. ეს დღეობები ყველა აწერილია რელიგიურ კალენდარში.

მთიშეშაგი, მთის ვეშაგი – მთის ყარაული, იყო გაბრიელ მთავარანგელოზი. საკუთარი ყმანი იყვნენ ჭარანი, ცისკარაულები. მამულებსაც ესენი ხნავდნენ და ისინივე დასტურობდნენ. ხანდახან საკვლოს კი იზამდნენ ჯაბუშანურები და ნაროზაულებიც. ათენგენას მთას ასვლის დღეს მიდიოდნენ იქ (ამისი წესებიც აწერილია რელიგიურ კალენდარში არხოტში). აქ დასტურობას არავინ არ ეწეოდა ჭარათ გარდა (ჭარანი: იგივე ცისკარაულები). გიორგობა იყო და ყველა ჯვარებში დღეობა იყო (გიორგობას ჭარანი და ოჩიაურნი არხოტის ჯვარშიითაც მასმურის მიხედვით თავის წილ ლუდს თავის ჯვარში მოიტანდნენ და, თავის საკუთარ დამზადებული ლუდის გარდა, ამ

ლუდსაც სვამდნენ). თავ-თავის ჯვარში თავ-თავის მამის კაცნი იყვნენ და ერთი მეორესაც ეპატიუებოდნენ სოფლელები. ერთს აწევდნენ თავის ჯვარზე, მერე ის იქიდან მარტო არ წამოვიდოდა, გამოიყოლებდა ვისმე მათგანს თავის ჯვარზე. წასული კაცი ხელ-ცალკე არ წავიდოდა, თავის ლუდიდან ერთ თას ლუდს წაიღებდა, მივიდოდნენ იმათ ჯვარზე. რომელმაც ეს კაცი მოიყვანა, ის წინ შეუძღვებოდა და ეტყოდა თავის ჯარის ხალხს: „აშენდით (სახელი, ვინც მიიყვანა, მაგ. მამუკა), მამუკას მაგგვრით“. ის მისული კაციც ეტყოდა: „აშენდით, აშენდით, წაღმამც წაგიოსთ დღეი-დღეობა“. წამოდებოდნენ ყველანი ფეხზე: „დაშვენდით, მაგვისვეით მშვიდობით, მშვიდობით თქვენ მოსვლა-ი“ და გადააჭდენდნენ (გადაიყვანდნენ) უფროსების სკამზე. ის ჯერ არ დაჯდებოდა, ერთ-ერთ უფროს კაცს დასვამდა, თავის მოტანილ ლუდიან თასს მისცემდა და ეტყოდა: „ჯვარ დაგიწერას ღმერთმ. ჯვარის წყალობა გქონდასა-დ, ხოთსა, მტერ მაიყვანი ნებას“. ეტყოდა უფროსი კაცი და ჩამოართმევდა მოტანილ თასს. მერე მოსულსაც დასვამდნენ და მიუტანდნენ ლუდიან თასს. დაილოცებოდნენ და დაღვედნენ. აქებდნენ ერთიმეორეს ლუდს. ახლა ეს გაიყოლებდა კიდევ აქედან კაცს და მიიყვანდა თავის ჯვარზე. ამ წასვლა-წამოსვლაში, პატიუში და პატიუსაცემად ლუდის ძალადებაში ითვრებოდა ხალხი. ახლა ქალები გზავნიდნენ სასანთლეს და თითო ბოთლ არაყს (სასანთლე წერია რელიგიური კალენდრის აღწერილობაში). მოსულ სტუმარს ლუდთან ერთად არაყსაც აძალებდნენ და ძალიან დათრობას ცდილობდნენ სტუმრისას, რაც სასახელოდ მიაჩნდათ. სწორედ ასეთ ამბავში მთვრალ ხალხს შუღლი ხშირ შემთხვევაში მოსდიოდა. ერთ-ერთ გიორგობა დღეს ჰარანი და ოჩიაურნი ერთი-მეორეს ასმევდნენ. დაითვრნენ და ორი კაცი შელაპარაკდა. ამოიღეს ხანჯრები, მაგრამ მეშველები მალე დაესწვრნენ და ვერაფერი დააკლეს ერთიმეორეს. შემოსადამოვდა და ხალხი შინისაკე მოდიოდა. ცისკარაულთ გვარში იყო შუღლში სახელგანთქმული ახალგაზრდა – ბერდია. ბერდიამ დაინახა ოჩიაურთ გვარის კაცი – გარსია, გაიქცა, მივარდა მასთან და თავში ორჯერ დაჰკრა ხანჯარი. გარსიას ხანჯარი არ ჰქონდა და ვერაფერი დაჰკრა (არხოტში ქვის და ჯოხის ხმარება სირცხვილია ჩხუბში). დაიჭრა გარსია ორ ადგილას და მთლიანად სისხლით შეიღება ტანსაცმელიც კი. გარსიამ ხანჯარი მოიტანა და სოფელში გაიქცა, მათი გვარიდან ვინმეს შესახვედრად და ჯავრის ამოსაყრელად. ვისაც შეხვდებოდა – სჭრიდა, ჯავრსაც ამოიყრიდა და სირცხვილსაც მოიშორებდა. პირდაპირ მოვიდა იმ კაცის სახლთან, რომელიც ცისკარაულების გვარში ყველაზე მაგარი და სახელოვანი კაცი იყო, სახელად ბაბო (შუღლში უფრო მამაც კაცთან მიდიან, რომ ხალხმა არ თქვას, იმისაგან ეშინოდა და უფრო ბეჩავ კაცსთან მივიდა, თუ მამაცი იყო, რატომ იმასთან არ მივიდა, ვინც მაგრა დაუხვდებოდა). ბაბომ არც იცოდა თუ შუღლი სადმე იყო, რადგან იმ დროს მას ეძინა. მისულმა გარსიამ მაშინვე ხანჯარი

მოუქნია თავში. ბაბომ შემთხვევით მკლავი შეუფარა. იდაყვთან მძიმედ დაიჭრა. მიჰყვნენ თან მეშველებიც და დაიჭირეს ორივენი. აქ ბაბომ ვედარ მოასწრო დაკვრა, რადგან მეშველები მალე მიეშველნენ. ასე ჩაერია სოფლის ხალხი და ეს ორი ერთიმეორესთან მაშუღლარი გვარი გააშველეს. დილამდინ რა იქნებოდა, ჭრილობებზე უბრალო თავშეღები მოახვიეს და სისხლი ძლივს შეაჩერეს სოფლური სხვადასხვა წამლებით. მეორე დღეს შუაკაცებმა დაიწყეს სიარული და შერიგებაზე ლაპარაკი. თუმცა ორივე გვარის ხალხი ერთიმეორეზე გაბრაზებულები იყვნენ და მუქარას ითხოვებოდნენ, მაგრამ შუაკაცები ერთ გვარსაც ატყუებდნენ, რომ ისინი ნანობენ თავის დანაშაულს და ამბობდნენ: „წინ უდგეოროთ, აქიმსაც დავაყენებთა-დ თეთრი ოქროთ აუღესათ ნაჭრებს“. მეორე გვარსაც ასე ატყუებდნენ და ორივე გვარს გული მოუღბეს, ერთიმეორისათვის პატივი დაადებინეს და ბოლოს არხოტის ჯვარჩი ერთად შეყარნეს და დროებით შეარიგეს, ბაბომ გარსიას სიტყვა დაამდურა და უთხრა: „შინ ნაჯდომ კაცს რაზე მამჭერ კელი, საუკმრო რაზე დამკარი? შუღლში მაგთვნად გონ რაკელ უნდა აიკადას კაცმ, რო იარადს რაკელ ან რა ალაგჩი უქნევს, ის აღარ იცოდას? მეორე ის, რო ჩემს კელჩი დაზრდილები ყმაწვილები ხართა-დ თქვენგან იარად არ მამექნევის, სირცხვილი თქვენდ (ბაბო შუათანა ხნის კაცი იყო, გარსია ახალგაზრდა). გარსიამ ვერაფერი უპასუხა, შენთან დამნაშავეი ორავ, უთხრა, მაგრამ ჯერ მთვრალ ვიყავი, მემრ ნაჭრევები მჭირდა-დ, განა მაკსონს რას ვხადიოდი“. რაკი საუკმროში შჭირდა ჭრილობა, ამიტომ „კმელ საკლავ პატივ“-ი ეკუთვნოდა. საკლავის მაგიერ ექვსი აბაზი ვერცხლის ფული და ერთი აბაზი კიდევ პატივი. ესეც შეასრულეს და დროებით შერიგდნენ. დააყენეს სოფლის აქიმი (მაშინ ხევსურეთში ექიმი და ექთანნი, არც საავადმყოფო, არაფერი არ იყო. ყაზბეგი, დუშეთი, თიანეთი და ძაუგი შორს იყო და აუცილებელი იყო სოფლის ექიმისაგან მკურნალობა). ბაბოს მორჩენა ღირდა ოთხი ცხვარი და გარსიას მორჩენაც იგივე ღირდა ნაჭრევების მიხედვით. თითო საკლავი აქიმის სანათლავი უნდა მიეცათ აქიმისათვის. აქიმი ერთი საკლავით გაინათლებოდა, ერთი თავისათვის რჩებოდა. აქიმი თუ არ გაინათლებოდა, ჯვარჩი კელს არ მაუმართავდნენ ნაჭრევების გაკურნვაში. რადგან კაცის ხორცი, ე.ი. ჭრილობა უწმიდური საქმე იყო და აქიმი წმიდად უნდა ყოფილიყო. აქიმი სახვიელს რომ ხსნიდა, იტყოდა: „ღმერთო და ჩემებო სალოცავებო, დასწერეთ ჯვარი ამ ნაჭრევიანს (სახელი), ლხინის წამალი დააყარეთ. მე კორციელორ, არა შამიძლავ, თქვენ უშველეთ თქვენის ძალითა-დ სახელით“. მერე შეუხვევდა ჭრილობას, წამლის დაყრაში კიდევ იტყოდა: „ღმერთო და ჩემო სალოცავებო, წამალ – ჩემი, შველვა – თქვენი, მე კორციელი ორ, არა შამიძლავ, თქვენ გაქვთ ძალი, შადლება, თქვენ უშველეთ“. მესამედ მაშინ დასწერდა ჯვარს უკანასკნელ თავშაღს რომ მოახვევდა. ხელს დაადებდა თავზე ჯერ ერთზე,

ახლა მეორეზე, ისე რომ ჯვარის სახედ დაადებდა ხელს და ეტყოდა: „ღმერთმა-დ ჩვენებმ სალოცავებმ გილხინანა-დ მაგარჩინან“. ასე დაიწყო ბაბოს და გარსიას მკურნალობა. გარსიას ერთი ნაჭრევიდან ჩხიმიანი ძვალიც ამოუვიდა, რომელიც უდრიდა რვა ძროხა დრამას. ბაბოს ხელი სახსარში იყო და დაუჩირქდა. შეიქმნა მწუხარე ავადმყოფი, სწუხდნენ ცისკარაულები იმიტომ, რომ მათ გვარში პირველი, ე.ი. ყველაზე კარგი კაცი კვდებოდა. ოჩიაურები სწუხდნენ იმიტომ, რომ კაცის თავი ედებოდათ და ისიც თავის განაყრებისა. მიმართეს ჯვართ და მკითხავენს. ჯერ მკითხავენის გარეშე დახოცეს სამეშველოები (საკლავები საშველად ავადმყოფისა), მაგრამ ბაბო მაინც სწუხდა. მერე მოიყვანეს მკითხავი მოქადაგე ხომეკა. ხომეკას გორული ჯვარი მოუვიდა და ჯაჭველმა კურეტი გაითხოვა მიქიელისად დასაკლავად. გორული ჯვარი მიქიელს ეხვეწებოდა (ასე ქადაგობდა ხმამაღლა მოქადაგე): „დიდი ხარ, მიქიელო, სულთ ამარიდებია-დ სულთ ჩადგმა შენ გბარავ, უშველი ჩემთ ყმათ, ნუ ჩამაუგდებ მესისხლეობას. მე ჩემით გავითხოვა-დ შამაგიკდენენ ჩემნ ყმანი ბუღაურს“. ამასთანავე იმკითხავა მკითხავმა: გარსია ითვრება და აქოთებს ჯვარ-ჯვარისკარს, შუღლობსო. ესეც უნდა მოიშალოსო. გარსიამ კურეტიც მიიყვანა და ჭკდე შააგდო არხოტის ჯვარში, მე აქ აღარ ვიშუღლებ, არც სხვა ჯვარებშიო. ბაბო ნახევარ წელიწადზე მეტი იწვა, როგორღაც ჩირქის დენამ იკლო და მომჯობინდა. ახლა ბაბოს ოჯახიდანაც დაკლეს სამეშველოები. ავადმყოფს გამუდმებულად ხორცს აჭმევდნენ. ამბობდნენ, ჳორცი რომ ჭამოს, ნაჭრევი ადვილად იკურნებოაო, ჳრილობის კურნვას ხელს უწყობსო. ბაბო გამორჩა, მაგრამ მკლავი გაშლილი დარჩა, ვეღარ დუნავდა. ბოლოს რჯულში გავიდნენ და რჯულის კაცებმა ხელის გაუჭმრება თექვსმეტი ძროხა გარჯულეს. გარსიას თავიდან ჩხიმიანი ძვალი იყო ამოსული და რვა ძროხა ის გარჯულეს. ბერდია ბაბოს ახლობელი იყო და ის დაეხმარა, ბაბომ რვა ძროხა გაუბარა თავის ხელის დრამაში. რჯულის კაცებმა რვა ძროხა დრამა ბაბოს მიუტანეს. რაკი ნაჭრევებშიაც გაუბარეს და ბაბოს აღარაფერი რჩებოდა, ამიტომ მას აღარაფერი დაუბრუნებია, დრამა მთლიანად აიღო. ბოლოს გარსიას კაცებმა დააკისრეს სასმლით შინ მისვლა ბაბოსთან (არაყის მიტანა) და საბოლოოდ ამით შეარიგეს.

ბაიჭაურისა და ბარსიას შუღლი

ბაიჭაური იყო ცისკარაულების გვარისკაცი. მკითხავებმა უთხრეს, არხოტის ჯვარს მორიგედ უნდიხარო. თითქოს იმათ თქმას არ დაემორჩილა და თავის გულში კი ნასიამოვნები იყო ამ ამბით. ის ამბობდა: „მე თუ ჯვარს გამძლოდ უნდიორ, თავად გამაგებიებს, მე მკითხავების თქმით ჯვარში ვერ შავვარდები-დ ამით ჯვარს ვერ შავეცოდები“. ბოლოს თვითონ დაიწყო სიზმრების ნახვა ჯვარის გამძლოდ მოსვლაზე. ბოლოს სიზმარში დაიწყო ხუცობა და ცხადადაც გაირყვნა (გარყვნა ამ შემთხვევაში ნიშნავს ზესთა ბუნებაში გადასვლას, გაწმიდებას; იწყებს „ხთიშვილთან პირად საუბარს და მათ ხედვას, მათ საქმეებში ერევა“). ბაიჭაურმა დაიწყო ხთიშვილთან საუბარი, მათ წმიდა ადგილებში სიარული. ხალხთან საუბარი ჯვარის სურვილისა და ბრძანებისა. ამბობდა: ამა და ამ მამულს პატრონმა თავი დაანებოს, ჯვარის მამული შაგნულია, ჩამოგნულია, სამან-სამძღვარი შერეულია. ვინმემ ეს სცოდა ჯვარს, ვინმემ ესაო და მკითხაობაც იწყო – ამას ეს მოუვა, ამას ის, თუ ესა და ეს არ გააკეთა (საკლავის დაკეცვა, მამულის შეწირვა და სხვა). ბაიჭაური ხან ჯვარში იყო, ხან თავის სახლის ჭერხოში მიდიოდა. უწმიდურ ადგილებში აღარ დგამდა ფეხს, მაგალითად სადაც ქალების ფეხი გაივლიდა, ის იქ აღარ დადიოდა. ერთხელ შენიშნეს, ვიღაცა ქალი ესაუბრებოდა, მან თქვა: ქალი კი არა ჯაგმატის ჯვარი იყოვო, აქ ხალხს ცოტა ეჭვი შეეპარა მის ჯვარის კვლკაცობაში. ახლა კიდევ ერთ ბავშვს მოშინაურებული მტრედი გამოუფრინდა სოფლიდან და ჯვართან ახლოს დაჯდა. მოჰყვა პატრონი ბავშვიც. ბავშვი მივიდა მტრედის დასაჭერად. ბაიჭაურს ის მტრედი ხთიშვილი ეგონა მტრედის სახით ჩამოსული, პირჯვარს იწერდა და ბავშვს უყვიროდა: მაგასთან ახლოს არ მიხვიდე, შენ ეგ უბრალო მტრედი ხომ არ გგონიაო. ბავშვმა ყური არ უგდო, მივიდა, აიყვანა მტრედი და სახლში წაიყვანა.

გარსია ფიცხი კაცი იყო, ამ დროს მოვრალიც, და უთხრა: „შენ რას ამასხარავებ ან ხალხს, ან ჯვარს – სტყუიხარ, შენთან ჯვარი კი არა, ეშმაკიც არ არისო“. შეჰყენენ ამაზე და იშუღლეს, გარსიამ ამოიღო ხანჯარი, თავში დაჰკრა და დაჭრა. ბაიჭაურმა ხელი არ შაუქცია და უთხრა: მთავარანგელოზი თვითონ გაგისწორდებაო. გარსია დედისერთა კაცი იყო და მშობლები კარგად უვლიდნენ; უფრო დედა ევლებოდა თავს. გარსიას დედა ჯვართ მორწმუნეც იყო და შვილის სამხვეწროდ ხშირად ხოცდა ჯვარში საკლავებს. ეს ბაიჭაური რომ გაირყვნა, დიაცებს უფრო სწამდათ მისი ჯვარის კვლკაცობა, რომ ის მართალა ხთიშვილთან იყო გართული და წმიდა კაცი გახდა, სახათრო და პატივსაცემი. გარსიას დედამ თამარამ გაიგო, რომ გარსიამ ბაიჭაური ჭრა, ჯვარის კვლკაცი, წმიდა კაცი, რომელიც წმიდობის გულისათვის წყაროებზე და მდინარე ასაში ე.ი. არხოტის წყალში დღეში ხან ცხრაჯერაც ჩაჯდებოდა შალის პერანგიანი. ეს მისებურად გაბანა და განწმენდა იყო უწმიდურობისაგან. სწორედ

ასეთ გართულების და წმიდობის დროს ჭრა და სისხლით მოსვარა ჯერ ბაიჭაურის წმიდა სხეული და მერე ჯვარ-ჯვარისკარი. ისიც გაიგო, რომ მან ხელი არ შეუქცია და უთხრა: მთავარანგელოზი თვითონ გაგისწორდებაო. ამ ამბავმა თამარა ისე შეაერთო, რომ გონება დაეხრა. როცა გონება მოიკრიფა, მაშინვე საკლავი წააყვანინა ჯვარ-ჯვარისკრის სანათლავად. საკლავი დაკლა და, სადაც ბაიჭაურის სისხლი იყო, საკლავის სისხლიც უწიეს იმ ადგილებს. ამით განათლეს და გაწმინდეს ადგილები. მაგრამ ბაიჭაურმა თქვა: მე და ხთიშვილთ დიდი საქმე გვქონდა გასაკეთებელი. რაკი მე დავსისხლიანდი (დავშამნიანდი, ჯვართ ენით) ხთიშვილთ ჯორცივლის სისხლი აკრობს და ისინი წამკროთენ ე.ი. ჩემგან განზე გადგნენო. მისმა მიმდევარ-მორწმუნეებმა ჰკითხეს, რა არის საჭირო, რომ ხთიშვილთ გული მოიბრუნონ, არც გარსიაზე იყონ გამწყრალი და არც შენზეო. მან სთქვა: თუ კურეტით გავინათლე, გავიწმიდები იმდენად, რომ ისევ საუბრის ნება მექნება ხთიშვილთანაო, თუ არა, არც გარსიას წაუვა საქმე კარგად და არც მე გავიხარებო. პირუტყვი მთაში იყო საძოვარზე გარეკილი და დედამ გარსია მაშინვე გაგზავნა, ბაიჭაური კიდევ გაიბანა მდინარეში. თავი ახალი ხელსახოცით შეახვევია და კურეტი თავის სანათლავად სხვა ხუცესს დააკვლევინა. მაგრამ, მანამ ნაჭრევი არ განიკურნა და ბაიჭაურს წყრულიანი თავი ჰქონდა, ხთიშვილთ აღარ გასაუბრებია, რადგან „ხთიშვილნი წყრულიან კაცს არ ეკარებიან“. აქიმმა რომ თავი მოარჩინა და სახვიელი შეხსნა, მერე დაიწყო წყალში ბანაობა, ისევ გაწმიდა და დაიწყო ხთიშვილთან საუბარი. ბაიჭაურს ჭრილობა დიდი არ სჭირდა, სადრამე არაფერი იყო, რადგან ძვალი არ ამოუვიდა, შუაკაცებმა გარსიას დაავალეს სასმლით შინ მისვლა. ბაიჭაური ბოსვლში არ შედიოდა, თავის ჭერხოში იყო მარტო. გარსია და შუაკაცებიც იქ მიუვიდნენ. მან არაფი არ დალია, ხთიშვილთაგან სასმლის დაღვევის ნება არა მაქვსო. შუაკაცებმა კი დალიეს და გარსიამაც. ამით დამთავრდა მათი შუღლი და მას აქეთ აღარც უშუღლიათ. ბაიჭაური ბოლოს ხუცესად მივიდა არხოტის ჯვარში.

უთურგათ დავითისა და აბიკათ ბიბიას შუღლი

აბიკათ გიგია იყო სოფელ ამლიდან, წიკლაური, ბერდიშვილთ მამისა და ბერდიშვილთ მამიდან კიდევ ბაიათი. ეს ხალხი ამაყი იყო და თავმომწონე, არაფრად არავის აგდებდნენ. მაგათი წინაპრები სახელოვანი ხალხნი ყოფილან ქისტებთან ბრძოლით და ამიტომ ისევ ამაყობდნენ ძველი სახელით და ცდილობდნენ ახლაც დაემატათ ძველი სახელისათვის.

სოფელ ახიელში ნაროზაულთ გვარში, ჩაბაკაურთ მამაში იყო საშუალო კაცობის და სახელის კაცი უთურგათ დავითი. ნაროზაულნი მშვიდი და წყნარი ხალხი იყო, არ უყვარდათ შუღლი და ამით კაცობა-სახელობა. თუკი ვინმე ძალით გამოიწვევდა შუღლში, სხვაზე უარესად არ დახვდებოდნენ, მაგრამ თვითონ არავის აუტეხდნენ შარს. ხევსურეთში მაშინდელ დროში აქებდნენ შარიანს, ამაყს და მაშუღლარ ხალხს. წყნარს და არამაშუღლარ ხალხს არ აქებდნენ და აბუჩადაც იგდებდნენ. ერთხელ ამღაში რაღაც სმურობა იყო და უთურგათ დავითიც სტუმრად იყო ამ სოფელში მოსული. აბიკათ გიგიამ რაღაც ძველი შარი მოუგონა და ძალით ჩაითრია შუღლში (გიგია იყო ოცი წლის ახალგაზრდა, დავითი ორმოც წელს გადაცილებული). დავითი ისე გაბრაზდა, რომ შუღლი პირველმა მან დაიწყო სილის გარტყმით, თან ხანჯარიც მიაყოლა და თავში მაგრა დაჰკრა. გიგიამაც ხანჯარი ამოიღო, პირველად თავში დაჰკრა და მერე ბარკალში ჰკრა წვერით და გავარდნილი ხანჯრის წვერი მეორე ბარკალშიაც ნახევრამდინ წავიდა. დაკარგა ბევრი სისხლი და დავითს გული წაუვიდა (არის ზოგიერთი კაცი, რომ სისხლის ნახვაზე გული მისდის, ნამეტნავად თავის სისხლის ნახვაზე. ამ გულის წასვლას ხევსურები სისხლის მაგოზებებს ეძახიან). დავითს სისხლი მათგონა და დავარდა. ზოგიერთებს ეგონა კვდებაო და დაიწყეს ტირილი. ზოგები გიგიას და იმის ბიძაშვილებს ეუბნებოდნენ: სოფელს გაერიდებით, კაცი მოკვდა, ნაროზაულნი გაიგებენ, მოვლენ და ერთუცს გასწყვეტთ. გიგიასაც მძიმე ჭრილობა ჰქონდა თავში. ბევრი სისხლი სდიოდა და დასუსტდა. ის ამბობდა: ეგეც ნაჭრევიანია და მეც, რა ვიცით, რომ ეგ არ მორჩება და მე არ მოგკვდები. მე ჩემი სოფლიდან სად უნდა წავიდე. მაგას სისხლი აქვს მოგოზებული, მოგონთდება და ჩემი სოფლიდან ეგ წაიყვანეთო. მართლაც წყლის სხმით და თავისებური მოვლით დავითი გონზე მოვიდა, მაგრამ ადგომა კი აღარ შეეძლო. შეაბეს ხარები მარხილში და დავითი თავის სოფელში – სახლში მიიყვანეს. შუაკაცებმა საკლავ-პატივი მოიყვან-მოიტანეს დავითთან, რადგან სასიკვდილოდ იყო დაჭრილი. გიგიასაც დავითმა გაუგზავნა კმელი საკლავ-პატივი, რადგან იმასაც მძიმე ჭრილობა ჰქონდა მიყენებული თავში. დააყენეს ერთიმეორეს სოფლის აქიმი. ჭრილობები მეორე დღემდინ მოუსუფთავებელი და შეუხვევი იყო. მხოლოდ უბრალო

ძველი თავშეღობი ჰქონდა მოხვეული. აქიმმა ჯერ დავითს დაბანა თბილი წყლით ჭრილობები, მერე კანაფის თოკის პირი გარეცხა, მაგრად გაპოხა თავლით და ერბოთ და გაუყარა გახვრეტილ ბარკალში თან ბალახის წამალი იყო ჭრილობაში ჩაყრილი. იქით-აქეთ პატარა ფართლის პირები დაადო, ჯერ ხელსახოცით შეუხვია და მერე გარედან ბატკნის ტყავი შემოახვია, რომ ნაჭრევი არ დაიღუბოს (დაღუბვა ხევსურულად ნიშნავს ჭრილობისათვის შეციებას, რაც იწვევს სიმსივნეს და დაჩირქებასაც. ფშავლები დახავებას ეძახიან). მეორე ბარკალშიაც ასეთივე სელი ჩადო მანამ მიდიოდა (სელს უწოდებენ თუ მოკლეა, ან თავის ჭრილობაში ჩასადებ მრგვალ კანაფს; თუ ჭრილობა ნაწვერწადმართალია, ასეთ ჭრილობაში გასაშვებ სელს „უსმარ“-ს ეძახიან (ნაწვერწადმართალი: ხანჯლის წვერით მიყენებული ღრმა ჭრილობა). ქისტებმა და არხოტელებმა ხშირ შემთხვევაში იცოდნენ ასეთი ჭრილობის მიყენება; (ბუდის ხევსურები არხოტივნებს დასცინოდნენ კიდევ: ხანჯარს წვერით ხმარობენ როგორც ქისტებიო. იარადის ხმარება ვერ იციანო). თავის ნაჭრევიც შეუხვია, შიგ სელებიც ჩააწყო, მემრე ცხენი შეკაზმა, შეჯდა და ამდაში წავიდა. იქაც გიგია მძიმედ დაჭრილი დახვდა, მაგრამ მაინც წამოდგა, სკამზე დაჯდა და აქიმმა ჭრილობა ისე შეუხვია. ორივე ნაჭრევიანი მძიმედ იყვნენ დაჭრილი და უარესად ხდებოდნენ. მკითხავის უთქმელად ორივე მხარემ შეთანხმებით სამეშვლოები დახოცეს ორივე ავადმყოფისათვის: ამდას იაჯსარში, იაჯსარ სვეტად ჩამოსულში ე.ი. სვეტის ანგელოზში და პეტრეში. ახიელ: არხოტის ჯვარში, ჯაჭველში და მთაშეშაგში. ჭრილობები მძიმე იყო, მაგრამ არ მოიხიბლა, არ დაჩირქდა. აბიკათ გიგიას თავში ჩხიმიან ძვალი ამოვიდა, დავითის თავში ზეთა ძვალი. ფეხებიც მოურჩა, მაგრამ გახვრეტილი ფეხი დასახიჩრდა, რადგან ძარღვები იყო დაჭრილი. გაშლილი იყო და მუხლიდან ვეღარ ღუნავდა.

როცა ორივენი გამორჩნენ, რჯული ჰქონდათ, რჯულის კაცებმა რვა ძროხა გიგიას ჭრილობაზე გადაწვიტეს, როგორც ჩხიმიანი ძვალის ამოსვლა. დავითის ფეხის დასახიჩრება თექვსმეტი ძროხა, ზეთა ძვალის ამოსვლა ხუთი ძროხა. დავითისათვის მისაცემი დრამა დადგა ოცდაერთი ძროხა. მეორე ბარკლის ჭრილობა სადრამე არ იყო. ოცდაერთი ძროხიდან რვა ძროხა გიგიას ძვალისა. დარჩა დავითისათვის მისაცემი ცამეტი ძროხა. ხუთი ძროხა ალვანია აიღო. ალვანიაში ხუთ ძროხად აიღო ფრანგული ხმალი და რვა ძროხა სხვა დრამა. ხმალი გიგიას არ ემეტებოდა, მაგრამ ალვანიაში რომ შეუთვალეს, მეტი გზა არ იყო, მისცა ის. მერე ერთიმეორეს შესარიგებად არაყით მიუვიდნენ, მაგრამ გულწმიდად მაინც არ იყვნენ ერთმანეთთან. მერე გიგია მეფის რუსეთის ჯარში წაიყვანეს და იქიდან ისევ საწყინო ლექსი მოსწერა დავითს. ამ ლექსში სხვაც ბევრია ნათქვამი სხვა და სხვებზე, მაგრამ აქ მოგვყავს ლექსის ის ნაწილი, რაც დავითს ეხება:

უთურგათ დავითს უთხარით დაბარებული ჩემია,
სასიკედილოდ რო მიქნიე, კაცო კაცი ხარ ბერია.
ჩვენით რო ვმალე წაილი, განთურად იყო შენია.
წელზე ვარავინ შეიბომთ, ნაწშირაულის ფერია
(ნაწშირაული გიგიას მეტსახელია).

ტანჩი კარგად ას ნაქნარი, ვადა ვერცხლით აქვ ჭრელია.
ვაი თუ ვერვინ უმჯედრეთ, არ მიგიწვდებისთ ველია.
იცის მტრისაკე ზიდილი, იყვა ძალიან მჭრელია.
გაყიდეთ ნაროზაუნლო, არ შაგივდებისთ ვძელია.

როგორც ვთქვით, ეს ლექსი ბევრებზე არის ნათქვამი, უფრო საქები. ამავე ლექსში ნიკოლოზ II-საც ეუბნებოდა, ბუნტოჩიკები მოგკლავენ შენცო. განა რკინის გრდემი ხარ, რომ ტყვიამ არ გაგხვრიტოსო. ჯარიდან თვითონაც ავადმყოფი დაბრუნდა და ამდაში გარდაიცვალა.

ბლოელ-წინკაღული ზუღლი

სოფელი წინკადუ არის ბაცალიგოს სასოფლო საბჭოში შემავალი სოფელი და აქ ცხოვრობენ არაბულების გვარის კაცნი. აქ ერთი ძალიან ამაყი კაცი ცხოვრობდა – მიხიელი. მამამისს გიორგი ერქვა და მისი შვილი გიორგით მიხიელი, მაშუღლარობით იყო სახელგანთქმული. ბევრჯელ ყოფილა ხევსურებთან მაგარ შუღლში და ყველგან გამარჯვებული გამოდიოდა. ამავე საბჭოში შემავალი სოფელი ბლო იყო. ეს სოფლები, ორივე, ბუდეხევსურეთის სათავეშია, კავკასიონის ქედის კალთებზე. სოფელ ბლოში ცხოვრობდნენ გიგაურები, მხოლოდ მამით სხვადასხვა. მარაიზძენი, ბევრანი, მამუკაურნი, ბოლოკაურნი და სხვა. ბოლოკაურთ მამაშიაც იყო საკმარისად სახელგანთქმული კაცი აბიკა. მარაიზძეთ მამაშიც იყვნენ კარგი კაცები, მხოლოდ შუღლის კალო უკვე მოღეწილი ჰქონდათ. ახალგაზრდობას გადაცილებულები იყვნენ და ადვილად არ შუღლობდნენ. ახალა და აბა გიგაურები სტუმრად იყვნენ წინხადუში. როცა დალიეს და დაითვრნენ, მიხიელმა შარი აუტეხა და შუღლად გაუხადა; ახალა კიდევ ჭრა ხანჯლით. თავში დაჰკრა ხანჯარი და მსუბუქი ჭრილობა მიაყენა. მიხიელი იარადის ხმარებაში გამოცდილი და, ამასთან, მამაცი კაცი იყო და კაცს მძიმედ არ დაჭრიდა. ახალაც თავის დროზე შუღლში მარჯვე კაცი იყო, მაგრამ ახლა ვეღარ მოასწრო დაკვრა. თან მეშველები დახვდნენ და მოასწრეს მისი დაჭერა, მანამ მიხიელსაც დაჰკრავდა. ბლოვლები გამოისტუმრეს და მოვიდნენ ბლოში. ბლოვლებმა თავის უფროსებისათვის შუღლად გახდა და მემრე ჭრა ძალიან იწყინეს და მთელმა სოფელმა მტრობა დაუბარა მიხიელს. „ჩვენ

ყველა მტერი ერთ ამ სოფლის ახალგაზდები, ჩვენის უფროსებისად იარაღის ქნევას არ შაგარჩენო. იარაღის ქნევა ეგერ არ უნდ, რო შენ ჩვენებს უფროსებს უქნი. შენის კბილისა (შენი ტოლი) როსაც ვინ შაგხედებით, მაშინ დაგჭირდების მაგრად დადგომა. ჩვენ გასწავლით იარაღის ქნევას”. მიხიელმაც დაუბარა: „მე გიორგით მიხიელი-ორ, შუღლის ფასით ვყიდულობ (ვითომც ვშუღლობ და დრამა გამაქვსო), როსაც ვინ შამყერებით, მაშინ თქვენაც გაიგებთა-დ ე კაცნიც გაიგებენ, ვინ-ვის ასწავლის იარაღის ქნევასა-დ, ვინ დადგების მაგრად-დ, ვინ ვერ დადგების. მე სრუ მზას ორ საშუღლარად. დიდხანს მზადება არ მჭირდების, თქვენ იდინეთ მზას, თორე მიხიელი მაუმზადებელი არ დაგხედებისო”. ასე იყვნენ ერთიმეორეს დამუქრებულნი ბლოვლები და მიხიელი. ორი-სამი თვე გავიდა და ერთიმეორეს ვერავინ შეხვდა. ბოლოს მიხიელმა და იმისმა დედამ, ლელამ, ჩაასხეს ტიკში ბლომად არაყი და წავიდნენ ნათესავებთან არყით. ამავე დროს ამავე გზით მოპირდაპირე მხრიდან მიდიოდა ნათესავებისაკენ ბლოელი გიორგის შვილი აბიკა; შეხვდნენ ერთიმეორეს ერთ ვიწრო ბილიკში. მიხიელმა დაასწრო: „მუქარას რო მოხოვო, ზოგს ბლოვლებსთან შუღლს არც ვიკადრებ, შენს შახვედრას ვნატრობდი, შამხვდი კიდევ. ამ თქმაზე ორივემ ხანჯრები ამაიღო და მანამ ერთი მეორეს დაჰკრავდნენ, მათ შუა გზაზე გაიშალა ხანში შესული დიაცის ლელაის მანდელი. ლელა ძალიან პატივცემული დიაცი იყო და ხევსურეთში ვინც კი მას იცნობდა, ყველა პატივს სცემდა, ისე კი არა, როგორც ხევსურეთში დიაცს ნაკლები პატივისცემით ეპყრობიან, არამედ ლელას იმდენი სიკეთე ჰქონდა დამსახურებული, რომ მამაკაცსაც ყველას არ ჰქონდა ასეთი სახელი და პატივისცემა. ჯერ ხევსურეთში საერთოდ მიღებული იყო: დიაცი თუ მეშველად იყო – მის ხელიდან მაშუღლარი არ წაიწვედა მოპირდაპირე მაშუღლარისაკენ. ეტყოდა: „მე დიაცს უჭერიორ, ამის ჳელჩით ვერ გამავიზიდები. მაიცადე, კაცებ მავლენ მეშველად-დ იმათ დამიჭირან. მაშინ მე მაგექცევი რაჳელაც შაგფერდების”. შუღლის დროს თუ მოასწრებდა და წინ მანდელს გადაუშლიდა, მაშუღლარები ადარ „გადადლაჳებდეს” მანდელს და გაჩერდებოდნენ. ერთიმეორეს ეტყოდნენ: „გიშველ ამ მანდლის ხათრმ, თორემ ეგრ კი ვერ წახვიდოდი მშვიდობიანად. კლოვ სად მარტონ შავიყრებითა-დ მაშინ ვცადათ ერთუცი, რახან ცის მეტ არაი გვხედევდას“. ასეთი ხათრი ჰქონდა ხევსურებს მანდილოსნისა და მანდლისა. ამიტომ ლელას მანდლის გაშლაზე აბიკა დადგა და იმის შვილს მიხიელს უთხრა: „ხათრი აი ე ლელაის მანდლისა, თორემ ვერ წახვიდოდი მშვიდობით”. მაგრამ მიხიელმა უპასუხა: „მე მანდელი ფეჳებზე მკიდავ” – ამოჳკრა ხანჯრის წვერი თავის დედის მანდელს და გზის ზემოთ შეაგდო (იმდენი პატივისცემა კი იმანაც გამოიჩინა, რომ არც გზის ძირში გადააგდო მანდელი და არც ზედ გადახდა, გზის თავში შეაგდო ის) და ხანჯარი აბიკას დაჳკრა თავში და ჳრილობა მიაყენა. ლელა მეშველად შეუვარდა.

აბიკამ ხანჯარი კიდევ არ იხმარა, მანამ კიდევ სამი ჭრილობა არ მიაყენა. როცა სისხლი წამოვიდა და პირისახე წითლად შეაღებო, თვალეშიაც სისხლი ჩაუვიდა, მერე (როგორც ის ამბობდა) გაჯავრებულმა გონება დაკარგა და არ ახსოვდა რას შერებოდა. გონზე მაშინ მოვიდა, რომ მიხიელი გზის ზემოთ დაეცა და იმასაც სისხლით შეღებილი ქონდა სახეც და ტანისამოსიც. ერთი ჭრილობა პირისახეზე ჰქონდა, შუბლიც თმამდინ იყო გაჭრილი, თვალიც გაჭრილი იყო და ლოყაც ყბის ბოლომდინ. მეორე ჭრილობა ხელზე სჭირდა და ძარღვებიც გადაჭრილი ჰქონდა. თავშიაც იყო დაჭრილი. მიხიელი სისხლისაგან სუსტდებოდა. აბიკას ლელასაგან შეხატორდა და მოშორდა აქედან. მოკეთესთან ვეღარ წავიდა, როგორც იყო მოაღწია სახლში. ლელამ ეს ამბავი შეატყობინა ახლო სოფელში. მოვიდნენ და მიხიელი საკაცით წაიყვანეს სახლში. შეიქმნა ძალიან მწუხარე ავადმყოფი. მაშინვე წაიყვანეს და სამეშველოები დახოცეს: წინკადუს ჯვარში, გუდანის ჯვარში და ზეისტეჩოს ჯვარში. აბიკასაც აქიმი დააყენეს და მიხიელსაც (აქიმს დაუყენებდა დამჭრელი დაჭრილს), მაგრამ მანამ თითო საკლავი სანათლავი არ მიუყვანეს, მანამდინ ხელი არ დახდო ნაჭრევიანებს. შემრე ნაჭრევეები თბილი წყლით დაბანა, ჩააყარა ბალახის წამლები, ჩააწყო სელები და შეუხვია ფართლის პირებით და თავშელებით. შუაკაცებმა აბიკას მარტო პატივი დახდეს, რადგან მძიმე ჭრილობები არა ჰქონდა. მიხიელს კი აბიკასთანით ცოცხალი (ხევესურულად: სისხლიანი) საკლავი და პატივი მიუყვანეს, რადგან სახე, თვალი და ხელი ყველა დასახინრებული ჰქონდა. მიხიელი „ნაჭრევისად“ მაგარი კაცი იყო, მაგრამ მეტად მძიმე ჭრილობები ჰქონდა და თან სისხლი დაკარგა ბევრი, ამიტომ ჩავარდა ლოგინად და ძალიან მძიმე ავადმყოფი იყო. საჭირო გახდა მკითხავეები. მკითხავეებმა კიდევ უმკითხავეს: მიხიელი აქ-და აქ შუღლობდა, ჯვარ-ჯვარისკარ აქოთებდა და ეს უსართავსო. დახოცეს საკლავები სხვა ჯვარებში, რადგან გუდანის ჯვარი არაბულების მთავარი სალოცავი და საიმედო იყო, აქ კურეტი დაკლეს. თავის მხრივ აბიკამაც დახოცა მიხიელის სამეშველო საკლავები, ბლოს მუხის გიორგიში და გუდანის ჯვარშიაც. მიხიელი ბევრჯელ მივიდა სიკვდილის პირამდინ, მაგრამ როგორც ხევესურები ამბობენ: სიმაგრით თავი მოირჩინა. ექვსი-შვიდი თვის შემდეგ ჭრილობები ნაწილი გაიკურნა და ისეც გაუმჯობესდა მისი მდგომარეობა. საკლავებით კიდევ ზღვობდნენ ჯვართ და ავადმყოფს ხორცს აჭმევდნენ. ბოლოს სულ ადგა. ხელი და თვალი ორივე უვარგისი დარჩა. თვალის კაკალი ორად იყო გაჭრილი და ისე გაიკურნა. ხელის თითები ნაწილობრივ სულ გაშეშდა და ზოგიერთებს ამოძრავებდა. დაიწყეს შუაკაცებმა სიარული. ასეთი მძიმე ჭრილობების გამო რჯულით სავალდებულო იყო მიხიელისათვის რჯულის საკლავის მიყვანა. უმისოდ შუაკაცები მიხიელს რჯულის შესახებ ვერაფერს ეტყოდნენ და არც მიხიელი მოუსმენდა იმათ საუბარს.

აბიკამ შუაკაცებს ერთი საკლავი წააყვანინა (რჯულის საკლავი) და გაგზვნა მიხიელთან. მათ მიიყვანეს საკლავი და უთხრეს: „კვესურეთის რჯულით რჯულის საკლავ მაგიდის, აბიკამ ეს წამაგვაყვანივ შენთან. ჩვენ ეგ კაც ვგეთ მაცოდ არ გვეგონ; ისეთ სიტყვებ გვითხრ, რო მაგდენიყვ საით, შაგბრალდებოდ. წაიყვანეთავ საკლავივ, გვითხრ, შამახვეწეთავ, რჯულნი გავიდათავ. წინ უდგეორავ, ამბობს ის, კარით გაუკეთავ ჩემს დაღეულს. კვესურეთ რაც არავის უქნავ, იმას ვიქამ, თეთრი ოქროთ აუღესავ. ისი სჯობდ, რო მე მამკვდარიყავ, მანამ ეგ მამიკვდებოდ. აბა რაიდ ეშველები მამკვდარსა-დ დაღეულ საქმეს გაკეთების მეტი. შუაკაცებმა ზოგი მართლა აბიკასაგან ნათქვამი უამბეს და ზოგი მისი გულის დასამწვიდები სიტყვები თვითონ ჩაურთეს, რასაც მოახერხებდნენ. ბოლოს მიხიელი რჯულზე დაითანხმეს და საკლავიც დაკლეს. ხორცი მოხარშეს და ყველამ ჭამა. ტყავი შუაკაცებმა წაიღეს. ერთ-ერთი დღე დანიშნეს რჯულისათვის „მირღოგუბათ“. მირღოგუბანი, ბლოს და წინხადუს შუა ადგილზე ერთ პატარა დავაკება ადგილს ჰქვიან. ამ ადგილას ავდრის წყალი გუბდებოდა და ამიტომ ეძახოდნენ მირღოგუბათ. დანიშნულ დღეს რჯულის კაცებმაც მოიყარეს ამ ადგილზე თავი და ერთიმეორის მოდავეთაც. ორივე მხარეს მოჰყვნენ თან თავისი ახლო სახლისკაცები (რჯული პირაქეთ, ე.ი. ბუდის ხევსურებმა უფრო კარგად იცოდნენ და მტკიცედ იცავდნენ მას, ვიდრე პირიქითელებმა. არხოტში რომ ნარჯულავს რომელიმე მხარე არ დასჯერდებოდა, არ არის სწორად გარჯულვილიო, იტყოდნენ: კვესურები მოვიყვანოთ, კვესურეთის რჯულში გავიდეთ და იმათ ხომ კარგად იციან კვესურეთის რჯულიო) მირღოგუბათ ისეთი გორია, რომ ერთიმეორის მტრები ერთიმეორეს ვერ ხედავენ. ერთები გორის ერთ მხარეს ისხდნენ და მეორეები მეორე მხარეს. შუა ადგილზე მოედანზე რჯულის კაცები ისხდნენ.

რჯულის კაცებმა პირველად დაიბარეს დაზარალებული (ხევსურეთში მნიშვნელობა არა აქვს იმას, ჩხუბი ვისი ბრალი იყო და ვინ გამოიწვია, ან რის შედეგად დაიჭრა კაცი, ანგარიშობენ მარტო ჭრილობებს, ესა თუ ის ჭრილობა ხევსურეთის რჯულით როგორ არის შეფასებული; რითიც უნდა იყოს გამოწვეული ჭრა-ჭრილობა, ამას მნიშვნელობა სულ არა აქვს). დაზარალებულმა იჩივლა: „მე ხთისგან ცოცხალი ორ, მაგისგან მკვდარი, ცოცხალივ ვამბობ, თორე რა ცოცხალში სათვლელი დავრჩი. თვალ აღარ მაქვ, კვლ აღარ მაქვ. პირისახე პირისახეს აღარ მიგავ. შუდლის მერჯულე გავდ თაოდაცა-დ, მიაც შუდლის მერჯულე გამკვად, სასიკვდილოდ გამიქჩერ, რად უნდოდ გონის ავდა, მე იარადს იარადის მაქნევის წესით უქნევდი. მაგან მტერ-ურჯულსავით სასიკვდილოდ მაცვით. აბა, რა ვიჩივლ? აი ნაჭრეებს ქვე ხედავთა-დ, ყველას თავ-თავის ანგარიში აქვ რჯულით დაწესებული. აბა, მე რაისად მაქმედი ორ, თორე მაგას რჯულ კი არ უნდოდ, ან ევსრ გავდა უნდოდ ევხლად, რო მე ორ, ან მაკვლა იყვ მადლი ჩემ ევსრ გამკვდელისაი. სხვა უჩემო თოფს იკმარებდა-დ თავის

ეესრ გამკვდელს მახკლევდ, მაგრემ მე ის ვერ შავზძალი. ეეხლად თქვენ იცით. თუ გწყალობსთ გუდანის ჯვარი-დ ჳევსურეთულნი ხოთიშვილნი, წესიერად გაარჩიეთ. ნუც იქისკე გადაიხრებითა-დ, ნუც ჩემკე გადმაიხრებით. გაგვარჩიენით, ნულარ დაგვწირავთ ნამდურავად. იქისკე გადაიხრებით, მე არ დავიჯერებ, ჩემკე გადმაიხრებით, ის არ დაიჯერებს. ამით რჯული დაიშლებისა-დ ცუდ საქმე ჩამაგვივარდების, რაიც კარგ არ ას. მაცოდარ ხალხი ხართ, ჳევსურეთის რჯულისა თქვენ რა მაგეტყუებისთ, რა გესწავლებისთ. თქვენ იცითა-დ თქვენმ კაცობამ. როგორც სისწორესა-დ სიმართლეს იტყვით, ისრ გიშველანთ ჳევსურეთულთ ხოთიშვილთ”. ამან ეს საუბარი დაამთავრა, მერე გამოვიდა ამათი მამის ერთ-ერთი ახალგაზრდა და იმან კი მუქარა გამოთქვა ბლოვლებზე: „თუ ეს რჯული წესიერად არ გაივლის და მიწვე-მიწვეას ექნება ადგილი, ჩვენაც კაცები ორთ” – თქვა მან – „იარადის ხმარება ჩვენაც ვიცით, ესეთას საქმეზე ქვეც მავხკლავთა-დ, ქვეც მავკვდებით. არცრაად ქვე ორთ ცოცხლები, კაც მავათგან მიკაფულ – დასახიხრებულ გეყოფ”.

ეს მხარე საჩივრის შემდეგ წავიდა თავის ადგილზე და ახლა დამნაშავე მხარე დაიბარეს რჯულის კაცებმა და ალაპარაკეს. მან თქვა: „ამას წინ არა უდგას, რომ თავის დაღეულ საქმე მე უნდა გავაკეთ. აღარც ის უშველს ამას, რო ჩემ ბრალ არ იყვ, თორე ძალად გამხვიეს მე ამ ხათაბაღაში. მე ჯერ ნიაზ არ მქონდ მაგასთან შუღლისაი, მემრ ლელაის მანდელს გაუწი ხათრი. მანამ მესამე არ დამკრ, ჳელ აღარ შაუქცი, მანდლის ხათრით. მესამეც რო დამკრა-დ სისხლ თვალეებში ჩამივი-დ, აღბათ, შიშია თუ რა მამივიდ, არ ვიცი, აღარა მაჯსონს, მანამ არ გავიყარენით (ქუდ მოხდილი იდგა და ლაპარაკობდა). ეხლა თუ გწყალობსთ გუდანის ჯვარი-დ ჩემ სალოცავ მუხის გიორგიც, რჯულ სწორად გაავლიეთ. მე თავის დაღეულს გაკეთება მინდ, თავში ქვა უნდა ვიკალა-დ გავაკეთ. მე ყველაით წინ უდგეორ, თუ რჯულის რჯულ იქნების; თუ გადახრა იქნების კი, მე უსულოდ ჳორცს პირში არ ჩავიხრი, თუნდა ეეხლავ ამკაფან მავათ. რა ვქნა, რაიც რჯულ არის მე ისითს ნარჯულავს ვერ დავიჯერება-დ უფრო ცუდად წავგივ საქმე. ევენ მე არ მამასვენებენა-დ, დაგვკოცთ ერთუცს. თუ გწყალობსთ ჩვენებ სალოცავები, გაგვარჩიენით ისრ, რომ აღარა სამდურავ დარჩას ჩვენს შუაში. ჩვენ მავაჯდინეთ ეს საქმე-დ ჩვენავ უნდა გავარჩიოთ, რო შვილსა-დ შვილიშვილს, ან ჩვენს გარეშამოს არ დაშჩას იმის სათქმელ, რო ჩვენს ძველებსავ საქმის დაღევა სცოდნივაო-დ გაკეთების თავ აღარ ხქონივავ”. იმან რომ საუბარი გაათავა, რჯულის კაცები შეუდგნენ ჯერ დაჭრილი ხელის შემოწმებას. ნახეს ჳრილობა, გასინჯეს დასახიხრება, ხელი იდაყვიდან აღარ იღუნებოდა მთლიანად და ნაწილობრივ თითებსაც აკლებდა. ხელს ისეც ეტყობოდა, გაღეული, გაწვრილებული და გაყვითლებული იყო. მერე დაზომეს შუბლის ნაჭრევი და ლოყაზე ის ადგილი, სადაც ყბა არ ეფარებოდა (ყბა ხევსურულად წვერს ეწოდება). ამ ადგილზე დაწყობილი მარცვლებიანი კილონი არ გადაიყრებიან.

მერე დაზომეს ის ადგილი, სადაც ყბა ფარავდა. აქედან „კილონი“ ე.ი. ნაპირის მარცვლები გადაიყრება. ჩვენ ეს ვიცით, რომ დანარჩენი თითო მარცვალი თითო ძროხას უდრის. თვალი სულ აღარ ჰქონდა, კაკალი თვალისა შუაზე იყო გაჭრილი. ბოლოს მიხიელიც გაისტუმრეს და შეუდგნენ მსჯელობას. ჯერ ერთმა რჯულის კაცმა დაიწყო საუბარი, მოიყვანა ასეთი ჭრილობები და მათზე გარჯულვილი დრამის და გარიგების მაგალითები. იქ სადმე ის იყო, ამა და ამისაგან ნაჭრევიანი, ნაჭრევეები იყო ასეთი და ასეთი, გავრჯულეთ ესა და ეს და ბოლოს შევარიგეთ ამდენ ამდენი დრამის მიცემითო. მერე მეორემ ისაუბრა ასე, მესამემ და მეოთხემაც. ბოლოს გადავიდნენ ამ ჭრილობების შეფასებაზე. მოპირდაპირეთ ოროლი კაცი ყავდა რჯულის კაცებში მოყვანილი და, ვისგანაც მოყვანილი იყვნენ, იქით იხრებოდნენ. მთლიანად ხელის გაუჭმრება, თვალი და პირისახე სამოც ძროხამდინ აღიოდა, მაგრამ ბლოელი კაცები წინააღმდეგ წავიდნენ: სამოცი ძროხა კაცის თავსისხლი ღირს და მიხიელი ხომ ცოცხალიაო. ბოლოს აბიკაის ნაჭრევეებიც გაბარეს და ამის გარდა ორმოცდაათი ძროხა დააყენეს. ამაზე შეთანხმდნენ რჯულის კაცები. გარჯულავის გამოსაცხადებად დაიბარეს დაზარალებული. ერთ-ერთ რჯულის კაცი ადგა, ქუდი მოიხადა, ხევესურეთის სალოცავები ახსენა და თქვა: „ჩვენ ისრ გვიშველან ე ნაკსენებო ხთიშვილო, როგორც ვეცადენით საქმე სისწორით გაგვერჩივ. არვისად მაგვეც ნამეტნავად შამწეობა-გადამწეობა. მართალი, შენებ ნაჭრევეები ბევრ დრამას იჭერს სამოც ძროხამდინ, მაგრამ შენ ჩვენზე კარგად იცი, რო სამოც ძროხა კაცის თავსისხლს იშორებს. შენ კი ღმერთმა ადამის დღენ მაგცნას, ცოცხალი ხარა-დ ცხოვრებასაც იქავ შაზძლებ. არც უნდა ამთვენ ბევრ გვეთქვ, მაგრემ იქავ ისივ დავამკლეთ, რო კლოვისად გამოხილდასა-დ იარად წესზე იჭმარას, არა ისრ, რო მტერ-ურჯულოზე. აბიკაის ნაჭრევეების გარდა ორმოცდაათ ძროხა გარგინეთ თავის ალვანიით საკლავითად სასმლით შინ მაგიტანასა-დ მემრ შენ იცი-დ შენმ კაცობამ“.

მიხიელმა თქვა: „კაცებო, თქვენ რო სწვალდებით, მე და აბიკა იმის ფას არც ერთი ორო, არც მეორე. ჩვენი გულისად ფეწზე ადგომაცი არვის გეკადრებისო, მაგრემ თავის-კაცობას არ ხკარგავო. სწვალდებით ჩვენის გარიგების გულისად. დავიმკლევბიოროთ კი, მაგრემ მე მაგის მაცემულ დრამა აღარას ბედენას მიზამს. რამთვენიც უნდა ავიდ, მე აღარ ვიქნებ ის, რაიც ვიყავი. მე აღარ მინდ რჯულიდ-ნარჯულავ დავშალ. რაიც გითქომთ, მე კმასაც არ ამავიდებ თქვენის ხათრით. იმას კი ვემართლები, სასიკვდილოდ გამამიქჩერ“.

მემრე დაიბარეს აბიკა და გამოუცხადეს ნარჯულავი. ამასაც ერთ-ერთმა რჯულის კაცმა ხთიშვილო ხსენებით უამბო: „ჩვენ გავრჯულეთ ისეთ ნაჭრევეების დრამა, რო გაძნელდ მაგის გარჯულვა. ნაჭრევეებმ კაცის თავსისხლის მოსაშორებ დრამა დაიჭირ, მაგრემ ჩვენ ის დავამკლევთა-დ ორმოცდაათ ძროხა დავაყენეთ

თავის ალვანით, საკლავითა-დ სასმლით შინ მიტანით”. აბიკამ ქუდი მოიხადა და უთხრა: „მადლობელი ორ კაცებო, სწვალობო, ჩვენის გულისად ფეკზე აღგომა არ გეკადრებისო, თავის შინ კას სკამზე სხეხართ, კა ტაბლა გიდგასთა-დ კას ლოგინზე სწვებით. აქ კი ყველას სთმობთა-დ იტანჯებით ჩვენის გულისად მაგრემ მეტად მიიმეს ას გარჯულვილი. ახლა კიდევ საკლავითა-დ სასმლით შინ მიტანა. ეს ორჯელ ეხლა ჩემს თავზე მავიდა. შინ წაიტანი ამ რჯულს. კლოვ თქვენ რა-ვის მაგიკდებისთად იმას გეტყვიანთ: ეგ რჯულივ თქვენ დადებულიავ თქვენზეც ეგრ გაღრჯულვენა-დ მაშინ თქვენ რასად ვის ეტყვიო. ხო ვერ ეტყვიო ეგივ ურჯულო რჯულიავ, როსაც თაოდ თქვენ დადებულ რჯულ იქნების. მე კი თქვენი მაინც დიდ მადლობელი ორ, რომ ჩვენს დარიგებას სცდილობთა-დ თავზეით ჭირს გვაშორებო. რაითაცად იქნების, მე მავიშორებ ამ დრამას. მე მაინც დარიბი ორ. არ დავეჩვევი სიღარიბეს ექხლად. დაუჩვევ არ ორ, სრუ სიღარიბეში გამაუვალი ორ (შეიძლებოდა რომელიმე მხარეს ნარჯულავი არ მოსწონებოდა, არ დათანხმებუდიყო და აიშლებოდნენ რჯულის კაცები და ამით გაცხარდებოდა უფრო მტერობა. ასეთზე რჯულის კაცებს გაკიცხავდნენ: „კმაღზეით გადაყარნესაო-დ თოფზე შაყარესაე“- იტყოდნენ. საკმლე მტერი უბრალო ჭრა-ჭრილობის მტერი იყო და სათოფე მტერი უკვე მაგარი მტერი იყო, რადგან ერთიმეორე უნდა მოეკლათ თოფით). ასე რჯულის კაცებმა ორივე მხარე დაითანხმეს. აბიკას შეუთანხმდნენ, როდის მისულიყვნენ მასთან, დრამა გადაეფასათ და წაეღოთ მიხიელსთან. ვადა ორ კვირამდინ დადევს. აბიკამ მეორე დღესვე ხუთ ფუთამდინ ერბო წაიღო თბილისში და სულ ვერცხლის ფულზე გაყიდა და ფული წამოიღო. ზოგს ძმა ბიძაშვილები დაეხმარნენ, შეაგროვეს სპილენძი, ტყავ-სადამო (ფარდაგები და გუდანურები), ვერცხლიანი იარაღი. ქამრები ვერცხლისა, მასრები და სხვა. დანიშნული დღისათვის დრამა ერთუცზე დაწყობილი ჰქონდათ, საარაყე გამაწურვილი და საკლავიც მზად იყო. მოვიდნენ რჯულის კაცებიც. აბიკას ფრანგული ხმალი ჰქონდა და ხუთ ძროხა ალვანიაში ის ჩაუთვალეს. დანარჩენი დრამა კაცებმა გადაფასეს. ვერცხლის ფული დაითვალეს (ერთი პარკი იყო სავსე) და თითო ძროხად ხუთ-ხუთი მანეთი გადადევს. ოთხის ჩარეკი სპილენძი თითო ძროხად ჩააგდეს (ათი გირვანქა სპილენძი) დანარჩენი, ვერცხლის და სხვა იარაღი კაცებმავე გადაფასეს. ზოგიერთის დაფასებაში კაცები ცოტა შეკამათდნენ, მაგრამ ბოლოს ისევ თანხმდებოდნენ. ეტყობოდა ერთები ემხრობოდნენ დრამის ამღებს, მეორენი დრამის გამღებს. ერთიმეორეს ვითომ უმაღავდნენ, მაგრამ ხანდახან საუბარში გამოუაშკარავდებოდათ გადახრა და ამ საუბარს თვითონვე ჩააქრობდნენ. ბოლოს ყველაფერი მზად იყო. აბიკასთან არაყი დალიეს, პური ჭამეს. დაკაზმეს ცხენები, აიკიდეს დრამა და წავიდნენ წინკადუში.

გზაზე დაუღამდათ და ვაჭშობის დროს მიხიელის კარზე მივიდნენ. ერთი მათგანი წინგარდაზე ავიდა (წინგარდა: ბოსლის ბანი დაბლა, რომელიც ჭერხოს

აქვს დაფარებული) და დაუძახა: „მიხიელო, შინ არ ხარა? გამეფდი კარჩი“. მიხიელმა სანთები ამოიტანა და საკემიდან ჭერხოში ამოცდა. სანთები ჭერხოში დადგა და გამოვიდა. გამოსულმა უთხრა: „გამარჯვება, ვაჟებო“. „გაგიმარჯოს ღმერთმ“ – იყო პასუხი. მიხიელმა ამბავი ჰკითხა: „ხო კარგად ხართ, ხო არავის რა გიჭერთ, კაცი, საქონი, ხო ყველა მშვიდობით ხართ? სხო ამბავ ხო აღარა გაიგონების თქვენსკე, ხო აღარაი ას მამკვდარ-წამკვდრობის კმაი?“

„კარგათ ორთ“ – ყო ყველათ პასუხი. „რა კითხვა უნდ ჩვენს ამბავს, სულ გვიდგას პირში. აქამდინ არც არა საქონ დახიანებულ, არც კაცი. აი, ე უდარობამ კი შავვაწუნ. საქმეზე გასვლის ამინდ აღარ გვექნ ავდრობისგან. თუ რა მავთიბეთ, ველარა ავკრიფეთ, აისიც იქ დაგვიღბ. კაც სიბერისკე წავედი-დ ამთვენს ავდრობას არ შავსწრობიორ. სადარავდრონიც დაგვცენით, არხოტისკე გველმყვარნიც გადავყარენით, მაგრამ არ იქნა, არ გაიდარ, აღარც თუ რა ხთიშვილთ შაუძლავ. შავუჯერდით ამთვნივ უამინდობით (თიბის დრო იყო და უდარობის გამო ხალხი ვერ მუშაობდა). მოსულეებმაც შესხივლეს უდარობის შესახებ. აბიკა კი საუბარში ჩუმად იყო, ის მონაწილეობას არ იღებდა. მერე მოვიდნენ ცხენებთან, დრამა ჩამოიღეს და წინგარდაზე აიტანეს. მიხიელი შეუძღვა და ჭერხოდან საკვამისას ჩაკდნენ ბოსელში. აშენება უთხრეს და იქ მყოფნი დიაცებიც მოეგებნენ. კითხეს მშვიდობა, ამბავი და სტუმრები სკამზე დასხდნენ.

შუაკაცებმა მოყვანილი საკლავი დაკლეს და ხორცი ქვაბში ჩაყარეს, ტყავი ხომ შუაკაცებისა იყო. აბიკამ არაყი დაასხა, პირველი ყანწი ბებერს ლელას მიუტანა და უთხრა: „ბებერის სტუმრის მასპინძელი ხარ, პატივდებულ დიაცი ხარ, კაცებზე მეტად შენ ხათრ ისრ მაქვ, როგორც საკუთარი დედისაი. დამნაშავეი ორ შენთან, რო შენ მანდელს პატივ ვერ დავზღვე, რაც ეკუთვნოდ. მართალი, ამით თავს შავარცხვინი, შენს დიაცობას ამით მე რა დავაკლივ, მაგრემ, ვითამ შენ შვილ ვყოფილორ, ისრ მაპატივი შენის მანდლის დალაკვაი“. ლელამ ყანწი გამოართვა და უთხრა: „შვილო, შვილ ხთისაი ხარ, ღმერთმა გაპატიოს, რასაც ღნანობ, იმთვენ დამნაშავე კი არ იყავ, მაგრემ მაინც შენგან არ მეგონ, თუ ჩემს მანდელს პატივს არ სცემდი“. მერე აბიკა ადღეგრძელა და დალია. კაცებმა მიხიელს უთხრეს: დრამა გადავფასათავ. მიხიელმა დრამას ზედაც არ შეხედა. შუაკაცებს საქონის გამღებისაგან ერგებოდა ძროხაზე ნახევარი ცხვარი, ე.ი. ნახევარი ჩარექი სპილენძი. გამღებს აპატიეს და ამღებისაგან აიღეს. ისიც ნაწილი გამღებს შეაწიეს. მიხიელმა ათი ძროხა დაუბრუნა და ორმოცი აიღო. მერე შუაკაცებმა ვერცხლი ჩაუფხიკეს, მიხიელი და აბიკა ამობილეს და საბოლოოდ შეარიგეს. მეორე დღეს მიხიელი თავისი არყით გაუმასპინძლდა და ყველანი პატივნაცემი გაისტუმრა შინ.

კოჭლათ ბერდიასა და თათარათ ბაბუას უშულო

ბერდია იყო ცისკარაულების გვარის კაცი, იმის მამას ბაბო ერქვა; ის როდისმე კოჭლი ყოფილა, მერე გამომრჩალა და მაშინდელი სახელი შერჩა – კოჭლა. ესენი „თათიათ“ მამის კაცნი იყვნენ. თათიანი საერთოდ მშვიდი ხალხი იყვნენ, მაგრამ ბერდია განსაკუთრებით შუღლის მოყვარული გაიზარდა. ღონე ჰქონდა და გაზრდილობაც, თითქმის არაჩვეულებრივი, ამასთან მამაცი იყო და არავის არაფრად არ აგდებდა. ონიაურთ გვარში ქალიელთ მამაში იყო თათარაის შვილი, ე.ი. თათარათ ბაბუა. ეს კაციც თავის წილად მამაცი იყო, მაგრამ შარი და გადაჭარბებული სიამაყე არ უყვარდა.

წელწადწუხრა იყო და მეკვლენი (ახიელელნი) საქვაბეში იყვნენ მოსულნი. მეკვლეთ წესი ყველაფერი რიგზე სრულდებოდა. საკლავები დახოცეს, ხორცი მოიხარშა. სასანთლები გაარიგეს, ჯვარიონნიც გამოვიდნენ და ჯვართ დიდების წესი შეასრულეს „სადიდებელნი დადგნეს“. ხორციც დაადგეს ტაბლაზე და დაიწყეს სმა და პურის ჭამა. ამ დღეობაში ყველა (კვამლს) ოჯახს ჰქონდა სოფელში არაყი და ერთიმეორეს ეპატიუებოდნენ. მიტომ ხალხი სოფლიდანვე მთვრალი მოვიდა. ახლა აქ ლუდი დაუმატეს და შარიანი და შუღლის მოყვარული ხალხი ნამეტნავად დათვრნენ. მეკვლე-ღამეს შუღლი ადვილად არ იცოდნენ, მაგრამ ბერდია ძალიან თავხედი კაცი რომ იყო, დაიწყო შარი. ხალხი ხედავდა, რომ მეტისმეტი მთვრალი იყო; ფხიზელი კარგიც იყო სასოფლო სამეხოტლოდ. ახლა ჯვარის ხათრი ჰქონდა ხალხს, ამიტომ ბერდიას ყველა უთმენდა, ჭკვა არავინ ააყოლა. ბერდიას დიდი ხანჯარი ეჭირა ხელში, ამოკრავდა ხანჯალს ნალვერდალში და ნალვერდალს ხალხს შეაყრიდა ზედ, თან ეტყოდა: აბა, ვინც კაც ხართ, კმა ამიღეთო. ახალგაზრდები ძალიან იყვნენ ასეთი საქციელის გამო ბერდიაზე გულმოსულნი, მაგრამ უფროსებიც უშლიდნენ და ბერდიას პატივისმცემლებიც ჰყავდნენ, რადგან ის სოფლის გარეშე მტერთან საიმედო იყო და თავის სოფლებების ზანს ის არ მოითმენდა, შუღლში ყველას მიეშველებოდა. დღევანდელ გადაჭარბებულ თავხედობას სიმთვრალეს, ან ჯვარის შეცოდებას აწერდნენ (ჯვარის შეცოდება: ჯვარი გამწყრალია, მას კარგი ანგელოზი აღარ პატრონობს და ჯვარი თუ ეშმაკი, რაღაცა ცუდ საქმეს ჩაადენინებს. ასეთ მდგომარეობაში მყოფ კაცს ყველა ერიდება, ჭკვას არ აყოლებენ, ეგ ჯვარს შაცოდებულია და მეც შამაცოდებს, ხიფათში გამხვევსო. ასეთი კაცისათვის მოთმენა არც სირცხვილი იყო). როგორც იყო ღამე მშვიდობიანად გაათენეს. მოსვენება და სიამოვნება არავის უნახავს. დილას რომ თენება დაიწყო, ხუცესი გამოვიდა, ხალხს ახალი წელი მიულოცა, სადიასახლისოში სამეკვლეო შააგორა და ცოტა ხანს დაჯდა მეკვლეთან. ლუდი დალიეს, მერე ხუცესი დარბასში გავიდა, იქ ჟამსაწირი გამზადებული დახვდა

და ჟამისწირვას შეუდგნენ. ჳელოსანი ანუ ხუცესი გავიდა და ზარი დარეკა. ზარის ხმაზე მეკვლენი ადგნენ, ქუდები მოიხადეს, პირჯვარი დაიწერეს და ყველამ ხმამაღლა თქვა: „დიდება ძალსა შენსა მიქიელ მთავარო ანგელოზო, ჳირ მავსპარი შენს ძალსა-დ შენს სახელს, შენ უშველი შენთ ყმათ, ბევრ წელწად მშვიდობისა მადგვარი, შენის სახელის ჳირიმი“. ამ სიტყვებით უკვე გამოვიდნენ საქვაბიდან და გავიდნენ დარბასის კარში. დარბასის კარში მადლი მასთხოვეს: „დიდება ძალსა შენსა მიქიელ მთავარანგელოზო, შენ გევედრებითა-დ გეხვეწებით, შაგვიხვეწი, ნურას შაგვიწყენ, ნურაით შაგვიცოდებ, ნურაის ინაბარს ჩაგვიდებ, შენ უშველი შენთ ყმათ, ნუვის თვალ-გულს მადრევ“. მერე დასხდნენ ქვისგან გაკეთებულ სკამებზე. შუა დარბასის კარში ენთო დიდი ცეცხლი, ზედ ერთ ტვირთიანი არყის შეშის კონა იდო და ალი მადლა იყო ავარდნილი. ხალხი თბებოდა. დასტურებმა წინწანაქარი არაყი გამოიტანეს და ხალხს ალევინებდნენ ვერცხლის თასებით. ზოგები კიდევ მდეროდნენ ფშაური სიმღერის კილოზე:

ჩვენის ბატონის კარზედა ხე ალვად ამასულაო,
წვერად მაუსხამ ყურძენი, საჭმელად ჩამასულაო,
მაგის უჭმელი ქალ-ვაჟი უდროოდ დაშაულაო.

* * *

მიქიელის კარ შახიდეთ ბაღათერაის ფარიო,
მაუელის ომის სურვილი, ხანდიხან შაზძრავს ქარიო.

სხვა ასეთი სიმღერები, რომლებიც არხოტის ჳვარს ეხებოდა აქა-იქ დაიწყეს და ახმაურდა დარბასის კარში ხალხი. ხალხი მხიარულობდა, მაგრამ ბერდიამ წუხანდელი ამბავი გაიმეორა, რადგან წინწანაქარმა ისევ შარის გუნებაზე დააყენა და დაუწყო ხალხს ისევ არაფრად ჩაგდება. თათარათ ბაბუა იმაზე ხნით უფროსი იყო და უთხრა: „კაცო, ბერდიაჲ, გეჳე იკმაი, ნუც შენ ეცოდვებ ჳვართა-დ, ნუც ხალხს აცოდვებ. არხოტის ჳვარჩი ორთ, წელწადდილა-წუხრანი, ერთუცს უნდა რა ვაამათ, რა დაგემართ, გონთ მეედ, ხალხ რო გითმენს, განა ქვე ვისამ აშინებ, შენ ღონით რო მოგწონს თავი? მაღალსა-დაბალს იარად ასწორებს. ხალხს ჳვარისაიც ხათრი აქვა-დ თავისობისაიც, თორე შენ ყველა კი არ მაგითმენს“.

ბერდიამ უპასუხა: „თათარათ ბაბუაჲ, შენ ვინად რას გკითხავს, რახან კაცნ დაილივნან, შენ მაშინ იამბიდი. ხალხთ სიცოცხლით შენ რა გეკითხების“. ეს არ ჳქონდა დამთავრებული, რომ ბაბუამ გონება სულ დაკარგა, ისე ადელდა და სწრაფად ორჯელ დაჳკრა თავში ხანჯარი. ბერდია დაიჭრა. სანამ ბერდია რამეს მოასწრებდა, უცბად მეშველებიც მოვიდნენ, დაიჭირეს მაშულდარნი. ბერდია ძალიან

ღონიერი ახალგაზრდა იყო, ძალიან მაგრა იწვედა, მაგრამ აღარ გაუშვეს, რადგან ბევრი მეშველები იყვნენ. ბაბუამ ჩოხის კალთაი-თ ხანჯარი გაწმინდა, ჩააგო და დაჯდა. მეშველებმა ბერდია კი სახლში წაიყვანეს. ამოვიდა არხოტის ჯვარის გამგე დარბასიდან და გამოაცხადა: „მანამ ჯურუმად საკლავი არ მოვა და კაცის სისხლით მოსვრილი ჯვარისკარი არ დაინათლება, მანამდინ ჯვარის რიგი დაკეტილია, არც ჯვარს უყენებთ რიგსა-დ არც სოფელს მივსცემთ დღეს, რაც ლუდ მიუდის”. მეკვლენი აიშალნენ, ჯვარს მადლი მოსთხოვეს და ჩვეულებრივი წესით ფერვისა დააბეს და ისე წამოვიდნენ სიმღერით სოფლისაკენ. თათარათ ბაბუამ კაცი გაგზავნა და ერთი საკლავი თავის სახლიდან მათყვანინა ჯვარ-ჯვარისკარის სანათლავად. ხუცესი და დასტურები დარბასიდან გამოვიდნენ და ბაბუა დაამწყალობნეს. მერე დასტურმა საკლავი სასაფლაოზე წააყენა, ხუცესმა გრძელი დანა ამოიღო და მარჯვენა ხელში დაიჭირა. იხუცა და ბაბუას სამწყალობნოდ დაკლა. ბაბუაც მუხლისკვერზე იჯდა, პირჯვარს იწერდა და ნელის ხმით ლაპარაკობდა: „დალოცვილო მიქიელ მთავარო ანგელოზო, დიდი ხარ, ღმერთმა ნუ წაგართოს ძალი-დ შაძლები, შამინდევ შანაცოდვარი. კორციელი ორ, ბევრს გცოდავ, ზოგს ჩემი ბრალითა-დ ზოგს ჩემს უნებურად. ყმა შაუწყენ არ იქნების დალოცვილო-დ ბატონ შაუნდობელი. მე თავ ყმად არ მშურსა-დ საქონ ზღვნად. შაიზღვენ ჩემ შანაზღვნობ დალოცვილო. შენ ყმაი ორ, შენ მიწა-მტვერი ორ, ნუ ვის თვალ-გულს მამრევ, ჩემ შანაცოდვარი-დ შანაწყინარი ზღვნითა სანთლით გადამაჭდი, ჭირ მავხპარი შენს ძალსა-დ შენს სახელ-სამართალს. მამიკდ უცოდრობით შენ კარჩი აქოთებაი-დ, შენ გულთა მხილავი ხარ, მე არ მინდოდ, მაგრემ სხვის უკლობა-უბედურობა ჩემზე შამავარდ. ახლა მიშველე, შამინდევ ეს შანაცოდვარი-დ აწიდგე აქ იარაღს აღარ მავიყოლებ, წიხლითაც რო ვინ მგლიდას, კმას არ ამავიდებ”. ხუცესმაც დაამთავრა ხუცობა და ბაბუაც გაჩუმდა. საკლავი რომ დაიკლა, მემრე ჯვარსაც რიგი უყენეს. მხოლოდ საკლავის სისხლი ყველგან უწიეს, სადაც კაცის სისხლი იყო დაღვრილი. ბაბუას სამეზღვენეო ლუდი გამოუტანეს, დარბასის კარში სხვა ხალხიც მოგროვდა და ლუდი ყველამ დალია. საკლავი გაატყავეს, შეიტანეს დარბასში და რკინის ჩანგალზე ჩამოკიდეს, რომელიც საკლავების ჩამოსაკიდებლად მუდმივ იქ იყო დაკიდებული.

მადლი მოსთხოვა ჯვარს ბაბუამ და სახლში წამოვიდა. აქ კაცი მოვიდა: ბერდია ცუდად არის და სოფელს გაეცაღეო. ბაბუამ უპასუხა: „იმას მე მაგარ არა დავხკარი, ისით არაი სჭირს. მე კვლჩი იარაღის ანდვი მაქვ, ვიც, რო ზუბუქებ ნაჭრევები შჭირს, ის ჯერ ლუნდასვამ იყვ, მემრ იზიდებოდ, დაიღალა-დ ბევრ სისხლ გამაუვიდ, დასუსტებოდ, სისხლს მათგოხებდ; ცოტაი ხნიდგე კარგად შავარდების”. ბაბუა თავის სახლს არ მოსცილებია, სოფელში კი არ გასულა, რადგან ბერდიას ძმა-ბიძაშვილები ბევრები იყვნენ. ერთიმეორეს რომ შეხვდებოდნენ, იშუღლებდნენ

და ჭრიდნენ ერთიმეორეს. ამიტომ ბაბუა ერიდებოდა მათ შეხვედრას, რადგან შუღლისმოყვარული კაცი არ იყო.

სოფლის უფროსმა კაცებმა იწყეს შუაკაცად სიარული (კაც-შუაკაცი აუტყდა). ჯერ ბაბუასთან მივიდნენ და პატივის დასადებად ერთი აბაზი ვერცხლის ფული გამოართვეს; მემრე ჩვეულებრივად ხელი ჩამოართვეს, რომ გზაში შაყრილს აღარავისთან ეშუღლა. მემრე შუაკაცები ბერდიასთან მივიდნენ. ბერდიასთვის სისხლს მიეგოზა (გული წასვლოდა, დასუსტებულიყო), წყალი დაესხა და მომჯობინებულები იხვე. შუაკაცები რომ მივიდნენ, ბერდია უკვე სკამზე იჯდა. შუაკაცები მივიდნენ, ბერდიას პატივი დახდვეს, ექიმი მოუყვანეს და ჭრილობები შეახვევინეს. მერე შერიგებაზე დაუწყეს ლაპარაკი. ბერდია ისეთი კაცი იყო, რომ გულში დება არ იცოდა, ბორბტი გული არ ჰქონდა. შუღლში რასაც იზამდა, ის იყო, მერე იმისაგან ცუდი რამე აღარ იყო მოსალოდნელი, არაფრად აგდებდა შუღლსა და ნაჭრეგებს და შერიგებაც ადვილად იცოდა. სხვებმა გულში შენახვა იცოდნენ, როცა შუღლში დამარცხდებოდნენ და მერე შერიგდებოდნენ, მარჯვე დროს ელოდნენ სამაგიეროს გადასახდელად. ზოგი მეშვლებსაც გააქეზებდა: მე მაგას ვჭრი და შენ დაიჭირიდი, რომ მე არაფერი დამკრასო, მაგრამ ბერდიას ასეთი რამეები არ ახასიათებდა. შუაკაცებმა რომ შერიგებაზე დაუწყეს ლაპარაკი, მან ბევრი არ აღაპარაკა და უთხრა: რაად გინდათ ჩემსა ბაბუაის შარიგებაზე ხვეწნაიდ საუბარი, მია ბაბუა არც კი ვლიროთ მაგაად. ჩვენის გულისად ფეკზე ადგომიცი არ გეკადრებისთ; წვედით ეხლადად ბაბუა აქ მაიყვანეთ. წელწად დღეი ას, საწელწადო საარაყეი მაქვ გამაწურვილიდ თითო-ორულ ყანწ მაგვერგების, სხვებსაც უძახებთად მავიყონთ. არაყ შავსვათად მემრ ჯვარჩი წავიდათ, ლუდი ვსვათ. ბაბუამ ეხლად მე მამიქნივ იარაღიდ კლოვ ჩემს მტერს მაუქნევს. ჩვენ ძმაი ას. საიმედო კაცი ას. რაი შუღლ, რაად უნდა გაგვიკვირდასად გავაჭირდიდათ, კვესურეთის მიწა-წყალთ ეგ მაუდის, სასმელში შუღლ უნდა იყოს, მაშ რა იქნების? შუაკაცებმა ბერდიას ხელი ჩამოართვეს, მემრე ერთი კაცი გაგზავნეს და ბაბუა მოიყვანეს, ბაბუამ ერთი ჭურჭელი (დოქი) არაყი წამოიღო და მოვიდნენ ბერდიასთან.

მოსულებს ბერდია და მისი ოჯახის წევრები მიეგებნენ. ბერდიამ ბაბუას აკოცა და სკამზე დასვეს. მერე ბერდია ადგა, ბაბუას და სხვებს ყველას სთხოვა, რომ ჩვენს წარსულ შუღლზე ნურაფერს ვიამბობთ. ვიამბოთ ახალწელზე და დრო გავატაროთო. „ის რაც იყონიყო, ახლა ნულარ გავაბევრებთ. ეგ შუღლ არ უნდა გაგვიკვირდას, წესიასად შარიგებაიცი“. ამის შემდეგ, ბაბუამ ცოტა რომ ილაპარაკა, აიღო არაყიანი ჭურჭელი და ბერდიას წინ დაუდგა. „ეს ჭურჭელი შენ პატივ იყოს, მამიკვ ეს ხიფართი ვისთანაც არ მინდოდ. თუ კი რა შამექლიყოს, სხვა მტერ რამთვენი მყავ. ვისთანაც არ უნდა კაცს, იმასთან უფრო ყოფილამ მაუკვდების. შენს კაცობას არ ხკადრებ, თორე ჩემფერ კაცი კვლთ საპოხლადაც არ გეყვ. აღარ გავაბევრებ, დამნაშავეი ორ

შენთანაცა-დ ჯვარ-ჯვარის კარსთანაც. ორთავ მაპატივეთ, შენაცა-დ ჯვარმაც. ჩემს დანაშაულს მე შავზღავ. იმთვენს სიკეთეს მაგრევთ შენაცა-დ ჯვართაც, რამთვენიც სხვა კაცს არ უნახავ”. საუბარი ბერდიამ გააწყვეტინა: „მე გთხოვთ, რო შუღლსა-დ ნაჭრევებს ნუ გავაჭირდიდებთ. შორეულ მტერთან გვერდი დამიდგები. ჩემს მტერს უარეს უზამ, ახლა ეგ საუბარ გაუშოთა, გავათავათ”. ჭურჭლიდან არაყი ყანწში დაასხეს, ერთ-ერთ უფროს კაცს მისცეს და მან ჩვეულებრივი წესით დალოცა ჭურჭელიც და ყანწიც ბაბუაის მამის – თათარაისად. მერე ერთმა ახალგაზრდამ აიღო ხელში ჭურჭელი და ყანწი და ყველას დააღვეინა არაყი. ბერდიამაც მოიტანა და დადგა არაყიანი ჭურჭლები. აქედანაც ერთი ყანწი უფროს კაცს მისცეს და ორსამი ყანწი კიდევ დაასხეს და სხვებსაც მისცეს (სხვა თავისიანები და მეზობლებიც იქ იყვნენ მოწვეულნი). უფროსმა კაცებმა შანდობა უთხრეს ბერდიას მკვდართაც: „ღმერთო, დიდება შენდა! ღმერთო, მადლი შენდა! ღმერთო, უსულიც შენ გებარებისა-დ კაციც შენ გემსახურების! ღმერთო, უშველი ბერდიასა-დ მაგის თავ-ჯალაფობას. ღმერთო, ბევრ წელწად-ქრისტეშმაღვარი მშვიდობისა, კარგა ყოფისა, ბევრ ბედნიერ წელი კვალ გამაუცვალი მშვიდობით! ღმერთო, შენის დიდებითა, ჩემის სიტყვის მაკსენებით, სააქაოს ნათქვამ თუ საიქიოს მიდიოდას, წესი მართებულ იყოს, ხთის წესითა, მდღლის წესით, იერუმსალეთის ნათლით, ქრისტეს გარიგებით, ზედამრჩობის დღეგრძელობით, ეს დადგმულე ჭურჭლებიცა-დ დასხმულე ყანწებიც სულთამც ბერდიას ბაბო-ბერდედათას, იმათ დიდ-წვრილისას მეეკმარების!” „შაუნდნას ღმერთმ!”¹ თქვა ყველამ. შასანდობარი ყველას დააღვეინეს და გაიმართა სმა. ხევსურებმა თამადა არ იცოდნენ და ვისაც როგორი სადღეგრძელო უნდოდა, ისე იტყოდნენ. შესანდობარს და სადღეგრძელოს ორივეს ერთ ყანწში ათავსებდნენ. ზოგი მღეროდა, ზოგი ანდრეხებს ყვებოდა და ასე გაიარა დღემ. მერე დიაცები შინ წავიდნენ და კაცები კი წავიდნენ ჯვარში. ბერდიას უვლიდა სოფლის აქიმი. ის ლოგინში არ წაილიდა და ისე მოირჩინა ნაჭრევები. ერთი ნაჭრევი ძვლამდინ არ იყო ჩასული, ერთიდან კი ამოვიდა ზეთა ძვალი. როცა ნაჭრევები სულ გაინკურნა, საბოლოო გარიგება მოითხოვა ბაბუამ. ბერდიას კაცი მიუგზავნა: „თუ იტყვი რჯულის კაცები დავსხათ, თუნდა თაოპირად გავღრიგდათ (თაოპირად გარიგების უპირატესობა ის იყო, რომ დამნაშავე და დაზარალებული თუ გონივრები იყვნენ და ნაჭრევების ღირებულების შეფასებაში თვითონ შეთანხმებოდნენ, მაშინ საშუაკაცო აღარ გაუვიდოდათ, რომელსაც ამღები დრამისა იხდიდა თითო ძროხაზე თითო ცხვარს. დრამის გამღები კი – ნახევარ ცხვარს და აქ კარგა გასავალი იყრიდა თავს. რიგდებოდნენ კი თაოპირად, მაგრამ არა ხშირ შემთხვევაში). ბერდია თაოპირად გარიგებაზე დათანხმდა. ორივე მხარემ იცოდა, რომ ზეთა ძვალის ამოსვლა ღირდა ხუთი ძროხის დრამა. ბერდიამ შეუთვალა: „შენ ყველა რჯულ კარგად იცი, როგორც

მაიქცევი, შენ იცი”. ბაბუამ გამოწურა საარყე. მოიყვანა ერთი თავისიანი კაცი, გადაწონეს დრამა და წავიდნენ ბერდიასთან. არაერთ მისვლა ხევსურეთის რჯულით არ ევალებოდა, მაგრამ ბაბუამ მაინც არაერთ მიუტანა დრამა. ბერდია დიდის ამბით შეხვდა მათ მისვლას. იმასაც არაეი ჰქონდა დამზადებული. დალოცეს არაყები ორივე მხარის მიცვალებულებისათვის, თავისიანებიც აწიეს და თავისებურად კაი დრო გაატარეს. ბერდიამ ორი ძროხის დრამა დაიტოვა და სამი ძროხის დრამა უკან დაუბრუნა. სააქიმოსაც სამი ცხვრის ანგარიშს და ერთი აქიმის სანათლავ ბატკანს ბაბუა გასწორდა და საბოლოოდ შერიგდნენ.

კოჭლათ ბერდიასა და ჭუთლათ ბიორგას შუღლი

ბერდია იყო ჩვენი ნაცნობი, მაშუღლარობით განთქმული ცისკარაული. გიორგა იყო ჯაბუშანურთ გვარის კაცი, მამად „ბაკათი“, ფხიზელი, იშვიათი გონიერი და ბევრი რამის მცოდნე; სასმელში კი იგიც ფიცხობდა. ბერდია ხომ მუდმივად შუღლის გუნებაზე იყო. გიორგას ცოლად ჰყავდა ბერდიას ნახევარი და, ე. ი. გიორგას ცოლსა და ბერდიას დედა ერთი ჰყავდათ და მამა სხვადასხვა. მათ კარგი განწყობილება ჰქონდათ, როგორც სიძე-ცოლისძმას, როცა ფხიზლები იყვნენ და სიმთვრალის დროს წაიშუღლებოდნენ იშვიათ შემთხვევაში. ზამთრის ერთ-ერთი დღეობა იყო და არხოტის ჯვარში დამე უთიეს. დასტურ-ჭელოსნებიც იყვნენ და სხვა სოფლის ხალხიც ერია ჯვარიონთაგან ნაწევი (არხოტის ჯვარში დარბასში ორ ქისტსა და არხოტიენებს ერთიმეორე დაუხიცია და ზოგი დაჭრილა, მას აქეთ აკრძალული იყო დასტურ-ჭელოსნების გარდა დარბასში შემოსვლა. მაგრამ დროს და ხნის, ე. ი. წლების, გავლის შემდეგ ყველა არა, მაგრამ წევით ზოგიერთები შედიოდნენ დარბასში, სხეები კი იტყოდნენ: „ჯვარში შაიცოდავ, დარბასში დავა-დ ერთ უბედურება რა დაემართების. შემდეგ მოვიყვანთ იმ ქისტების და არხოტიენების ამბავსაც, მათ ერთიმეორის დახიცავს; რა შანაცოდვარს აწერდა ხალხი). ბერდია დასტური იყო და გიორგა ნაწევი იყო, როგორც სოფელში კაი კაცი (კარგ კაცებს, მაცოდრებს, სოფლისად გამოსადეგებს და უფროსებს აწევდნენ დარბასში და განსაკუთრებულ პატივს სცემდნენ არაერთ და ლუდით). ნაწევებს არაერთ და ლუდით გაუმასპინძლდნენ. არხოტის ჯვარში არაყსაც მაგარს ამზადებდნენ და ლუდსაც, რადგან ჯვარს ბევრი მამული ჰქონდა და ბევრი პური მოდიოდა. ეს თავისებურად მაგარი სასმელები რომ დალიეს, დაითვრნენ. ჯერ მღეროდნენ და მემრე შარზე გადავიდნენ. სულ უბრალო რამეზე გიორგამ დაუწყო ბერდიას შარი. „შენ სრუ შუღლობ – ეუბნებოდა გიორგა— ზოგს შჭრი, ზოგს აგორებ, შენ თავის მამრევე არვინ გგონავ, შენ თუ ღონიერი ხარ, მაღალ-დაბალს, სუსტსა-შამძლეს იარად ასწორებს. შენ არ ვინ შავხვედრივ ისითი, რო,ჭ,რა ღმერთ გამიწყრავ, ამას რა გადავეკიდევ“, – ამბობდ. შენ თუ ჭკვიანად არ

ხარ, ისით ვინ შაგხედების, რო მანამ თვალთ აატყერებ, ხუთს დაგკრავს. შენ შენს გიორგას გაუგონი, გონთ მეედ, თორე ვინ მაგიყონსა-დ თავბედსაც დაგაცილებს, ნეტაინ დედას არ გავშენიყავივ, იმასაც გათქმევს”. ბერდია შედარებით ფხიზლად იყო და შუღლის გუნებაზე არ იყო, ეკამათებოდა კი, მაგრამ იცინოდა, ხუმრობაში ატარებდა გიორგაის საუბარს. გიორგა ამაზე უფრო ცხარობდა, რომ ჩემს საუბარს არაფრად აგდებსო და უფრო ფიცხოვდა. ბოლოს ბერდიამ უთხრა დაცინვით: „მე შუღლს არ მაგშლი-დ ვერცვინ მამაშლეგს. ერთი კაცი ვერც დამიხვდების, რაიც მინდ, ერთ კაცს იმას უზამ; იარაღთაც დავართომა-დ აისითას გაუშობ. შენ რო კაცი ხარ, ევგეთა კაცებ კი ხუთნიც ვერ გამიძლებენ. სამნი რო ზურგთ ამეკიდნან, მეოთხესა-დ მეხუთეს წინ ნადგომებს იქვ პასუხს გავსცემ”. გიორგამ ეს სიტყვები რომ გაიგონა, მეტი აღარც დასჭირდა. მარტო ეს კი დაიძახა აღელვებულის ხმით: „შენ ერთსაც ვერ დამიხვდებიო!”, ამოიღო დანა (ურსა, ხევსურულად, რომელიც ტყავის ქარქაშში არის ჩაგებული და ხევსურები წელზე შებმით ატარებენ. სამეურნეო რამეებისთვისაც ვარგა წვრილმანის გასაკეთებლად და ხანდახან შუღლშიაც იყენებენ, როცა სხვა იარაღი რამ არ შერჩებოდათ ხელში), გადახტა და, მართლაც, თვალის დახამხამებაზე ბერდიას დანა თავზე გადაუსვა და კაი გრძელი ჭრილობა მიაყენა. ეცნენ მაშვლები და გააშველეს. გიორგამ დაღვედრა: „ეეხლა, რაკველ იქნ, აღბეჯაისშვილი ორ მე, ვერ მაგექეცი, როგორც მინდოდ, ვერ დაგიხვდი მარტუაი”. ბერდიამ ჯერ წყნარად უთხრა: „რაი ხქენ, გიორგავ, დანა გადამისვი?” – „დანა გადაგისვი, მეტიც გიყავ, აღბეჯაისშვილი ორ!” – უთხრა გიორგამ (ვიდაც სახელგანთქმული ქისტი ყოფილა აღბეჯაისშვილი და გიორგა იმის სახელს ირქმევდა მეტსახელად. მაშინ უფრო იცოდა, როცა სასახელო, სავაჟაკო საქმეს რამეს სწადიოდა: აღბეჯაისშვილი ვარო). ხევსურეთში ხელის მოსმა სირცხვილია იმ ადგილზე, სადაც დაჰკრეს რამე. ბერდიამ დანის გადასმა გაიგო და დაიჭრა თუ არა, ის ვერ გაიგო, სირცხვილით ხელით ვერ გაისინჯა თავი. გაიფიქრა: გიორგას ნუ ავეყვები, თუ დაჭრილი არ ვარ და სისხლი არ მოვიდაო. ცოტა ხნის შემდეგ სისხლი პირისახეზე ჩამოვიდა და მერე ბერდიამაც გაიწია გიორგასთან შესაბრძოლებლად; მაგრამ ბევრი ხალხი იყო და არ გაუშვეს. მას წელზე დამბახა ჰქონდა, უცბად ის ამოიღო და ესროლა გიორგას. მეშვლებმა დაჭერა ვერ მოასწრეს. როგორ მოხდა, რომ ვერც მეშვლებმა მოასწრეს, ან ხალხში მისი ხელი როგორ გაარჩია, რომ ტყვია სხვას არავის მოხვდა – ეს ვერავინ გაიგო. მხოლოდ შემდეგ სროლისა გაიგეს, რომ გიორგას მკლავი ბერდიას ნასროლმა ტყვიამ გაუხვრიტა მაჯაში. გიორგამ თქვა: „ამ დაწყევლილმ ჰველ გამიფუჭვ”. ნახეს რომ მარჯვენა ხელის მაჯა შუაზე იყო გახვრეტილი და სისხლი გადმოსდიოდა. გიორგას ხელი უკვე აღარ ემორჩილებოდა და დაჯდა, ბერდია კი გიჟივით იწვედა და ვეღარ იჭერდნენ მეშვლები, მარტო იმას

ყვიროდა: „რას მემართლებოდ დანაის გადასასმელს! არხოტის ჯვარის დარბაზში რად მიყვ ესეთ საქმე, რო ჯვარს შამაცოდ?! ჩემ სისხლიც დაიდვარა-დ თავის სისხლიც დამადვრივ! სრუერთი ჩემდ, მაგას ცოცხალს არ გაუშობ, უნდა დავასრულ, უნდა მავკლ!“ როგორც იქნებოდა, მაშველებმა ბერდია გაიყვანეს დარბაზიდან და წაიყვანეს შინ. მერე გიორგაც წაიყვანეს თავის სახელში. მეორე დილას შუაკაცებმა ერთსაც პატივი დაზდვეს და მეორესაც და დროებით შერიგებაზე ყველათ ხელი ჩამართვეს. გიორგასაც და ბერდიასაც სოფლის აქიმი მოუყვანეს; სისხლიანი ჭრილობები მობანა თბილი წყლით, ნატყვიარში კანაფის უხმარი გაუშვა, ბერდიას თავშიაც ხელები ჩადვა და შეუხვია. მერე ჯვარშიით კაცი მოუვიდა: ჯვარს რიგ არ დაუდგების, მანამ სანათლავს არ დახკლავთ დარბაზისაო. გიორგამ და ბერდიამ ერთი საკლავი ჯვარ-ჯვარისკრის სანათლავი გაუგზავნეს და ერთი ჯურუმად, რომ ჯვარჩი იშუდლეს. გიორგას ხელი ტყვიისაგან დაშხამული აღმოჩნდა და დაუჩირქდა. ძალიან მძიმე ავადმყოფი შეიქმნა.

მკითხავებმა უთხრეს: „ახიელ სამსავ ჯვარში ღირეულებ სამეშველოებ დაჯოცეთ, იქნება რამ უშველას, თორე არხოტის ჯვარი ძალიან გამწყრალი იმის დარბაზის აქოთებაზე“. არხოტის ჯვარში კურეტი დაკლეს სამეშველოდ. მთიშეშაგში და ჯაჭველში წელგამავლილ (ერთი წლისაზე მეტი ხნის) ვერძები დახოცეს. გიორგას ხელი მრავალ ადგილას დაუჩირქდა და თითქმის წლამდინ იწვა. მერე მოურჩა, მაგრამ ხელი დაუსახიჩრდა, თითებს სულ ვედარ ამოძრავებდა. ბოლოს რჯულმა გიორგას თექვსმეტი ძროხა დრამა არგუნა. ბერდიას ძვალი არ ამოუვიდა და მისი ნაჭრევი სადრამე არ იყო. გიორგამ რვა ძროხა დრამა თავის სიდედრს, ბერდიას დედას აპატივა და რვა ძროხის ანგარიში აიღო. ბერდია შუდლისაგან გაღარიბებული იყო და არაფერი ჰქონდა, ამიტომ გიორგამ ალვანიაც აპატივა, არ აიღო.

არაბულ-ჭინჭარაული შუღლი

მომითხრო და ჩამაწერინა ბათურა არაბულმა
სოფელ ბაცალიგოში, 60 წლისამ

წინათ იცოდნენ საკარგემო. ვინც დიდ სახელს იქმოდა, მას საკარგემო მოუდიოდა წელწადში. ჯერ იმას, ვინც სახელს იზამდა და მემრე იმის გვარს. გვარი სახელობდა ერთი კაცის სახელით და წელწადში საკარგემოს მისაღებადაც მთელი გვარი მოდიოდა. საკარგემო სინამდვილეში ბევრი არ იყო. ის იყო ერთი ჩხუტი ლუდი, მაგრამ მის მისაღებად მთელი გვარის მოსვლა სავალდებულო იყო. მოსულებს თვითონაც მოჰქონდათ არაყი და ლუდი და იყო ღრეობა. გუდანის ჯვარში იყო სამი საკარგემო. იქ მოდიოდა ჭინჭარაული და არაბული, რადგან საკარგემო მათ მოუდიოდათ. გოგოჭურები მთელი გვარი არ მოდიოდა, მაგრამ მოდიოდნენ ჯვარის

მსახურნი და მეზღენე. სახელად ითვლებოდა ქისტებზე გამარჯვება, უფრო ბევრის დადება მათთვის. აგრეთვე სახელი იყო ქისტეთში ქისტის მოკვლა შურისძიებით.

არაბული კიდევ ორ შტოდ იყოფა: ჩუჩაყური და ბიჩინაგური. ჩუჩაყურთ მოუდიოდა ორი საკარგემო. პირველი საკარგემო იყო თუხაკისა. თუხაკი ყოფილა ჩუჩაყური. ქისტები მითხოში ისე შეუწუხებია, რომ ბოლოს პირობა დაუდევს: ნუღარას გვაგნებ და წელიწადში კვამლზე თოხლს გადავიხდითო. მათი შეწუხება ის იყო, რომ პატარა ლაშქართ ანუ მზირით ეცემოდა მათ; იტაცებდა პირუტყვს, ძროხას, ხარს და ცხენს, რაც კი ხელში მოხვდებოდა, კაცის კვლასაც არ ერიდებოდა. დაიდევს მითხოველმა ქისტებმა კომლზე თოხლი ბეგარი და აძლევდნენ ყოველწლიურად. მეორე საკარგემო ისევ ამათ, ჩუჩაყურთ ეკუთვნოდა კირჩლა ბაბურაულის საკარგემო. ბაბურაული ხევსურეთის ისტორიაში საკმარისად სახელქებული მეომარი იყო. ხევსურეთის ბრძოლებში, ლაშქრობებში და სხვა საგმირო საქმეებში ხშირად შეგხვდებათ კირჩლა ბაბურაულის სახელი. აგრეთვე ძველ საგმირო ლექსებში ბაბურაული არაჩვეულებრივ მებრძოლად არის დახასიათებული. ბაბურაულის სახელით ამაყობს მისი გვარი. ახლა იმის ახლობელ გვარში, თემროზაულთ მამაში აღარა სჩანს ვინმე ისეთი კაცი, რომ სახელის ღირსი გამხდარიყო; კი არა და, სხვა თავის გვარის მამებთან შედარებით დაბეჩავებულები არიან, მაგრამ ისევ ბაბურაულის სახელით ამაყობენ. კირჩლას ლექსებს, ანუ სიმღერებს ისევ უმღერიან იმის მოგვარეებს ფანდურზე, თავკმელად და სხვა.

კვესურნ გიჭურვენ კირჩლაო, ლურჯამ აქნივა სახელი,
კვესურებს მიეც ლურჯაი, ქნან, თუ მარჯვეა საქნელი.

ერთ ბრძოლაში კირჩლა მტერს პირველი შეებრძოლა და გამარჯვება მოიპოვა. ხევსურებმა თქვეს: მაგას კაი ცხენი ჰყავდა, წინ მიგვისწრო და თავი იმიტომ ისახელაო; მაგრამ კირჩლას, თუნდა ლურჯა არ ჰყოლოდა, მაინც უსახელოდ არ დაბრუნდებოდა.

ზურაბის ლაშქართ ვინ ჩახყვა, ჩააცვეთს ბაბურაული.

ზურაბის ლაშქარს უნდოდა ხევსურეთის დამორჩილება, მაგრამ ხევსურებმა მოსულ ზურაბს წინააღმდეგობა გაუწიეს და ამ ბრძოლაშიც თავი ისახელა ბაბურაულმა. სხვა ასეთი ბრძოლები მას ბევრი აქვს გადატანილი და მითხოველების ბეგარი თოხლიდან ცხვარზე გადაიყვანა. აქმდინ თუ მითხოველები თუხაკის დადებულ ბეგარს ერთ თოხლს იხდიდნენ, ახლა კირჩლამ თითო ცხვარი დასდო ბეგრად და ამაზე იყო ბაბურაულის საკარგემო, რომელიც იმის გვარს წელიწადში მოუდიოდა და ამით ამაყობდნენ. ბოლოს კი ბაბურაული მითხოველმა ქისტებმა მოკლეს, მაგრამ ამ მტრის მიერ მოკვლამ მისი სახელი მაინც ვერ დაჩრდილა.

მითხოში ორი ძმანი იყვნენ – ამაისშილნი ბრძოლით სახელგანთქმულნი. მანამდინ ყურაიანი თოფები ყოფილა. ყურა თოფს გარეთ ჰქონდა მიკრული, სადაც პირის წამალი ჩაიყრებოდა. ყურასთან თოფს პატარა ნახვრეტი ჰქონდა, რაც უერთდებოდა თოფში ჩაყრილ წამალს. მეთოფეს თან დაჰქონდა ტალი, კვესი და აბედი. კვესით ცეცხლს გააკვესებდნენ, ცეცხლი აბედს მოეკიდებოდა ცეცხლიან აბედს წამლიან ყურაზე დასდებდნენ, თოფის მიზანში ამოიღებდნენ, რასაც უნდა ესროლონ; ყურაში წამალი აფეთქდებოდა, თოფის ნახვრეტში ცეცხლი შევარდებოდა, თოფში ჩაყრილ წამალსაც ააფეთქებდა და გავარდებოდა ტყვია. ამას სჭირდებოდა დიდი დრო, შეიძლებოდა აბედი დანესტიანებულიყო და ცეცხლი აღარ გააკვესებულიყო, ან როდის მოასწრებდა ამდენ ამბავს. კირჩლას უკანასკნელად მოუხდა მითხოში ამაისშილთან შებრძოლება. ბრძოლა ისე მოხდა, რომ კირჩლამ ისინი ახლო დაინახა და ხმალდახმალ გაექანა. იფიქრა: მანამ თოფისათვის ცეცხლს გააკვესებენ, მე ხმლით მივასწრებ და მერე მე ვიციო, მაგრამ სუიკას ამაისშილსა თოფი აქვს ჩახმახიანი.

მას თურმე ჩახმახიანი თოფი ჰქონდა, რაც ახლად იყო შემოღებული და კირჩლამ ეს არ იცოდა (კირჩლა – იგივე ბაბურაული). სუიკამ შამაყენებული თოფი შემოუბრუნა, დასხლიტა ჩახმახი და ტყვია კირჩლას გულში მოხვდა. მოკლეს კირჩლა.

მითხოში ამაისშილთა საღმერთოდ დაკლეს ჯარიო,
მაკვალით ბაბურაული, მითხოს მავსწყვიტეთ ღვარიო.

იმის მოკვლაზე მოსალოცად მოდიოდნენ ქისტები.

შენი მამკლავი კირჩლაო მითხოს მემეტედ დგებოდა,
მაუდიოდა მლოცავი, ფეკზე არ აუდგებოდა.

მესამე საკარგემო, მთხრობელის თქმით, მოუდიოდა ჭინჭარაულთ. ქისტეთში ყოფილა სახელიანი კაცი, ვიდაც ქისტი, და მას მოუკლავს ჭინჭარაულთ გვარის ხევსური. მას ახლობელი ჰყოლია, ვიდაც ბაღათერა. ბაღათერა მითხოში ღამით მისულა, თავის ბიძაშილის მამკლავი ქისტი მოუკლავს და თითონ მშვიდობით დაბრუნებულა. ამაზე იყო მესამე საკარგემო (არხოტში ეძახიან საყარყმოს, სახელის გაკეთების შემდეგ ჯვარში დაკლავდნენ ხარს ან კურეტს და ამას ეძახოდნენ საყარყმოს, ბუდის ხევსურები კი თურმე საკარგემოს ეძახიან. ეტყობა, საყარყმოს სიტყვა საკარგემოდან არის გადმოკეთებული) აი, ასეთი საკარგემოების მისაღებად მოდიოდნენ არაბულ-ჭინჭარაულნი, მოჰქონდათ თან კიდევ ბევრი სასმელი და ითვრებოდა ხალხი. მთხრობლის თქმით, მეორედ მომხდარა ორ გვარს შორის ასეთი დიდი შუღლი. ამ უკანასკნელ შუღლში ერთი კაციც მოკვდა – ბაცალიგველი ლაგაზა

და მისი სიკვდილის შემდეგ მოსპეს საკარგემოები, რომ თემი აღარ მოსულიყო და ასეთი დიდი შუღლი აღარ მომხდარიყო (ეს შუღლი დაიწერება ქვემოთ).

როგორც ვიცით, გუდანის ჯვარში წელწადი იყო და თემმა თავი მოიყარა. შუღლი მოხდა სულ უბრალო პატარა საქმეზე. სულხანაური იყო სოფელ გუდანიდან, არაბულების გვარიდან, მამად ბუნდიაური. მაგასთან პირველი შუღლის დამწყები სოფელ გუდანიდან – გაგათ წიქა, გვარად ჭინჭარაული. ამ სულხანაურს მოსთხოვა საპაპიროზე ქაღალდი: ერთ პაპიროსს გაგაკეთებ, ცოტა ქაღალდი მომეციო. სულხანაურმა არ მისცა, საპაპიროზე ქაღალდი შენი იქონიეო – უთხრა. რა დიდი საქმე არის ერთი პაპიროსის გამომავალი ქაღალდიო – უთხრა წიქამ, ძვირფასი რომ გქონდეს რამე და კაცმა გთხოვოს, რაღას იტყვიო. შეყვნენ ამ ლაპარაკს, იშიშვლეს ხანჯლები და მიაცვითეს ერთიმეორეს. წიქა რომ სისხლიანი დაინახა, მას მიეშველა ბუბუნელათ ხთისო სოფელ ძეძეურთიდან, წიქას შორიული მოგვარე. ესეც დაჭრა სულხანაურმა და ახლა მიეშველა გუდანელი ომათ წიქა, ეს უფრო ახლობელი სახლისკაცი გაგათ წიქასი. სულხანაური ძალიან გამოცდილი კაცი იყო შუღლში და იარაღის ხმარებაში, ამასაც სამი ნაჭრევი დამართა. ესეც რომ დამარცხდა, ამათ მიეშველა გუდანელი ქარჩაულათ ხთისო და ესეც დაიჭრა. თუმცა კი სულხანაურსაც ბევრი ნაჭრევი ემართებოდა, მაგრამ ერთი ადგილიდან ფეხი ვერ მოაცვლევინეს. გაგათ წიქა და სულხანაური ერთმანეთს მოაშორეს, მაგრამ ერთ ადგილზე სულხანაური შუღლობდა, თითოობით მიდიოდნენ ჭინჭარაულები და ყველას პასუხს აძლევდა. მეორე ადგილზე გაგათ წიქა შუღლობდა არაბულების გვარიდან, ხან ვინ შევარდებოდა იმასთან, ხან ვინ. წიქა და სულხანაური ორივენი სისხლით იყვნენ შეღებილნი, მაგრამ მაინც მოწინააღმდეგეს უჭრელს არ უშვებდნენ. სულხანაურს პირველ მიშველებაზე არაბულთა გვარიდან მიეშველნენ: ჯერ თავის ძმა ბეწი, მერე სოფელ ბაცალიგოდანვე არაბული ბათურა, არა ახლობელი სახლისკაცი. ისინიც ორივენი სისხლში შეღებილნი დადიოდნენ და შუღლობდნენ. ამათ გარდა მთელი გვარები ჩაერივნენ შუღლში, არაბული ჭინჭარაულს ეძებდა და ჭინჭარაული არაბულს, ვინც ვის შეხვდებოდა, ერთი მეორეს აცვეთდნენ იარაღს. იდგა ფარ-ხმალის და ხანჯრების ჩახაჩუხი.

ღელისვაკე კარგა შორს დაშორებულია გუდანიდან და იარაღის ხმა იქ ისმოდა. ჭიე და ძეძეურთა, სოფლები, გუდანის პირდაპირ არიან. აქ ცხოვრობენ ჭინჭარაულები; გაიგონეს იარაღის (ე. ი. ხმლის ცემის) ხმა და სოფლებიდან ყველა წამოვიდა, კაცი და დიაცი. ზოგი საშუღლარად და ზოგი მეშველად. მთხრობელმა თქვა: მაშუღლარი ასზე მეტი იყო და ნაჭრევიანი კი სამოცი იყო. ნაჭრევი იყო ორასამდინ. მთხრობელს რამდენადაც ახსოვს, ჩამაწერინა ვინ ვისგან იყო ნაჭრევიანი და როგორ შერიგდნენ ბოლოს. ახსოვს ბევრი რამ, რადგან თითონ ყოფილა ამ შუღლის მონაწილე, ხალხიც

დაუჭრია და თვითონაც დაჭრილი ყოფილა. ბათურას სჭირდა თავში ბუბუნელათ ხთისოსგან. ხთისოსაც ერთი ნაჭრევი სჭირდა თავში ბადათურასაგან. ერთი-მეორეს კმელი პატივი დაზღვეს, რადგან ნაჭრევები ცოცოტა იყო, ძვალი არ ამოსვლია. კმელი პატივი არის ერთი აბაზი ვერცხლის ფული, შეიძლება სხვა რამე ყოფილიყო. ნამგალი, ცელი, თუნდა სულ უვარგისიც ყოფილიყო – მას არ იტყოდნენ, ეს არ ვარგაო. პატივის დადება ნიშნავდა თავის მოხრას. ამავე ბათურას წიქაის ნაჭრევები სჭირდა – ერთი ხელს, ერთი თავში. წიქას ბათურაის ნაჭრევები სჭირდა თავში – ორი. ამათი ნაჭრევებიც არ იყო დიდები; კმელი პატივი დაზღვეს ერთი-მეორეს და სადრამე არცერთი იყო; ესენი ყველა გაიმართა ერთიმეორეში. ხევსურებმა ხნიერ ხალხთან შუღლი არ იციან და არც ახალგაზრდები შუღლობენ ხნიერებთან, მაგრამ ეს ისეთი მძიმე იყო, რომ უფროს-უმცროსობის წესები სულ დაივიწყეს და ოთხი ძალინ ხნიერი კაცი დაიჭრა და იმათაც დაჭრეს სხეები. ერთი ოთხმოცი წლისა დაიჭრა ბუბუნელათ გაგა, სოფელ ძეძეურთიდან, მეორე ქარჩაულა, ხოსროთი, 75 წლისა სოფელ გუდანთან; ესენი ორივე ჭინჭარაულები. არაბულების გვარში სოფელ ბაცალიგოდან დაიჭრა 81 წლის კაცი გადუა, ალუდიათ მამისა და მეოთხე – სამოცდაცხრამეტი წლისა მამუკათ ბაბუა, ბუნდიაურთ მამიდან.

ოთხმოცდაერთი წლის კაცმა, გადუამ, მძიმედ დაჭრა გუდანელთ გაგათ წიქა. ის თვითონაც დაიჭრა წიქაისაგან, ერთი თავში სჭირდა და ერთი ხელს. წიქაის ნაჭრევი, რომელიც მოხუც გადუაისაგან მკლავში სჭირდა, მოიხიბლა და დაჩირქდა, სიკვდილს ცოტათი გადარჩა. სამეშველოები ბევრი დახოცეს გუდანის ჯვარში, პირქუშში, მუხათკარში. წიქამაც და გადუამაც სხვადასხვა შესაწირავებიც შესწირეს ჯვართ, თუ წიქა მორჩებოდა, რადგან უკანასკნელ დღეში იყო. ბოლოს ბალახის წამლებით მშაველათ გიგია (სოფლური ექიმი) მოარჩინა. გადუას და წიქას რჯული ჰქონდა. წიქას ხელი ოცდახუთი ძროხა შეფასდა.

გადუას, რაც წიქაისგან თავში და ხელზე სჭირდა, სულ ცხრა ძროხის ანგარიში დადგა. გადუამ წიქას შინ მიუტანა: საუკმრო (რადგან ხელი გაუხმა ე. ი. დაუსახინრდა) საკლავ-პატივი, ცხრა ძროხა გამოიბარა გადუაის ნაჭრევებში და თექვსმეტი ძროხა კიდევ წიქას მისცა. ამ დრამაში ერია ერთი ხარი ფეკითი, დანარჩენი სპილენძი და ტყავ-საღამო. ამ წიქას ხუთმეტი ნაჭრევი სხვადასხვებისაგან სჭირდა და მეთექვსმეტე ეს გადუასგან დაკრული სჭირდა მკლავში და დაუსახინრდა ხელი. დანარჩენი ნაჭრევებიც ზოგიერთი მძიმე იყო, მაგრამ ამ ხელის ჭრილობის გარდა მას არაფერი აწუხებდა, ამან კი კინაღამ გადაიტანა.

გუდანელმა ქარჩაულამ დაჰკრა ხანჯარი თავში და, სხვა ჭრილობების გარდა, ამანაც დაჭრა. ბაცალიგველი ბათირათ გიგია არაბული, მამად: ბუნდიაურთ მამიდან. გამწარებულმა გიგიამ ქარჩაულის ხნიერობას ანგარიში ვეღარ გაუწია და თვითონაც

ხმალი მაგრა დაჰკრა თავში. ხმალმა ძვალიც გაჭრა და ტვინის სკაზედამდინ დავიდა. ბოლოს ძვალი ტვინს ზემოდან სულ ამოვიდა. ტვინზე გადაკრული აპკი სულ ფეთქავდა, რომელსაც ხევისურები ტვინის სკას ეძახოდნენ. როცა საქმე დამწვიდდა და ნაჭრევებიც გაიკურნა, გიგიამ და ქარჩაულმაც ირჯულეს. გიგიამ რჯულამდინ გაუგზავნა ქარჩაულას საკლაფ-პატივი. თვითონ კი ჯმელი პატივი ერგებოდა და ის მისცა ქარჩაულამ. რჯულმა თექვსმეტი ძროხა დაადო თავშარისა, გიგიასაგან ქარჩაულასათვის მისაცემი (თავ-შარს ეძახოდნენ ტვინს ზევით ძვალის ამოდებას და ტვინის ამოჩენას, რომელსაც მარტო ტვინის აპკი ფარავდა). გიგიამ ქარჩაულას ჩააბარა ე.ი. შუაკაცების თანდასწრებით მიუტანა თექვსმეტი ძროხა სულ დრამა, სპილენძი. სპილენძი შუაკაცებმა აწონეს და ისე ჩააბარეს დაზარალებულს.

შუდლი დიდხანს არ გაგრძელებულა, დაახლოებით ორსაათნახევარს გაგრძელდა, ხალხი მოიქანცა, სისხლმაც შეაწუხა. ბოლოს ბუბუჩელათ ხთისომ დაიძახა – შაბაშ, ხალხნო! გვეყოფა შუდლი, შევისვენოთო. გავიდა განზე, ხანჯარი წვერით მიწაში დაყუდა და დაჯდა. „შაბაშ!“ მის მოწინააღმდეგეებმაც დაიძახეს, სულხანაურმა და ბათურამ, ბაცალიგვლებმა. მივიდნენ, დააყუდეს წვერით მიწაში იარაღები და იმის გვერდზე დასხდნენ. მოვიდა პირველი მაშუდლარი წიქა და პირველ მაშუდლარ სულხანაურის გვერდზე დაჯდა. ხმალი ამანაც წვერით დაარჭო მიწაში. წიქა და სულხანაური პირველი დამწყებნი იყვნენ ამ შუდლისა და პირველი ისინივე გამოვიდნენ გახურებული შუდლიდან და დასხდნენ. ამათ მაგალითს მიბაძა ყველა ხალხმა და დაიშალა შუდლი. თუ ასე არ მოხდებოდა, მეშველი აღარ იყო და ვინ იცის რამდენ ხანს უნდა ებრძოლათ და როგორ უნდა დამთავრებულიყო ეს ბრძოლა.

ეს ოთხი მაშუდლარი რომ შეჩერდა და ერთიმეორის გვერდით დასხდნენ, სისხლი ღვარად მიდიოდა. ოთხივენი სისხლით იყვნენ შეღებილნი. თექვსმეტი ჭრილობა სჭირდა წიქას, შვიდი ჭრილობა სჭირდა ბათურას, ექვსი ჭრილობა სჭირდა სულხანაურს და ხუთი ბუბუჩელათ ხთისოს. მაგრამ რაკი შესვენება, ანუ შუდლის გათავება თქვეს და დასხდნენ, ამ ჭრილობებს აღარაფრად აგდებდნენ. ისხდნენ მშვიდად, ვითომ სულ არაფერი მომხდარიყოს. ამ შუდლში დაჭრილებში მოკვდა მარტო ერთი კაცი, სოფელ ბაცალიგოდან – ლაგაზა არაბული თინიბექო მამიდან. მას სჭირდა ხუთი ჭრილობა: ორი ჭრილობა თავში, ერთიმეორის ახლო სჭირდა და ძალიან აწუხებდა. ის ვერ ერკვეოდა, ნამდვილად რომელი ჭრილობა აწუხებდა უფრო. ლაგაზა ბაცალიგოში წაიყვანეს, მშაველათ გიგია იქ დადიოდა და უხევედა ჭრილობებს, როგორც იმას, ისევე სხვა ნაჭრევიანებს. ამას ნაჭრევები სჭირდა სოფელ ჭიეში მცხოვრებ მაჯიგათ იაისაგან და გუდანში მცხოვრებ გაგათ წიქაისაგან. ისინიც ლაგაზაისაგან ორივენი იყვნენ ნაჭრევიანები. როგორც ვთქვით, ლაგაზას ორი ნაჭრევი ახლო-ახლო სჭირდა თავში და ესენი აწუხებდა. მისი მდგომარეობა თანდათან რთულდებოდა, ჯერ ფეხზე იდგა და მერე ლოგინად ჩავარდა.

ბევრი სამეშველო-სამხვეწრო დაკლა, მაგრამ მას არაფერი შეელოდა. გახდავ საქმე საარდარაოდ – ვისი ნაჭრევი კლავდა: წიქასი თუ მაჯიგათ იასი. ბოლოს ლაგაზა გარდაიცვალა და საქმე გაურჩეველი იყო, ვისზე უნდა შევარდნილიყო თავ-სისხლი, ვის უნდა ეყენა რიგი და დამდგარიყო მეთავედ. ის კი გაიგეს, რომელმა ნაჭრევემა მოკლა, რადგან ერთ-ერთ ნაჭრევეში შარის ბოძი ყოფილიყო და სიკვდილის წინ ის ჩამძვრალიყო, ძვალი ნემსის ყუნწის ოდნად დახვრეტილი დარჩა. ის რომ ჩაძვრა, გარდაიცვალა კიდევ. ეს დაამტკიცეს, რომ შარის ბოძმა მოკლა, მაგრამ ვისგან იყო ეს დაკრული, ეს აღარ იცოდნენ. შეიყარა რჯულის კაცები და წიქას ფიცი უთვალეს: დაიფიცე, რომ ის შენი ნაჭრევი არ იყოვო. წიქამ გუდანის ჯვარში ფიცი ვერ გაბედა და თქვა: მე არ ვიცი, რომელი ნაჭრევი იყო ჩემი დაკრულიო. მაჯიგათ იამ კი თქვა: მე დავიფიცავ, რომ ჩემი ნაჭრევი მეორე იყო, რომელმაც მოკლა, ის არ იყოვო. ადგა და იამ მართლა დაიფიცა, მხოლოდ ტყუილად. იმ შუღლში იმან არ გაიგო, რომელი იყო მისი დაკრული. ამაზე გაუწყრა გუდანის ჯვარი, თვითონაც დააგადდა და დიდხანს აღარ იცოცხლა. იამ კაცის თავ-სისხლი გადაიგდო; მაგრამ წიქამაც ნახევარი რიგი უყენა, მან თქვა: იამ ნახევარი თავი გადაიგდო და მე ნახევარი კაცის თავი მედებო. მაგრამ მაშინ ლაგაზას რიგიანი პატრონი არა ჰყავდა, თორემ იამ რომ კაცის თავ-სისხლი ფიცით მოიშორა, ამ შემთხვევაში დაუმტკიცა წიქას, რომ ის იყო მამკლავი და სრული თავი ედებოდა მას. მერე ლაგაზას შეილი გაიზარდა. მან თქვა: წიქა რომ ნახევარ რიგს გვიყენებს, მამაჩემის ნახევარი თავ-სისხლი სადღა ვეძებო. იამ რომ დაიფიცა, ეს ხომ იმას ნიშნავდა, რომ დანაშაული წიქას დაუმტკიცდაო. ადგა და, რაც რიგი აკლდა, ყველაფერი შეასრულებინა წიქას. თუ არა და, მეც მოვკლავ და ახლა მე უყენებ ნახევარ რიგსო.

როცა ლაგაზა მოკვდა, რადგან მას იას ნაჭრევიც სჭირდა, თუნდაც ეს ნაჭრევი სულ პატარა და უმნიშვნელო ყოფილიყო, მაინც კვლჩასამართაო ხუთი ძროხა უნდა მიეცა იას ლაგაზას ოჯახისათვის. ამასთან, იას ორ ადგილას აუჩინდა ლაგაზაის დაკრულ ნაჭრევეებში შარი, რაც ღირდა ორჯელ თექვსმეტი ძროხა. ამაზე ყველაფერზე იმსჯელეს რჯულის კაცებმა. რადგან ეჭვი იყო, რომ იაის ნაჭრევემა მოკლა ლაგაზა და ამან ფიცით ტყუილად გადააბრალა წიქას, ამიტომ რჯულმა იას ორი შარის დრამა სულ დაუკარგა. მხოლოდ იას რომ კვლჩასამართაო გაუდიოდა ხუთი ძროხა, რჯულმა ეს კი აღარ გაადებინა მას და საქმის საარდარაოდ გახდის გამო, ოცდაშვიდი ძროხა კი იასაც დაუკარგა, რომელიც მას ლაგაზაისაგან ერგებოდა ნაჭრევეებში (შარი, თავშარი, ტვინზეით ძვალის ამოსვლა ეს ერთი და იგივე არის. ხშირი იყო შემთხვევა, რომ ხევსური სოფლის აქიმები ძვალს ამოაცლიდნენ თუ ის გაჭრილი ან გატეხილი იყო, ძვალის ძირზე და ტვინის თავზე აქვს გადაკრული ქაღალდის სითხო, რომელსაც ხევსურები ტვინის სკას ეძახიან, მარტო ეს სკა ფარავდა ტვინს. ჭრილობა რომ განიკურნებოდა, მაშინაც

ისევ ეტყობოდა ტვინის მოძრაობა. სწორედ ასეთი ჭრილობა იყო შეფასებული თექვსმეტ ძროხად). ჯვარში შუღლზე დროშა „გამახყუდეს“ (ეს წესი იყო, რომ ჯვარში მაშუღლარები თუ ჯვარ-ჯვარისკარს არ დადნათლავდნენ, მაშინ დროშას გადმოჰყუდებდნენ, ვინც არ დანათლავდა, იმის სამრისხველოდ. ეს ძალიან დიდ, ჯვარის რისხვას ნიშნავდა). ყველა მაშუღლარებმა დანათლეს ჯვარ-ჯვარისკარი თითო საკლავით. ვისაც შეეძლო სამანანულო ზღვენიც დაკლა. სამეშველოები უმრავლესობამ დახოცა. მხოლოდ ჭიელმა მაჯიგათ იამ არც ჯვარ-ჯვარისკარი დანათლა და არც სხვა საკლავი რამე დაკლა. მან თქვა: მე რად დავნათლავ, განა პირველმა მე გავკადე შუღლადაო. დროშა დარჩა მაჯიგაისშვილის სამრისხველოდ. მაამიხეზა ჯვარმა. დახდენ ყველანი ავად, ვინც იყო ოჯახში და კინადამ დაიხოცნენ. მერე მკითხავებმა უმკითხავეს, გამაუვიდა გუდანის ჯვარის მიხეზი, საკლავები უფრო მეტი დახოცეს, დროშა წელგამოვლილი საკლავით დანათლეს და მედროშემ მიაბძანა თავის ადგილზე და, მოხრობელის თქმით, ყველანი გამორჩნენ. მხოლოდ იას არ წაუვიდა კარგად საქმე, რადგან გუდანის ჯვარი მასზე ძალიან გამწყვრალი იყო. ია დაავადდა და დიდხანს არ უცოცხლია.

აქიმად ყველა ნაჭრევიანებს დააყენეს სოფელ კარწეულთაში მცხოვრები სოფლის აქიმი გიგია მშაველასძე ლიქოკელი. გიგია ითვლებოდა კარგ აქიმად. ის ხმარობდა სამკურნალოდ ბალახის წამლებს. მოხრობელმა თქვა: ლაგაზამ პირველად სხვა აქიმი დაიყენა და ნაჭრევიები იმისაგან მაეხიბლა. მერედა მოვიდა გიგიასთან და ნაჭრევიები უკვე დაჩირქებული იყო, გიგიამაც ვედარა უშველა და მოკვდა ლაგაზა. ის თუ თავიდანვე გიგიასთან ყოფილიყო, ნაჭრევიები არ გაუფუჭდებოდა და ლაგაზა არ მოკვდებოდაო.

ნაჭრევიანები ორ ადგილას იყვნენჭინჭარაულები ყველანი გუდანში და არაბულები ბაცალიგოში. აქიმი ნაჭრევიების დახვევას დილას დაიწყებდა, მზე რომ პირველად მოვიდოდა და სადამომდინ ძლივს გადარჩებოდა. მერე სხვა სოფელში წავიდოდა და მეორე დღით იქ დაიწყებდა ნაჭრევიების შეხვევას. ნაჭრევიებში დებდა:რკანაფის თოკის ნაჭრევიებისაგან დაშლილ-დაძენძილ სელებს თაფლში გაპოხილს. ჭრილობებს ბანდა თბილი წყლით და აყრიდა გამხმარ ბალახის წამლებისაგან ახელილ ფხვნილს. გარედან შეუხვევდა ფართლის პირებით, ამ ყველა ნაჭრევიანს ჰქონდა თავთავის სახვიელი. ერთით შეუხვევდა და მეორეს მეორე დღისათვის გარეცხდნენ გამთბარ წყალში და დააშრობდნენ. აქიმის გაუნათლაობა არ შეიძლებოდა, რადგან გუდანის ჯვარი ნაჭრევიების განკურნვაში ხელს არ შაუწყობდა, თუ აქიმი განათლული და წმიდა არ იქნებოდა. ამიტომ ის თითო საკლავით ყველამ განათლა. აქიმს ყოველ ხუთ ძროხაზე სააქიმოდ ჰქონდა სამი ცხვრის დრამა. ამ ნაჭრევიანებისაგან აქიმმა მიიღო სამოცამდინ სანათლავის ტყავ-ხორცი და სააქიმო მრავალი, რადგან აქ ბევრი დრამა იყო ასატან-გასატანი.

ყველა ნაჭრევეზე იცოდნენ, რამდენი დრამა ერგებოდა. შეიძლება მაშუღლარებს ნაჭრევეების დრამა ერთიმეორეში გაეპარათ. მაგრამ აქიმი მაინც ყველა ნაჭრევის ღირებულების მიხედვით დამჭრელს ართმევდა სააქიმოს და ამიტომ მას იმდენი სპილენძი მოუგროვდა, რომ საპალნეებით, ცხენებით მიჰქონდა სახლში.

მოხრობელს ახსოვს ის, რაც დიდი ნაჭრევეები იყო, ვინ როგორ გარიგდა და ვისი საქმე როგორ დაბოლოვდა. წვრილი ნაჭრევეები ყველა არ ახსოვს. ზოგი კმელ პატივითმოსაშორები, ზოგი საკლაგ-პატივით, ზოგი შინ მისვლით, ანდა მცირე დრამის მიცემით (შინ მისვლა ნიშნავს არაყის მიტანას და მტერთან სახლში მისვლას. შინ მისვლა კარგავს ხუთ ძროხა დრამას. არის შემთხვევა: ან გადაიხადოს ხუთი ძროხა, ან არყით შინ მიუვიდეს. ბევრი არ კადრულობს შინ მისვლას. მას შინ ხვეწნაც ქვიან. შინ არ ვეხვეწები და დრამას გადავიხდიო. უმრავლესობა ასე ფიქრობს და შინ მისვლის მაგიერ იხდიან ხუთ ძროხა დრამას). ამ შუღლის შემდეგ მოსპეს საკარგემო, რადგან აქ თემი იყრიდა თავს, ითვრებოდნენ და, ხალხის გადმოცემით, მესამედ იყო ასეთი დიდი შუღლი გვარებს შორის. ამის შემდეგ საკარგემო აღარ არსებობს გუდანის ჯვარში.

ბათურაისა და იმედას შუღლი

მიამბო და ჩამაწერინა ამავე ბათურა არაბულმა

ბათურა, როგორც ზემოთ ვთქვით, არის სოფელ ბაცალიგოდან არაბულების გვარიდან. იმედა ყაზბეგის რაიონში სოფელ ჯუთაში ცხოვრობდა. ჯუთაშიც არაბულები ცხოვრობენ და კიდევ მამებად იყოფიან. იმედა იყო თილილათ მამიდან. კაცი შარიანი და შუღლის მოყვარული. იმედას ახლო სახლისკაცები ჰყავდა ბაცალიგოსთან ახლო, ზეისტეჩოში (ბუდეხევსურეთში). აქ მათ გვარში ერთი ქალი გაუთხოვარი დაბერებულიყო, ოჯახში ყველანი დახოცილიყვნენ და ეს ქალი მარტო ცხოვრობდა. ხევსურეთის ცხოვრებაში რაც სიმდიდრედ ითვლებოდა, მას ოჯახში ყველაფერი ბევრი ჰქონდა (ამ ქალს სახელად ერქვა ძილუკა. სიმდიდრით კორიელელი ძილუკა სახელგანთქმული იყო. ზეისტეჩო კიდევ სოფლებად იყოფა: ჭალაის სოფელი, ორბეულთა, კორიელა და ესაჩუ). ამ ბაცალიგოს საბჭოში იყვნენ ქურდები. იპარავდნენ ყველა წვრილმანს, რაც კი ხელში მოხვდებოდათ. წისქვილიდან ფქვილსაც კი იპარავდნენ, რაც ხევსურეთში ძალიან სამარცხვინო საქმედ ითვლებოდა. აქაური ახალგაზრდები მეზობელ მთიელებშიც კი მიდიოდნენ და იპარავდნენ პირუტყვს, ეცემოდნენ მცხოვრებლებს და ტეხდნენ სახლებს. ასეთ ხალხში არც ძილუკას ცხოვრება იყო ადვილი. ხშირ შემთხვევაში სახლი მარტო რჩებოდა და ოჯახიდან პარავდნენ ნივთებს, ერბოს, ყველს და სხვა. როგორც ვთქვით, ის მდიდრად ცხოვრობდა, ძროხები ჰყავდა და ყოველწლიურად ერბო მიჰქონდა თბილისში გასაყიდად. იქიდან მოჰქონდა: ნოხები (ხალიხები), ქვაბები და სხვა, რასაც ხევსური ქურდები ეტანებოდნენ და პარავდნენ. ერთხელ ძილუკას

სამფუთიანი კასრი მოპარეს ერბო, ე. ი. სამი ფუთი ერბო. ეჭვი ბათურაზე მიიტანეს, მოხრობელის თქმით ტყუილად (ბათურამ ისე მიაგმო, რაზე მოუვიდათ შუღლი, მხოლოდ ჩაწერის ნება არ მომცა ამ ქურდობისა; მხოლოდ ჩემთან თავს იმართლებდა, ტყუილად დამაბრალესო. მე იმასთან არ ჩავწერე, მაგრამ შუღლის მიზეზი დავიმახსოვრე და აქ იწერება მთლიანად). კასრი მას ვერ უპოვეს, მაგრამ ეჭვით მაინც მას აბრალებდნენ. ძილუკას სხვა პატრონი არ ჰყავდა და იმედა იყო მისი ახლობელი. მან დაუბარა ბათურას: ეგ ერბო მიუტანე, უზღე ძილუკას, თორემ მე შენი მტერი ვიქნები და იცოდე არ შეგარჩენო. ბათურა უარზე იყო, მე არ მომიპარავსო და პირიქით, კიდევაც მუქარას უთვლიდა ცილისწამებაზე. იმედა ამ მუქარაზე უფრო გაბრაზდა და ელოდა ბათურას შეხვედროდა და სამაგიერო გადაეხადა შუღლით. ბათურას მარილი აღარ ჰქონდა და საჭირო იყო ყაზბეგიდან მოეტანა (ბუდეხევსურებს, გარდა არაგვის ხევსურებისა, ყაზბეგი უფრო ახლო აქვს, აგრეთვე არხოტს, ნავთის, მარილის და სხვა ასეთების მოსატანად). წავიდა ბათურა მარილის მოსატანად და წაიყვანა ჯარი. ჩავლაზე იმედამ ვერ ნახა (ყაზბეგისაკე მიმავალი გზა სოფელ ჯუთის ბოლოზე მიდის, იქ მიმავალი ხევსური ჯუთას, კარკუჩას, ახალციხეს და სნოს ვერ ასცდება, ამიტომაც აღნიშნული სოფლების მცხოვრებნი თამამობენ და ხევსურებს პატარა ნაწყენზედაც ემუქრებიან: ყაზბეგში ხომ გინდათ წამოსვლა, სად წავგვიხვალთ, სამაგიეროს იქ გადაგიხდითო). ამოვლაზე მარილით დატვირთული ჯარი დაიღალა, თან უღამდებოდა და ბათურა ჯუთაში მიბრუნდა დასადგომად. თვითონ მასპინძელთან მივიდა და ჯარი ბალახში დააბა. იმედამ გაიგო ეს ამბავი. ბათურას ჯარი ახსნა და შინ წაიყვანა. მეორე დილას ბათურამ გაიგო, რომ მისი ჯარი იმედას წაეყვანა. იცოდა მისი ჭკუის ამბავი, რომ ბათურა თუ მივიდოდა და ჯორს მოსთხოვდა, იმედა არ დაანებებდა და მაგარი შუღლი მოუხდებოდა. ამიტომ არჩია კაცის მიგზავნა, მიუგზავნა კაცი და მოითხოვა ჯარი. იმედამ შეუთვალა: ჯერ ძილუკას ჩააბაროს ერბოიანი კასრი და მერე თავისი ჯარი წაიყვანოსო. გაბრაზდა ბათურა და პირდაპირ თვითონ წავიდა იმედასთან. იმედას და იმის სახლისკაცს, ბაბოს, სტუმრები ყოლოდნენ და შინისაკენ გამართულიყვნენ. მათ სტუმრებისათვის არაყი გამოეტანათ ჭურჭლით და მიაცილებდნენ. ამ დროს ბათურაც მივიდა და გაბრაზებულმა შეუტია იმედას: „რაად წამაიყვანი ჩემ ჯარი, უპატრონო ხომ არ გეგონ?“. იმედამ უთხრა: „შენს ჯორს ვედარ ღნახავ, როგორც შენი თვალით შენებს ყურებს ვერ ღნახავ, მანამ ერბოიანს კასრს არ მიუტან ძილუკას“. ახლა ბათურამ უთხრა წაიყვანოს და თუნდა შენაც გაგაყოლებო. ამ სიტყვაზე იმედას სახლისკაცმა ბაბომ არაყიანი ჭურჭელი დაკრა თავში; ჭურჭელიც გატყდა და თავიც. ბათურას დაშნა ჰქონდა, ამოიღო და წინ იმედა მიეგება ხანჯარამოღებული. დააცვითეს ეთიმეორეს დაშნა და ხანჯარი, ისე მაგრად შეიბრძოლნენ, რომ მეშველად ვედარავინ მიეკარა. ხან ერთიმეორეს ხელდახელ შეუვარდებოდნენ, წაიქცეოდნენ, წამოდგებოდნენ, არც ხმას ამოიღებდნენ, ისე უქნევდნენ ერთიმეორეს იარაღს. მიდიოდა სისხლი ღვარად. ბოლოს ორივეს მძიმედ დაეჭრა ორივე ხელები, მოიქანცნენ კიდევ და ხანჯრებიც

ჭრილობების გამოს ხელში ვეღარ დაიჭირეს და ორივეს ჩაუვარდა მიწაზე, რომ აღარაფერი შეეძლოთ. ორივენი დასხდნენ ერთიმეორის გვერდით. მაშინდა მივიდნენ მაშველები, მაგრამ საჭირო აღარ იყო. მათ შუღლი აღარ შეეძლოთ. იმედამ მოითხოვა: ორივენი ჩემს სახლში წაგვიყვანეთო. შეუსხდნენ მხრებში და ორივენი მიიყვანეს იმედას სახლში. ბათურას იქ არაფერი ჰქონდა, მხოლოდ იმედამ პატივიც დასდო და საკლავიც დაუკლა. მორჩომის შემდეგ კი იმედამაც შეუსრულა ეს წესი. სოფელ ჯუთაში იყო ერთი სოფლური ექიმი მინდიათ შიშია (ეს ამბავი მოხდა მეფის რუსეთის დროს და მაშინ სოფლებში ექიმები არ იყო). მოიყვანეს შიშია და სთხოვეს აქიმად დადგომა. იმედას ორივე ხელზე თითო თითო სულ მოჭრილი ჰქონდა და სხვა თითებიც გადაჭრილი, სამი ნაჭრევი თავში სჭირდა. ბათურას ხუთი ნაჭრევი სჭირდა ხელებზე, ერთი ხელი სულ ჩავარდნილი ჰქონდა მაჯიდან. აქიმმა შეუხვია ჭრილობები. თავის ხელით ჭამა აღარცერთს შეეძლო, სხვები აჭმევდნენ და სხვები უვლიდნენ. ორივენი იმედას სახლში იყვნენ. ბათურა ძალიან ცუდად გახდა, რომ სიცოცხლე აღარავის ეგონა. იმედას მამას უთურგა ერქვა და ძალიან კარგი კაცი იყო. ძალიან სწუხდა უფრო ბათურაზე, მანამ თავის შვილზე. ადულა ლუდი და სამეშველოებიც დახოცა. ღამისთევები გადაიხადა ჯუთის წმიდა გიორგისა და ღალანგურ წმიდა გიორგისა. აგრეთვე ერთი სამეშველო გუდანის ჯვარისად დაკლა. ამით ყველაფრით ერთნაირად ახვეწებდა, როგორც თავის შვილს, ასევე ბათურას. კარგა ხნის შემდეგ ორივენი გამორჩნენ, მაგრამ ორივენი გახაიბრდნენ. ბათურას ერთ ხელზე მუდმივად საფუკარი აქვს, არაფრის გაკეთება არ შეუძლიან. იმედასაც ორივე თითი სულ დაკარგული აქვს და სხვა თითებიც დაზიანებული.

მორჩომის შემდეგ ბათურა წავიდა შინ და რჯული მეორე წელს ჰქონდათ. ორჯელ აიშალა რჯულის კაცები, რადგან ვერ შეთანხმდნენ. მესამედ მოიწვიეს სხვადასხვა კუთხიდან მაცოდარი კაცები. არხოტიდან ბაბოთ ბეწიკა, ბლოდან ალავერდათ აბიკა, როშკიდან ვეშაგური, ჯუთიდან გიგიტა და ზეისტეწოდან ქორიათ გიორგი. ამათ გასინჯეს ნაჭრევეები და ხევესურეთის რჯულის მიხედვით შეაფასეს. ბათურას ნაჭრევეები შეფასდა ოცდაათი ძროხა, იმედას ნაჭრევეები ოცი ძროხა. რჯულმა ოც-ოცი ძროხა ერთიმეორეში გააბარა, ათი ძროხა ბათურას ერგო იმედასაგან. ბათურამ ხუთი ძროხა აიღო და ხუთი ძროხა იმედის მამას აპატია, უთურგას. ასე დამთავრდა მათი შუღლი, ხოლო ორივენი ხაიბრები დარჩნენ.

ხთისოს და ლევანის შუღლი

მიამბო ხთისო ვაჟუნასძე ჭინჭარაულმა სოფელ შატილში, 69 წლისამ

შატილ სტუმრად მოსული იყო სოფელ მუცუდან თათო დაიაური, სახელგანთქმული სოფლური აქიმობით. თათოს ცოლად ჰყავდა ვაჟუნათ ხთისოს დედიდა (დეიდა). ლევანის ძმას ბაჭყიას ჰყავდა ცოლად დაიაურთ ქალი, გუათ თამარი. იმუამად ბაჭყია ცოცხალი აღარ იყო. თამარი სილამაზით თავმომწონე იყო და პირიქით-პირაქეთ სახელგანთქმული; ამიტომ ცოტას ამაყობდა კიდევ. თავის მაზლ ლევანთანაც შუღლობდა (ჩხუბი მოსდიოდა რძალ-მაზლს). თათო ძალიან წყნარი და ჭკვიანი კაცი იყო, ლევანი კი გადაჭარბებულად ანჩხლი. ლევანი თათოს ყვირილით ეუბნებოდა: „ეს თქვენ ქალი-დ ჩემ ზალ თამარ წაიყვანეთ, მააშორეთ, თორემ ერთ მონას საქმეს რას ჩამაგდებს! რას აკეთებს, აქ ამას წილ არა უძეს (თამარს აქ შვილი არ ჰყავდა და ამიტომ წილუდებს ეძახოდნენ და არც უნდოდათ ეს რომ აქ ყოფილიყო. თუ შვილი ჰყოლოდა კი, ყველანი პატივისცემით მოეპყრობოდნენ და ხათრს შეუნახავდნენ).“ თათო წყნარად ელაპარაკებოდა, თამარი თუ აქ არ გინდათ იყოს, წამაიყვანე და მამისახლს ჩააბარეო. ლევანი ისევ უყვიროდა თათოს. ხთისოს ეწყინა მისი სტუმრისათვის ასეთი ყვირილით და უხეშად საუბარი (თათო ხთისოსთან იყო სტუმრად) და უთხრა: „რას დახყვირი, განა წყნარად საუბარს ვერ გაიგონებს, ან ამას რას ავადლებ. თამარს ძმაი ხყავ, წვედი-დ იმას უთხარი“. ამაზე შეაყოლეს ლაპარაკი ლევანმა და ხთისომ და იშუღლეს. ლევანმა ამოიღო ხანჯარი და ხთისოს შუბლში დაჰკრა; მეორე ნიკაპზე დაჰკრა. ხთისომ ხელზე დაჰკრა ლევანს და ერთი თითი სულ მოჭრა. აქ იყო შატილიონი ნათელიხდეთ გიგია, რომელიც შუაში მეშვლად ჩაუვარდა. ხთისოს მოქნეული ხანჯარი ერთ მეშველს გიგიას მოხვდა ხელზე და დაიჭრა. გიგიამ არ იწყინა, მან თქვა: „შუღლში ბევრიდ რაიმ ხვდების, რა უყოთ, ხთისომ განა გონობითა-დ გიზამლობით დამკრ“. თათო კი ხთისოს დასისხლიანების ნახვაზე ლევანისკე დაიხიდა ხანჯრით, მაგრამ მაშველებმა დაიჭირეს. მოვიდა ხალხი და ერთმანეთს დააშორეს, აღარაფერი დააკვირეს ერთიმეორისათვის.

მეორე დილას ატყდა კაც-შუაკაცი. ხთისომ ლევანს გაუგზავნა კმელი პატივი, ერთი აბაზი ფული, რადგან ნაჭრევი პატარა იყო და მეტი არ ერგებოდა. ლევანმა კი ხთისოს გაუგზავნა საკლავ-პატივი, რადგან ხთისოს ჭრილობები პირისახეზედ იყო. მორჩომის შემდეგ რჯული ქნეს. ხთისოს დაკრული ლევანის ნაჭრევი ცოტა იყო, ის სადრამე არ იყო. ხთისოს ნაჭრევებზე კი თექვსმეტ ძროხა დრამა დადგა. პირისსერზე (პირისახეზე) თუ პირველად სჭირს ნაიარაღალი, აქამდინ არ ჰქონდა პირისერი შარეული, მაშინ კილონ არ გადაიყრებიან. თუ პირისერ წინავაც ხქონდ შარეული, მაშინ კილონ გადაიყრებიან (რჯულის წესები აწერილი გვაქვს ხევსურეთის

რჯულის აღწერილობაში). ჭრილობას ძაფით რომ დაზომავდნენ, ძაფს სიპზე დადებდნენ და იმის სიგრძის ხაზს გაავლებდნენ. მარცვლებს აწყობდნენ, თითო მარცვალი ქერისა იქნებოდა და თითო ხორბლისა (იფქლი). რამდენი მარცვალიც დაეტეოდა, დამნაშავე იმდენ ძროხა დრამას უხდიდა დაზარალებულს. როგორც ვთქვით, პირველად შერეულ პირისსერზე კილონი არ გადაიყრებოდნენ. რამდენი მარცვალიც დაეტეოდა, მთლიანად ითვლებოდა. თუ მეორედ, ან უფრო მეტჯერ იყო სახეზე დაჭრილი, მაშინ კილონი ე. ი. ნაპირებიდან ორი მარცვალი გადავარდებოდა და ნაჭრევის სიგრძის ოდენობას ორი ძროხის ანგარიშით აკლდებოდა დრამა და, რაც დარჩებოდა, დამნაშავე დაზარალებულს უხდიდა იმდენ ძროხას.

როგორც ვთქვით: ხთისოს პირისსერი პირველად შაერია და კილონი არ გადაიყარნენ. ნაჭრევის სიგრძეზე დაეტია თექვსმეტი მარცვალი და ლევანს თექვსმეტი ძროხა უნდა მიეცა ხთისოსათვის. ნახევარი ფეკითი და ნახევარი კელითი. ლევანმა საარაყე გამოსწურა, დაიბარა რჯულის კაცები. რჯულის კაცებმა საქონი გადაფასეს – რვა ძროხა ფეკითი და რვა კელითი. წაიყვანეს ლევანიც და ხთისოსთან მივიდნენ. ხთისო ძალიან კარგად შეხვდა, ერთი სიტყვა სამდურავიც არა თქვა; მარტო შუაკაცებს გადაუხადა მადლობა წვალეებისათვის, ათი ძროხა აიღო და ექვსი ძროხა აპატივა ლევანსაც და რჯულის კაცებსაც. არაყი დალიეს, ხთისო და ლევანი ხუცესმა გიგიამ აძმობილა ფიც-ვერცხლით და ამის შემდეგ მათ შორის შური და შუღლი აღარ ყოფილა, ერთიმეორეს ძმებსავით პატივსა სცემდნენ.

გეჯურას და თოთიას შუღლი

ჩამაწერინა ბადიათ თოთიამ სოფელ გუროში, 63 წ.

გვარად გოგოჭურმა, სუკიათ მამისამ

ათენგენა ყველა ჯვარებში იცინა. ეს დღეობა მოდის მკათათვეში და ყველა კუთხიდან მოდიოდნენ ხევსურები საზღვნელად. გუროს ჯვარში ათენგენა იყო და ხალხი მთვრალი. გეჯურა და თოთიაც მთვრალები იყვნენ. ამ დროს ერთი არხოტიონი კაცი ბაჭა და თოთია გეჯურამ აწივნა ჯვარშიითა-დ წაიყვანა შინ. გეჯურა კარგად დაუხვდა, არაყიც დააღვინა და სიმთვრალეს კიდევ დაუმატეს. გეჯურამ დაუწყო გინება სტუმრებს. სტუმრებმა პირველად მოუთმინეს. სუკიათ მამაში ერთი ქალი იყო კოჭლი, ხაიბრობის გამო არ გათხოვილიყო და შინ შამაბრუნვილი იყო. კაი ნამუსიანი და მამისახლისათვის პატივისმცემელი, ამიტომ მამისახლსაც უყვარდა. გეჯურამ ეს იცოდა და გასაჯავრებლად თოთიას კოჭლი ქალი შეუგინა. თოთიას ეს ეწინა და სილა დაჰკრა გეჯურას. გეჯურამ ხანჯარი ამოიღო და მოუქნია, თოთიამ ხანჯარივე შეუფარა და აიცილინა. თოთიამ გეჯურას შუბლში დაჰკრა ხანჯარი და დიდი ჭრილობა მიაყენა. გეჯურა აქ დარჩა და თოთია მეშველებმა წამაიყვანეს. გეჯურამ თოფი აიღო და თოთიას სამჯერ

ესროლა. ტყვია ახლო მოდიოდა, მხოლოდ ეტყობოდა, დასაკრავად არ ესროდა. თოთიაც შევარდა სახლში და თოფი გამოიტანა. ამ დროს აქ აღარავინ იყო, წამოვიდა და გეჯურას გზაში ჩაუსაფრდა, ადგილობრ სანიაგორზე. გეჯურაც მარტო დაინახა. ახლა თოთიამ ესროლა სამი ტყვია. გეჯურა თოფის სროლაზე შეკრთა და ქვებს ამოეფარა. გეჯურა რომ ქვას ამოეფარა, თოთიამაც სროლას თავი დაანება. გეჯურა საფარიდან გამოვიდა და პირდაპირ თოთიასაკენ წამოვიდა. თოთიაც გამოვიდა საფარიდან და მოვიდა გეჯურასთან. თოთიამ შემოყენებული თოფი მიუბრუნა გეჯურას, გეჯურას თავი ეჭირა, მაგრამ მაინც შეკრთა და უთხრა: ბიჭო რას შერები, თოფი არ დამკრაო. თოთიამ უთხრა: ეგ თოფი გადააგდე, თორემ შამაყენებული თოფი მაქვს, ვაზნა ლულაში არის, თითის მოდების მეტ არა მინდა-დ ამანდავ დაეცემი და მახკედებიო. გეჯურამ თოფი გადააგდო. იშიშელეს ხანჯრები და შეიყარნენ საშუღლაროდ. თოთია გეჯურას ამკლევბდა; ეს დაინახა გეჯურას ძმამ, ივანემ, ამოიღო ხანჯარი და თოთიას მკლავში მაგრად დაჰკრა და გადაუჭრა მკლავი. მოუბრუნდა თოთია და ორი დაკრა თავში, ჭრა ორ ადგილას. სუიკათ ქერხოსანათ თავი ეკიდა. ერთი ქერხოსანათ მამის კაცი იყო ამათ შუღლში და ამეშვლებდა მაშუღლარებს. ამ კაცს სახელად ზვიადი ერქვა, ბათაკაის შვილი იყო. გეჯურაისად მოქნეული თოთიას ხანჯარი მოხვდა და ზვიადი დაიჭრა. რადგან თავ-მეთავეები იყვნენ, თოთიას იარაღით ზვიადის ჭრას შეიძლება თოთიას მოკვლა მოჰყოლოდა. მაგრამ ზვიადი ჭკვიანი კაცი იყო და არაფერი თქვა. მან შემკრთალ თოთიას უთხრა: ნუ გეშინიან, მაშვღლობაში ბევრი რამე ხდება, ეს შენ გიზამაობით არ დამკარ და იმიტომ მე გაპატიებო. ზვიადის დაჭრაზე თოთია ძალიან წუხდა, მაგრამ თვითონ ზვიადმა დაამშვიდა. როგორც იქნა მაშუღლარები გაამეშვლეს და წაიყვანეს თავ-თავის სახლებში. მაშინვე აუტყდა კაც-შუაკაცი. პირველ რიგში თოთიამ ქერხოსანათას წააყვანიდა ერთი საკლავი და პატივი. მერე გეჯურას გაუგზავნა და ივანესაც საწინწინაო ჳმელი პატივები, სამ-სამი ვაზნა ბერდენკისა. გეჯურამ მას გამოუგზავნა ერთი ცელის ნალევი. ეს იმისათვის იყო, რომ კაცი როცა პატივდადებულია, მაშინ გზაში რომ შეიყარნენ, აღარ იშუღლებენ. ერთიმეორეს შეიძლება ხმა არ გასცენ, მაგრამ არ იშუღლებენ კი. მერე აქიმი მაიყვანეს შატილიდან, გუგუა, და ნაჭრეებს იმან დაახვივა. ნაჭრეები მძიმე აღმოჩნდა. გეჯურას პირისსერზე სჭირდა და თოთიას საუჭმრო სჭირდა მკლავში. ამ ნაჭრეებისთვის მარტო ჳმელი პატივი არ შეიძლებოდა. ორივეს ეკუთვნოდა საკლავ-პატივი და მიუყვანეს კიდევ ერთიმეორეს. გუგუა ნაჭრეებს აყრიდა ბალახის წამლებს. წყალს პირში ათბობდა, პირით ასხამდა ნაჭრეზე და ისე ბანდა მათ. ჭრილობებში ჩირქი გაჩნდა, გუგუა ჩირქსაც პირითვე სწოვდა და პირიდან გადმოღვრიდა. მერე ნაჭრეეს კარაქით მოჰოხდა, ჩასდებდა შიგ კანაფის სელებს და შეუხვევდა ძველი, ჭუჭყიანი ფართლის ნაფლეუებით. ამიტომ დაუჩირქდა ჭრილობები და სიკვდილს ცოტათი გადარჩნენ. გუგუას ბალახის წამლები კარგი

ჰქონდაო, თქვა მოხრობელმა, თორემ ორივენი დავიხოცებოდითო. წამლებს ის მოკრეფდა მზექცევამდინ. მზექცევიდგე მოკრეფილი წამლები არ ვარგა.

როცა ჭრილობები გაიკურნა, აქიმ გუგუას თოთიამ მისცა ხუთი ჩარექი სპილენძი სააქიმო. გეჯურამ მისცა ათი ჩარექი, რადგან გეჯურაის ძმის და გეჯურაისგან საუკმრო ნაჭრეები სჭირდა თოთიას და მოსარჩენად ძნელი იყო. სააქიმოს იხდიდა დამჭრელი და არა თვითონ ნაჭრევიანი თავის თავზე. ეს ყველაფერი მოთავდა, სააქიმოც გაისტუმრეს. ახლა შუაკაცებმა შეუყარეს რჯულის კაცები. რჯულის კაცებმა ჯერ გეჯურა აჩივლეს, მისი პირისახე დახომეს და დაიწყეს მარცვლები. გეჯურაის ნაჭრევი დადგა ხუთი ძროხა. თოთიას მკლავი – ცხრა ძროხა, რადგან ნაწილობრივ იყო გახაიბრებული. ივანესი და სხვა ნაჭრეები სადრამე არ იყო. ხუთ-ხუთი ძროხა ერთიმეორეში გაბარეს და ოთხი ძროხა დაედო გამოსადებად გეჯურას. ის ღარიბი კაცი იყო და დრამა არ ჰქონდა. გაუხდა საქმე სამამულედ და თოთიას ოთხ ძროხაში მისცა ოთხი წერის ყანა (მამული). მიუვიდნენ ერთიმეორეს არაყით და საბოლოოდ დარიგდნენ.

თოთიას რომ ქერხოსანათ ზვიადი შემოეჭრა, ჭრილობა სადრამე ვერ იყო, მაგრამ, რადგან მამკლავ-მამკვდრები იყვნენ, ხუთი ძროხა დრამა დაადგეს თოთიას ქერხოსანათად მისაცემი. ერთი ჭურჭელი არაყი და საკლავ-პატივი. კაცებმა გადაფასეს დრამა. ზოგი სპილენძი იყო და ზოგი ფარდაგები. წაიყვანეს თოთიაც, არაყიც მიიტანეს და მივიდნენ ზვიადისთან. ზვიადი შინ მისულებს კარგად დაუხვდა. ორი ძროხის დრამა ისევ დაუბრუნა და სამი ძროხის დრამა კი აიღო.

მიაგბო ისევ თოთია ბოგოჯურმა სოფ. გუროში

მეშეშენი ვიყვნით (შეშის მომტანი მუშანი). თოთია არის სუიკათი და ამავე სუიკათ ერთ-ერთი კაცი, თავველეაქათ ბიძურა, მოვრალი იყო და სულ ტყუილად ხან ვის შარობდა, ხან ვის. არავენ არ აჰყვა და ბოლოს თოთიას სილა შემოჰკრა. ფხიზელი არც თოთია იყო, ამოიღო ხანჯარი და ბიძურას გაუქანა წვერით. ბიძურას ასცდა და ამათვე შორიულ მოგვარეს ბათაკათ მამის კაცს, ჩონქარათ აპარეკას ბარკალში მოხვდა და გაუხვრიტა. თოთია სადარათ მამიდან არის, საერთოდ კი სუიკანი არიან ყველანი. სადარათ ეკიდა ბათაკათ თავი. თოთიას რომ აპარეკა შემოეჭრა და ამათი თავი ემართა, ეს ადვილი საქმე არ იყო. ამაზე სულ ადვილი მოსალოდნელი იყო ბათაკათაგან თოთიას მოკვლა და უთხრა კიდევ აპარეკას: მომკალი – სჯობია ამის შემდეგ ჩემს სიცოცხლესაო. აპარეკა ძალიან ჭკვიან-გონიერ კაცი იყო და უთხრა: იშობარი მოგივიდა, არ მოგკლავ. გაშორდი აქაურობას, ჩვენებმა არ მოგისწრონ, თორემ მოგკლავენ და მეცოდებიო. აპარეკას სიტყვას დაემორჩილა და თოთია შინ წავიდა. გაიგეს ეს ამბავი აპარეკას ძმა-ბიძაშვილებმა, აიღეს იარაღი და თოთიას

სახლს სროლა აუტყეს. ამათი გარეთ არავინ გამოვიდა და გადარჩნენ. ბათაკანიც მეშველებმა დაიჭირეს და წაიყვანეს შინ. აპარეკა საკაცით წაიყვანეს. თოთიამ როგორც მეთავემ (მოსისხლე) ერთი საკლავი მაშინვე წააყვანინა აპარეკასთან და იმის ძმა-სახლისკაცებთან. ეს იმიტომ, რომ კაცის თავი ემართა და ახლა კიდევ ამისი ხელით იმათ კაცის დაჭრა და მათი სისხლის დაღვრა არ შეიძლებოდა. ამ საკლავის გარდა საკლავ-პატივი სხვა გაგზავნა. აპარეკა ძალიან მძიმე ავადმყოფი შეიქმნა. დააყენეს აქიმად ადგილობრივი კაცი, ბერდია გოგოჭური. ის წამლად ხმარობდა ჯიხვის ნაუღველს (ნაღველი), სხვა წამალი იმას არაი ჰქონდა. რკინის (თუჯის) ერაწში (ერაწი პატარა ქვაბი) წყალს გაათბობდა, ნაჭრეგზე თბილ წყალს დაასხემდა და ხელით მოხანდა. ერთი კვირის შემდეგ ფეხი სულ დასივდა და დაჩირქდა. ვინ იცის რამდენგან დაჭრა აქიმმა დანით და გამოუშვა ჩირქი. ბათაკანი მზად იყვნენ ან თოთია ან იმათი ახლობელი ვინმე მოეკლათ, მანამ აპარეკა მოკვდებოდა და ისინი მიიმალებოდნენ. მისი სიცოცხლის (აპარეკას მორჩენის) იმედი კი არავის ჰქონდა და ამიტომ ცდილობდნენ მის სიცოცხლეშივე ვინმე მოეკლათ და მას გაეგო, რომ მტერზე შური იძიეს. მაგრამ სადარანი ძალიან ფრთხილად იყვნენ, სოფელში დღისით გარეთ არ გამოდიოდნენ. მკითხავენმა ბევრი სამეშველო დაავალეს. პირველ რიგში, თოთიამ სამეშველოდ გუროს ჯვარებში დახოცა ვერძები. ერთი დაკლა სახმთოში და მეორე გმირ კოპალაში, ესენი ორივე გუროელთ სალოცავებია. რასაც დაკლავდა, ნახევარ ხორცს აპარეკას უგზავნიდა – ქნება ახალ ხორცსთან პური როგორმე ჭამოს და მოღონიერდესო. ხევსურეთში ამბობენ: ნაჭრევიანს თუ ხორცი აქვს საჭმელად, ნაჭრევი ადვილად იკურნებაო. ერთი საკლავი წმიდა გიორგიში დაკლა (ესეც გუროელთავე სალოცავია), ერთი კიდევ ცროლურისად დაკლა (ცროლური, უფრო უკანკაღუს სალოცავად ითვლებოდა, მაგრამ სხვადასხვა ადგილების მცხოვრებნიც ზღვნობდნენ, ამბობდნენ, მაგას შეუძლია ყველა გაჭირვებიდან დაიხსნას კაცი, რადგან სანება ყველა სალოცავების თავი არისო და ამიტომ ბევრ რამისათვის ეხვეწებოდნენ მას (ავადმყოფის მორჩენა, ფათერაკის გადაგდება – აცდენა ფათერაკისა. უშვილოები ზღვნობდნენ იმიტომ, რომ ცროლურს ბედი მიეცა და შვილი ჰყოლებოდათ და სხვა). ცროლს წასვლის დრო მაშინ არ იყო, მერე იქ წელიწადში ერთხელ იცოდნენ დღეობა და ამიტომ ცროლურისად აქვე დაკლა სამეშველო. ერთ საკლავზე უჩანგა დადო – ჭკდე ქნა კვამატის ჯვარისად, რომ წაიყვან და სამეშველოს დაეკლავო. ერთი საკლავის უჩანგა შატილის მთავარ ანგელოზისად დადო, იქაც წაიყვანა და სამეშველო დაკლა (შატილის ხევსურები უჩანგას ამბობენ და არხოტში მუჩანგა, ხეზე დაუჭკდევენ და პირობას დადებენ, თუ ეს ავადმყოფი მორჩება ან სხვა რამე სათხოვარი თუ აქვს და ეს შესრულდება, ერთს საკლავს მიუყვანენ, რომელ ჯვარსაც უჩანგას დაუდებდნენ), დამეც გაუთია შატილის მთავარ ანგელოზში. სახმთოს ქნაზე

დადო უჩანგა, სახმთო გადაიხადა, ლუდი ადულა, ერთი ვაცი დაკლა და ერთი ვერძი. სახმთო გადაიხადა აპარეკას მორჩომის შემდეგ და აპარეკაც სახმთოში მოიყვანა.

აპარეკა შვიდი-რვა თვეს იწვა და მერე მომჯობინდა, გაიკურნა ჭრილობები. მერე შუაკაცებმა რჯულის პირობა შეუკრეს, რადგან თოთია მათი მეთავე იყო, ამიტომ ერთი რჯულის საკლავი გაუგზავნა, უსაკლავოდ რჯულში გასვლას ვერ მოითხოვდა. შეიყარა რჯულის კაცები. რჯულში ყოველთვის დაზარალებული ჩიოდა პირველად. აქაც პირველად ბათაკათ იჩივლეს. აპარეკამ თქვა: „ეს ჭრა-ჭრილობა ჭვესურეთს მაუდის, ეს არაი ას საკვირველი. მეშველობაში კაციც კვლების, მაგრემ ჩვენს თავს საკვირველ ისი ას, რომ მაგათ ჭვლით ჯერ ერთხან დაიღვარ ჩვენ სისხლი-დ მაკვდ კაცი. მაგათ ჩვენ გვერდი არც უნდა ეშუღლა-დ არც იარად უნდა ამაელ, ისიც გაბედა-დ, ხო ხედევდ, მე ვამეშველებდი-დ იქ ვიყავი, რადარ გაუმთხილდ იარადს, რადარ იფიქრ, ეს ვინ ასავ აქავ, ეს იარადივ გონთ ვიჭმარავ, მე ამათთან ბრალი მძეს, ამათ სისხლით ჭვლნი გვქონ დაბანილნიო-დ ამას არა მახვდასავ, თორე ამის ნება ამათთან არ მაქვაო-დ ბოლოს გამწარდებისავ. მესისხლეობაში ესეთ მამვდარ საქმეზე ოცდაათ ძროხაი ას ჯურუმი. დანარჩენ დრამაი“.

მერე აჩივლეს თოთია. თოთიამ იჩივლა: „მე ბათაკათან სიტყვა არ მაქ. რასაც იტყვიან, ყველას შავასრულეებ, ხოლოთ რჯულის კაცებს ვსთხოვ, რო იმას გაუწიონ ანგარიშ, რომ მე ეგ იშობრად მამივდ. მე განა ქვე მინდოდ ეს საქმე მამვდომიყვ. მემრ სრუ უბრალოდ გამხვივ ამ ხათაბალაში თაველექათ ბიძურამ. ჩემდ რო იმას არ შამაეკრ, მე ამ საქმეში არცაით გავეხვეოდი. რჯულის კაცებმა ეს საქმე აწონ-დაწონეს და გაარჯულეს შემდეგი: ამ რჯულში მონაწილე იყვნენ ოთხნი კაცი, რომლებსაც ბათაკათ თავი ემართა: 1. თოთია, 2. აბა – თოთიას ბიძაშვილი, 3. ოღინა – გიც ბიძაშვილი და 4. ბიძურა – ესეც ამათივე სახლისკაცი. რჯულის კაცებმა გადაწყვიტეს ოცდასამი ძროხა ჯურუმი. ექვსი ძროხა ბიძურას დაადვეს, ექვსი – აბას, ექვსი ოღინას. რადგან თოთია პირველად არ იყო დამნაშავე და ამ ხათაბალაში გაეხვია, ამას დაადვეს ხუთი ძროხა ჯურუმი და ხუთმეტი ძროხა ნაჭრევის დრამა. რჯულის კაცებმა ამ დრამას სულ ერთგან მოუყარეს თავი. აწონეს, შეაფასეს. თოთიამ გაიღო ერთი ხარი და ერთი ფური, დანარჩენი დრამა, ფარდაგ-გუდანური (ტყავ-საღამოსაც უწოდებდნენ) სულ ოცდათვრამეტი ძროხა დრამა მიუტანეს აპარეკას, ერთი ქინთი არაყი და ერთი საკლავი კიდევ. რჯულის კაცებმა ეს საქონი რო ჩააბარეს, დამნაშავე პირებიც მოიყვანეს აპარეკასთან, საკლავი დაკლეს, მოტანილი არაყიც დალიეს და საბოლოოდ შერიგდნენ. მხოლოდ ძველი თავ-სისხლი დარჩა ისევე, როგორც იყო. ისევე რიგს უყენებდნენ ხევსურეთის რჯულის მიხედვით. აგრეთვე სადაც იმათ მამის კაცს შეხვდებოდნენ სმაში, ლუდიანი თასი იქნებოდა თუ არაყიანი ყანწი, პატივად გაუგზავნიდნენ. ბათაკათ მამაში თუ ვინმე მოკვდებოდა, ერთ საკლავს

გაუგზავნიდნენ. სადაც ბათაკანი იყვნენ, იქ სადარანი ვერც იშუღლებდნენ, ვერ იმღერებდნენ და ვერ ითამაშებდნენ. თუ ვინმე მათ აწყენინებდა და ბათაკათ ხათრით ესენი ვერ იშუღლებდნენ, მაშინ სამაგიეროდ ბათაკანი შუღლობდნენ. ეს ჩვენის ხათრით არას გეუბნება და შენ უშუღლოდ უკდიო.

თოთიამ აქიმ ბერდიას ჩააბარა სააქიმო სამის ძროხის ანგარიშით. ორის წერის ყანა და ერთი სპილენძის თულუხი. აპარეკამ თოთიასაგან ხუთმეტი ძროხა აიღო და ხუთი ძროხის დრამა უკან დაუბრუნა. აქიმს ერთი სანათლავი მისცა თოთიამ, ხარი და ფური კი არ დაუბრუნებია; დაუბრუნა სხვა დრამა.

მიაგზო თოთია ბადიასკე ბოგოჭურმა სოფელ ბუროში

ზემთ ნათქვამი იყო, რომ სუიკათ ემართა ბათაკათ თავი. კაცი ჰყავდათ მოკლული და რიგს უყენებდნენ. როცა მოხდა ხევსურეთის საერთო ყრილობა და დაადგინეს რჯულის შეცვლა ზოგიერთ რამეში, მაშინ დაადგინეს, რომ ძველი თავი უნდა გათავდეს დრამით და სადუდრით (ამაზე ნათქვამია ხევსურეთის რჯულის აღწერაში). ამ ახალი რჯულის მიხედვით, სუიკათაც გაათავეს თავი ბათაკათან. თავის გათავების შემდეგ ერთიმეორის მიმართ მოსისხლეები რჩებოდნენ სხვა ჩვეულებრივი მოქალაქის მდგომარეობაში – არც ხათრი, არც პატივის მიცემა, შუღლიც შეიძლებოდა ერთიმეორესთან, არც ჯურუმი, არც წყენა – ჩემთან არ ეკუთვნოდა, რატომ იშუღლა ჩემთანაო.

ასე იყო გათავებული სუიკათ და ბათაკათ თავისისხლი: ლუდი ადუდეს, დრამა აიღეს, ყველა წესი შეასრულეს და გასწორდნენ. მოკლულის უფრო ახლოელი იყო კირკილა და მისი შვილები ისე დარჩნენ, არც მტრად და არც მოკეთედ. თოთია შატილში წავიდა, შინ არ იყო და ამ დროს ახალგაზრდებს, კირკილას შვილსა-დ თოთიას შვილს მოსვლიყო შუღლი. თოთიას შვილს კირკილას შვილისათვის ეცა დაჯიანთ და ერთ ადგილას სათითის (დაჯიანის) კბილი შარამდინ დასულიყო. ამ შუღლიდან გაამეშვლეს. სადამო ხანზე თოთიაც მოვიდა. კირკილას შვილი თოთიას დაეტივა ხანჯრით საჭრელად, მაგრამ თოთია სწრაფი კაცი იყო, შუღლში გამოცდილი; ამიტომ მანვე დაასწრო და მაგრად დაჰკრა ხანჯარი თავში, თოთიას კი ველარაფერი დაჰკრა. კირკილას შვილი შეწუხდა, შეიქნა მძიმე ავადმყოფი. აქიმად მოუყვანეს არჭილოელი ფაშქოშა. სათითის კბილის ჩანავარდნი დაუჩირქდა. დაჩირქდა ნახანჯრალი ნაჭრევიც. ფაშქოშა აყრიდა ჭრილობებში ბალახის წამლებს და პოხდა კარაქით, ჭრილობას გამთბარი წყლით ბანდა. ძვალი ჩირქმა დაცხრილა და აქიმმა სულ ამოიღო ორივე ჭრილობის ძვლები ტვინიდან. ორივე ჭრილობაში შარი აჩნდა. ბევრი იწვალეს, სამეშვლოები დახოცეს გუროს ჯვარებში. ბოლოს, როგორც იქნა, ჩირქის დენა შეჩერდა, დაზიანებული ძვლებიც ამოიღია და გაიკურნა

ჭრილობები. აქიმმა ერთი თოხლი სანათლადად წაიყვანა და, ერთი ძროხის ანგარიშით, ოცი საწყავი ქერი წაიღო. რჯულმა ორი შარის დრამა – ორჯელ თექვსმეტი, ე.ი. ოცდათორმეტი ძროხა დააფასა და თოთიამ გადაუხადა ნახევარი ფეკითი, ნახევარი კვლითი (ბუდე კვესურეთში, დრამაში ფეკითი არ იყო. არხოტში და შატილის ე.ი. მთასიქითში ფეკითს ურევდნენ დრამაში). სასმლით თოთია აღარ მიუვიდა და დრამიდან არც დაუბრუნებია რამე, სულ მთლიანად აიღო კირკილაისშიღმა.

ბურთელ ბეჯურასა და ოჩიაურ ბიბიას უშული

მიამბო მანვე, თოთია გოგოჭურმა, სუიკათ მამისამ, სოფელ გუროში

შატილში იყო ერთი სახელოვანი კაცი ბაბლია ჭინჭარაული. მას ჰყავდა სამი ქალი და ერთი ვაჟი. ვაჟი ახალგაზრდავე უცოლშვილო მოკვდა. დარჩა მარტო ქალები: ლელა, ყამარი და ძილო. ეს კაცი კაი მცხოვრები იყო და ქალებიც ვაჟებივით აღზარდა. თან სილამაზეც მეტისმეტი ჰქონდათ ამ ქალებს, ამ მხარეში სწორი არ ჰყავდა არცერთ დას სილამაზით. ეს ქალები სამივენი გუროში გათხოვდნენ. ლელას ქმარი ადრევე მოუკვდა და მერე არხოტში გათხოვდა ოჟიათ გიგიაზე, გვარად ოჩიაური, საჩინათ მამისა. არც ამ კაცს ჰყავდა არხოტში ცალი. რაც კი ხევსურეთში ვაშკაცის სიკეთე ითქმება, გიგია ყველაფრით იყო დაჯილდოვებული და ცოლიც კარგი შეხვდა. მეორე ქალი, ყამარი, გუროში ჰყავდა გეჯურა გოგოჭურს. მაგრამ ყამარს ეს კაცი არ მოსწონდა. ეუბნებოდა: მე შენთან ვერ ვიცხოვრებ, თავი დამანებე, რომ მამის სახლში წავიდეთ. რატომ არ უნდა იცხოვროს, ის ძალით აჩერებდა, მე რა მჭირს შენი საწუნელიო. ხევსურეთში ვიდრე ქმარი არ ეტყოდა წადი, სადაც გინდა გათხოვდიო, მანამდინ ფეხს ვერ გადადგამდა ქმრის სახლიდან; თუ გაიპარებოდა, ამას მოყვებოდა უშული, ჭრა-ჭრილობაც და სიკვდილიც – ქალისთვის ხელ-ფეხის მოჭრა-გახაიბრება, ცხვირის მოჭრა, პირისსახეზე დაჭრა-დამახინჯება და სხვა. ყამარი შეიძლება გეჯურასთან ცხოვრებას შეეგუებოდა, მაგრამ გული სხვაგან ჰქონდა. მას მოეწონა სიძე დიდიას შორიული სახლისკაცი გიორგი (მეტსახელად გერგეტელი) ოჩიაური, ქალიელთ მამისა. თავისი სიძე გიგია და თავისი და ლელაც უწონებდნენ გეჯურასათვის გაყრას და გერგეტელისად გამოყოლას. ეს ამბავი გეჯურას ყურამდინ მივიდა და ამიტომ უფრო აღარ ანებებდა ყამარს თავს. თუ აქედან წახვალ, არც შენ გაგიშვებ ცოცხალს და არც შენს წამყვანსაო – ეუბნებოდა გეჯურა. ყამარი ეუბნებოდა: მე არ გავთხოვდები, ნეტავინ შენზედაც არ გავთხოვილიყავ. მოხუცი დედ-მამა მყავს და იმათ უნდა მოვუარო. ქალმა მაინც თავისი გაიტანა და გაექცა გეჯურას. ბოლოს გეჯურასაც მობეზრდა ამდენი ამბავი და ყამარს თავი დაანება. მხოლოდ სთქვა: გერგეტელს ნუ წაყვება, თორემ ქმარსაც მოვუკლავ, თავადაც

მოგვკლავო. ვაშკაცს თუ თავი მოსწონს, ასეთ შემთხვევაში წაიყვანს და მერე რაც მოხდეს, მოხდესო. თუმცა გეჯურაის მტრობა ადვილი არ იყო, მაგრამ გერგეტელმაც ასე გადასწყვიტა: ყამარს კი წავიყვან და მერე ვიბრძოლოთ, როგორც გეჯურას უნდაო. ადგა გერგეტელი და ყამარი მოიტაცა. არხოტი ისეთ ადგილას არის, რომ იქ მტრისათვის მოყოლა ან მოკვლა თითქმის შეუძლებელი იყო იმიტომ, რომ არხოტივნებს და იმათ მეზობელ მთიელებს, ღილღვლებს, დაუსრულებელი მტრობა ჰქონდათ. ამ ქისტების შიშით მისასვლელ გზებზე ღამ-ღამობით ყარაული იდგა. ერთი ხმის გატეხა და შეიარაღებული ხალხი იქ მოიყრიდა თავს და მოსულ მტერს იქვე მოკლავდნენ. ამ უხერხულობის გამო გეჯურა არხოტში ვერ მიდიოდა სამტროდ. მხოლოდ დროს ელოდა, ან გიგია შეხვედროდა, ან გერგეტელი. ის ამბობდა: ეგენი ჩემთვის სულ ერთია რომელიც უნდა იყოს. გიგია რომ არ ყოფილიყო, ეგ გერგეტელი არ გაჰყვებოდა; მეორე ის, რომ ერთიმეორის სახლისკაცები არიან, ჭირ-ლხინიც ერთი აქვთ და სახელ-სირცხვილიცაო. ბოლოს გიგია და მისი ცოლი ლელა შატლში ლელას მამისახლში წავიდნენ. ბაბლია და ისინი რადღაცა გუროში წამოვიდნენ. გიგია გუროელთ დისწული იყო და ალბათ დედუღეთსაც უნდოდა წასვლა. ერთ ადგილას კლდის თავზე გადიოდა ვიწრო ბილიკი და ბოლოზე ძალიან მაღალი კლდე იყო. სწორედ ამ ადგილზე შეხვდა გეჯურა. მან მაშინვე დაუძახა: ვნატრობდი და კაი ადგილასაც შეგხვდიო. ჩემ კვლნი შენ არ გიშველენ, მაედი-დ ოჟიანისშვილიც აქ დაგხვდებისო, უთხრა გიგიამ და მოუქნია ხანჯარი. გეჯურამ ხანჯარი შეუფარა და აიცდინა. თვითონ კი გიგიას ხელზე დაკრა და დაჭრა. შეიბრძოლნენ მაგრად. სამ-სამ, ოთხ-ოთხი ნაჭრევი დამართეს ერთიმეორეს თავში, ხელებზე, პირისახეზე. გეჯურა ისე იყო გამწარებული, რომ კლდისაკე მიიწვედა, უნდოდა ორივენი იქ გადაყრილიყვნენ. მაგრამ გიგიამ უთხრა: მანდ რომ მიიწვევ გადავარდები, თუ ვაშკაცი ხარ აქ დადები და ვიბრძოლოთო. დიდხანს იბრძოლეს, უქნევდნენ ხანჯრებს ერთიმეორეს და ხანჯრებსავე უფარებდნენ. ისე დაიჭრა ხანჯრების ფხები, რომ ქარქაშში აღარ ჩადიოდა. გეჯურამ ბაბლია შეაგინა და გეჯურას ხანჯარი იმანაც დაკრა თავში ძალიან მაგრად და დაჯდა კიდევ გეჯურა. ხანჯარიც გადაადგო. გაიარა და გიგია ცალკე დაჯდა. ორივენი ისე დაიღალნენ და სისხლმაც დაასუსტა, რომ შუდლი აღარ შეეძლოთ.

გეჯურამ უთხრა: „წავიდეთ სოფელში, ნაჭრევებისად დავახვევიოთ“. გიგიამ უპასუხა: „მე თქვენს სოფელში აღარა საქმეი მაქვ; შენაც აქიმ დაიყენი, მე არხოტ წაოლ თავის შინა-დ იქ დავიყენებ აქიმს. მავირჩინათ ე ნაჭრევები-დ ბოლოს რჯულ გაგვარჩევს“. გეჯურა სახლში წავიდა და იქ დაიყენა აქიმი. გიგიას თავშალ-კვლისაჯოცებით შეუხვიეს ჭრილობები ლელამ და ბაბლიამ და წამოვიდა არხოტში. იქ იმანაც დაიყენა სოფლის აქიმი და ჭრილობები მოირჩინა. გეჯურა ხელითაც

გახაიბრდა და თავშიაც ტვინზეთ ამაუვიდა ძვალი. გიგიას ერთი ჭრილობა ცხვირზე სჭირდა, ერთი ყურის თავზე და სხვები თავში. ორივენი გამორჩნენ და თავ-თავის აქიმს მისცეს სააქიმო. რჯულით კი სააქიმო უნდა გაიღოს თავის დაკრულ ნაჭრეზე. მაგრამ ასეთ შემთხვევაში რჯული ბოლოს გამოუანგარიშებდა, ვინ რამდენი სააქიმო გაიღო და ვისგან დაკრულიც მეტი იყო, მას დაეკისრებოდა ის მეტი სააქიმო; „სააქიმო ჳელს მიხვეების“, იტყოდნენ ხევსურები, ე. ი. რომელმა ხელმაც დაჰკრა, მან უნდა იხადოს სააქიმო. მეორე წელიწადს შუაკაცებმა რჯულის პირობა შეუკრეს და გავიდნენ რჯულში. რჯულის კაცებმა ნაჭრეები შეაფასეს – ზოგი ერთიმეორეში გაბარეს და გეჯურას კიდევ ეკუთვნოდა ხუთი ძროხა, მაგრამ გიგიას თავის მხრიდან რჯულის კაცებში ჰყავდა თათია ბალიაური. ძალიან თავგადატანილი და რჯულის მცოდნე, თან ძალიან მაგარი მოლაპარაკე კაცი. იმდენი იბრძოლა, რომ გიგიას ხუთი ძროხა აღარ დაადო. მაგრამ გეჯურამ ეს რჯული არ დაიჯერა და კაცები აშალა. დარჩნენ ისევ მტერობაზე. გეჯურამ თქვა: მეტისმეტი შამწეობა არის. თათია გიგიას მეტისმეტად ეწეოდა და ამიტომ ვერ დავრიგდითო. მაგრამ ბალიაურმა იმდენად გაიტანა თავი, თავისი სიმართლე დაუმტკიცა, რომ ისევე თვითონ შეარიგა უდრამოდ.

ოჩიაურ ბარსიას და მანბიათ აპარეკის შუღლი

მიამბო იმავე თოთია გოგოჭურმა სოფელ გუროში

ხევსურეთში სტუმარი რომ მიუვიდოდა, მასპინძელი მიეგებებოდა, იარაღს ჩამოართვამდა, ცხენსაც ჩამოართვამდა, უნაგირს მოხდიდა. ცხენს ბალახში გაიყვანდა და იარაღებს თვითონ შეინახავდა. ასე იყო სტუმრად წასული უკანკადუში ოჩიაური ალეკა და მასპინძლისათვის ჩაბარებული იარაღებიდან მოპარეს თოფი (რატომ იყო სტუმრად და როგორ მოპარეს თოფი? საჭიროა ესეც ითქვას მოკლედ). ალეკას მეუღლის მამიდას მოუკლეს შვილი სულ უბრალო საქმეზე, ამის საქნარებში (მიცვალებულის ხარჯები) ცოლ-ქმარი სატირლად წავიდნენ არაყით (არაყის მიტანას არაყით წასვლას უწოდებდნენ). ეს კაცი მოკლეს შემდეგ საქმეზე: სოფელ უკანკადულებს საარაყე გეჯა ერთი ჰქონდათ. იმას ხან ვინ დაათრევდა, ხან ვინ, ხანდახან შუღლიც ხდებოდა ამ გეჯაის თაობაზე – არა მე უნდა წავიღო, არა მეო. ასე იშუღლეს ამ გეჯაის გულისად კადულებმა: უსატნუათ ბაიკამ და ადიათ ბაბომ. ერთსაც სჭირდებოდა, მეორესაც და ერთმანეთს არ ანებებდნენ. იშუღლეს და ბაბომ წააქცია. ამიშვიო, უთხრა ბაიკამ. განა ჩემზე იზამთრებო. ბაბოს დედამ უთხრა: მარტიათ ქალის შვილი ას, დაგაწვეს კიდევ, აგაყენებს კიდევ (განძის მამას მარტია ერქვა). ამის გაგონებაზე ბაიკა აღელდა და ძირში ნადებმა ხანჯარი ჰკრა მუცელში და მოკლა. ამას სამი ძმა დარჩა ცოცხალი. ბაიკა გაიქცა და სოფლიდან გაიხიზნა. მისი ძმა-ბიძაშვილებიც გაიქცნენ ჩვეულების და რჯულის მიხედვით. რიგიც, როგორც

ვიცი, უყენეს ყველაფერი, რაც ხევსურეთში რჯულია. ამისი საქნარები იყო, როცა ალექა და მისი მეუღლე სტუმრად მიუვიდნენ დოლათ ადიას შვილებს უკანკადუს. საქნარში სხვა ხალხიც ბევრი იყო მოსული პირიქითიდან პირაქათიდან. საქნარები ორ დღეს იყო და მესამე დღეს სტუმარი სახლისაკე წავიდ-წამოვიდა. მასპინძლები ლუდით და არაყით მიაცილებდნენ სტუმრებს. ამასთან ერთად გაემართა შინისაკე ალექაც. ყველას მოუტანეს იარაღები და ალექას თოფი დაიკარგა. ერთმა მოკეთემ, ე.ი. ალექას მეუღლის მამიდაშვილმა ბეჟიტამ ჯვარი მოიხვედრა და ქადაგობა დაიწყო. საჯანგეს ცეცხლია გაპრიალებული, ყველანი შინ შემოდითო. ამ ახალგაზრდას ბეჟიტა ერქვა და ხალხმა ეჭვი აიღო, ეს სასაცილო და ხევსურეთში დაუშვებელი თავის სტუმრის გაქურდვა, თვითონ ჰქონდა მოწყობილი. ამით მას თურმე უნდოდა, ხალხი ჯვარის შიშით გზების შესაკრავად აღარ წასულიყო, რასაც აპირებდნენ ქურდის ხელში ჩაგდების მიზნით, რადგან იცოდნენ თოფს ქურდი ღამით გაიტანდა სოფლიდან. საჯანგე არის სანების ჯვარის ტყე, სადაც მისივე კოში იდგა და ეს ადგილი წმიდად ჰქონდათ დაცული. აქ ჯვარის ხუცესის და მედროშაის გარდა ვერავინ მოვიდოდა, ისინიც წელიწადში ერთხელ.

ამიტომ შეკრთა მაშინდელი ხალხი და საყარაულოდ აღარავინ წასულა. ეს საქმე ბრალდებოდა ბეჟიტას. იმან მოიპარა თოფი და გუროელ მანგიათ აპარეკას გაატანაო. ხალხი ჩუმად ღაპარაკობდა, მაგრამ ნამდვილი მოწმე არ იყო. ოჩიაურები ეძებდნენ ქურდს, მაგრამ გზაკვალი სხვაგან არ მიდიოდა და ფიქრობდნენ ქურდებისათვის სამაგიეროს გადახდას. ქურდები კი უარს ამბობდნენ ჩადენილ ქურდობაზე.

გაიარა წლებმა და ალექაის ძმისწული გარსია თიანეთში წავიდა. თიანეთისკენ მიმავალ გზაზე ერთი პატარა სოფელი თვალივია და ამ სოფლის ბოლოში გზის პირზე იყო დუქანი. დუქანში, როგორც წვრილმანი რამეები, ისე სასმელიც იყო, ღვინო და არაყი. ამ დუქანში ერთმანეთს შეხვდნენ გარსია და მისი ბიძაშვილი თოთია, სოფელ გუროდან – მანგიათ აპარეკა, რომელსაც თოფის მოპარვა ბრალდებოდა და ერთი მისი მოგვარე – ძაიათ ბეწია. პირველ შეხვედრაზე ერთი-მეორეს კარგად შეხვდნენ. მტრობის ხსენება სულ არ ყოფილა. დასხდნენ დუქანში და ერთად ღვინო-არაყი დალიეს. დაითვრნენ და პირველად აპარეკამ დაიწყო: თქვენ თოფის ქურდობას რად მატრალდებთო. გარსიასაც ეს უნდოდა, გაბრალდებო იმიტომ, რომ ბიძაჩემის თოფი შენ მოიპარეო – უთხრა და ხანჯარიც მიუყოლა, თავში მძიმედ დაჭრა. აპარეკა ძალიან მაგარი კაცი იყო და შუდლით სახელგანთქმული. იმანაც მაშინვე ხანჯარი ამოიღო და მოუქნია გარსიას. გარსიამ ხანჯარი შეუფარა და მოქნეული იარაღი ამით აიცილინა. ამის მნახველი აპარეკაის ბიძაშვილი ბეწია მივარდა ხანჯარამოღებული გარსიასთან, მაგრამ გარსიამ დაასწრო და ხელში დაჭრა. აპარეკა რომ გარსიასთან აღარ მიუშვეს, სულ გადაირია და ვინც ნახა, ყველას ხანჯარს უქნევდა. ერთი ხანჯარი სოფელ კვირიწმიდაში მცხოვრებ გიორგა გიგაურს დაკრა მკლავში. მეორე მოუქნია და გარსიას ბიძაშვილს თოთიას დაკრა პირისახეში. აპარეკას ბევრი

სისხლი წაუვიდა, დასუსტდა და დავარდა დაბლა. აპარეკა რომ დასუსტებული ნახა, თოთიამ ხელი აღარ შეუბრუნა. გარსია მეშვლებმა აქედან სხვა სახელში წაიყვანეს. აპარეკას წყალი დაასხეს და მოსულიერდა. უნდოდა ისევ გარსიასთან როგორმე მისულიყო და სამაგიერო გადაეხადა, მაგრამ მეშვლებმა არ გაუშვეს. მერე თვითონ მოითხოვა დუქანშივე შესვლა და ჭრილობების შეხვევა. შევიდნენ ოთხივე ნაჭრევიანები: თოთია, გიორგა, აპარეკა და ბეწია. იყიდეს ფართალი და ჭრილობები ერთიმეორეს შეუხვიეს. ცოტა ღვინოც დალიეს და აპარეკა დამშვიდდა. ბოლოს შეთანხმდნენ, რომ ყველანი თვითონ დაიყენებდნენ აქიმს და მოირჩენდნენ ნაჭრევს. სააქიმოს გაიდებდა თვითონ ნაჭრევიანი და ბოლოს, როცა რჯული იქნებოდა, თავთავის დაკრულ ნაჭრევზე (დამჭრელი) აგებდა პასუხს სააქიმოს გადახდითაც და დრამითაც. აპარეკას უნდოდა, რომ გარსიაც მასთან აქვე დუქანში მოეყვანათ და ვითომ შერიგებულიყვნენ დროებით. გულში კი სხვას ფიქრობდა, მოეტყუებინა და დარილით რამე დაეკრა. არც გარსია ზარობდა მასთან მოსვლას, თუმცა კი იცოდა მისი ღალატიანი ხასიათი; მაგრამ შუაკაცებმა არ მისცეს ნება და საშუალება აქ ერთად შეყრისა, რადგან იცოდნენ, რაც მოხდებოდა.

ასე წავიდ-წამოვიდნენ. გუროვლებმა გუროში მოირჩინეს ნაჭრევიანი და არხოტივებმა არხოტში. აპარეკას ძვალი ტვინზეთ ამოუვიდა, ბეწიას კი ბევრი არაფერი დაუშავდა, ხელით არ გახაიბრდა. თოთიას რომ პირისახეზე სჭირდა და მარცვლებით გაიგებდნენ, რამდენი დრამა ეკუთვნოდა. გიორგის ხელი სადრამე არ იყო, სულ ადვილად მოურჩა. გიორგას ერგებოდა მარტო ექვსი აბაზი საკლავის მაგიერ და არაყით შინ მისვლა. რადგან ოჩიაურთან მტრები იყვნენ და არხოტში ვერ დადიოდნენ, ამიტომ ნათესავების ხელით გამოუგზავნეს კუთვნილი ჯმელი საკლავი და სასმელი და ამით შეირიგეს გიორგა. ოჩიაურნი და სუიკანი დიდხანს დარჩნენ მტრად. ეს ამბავი იყო მეფის რუსეთის დროს. აპარეკა და მისი ძმა ტუჩა ქურდობაზე დააპატიმრეს და ორივენი ციხეში დაიხოცნენ. დარჩა მათი უნცროსი ძმა გიორგია. აპარეკას ცოლი ისევ გუროელმა კვირიკამ წაიყვანა. გიორგიამ ის მოკლა და ოჩიაურთ მტრობა - შერიგებისათვის სულ ვეღარ მოიცალა. ხუთი-ექვს წელზე მეტმა განვლო და ოჩიაურები ერთმა შუაკაცმა, ნისლაურთ ჳირჩლამ, წაიყვანა გუროში შესარიგებლად. იქ ან რჯულში გაგიყვანო – უთხრა მან, და ან თაოპირად მოგარიგებოთ.

ნაჭრევიანი რომ გარიგებამდინ მოკვდება, ხევსურეთის რჯულით დამჭრელს საკლავ-პატივი უნდა მიეტანა რჯულის წინ. გუროში რომ მივიდნენ, ჳირჩლამ ეს საკლავ-პატივი მიიტანა გიორგასთან და უთხრა: „მე ის ხალხნი მოვიყვანენ თქვენთან შესარიგებად. თუ იტყვით, რჯულის კაცებს შეგიყრით, თუ იტყვით, თაოპირად შაგარიგებთ. ოჩიაურნი თანახმა არიან, რასაც თქვენ იტყვით“. გიორგამ უთხრა: „ჩემ ძმას რომ ტვინზეთ ძვალი ამოუვიდა, ეს ყველამ იცით, თოთია და ბეწია ცოცხლები არიან, ნაჭრევიანთ იქავ ეტყობის. შენზე კარგად რჯული-დ და

სამართალ აბა ვინ იცის. გვეყვ ჩვენა ოჩიაურთ ამოვენს ხანს მტერობა, მადლობელი ორ, შენ ეწვალე-დ მახვედ. ჩვენის გულისად ფეკზე ადგომა არ გეკადრების. აზდგე ,მთა გადმაიარი, ეეხლად ეგიც შენავ უნდა შაზძლა-დ გაგვარჩივნ ჩვენა ოჩიაურნი, ბოლოს გაგვიყვანნ. რჯულის კაცებ მე კი არაად მინდანა-დ თუ ოჩიაურნი იტყვიან, თაოდ იციან”. კაის სიტყვის თქმისად ჳირჩლამ მადლობა გადაუხადა: „საითაც კაცად ჩამაგდითა-დ პატივ დაზდევით ჩემს მასველას, მიაც ვეცდები სწორად გავარჩივ თქვენი-დ ოჩიაურთ საქმე. აპარეკას თავშარ თექესმეტ ძროხა იყვ. ამას აღარ უნდოდ რჯული. თოთიას პირისერზე ათის ძროხის დრამა დადგა. თორმეტ მარცვალი დაედვა-დ კილონ გადაიყარნეს, რო კი წინწინ შარეულ არ იყვ ამის პირისერი. ბეწიას ჳელის ცოტად აკლებდა-დ ხუთ ძროხა დრამა დადგ. თოთიას ათ ძროხა გადბარეს აპარეკაის დრამაში”. აპარეკას ერგებოდა კიდევ ექვსი ძროხა. ოჩიაურთაგან მათ ეკუთვნოდა ორივეთ თერთმეტი ძროხა.

გურო და არხოტი რადგან შორიშორ იყო, ამიტომ დრამის წადება ადვილი არ იყო და ოჩიაურთ დრამისათვის ვერცხლის ფული ჰქონდათ წადებული. თითო ძროხა ღირდა ვერცხლის ფულზე ხუთი მანეთი. ჳირჩლას ოჩიაურებმა ფულიანი პარკი მისცეს. ჳირჩლამ ბეწიას დაუთვალა ოცდახუთი ვერცხლის მანეთიანები და გიორგას ოცდაათი მანეთი. ამ ფულიდან ჳირჩლას ერგებოდა ხუთ მანეთზე ექვსი აბაზი, მაგრამ მან არ აიღო არც სუიკათაგან და არც ოჩიაურთაგან საშუაკაცო. ის იყო თოთიას ცოლის ბიძა და ამიტომ საშუაკაცოს ხელი არ მოჰკიდა. ის კმაყოფილი იყო მოკეთებების შერიგებით.

ამის შემდეგ წავიდნენ ყველანი გიორგიას სახლში. მიიტანეს ოჩიაურთ მოტანილი არაყიანი ქინთი. გიორგიამ ერთი ცხვარი დაკლა, შინაც არაყი ჰქონდა და ძალიან კარგად გაუმასპინძლდა. მოპარული თოფის შესახებ გიორგიამ თქვა: ჩემს ძმას თოფი შინ არ მოუტანია, მე ის კი ვიცი, რომ ის თოფი ბეჟიტამ მოიპარა. ის არ ვიცი, ჩემს ძმას მისცა, თუ სხვას მისცაო. მე ჩემის ძმისაგან გამიგონია, თოფი ბეჟიტამ მოიპარა და მე ტყუილად მაბრალებენ ოჩიაურნი და სუიკანიო. ამრიგად დარიგდნენ და თოფი ბეჟიტაზეც დარჩა. ბეჟიტას ოჩიაურებმა კაცი მიუგზავნეს, თოფი აგვინაზლაურეო. მან თქვა: მადროვეთ, ვისმე დაუმტკიცებ და ორივემ ერთად იმას ვახდევით, მე სტუმრის სასამცვარცავო და სახლის გასამტეხლო, და თქვენ თოფიო. გაიარა კიდევ დრომ და ბეჟიტა ხმას არ იღებდა, თან ნათესავი იყო და თან აშკარად მასზე მტკიცდებოდა; თუნდაც მას არ მოეპარა, მასპინძელი იყო და სტუმარმა იარალი მას ჩააბარა; თუ დაკარგა, მანვე უნდა მოუნახოს. ბოლოს დააპირეს მათი ცხენების გამორეკა. ბეჟიტა და მისი ძმები დარწმუნდნენ, რომ ქურდობა მათ ბრალდებოდა და ამ ამბავს კაი საქმე არ მოჰყვებოდა და გამოგზავნეს შუაკაცი სოფელ ზეისტეჩოდან თემროზაულთ მამიდან ქორიათ გიორგი. იმან ითხოვა რომ სასმლით შინ მოვიყვან და ხუთ ძროხა დრამას მოვიტანთო. შუაკაცს და ნათესაობას ხათრი არ გაუტეხეს და დათანხმდნენ. მეორე კვირას გიორგიმ

დაპირება შეასრულა, ბეუიტას უფროსი ძმა, ხახონი მოიყვანა სასმელით (არაყი), მოიტანა ხუთი ძროხის დრამა და ასე შერიგდნენ ოჩიაურნი და დოლანი (მათ მამას დოლათ ეძახოდნენ). დამთავრდა მათი ამბავი.

დოლათ და დამწვართ ბრძოლა, დოლათ წასვლა აპარეკად

ჩამაწვრინა შიშია ქერაულმა 56 წლისამ, სოფ. ჯადუში

დამწვარანი და დოლანი ორივენი ჯადუს მცხოვრებნი იყვნენ. დამწვარანი ორნი ძმანი იყვნენ და სოფ. ჯადუში ყველაზე მეტად ამაყნი. მათ ახლობელი არაყინ ჰყავდა, უკაცურნი იყვნენ, მაგრამ კაცრიელ გვარებსაც შიშის ზარს სცემდნენ. დოლანი კი კაცრიელი მამა იყო, მაგრამ ხევსურულ სიამაყეს ვაშკაცობას და თავგზიანობას მოკლებულნი. მათ სოფლები ნამეტნავად არაფრად აგდებდნენ. ერთხელ დამწვარათ სიამაყით შუღლად გაგადეს დოლათან. დამწვართ ხთისომ თავში ხანჯარი დახკრა დოლათ ხახონას და მძიმედ დაჭრა. თან უხეირო აქიმი შეხვდა. მოიხიბლა ნაჭრევი, დაჩირქდა და მძიმე ავადმყოფი შეიქნა. მკითხავებმა იმკითხავეს სანების ჯვარში სამეშველოების დახოცვა, მაგრამ დამწვართ ყურადღება არ მიუქცევია. ისევ დოლათ იყიდეს საკლავები და დახოცეს: ერთი ჯადუს სანებაში, ერთი სანება ცროლის წვერის ჯვარში, საჯანგეს და სხვა. აქედანვე იყო საჭირო ყურადღების მიქცევა – სამხვეწრო-სამეშველოები, აქიმი, აქიმის სანათლაგი და ათასი სხვა რამე, მაგრამ დამწვარანი ახლო არ იკარებდნენ. ხახონას თავში ძველი ვიდაცის ნაჯოხარი სჭირდაო – ამბობდა დამწვარათ ხთისო. ნაჯოხარში ძვალი იყო დამტვრეული და დაჩირქებული: „მე იარაღის ჯმარებაში განა უცხო ვარ, რომ დავეკრავ, სულ ვიცი, რა ჭრილობა უნდა დაემართოს, დაკვრის დროს კელჩი გავიგებ. რა ძალიან მაგისაგან დაუშინდებოდი, რომ ვეღარ გავიგებდი, როგორ მეკმარა იარაღი, მხოლოდ ის არ ვიცოდი, რამდენ ადგილას სჭირდა ნაჯოხარი და სწორად ნაჯოხარში მომიხვდა ხანჯარი. სულ მზუბუქად დავხკარ, რომ ჩემ ხანჯრის ფხა ძვალზე არ მივიდ. საფათველია ნაჭრევა დაემართ (საფათველი ნაჭრევი ეწოდებოდა პატარა ნაჭრევს, რომელსაც წამალი და შეხვევა არ სჭირდებოდა, მარტო ბალახის ფოთოლს დააკრავდნენ ცხრადარღვა ან სხვა ამის მსგავსი ფოთოლი. თამაქოს ფოთოლიც იცოდნენ. ასეთ ნაჭრევს ეკუთვნოდა მარტო ჯმელი პატივი და არაყით შერიგება). აქიმმაც იცის, რაც ნაჭრევ იყვ. მემრ ამაჩინდ სრუ დამპალ-დაჩირქებულ თავი-დ ისი კლავს ხახონას“. ხახონას თავი მართლა დაჩირქდა და ავადმყოფი სასიკვდილოდ მიიწურა. აქიმს თავისი ხელის და ავტორიტეტის დაცემა არ უნდოდა. ისიც დამწვარათ დაეხმარა და ძველ თავს დააბრალა. დოლანი ამბობდნენ: მანდ, სადაც ეგ ნაჭრევი, ხახონას აქმდინ ამ ადგილზე არაფერი სჭირდაო. ეს ხთისოს დაკრული

ნაჭრევი გაფუჭვდა და ისა კლავსო. როგორც ეტყობოდა, დოლანი მართალი იყვნენ, მაგრამ მათ სიტყვას გასავალი არ ჰქონდა, რადგან ხევისურეთში საჭირო იყო მეტი ფხიანობა, გამჭვრიახობა და სიმამაცე. ამათ ასეთი არაფერი გააჩნდა და დამწვარანი სულ არ ეპოვებოდნენ. დოლათ თქვეს: ჯერ არაფერი და ეს თუ მოკვდა, ერთ-ერთ ძმას მოვკლავთო. რომელიც დავრჩებით, მთელ დოლათ ამოვწყვეტო... ამ ბრძოლაში გარდაიცვალა ხახონა. დამწვარანი ადგილიდან არ აიყარნენ და არც რიგი უყენეს. შუაკაცები შეეცადნენ რიგი ეყენებინა, მაგრამ დამწვარათ მაინც არ უყენეს. ორივე ძმანი სოფელშიაც დადიოდნენ, არ იმალებოდნენ. ხახონა დაასაფლავეს, მაგრამ რიგის ყენება არსად ჩანდა, რაც ხევისურეთში დიდი სირცხვილია ჭირის პატრონისათვის. ხახონას ერთი ძმა დარჩა და სამი ალალი ბიძაშვილი: ხახონი, ბეჟიტა და თოთია. ეს ბიძაშვილები უფრო ვაჟკაცობდნენ და ხთისოს კაცი მიუზახვენეს: თუ თავს არ დაიდებ, ჩვენ ამ ადგილს გავსწირავთ, აპარეკად წავალთ და იქიდან ორივე ძმას მოვკლავთო. ხთისომ არც ეს მუქარა რადმე ჩააგდო – წადით სადაც გინდათ, მე თავს არ დავიდებ ტყუილადო – შეუთვალა მან. ადგნენ ეს სამნი ძმანი და აპარეკად წავიდნენ არხოტში. იქ ნათესავეებთან ცხოვრობდნენ კარგა ხანს. ეგონათ, ხთისო ამით შეშინდება, თავს დაიდებს და სირცხვილი მოგვშორდებაო, მაგრამ ხთისომ პირიქით შემოუთვალა: მოდით, მოხედეთ ამ თქვენს ცხოვრებას, მე თქვენის წასვლით თავს არ დავიდებო (აპარეკად უკიდურეს შემთხვევაში წავიდოდა ხევისური და უეჭველად მოკლავდა კიდევ. როგორც ჩოდართ მამუკა და კინწანი). ხთისო არხოტისაკენ რადდაცა წამოსულიყო, შეხვედროდა ბეჟიტას თოფიარადიანს, ხთისოს ყური არ ეგდო და ისევ ბეჟიტას აექცია მხარი; არხოტივნებმა იმათ ნათესავეებს დაცინვა დაუწყეს: როგორა გყავთ აპარეკები, როდის აპირებენ დამწვარათ ხთისოს მოკვლასო და სხვა. ნათესავეებს შერცხვა და ურჩიეს: თქვენ იმათ ვერ მოკლავთ. წადით იმდენი მაინც შესძლეთ, რომ რჯულში მიიყვანოთ. რჯულმა თუ ფიცი უთვალა და დაიფიცეს, ჩვენმა ნაჭრევმა არ მოკლავ, ნაწილობრივ სირცხვილი მოგშორდებათო – უთხრეს ნათესავეებმა. საამისოდ რჯულის კაცებიც დაითანხმეთ, რომ ფიცი უთვალონო. დაბრუნდნენ აპარეკები, რაც ხევისურეთში დიდ სირცხვილს ნიშნავდა. იქამდინ კი მიაღწიეს, დამწვარანი რჯულში მოიყოლეს. რჯულმა ფიცი უთვალა. მათ დაიფიცეს და ამით კაცის თავი მოიშორეს. ბოლოს რჯულის კაცებმა კვლჩასამართაო მიაცემიეს დოლათათვის ხუთი ძროხა, ერთად შეყარნეს და შეარიგეს. დამწვარანი რომ დაიხოცნენ, მათ ტყუილ ფიცსა და სიამაყეს აბრალებდნენ იმათ დახოცას.

გაბა და ღიღღველი

ჩამაწერინა შიშია ქერაულმა 56 წლისამ, სოფ. ჯადუში

გაგას არხოტივნებიც აფასებდეს, ჯარზედა სხოდ პატივს უზიდევდეს, როგორც წინავე სახელიანის კაცისად იცოდეს. სიმღერებსაც უმღერდეს გაგაის სახელის შაშადარს. ისიც ურჯულს ძალაზე ედგა, არ უტევდ არხოტივნების ადგილში. ისრ, რო, გაგა ამაგრებდ ადგილს.

*თავს იქებთ არხოტივნებო, არცად-რა სამართალია,
ბერდიათაი გაგაი, სამის თემობის კარია,
ჭალას გალაგნად მაივლის ღიღღლოთ ნაზიდი რვალია.*

გაგაის ჯავრი შჭირდ ღიღღველთ, ახლა სხო არხოტივნებიც არ ულევდეს ჭირსა-დ იმით გაბედეს ლაშქრად დაცემა არხოტზე.

ამავ დროს ერთ ღიღღველ იყვ სახელგათქმული, სახელად დანიშა. ეს ღიღღველ ისით განთქმულ იყვ, რო ყველკან კარგად იცნობდეს მთის ხალხში. ჳშირად შაყარის ლაშქარი-დ ხან სად დაეცისა, ხან სად. იმოვნად დავლის წადება არ უყვარდ იმას, რამოვნადაც ხალხის ჳოცა. ისით სახელგათქმულ იყვ ის, რო მთის ღიღღლოს იმის საყმოს ეძახდეს. სიმღერაშიც ას ნათქვამი:

დანიშამ არ დაიჯერა, საყმო არ ჳამა ჳკვითაო.

იმისთანა შაუბრალეებელ კაც, ჩვენს მთის ხალხში მეორე არ ყოფილ. იმან იცოდ: სადაც მივიდოდ თავის ლაშქრით, იქ კაცსა, დიაც-ყმაწვილს ვისაც გაეწეოდ, ცხვარივით თავს შჭრიდ. ხან ტყვედ მაუდიოდ ხალხი.

დანიშას გაგაზედაც ჯავრ მაზდიოდა, სხოდაც ჯავრი შჭირდ არხოტივნებისაი - გადასწყვიტ ლაშქრად დაცემა არხოტზე, ნამეტნაოდ ამლაზედ. ამდას უფრო იმითაც მახქადდ, რო აქ გაგაი ცხოვრობდ, მეორეც ის სოფელ ღიღღველების მისავალს გზაში იყვა-დ სხვებ სოფლებ უფრო შორს. მაშინ არხოტ ხუთ სოფელ იყვ: ერთი ამდა, მეორე კალოთანა, მესამე ახიელი, მეოთხე კვირიწმიდა, მეხუთე ჳიმდა. ეს სოფლები ერთუცს დაშორებულ იყვ ოროლ-სამსამი ვერსით. ბუდის ჳევსურეთ ხო ნიადეგ შორს ას აქით. იქისკე გადასავალი ას არხოტის მთაი-დ ჳამთრის კაც კი არ, ყორან ვერ მიეკარების იქ. იმით იცოდეს ღიღღველებმ, რო არხვატს ჳამთრის ლაშქრევდეს. ბუდის ჳევსურეთ ბევრ ხალხი ცხოვრობსა-დ ღიღღველებს ის აშინებდ: ჳაფხულის რო დავლაშქრავთავ, დამით ვინ წავავ, ჳევსურეთს შაატყობიებსაო-დ, იქით რო ბევრ ხალხ მაეშველასავ, დავვაზარალეებენავ. აი, დანიშამაც გადასწყვიტ,

რო წელწადში (ე. ი. იანვარში) დასცემიყვ არხვატს. იანვრის ექვს დღემდე წელწად იყვა-დ წელწადის მეხუთე დღეს „გამაცხადება“ ექვივნ. ღანიშამ სწორად ამ დღისად გადასწყვიტ ლაშქრით მასვლად-დ ამღისად დაცემა, რო მაშინ ხალხი მოვრალ იქნებოდა, სადაც დაეცემოდ, იქ გაიმარჯვებდ. სხო სოფლებ ქვე ვერ მეშველებოდეს, ჯერ სიშორითა, მემრ სიმთვრალით ისეებ ვერას გაიგებდესა-დ ღანიშამის ლაშქარი ნასახელარ დაბრუნდებოდ დიღლოს მშვიდობით. ადგ ღანიშამი, დაიარ სოფლები, უთხრ ლაშქრად უნდა წავიდათაო-დ ერთ დღეს დაიბარ ყველა „იარდა“-ში. იარდა – ჩვენებურ საყდარი ას. ის თამარ მეფეს აუშენებავის, იმით, რო დიღღველთ მანათვლა ზდობნივ ჩვენებურად. მემრ რო თამარ მეფე აღარ ყოფილ, საყდარიც ეეგრ დამრჩალ, სახურავიც ჩამადნგრევიოს. დიღღვლებს ჩვენებურ ხოიშვილების სურათებიც მაუკიდავ თოკებით, სურათებ ეეხლადაც კი იქავ ას კედლებზე, რასაც დიღღველებ ვერ შასწდომიონ. ამ საყდარს მაღალ გაღავანი აქე ქვისა შამავლეული, როსაც დიღღველნი სალაშქროდ მაემზადებოდეს, აქ შაიყრებოდეს ამ იარდაში. აქავ გადასწყდებოდ საისკე გაილაშქრებდესა-დ რომენს დღეს. ამ საყდრისად იარდაიც დიღღველთ დაუქვიენებავის.

ღანიშამ დიღღვლის ლაშქარი ამ იარდაში დაიბარა-დ აქ გამოუცხად თავის სურვილი, სად უნდა წასულიყვენ ლაშქრად-დ როს. ღანიშამ მაინც წინავ არ თუ ეტყოდ დიღღვლებს, სად გაილაშქრებდეს, იმის შიშით, რო ამბავს ვინ გაიტანსავ. როსაც წასვლის დღე იყვ, მაშინ შახყრიდ ლაშქარსა, გამაუცხადებდ თავის აზრს. ეეხლად შაყრილს ლაშქარსაც გამაუცხად, არხოტ უნდა გავილაშქრათავ: „ეეხლად ზამთარი ასა, ვერცაით ვინ მეშველების, ამღა ჩვენს მისავალს გზაში ასა, ჩვენ უნდა დავეცნათ, ქვა ქვას უნდა გავარეკათ, ის სოფელ ნასოფლარს უნდა დავაფერათ, იმით რო ბერდიათ გაგა არც თაოდ ისვენებსა-დ, არც ჩვენ. აქით დღისით წაოლთ ჩვენსა არხოტიონთ მიჯნამდენ – „ოჯახის სათიბეთანამდინ“. ეეხლად არხოტ წელწადი აქვა-დ აქ არაად ვინ დაიწყებს სიარულს, არც მენადირეი-დ არც სხოი. ოჯახის სათიბეთ თუ კიდევ დღეი, იქ ცოტას შავისვენებთ, როსაც დამებას დაიწყებს, წაოლთ, თუ სახვევებისას ვერ გადავედით ტერღისკრამდინ იქნება ნაკიდურებში კიდებ რა გავდოთ. ტერღისკრით კი არხოტივნების დასხმულებ კიდებ შავგხვდებისა ადვილად წაოლთ. ეეხლა გაბრიყვებულები არიან, არც ქავისკარ ექნების შაკრული. შუადამემდინ მიოლთ ამღას, ამღისკუდ (ადგილის სახელია). ცოტას შავისვენებთა-დ სოფლის დასაზვერავად კაცებს წავდლაღავთ. ისენ მაგვიტანენ ამბავს: სოფელში ხალხი რას შერების, ზძინავა ხალხს, თუ დვიძავ, ან სხოდ რა მდგომარეობაი ას, იმის მიხედვით დავეცემით ჩვენაც, რაკველც იქაურს ამბავს გავიგებთა-დ მაგვიკერკდების – ეეხლადავ დავეცემითა თუ ცოტას კიდევ შავისვენებთ. მემრ სოფელს ყარაულებს შამავახვევთ, რო სოფლის გარეთ არავინ გავგივიდასა-დ სხვა ხალხი სოფელში

შაოლო, სოფელში ბანებზე აგებულს ჩალა-თივის ზვინებს ცეცხლს შავაყრით, შაშინებულ ხალხს აირდაირევისა-დ თავის დიაც-ყმაწვილიანად სრუ ამავსწყვეტო”. დანიშამ რო თავის სათქმელ უთხრ, თუ რა აზრისები ხართავ, მემრ ხალხსაც ხკითხ. ხალხმ მაიწონ დანიშაის აზრ, უთხრეს: „ოღონდ შენ გაგვიძელი-დ ჩვენ მუდამ მზას ორთ, შენთან ერთად ვიბძოლათ ნამეტნავად არხოტივნებსთან, რო იმათ ჩვენი სისხლით ხქონ ჳკლნი დაბანილნი”. ზოგებმ კი ქვეც იცოდეს, რო ამ დროს არხოტს წასვლა სალაშქროდ მარჯვე არ იყვ. ზოკან წყალთად რევა მაუნდებოდ ამ ყიამანშია-დ მარჯვე არ იყვ ესი; მემრ იქ თუ ამღის გარდა სხო სოფლებიც გაიგონებდეს, ლაშქრის დაცემასა-დ მაეშველებოდეს, ძალიან ძვირად დაუჯდებოდ ეს ლაშქრობაი. მაგრამ სირცხვილით ვედარაი თქვეს, რო ხალხს შიში არ ჩაეგდ. საუბარ რო გაათავეს, წამავიდეს კიდევ საარხვატოდ. თავის საკმაო საგძალი, თოფ-იარაღი ყველას თან ხქონდ. გამამართულს ლაშქარს ქალ-ზალმ მშვიდობა უთხრა-დ წამავიდეს. წინ ღაზი მაუძღვებოდა-დ უკან ლაშქარი მადიოდ. ოჯახის სათიბეთ მალედავ მავიდესა-დ იქ ცოტა დაისვენეს. არხოტივნებს ზოგ ჳიდები წყალხი ჩაყარა-დ ლაშქარს წყალში მაუნდ გასვლაი, გზადაგზა ვერცად ცეცხლს აგზებდეს, რო არცაით ვინ გენახნასავ ცეცხლის სინათეზედავ; სიცივემ შააწუხ ლაშქარ, რო ტალავარზე სრუ სისვ ყინვარ აესხ.

ქავისკარს რო მიუახლოვდეს, წინ წალაღეს კაცები იმის გასაგებად, ქავისკარ შაკრულია თუ არ. იმ დროს არხოტივნებს არ ეგონ, თუ მტერ დაეცემოდა-დ ყარაულებ აღარ ხყვანდ ქავხი. გამოსცდეს ქავისკარსაც მშვიდობიანად და მოვიდეს „ამღისკუდ”. ამ დროს შუაღამე იქნებოდ, რო ამღას სოფლის დასათოვალიერებლად კაცებ წალაღეს. ნახეს, რო იწვ ხალხი, ეძინ. სოფელში სიარულიც დაიწყესა-დ საკვებშიით ჩახედვაი; სუყველა კარგად გაიგესა-დ დაიჯერეს, რო აქ საშიშ არა იყვ. არცად ყარაულებ იყვა-დ, არც ხალხ იყვ მოხილად. მიუტანეს დანიშას ამბავ, რო სოფელშიავ ხალხივ დაძინებულიავ, საშიშ არაიასავ. დანიშამ ლაშქარი კიდევ დაარიგა-დ წამავიდეს. ამღას რო მავიდეს, სოფელს სიმირგელივ ყარაულებ დაუყენეს, რო არვინ გასულიყვ სოფლის გარეთ, ან სხვა სოფლებში არვის გაეგებივ ამღას ლაშქრის მოსვლა. ყარაულების გარდა რაც ხალხ დარჩ, სოფელში შავიდეს. სოფელში ყველას სახლსთან ჩალ-თივის ზვინებს ცეცხლ წაუკიდეს. აქ რო ცეცხლ წაუკიდეს, საკვებშიით დადრიეს თოფები (ესროლეს) სამყოფ სახლებში. ჩალ-თივის ზვინებზეით ცეცხლ გადავიდ, სახლებს წაეკიდ. თან თოფის ხმით შაშინებულ მძინარ-შუშარ (ნამძინარევი, გამოუფხიზლებელი) ხალხი აირ-დაირივა-დ ვედარ გაიგეს, რა უნდა ექნ. დიაც-ყმაწვილ ზოგ კარში გამაიყარ, ზოგი შინ ირეთდ ერთმანეცში. ამ არეულ-დარეულ ხალხს ეცნეს ღიღღვლები, სრუ მუსრ გაავლეს, ზოგს ხანჯრებით თავ მაშტრეს, ზოგ ცეცხლში ჩაწვეს. ზოგს კიდევ თოფ დახკრესა-დ მაკლეს. ზოგებმ

დიდის ვაი-ვაგლახით შაასწერეს ქვიტირებშია-დ იქით დაიწყეს თოფის სრევა. მაგრემ დილდველები ერიდებოდნენ იმ ალაგებს.საისკესაც ქვიტირებს სათოფეები ხქონდა-დ იმით ვერას აკლებდეს ამღივნები. თითო-აროლას თუ მახკლევედეს, თუ ცეცხლის სინათეზე ვის გაარჩევდესა-დ თოფის ტყვია დასწევდებოდ.

რაჭელც ვოქვით, ეს ლაშქარი უფრო გაგაის მუქარაზედ იყვა-დ იმის ჭელჩი ჩაგდებას ან მაკვლას ცდილობდეს, მანამ სხვის ხალხისას. შიშითაც იმისგან უფრო ეშინოდ, მანამ მთელის სოფლისგანა-დ იმით, იმის სახლს უფრო ბევრ ხალხ დაეც. ამ ღამით გაგა ახიელით მასულიყვ ნასვამი, სხვათ ჯალაფთ არ გეგე იმის მასვლაი-დ მისულიყვა-დ დიაცი (ცოლი) გამაეღვიძ, გაგაი იმის დიაცი ერთად დაწოლილიყვნეს (ხევესურეთში ცოლი და ქმარი ერთ ლოგინში არ იძინებდნენ, როცა ერთად დაიძინებდნენ, ისე საიდუმლოდ, რომ ოჯახში არავის გაეგო). ტალავარიც წაყრილ ხქონიყვ გაგასად აისეთას დაზძინებიყვ. ისით მაგრად ზძინებიყვ, რო თოფის კმასაც ვერ მაეყვან გონთ. ცოლს კი გამაღვიძებიყვა-დ ამ დროს შაყრილიყვნენ დილდველებიც გაგაის ლოგინსთან. ცოლს მთვრალხუშტი (ნამთვრალევი, ვიდრე გამოაფხიზლებს) გაგა გონთ კი ჩაეგდ, მაგრამ მანამ კარგა გონთ მავიდოდ, დახევეიყვნეს დილდველებიც ტიტველსა-დ და უიარადოსა, დაეჭირ. ცოლ კი ამ ბძოლაში გადახტომიყვა-დ თავის მამამთილ ბერდიასთანა, სხვას ხიზანსთან ქვიტირში შავარდნილიყვ. ბერდიამა იმის ჯალაფთ არ იცოდეს გაგა თუ მასული იყვა-დ დილდველთ ჭელჩი დარჩ; ეს გაგაის ცოლმ იცოდა-დ სირცხვილითა-დ მამამთილის ხათრით ვეღარ ამბობდ. ერთიც ის, რო მამამთილს რო გაეგ შვილ-ზალთ ერთად წოლა, ეს სირცხვილ იყვ, მეორე ის, რო ზალ ხო მამამთილს არ ზძრახევედა-დ რაჭელ ეტყოდ. დილდველებ რო გაგას დაეცნესა იჭერდეს, გაგა გონთ მავიდა, შაიბრძოდ. გაგაის ცოლს სრუ ვეღარ მიაქციეს დილდველებმ ყურადღებაი-დ იმით დაშნ დროი, გადაიცვ სადიაციო-დ, რაჭელც ვოქვი, ქვიტირში შავარდ. ქვიტირის კარი მაღლად იყვა-დ კიბეი ხქონდ მიდგმული. მზუბუქ კიბე იყვ, რო ესეთ დროს რო ქვიტირში შავიდოდეს, კიბესაც თან აიტანდესად, ვეღარცაით ვინ ავიდოდ მემრ ქვიტირის კართან. ბერდიამ თავის ხიზან რო ყველა იქ ნახ, გაგა ახიელ ეგონა-დ კიბე აიდ მაღლად. ამ დროს გაგას ჭელეებ დაუჭირესა-დ შაკონვას უპირობდეს, მაგრამ გაგა ისით ღონიერ ყოფილ, რო იმის დამორჩილება გაზძნელებივ. ამ ბრძოლაში ერთის დილდველისად ჭელ უკრავა-დ ტვინ შაუსხმევაგ ყორეთად დანარცხებულს. ამ არევ-დარევაში გაგას ერთის დილდველისად ხანჯარ აუწვდავა-დ იმისადავ დაუცავ გულზედა-დ იმაშიავ მამკედარ. გამაყრილან დილდველები წინგარდაზედა-დ გამახყოლივ გაგა ხანჯრითა-დ ახლა აქ გამართულ ბრძოლა. გაგა ისეთ გააფთრებულ, რო ახლოს ვეღარ მიზდგომიონ. ვერცად საით თოფ დაუკრავ გაგაისად; რაკი ყველგან მირგვლივ ეხვეოდესა-დ ის აშინებდ, რო გაგაისად რო თოფ დაეკრ, დილდველებსაც მახვდებოდ.

ქვითკირშით ბერდია თავის წინგარდაზე არეულ-დარეულად ხალხს ხედვედა-დ არ იცოდ, ვინ იყვნეს, ერთს თეთრად ხედვედა-დ ისიც ღილღველ ეგონ, თეთრ ჩოჭიანი. ის თუ იმის შვილ გაგა იყვ ტიტველი, ხანჯრით ღილღველებსთან იბძოდა, იმან რა იცოდ. იმას გაგა ახიელ ეგონ. ბერდიამ მოიფიქრ, რო წინწინავ მაგ თეთროსანსავ მახკლავაო-დ მემრავ სხვებს დაუწყებავ თოფის კლასავ. ზღისად უთქომ ბერდიას: აბა, იჭირიდი ზალო, აი თეთროსანას ვესრევა, შენ უფრო გაიგებ რას იქს, მე თოფის კვამლ დამეფარებისა, არამც ვერ გავიგ მახვდებისა თუ არ. თუ მაგას მახვდ, მემრ ამ სხვებსაც სრუ თესლად დავლდევ, თუ აქით არ წავიდეს. ზაღმ ქვიტკირის სათოფეშით გახენა, ნახ, რო თეთროსანა ღილღველი კი არ ას, იმის ქმარი გაგა, უტალავროდ. ზაღ მამამთილს არ ზძრახევედა (ჩვეულების მიხედვით არ ელაპარაკებოდა), მაგრამ ნახ, რო ბერდიამ არ იცისა, თავის შვილს უპირობს მაკვლას. მეტ გზა აღარ ექნა, თავისად თქო: „ნუ მახკლავს მამამთილი, ეგ მაგის შვილივ არ ას ღილღველი, აგერაი ღილღველებსთან იბძვის“. მაშინ მიხვდ ბერდია, რო გაგა მასულ ყოფილაო-დ ჩვენ არ გვცოდნივავ, ანაბრივავ დიაცსთან იწვაო-დ ამანავ იმით იცისავ. დალიშნებულ თოფი თეთროსანას მათწორა-დ სხვას ესრივ ბანის პირზე ნადგომს. ბანის პირზე გაგას ხყონიონ ხანჯრით მიმწყვედეულები-დ აღარც შინ უშობდა-დ ან ბანზე უნდა გადაყრილიყვნეს. ეს ერთ ღილღველ გადავარდ ბერდიას თოფის ტყვიითა-დ სხვები, რომნებიც გაგაის ხანჯარს გადაშჩეს, ქვე გაიქცნეს. ეს ყველა ერთბაშად მახკვდ. მამამთილისა-დ ზღის საუბარიც, გაგაის ბრძოლაიც – რო თვალწამიერთ ხანს იყვ ყველა, საუბარ ქვე გრძელდებისა, დიდხანს ღგონავ კაცს ეს ამბავი. გაგაიც მაშინ გამაფხიზლდ, როსაც ბერდიას თოფის კმა გაიგონ, მაშინ მადგონდ სიმაგრეიც. ისიც მადგონდ, რო ხანჯრით ლაშქართან ვერას გაკდებისა-დ აჩქარებით იძახ: „ბერდიავ! კიბე ჩამაუშვი ხანზე“. ბერდიამ მაშინ ჩამაუშვი კიბე-დ გაგა კვლ ხანჯრიანიდ სისხლით გასვრილი შავარდ ქვიტკირში. ცოლმ მაუტან საჩქაროდ შარვალ-პერანგი-დ გაგამაც ჩაიცვ. გაუჯავრდ ბერდია: თუ აქ იყავივ, რადარ კიბე მაიკითხევ დროხედავ, რო კინაღამ მაგკალივ, ხანჯრით რას უნდა გაუკდავ ლაშქარსავ. ეს სიმღერის სიტყვა მაშინდელი, როსაც გაგამ კიბე იძახ:

ბერდიაობით იძახა: კიბე ჩამაუშვი ხანზედა!

ღილღველებს რო გაგა იქავ ცოცხალ წაუვიდა-დ სიმაგრეში შავიდ, ახლა იქით ბერდია ისრევდ თოფს, ამის დაშინებულები გაგაის სახლ-კარს ახლოს აღარ მოხდგომიან. სოფელში კი სადაც სიმაგრეების სათოფეებ არ დახედვედა-დ იქით არ ეშინოდ, დათარეშობდეს, სახლებშიაც თავისუფლად შადიოდესა-დ სჭრიდეს თავს დიაც-ყმაწვილს. კარში გამასულს თოფით კოცდეს. ზოგს ქვე ხანჯრევდეს, ზოგებ კიდევ ტყვედ დაიჭირესა-დ გამალაღეს. იმ ღამეს მაკლული დიდ-ცოტაი სამოც დათვალეს, მეორე დღეს ზოგ ხანჯრით ნაცოცი, ზოგი ტყვიითა-დ ზოგი ცეცხლში

იყვ დაწული. დიღღელებს სხო სოფლებშიით მასავალ გზებიც შაკრული ჰქონდათ, ისიც იცოდეს, რო არცვინ აქით წასულა-დ იმით უფრო გულდამშვიდებულად იყვნეს, სხვას სოფლებშიავ ვერ გაიგესა-დ აქ ვერცაით ვინ მაეშველებისავ. ამღას კარგა ხანს ითარეშეს, გაღეწეს, დაწვესა-დ გაამტვერეს. დავლისად მასულებ არც იყვნესა-დ არცარა ბევრ გამაუტანავ. თუნდა წატანაიც ზღობნიყვ, ვერ წაიღებდეს ისით სიცივეი-დ ყინვრიან გზებ იყვ. საბოლოოდ კიდევ შამამწმეს სოფელში ცოცხალ ხო აღარ ვინ დაშჩ. ვინაც მიამწყვიდეს, კიდევ დატოცესა-დ გაბრუნდეს. დანიშამ უთხრ: ყარაულიც მახკსენითავ, აღარ ასავ საჭიროივ, რაკი სხვას სოფლებში ვერ გაიგესა-დ არვინ მაეშველავ. ამღა საკმაოდ გავანადგურეთავ, ტყეებივ კვლთ გვეყო-დ ვეღარას ვინ გვიზამსავ. დანიშამის სიტყვა გაიგონეს, მაეკსნენესა, წავიდეს სადიღღლოდ. ტყეებიც წაიყვანეს.

სოფელი ახიელი ამღასთან არც ძალიან შორს ას, ზოგ თოფის ხმა ქვეც მადის, ზოგ კი არ; თუ ძალიან თოფი, იმის კმა კარგად მადის. ახიელის ბოლოშიითაცა-დ მარჯვენას გვერდზეითაც გორთ (გორი: ადგილის სახელია სოფ. ახიელის სამხრეთ მხარეს, იქვე ახლო გვერდზე) ამღას სახლები კარგად ჩინს. ახიელ კიდევ ყარაულების დაყენებაიც იცოდეს დღეობებში. ხუცეს შაუთვლიდ ახალგაზდაებს, რო წუხრავ ჯვარში მეედითავ საყარაულოდავ. ერთ ხუთი ექვს ახალგაზდა მავიდოდ. ჯვარჩიით კარგად დახედებოდესა, მემრ ღამით სოფელსაცა ჯვართაც ოროლობით ყარაულობდეს. მანამ ჯვარიონნი ისხდეს, ორი კაცის გარდა სხვებ ყარაულებ ჯვარივნებსთან ისხდეს, მემრ ჯვარიონნი რო დაწვებოდეს, ლუდ-არაყს გაუწირევდესა, ყარაულებ გათენებამდინ ისხდ. ორ ყარაულ გავიდოდ: მთხილად სოფელსა-დ ჯვარ-ჯვარის კარს შამაუვლიდა-დ მემრ ორ სხვა გავიდოდ, სოფლის დათვალეირების დროს იმ გზებსაც შინჯევდეს, საითაც მტრის მასავალ გზა იყვ. ევსრ ეცვლებოდეს ერთუცს გათენებამდენ. ყარაულთ თუ ნახეს, მტერი მადის, სოფლის დავალებული აქვ, რო ორ თოფს გაისრევენ. ორ თოფ რო გავარდების, ეს იმის ღიშანი, რო მტერი მასული. თოფის კმა ვისაც გამაადვიძებს, ყველა კაც კარში გამავარდებისა, იძახებს კმამაღლად – რა ამბავიაო. ყარაულებიც უძახებენ, რაიც ამბავი ასა, სად ნახეს მტერი, საისკე უნდა წავიდას მღევარი. ასტყდების სოფელში ძახილ-ძუხილი (გაძახებ-გამოძახება). ამ ქოთში ყველას გამაადვიძების; რო მღევარ წავიდასა-დ ერთ ვინ შინ დარჩ, მეორეს დღეს სირცხვილი კარში გამასვლა ქუდიანის კაცისაი. სხოდ ქვე არ იყვ ნება ღამით თოფის სრევისა, თუ მტერ არ ვის ენახ. ან მოვრალსა ან ფხიზელს რო ისრ ვის მახკდომიყვ, რო ღამით უბრალოდ თოფ გაესრევა-დ ხალხ ტყუილად აეყარ, როსაც გაიგებდეს, ამან თოფივ ტყუილად გაისრივავ, გამასულ ხალხი მიუბრუნდებოდ ტყუილად თოფის გამსრევსა-დ სასიკვდილოს არ დაარიდებდეს, მემრ ჯვარშიაც მიყვანებდესა-დ დააკვლევდეს ერთ საკლავს მაინც ჯურუმად, რაკი სოფლის წეს დაარღვივ. ამას ძალიან წყინობდეს იმითაც, რო ეს უბრალოდ

თოფის სრევა რო დამარჯვდასავ, ხალხსავ მაშინაც ტყუილ ეგონებისავ, როსაც მართლა მტერ მავაო-დ აღარვინ გამავავ კარშიავ. თუ გამავავ, მაშინაც ბრიყვად იქნებისავ. აი ამ მიზეზით უბრალოდ აქ თოფს არვინ გაისრევდ.

ესრ ყარაულობდეს ახიელ ამ წელწადშიაც. შუაღამე გადასულ იყვ, რო ამღისკე მჭარეზით თოფის გრიალივით რაიმ გაიგონეს. გაიქცნესა, გავიდეს ისეთ ადგილზე, საითაც ამღაი ჩინდ. გახენეს, რო ამღას ცეცხლი აქვ წაკიდებული, ცას გადის აღი.

ყარაულნ მაბრუნდეს, მავიდესა-დ სოფელში ორ თოფ დაცალეს. თოფის კმაზე ხალხ კარში გამაიყარა-დ დაიწყეს ძახილი: რა ამბავიავ. ყარაულებმ უძახეს ხალხს: „ამღას სადამ ხყონ დაცემულნი დილღველნი-დ სოფელი სრუ ცეცხლში იწყების”. არხოტივნებს ერთპირ ფეკსაცმელი-დ თოფ-იარაღი სრუ მზას ეკიდ ლოგინსთან, კმა რა შამავარდებისაო-დ ლაშქარ-მღევარში მავინდებისავ წასვლაივ. ეს რო გაიგესამღასავ ლაშქარიავ დაცემულივ, საჩქაროდ ყველამ ჩაიცვ, აისხეს თოფ-იარაღი-დ დაიქცნეს ამღისკე. არხოტივნებ რო მღევრად წავიდოდეს, ყველა ჩქარობდ, რაიც ვის შაქლიყვ ყველა მირობდ, რო მტერსთან წინ მისულიყვა-დ თავ ესახელ. სახელის გულისად არავინ ზოგევდ, ხოლოთ სახელ ექნ, კაც მაველა-დ თუნდა თაოდაც იქავ მამკვდარიყვ, არას ინაუდლებდ. გზა-გზათ (გზა და გზა) ერთუცისად მაცდა არცრუ იცოდეს. ვინაც გაასწრობდ ყველას, ის იყვ სახელი. მავრემ ეხლად კი ისით ამბავ იქნ, რო ხალხს ერთუცისად დაშჭირდ მაცდა, იმით, რო ლაშქარი იქავ სოფელში იყვა-დ თითოობით მისულები ან თაოდ იზარალებდეს; დაღალულ კაც რო ლაშქარში შავარდნილიყვ მარტოი, აბა რას კელს გამაიტანდ, ან რას გაარჩევდ იმ შიგიშივ ნაცემ ხალხში, ვინ ამღიონ იყვად ვინ დილღველი. იმით მაუცადა-დ რჩევა დაიწყეს წე ეხლადავ მივიდათაევ, თუ ლაშქარ რო გაბრუნდებისავ, მაშინ თან ჩავხყოთავ.

ახალნი ოჩიაურნი მღევართ უმართვენ პირსაო.

აი, ეს სიმღერის სიტყვები, მაშინდელი ასა-დ მაშინ ოჩიაურთ ახლებ საკმაოდ გამაცდილებ იყვნეს, ლაშქარ-მღევარშია-დ მტრისად მიყოლაში. ამ ახლებმ უთხრეს: ამღას რო მივიდათავ, ვერ გავარჩევთაო-დ ამღივნებს ვაზარალებთავ. დილღველნივ ეხლა მალედ გაბრუნდებიანავ. იმათ არ იციან თუ ჩვენ გავიგით, ტყვია-წამალ ჯერ ბევრ არ აქვ იმათა-დ რაიც ხქონდ, იმასაც ამღას დახარჯევდეს. მემრ ხო იციოთ, მავათ ფეკსაცმლისაი-დ ტალავრის ამბავი, ეგენი ამ ზრომა-ტყრომაში (მეტისმეტი

სიცივე) წყალში ნადენები სრუ ფეკშიშვლებ მარჩებიანა-დ არხოტის ჭალას რო ჩავეწვიოთ, იარად სრუ არ გვინდ, ჯოხით საკოცლად დაკლებიან. უჯობ, რო იწროს ჭალაზე ჩავეწვიანოთ, გათენდების კიდეც. გავარჩევოთ დილღველსა-დ ამლიონს; ეხლა ტყვეებს წაიყვანდესა-დ თან ექნების ხალხი. სრუ თესლად დაველევოთ მაგ ლაშქარს”. ოჩიაურთ რო ესი თქვეს, გადასწვიტეს, რო ჭალაზე ჩავეწვიანა-დ იქ აუტეხან ბრძოლაი. წაღალეს მზვერავები, ნახეს რო ლაშქარიც გაბრუნებულა, წასულ. ამდა სოფელ კი სრუ ნაოკარი გაწირული. საქონის საჭმელი, სახლები დაწული, ხალხიც გაწვეტილი, სიმაგრეში თუ ვინ იქნებოდ, თორე გარეთ რაც ხალხი იყვ, სრუ გაეწვიტ. მზვერავებ მალე დაბრუნდესა-დ მდევარს მაუტანეს ამბავ, რო ლაშქარ გაბრუნვილა-დ წასულავ.

დილღველებ ჯერ შიშით ყოფილიყვნეს, რო სხო სოფლებ გაიგებსა-დ მაეშველებიანავ. რო არცად ვინ მაშველებიყვ, გაბრიყვებულს დილღველებს ყარაულიც მაეკსნა-დ ყველან წასულიყვნეს. წაყევან რამთვენიმ ტყვეი-დ წასულიყვნეს. მაშინ ყინვრების გამო საქონის გაღალვა არცაით იქნებოდა-დ ისიც ნახევარ სრუ დაეწვ სახლებში. ზოგ ეგერ ეკოც.

მზვერავებმ რო მდევარს ლაშქრის გაბრუნვის ამბავ მაუტანეს, მდევარიც გამახყვ უკენ. მდევარი ნელ-ნელად მიხყვებოდ, იმით რო ამღის ჭალა განიერი ასა, გზის იქი-აქათი დამალვა შაიძლების ორწყალთანას. კალოთანისა-დ არხოტის წყალ რო ერთად იყრებიან, იქით იწყობის იწრო არხოტის ჭალაი; გადასწვიტეს რო იქამდინ არ დასწვიყვნეს. იქ ისით იწრო ჭალაი ას, რო იტყვის კაცი, ეს წყალ რაკველ ეტევისავ. ამ ჭალაის სიიწროეზე მეღექსეები ესეთი სიტყვებით იტყოდნენ ლექსს:

იწროო ჩვენო ჭალაო, ძლიე ჩასავალო წყლისაო.

ეს ჭალა ისით იწროი, რო კაცს სრუ წყლის გაღმა-გამოდმ შჭირდების სიარული. კიდები მოკლ – მოკლედა ას. ხან წყლის ერთ მკარეზედ ას სავალი, ხან მეორე მკარეზე. ხან საით ჩამაუსხდებიან წყლამდინ კაცის მიუვალნ ქარაუნ კლდენი, ხან საით. რომენსაც მკარეზე კლდენია, აქ კიდი ძესა, მეორე მკარეზე მიდის გზაი. ესრ ცოდო-ჭირით სასიარულო ჭალაი. არხოტიენებს ამ ჭალაზე ხქონდ დილღველთან გამარჯვების იმედი. იცოდეს, რო ჩასაცმელ-დასახურავსთან ერთად არც იარად უვარგოდ. ტყვია-წამალიც არ ხქონდ, არც თოფ-იარად უვარგოდ. არხოტ რო თოფის ჩახმახ ვის მაეშალის, წაიდისა დილღოს გაყიდის. ქართულის თოფის ტყვია-წამალსა-დ მაწყობილობას არხოტიენები ქვე შოულობდეს საქართველოშიითა-დ დილღველებს არცაით არ ხქონდ იმის შოვნაი. თუ რას იშოებდეს, იმასაც ცოტასა-დ უვარგისს. აი ამით ელოდდეს იწრო ჭალაზე ჩასვლას, თან ყინვის იმედი ხქონდ, რო დილღველთ ის შააწუხებდ. ბოლოს, ლაშქარ რო ორწყალთანას გასცილდა-დ იწრო ჭალას გაუდგეს, მაშინ ჩამაეწვივნეს ახიელენი, თუ ღამის სიბნელეში გაარჩევდეს,

რო დილდველიასაო-დ ტყვედ წაყვანილ ამდიონ არ ასაგ, დუწყეს თოფის კლაი-დ თითო-ოროლას მაკვლაი. ქავისკარს რო მიუახლოვდეს, აქ ეშინოდ, რო ქავისკარს შაგვიკვრენავ დილდველნიო-დ აღარ გაგვიშობენავ.

ქავისკარი იმით ხქვიან რო აქ ქავი ას აშენებული (ქავი: მაღალი გაღაგანი, სადაც კაცი ვერ გადავა და შიგ მოთავსებული ქვიტკირის სიმაგრე). ეს ალაგი, არხოტის ჭაღას ყველაზე იწრო ალაგი. ორსაგ მკარეზე ჭაღაშით წვერამდინ, მიუკარებელნ კლდენი. მარცხენას მკარეზე არხოტის წყალი კლდეთად ას მიმჯდარი ისეთ იწრო კალაპოტით, რო ამ წყალს აქ ყორან ვერ დაეკარების. მარჯვენას მკარეს გზა ჩადისა-დ ხუთი ექვსის საუენის სიგანე ცოტა ჭაღაი ას. ამ ჭაღაზე კლდეთანით გზამდინ მაღალ გაღაგანი ას აშენებულ, რო ფრინველის მეტი ზედ ვერა გადახტების. გზის პირში ერთი საყარაულო ქვიტკირი აგებული. ქვიტკირსაც სათოფეები აქვა-დ გაღაგანსაც დილდველთ მასავლის გზისკე. გზის მარცხენას მკარეზეითაც წყალშიითავ ამაყვანილი ას ქვის გაღაგანი, აისეთაივ მაღალი, გზამდინ ას ისიც მიყვანილი. გზაში ქავის კედლები იმ სიახლოეს ას ერთად, რო ქოჭიან გაბარგულ ჯორ გაივლის თავისუფლად. აქ ცულით დათლილი, სქელის ფიცრის კარები იყვ შამბულ, რო ქართულის თოფის ტყვია არ გადიოდ შიგ. როსაც შიშიანობა იყვ, არხოტივნებ რიგ-რიგობით ყარაულობდეს ამ ქავსთან აშენებულს ქვიტკირში. სათოფეებშით გახედვედეს დილდოთ მასავალს გზას, თუ ლაშქარ მავიდოდ, ზოგნ ლაშქარს არ შამაუტევედესა-დ, ზოგები არხოტ გასტეხდეს კმას. თუ მზირ მავიდოდ კი ყარაულებ თაოდ გასცემდეს პასუხს (მზირი: სამი, ოთხი ან ცოტა მეტი კაცისაგან შემდგარი ჯგუფი, რომლებიც მიდიოდნენ კაცის მოსაკლავად. ჩაუსაფრდებოდნენ გზაში, მოკლავდნენ კაცს და გაიქცეოდნენ). ახლა კი ეს ლაშქარ რო მავიდ, არხოტივნებს შიში არ ხქონდ გულში, ამ ყიამეთში ვინ მავაო-დ იმით არ ხყვანდ ყარაულებიც ქავში.

ამ ქავში რო დილდველთ ლაშქარმ გაიარ, არხოტივნებს იმით ეშინოდ, რო იქითას გვერდზეითავ მაგვისხდებიანავ, გვაზარალებენაო-დ არც გაგვიშობენავ. მივიდეს ქავისკარად, ვედარვინ გაიწონ წასვლა – ქავისკარ გავლა, დაბოროვიალდ ხალხი. დაიწყეს საუბარი, რაკველ ვქნათავ, ერთ კაცს კადელ ექვივნა-დ მდევარს რაადამ ჩამაშრომიყვა-დ დაგვიანებით მასულიყვა. კადელმ ნახ დაგროილ ხალხი, გაიცინ. კაცებ არ ხართაევ წეთქო, ამაში რას უბრუნავთავ? სრუ არ შახლათულ, გაუვლაგად გასულ ქავისკარ, მიხყოლივ სხვებიცა-დ გასულან მშვიდობიანად. დილდველები სიცივისაგან ისრ ყოფილან შაწუხებულები-დ თან ტყვია-წამალი ხქონივ გათაულ, რო სრუ აღარ უფიქრებავ მდევრისად გზის შაკვრა, აღარც თავ ხქონივ იმისა სიცივისაგან. ფეხსაცმელ სადამ შამაეცაღავ გავიგითავ, თქვიან წინათ. ყინვარი სადამ იკრევიდისავ ტიტვლებს ფეკებსაო-დ სისხლიანნ მიდიოდინავ აი ყინვრიანნი გზანივ.

არხოტიენები რო ქავისკარ ველარ გასულანა-დ კადელს გაუდიან გზანი, ის ბევრგან ას სიმღერებში ნათქვამი, ფანდურზე სამღერალშიაც-დ ფეკზე შესამღერნებშიაც. მაგალითად:

1.

*გაჭირდა, არხოტიენებო, ქავისკარ გასავალიო,
კადელმა ღერენათამა, მაგან გაიღნა გ ზანიო.*

ზოგი ასეთი ვარიანტია:

დედამც ცხონდების კადლისა, მაგან გაიღნა გ ზანიო.

2.

*ღერენათ კადელაისა დედაიმც ცხონდებისაო,
მღევართად გამეტებული, ქავისკარ გამღე გ ზისაო.*

მესამე სიმღერეში კადელაი ას შაქებული, სხვა ნაქებ არხოტიენებსთან ერთად. ამ სიმღერებში ჩატანებული ას მკვდარ არხოტიენები, ვინაც სიცოცხლეში სახელიანები იყვნესა-დ კადელიც იმათან სტანავ:

*სიკვდილმ თქო არ დავიჯერებ, ნაბრძანებს ვიქამ ხთისასა,
ბადათ მაუკლავ ბადასა, კულას ჩამავშლი ქვისასა.
უშიშას ოხიაურსა, მგლებურ მჭამელსა მტრისასა.
ღერენათ კადელს მავხკლევდი, ქავისკარ გამღეს გ ზისასა.*

ამ სიმღერებში სხვებიც ბევრი ას ჩატანებული არხოტიენები. კადელი ყველკან კსენდების, იმით რო ქავისკარ დაგუბებულს მღევარს იმან გაართვნ გზანი.

ქავისკრით თან მიხყვებოდეს ლაშქარს. ტყვია-წამალი სრუ გაუთავდ, ზოგები გზა-გზათ რჩებოდეს დაყინულები, ფეკდამზრლები. არხოტიენები თავებს შჭრიდეს. ჯარაის წყარო გაიარეს, ტანისკარი, „საძრომთ“ გავიდეს, დაიწყ თენებაიც. ტყვედ გაღალული ხალხი ზოგი გზა-გზათ მამალა, ზოგები ქვე დატოცეს ღიღღვლებმ, როსაც ატყობდეს, რო ველარც თაოდ წავიდოდეს მშვიდობით.

თათხელისკარ რო გავიდეს, გათენდ კიდევაც-დ გასცნეს ერთმანეცი. ღიღღვლებს ტყვია-წამალიც აღარ აქვავ, გაიგეს არხოტიენებმა-დ სიცივის გამო ვერცად ხანჯრებს კმარობენავ, გახალიზებულებმ დაისვეს ხანჯრებს კელი-დ დაიწყეს კოცა ხალხისა. თან კიდევ, ვისაც შეეძლიეფ, მიდიოდეს, მაგრემ არხოტიენები ატყობდეს, რო ყველას გაუჭირდ ღიღღვლებსა-დ თანდათან დაიწყეს გზა-გზათ რჩომა. არხოტიენები აღარც ტყვია-წამალს ხარჯევდესა-დ თან მიხყვებოდეს ლაშქრის ნარჩომს ხალხს, ვინაც დარჩებოდ, იმას კლევდეს. ბოლოს ტერდისკარ ცოტა ველი ას, იქ წინა შამაუარესა-დ სრუ დატოცეს ხალხი, ღიღღვლები. ახიელლებიც კი

დადალულები იყვნეს, მაგრამ ეს ამბავი სხვას სოფელს კალოთანასაც გაეგა-დ დასვენებული ერთის სოფლის ხალხი, კალოთანელნი, ჩამაეწივნეს ტერლისკარად იმათ მაუღეს დიღველის ლაშქარს ბოლო.

ტერლისკარ კალოთანელნი, ვეფხენი აბრუნდეს მწკალზედა.

ეს სიმღერის სიტყვები მაშინდელ ნათქვამი ას კალოთანელთაზე. არხოტის ჯვარს უშველავ ბევრი. ჩვენ ხალხ თუ ქვე ვერ ხედვედისა მაშინ, ტყვედ დაჭერილს დიღველს უთქომ: ერთივ თეთრცხენიან კაც გაგვევებოდისაო-დ ისი გვკოცდისავ ბევრს ხალხსავ. ყინვრებზედავ აი ცხენივ ისრ დავიდოდისავ, როგორც მშრალზედა-დ ცხენიც გვკოცდისავ ტოტითავ. არხოტივნებსთან საფარველ ზღებივა-დ დიღველებს ქვე უხედნავ არხოტის ჯვარი. დიღველებზე ას მაშინდელს ამბავზე ნათქვამი:

*ხო არ დასცილდა დიღველებსა, სამანს რო დგემდეს ძვლისასა.
თეთრ ტაიჭოსანთ ხედვედეს, მწვეართ არხოტის ჯვრისათა.*

ამ ლაშქრობის სიმღერეები ბევრი ასა-დ ერთ-ერთ აი ეს სიმღერე იწერების აქ:

*შაყარა მძიმე ლაშქარი: სავსეთ მაგლადავთ ტყვითაო!
ამღას ჩამუშვნა თარეშნი, ყამ ნუ გაქვთ, უთხრა, სხვისაო!
მძინარსა დიაც-ყმაწვილსა, აღი ახვიეს პირსაო,
ახიელ გაუგონებავ, ამღას ჭეხაი ცისაო!
ამღათად მაემზადნიან, არას ხევარობენ ძილსაო;
ახალნი ოჩიაურნი, მღევართ უმართვენ პირსაო.
იციან ჯაბუშანურთა, ცდა მამად მაუდისაო.
ღერენათ კადელაისა, დედაიმც ცხონდებისაო!
მღევართად გამეტებული, ქავისკარ გამღე ვ ზისაო.
ქავისკარ ჩამაეწივნეს, გურგურ დვას თოფებისაო;
ვათენდა თათელისკარა, ცნობა აქვ ერთუცისაო.
თავ დაანებეს თოფებსა, პრიალ დვას ხანჯრებისაო.
ტერლისკარ ღმერთი აკსენეს, დაბრუნდეს სიცილითაო.*

ტერლისკარ რო ლაშქარს ბოლო მაუღეს, წამავიდესა-დ ერთ კვირავს სრუ საფლავები თხარესა-დ ლაშქრისგან გაწყვეტილ ამლიონ ხალხი ღმარხეს. დიღვე-ლებმაც გაიგესა-დ ზიდეს მკედრები. მკედრის ზიდვაში კი აღარც არხოტივნებ რას უშავებდეს დიღველებს.

მიტხოს დალაშქრება კვესურებისაბან

მიამბო გიორგი ლიქოკელმა,

50 წ., 1936 წ., სოფელი აჭე

კვესურეთს ქისტისაი-დ ლეკის ლაშქარიც კშირად ეცემოდა-დ კვესურებიც კი ლაშქრევედეს თავის მეზობლად მცხოვრებს მთის ხალხს. უფრო ხშირად მიტხოს ეცემოდეს, მეკვეეებსაც ეცემოდეს-დ თაოდ კვესურებიც კი ლაშქრევედეს ერთმანეცს, ვინაც ვის მაერეოდ. უფრო გუდანის ჯვარს ხყვანდ ბევრ საყმოი-დ საერთოდ კვესურეთიც იმას უფრო ემორჩილებოდ. თუ კვესურეთს ვის ლაშქრევედ გუდანის ჯვარის საყმო მაგანძური, მაშინ მარტო ეს ხალხ შაიყრებოდ, დასვემდეს ქადაგს-დ ქადაგ რასაც იტყოდ, ისრ წავიდოდეს დასაცემლად. თუ მიტხოს ლაშქრევედეს კი, სხო გვარის ხალხიც ესწრობოდ მაშინ-დ კვესურეთ ყველა ქუდიანი წავიდოდ ლაშქარში. ლაშქარ როსაც გავიდოდ, მაშინ თუ აოდ ვინ იყვ, ან ბერი, ყმაწვილი, ისეებ დარჩებოდეს შინ. თუ ან აოდ არ იყვა, ან ბერი (მოხუცი), ყმაწვილ არ იყვ, ისით ახალგაზდა დარჩებოდ შინ, დილას დიაცებში გამაჩინდებოდ სოფელში, ის სამუდამოდ შარცხენილ დარჩებოდ, რო კარში ადარ გამაეველებოდ სირცხვილით.

როსაც ლაშქრობას გაღბედევდეს-დ ხალხი გუდან თავს მაიყრიდ, მაშინ ერთს მაინც საკლავსაც მაიყვანდეს, იმას დახკლევდეს, ჯვარს ერთმანეცს შაახვეწებდეს-დ ქადაგს დასვემდეს. ქადაგს რო დასვემდეს, სანთლებს აანთებდეს-დ ყველა ხალხ მუკვლს მაიყრიდა, შეეხვეწებოდეს გუდანის ჯვარს: „დალოცვილო გუდანის ჯვარო! დიდი ხარ, დიდ შაგიძლავ, შენის სახელის ჭირიმ. ჩამედი-დ აუბნი ჳორციელის ენა. ასა თუ არ გამარჯვება ჩვენი, რო ლაშქრად წავიდათ? ასა თუ არ დრო, რო შენი ძალით გავიმარჯვათ მტერზედ? გავგიძლოლება თუ არ შენს დროშას შენდა-დ შენთ ყმათ სასახელოდ? თუ კიდევ დამარცხებაი გოქვე ისიც დახეში, დალოცვილო, შენის მეენის ჳორციელის პირითა-დ იმისანიც ყაბულნ გავკვდებით, მანამ შენ ბძანება არ იქნების, არცად არ წაოლოთ“.

ხალხ, რო შაეხვეწებოდ, ქადაგ ცალკე დაჯდებოდა-დ იწერდ პირჯვარს. თაოდაც ეხვეწებოდ გუდანის ჯვარს: „ნუ გამაქილიკებ (ნუ გამამასხარავებ), შენ გულის ნება მათქმი, რო შენ საყმო შენი ბძანებით წავიდასა გაიმარჯოს მტერზე. ჩვენ ჳორციელნი ორთა-დ უშენოდ არა შაგვიძლავ შენმა გამარჯვებამ“. ქადაგ რო დაჯდებოდ, დაიწყებდ მოქნარებას. დაიმწუხევედ თვალებს, დააშატებდ ერთუცს კვლებს-დ დაიწყებდ ქადაგობას. ის იქადაგებდ გუდანის ჯვარის ნებას. უნდოდა თუ არ გუდანის ჯვარს ეხლად ლაშქრობა. ეხლა რო ლაშქარში წავიდას ეს ხალხი, გაიმარჯვებს თუ არ, ან თუ ეხლა გამარჯვებას ვერ ხედავს-დ წასვლაზე უარს ამბობს გუდანის ჯვარი, მეორედ როს უნდა შაიყარას ლაშქარი-დ როს წავიდან მიტხოს.

ქადაგის ქადაგობას ხალხი გულით ყურობდ, რო გაათავებდ, ქადაგიც, სხო ხალხიც ყველან ქუდს მაიკდიდესა-დ შაეხვეწებოდეს: გვაპატივე, რასაც გაწყენთავ, როსაც შენ გაგვიძღვებო, გაგვიმარჯვევ მტერზედავ. მემრ ადგებოდ ქადაგი-დ კიდევ უბრალო სიტყვებით გამაუცხადებდ ხალხს გუდანის ჯვარის ნებას. ხანდისხან გუდანის ჯვარი ლაშქართ უარს ეტყოდ, ეხლადავ ლაშქრობის დრო არ ასავ, რო წავიდათავ, გამარჯვება არ დაგვჩებისავ. ხან კი ქადაგი იტყოდ: გუდანის ჯვარის დროშა უნდა აებასაო-დ უნდა წავიდათავ ლაშქრადავ, გუდანის ჯვარივ იმას ბძანებსავ, რო მე გაგიძღვებითაო-დ გაგამარჯვებიებთავ მტერზედავ. თქვენ მე ვერ მნახავთავ, მაგრამ მტერთან ბრძოლაშიავ თქვენ გვერდი ვიქნებივ. სხვას გარდა ერთხან მაიგონეს კვესურთ მითხოს დალაშქერაი-დ დავლის წამადება. შაიყარნეს გუდან, დასვეს ქადაგი-დ გუდანის ჯვარმ ბძან: ააბითავ ჩემ დროშიავ, გაგიძღვებითაო-დ დალაშქრეთავ მითხოივ. იქავ მე ვიქნებიო-დ მტერს დაგიმარცხებთავ. კვესურებსაც ეს უნდოდა-დ მაემზადნეს სალაშქროდ. ყველამ ახალ ჯღან გაბანდ ახლით საბანდით.

ბევრამ კვესურამ გაბანდა კარის გავის ჯღანიო! (ჯღანი: ფეხსაცმელი)

ბევრამ გაილა ველადა, კელხი ნაჭერი ფარიო!

მაამზადეს მშვიდლისარი-დ კმლებიც დაღესეს. საგძლად ყველამ ჩაიდვ ერბოთ მაზელილ კალი, იმით რო ის ცოტა უნდ საჭმელადა, ღონე ქვე აქვ. ააბეს გუდანის ჯვარის დროში-დ წავიდეს სამითხოოდ. დროშა მედროშაეს ედვ მჭარზედა-დ მიუძღვებოდ წინ, მემრ სამ ქადაგ მიხყებოდ, მემრ ლაშქარ მიხყებოდ. გამართულს ლაშქარს ქალ-ზალ გახყვ კარგა გზასა-დ ჯვარ დასწერეს: „მშვიდობით წედიოთ, კელ მაგიმართნათ კვესურეთის სალოცავებმ. მშვიდობით გამგზავრნასთა-დ შინ მშვიდობით დაგაბრუნნასო“. ცხენებ უფრო ბევრს ხყვანდა-დ ზოგებ კი ქვეითებიც მიდიოდეს, ვისაც კა ცხენ არ ხყვანდ შინ. ცხენიანები ცოტას გზას გაივლიდეს, მემრ ჩამაკდებოდესა-დ სხვებს შასვამდეს თავის ცხენზედ. ისეებ ცოტას გზას გაივლიდეს ცხენებითა-დ ახლა სხვებ შაჯდებოდეს, ისრ, რო რიგ-რიგობით დადიოდეს ცხენით. გუდანით წასულმ ბისო-კავმატისას გაიარ. აქ ერთ საკლავი კავმატის ჯვარჩი დაკლესა-დ შეეღვაი სთხოეს კავმატის ჯვარსაც. გადაიარეს დათვისჯვარი (გადასავალი მთა შატილისაკე), კისტან-ღებაისკრის სოფლებ გაიარესა-დ სალაშქროს ჭალას ჩავიდეს (სალაშქროს ჭალა იმიტომ ეწოდებოდა ამ ჭალას, რომ აქ მუდამ ისვენებდა მითხოს მიმავალი ლაშქარი, პატარა მოედანი და ბალახიანი ჭალა იყო, ცხენებსაც მოაძოვებდნენ და თვითონაც დაისვენებდნენ, თან კიდევ ხელმეორედ ქადაგსაც დასვამდნენ და მოუსმენდნენ გუდანის ჯვარის ბძანებას. შეიძლება გუდანის ჯვარს პირველად წამოსვლა ებძანა და მერე აზრი

შეეცვალა და ლაშქარი დაებრუნებია. ამიტომ აქ აუცილებლივ იცოდნენ ქადაგის დასმა). სალაშქროს ჭადას ლაშქარს შამაუერთდ კისტნელი-დ ლეზაისკრელ ახალგაზდაებიც. კარგად რო დაისვენეს, ანთეს სანთლები, დასვეს სამივ ქადაგი-დ შაზძახნეს გუდანის ჯვარს: ჩამედივ გამარჯვებულ-დ დახემევე შენ ნებაი. ჩვენ ლაშქრობაზე ხო აღარა შაიცვალავ. ამ დროს ლაშქარ იქავ მუკლზე ისხდა-დ ეხვეწებოდეს ჯვარს. სამს ქადაგში თოთიას ახევ ჯვარი-დ გუდანის ჯვარმ ბძან: ხოთიშვილნივ ხოთის კარზედ ვიყვენითავ შაყრილნივ იმის შამდეგავ, მე რო აქ წამასვლა-ი ვბძანევ, ხოთის კარზედავ ერთის წლის ვადით შამეკსნავ კმალივ, ექხლად მითხოს ნუ წახოლთავ, თორე გამარჯვება თქვენ არ ასავ, დაზიანდებითავ, მე შევეღვის ნება არ მაქვავ, ერთი წლიდგეს რო კმალს შავიბომავ, მემრავ დავეცნათა-დ გავამტკვერათავ მითხოივ.

*შაზძახნეს თავ-თავისადა, თოთიას ახევა ჯვარიო;
არ მაქვის გამარჯვებაი, ნუ მიზლით ჩემნი ეძანიო.
ერთის წლის ვადით შამეკსნა ფხასისხლიანი კმალიო.*

კვესურებმ თოთიას ქადაგობაში ყურ უგდესა-დ ბოლოს უთხრეს: შენ გეშინიანაო-დ იმით ხქადაგობავ, გუდანის ჯვარმავ ჯერ ისი ბძანავ, რო წავედითაო-დ ექხლა განა თავის სიტყვას გასტეხსავ. განა მაშინ ქვე არ იცოდავ, როსაც წასვლას ბძანებდავ – გამარჯვება ჩვენ იყვავ თუ სხვისაივ.

*არ დაიჯერეს კვესურთა, არ ბრუნავს ჩვენი გვარიო,
შიშით ხქადაგობ თოთიავ, არ გაქადაგებს ჯვარიო.
ამაშინ მაგჭრით კალთასა, როსაც დასხდების ჯარიო.
აბა თუ შიშით ვქადაგობ, გექნებით წინამძღვარიო.
თქვენ თუ მშვიდობით დაღბრუნდათ, ვინდა მამჭრიდით თავიო.*

კვესურებმა თქვეს: როს იყვავ რო ჩვენ გვარივ ლაშქრად მიმავალივ გზაშით ბრუნდებოდავ, ჩვენ მაინც წაოლთავ. თოთიამ უთხრ: აბა თუ შიშით ვქადაგობავ, მე გაგიძღვებითავ, მაგრამავ, თუ მშვიდობით დაღბრუნდითავ, კალთა კი არავ, თუნდა თავ მამჭრიდითავ. ამოობაში დაღამდ კიდევ. გაიდვეს მკარზე დროში-დ წამავიდ ლაშქარი სამითხოოდ.

შუაღამე იქნებოდ, რო კვესურთ ლაშქარი მითხოს მავიდ. ცხენოსან ხალხი მითხოს ჩდილში დაიძალა-დ ქვეით ხალხი საყარაულოდ წავიდ. ისით გზებ შაკრეს, საითაც ეშინოდ, წავავ საით ვინავ, ღილდოსაო-დ ჭანთეთს გაავებებიენაო. ხალხ რო მავშველასავ, დაგვაზარალებენავ. მაგრამ ქისტებმ ეს იცოდეს, რო კვესურებ გზას

შახკრევედესა-დ ლაშქარ რო დეც, ჭანთეთისკე უგზოზე გაიპარნესა შაატყობინეს ხალხს. ყარაულების დაღაგების დრო რო იქნებოდ, ცხენოსან ხალხმ სოფლებ გაიყვეს. შახხდესა-დ გასწიეს თავთავის ნამრგალის სოფლებისკე. მივიდეს ყველა სოფელში, ცხენები ყველკან მაფარებით დამაღესა, თაოდ სოფლებს დაეცნეს. სოფლებში სახლებს ცეცხლ წაუკიდეს, სახლების მირგელივ ჩასაფრდესა-დ ვინაც გამავიდოდ, თოფით ცოცდეს.

*შუ მითხო ჩაწევს დადაგეს, ცას გაადინეს ალიო,
გაწყვიტეს დიაც-ყმაწვილი, კალოდ გაღეწეს მკვდარიო.*

ვისაც გეწივნეს, ყველა მაკლეს. დიდი-ცოტა, კაცი-დიაცი. ზოგ დაჯოცესა, ზოგ ტყვედ დაიჭირეს. ქისტებ ვინაც ჭელში ჩაიგდეს, ან მაკლესა-დ ან ტყვედ დაიჭირეს, მაგრამ ზოგ ხალხ ისრ გავიდ გარეთ, რო ხევესურებმა ვერც კი გაიგეს. მითხოს რო ცეცხლი წაუკიდეს, ყარაულებმაც დაიწყეს თოფების სრევა თავ-თავის საყარაულო ალაგშიით ქისტების დასაშინებლად. მითხოს კაც რო გახენებდ, ყველა სოფელს ბოლ აზდიოდა, ყველკნით თოფის კმა მადიოდ. ჭევესურებმ სახლებშიაც დაიწყეს შადენაი-დ დავლის გამატანა, მემრ ყველას სოფელშიით გამაუშვეს ცხვარ-საქონი-დ ერთად შაყარეს (მაშინ ჭევესურთ ლაშქარში სამოც კაც იყვ, დანარჩენ ხალხი სამგზავროს იყვ წასულ-წამასული-დ ლაშქრის წასვლა ვერ გაიგესა-დ იმით დარჩეს ჭევესურეთ. ლაშქრად სრულ სამოც კაც იყვ წასული). ზოგ ხალხ წინ გამაუძღვ ცხვარ-საქონსა-დ ზოგი უკენ გამახყვ. მითხოს ჩდილს რო ამაუბრუნდეს, ყარაულებმაც ყველკნით ნახეს; მეეკსნნესა, წამავიდეს. მანამ ჯარეგას ცხვარ-საქონ ამავიდოდ, მანამდენ ყარაულებიც მაწივნესა-დ გამაერივნეს ლაშქარშია-დ კმამაღლად მღერით წამავიდეს გზა-გზათ. ჭევესურებ გაბრიყვდესა-დ ნელ-ნელა მადიოდეს, თან იმღერდეს. თან თოთიას უსაყვედურებდეს: გუდანის ჯვარის ბძანებას რო გვატყუებდივ, ახლა ვერ გავიმარჯვეთაევ. ხო ხედავ, რამოდენ ცხვარ-საქონ მაგვიდისაო-დ ჯერ ერთ კაც არ დაგვეკლებივა. გუდანის ჯვარ თუ არ გვშველდასაო-დ გამარჯვება თუ არ ხქონდასავ, ეესრ მშვიდობით დაებრუნდებოდიოთაევ.

მითხოს ბძოლა, საქონისაი-დ ცხვრის გამაშობაი, იმის ნელ-ნელა სიარული, ძალიან გაგძელდა, ამაობაში ქისტებმაც გააგებიეს ჭანთელთა-დ დილდოს: ჭევესურთ ლაშქარ დაგვეცავ, მითხოსავ ცეცხლ წაუკიდესაო-დ მაგვეშველენითა. შახკაზმნეს ცხენნიდ საჩქაროდ მითხოს მავიდეს ჭანთელნიცა-დ დილდველნიც.

ჭანთნი მავიდეს ჭანთეთით, მანაყეს ნალურსმარიო.

კვესურები გზადაგზა მადიოდესა-დ, მაუდიოდ ცხვარ-საქონიც. ღილღელის მღვეარმ კიდევ გზა გადაუჭრა-დ წინ მაასწერეს. ჩაუსაფრდეს ტუტილისკიდურთ, სადაც ყველაზე მეტად იწრო გზა იყვ. კვესურთ ლაშქარი სიმღერით მიდიოდა. ამ დროს ღილღური ენით გაიგონეს ძახილი: დადევით, ნუღარ მიზდითავ. თუ თავისთავისად კა გინდათავ, დაყარეთავ ცხვარ-საქონიო-დ ეგ ტყვეებივ, თორე სრუ გაგწყვეტთავ. კვესურებმ რო ნახეს, საქმე ცუდად ასავ, ჯერ ძალით გასვლა დააპირეს, მაგრემ ქისტებმ ისრით კოცა დაუწყესა-დ აღარ გაუშვნეს, ნახეს რო წინაც გზაი აქვ შაკრული, უკენაც მღვეარ მაზღევს, სათავეზედაც ხალხი ას მასული, ბლოზედ ახლოს წყალი ას, რო მიკარება არ შაიძლების. კვესურებმ ეს ყველა კარგად გაიგეს, რო წასასვლელი აღარცად ხქონდა-დ ძალაუნებურად გაუშვეს ტყვეებიც, ცხვარ-საქონიცა-დ თავის ცხენებიც ნადავლით დაბარგულები.

ტყვეებ რო გათავისუფლდეს, გაღალეს ცხვარ-საქონიცა-დ კვესურთ ცხენე-ბიც. კვესურებმ ახლა ომით გზის გაკაფვაი-დ შინისკე წასვლა მაინდომეს, მაგრემ ქისტებმ აღარ დაანებეს გზაი, გაჩაღდ ჯერ მშვილდ-ისრით შუღლი-დ მემრ ალაგ-ალაგ (ზოგიერთ ადგილებში) კმლით შუღლი. კვესურები, ზოგებ გულდაგულ შაიბრძოლნეს, რო მაინც ვიხოცებითავ ქვიაო-დ სახელ მაინც დარჩასავ. ზოგებ კი მაინც ვერ იბძოდეს ისრ, რაკველც საჭიროი ომჩი. ზოგ რო კმლით შავიდ ომჩი, ზოგ იქავ ქვებსა-დ კლდეებს ეფარებოდ, მაგრემ ჩასაფრებულ ღილღვლები მაინც კოცდეს ისრებით.

აი, ზოგ კვესურებ, ვინაც უფრო სახელის გულისად თავს აღარ ზოგევდეს: ლოხაუტის შვილი კმაღამაღებულ გადაეტან ჩასაფრებულს ღილღვლებს. ერთ-ორ კაცი ქვეც დაჭრ სასიკვდილოდ, მაგრემ მაკლეს ღილღვლებმ. ფუნჩიათაპარეკაიც კმლით ომში შავიდა-დ ისიც მალეუ მაკლეს. ბიჩინაგათ თინიბეჭი ჩასაფრებული იყვა-დ იმის ნასრევ ისარსავ ვერც ფარ უმაგრდებოდავ, მაგრემ სადაც ჩასაფრებულ იყვ ხალხი, ქისტებმ მეორეს გვერდზეით მაუარეს, ისარ დახკრესა-დ მაკლეს ისიც. ის იმით უფრო იბრძოდ გამწარებულ, რო ქისტებმ გვერდი ნამყოფ შინშ მაუკლეს – აპარეკა; იმის ძებნა უნდოდა-დ მაკლ კიდევ ერთ ქისტი-დ შასწირ აპარეკას; ორი კიდევ სასიკვდილოდ დაჭრ ისრით. აპარეკას რო ისარ მახვდა-დ თავს შაატყვ, ეეხლად მაგვედებივ, კვესურების გასაგონებლად იძახ კმამაღლად: „კვესურებო თუ ცოცხალ ვინ გადაშჩითაო-დ წახვედითავ, სახელ ნუ დაიმალეებისავ. აქ რაიც ვინ სახელი ვქენითავ, კვესურეთ წაიღითავ ამბავიო-დ იქ იამბიღითავ, რო სახელ არ იყოსავ დაკარგულიო-დ ავსონდასავ კვესურებსავ, აქ როგორ ვინ მაგვედითავ – სახელიანივ, თუ სირცხვილიანივ. ეს აპარეკამ რო იძახ, დალივ სულიც. როსაც აპარეკა მაკლეს, ამ დროს იქ ყოფილ გამახელ თემროზაული, რომენიც მარტო გადაშჩ ამ ლაშქარში ცოცხალი-დ წამავიდ შინ. ამბავიც იმან მაიტან, ვინ რახელ ომობდ.

მაგ ლაშქარში კარგად თავ უსახელებავ მარაისშიღის დავითს; კა მემშიღიდ-
ისრე ყოფილა-დ ისრით დაუტოცავ რამთვენიმ ქისტი.

*დავითო, მარაისშიღლო, რა ტურფა გიდგას ტანიო.
ვეგრ გკდებოდეს აბჯარნი, როგორც მანდილას რქანიო,
ვეგრ აღბრუნდი ტუტილა, როგორც კალოში კარიო,
ვეგრ გამაგდის ისარი, როგორც თბე-ბორბალს წყალიო.*

ერთბაშად კარგად შაბძოლილ დავითი, მაგრამ დაუკრავ იმისადაც ისარი-დ
მაუკლავ. ერთ ქისტი სახელგანთქმულ ყოფილ მეომრობით, სახელად ბაჩაყი.
მაუსომ ბაჩაყს ვმლისად ველი-დ გადასტანებოვ ერთად ჩასაფრებულებს – შვიდ-
რვა კვესურს. დაუქცევაჲ ეს კვესურები, ზოგ დაუტოცავა-დ ზოგ კი გადაშჩომივ
ცოცხალი.

*წამაგვიყარნა ბაჩაყმა კვესურნი შვიდი-რვანიო:
მაგვწკეპდის, მაგვაწუხებდის, მაგვჭყვივის: ბაჩაყ ვარიო!
ნეტავინ ჩამაგვიჩინნა ბაბურაულნი ძმანიო!
აგებად ბაჩაყს მაკკლევდეს, მაგვშორდებოდა ღვარიო.*

კვესურებს რო ბაჩაყ მაზდევდ, მაშინ ბაბურაულთ ნატრობდეს: ნეტავინ ისენ კი
მაიყვანნავო-დ აგებად მახკლევდესაო-დ მაგვაშორებდესავ ბაჩაყსავ. ბაბურაულნი
სახელგანთქმულ მეომარნი იყვნესა-დ ეხელად ამ ლაშქარში არ ყოფილან. როსაც
ლაშქარ წასულ, ისენი სამგზავროს სადამ ყოფილან წასულნი.

ომი, დილას შამბულ, წუხრიხნამდი გაგქელებულ (სადამო ხნამდინ) ქისტებს
დილდვლები, აკვანი მადმატებიონ თანდათანა-დ კვესურებს სრუ მირგვლივ
შამახვევივ ხალხი. აღარცაისკე არ მიუცავ გზაი. ბოლოს სათავეშიით აუტეხავ
საგორავი (აქ ქვიანი ადგილია და კლდეებს უგორებდნენ სათავიდან) კვესურნი
აუხვევიან საგორავშია-დ და ამით უფრო უხარალებიან. იმთვენ ქვა-კლდე
დაუგორებაჲ, რო ხალხ აღარ ჩინდისავ აი დაგორვილს ქვაშიავ. ვისაც მახვიდისავ
გაგორვილ კლდეივ, ისიც თან გაიყოლისაო-დ არლოს წყალში ეცნიანავ ქვაიცაო-დ
ქვისგნ გატანილ კვესურიცაო-დ დახკარგისავ მკვდარივ წყალმაჲ. იქი-აქათით
ისრით სათავეზეით ქვითა-დ ზოკან ვმლით სრუ გაუწყვეტავ კვესურთ ლაშქარი,
რო ერთს ძლივ დაუხწევაჲ თავი, დიდის ცოდო-ჭირით წამასულ გამახელ
თემროზაული. გამახელსაც ბარკალში ისარ მახვედრივა-დ დაჭრილ ყოფილ;
სათავეშიით რო საგორავ აუტეხავ, შამკრთალ-შაშინებული ზოგი ხალხი არლოს
წყალში შაყრილ, რო იქნება აქ უფრო რაკველ გადავშჩათავ ცოცხლებივ, იქნება

გადავიდათავ წყალშიავ, მაგრემ ისით ძალიან იწროდა-დ ჩქარად მიდის ეს წყალ, რო იქ კაცის გასვლა ანდრეზ არ ას. ვინც წყალში შეყრილ, სუყველა წაუღავად დაურჩავ. რაჰელ რა მახვდ, გამახელა რაჰელამ გაუგდავ გაჰეითას ნაპირჩი (წყლის გაღმა მხარეს) იქ თხელს წყალში ერთ დიდ კლდე დებულად იმის უკენ მიუღდავ. თემროზაულ გამახელას გონ არ დაუკარგავად მთელ-მკვდარი გათრილ წყლის პირჩი, კლდეების შუაში ჩაწოლილად დამალულ. ომ რო გათაულად ქვის გორებიც აღარ ყოფილ, ჰეესურებ სრუ დაკოცილ, დილღვლები მისულან ნაომარჩია-დ შაუმოწმებავ, ცოცხალ ხო აღარვინ დაგვჩავ. თუ ცოცხალ-მკვდარ მაუხელავ, ისიც მაუკლავ. მაუვლავ სათავე, დაუგორებავ მკვდრები, სრუ არლოს წყალში შაუყრავად წყლისად წაუღებიებავ. თაოდ დილღვლებსად ქისტებს აქ თუ ვინ მახკდომივ, დაბრუნვილს ხალხს თან წაუღავ, მაგრემ იმათ ბევრ არ უზარალებავ, დილღვლებს ჰეესურები შუაში ხყონიონ მამწყვედულები-დ უჰოცია. თაოდ ჩასაფრებულეზ ყოფილანად თითო ოროლა მახკდომივ ჰეესურების ჰელით, ზოგ სადა-დ ზოგ სად (ქისტი, დილღველი, აჰვანი ანუ აჰვა ეს ერთი და იგივე ხალხია, მხოლოდ ცოტა გარჩევა აქვს ენაში, მაგალითად თუში, ფშაველი და ხეესური, ყველა ერთად კი არის ქართველი). ქისტ-დ დილღველ რო გაბრუნვილ, გაუგავ გამახელსავ, რო ეხლადავ ვეღარვინ მნახავსაო-დ ისარს ვეღარვინ მესრევესავ. ამდგარ ცოცხალ მკვდარი-დ წამასულ, მაგრემ ვაი იმ წამასვლას, ჯერ ნაომარ ნაბძოლი, მემრ მშიერი, ახლა ბარკალში დაჰრილ ყოფილ, თან გზა არას იქ რომენხედაც ის წამასულ, იქ სრუ კლდენია-დ უჰირველს კაცსაც ძალიან გაუჰირდების სიარული, დაჰრილს კი არ; მაგრამ გამახელს უფიჰრებავ: წავიდა კიაო-დ სადაც მავკვდებივ, მავკვდებივ. წამასულად უვლავ ცოდო-ჰირით. უვლავ კლდეოასად ჯოხის მაგივრად ჰმალ უარგნებავ (ის ჰმალი ეხლადაც იქავ აქე ბარისაკოს უჰეკუათ იმედას. არგნებისგან წვერში ორად ას გაყრილი, ინახვენ მაშინდლის ომის მასაგონებლად. უვლავად გათენებისად შატილ მასულ. შატილიენებს წაუყვანავ შინა-დ მაუვლავ კარგად. როსაც კარგად გაჰდილ, შაუკაზმავე ცხენი, გამახყოლიონა-დ ჰეესურეთ მაუყვანავ.

ამ ომში ქადაგებიც დაუჰოცავისა-დ დროშიაც მითხოს დამრჩალ გუდანის ჯვარისა. დავლის მატანის კვალად, ჰეესურთ თავებიც იქ დაშჩომივ. ამ ლაშქრობაზე ეს სიმღერე უთქომ გამახელ თემროზაულს, როსაც კარგად გამჰდარ ომშიით მასვლიდგეს. ეს სიმღერე ეხლად ორ-სამნაირადაც იციან, ხოლოთ უფრო წმიდად აქ მაყვანილ სიმღერეი ას მიჩნეულ ჰეესურეთ. ხეესურებ ამბობენ, წინწინავ ევერ ყოფილავ ეს სიმღერეი-დ მემრავ ზოგივ არეულადად აჰსონსავ ხალხსავ. ეს კი ნამდვილ მაშინდელიავ:

კვესურმ ვაბანდა ბევრამა სამითხოოდა ჯღანო,
 შვიდს დღეს ემზადნეს, შვიდს ღამეს, ელგენ სიწმიდის ცანო.
 დათვისჯვარ გადადიოდეს, ვერ რო მარილზე ცხვარიო.
 მარჯვნივ თოთიას ხევებოდა ლალი გუდანის ჯვარიო.
 სალაშქროს ჭაღას ჩაგროვდეს, დიდ უღვა საუბარიო,
 სამი ეტანა ქადაგი, გაუყარიან მკარიო.
 შახდახნეს თავ-თავისადა, თოთიას აჰყვა ჯვარიო:
 არ მაქვის გამარჯვებაი, ნუ მიზღით ჩემნი ემანიო!
 ერთის წლის ვადით შამეკსნა ფხასისხლიანი კმალიო!
 არ დაიჯერეს კვესურთა, არ ყივის ჩვენი გვარიო!
 აღარ გვიდენავ ნელადა, მითხოს გაბევრდა ცხვარიო.
 შიშით ხქადაგობ, თოთიავ, არ გაქადაგებს ჯვარიო,
 ამაშინ მაგჭრით კალთასა, დარბას რა დასხდას ჯარიო.
 აბა, თუ შიშით ვქადაგობ, გექნებით წინამძღვარიო;
 თქვენ თუ მშვიდობით მახვიდათ, თუნდა მამჭრიდით თავიო.
 ჩადიან გიორწმიდასა, ცხენთ ჩანაყს ნალ-ურსმარიო,
 ერთმანეცს ჩაეთამაშნეს ქვეითნი-დ ცხენოსანნიო.
 ხუთშაბათს გათენაბადა, შუშითხოს დასცეს ცანო.
 ჩაწვეს, ჩადაგეს შუშითხო, ცას გაადინეს ალიო.
 გაწყვიტეს დიაც-ყმაწვილი, კალოდ ვალეწეს მკვდარიო.
 ამიბრუნეს ხარ-ცხენი, ტყვისა მაუდის ჯარიო.
 ამიშვილის ქვიტკირთა, ვის ვიჭრის ბედის ქარიო,
 კაცი წაღალეს აკვაში, აქად ვეიჭირეთ მკარიო!
 დაგვეცა კვესურთ ლაშქარი, დიდ გვიდვა ცოდო-ბრალიო.
 ჭანთნი მავიდნეს ჭანთეთით, მანაყს ნალ-ურსმარიო,
 მძიმე აგვიდვა მღვეარი, არ დაგვანებეს ვზანიო.
 ლოხაურიშვილ დაბრუნდა, კვესურნე მიჭირეთ მკარიო!
 ფუნხიათ აპარეკამა სამეფო დასთმა თავიო.
 თინიბექმ ბიხინავათამ დახარნა მშვილდის მკარნიო.
 ამავის ნასრევს ისარსა ვერ უდგებოდა ფარიო,
 გვერდს მიწვეს აპარეკაი, მარტოს შავსწირენ ცხრანიო!
 სახელ ნუ დაიმაღების, წამავალ თუ ვინ ხარიო!
 დავითო მარაისშვილო, რა ლამაზ გიდვას ტანიო;
 ევერ გვდებოდეს აბჯარნი, როგორც ირემსა რქანიო.
 ევერ აღბრუნდი ტუტილსა, როგორც კალოზე კარიო.

*ვერე გამაგდის ისარი, როგორც თბე-ბორბალს წყალიო.
აგ ხიეის საგორაეშია, დაგკარგავს არლოს წყალიო.
წამაგვიყარნა ბაჩაყმა კვესურნი შვიდი-რვანიო;
მაგვეწიკება, მაგვაწუხებდა, მაგვეჭყვივის ბაჩაყ ვარიო.
ნეტავინ ჩამაგვიჩინნა ბაბურაულნი ძმანიო,
იქნება ბაჩაყს მახკლევედეს, მაგე შორდებოდა ღვარიო.
ანამცი ლიქოკელები, ერთის დროშაის ემანიო.
ამაგ ქართულის მათქვამი, მეც აიქ ნამყოფ ვარიო.
აიმათ გამამაქციეს, დაეხიე არლოს წყალიო,
წამავედ ნატრევიანი, არგნად ვიკმარე კმალიო.
მავეკვლები, დავეხმარები, დამიტირებენ ქაღნიო.
აიმათ შამავეყრები, არლოს ახყუდნეს კმაღნიო.*

მიოხოველებმ ვარ დაუკლესა-დ იმიო სცეს პატივი თავის დამხმარე ღილღუ-
ლებს. ამ სიმღერის მათქვამი თავის სიმღერებში ამბობს, რო რახან მავეკვდავ,
იმათ შამავეყრებივ არლოს, რო კმაღნ ახყუდნესავ. ვითამ კმლებივ ვისაც არლოს
დაშჩავ. ასეთ ლაშქრობა უქნავ მაშინ კვესურთ.

ღილღველი ლაშქარი ჯუთას და არხოტს

მიამბო და ჩამაწერინა გიორგი არაბულმა სოფ. ჯუთაში, 60 წ., 1934 წ.

ღილღველი მაინდომეს არხოტ ლაშქრად დაცემაი-დ წინამძღვარს ღონდებოდეს.
წინამძღვარი ისითი უნდოდ, რო გზაკვალცი კარგად სცოდნიყვა-დ არხოტაც
ნავალ ყოფილიყვ. თან ლაშქრობაშიაც გამაცდილ უნდა ყოფილიყვ, რო თავის
ჯარ არ დაეზიან. იმ დროს დასცემიყვ, როსაც უფრო მაკერკებულ დრო იყვა-დ
ტყვეებიც კელხი ჩაეყარა-დ დავლაიც. ისეთის გზისას წამასულიყვენეს, სადაც
თაოდ არ დაზიანდებოდეს. ესეთ კაც ერთი იყვ ღილღოს, სახელად ყიბილაი.
ღილღვის ლაშქარ რო შაყრას აპირობდ, ყიბილას მიულაღეს კაცი, შაუთვალეს:
არხოტის დალაშქერა გვინდაო-დ წინ უნდა გავვიძღვა. ყიბილამ უთხრ: არხოტ
წასვლა ეეხლად კა არ ასავ. ხალხივ სრუ სოფელში არ ასავ, გასულ-გამასულ
იქნებისავ იარაღიან ხალხივ, ჩვენ რო სოფლებს დავეცემითავ, სოფელშიით გასულ
ხალხ გავვიგებსავ, წავლენაო-დ ჯუთას, კვესურეთს გააგებიებენავ. შავვიკრავენავ
გზასაო-დ ერთს არ გამაგვიშობენავ ცოცხალსავ. იმათავ მთების საყელ იციანავ,
ზაფხულის ყველკან გზაიო-დ ძალიან დავგვაზარალებენავ. ზამთრამდე მავიცადათავ,
ზამთრის დავეცნათავ არხვატსაო-დ სრუ გავანადგურათავ, როსაც ვეღარცაით ვინ
მავშველებისავ.

ყობილამ ეს ურჩივ, მაგრამ დიღღვლები მაინც არ ეშობოდეს. გაგვიძველივ ევხლადავ, არ გვასვენებენავ არხოტიენებიო-დ იმათ ჯავრ უნდა ამაგიყარათავ – ოღონდ შენ გაგვიძველიო-დ ერთს სამეტოს კარს მაგცემთაო-დ იქ ჩვენ ვიცითავ, რასაც უზამთავ.

ბოლოს ყობილა დაითანხმეს, შაიყარ ლაშქარ იარდაშია-დ გაღმართეს რჩევა, რომენ გზით მაუარანა-დ დაეცნან არხვატს. ამ დროს არხოტის წყალ ადიდებული ასა-დ არცაით ას ჭალაზე სავალი, კაც კი არ, ამ დროს ყორან არ დაეკარების არხოტის ჭალას. ან ტერღისწვერისას ას ამ დროს გზაი, ან სავარისმაღლისას, აქაც ზაფხულობით არხოტიენების ვეშაგნ დადიანა, ათვალერებენ გზას (ვეშაგნი: მეთვალყურე, მზვერავები, რომლებიც ათვალერებენ ქისტების მოსასვლელ გზებს, ან ლაშქარი ხომ არ მოვიდოდა ან მოირი ხომ არ იყო გამოსული არხოტიენების დასაზიანებლად). იმით თქვეს – აქ არ გაგვიშობენავ, რო იცოდეს, თუ ვეშაგნ არ იქნებოდეს, მენადირე მაინც ვინ იქნებოდ, ღნახევდ არხოტისკე მიმდინარს ლაშქარს, გაიქცეოდ, გასტეხდ კმას, არხოტიენები კვესურეთსა-ჯუთას გაავებიებდესა-დ შაუკრევედეს გზასა-დ გასწყვეტდეს ხალხს. ბოლოს ყობილამ უთხრ, შაონისას წავიდათავ. შაონის კორკში შავდგათაო-დ წავლაღათავ მზვერავებივ, ან იქაც ყარაულნ ხომ არ არიანა-დ ან მენადირე ხო არავინ იქნებისავ. ისენ რო დაბრუნდებიანავ, მაგვიტანენავ ამბავსავ, ასაევ წასავალივ, თუ კიდევ კვლს რა შავგიშლისავ, მემრ ჩვენაც იმ გზით მაუარათავ. შიბუღელით არხოტიენებს შიშ არ აქვავო-დ არც ყარაულს აყენებენავ. ეხლად საქმის დრონიაო, არც მენადირე ვინ იქნებისავ.

ყობილაის აზრი დიღღველთაც ყველას მეეწონ. დეემზადნეს თოფ-იარაღითა, სავკლით. წასვლაში ერთ კარ დაკლესა-დ წავიდეს. დიღღოთ გადაიარესა-დ შავანის ჭალაში გადავიდეს, შავანისას შამაიარესა-დ შიბუს კორკში დაგროვდეს. შიბუს კორკშიით აირჩიეს უფრო გამაცდილებ ახალგაზდაები, წამალაღეს მოების დასაზვერადად. მზვერავებს ნისლში გზა აერივა-დ არხოტის შიბუღელის მაგივრად ჯუთის შიბუღელე მავვერეს (შავანის კორკი, რომ მთავრდება, აქ სათავეში ქვიშიანი დეღეები არის, ე. ი. მთის გადასასვლელი დაბლობები. ორი გზა ერთი-მეორესთან ახლოა უფრო. ერთს ჰქვიან არხოტის შიბუღელე და აქედან არხოტში, ჭიმღას კორკში, მთაში გადავა გზა. მეორე ასეთივე გადასავალია ამ გზის სამხრეთ მხარეს; ამ გადასავალს ჰქვია ჯუთის შიბუღელე და ეს გზა მთაში გადავა. ერთი გზა კიდევ დასავლეთის მხრიდან გადავა ჯუთის მთაში ერთს ხევში, ამას კიდევ „ჯვართ კორკი“ ჰქვია) რაკვლც ვოქვით, არხოტის შიბუღელეს მაგივრად, ჯუთის შიბუღელე გაშინჯესა-დ მაიტანეს ამბავ, რო იქ არვინ ასაო-დ თავისუფლად შაიძლებისავ გადასვლაივ; არხოტ მიმავალს ლაშქარს არხოტის ჯვარმ აურივ გზაი-დ ჯუთისკე გადაყარ.

*დიდი ას არხოტის ჯვარი, სისხლიანს იბომს კმაღსაო,
გამამართულსა ლაშქარსა, ბადეს გახურავს შავსაო,
არ გამოუშობს არხოტა, სხვაკე აურევს ვზასაო.*

აისრ აირივ ლაშქრის გზაი, ლაშქარ რო წამავიდ, აღარცვინ იქ დაფიქრდა-დ პირდაპირ გახყევს მზვერავების ნავალს, რაიც ქვიშებზე კარგად ეტყობოდ. გადაიარეს მთაი-დ ნისლის ძალით დაბლამდენ ჩავიდეს. ერთს დაბალ ალაგში ჩასხდეს, რო ნისლიც აყრილიყვ აქ ვერცაით ვინ ღნახევდ. აიყარ ნისლიცა-დ გაკვირებულე მარხეს გზის მცოდნეები, აქ სად ორთავ... არხოტის არე-მარეს რო არ ღგავავ. ბოლოს მიხედეს, რო ჯუთის კორცში თუკლად მავსულორთავ. აბა იქით სადაღ წავიდოდეს, ბოლოს გადასწყვიტეს, რო აქითავ არხოტ ველარცაით წაოლთავ, ჯუთას დავეცნათავ, ეგ გავანადგურათაო-დ არხოტავ კლოვ დავეცნათავ. ვისაც არხოტის ჯავრი შჭირდ, იმ დილდვლებს კი ეს ამბავ არ მაეწონ, მაგრემ აქაით სადაღ წავიდოდეს, თუ ჯუთას არ დასცემიყვნეს. დაღამდა-დ ჩამავიდ ლაშქარიც ჯუთის ჭალაში. შუაღამე იქნებოდ, რო ჯუთას მაუახლოესა-დ მზვერავეები წალაღეს სოფლის დასათვალიერებლად. მზვერავებ მისულანა-დ სოფლის პირდაპირით გაუხენებავ ჯუთისად. უნახავ, რო ზოკნით იქავ სინათე გამადიოდ საკომშიით. იმ დროს ჯუთას სტუმრიანობა ყოფილასა-დ არხოტიენებიც ყოფილან აქ სტუმრად, რაკი სტუმრიანობა იყვ, ხალხი იმით არ დაწოლილ მალედ. მზვერავები დაბრუნდესა-დ ლაშქარს ამბავ მაუტანეს, რო ზოგ ხალხივ კიდე არ დაწოლილავ. ყიბილამ თქო: აქავ სტუმრიანობა იქნებისაო-დ ეგ ხალხივ გათენებამდინ არ დაწვებისავ, აქ ხო არ უნდა გავითენაო-დ გავეწყვეტივნათავ. გაყვეს ხალხ ორად, ნახევარ ხალხ სოფლის თავისას წავიდა-დ ნახევარ სოფლის ბოლოსას. პირობა შაკრეს, ვისაც გავეწყვიოთავ, თუ ტყვედ არ დაგვეჭერივავ, მავკლათავ, თუნდ კაც იყოსა-დ თუნდა დიაცივ. სახლებსავ, რასაც ცეცხლ წაეკიდების, წაუკიდათავ, რასაც არაო-დ ავხყარათავ ბანიო-დ ზედ დავსცათავ.

წამავიდ ლაშქარი, შუაღამე გადაცილებულ იქნებოდ, რო სოფელს დაეცნეს.

*იდახეს უხანოს ხანთა, ჯუთას დაეცნეს ბანთაო,
ნაგები ქურსიკაისა მაივლებს ცეცხლის აღსაო.*

სოფელს რო დაეცნენ, დაიწყეს სროლა და ცეცხლის წაკიდება სახლებისათვის. ჯუთლებმა და მათმა სტუმრებმაც დროზე გაიგეს და დაუწყეს თოფების სროლა. თან სოფლის გარეთაც გავიდნენ ჯუთლები და ართხმოში კაცი წალაღეს, მაგვეშველენითავ (ართხმო ჯუთის ახლოს არის ხევსურებისავე სოფელი, მოხევეების სოფლებთან ახლო). ლაშქარმ ჯუთას დიდ ვერა გააკეთეს, როგორც ეგონ, იმთვენ

ვერც ხალხ დაჯოცესა-დ ვერც დავლა წაიდეს იმით, რო ხალხმ დროზე გაუგა-დ სროლა აუტეხეს. ზოგ სიმაგრეებში გამაგრდ, ზოგ სახლებში. ჯუთლებიც კი დაჯოცესა-დ ზოგებმ ჯუთლებმაც თავ ისახელესა-დ დაჯოცეს დიღღვლები.

*ზენუბან მიეშველენით, თხრიან უთუათ ბანსაო,
ტირილით გადმაავლევენ ლამაზთ უთუათ ქალთაო!
ბრალი ას, ხან რო არ მისცეს უთუათ მშაველასაო.
უთუათ კიბაღაური კმაღზე ცდის მკლავის ჯანსაო,
რომენიც მაეწონების, შასწირავს მშაველასაო.*

უთუათ სახლის ბან ასთხარესა, გამასულს მშაველას თოფ დახკრეს. მშაველას ძმამ კიბილაურმ გაიგ, რო ძმა მამიკლესავ, გამეეტან ხმლითა, ერთ დიღღველს კი მაასწრ, თავ ორად გაუხეთქა, სხვებ ბანზეით დაუხტეს. მაკლული მშაველას შასწირ, თავის ძმას: „უნცროსიმც ხარ მშაველაისა, ჯღანთამც უბანდავ, წყალსამც უზიდავ“, უთხრ კიბილაურმა-დ ამასაც დააყარეს თოფები; ტყვიის ქარმ კიბილაური ბანზეით გადააგდ, დიღღვლებს ეგონ მავკალითავ, იმას ყურ აღარავინ უგდ, ადგა-დ წამავიდ; ახლა სხვას გვერდზეით მაუარა-დ კიდევ გადეეტან დიღღვლებს კმლით, ერთ ორს აქაც შამახერ კმალი-დ, ზოგ მაკლა, ზოგებ დაჭრ. მემრ კი ვედარც თავის სახლთან საით მივიდა, სხვებთან შავარდ სიმაგრეში. იმათ კი, დიღღვლებს, ნება დაშნა, უთუათ ქალნი ტყვედ მაიჭირნეს:

ტირილით გადმაავლევენ ლამაზთ უთუათ ქალსაო.

ზოგ ჯუთლებ წავიდესა გზებ შაუკრეს, ართხმოსაც გაიგესა-დ წამავიდ მღვეარი, ართხმოს გადასულ იყენეს ამლით გილანი. გილათ კვირიკა სახელგანთქმულ მეომარ კაც იყვ. ის ქვეითა წამავიდა ჯუთას, სოფელში არ მავიდ. ის მთიდიმთივ ფადუხისას წავიდა-დ დიღღოსკე გადასავალს დელეში შაკრ გზა ჯვართ კორკ ლაშქარიც გამაბრუნდა-დ წამავიდ, თან ჯუთელებ მახყებოდეს გზა-გზათა-დ აკლიდეს ერთუცს თოფებს. უთუათ ქალი ერთი გამეექც გზაშიითა-დ თოფ დახკრეს, მაგრემ იმისად თოფის დამკრავს ძალიან გაუჯავრდეს ამხანიგები – მთაში ქალის მაკვლა სირცხვილი ას. ერთ და კი მაკლესა-დ მეორე ტირილით მიხყვანდ.

ართხმოს ერთ კიდევ ცხოვრობდ, სახელგანთქმულ კაცი ჯურჭა. ეს ჯურჭა, ჯუთელი თოთელი, არხოტონ იონაი-დ სხვებიც, ზოგიერთ ჯუთლები მაზღვედესა, ხქონდ ერთუცისად თოფის კლაი; თოთელს გილათ კვირიკაის იმედ ხქონივა-დ აქ რო ვერცად უნახავ, მალ-მალე თქვისავ: აი კვირიკაო, სად წახვედივ, მე შენ იმედი მქონდაო-დ ეხლა შენ თუ დაიმალევ, მემრ კი აღარ ვიცევ, რაილ საიმედო კაც იქნებივ. ვაიმე, სადრა ხარავ კვირიკაო! თოთელს ის არ ეგონ, თუ კვირიკა წასული ასა-დ გზაი აქვ შაკრული.

დიღღველნი ზოგნი წინ მიდიოდეს, ტყვეიც იქ მიხყვანდ, უთუათ ქალი-დ ზოგები მღვეარს უბრუნებდეს, უსხდებოდეს გზაშია-დ აკლიდეს თოფს. ხედავს თოთელ, რო ლაშქარი შაუჯარდ მთასა-დ მიხყავ ქალიც. ერთს ყურეზე გასწივ, აგებავ მთაზე ავასწვრავო-დ ან ტყვე ქალ გაავაწირვივავ, ან თავიც იქ მავკლავ. თოთელმ შაუკველსწორ ლაშქრის წინას ხალხსა-დ ჩასაფრებას აპირობდ, რო კლდესთანით თოფ გამავარდა-დ წინ მიმავალ კაცი, დიღღველი გამავორდ, გამახყვ მეორეიცა-დ მეორე დიღღველ გაგორდ. გაწირეთავ ეგ ქალიც ცხენის მჭამლებო, თორე თესლად დაგლეგთავ – მეედინ – გილათ კვირიკაი ორავ. თოთელს რო კვირიკაის ჳმა მაედინ, სიხარულით ფეკზე წამახტა-დ ჳმლით გადახტომა დააპირ. კვირიკამ უთხრ: რომენი ხარავ, არ გარმაშინდავ, თოფს ისრევენავ. თოთითა ქალი დიღღველებს დაეგლიჯავ, გამაიქც თოთელისკე. გილათ კვირიკაისკე გასაქცევი აღმა აუდიოდ ქალსა-დ ვერ გაასწრობდ დიღღველებს, თოთელისკე გამასაქცევი კი ჩადმცერი მაუდიოდა-დ თოთელისკე იმით გამაიქც. ჩამაწვივ ერთ დიღღველი, დაიჭირ ქალი-დ ხანჯრით ფარავ მაშტრა-დ გაუშე აისითაი (ფარავის მოჭრა ქალისათვის მაშინ ნიშნავდა მთელი ერის შერცხვენას. ე.ი. ქალისათვის ფარავის მოჭრით დიღღველებმა ხევსურებს სირცხვილი დასდვეს. ხევსური ქალები ტანზე იცვამდნენ მარტო ერთ სადიაცოს და ფაფანავს. ორივე იყო თვითონ მოქსოვილი შალი. ამ სადიაცოს რომ ფარავს მოსჭრიდნენ, გულმკერდი გაშიშვლებული დარჩებოდა, რადგან სხვა აღარაფერი ეცვა, და ამიტომ მთის ხალხში ეს ამბავი დიდი შეურაცხყოფა იყო. ქალის მოკვლა სირცხვილი იყო მკვლელებისათვის და ფარავის მოჭრა კი სირცხვილი იყო ქალის არა მარტო გვარისათვის, მთელი მისი ერისათვის. ამიტომ მოჭრეს დიღღველებმა უთუათ ქალს ფარავი). ქალს რო ფარავ მაშტრ, გავარდ გილათ კვირიკაის თოფიცა-დ ფარავის მამჭრელ დიღღველი გულს ნატყვიარ უსულოდ დაეც ქვიშაში.

*დედამც ცხონდების ვაჟისა, ამლით გილაის ძისაო,
ქალ მავან გააწირვივა, საფიცარ ექნა მზისაო.*

აისრ გადაარჩინ კვირიკამ ეს ქალი-დ იმის მემრ ძმების მაგივრად კვირიკაის მზეს იფიცებდ. ეს დიღღველიც, რო გაგორდ, დაიქც პირჩადმ დიღღველის ლაშქარიც, რო ნახეს წინ აღარ გოქეავ წასავალივ. გავარდ ფარავმაჭრილ ქალიც თოთელსთანა-დ გულს რო აღარა ეფარებოდ, სირცხვილით პირქვ დაეც. ჩემო დაო, უთხრ თოთელმ, ნუ გცხვენინანავ, მტრის ძალ გვადგასავ. წაიყარ პერანგი-დ, აჰალეგ, ჩაიცვივ, უთხრ; თაოდ უპერანგოდ ჩოკავ ჩაიცვა-დ მაიხვივ სარტყელი.

ამ დროს აუქცევავე მჭარი-დ სათავეში შამაკდეს: ჯურხათ მარტია, არხოტიონ გაბუერთ იონაი; ჩაუსაფრდესა-დ დაუწყეს ლაშქარს თოფების ჳლაი. აღარ გაუშევეს აღმ ლაშქარი. ახლა სხვებ ჯუთლებ მაეშველნეს, დაიბრუნეს ჩადმ ლაშქარი.

*ჯვართ კორკ იონა შაბრუნდა, გაბუურისძე კარიო,
წელთ ასხავ ჩაწყულაები, ვეზნა არ უყორს ჭრელიო.
ნაკოცსა იონაისას, რაად სახელობთ სხვანიო.*

ეს გაბუურთ იონა სტუმრად ყოფილ მაშინ ჯუთასა-დ ლაშქარს ისიც გამაზღვომივ.
თოთელი-დ მარტიაცი ძმან ყოფილან სახელიანნი იმ დროს.

*ბევრი აქვ ტყვია-წამალი თოთელსა-დ მარტიასაო.
ნეტავინ მარაიხძენო, სადმერთოდ დახკლავთ კარსაო,
შახვეწებდით თოთელსა, აგებ არ აკლებდ თვალთაო.
თვალთ რო არ აკლდას თოთელსა, ახლებს დაშვევდა ცდასაო.*

ამავ სიმღერებში კარგად ას ჯურჯაიც ჩატანებული:

*ართხმოთ წამავა ჯურჯაი, ცხენს შაჯდა ბაბლიასაო,
ვედარ წაუხლოთ, დილდვლებო, მკვდარზე შაგდებს მკვდარსაო.*

აქით დაბრუნვილ ლაშქარი იქავ ჭალაში ჩამაყარეს, ავლიდეს კი თოფებს, მაგრემ ტყვია-წამლის სიხარბის გამო ბევრს ვერ; ეტყობოდ, რო ტყვია-წამალ დილდვლებსაც დახძვირდ, მაგრემ, რაკი დილდვლებ ბევრი იყვა-დ ჯუთელ ართხმოვლებ ცოტაი, იმით ვერ მიდიოდეს ხანჯრითა-დ კმალით საომრად. აქით დაბრუნვილ ლაშქარმ შიბუსას დაილაშინ (დააპირა წასვლა), მაგრამ აქაც ჯუთლებ დახვდეს ჩასაფრებული-დ დაუწყეს თოფის კლა. დილდვლებმ ძალ გაბედეს, მაგრემ ერთ-ორ კაც რო თვალწინ მაუკვდ, აქითაც ჩაღმავ დაბრუნდეს. საისკესაც ლაშქარ დაიხარ, ჯუთელ-ართხმოვლებმ წინ მაასწრესა-დ არ დაანებეს გზაი. ლაშქარს რო გზა აღარ მისცეს, თან თოფების კლით მიზდევდ ხალხი, აღარცად იყვ გზაი-დ არხოტისკე წავიდ. არხოტისკე წასულს ლაშქარს თან კიდევ მდევარ მახდევდა-დ ზოგები არხოტ წავიდეს სამთრეხლოს მთისასა-დ გააგებოეს, რო ჯუთასავ ლაშქარ დაეცავ. გამავიბრუნეთაო-დ ცირცლოვნისას მადისავ აქისკესავ. თან მახყვებისავ ჯუთელ-ართხმოვლებიცაო-დ ზოგივ არხოტივნიც არიანავ იქავ. ეხლად ჩვენ იმით წამავგვლანესავ, რო გზა არ დაანებანავ სადილლოდავ. აქით ჩვენ ვიქნებითავ, წინ არხოტივნებ დახვდანაო-დ თესლად უნდა დავლიოთავ ეს ლაშქარივ.

*კაცი ვაავდეს არხოტა, აქ რადარ გვიჭერთ მკარსაო,
თქვენკე მავიდის ლაშქარი, ნუ დაგვინებებთ გზასაო.*

არხოტიენებმ მასულს კმის გამტეხებს ხკითხეს: ბევრი ასავე ლაშქარივ, ბევრ აზარაღეს ხალხი, ტყვეებ წაასხესა თუ ვერ, ან ვინ ისახელ უფრო თავი. მასულებმაც უამბეს, რაჰელაც რა მაჰვედ, უთხრეს, არხოტიენებიც ძალიან სახელობენავ, სხვას გარდა გილათ კვირიკამ მაასწვრავ ლაშქარსავ. ქალიც იმან გააწირვივაო-დ მანამ სხო ხალხ მიეშველებოდავ, ლაშქარიც მარტომ არ აუშვავ აღმავ. ამ ამბავმ არხოტიენები ძალიან გაახარნ, რო აქაურებს თავ უსახელებავა-დ არხოტისად არ შაურცხენავ. ეხლადავ, უთხრეს არხოტიენებმ, ჩვენ ვიცითავ იმ ლაშქრისაივ, თუ აქ მაღიანავ. საჩქაროდ მამეზადნესა-დ ცირცლოვნისკე წამავიდეს გზის შასაკრავად. ამ დროს ლაშქარიც გადმაიყარ ცირცლოვანად მთიდითივ, დაიღამინ მითხოსკე წასვლა, მაგრემ ჯუთლებმ აქაც წინ გაასწვრეს ლაშქარსა-დ არ გაუშვეს. ლაშქარს ტყვია-წამალიც გაუთავდა-დ პურიც. ეტყობოდ, რო ხალხი თანთან დაუსუსტდ. ჯუთლებს ქალ-ზალ შამეწვივა-დ მაუტანეს პური. ხალხი ღონივრად იყვ. სრუ ერბოთ გაზელიდ კვალ მაუტანეს, რო ომჩიავ ღონივრად იყვნანავ. ცირცლოვან რო არხოტის სოფლებს მიუახლოვდების, აქ გზა ორად იყრების, ერთი გზა ახიელისკე წავა-დ ერთი ჭიმდისკე. ლაშქარი ახიელისკე მომავალს გზას არ გახყვა-დ ჭიმდისკე წამავიდ, აქით ნახეს, რო არხოტიენების მღევარი მადის ლაშქრისად დასახვედრად. აქ ჭიმდის კლდეში ერთი ყური ას იწროი, ერთს გვერდზედაც კლდენი ხქონ, მეორეზედაც. სათავეზედაც აისეთანივ ქარაფნი, რო აქით წასვლა სად შაიძლებისა-დ ვერცვინ აქ მიეკარების შამდგარ ხალხს. ლაშქარს რო წინ არხოტიენებ დახვედრიონა-დ უკენ ჯუთლები მახყვებიან, თან დაუსტებულ ხალხი ას, არცად ტყვია-წამალი აქვა-დ რა უნდა ქნან! ხედვენ რო მტრის კვლჩი იყრებიან, მიბრუნდ ეს ლაშქარი-დ ამ იწრო ყურეში შავიდ (ამ ყურეს ახლაც ქვია იგივე სახელი: ლაშქრის შანადგომ ყურე). ყურეში რო მაღლად ავიდეს, აქ კაც ველარცაით ვინ მიეკარებოდ, თუნდა თოფ-იარაღიდ ტყვია-წამალი სრუაც არ ხქონიყვ, ვერას ვინ დააკლებდ, მანამ შიმშილით არ გაუჭირდებოდ. ბოლოშიით რაიც არ ასავალ არცაით ასა-დ მისულს ხალხს თუნდა სრუ ქვის გორებით ამოსწყვეტდეს, ისით გვერდალი ეს ყურე.

აქ რო ლაშქარ მასულ, არხოტიენებს ველარა უქნავ, თან ვერ შახყოლიონა-დ სხოდ თოლით აღარ ჩენიღან. ერთ ღიღღველი ძალიან გვერდალში მავალ ყოფიღას, სახელად გუ ხქვიენებივა-დ მერცხალიშვიდ ყოფიღ, სიმღერეებშიაც მერცხალიშვილი ნათქვამი-დ ხალხიც მერცხალიშვილობით უფრო იცნობს. ეს მერცხალიშვილი მამზადულას: მიავ ამ კლდეთას ავივლივ, უთქომ, ეემ ყურის სათავეში რო ქარაფნ კლდენიავ. ლაშქარს მერცხალიშვილი სასაცილოდ აუგდავ: აივლისავ მერცხალიშვილი ამ კლდეზედავ. წაუყრავ მერცხალიშვილს ჯღნები წელზე წამაუხვევავ. დაუსერავ დანით ფეჭები, წასულ ამ კლდეთას, ორნ სხვან გახყოლივან. თუ ავედითავ ხო რა კარგიო-დ თუ არა, სრუ ერთიავ, ხო მაინც

ვიცოცებოთავ. აქითავ განა ცოცხლებს გაგვიშობენაო-დ მტრის ჳელით სიკვდილსავ აქავ დაჯოცა გვირჩევაგ. ეესრ დაუსერავ დანაით ძირის ფეკები; ფეკშიშვლებ წასულ იმით, რო სისხლიან ფეკივ კლდეს გეემბისაო-დ აღარ დასხლტებისავ (არ დაუცურდებაო), ლაშქარმ ბევრმ ცად, მაგრამ სამი კაცის მეტ ვერვინ წავიდ. ამ სამმ კაცმ კი დიდი წვალებით აიარნეს კლდენი-დ შაჯდეს სათავეში. იქ ისით წვალებით ავიდეს, რო სათავეში ასულებს ბევრს გონი-დ ღონე აღარ ახყვ. კლდეებს ფეკს აწებებდ სისხლი-დ ძალიან ბევრს დაეკმარ ისიც. ორკან სამკან ისით წვრილ ღრანტებს შახვდეს გასაჯდეს, რო თოფებ გასხეს ჳიდივითა-დ ზედ გაჯდეს. იმ კლდეზე ასვლა, იმ ლაშქრის გარდა, ბევრმ მენადირემ ცად, მაგრემ ყორან არ დაეკარებისავ, კაც კი არავ, იციან. საკვირველი იმ კაცების ასვლა იქ. არც მანამდენა და არც იმის მემრ ანდრეზად არ მადის, რო აქ კაცს გაეველას. კი არა-დ ან დაიჯერას, რო აქავ კაც გაივლისავ.

მერცხალიშვილი-დ იმის ორი ამხანიგი ამ ქარაფთ სათავეში რო შაჯდეს, იქ ცოტა მიედან იყვა-დ დასხდეს, თან შიშით, თან შიმშილით, ახლა ფეკებშიით ბევრა სისხლ გამაუვიდა-დ, რო ბევრ ღონე აღარ ხქონდ. ცოტა ხანს შაისვენესა-დ რაკი გადაშჩეს, სიხარულით მალე მადონივრდეს. სადაც ამათ დაისვენეს, აქით ზედ ჩამახედავ ამლა-ახიელით მასავალს გზას. ლაშქრის გამდასვლა ამლივნებს უფრო ნელად (გვიან) გაეგ, მანამ ახიელლებს იმით, რო ახიელა ახლოს ას ჯუთით მისულებისადა-დ ამლა უფრო შორს. ამლივნებს ნელად გაეგა-დ მდევარში ნელად წამასულიყვნეს. ბერდიათ გაგა ცხენით წამასულიყვ ღვედრით, რო მიოლავ, იმოვენს დაეხჯოცავ დილღვლებსავ, რო ლაშქარს გაგანახევრებაგ.

*შამარბის გაგაის ცხენი, ოთხთავ ანათებს ნაღთაო,
მღვედრის მავის პატრონი, დავანახევრებ ჯართაო!
მუკლად მაქვ ცხენის იმედი, არც მე დაეზოვავ თავსაო!
მერცხალიშვილის ჳირიმი არხოტ ჩახყრიდა ჳმათაო,
გაგაის ნაბამს ხანჯარსა დაუმტვრევს სპილოს ძვალსაო.*

მერცხალიშვილს სახელგანთქმული თოფი ხქონდ შორს სრევითაცა-დ მართლის სრევითაც. კლდეთ თავზე ასულებმ, მერცხალიშვილმა-დ იმის ამხანიგებმ ცოტა რო შაისვენეს, მაემზადნეს. ჳიმდის კლდეთ მაღალთაკე წასავლად, იქ უნდა ასულიყვნეს, მემრ იქით ან ცირცლოვნის მხარეზე წავიდოდესა-დ ან ჳიმდის ჳორჯში ჩაიყრებოდესა, შიბუღელეს გადაივლიდეს დილღოსკე, აქ სრუ ისეთის გზებისას ხქო სავალ, რო მტერ იმათ აღარცად შახვდებოდ. წასავლად რო მაემზადნეს, ნახეს, რო თეთრი ცხენით რაიმ შამარბის ერთ კაცი, უკენ სხო ხალხ მახყვების. მერცხალიშვილმ ამხანიგებს უთხრ, რო აბა იჭირეთაო. აი თეთრ ცხენიან კაცსავ ჩემ თოფ რას უზამსავ. ძალიან შორ კი იყვ, მაგრემ თოფის იმედი ხქონდ. ორ სრევა

წამალ ჩაყარ (ორი სროლა) თოფშია-დ უფრო დიდ ტყვია ჩადე რა თოფში ჭიკად (მაგრად, ვიწროდ) ჩასულიყვ. ტყვია თუ ლადად ჩაიდებოდ, ქართულ თოფ შორს არ ისრევდ. თუ ჭიკად ჩაიდებოდა-დ წამალიც ბევრ დაეყრებოდა, შორს ისრევდ.

ეესრ მერცხალიშივილმა თავის კირიმი შორს სასრევლად გატენ, დაღლიშნ შამამავალს გაგასა-დ თოფ; რო გავარდ ნახეს, რომ მკედარ გადმავარდ ცხენზეით, იმათ ის ეგონ ქვეთუ მავკალითავ, მაგრემ გაგაის ხანჯრის ტართ მახვედრიყვ ტყვიაი, სპილოს ძვალ დაემტვრივა-დ ტანზე ქვე აღარა მახვედრიყვ. ცხენზეით ტყვიის ქარს გადმეგდა-დ რო გეგვ არაი მჭირსავ, ჩასაფრებულიყვ, მეორე აღარ დამკრანავ. მასულიყვ სხო ხალხიცა-დ ჯუთელთ მდევარი-დ არხოტიონ ხალხი ცირცლოვან სრუ ერთად შაყრილიყვ. ლაშქარ კი ამ დროს ყურეში იყვ შასული-დ არცაით იყვ მისავალი.

მერცხალიშივილი თავის ამხანიგებით წასულ, ჭიმდის კლდეთ გვერდი გაუვლავა-დ შიბუს კორკში გადავარდნილასა-დ მისულ შაონ. იქ მიუტანავ ამბავი, რა დღეში იყვ ლაშქარი. კაცებ კი შინ აღარვინ ყოფილა-დ შავანელთ დიაცებს პურიც უჭმევავე მერცხალიშივილისადა-დ იმის ამხანიგებისად. ფეკებ დაუბანავ, გამაუცვლავა-დ ძლიე მაუგონთებიან ამთვენ ნაწვალები, იმ ლაშქარშიით თავდახწეულებ დიდღვლები. მემრ გაუსტუმრებიან თავ-თავის სოფელში.

*შინ მიოს მერცხალიშივილი, დიდლოს გასტეხდა კმასაო,
გუ მარტო არ მავიდოდა, ორთ მაიყოლებს სხვათაო.*

აი, ამ ლაშქარშიით ეს სამ კაც წასულ მშივილობით. ეს დანარჩენ ლაშქარ გამავრებულ ამ ყურეში სამ დღემდინ. ჯუთელ ხალხი ნაომარი-დ დაღალული ჯერ კი ყოფილ აქა-დ, რო ლაშქარი აღარ გამასულ, წასულან შინ. იქაც ნალაშქრალი სოფელი, სახლები დანგრეული, მკედრები დასამარხავი, დიაც-ყმაწვილის მეტი არც ვინ ყოფილად იქ სოფელშია. აბა, რას იქმოდეს, რო არ წასულიყვენესა-დ არ მიეხენ თავის სოფლისად, ან როსნამდინ უნდა ეცად ლაშქარ, რო მალედ არ გამასულიყვე ყურეშიით. თან არხოტიენებმაც უთხრეს ჯუთელებს: ჩვენ ამავყრითავ ჯავრსავ მაგ ლაშქრისასავ. ვიყარაულებთავ, რო არ გაიპარნანაო-დ როსაც გამავლენავ, მემრავ ჩვენ ვიცითავ თაოდავ. ერთხანს, იქნებისავ მაშივდებისაო-დ წავლენავ. ჩვენ გამავყვებოდითავ, უთხრეს ჯუთელებს არხოტიენებმ, მაგეშველებოდითავ მკედრების დამარხვასაო-დ დაშლილის სახლების ჩაფარებასავ. მაგრემ ამ ლაშქარსავ ეესრ ვერ გაუშობთავ, თორე კლოვ უარეს იზმენავ, თუ ეეხლა არ შავანანეთავ ეს ლაშქრობაივ. ამ საუბრიდგეს ჯუთლებ წასულან. არხოტიენებმ ორს დღეს უცადეს ლაშქრის გამასვლასა-დ იყარაულეს. ლაშქარ რო მაინც არ გამადიოდ, მემრ გადასწვიტეს დაბალითებით (დაბალითება: მოტყუილებით მინდობა და მიყვანა

თავისთან) გამაესხ ეს ხალხი ყურეშიით. ერთს ახიელელს ჰადელა ექვიენა-დ დილდოს იყვ გაზდილი, დილდვლებიც ბევრი იცნობდა-დ იმათ ენაიც წმიდად იცოდ, ისრ, რო ქართულ ენა უფრო ვერ სცოდნივ (ჰადელა დილდოს გაზდილი ყოფილა, დილდური ენა წმიდად სცოდნია და ქართული დამახინჯებულად, დილდოდან რომ მოსულა, ჰადელას კვირიწმიდელი ქალი შეურთავს, სახელად ზექუა. ეს ქალი თურმე ჰადელას სწუნობდა და ხანდახან მამისახლში თურმე გაიქცეოდა. ჰადელა რომ მოიყვანდა გაქცეულ ცოლს, თურმე ასეთი დამახინჯებული სიტყვებით იცოდა ქართული ლაპარაკი და ამ სიტყვებით დაემუქრებოდა: „კვირიწმიდელთ ზაქუო, შენივ დილდოს წაიყვანებოდისავ, დილდოს ბერს თხაზე გაიყიდებოდისავ, ბერ თხაივ მარილზე გაიყიდებოდისავ. ხევსურული ენით კი ეს სიტყვები ასე ითქმევა: კვირიწმიდელთ ზექუავ, შენ დილდოს წაგიყონა-დ იქ ბერს თხაზე გაგყიდი, ბერს თხას მარილზე გაგყიდი). აი, ეეს ჰადელა მიულაღავ ლაშქრისად არხოტიენებს შუაკაცად, გამეედითავ, იარად აიყარეთაო-დ ზავ-ი ვქნათავ, შავრიგდათავ. წინწინ მისული ჰადელა დილდვლებს არ შაუტევაჲ იმ ყურეში, სადაც თაოდ იყვნეს, ხოლოთ დაბლით დაუწყავ დილდურად ძახილი; შასარიგებლად ორავ მასულივ, არხოტიონთ წამალაღულივ. ლაშქარს უძახებავ: წაედივ, მაგვშორდივ მანდითავ, ჩვენ ვიცითავ რაიც შარიგება გინდათავ. მეორედ, მესამედაც, კიდევ წაულაღავ ჰადელა არხოტიენებსა-დ ლაშქარსაც გაშჭირებევ შიმშილით. უკენობას მისულა-დ დაუწყავ კიდევ ძახილი: გამეედითავ, მე ჩავიდგებითავ თავზდებადავ. მემრ მიუყვანავ ჰადელა ლაშქარსა-დ უუბნავ შარიგებაზე. ჰადელას იმთვენ უუბნავ, რო დადნდობივა-დ გამახყოლივ ლაშქარი. ლაშქარი რო გამასულ, არხოტიენებიც აქ ყოფილან. შამაეხვიენენ მირგვლივა-დ უთხრეს: თუ იარაღს აიყრითავ შავლრიგდათავ, თუ არადა ვკოცათ ერთუცივ. დილდველნი ყველანაირად ძაღლონე გამალეულნი ყოფილან, შიმშილითაცა-დ აღარც ტყვია-წამალი ხქონივ. მეტ გზა რო აღარ ხქონდ, აუყრავ იარაღი-დ ჩაუბარებავ. მიუცავ არხოტიენებისად. არხოტიენებს წამაუყვანავ ეს ლაშქარი-დ მაუყვანავ ახიელის ძირ მინდორზე. დამსხდარ უიარაღო ხალხი-დ არხოტიენები მირგვლივ შამახვევიონ შაიარადებულები. არხოტიონს ხალხს, დილდველთ ცალკე გაუმართავ საუბარი, რა უყვათავ ეეხლადავ ამ ხალხსავ, დავკოცათაევ, თუ გაუშენათავ. ზოგს ხალხს უთქომ, რო ცოდოიავ, უიარაღოს ხალხს ნუ დავკოცათავ, ცოდოი ასავ. ზოგებს კი გაუნიავეებავ, ეგენივ ჩვენ დასაკოცლად არიანავ წამასულებიო-დ ჩვენ რაადად გაუშენათავ ცოცხლებივ. წამასულან არხოტიენები-დ არხოტის ჯვარის კარჩი შაყრილან, ბევრ უუბნავა-დ გადაუწყვეტავ, რო დავკოცათ ეს ლაშქარივ. ახიელ ერთ ციხეი დგასა-დ ეს ციხე ჰარათაი ას. („ჰარანი არის ცისკარაულების ქვეგვარი). ჰარათას ვისამ მეგობარ კაც ხყონივ ერთ დილდველი ტარშელი („ტარშა“, ქისტის ანუ დილდველის სოფელი). ჰარათ რო გაიგეს, რო ლაშქრისად თავის გაჭრას

აპრობენ, გაუკითხავ ცალკე თავის მეგობარ დილდველი-დ უთქომ: შენაო-დ თუ ვინ კიდე გტანავავ სახლისკაცებივ, ჩემთან წამეედითავ, თორე აქ კა საქმე არ მაქდებისავ. იმ დილდველს ორ კიდე მაუყვანივ თავის სახლისკაცები-დ კარათ გაუპარებიან დამითა-დ თავის ციხეში შაუყვანიან. პურიც მიუტანავ, წყალიცა-დ ციხის კარი გარეთით დაუკედავ. ლაშქარსავ პურ ვაჭმიოთავ, უთქომ ზოგებს, მშიერ ხალხიავ; სხვებ ქვე გაუჯავრდომიონ: პურ რო ვაჭმიოთავ, მემრ უფრო ცოდო არ ასავე, რო პურ-მარილში გარეულ ხალხ დაგვცოცათავ, არ დაგვცოცათაო-დ რა კაის მაქმედებიავ ჩვენდავ, აქით რო წავიდანავ, მაგვიბრუნდებიანაო-დ უარესს გვიზმენავ. საბოლოოდ გადაწყვეტილ, ლაშქრის დავცოცა. უიარაღობისა დავცოცას ბევრ ხალხ კი ზარობდ, მაგრემ ხალხმ რაიც პირ აიდ, იმას ვედარ ტეხდეს. ზოგს ჯუთას დაუვცოცეს მაკეთები. ზოგს წინანდელ ჯავრი შჭირდა-დ მაინც ლაშქრის გათავისუფლებაზედ უარს ამბობდეს.

ერთ დამე კიდევ ახიელის ძირ გაათენებიეს ამ ლაშქარს, დავცოცა საწუხროდ გადასწყვიტეს, მაგრემ დამითავ დაგვექცევისავ ხალხივ, დილამდინ მაიცადეს. დამით კი სრუ მირგვლივ ხყვანდეს მამახვეულები-დ ყარაულობდეს. მეორე დილას ყველა არხოტიენებმ დილდველებსთან მოყარეს თავი, დილდველებს ვეჭ კი ხქონდ (ეჭვი ქონდა), რო არ გვიშობენავ, გულში რაიმ აქვავ ცუდიო-დ აბა ვინ იტყოდ; თავმართლად კი საით გაიგებდეს – დავცოცაი დგულავავ. ერთ არხოტიონ მისულ ნასხდომებს დილდველებსთანა-დ ერთისად მკარზე კელ დაუკრავა-დ უთქომ: დასაკლავს კარს რაიდ გვიანობა უნდავ. ვითამ, ამ ხალხის დავცოცას ხო ვაპრობთაო-დ გვიანობა რაადად უნდავ. რომენსაც მკარზე კელ დახკრ, იმასა-დ იმის შვილს ქართულ ორთავ კარგად სცოდნივა-დ გაუგონავ ამ არხოტიენის ნათქვამი-დ გაუგავ, რო დავცოცას გვიპრობენავ. ამ მამაშვილთ ხანჯრებიც ორთავ დამალულებ ხქონივ ჩოკის შიგათი. რაკი ამ არხოტიონს ეს უთქომა-დ დარწმუნებულან იმაში, რო მაინც დაგვეცოცენავ, მაუსომ ხანჯრებისად კელ ამ მამა-შვილთ დილდველთა-დ მიუცვეთავ იმ არხოტიენისა-დ რომენმაც თქო: დასაკლავს კარსავ რაიდ გვიანობა უნდავ. ხანჯრებ რო დაუცვეთავ, ეს არხოტიონ გახქცევიათა-დ გაზდგომიან. მანამ კიდევ დასცემდეს ხანჯრებსა-დ დაათავებდეს, სხვებ არხოტიენები მიშველებიონა-დ დაუვცოციათ ხანჯრით ეს მამა-შვილნი; იმათ ისრ მარჯვედ ვერ დახოცეს, მაგრემ ვისაც მიზდევდეს, იმათ იმაზე ხქონივ გული.სხვებ ზურგთანით წასწევიონა-დ დილდველებ დაუხანჯრიან. ეხლად კი დარეულ ხალხ ერთუცშია-დ დამდგარ იარაღის კმა, ცემა, ყვირილი, ღრიალი, დილდველებს იარაღ აღარ ხქონივა-დ აბა უიარაღოდ რასად იქმოდეს, შაბრძოლილან კი. ზოგისად ქვა დაუკრავ, ზოგს კელდაკელ შადმბიონ, მაგრამ ბოლოს მაინც ყველა დაუხანჯრავ. დაუთხრავ აის მკვდრები-დ ახიელის ძირ ერთად დაუწყავ მინდორზე. ერთ დილდველივ ისით იყვისავ, რო უჩინს დამეში (ბნელ დამეში) მთვარესავით ანათებდისავ. ერთმ არხოტიონ ქალმ გაიარავ დილდოს ნატყვევარმაო-დ ნახავ ეს

არხოტის ჯვარჩი არხოტიენებს ერთ ჯარ დაუკლავ საყარემოდ. არხოტის ჯვარის ახლოს მინდორზე ყოფილ ზოგ მკვდრები-დ არხოტიენებს შორს დაუთრავ – აქავ ჯვართ ახლოს დასულდებისავ. იმეების გამორელები აოდ დაკდილანა-დ ჯვარს მაუმიზეხებიან, მკითხავს უთქომ, რო არხოტის ჯვარმ მკვდრების დათრავი შორსავ, ეგეებივ ჩემის გამარჯვებით დაკოცავ ხალხმაო-დ აქ უნდა იყონავ... მაუთრავ აის მკვდრები, სადაც იყვ, იქავ დაუწყვავ, მანამ პატრონებს არ წაუღავ. იმეებისად მატანილ საკსარ არხოტის ჯვარში მიუღავ. ზოგ სალუდეებ ქვაბები-დ ზოგი სხო რვალი. დილდეველთად აყრილ თოფ-იარადიც ზოგ კი წაუღავ საკსრითა-დ ზოგ ქვე დამრჩალ. რაიც დამრჩალ, ისიცა-დ ნახიდ საკსარიც გაუყვავ არხოტიენებს. იმის შემდეგ დაჯავრებულებს დილდევლებსაც ბევრჯელ დაუყრავ ცუდ დღე არხოტიენებისად.

**დილდევის ლაშქრის დაცემა უხიტუს ცხვარზე, საქარისმაღალ
არხოტიენების დაწევა მღვვრად და ბრძოლა ერთიმეორესთან**

მიამბო გიორგი ქიბიშაურმა სოფ. ახიელში, 63 წლისა. 1938 წ.

სოფელ ხამხაი არხოტსთან ძალიან შორს არ ასა-დ აქაურები-დ არხოტიენები ძალიან კარგად იცნობდეს ერთუცს. მესისხლეობაიც ბევრჯელ ხქონივ ერთადა-დ მემრ იქავაც შარიგებულან. კაცებ კი უკოცავ ერთუცისად, მაგრემ განსაკუთრებით დიდ ზიანიოდ კი არცად მიუყენებავ. იმით, შითურასაც ლაშქარი საკვესურეთოდ მაუმზადებავ, რო არხოტ დიდ ზიან არ მიეყენ, რაზედაც ეხლა გვექნების საუბარი.

ხამხას ცხოვრობდ ერთი სახელგათქმულ დილდეველი შითურა. შითურა ხანდიხან დილდევის ლაშქარსაც ზძლოლივას წინა-დ მხირ ხო სრუ დაუდიოდ, უსაფრდებოდ გზაშია-დ სახელის გულისად კოცდ ხალხს. ერთხან შითურამ მაინდომ დილდევის ლაშქრის შაყრაი, არხოტიონთ ადგილებისა დამილამ გავლაი-დ ბუდის კვესურების მთაში კარავანზე დაცემა (კარავანი: საიალაღე მთაზე გაშვებული ხარები და ბერწი საქონელი). შითურა ფიქრობდ, რო არხოტიენებს რო დავსცავ ლაშქარივ, ახლოს არიანაო-დ არ შამარჩენენავ, მემრ ზაფხულიავ, მამასწრობენაო-დ დამიზარალებენ ხალხსავ; რაკი ეხლა ზაფხულიაო-დ ბუდე კვესურების კარავანს გამავლალავავ, მთებზე გზას შავხკრავავ, აღარვის გამაუშობაო-დ, ერთხან თუ ბისნას გადავასწვერითავ, მემრ ველარას გვიზმენავ. ბუდის კვესურებმავ აქ არც მთის საყელეებ იციანაო-დ არც გამაგვეყებიანავ აქამდინავ. არხოტიენები მანამ გაიგებენავ, ქვე გადავასწრობთავ ჩვენს სამძღვარზედავ.

შითურამ ამ აზრით დაიბარ დილდევლები-დ შაიყარნეს იარდაში. აქ შითურამ თავის აზრ უამბა-დ ყველას გაუხარდ ეს აზრი. მეორე დღეს აისხეს თოფ-იარადი-დ წამავიდეს. შამაიყარნეს ნეთხას, ამავიდეს ჩორეხა-დ აქ დაისვენეს. აქით წინ წალაღეს მზვერავები-დ თაო შორიახლოს გახყვ ლაშქარი. მზვერავები სრუ უგზოს

გზაზე მიდიოდესა-დ იქით ათვალიერებდეს გზებს – რო აქ არხოტიონ არვინ იყოსავ, ან მენადირეო-დ ან მზირად წამასულივ. ისრ იარესა-დ ბისნის კუროზე ერთად მავიდეს ყველანი, მზვერავებიცა-დ სხო ღაშქარიც. ამავიდეს საჯარის მაღალ, აქით ათვალიერეს გზები-დ, რო ვერცად ვინ ნახეს, ჩამაიყარნეს ნასოფლარ. (ნასოფლარი ეწოდება ტანიეს. აქ ოდესღაც სოფელი ყოფილა, უფრო ქისტებისა, ახლა კი ეს ადგილი არხოტივნების ხელშია და ზამთრობით მიუდის საქონელი. ზაფხულში კი მარტო თივის დასამზადებად მიდიან. ამზადებენ თივას და დადგამენ ადგილზე ზვინებად. ზამთარში, როცა საქონელს მირეკენ, მაშინ მოაქვთ თივაც. რაკი ძველად სოფელი ყოფილა, ამიტომ ჰქვიან „ნასოფლარი“. ეტყობა კიდევ ძველი ნასახლარები; ახლაც იმავე ნასახლარებში აშენებენ საზამთრო გომურებს). ნასოფლარით წამავიდესა-დ მეორეს მთაზედ შამაჯდეს „ომანიკე“-ს დელეში. აქით კიდევ ათვალიერებდეს გზებს – ან ხალხ ხო არცად ვინ იყვ საშიშ ალაგში, ან ყარაულებ ხო არცად იყვნეს.

ამ დათვალიერებაში ნახეს, რომ ამდის მთაში შიტუს მემცხვარეებს მაუსხამ ცხვარი-დ სრუ უჭერავ ეგ მოები. აქ რაკი ცხვარი ნახეს, დიღღვლებს იქისკე წაზძლივ სულმა-დ თქვეს: ეს ცხვარ ხო არხოტივნებისა არ ასავ, ამ ცხვარს დავეცნათაო-დ გავლაღათ დამითავ. წყემსებ თუ კვლჩი ჩავიყარეთავ, ცხვარს გამავაყოლათავ თანავ, თუ კვლჩი ვერ ჩავიყარეთავ, ქვე დავკოცათავ, ვინაც გავგექცევისავ; თორე, რო გავგექცასავ ვინავ, არხოტ გასტეხსავ კმასავ. წინ მაგვასწრობენაო-დ არ გავგატანენავ ცხვარსავ. იმათ იცოდეს, რო თავის მთაში ნადგომს ცხვარ-წყემსს აისრავ პატრონობდეს, როგორც თავის საკუთარს. ზოგებმ კი თქვეს: აქით ცხვარს ისრ ვერ გავლდალავთავ, რო არხოტივნებმ არ გაიგანავ, ცხვარ ხო ჩქარად არ იდენსავ, მანამ ჩვენ ამ ორს მთაზე ცხვარს გადავლდალავთავ, მანამ გაიგებენავ არხოტივნებივ, წინ მაგვასწრობენავ, არც ცხვარს გავგატანენაო-დ ხალხსაც გვაზარალებენავ. უკეთესიავ, რო პირიქითელ კვესურების ვარავან გამავლაღათავ. მაგრემ ზოგებმ თქვეს: რაიღ პირიქით ვიდინათავ, ეს ცხვარ აქ ასავ. კვესურების ვარავანიც რო წამავიღათავ, არხოტივნებ მაინც მდევრად გამავვიდგებიანავ, თუ გაიგესავ. ბოლოს შითურამაც თქო, რო დავეცნათაო-დ ეს ცხვარ წავიღათავ, რაიც მაგვივავ, მაგვივავ. დღისით წვერი-წვერ გაიარესა-დ შიტუს თავ ერთს კვაფს ალაგში დასხდეს დადამებამდინ. რო დადამდ, ჩაიყარნეს ჭალაშია-დ გასწიეს ცხვრის ბინაისკეს. ცხვრის ბინას რომ მიუახლოვდეს, ფევის კმაზე ძაღლებმ დაიწყეს ყეფა. ვინაც მაკერკებულ წყემსებ იყვ, განზე გავიდეს, რო ცხვარს კარგა შორად მაშორდეს. ერთ-ორმ წყემსმ არ დაანებ თავი ცხვარსა-დ მასულმ ღაშქარმ აქავ დაკოცნ ისეები. ღაშქარი ცხვარს მირგვლივ შემეგვივავ-დ გამაუქქეხს ისრ, რო აქ ბევრ ხანს არ დაშჭირდ ბძოლაი, ერთ-ორ წყემს შახვდა-დ ისეებიც მაშივ დაკოცეს. ცხვარ ქოლდ უპატრონოდ დარჩა-დ გამაღალეს, ზოგებმ ქეჩებ წამაიყარეს წინა-დ სხვა ხალხი შუად-შუ ჩაუდგ გამამართულს ცხვარს

(ქეჩი: თხა ან ვაცი, თითო ფარაში ასეთი რამდენიმე ყავთ გაწვრთნილი. როცა ცხვრის გარეკა უნდათ, ქეჩებს გაუჯავრდებიან. ისინი ცხვრის წინ გაგარდებიან და გაუდგებიან გზას, მერე ცხვარიც დამწკრივდება და ქეჩებს გაყვება უკან. უქეჩებოდ ცხვრის გარეკა არ შეიძლება, ცხვრები რომ ცხვრის ფარიდან განზე გარეკოთ, მობრუნდებიან და ისევ ცხვრის ფარაში შემოგარდებიან, მთლიანი ფარა კიდევ ვიწრო ბილიკზე კი არა, შარავზახედაც არ გაირეკება. ამიტომ თხები ისე გაწვრთნილი ყავთ მეცხვარეებს, ერთი რო დაიძახონ – „ქეჩი“, მაშინვე წინ გაგარდებიან და გაუძღვებიან ცხვარს. ქეჩებს თავ-თავის საკუთარი სახელიც ჰქვიათ და ძალიან კარგად ესმით თავისი სახელი; მაგალითად, ერთ-ერთ ქეჩს „არსილა“ ჰქვიათ. პატრონმა თუ დაიძახა – „არსილაჲ ქეჩი“, არსილა მაშინვე წინ გაგარდება და გაუძღვება ცხვარს. მერე თხები მარდები არიან და მათი გარეკა ჩქარა შეიძლება, ცხვარიც ასეა დაჩვეული, რომ ქეჩებს გაუდგებიან უკენ, თუნდა ქვეც აბრუნებდას ვინ, აღარ მობრუნდებიან, ქეჩებისკე გარბიან მაინც). ქეჩები მიუდიოდ აჩქარებითა-დ დამწკრივებულ ცხვარ უკენ მიხდევდ. ამიარეს მთიდი-მთივა-დ მეორეს დილას სადილობისად ნასოფლარ ჩავიდეს. აქ ცოტა შაისვენესა-დ აუყენეს ლარტანის გორს პირადმ. მძიმე ფარა იყვა-დ მარჯვედ ვერ მიდიოდ იწრო გზებში, შეიდას-რვაასი სული იქნებოდ, სრუ ჭედლიაი-დ ბერწ ცხვარი. საჯარის მაღალაცა-დ სხვას წვერებზედაც ყველკან მეწვერე-ი ხყვანდ ლაშქარს (მეწვერე: ყარაულეები ყველგან, სადაც გადასასვლელი და გზის შესაკრავი ადგილები იყო მთებზე, ე.ი. მეწვერე ჰქვიათ მთების ყარაულს). მეწვერემ რო ნახ, მძიმე ფარა მაუდის, დაიწყეს თოფის სრევაი-დ თამაშობა სიხარულით, თან იმდერდეს „ილაღას“-ს. ცხვარიც მაღლად ამავიდა-დ შაუჯარდ საჯარის დელეს (ქისტეთისაკე გადასავალ მთას). ამ დროს შამაეწივნეს არხოტივნებიც, ზოგნი ცხვარსა-დ ზოგთ პირდაპირ გასწიეს საჯარის დელისკე.

ცხვარ რო გაელალ დილდვლებს, იქით დაქცეულეებ წყემსები პირდაპირ არხოტ მასულიყვნენ ლამითა-დ დაეწყ ძახილი: ცხვარზე დაგვეცნესაო-დ ცხვარ გაგვილაღესავ დილდველთავ, მაგვეშველენითავ. ზოგ წყემსებ ქვე დაგვიტოცესაო-დ ჩვენ გამავექცენითაო-დ თქვენ გატყობიებთავ. არხოტ ყველას სოფლებში ჳმა გატეხილიყვა-დ, ერთუცის მემჯობიას, დაქცეულიყვ ხალხი სამდევროდ. მამზადება ქვე არა ბევრ უნდოდ ხალხს, იმით რო სრუ მზას ხქონდ ერთ ჳელ ფეკსაცმელი, თოფ-იარაღიც, ესეთის დღისად არხოტივნებს. საჩქაროდ მამზადნესა-დ წამავიდეს.

*არხოტში ჳმანი ჩაყარნეს: მაგვეშველენით ხანზედა,
სამდევროდ არხოტივნები დემზადნიან წამზედა.
ოროლ პირ მასრა აისხეს, თოფებ უელავს მჯარზედა.
არხოტის ჳაღას მდევარი ერთუცს არ უცდის გზაზედა.
ზოგებ წვერისკე წავიდეს, ზოგნი საჭხუათ გზაზედა.*

საჭრუათ გზაზე წამასულ მდევარი. ცხერის ფარას შამაეწინესა-დ დაუწყეს ერთმანეცს თოფვა ცხერის ფარის გამლაღავ ღიღღვლებმა-დ არხოტივნებმ. არხოტივნებ ჩაუსაფრდესა-დ გზას აღარ ანებებდეს, მაგრემ, მეწვერის იმელით, ღიღღვლები ცხერის ფარას მაინც არ წირევდეს. ცოტაად თუ აუედითავ, ფიქრობდეს, მემრავ მეწვერე მაგვეშველებისაო-დ, როგორც იქნებისავ, გადავასწრობთავ ამ ცხვარსავ მთაზეო-დ მემრ ველარ დაგვაყრევინავ. აქ რო ერთმანეცის თოფვა იყვ, ამ დროს ზოგ ხალხ საგარისმაღალ შაკდ; მეწვერეებმ რო ესეები ნახეს, დაუწყეს თოფების კლა, რო მდევარივ წვერზე არ ამაუშვათაო-დ ცხვარ არ დაგვაყრონავ. მაგრემ ზოგებ არხოტივნებ ამ მეთოფეებს, ანუ მეწვერეებს, აკლიდეს თოფსა-დ ზოგები სხვის გზისას წავიდესა-დ მეწვერეს სათავე მაუარეს. ცხვარ ვისაც მაუდიოდ, ამ ღიღღვლებმ წაღალეს კაც, რო მეწვერე მაგვეშველასავ (ერთ ღიღღველ სახელად აშუყო ყოფილ, მაშინ ამ ცხერის გამლაღავი. მემრავ ისივ არხოტ დავიდოდისაო-დ გვიამბისავ მაშინდელ ღაშქრობაივ, თქვიან წინათ. აშუყომ თქვისსავ: თოფის კმა რო გავივონეთავ, ჩვენ მეწვერე თამაშობსავ, გვეგონაო; რო გადმაგხენეთაო-დ არხოტიონთ თოფნი ელევდესავ, მაშინ დავანებეთავ ცხვარსავ თავივ. ერთმ ღიღღველმ იძახავ: ხთის ნაცემიავ ჩვენს თავსავ, ჩვენ მეწვერე კი არავ, არხოტივნებ მასულანავ). გადახენესა-დ „მტყელ ზალტიანნი თოფნი ელევდესა-დ ნიშან თავნ ბრუნევდეს” (ეს სიტყვები არის აშუყოს მიერ ნათქვამი. მტყელ ზალტიანნი თოფნი და ნიშა თავები. მაშინ ღიღღვლებს თოფებისათვის წვრილი რგოლები ცოდნით სალტედ, არხოტივნებს კი ბრტყელი სალტეები. ნიშა თავი: მელიტი თავი. ასეთი თავები არხოტივნებს უმრავლესობას ჰქონდა) მაშინ უძახებავ ერთ ღიღღველს, რო ჩვენ საქმეივ ცუდად ასაო-დ თავ დაანებეთავ ცხვარსავ, თორე სრუ გაგვეწვეტენავ. ღიღღვლებმ, რო ამთვენ წვალემა ტყუილად დახკარგესა-დ ცხერისად თავს მაუნდ დანებება, რაიც დიდ დუმიანებ ვერძებ იყვ, ხანჯრებით დაშტრეს აი დუმაები ცოცხლებს ვერძებს. გააცვეს არგანზედა-დ გაისხნეს მკვარზე შინ წასადებლად. ზოგი ჯავრით ხანჯარს დასცემდ ცხვარსა-დ კლდეზე დააგორებდ მკვდარს. ზოგებ კი იმას ეუბნებოდეს: დუმეებ კი არავ, თავებიც აქ დაგჩებისთავ, ცოდლი ასავ, დაანებეთავ ცხვარსავ თავივ. გაიარეს ამ ღიღღვლებმაცა-დ მეწვერეებს შაუერთდეს, ზოგებ კი გაიპარნეს სხვის გზისას, მაგრემ აქაც არხოტივნებს გზაი ხქონდ შაკრული-დ არ გაუშვნეს. გაჯდ საგარის დელეს თოფების კლაი.

*ომ იქნა საგარის დელეს, ნისლები წვება მთაზედა,
კვამლი გავიდა კვამლშია, ბოლი გაირთხა ცაზედა,
მაურებ სჭეხს საგარეზედა, კირიმებ – თავის კმაზედა.
დაჭურდეს თოფნი სტამბოლნი, ტყვია ჩამადის ფარზედა.
თოფმა აჯობნა სიათამ, ტყვია აღალა ძაღზედა.*

ისით ბევრ თოფის კლა გაიმართ, რო ზოგის ჯიშის თოფები სრუ ამამჟგვარდლა-დ აღარ ისრევედეს ტყვიას, ზოგებ თოფებ კი თავისთავად იწმიდებოდეს ტყვიისაგან. ზოგებ თოფებ ისრ დაჭურებულან, რო კელ აღარ ეკიდებოდავ. ღილღველნი სანგალში მსხდარანა-დ იქით უსრევავ (სანგალი: ქვებისაგან შემოღობვილი საფარი, საიდანაც თოფს ისვრიან და მოფარებული არიან). არხოტივნებ უფრო მაღლა ყოფილან ჩასაფრებულ-დ იქით უკლავ თოფები. ისეთ თოფის კმა ყოფილ გამბული, რო საჯარის ღელით არხოტ მამდინარ, ცა რო დაიქუნებსავ შორადავ, ეგერ გურგულ გაიღისავ ცაზედავ თოფის კმამავ, - იცოდიან წინათ. სადილობაში შამბულ ომივ წუხრიხან მავიდავ, იქავ ომ იყავ გაჭურებულივ. აშუყომ თქვისავ: ჩვენავ დაღამებას ველოდითავ, დაბლად ვისხედითათ-დ ღამითავ არხოტივნები ველარ გენახევდესავ. ჩვენავ ქვე ვღნახევდითავ არხოტივნებსავ ცის ტატნადავ მაღლა ნახდომებსავო-დ მაშინ ვაზარალებთიდავ (ზემოთაც ვთქვით:რწაშუყო ერთ-ერთი ღილღველი იყო, რომელიც ამ ღაშქარში ერია, ამ ღაშქრობის შემდეგ ის დამეგობრებულა არხოტივნებს, ხშირად თურმე მიდიოდა სტუმრად არხოტში და, სხვათა შორის, ამ ღაშქრობის ამბებსაც უყვებოდა არხოტივნებს). დაჯოციით მაშინ ბევრ არ დაჯოცილ, არც ღილღველები-დ არც არხოტივნები. იმით, რო ყველა ჩასაფრებული ყოფილასა-დ ტყვია მარჯვედ არცაით ხვედრივ. ერთ ღილღველ მაჟჯდომივ კლდესა-დ მარაიხდეთ სისკარაისად უკლავ თოფი; სისკარაიც მენადირეი-დ ძალიან კა მეთოფე კაც ყოფილა-დ ამასაც უკლავ – ორნივ ჩასაფრებულნ ყოფილანა-დ ვერც ერთს დაუკრავ, ვერც მეორეს (სისკარა გვარად ოჩიაური იყო). რას შჩადივ, სისკარაო, უძახებავ ამხანიგებს, ტყვია-წამალს ნუ ხარჯავავ ტყუილადავ, დააცალეფ, რო ამაჩინდასავ. უცლავ სისკარასა-დ ქუდ ამაჩინდავ ღილღველსაივ. სისკარას ძალიან მართალ თოფ ხქონივა-დ უსრევავ. აი ქუდივ შორს გაისრივავ ტყვიამავ. მაუტყუებავ სისკარაი, ქუდი არგნით ამაუჩენავ, სისკარას კაცის თავი ღგონებივ (არგანი: ჯოხი, რომელსაც კლდეში სიარულის დროს ხმარობდნენ მონადირეებიც და ასეთ ამბებზე მოსიარულე ხალხიც უჯოხოდ არ წავიდოდა). გამავარდავ იმის თოფიცავ, თქვის სისკარამა-დ ზედ გაღმამაშალავ აი კლდის ნამტვრევივ. მაუსწვრავ კიდე სისკარას თოფის გატენაი-დ დამჯდარ ჩუმაღ. კარგა ხანს რო გამავიდავ, კიდე ამაჩინდავ ქუდივ, გაუგავ სისკარას, რო ის ქუდი ჯოხითავ იყვ ამაჩენილი-დ აღარ უსრევავ. ღილღველს უფიქრებავ, რო აღარ მესრივავ, ქვეთუ მავკალივ. მეორედ ამაჩენილ ქუდი-დ თეთრად შუბლიც ამახყოლივ თან. ამ დროს სისკარას დაღიშნებულ ხქონივა-დ დაუსხლეტავ თოფი. თოფ რო გავარდავ, ლეგადავ ტვინ შაასხავ აი კლდესავ, თქვის სისკარამ. შუბლში მახვდრივა-დ თავ გაუხეთქავ ღილღველისად ტყვიას. მემრ სხო ვინამ გამახკიდებივ, მე მავკალი-დ ხალხს გაუმტყუილებავ ისი – მავ ღილღველსავ სისკარამ დახკრავ თოფივ.

მაკლულსა სისკარაისას რაად სახელობთ სხვანიო.

ზოგ სად ვინ ყოფილ ჩასაფრებული-დ ზოგი სად, უკლავ ერთუცისად. ამ კლაში დაუჭრავ ერთ ამლიონი მინდიაი. მეორეიც იქავ ამლიონ დაუჭრავ ხომიზურაი. მინდიას მკარს შჭირებივ ნატყვიარი-დ ხომიზურაისად თავ გაუღარავ ტყვიას. თამარიზძე ხომიზურაის ძმა ყოფილა. რო უნახავ, ხომიზურასავ ტყვია დახკრესავ, წამამფრინდალა-დ გაქცეულ, პირდაპირ ღილღვლების სანგალში გადამხტარ. გაქცეულს შამაუყენებავ თოფი, იმას ის ღვონებივ ფეკზე შამავაყენევ, მაგრემ აჩქარებულს ამეცილა-დ ფიცარზე შამევედ (ქართულის თოფის ჩახმახს ისეთი მოწყობილობა ჰქონდა), ქვე მამკვდარ. ხომიზურა იმთვნად მაგარ კაც ყოფილ, რო არხოტამდენ იქავ ფეკით უვლავ სასიკვდილოდ დაჭრილს.

*ბრალი ას, გიორგაისძე ურხოდ დაიჭრა ტანზედა,
აგვრავ მინდიაისად, არწივ დაკოდეს მკარზედა.*

ომ რო გათავდ, დაბრუნდეს არხოტივნებიც. საკაცით საზიდავად მარტო მინდია გაუტდ, სხვებ კი ყველა ფეკით მადიოდ. დაჭრილ ხომიზურაიც კი ფეკითავ მავიდოდ. იმთვენ დარჩ ღილღველის ყარწიკაი-დ სასაგძლე, რო ძლივ წამაიდ ხალხმ (ყარწიკა: შალისაგან არის მოქსოვილი, მერე მოთელილი, ამას მთიელი ხალხი ნაბდის მაგიერ ხმარობდა და სატარებადაც მსუბუქი იყო. მას მოხეურად ყისინა ქვია).

*ამავათ გულა-ნაბადსა ნასოფლარ ყოფდეს ბანზედა,
ცუდად ქნეს, წილ არ დაგვიდვეს, ვერ მავვიხვედით ხანზედა.*

ცხვრის პატრონებიც მავიდეს აქა-დ დააბრუნეს თავის ცხვარი. წუხრ მდევარიცა-დ ცხვარიც ნასოფლარავ ჩამავიდ. გათაულ პური ხქონდ ხალხსა-დ დადალულ-დაოსებული იყვ (დაოსებული: დაქანცული). დააგზეს დიდ ცეცხლი, ამ ღამეს აქ დარჩეს. ღილღველთ დაწირულ ყარწიკები-დ სასაგძლეებ გაიყვესა. ზოგ კი ჩიოდ, რო ჩვენავ წილ არ დაგვიდვესაო-დ ცუდად ქნესავ. წილ არ მიუცავ იმეებისად, ვინაც დაგვიანებით მასულასა-დ ომში მონაწილეობა ვერ მიუღავ. ამ ღამეს ტანის ნასოფლარ დარჩ მდევარიცა-დ ცხვარ-წყემსიც. მეორეს დილას ახყარეს ცხვარი-დ გამალაღეს შიტუსკე. ოშანიკის ღვლე გამაავლიეს კალოთანის წყალზე ჩამაყარეს. აქით კი მემცხვარებმ თაოდ გაღალეს შიტუსკე თავის ცხვარი. ის მწყემსებიც, რომნებიც აქავ ადგილზე დაეკოც ღილღვლებს, მემცხვარებმ გადახკიდეს ცხენებზედა-დ წაიდეს თავის სოფელში დასამარხავად. პურ კი მიაგებეს გზაზე დიაცებმ, როსაც თოფის ჳმა აღარ მადიოდ, ომ გათავდავ გეგვ დიაცებსა-დ წამასულიყვნეს შაშინებულები.

აჭვათ ლაშქარი
შიშნია (იბივე მინდია) ბალახურიზძისაბან
არხოტ მომავალი აჭვათ ლაშქრის დაბრუნება

მიამბო გ. ჯაბუშანურმა სოფ. ახიელში, 52 წლისამ. 1935 წ.

*„მამა გემდურის მინდიაგ, შვილო უჯეროდ ხარო,
აჭვათა, არხოტივინებსა, შენ აუშალე ზავიო“.*

იმ დროს, როსაც მინდია, ანუ შიშნია ბალახურიზძე, წამაიზარდა-დ ვაშკაცობის სახელ გაითქე, ღილღველთ აჭვათა-დ არხოტივინებმ ზავ დადვეს. კაც-შუაკაც შაიყარა-დ შარიგება გადასწყვიტეს. ერთ ჯარ დაკლეს შარიგების დროს. პირობა დადვეს, რო ძველ სისხლივ რაიც იყავ, ყველამ დავსთმათაო-დ ახალს ნუღარას ჩამავადებთავ. თუ ისეთ უტკო ვინ გამაჩინდავ, რო ეს ჩვენ დადებულ ზავ ჩაშალავო-დ კიდევ საქმე რა დალივავ, ისით კაცივ პირში მივსცათავ, ნუ დავღმალავთაო-დ, თუ ის მესისხლეთ მაკლესავ, მდევარ ნუ გაუდგებთავ, ნუცად თავ-სისხლ იქნებისავ ზავის ჩამშლელის მაკვლაზედავ. თუ ზავის ჩამშლელ კაც დავმალეთავ, მაშინ თემმ ავასავ პასუხივ ხალხსთანავ, თუ ამას ცუდ რა მახყვავ. ზავ დადვეს, მაგრემ ამ დროს მინდიას ვალ მიუდევდ აჭვათ ე.ი. სისხლ ემართ მინდიაისი. სოფელი, თემი სთხოვდ მინდიას, რო ჩვენის ხათრითავ სისხლს თავ დაანებევ, ზავს ნუღარ აგვიშლივ; მაგრემ მინდია სისხლის დათმობის გუნებაზედ არ იყვ; თუ აქამდინ ყმაწვილ ვიყავივ, არა შამეძლიყვავ, ეხლადავ იარად ავილიო-დ არ შავარჩენავ. ღილღო უფრო ახლოს ას არხოტსთანა-დ აჭვან შორს არიან. აჭვაში წასვლა შურის საძებრად ძალიან ძნელ საქმეი ას. შორ გზაი ასა-დ მემრ, სრუ სამტროი. მინდიას დედ-მამათ იცოდეს, რო მინდია იქ ემზადებოდ შურის საძებრად, ბევრს ეხვეწებოდეს ნუ წახოლავ, ნუც ხალხის პირს გასტეხავ, დადებულს ზავს ნუღარ აუშლიო-დ, მეორე ისივ, რო იქ წასულივ ცოცხალ ვედარ მახოლავ, შორნ გზანიას-დ სრუ სამტრო-სისხლიანნივ. მაგრემ მინდია მაინც აჭვათ ჯავრს არ იცილებდა-დ წასვლას აპირობდ. ბოლოს გაიპარ მარტო მინდიაი, ღილღოს გაიარა-დ ჩავიდ აჭვაში. აჭვაში სოფლის ახლოს ჩაუჯდ წუხრიხან. რო მავიდ სოფლის პირში, საფეხენოში ფეხონ შაიყარ. ისხდეს, საუბრობდეს. მინდია ვედარ იცდიდ, ხანდიხან მეემზადის გადავეტანებივ კმლითავ, ერთ-ორს ქვე მავხკლავაო-დ მემრავ ნიადევ აღარ გამიშობენავ ცოცხალსავ. ნიადევ მამკვლენავ. მემრ უფიქრებავ, რო დავაცალაო-დ ხალხი რო შაცოტავდებისავ, მემრ იქნება დამჩასავ დროივ, რო გადავშიავ ცოცხალივ. მაიცად დადამებამდინ. რო დადამდ, მაშინ სრუ ახლოს მიიპარა-დ ჩაჯდ საფეხენოსთან. როსაც წავიდ-წამავიდესა-დ ორ კაც დარჩ საფეხენოში, მინდია ადგა-დ წყნარად მივიდ იმათთან. უჩინ ღამე იყვა-დ იმათ ღილღველ ვინამ ეგონ მისული. საუბარში ყურადღება არ

მიუქცევავ. მინდამ თავის ხანჯარს გაიკრ ველი, ერთს კისერში დახკრ რაიც ძალი ღონეი ხქონდა-დ იქავ თავმაჭრილი დაეც, მეორეს წვერით გულში ჩასცა-დ ისიც იმაშიავ მაკედ. მინდია გადმახტა-დ წამავიდ ისრ, რო სოფელში ვერცვინ ვერ გაიგ ეს ამბავი. მინდია სრუ ისითას გზაზე წავიდ, რო მდევარი იქ ეჭვს არ აიღებდ, იმ გზაზე არ დაედევნებოდესა-დ მშვიდობით გადაშჩ.

სოფელში შასტანებისარ, ვეხონს გაუჭერ თავიო.

ღიღველებმ კარგა ხანს ვერ გაიგეს ეს ამბავი, როსაც ეს ორ კაცი შინ აღარ მივიდ, დაძიესა-დ საფეხნოში დაჯელეს დაჯოცილები; გატყდ სოფელში კმაი-დ გამაუდგ მინდიას მდევარი, მდევარ გზაზე მიდიოდ, მინდია კი სრუ უგზოთას წამავიდა-დ ასცდ მდევრის სავალთ გზათ. მდევარმა ბევრი იარ, ბევრი იწვალა-დ მაინც ვერ გაიგეს კვალი, საისკე წავიდ ეს ორის კაცის მამკლავ მტერი. ეჭვი მაშივ მინდიაზედ ხქონდ, ის იქნებოდავ. დაიწყეს აჯვათ აქ სიარული-დ ძევა არხოტივნებში, იქავ რო ეს ამბავ მახჯდავ, მაშინ სად ვინ იყვავ. არხოტივნებმ იცოდეს, რო იმის მაქმედ მინდია იყვ, მაგრემ მაინც არ ტეხდეს, არვინ აკლიყვავ, მაშინავ აქაურ ხალხივ სრუ შინ იყვავ, ეუბნებოდეს. მაგრემ სოფელში ავის ენის კაცი არ გამაიღვეის, ჩუმად ვინამ უთხრ, რო იმ დროსავ მინდია არ იყვ შინაო-დ ეგ იქნებოდავ. წავიდეს ამ ამბის გაგებაზედ აჯვანი შინა-დ წასვლაში თქვეს, ეეხლად ჩვენ ბრალ ნუღარ ასავ, ზავივ თქვენ აშალეთაო-დ მამკლავიც არ გვითხართავ. არხოტივნებმ უთხრეს: ჩვენავ ჯერაც არ ვიცითავ, ვინ ასავ მამკლავივ; რას გეტყოდითავ, ეეხლაც არ ვიცითავ, ვინ რა მაგატყუვათაო-დ ვის ტყუილ დაიჯერეთავ. იმ დროსავ მინდიაცი შინ იყვაო-დ ყველა ხალხივ, თუ ძალად შარი-დ მიზეზ ვინდათავ, თორე ეგ მართალ არ ასავ. არხოტივნებს უნდოდ ამის დაფარვა, მაგრამ ავენა კაცისგან ნათქვამი ხქონდა-დ აჯვათ აღარ დაიჯერესა-დ მუქარაზე წავიდეს.

არხოტივნებმ იცოდეს, რო ეეხლდავ აჯვან არ მისვენებენავ, ან მზირ წამავავ კაცის მასაკლავადაო-დ ან ლაშქარად დაგვეცემიანავ. მინდიასაც დაემდურნეს: აღარ უნდა დაგვეცოცავ კაცებივ, ცოტახან მაინც ზავ გვექონიყვავო-დ თავისუფლად ვყოფილიყვენითავ, თან კი იმასაც ამბობდეს: ჩვენი-დ ღიღველთ ზავივ თოვლით წყლის გუბებას დგავავ, რო გადახეთქსავ წყალიო-დ გაივლისავ, ჩვენ ევენ მაინც არ დაგვინდობენაო-დ ახიავ მაგათადავ.

აქამდინ თუ ზავი იყვა-დ არხოტივნებ თავისუფლად ივენეს, ეეხლ გაუჭდ იქავ საშიშ ამბავი-დ საჭირო გაცდ მოხილად ყოფაი. მალ-მალედ ლალევდეს მთებზე ვეშაგთა-დ ათვალთერებდეს ღიღლოსა-დ ლაშქრის მასავალს გზებს. რაკი ზავის აშლა მინდიასგან მახჯდ. მინდია უფრო აღარ ისვენებდ, ყარაულობდ იმათ მისავალს გზებს, უნდოდ, რო

არხოტიონ ადარვინ მამკედარიყვა-დ იმის მიზეზითა-დ თაოდ მინდიას გადახკდენიყვ, რაიც გადახკდებოდ. მინდია ხან ტერდის წვერ წავიდისა-დ იქით ათვალიერებდის დილდოსა-დ აკვით მასავალს გზებს. კეებ ძმობილები ხყვანდიან დილდოსა-დ ხანდიხან ჩუმად იქ წავიდის, დამით მივიდის დილდოს ძმობილსთანა-დ დამითავ წამავიდის. იქით იგებდ ამბავს, ემზადებოდა ვინ თუ არ არხოტისად დასაცემლად. ბოლოს ძმობილ დილდველმ უთხრ, რო არხოტისად დასაცემლადავ აკვან ემზადებიანაო-დ მოხილად იყვენითავ. მინდია წამავიდა-დ ეს ამბავ არცვის არ უთხრ. მე სანადიროდ მიოლაო-დ მტრის მასავალს გზებსაც დავათვალიერებავ, მხოლოთ მოხილად იყვენითავ, რო მტერმ არ დავაზიანასთავ. თუ გაუვიგ, რო მადიანავ კი, თქვენთამდენ არ მაუტყეავ, თუ არა, თქვენ იცითავ. მინდია რო ჭალაისკე იყვ წასული-დ იცოდეს იმის ამბავი, იმას ვერ შამაეპარებოდ გაუგოდ, არხოტივნები მაშინ სხვა გზებს ათვალიერებდეს, საითაც დილდველების მასავალი იყვ. ჭალაისკე მინდიას იმედი ხქონდ (ჭალა: ჰქვიან არხოტიდან დაწყებული დილდველების საზღვრამდინ, „ოჯახის სათიბეთამდინ“. მას ეწოდება „არხოტის ჭალა“. ეს ჭალა არის ვიწრო, ტყიანი. მიდის მდინარე ასა. ტყე აქ ფიჭვია უმრავლესობა, აგრეთვე არის არყი და ცაცხვიც. საზღვრიდან დილდველის სოფლამდინ არის ადგილი: დუქე – ძალიან მდიდარი ტყით, მერე დილდოდან იწყება: „დილდოს ჭალა“. ასე არხოტივნები ჭალას რომ იტყვიან, ეს უკვე გასაგებია, რომელ ჭალაზე არის ლაპარაკი. დილდველებიდანაც ამ ჭალიდან უფრო მეტი შიში ჰქონდათ, რადგან აქ სოფლები ახლოა არხოტთან, დილდველებისა და ხშირ შემთხვევაში ამ მხრიდან ეცემოდნენ და აზიანებდნენ არხოტივნებს). ჭალას ერთ იწრო შამასავალ გზაი ას, ისით, რო წყალი ძლივ ეტევის კლდეთ შუაში, გაკეთ-გამაიკეთით ქარაფნ კლდენ-ი ხქონ, იმით ხქვიან ამ ადგილს „სადრომნი“, რო გასადრომი პირდაპირ კლდეთ შუაში, ორ მთა ერთუცზე კინად ას გამბული, ჩაეს მარჯვენაზე საძრომთ დიდ ეხი-ას (გამოქვაბული). ისით დიდი ეხი, რო ორ სამის სახლის ოდენი. იმ ეხშით დილდველთ მასავალ გზა შორითავ ჩინს. ეხის კარში ქვით აგებული სანგალი, რო აქ მტერ ვერას დააკლებს, თუ ტყვია-წამალი-დ გულ შაშჩ. თაოდ კი ერთ კაცი მძიმეს ჯარს გაუძღვების. იმით, რო ერთ საცალფეხო გზაი, სხო გზა აქ არცაისას არ ას. აი ამ საძრომთ ეხში ბალახურიზძე მინდია ძალიან კშირად იჯდა-დ ყარაულობდ დილდოთ მასავალთ გზათ.

ამ დროს აკვაშიაც შაიყარ მძიმე ლაშქარი-დ წამავიდ საარხვატოდ. დილდველებს კი სთხოვეს, რო არხოტ ნუვინ გაავებებთავ, თქვენავ ცოტა ცლანგიან ენაი გაქვთავ (ცლანგიანი: დაუნდობელი).

*დაჯავრებულითა აკვათა მძიმე შაყარეს ჯარიო,
ქრთამად აძლიეს დილდველებსა სოფლად თითოი კარიო.
ნუ ვინ ვაგვეცემდით არხოტში, ენა ვაქვთ ცლანგიანიო.*

აჭვათ ლაშქარმ დიღლო შამაიარ. ნეთისკარს რო შამასცდეს, ცოტა შაისვენესა-დ იქავ გამასწიეს. ლაშქარი – ცხენოსანი იყვ უფრო ბეერი ხალხი, ცოტა ხალხი ქვეითად მაღიოდ გზების მასაკრავად; ცხენიან ხალხ კი ცხენდაცხენ შაჭრას აპირობდეს არხოტის სოფლებში დღისითაუა-დ აისრ გამტვერებას სოფლებისას. ისენ ფიქრობდეს: ცხენებით ერთბაშად დავეცემითავ, რო სრუ დაიბნევისავ ხალხივ. მანამ ისენ ჰელს შამაგვიქცევენავ, ჩვენ გავანადგურებთავ კიდეცაო-დ დავბრუნდებითავ ცხენდაცხენ საჩქაროდავ, ქვეით ხალხ გამამდგარს მდევარს შაუკრავსავ გზასაო-დ, არ გამაუშობსავ. ამ მიზნით დღისით მაღიოდეს ცხენდაცხენ. თუ გზაში ვინ შაგვხვდებისავ, იქავ მავხკლავთავ, რო არხოტ მაცნე არ გაგვივიდასავ. აი ამ მიზნით მამდინარ ლაშქარი, შუადღის დრო იქნებოდ, რო საძრომთ მავიდ (ამ ადგილს ორი სახელი ჰქვიან: „საძრომნი“ და „ტახე“). ტახეს ყველაზე იწროდ ზის არხოტის წყალი-დ ყველაზე მეტად აქ უჭირს ცხენს გასვლა. ამ დროს შიშნაიც, ანუ მინდია, აქ იჯდ საძრომთ ესში, ლაშქარი აჩქარებით მავიდ წყალსთანა-დ წყლის სიდიდის გამოთ შააყენეს ცხენები. ამ დროს საძრომთ ესშით გამავარდ მინდია – ს თოფიც, ესშით ჰელჩამ ცერად საჯლელი ას გზაში, ისრ რო, ნასრეე ტყვია კაცს თუ მახვდ, იმისად განავარდნი ცხენსაც მახვდების მინდიას თოფის ტყვია, წინა ნასრევი წინამძღვარს მახვდა-დ იმისად განავარდნი ცხენსაც გაღვარდ, ცხენ, კაც ორივ წყალში დაეცა-დ წყალმ წაიდ. მეორე გამავარდა-დ მეორე კაც გაღმავარდ ცხენზეთ. ისრ ჩქარ-ჩქარად ესრივ მინდიამ, რო ლაშქარს ბეერ ხალხ ეგონ, აირ-დაირივნეს ერთმანეცშია-დ ვინაც ვის გაასწრობდ, დაიქცნეს უკუღმავ, მინდიამ სამი-ოთხის მაკვლა კი მასწვრა-დ სხო ხალხ კი წავიდ ისრ, რო ვეღარც კი გაიგეს თოფის სრევაი. დიღლოს ჩასულებს ეთქვ: არხოტივნები ისით იწრო ჭალაში დაგვხვდესავ, აღარცაით არ გვექნავ გასავალივ. იმთვენ ხალხ დაგვხვდავ, რო მიწას უმძიმდავ. მართლად კი მარტო მინდია შახვდ. მაშინდელ სიმღერე:

1.

*არხოტის ჭალას აჭვათა ხვადთ მანათნეს ნაღნიო.
 ესშით თოფი გამადის, ბალახურიზძე ვარიო!
 ჰერამა შიშნაისამ ტყვია დაღალა ჩქარიო,
 კაცს დახკრა, ცხენსაც გაღვარდა, წყალს მიაქვ აჭვათ მეღვარიო.
 ჯერ აქ მე გაჭმევთ სადილსა, მემრ მავლენ არხოტ ყმანიო,
 ნუმც შაგეკსნების შიშნავ ბალახურიზძეე ჰმადიო,
 ნუმც გაგვიტყდების ჰერაი არხოტის რკინის კარიო,
 ნუ დაიცილებთ შიშნიას, საცა დასხდების ჯარიო,
 შანდობა ბალახურიზძეს, არხვატს შააბა კარიო.*

2.

*სადრომთ შიშნია დაგიხვდათ, ბაღახურიხძე გვარადა,
არ შამავიშობთ აჭვანო, არხვატს შავემბი კარადა,
ჭერაი შიშნიაისა ტყეიას დაღლაღლავს ჩქარადა.
აჭვათა ცხენ-კაცისაი მკვდარი ჩაყარა ჩაღადა.*

მინდიას რო ლაშქარი დაუბრუნებავ, მასულ ნასახელარი-დ არხოტიენებს სახელ მაულოცავა-დ მადლობა გადაუკვდავ ლაშქრის დაბრუნებისად.

ლეკის ლაშქარი კისტან

მიამბო დ. ლიქოკელმა 50 წლისამ, სოფ. ქობულო, 1937 წ.

კისტნელს ვისამ ლეკეთში კაცებ დაუკოცავისა-დ ლეკებს იმით შჭირებივ კისტნის ჯავრი. ლეკეთი კისტანსთან ძალიან შორს ასა-დ იმით ვერცად საით სამზირლადა-დ კაცის მასახელავად უდენავა-დ დიდხანს დამრჩალ ეს ვალ, რო ლეკებს ველარ უძებნავ შური. მაგრემ ლეკებმ დიდხანს იცოდნეს ჭირის დახსონებაი, შვილ თუ არ, შვილიშვილ მაინც მაიგონებდა-დ იძებნიდ მამ-პაპათ ჭირს. ას ნათქვამი: ერთ ლეკმავ ასი წლიდგეს იძებნავ ჭირიო-დ კიდევ ავჩქარებულორავ – თქოევ. დახლოებით შვილის შვილ იქნებოდა თუ კიდევ იმის შვილი, კისტნელთ მაკლულის ლეკებისა, ერთ კაი ახალგაზდა გაზდილ. ის ლეკი მამით მალე დაობლებულა-დ დედას გაუზდავ. დედა ძალიან კა დიაც ყოფილასა-დ ქმრის სიკვდილიდგეს აღარ გათხოილ. ერთ ვაჟ დაშჩომივ მუცელთა-დ ქმრის სიკვდილიდგე გაშჩენივ. ამ ლეკს ყმაწვილობითავ ეტყობოდ, რო აუცილებლად სახელიან კაც გამავიდოდ. დედაიც იმას ძალიან კარგად ზდიდ. იმას საჭმელსაც ცალკე უმზადებდ. რაც ამ ყმაწვილმ ჭამა შაზძლ, დედა არხეულის წმიდის ფქვილს ზისცვრით (რძით) მაზელდ, იმას გამააცხოზდა-დ აიმ პურს აჭმევდ სრუ. დილ-დილას გრილს წყალზე გაღბანდ ზამთრისაცა-დ ზაფხულისაც. მემრ მკლავებს დაუხელდა-დ დაუპოხდ კარაქით. ვინაც დედა შვილს მეომრად ზდიდ, ესრ სცოდნივ გაზდა წინანდელს დედებს. იმით ას მაშინდელ ნათქვამი:

*ბაღხი ყმა ბაღხმა დედამა გაზარდა საადიმოდა,
მკლავნი უზილნა, უპოხნა, ვავ ზავნა სანადიროდა.
შინამც ნუ მახოლ ცოცხალი, თუ მოყმემ გინადიროსა!
– ამინ, ნუმც მაოლ დედაო, თუ ერთმ კი მინადიროსა!*

ესრ გაუზდავ დედისერთა ლეკი-დ ძალიან სახელიან ოშკაციც გამასულ. ჯერ ჯიკვებზე დაუწყავ ნადირობა, მემრ მარტოს უვლავა-დ, სადაც ვის ქრისტიანს

გვეწოდ, კაცებ უკოცავ. მემრ მზირთად დაუწყავ ძლოლაი-დ მზირით ხალხის კოცა. ბოლოს დაუწყავ ლაშქრის წინამძღვრობა. ხან კახეთ დაულაშქრავ, ხან თუშეთი-დ ხან ფშავი. ბოლოს ლეკებს შაუყვედრებავ, რო შენავ ძველ ვალ მიგიდევსავ კისტანსავ. სხვაკან კი არ გინდავ სიარულივ, თუ კაი კაცი ხარავ, შაყარევ ლაშქარიო-დ კისტანზე იძიევ შურივ.

ამ ყმაწვილმ გამაიკითხა-დ ყველა დაწვრილებით გაივ, რაჯელ მასულან ჰვესურები, ჩასაფრებიან გზაშია-დ დაუკოცავ იმათ გვარში კაცები, მემრ დამრჩალან უძებრები. ეს რო ყველა კარგად გაივ, დაიწყ ჰვესურეთისკე სიარულ გზებისა-დ ადგილების შასასწავლად. გახეკლივ კარგად გზები, რომენ გზაზედ წავიდოდ ლაშქარი ისრ, რო არ ყოფილიყვ სოფლები-დ საშიშ არ ყოფილიყვ სოფლებში კმის გატეხაი. ეს რო ყველა კარგად შაისწავლ, შაყარ კარგა მძიმე ლაშქარი-დ წამავიდ. ლეკის ლაშქარში აკვანიც ერივნეს.

კისტან მავიდა ლაშქარი ლეკისა-დ აკვანისაო.

ლაშქარს გამაუძღვა-დ ლეკეთითავ სრუ მთილიმთივ წამავიდეს. თუშეთის მთან გაიარნესა-დ ჰვესურეთის მთათა-დ ფშავეთის მთათ მავბნეს. აქ გაუთენდა, ერთ კვაფს ალაგში ჩავიდეს, რო იქით ცის მეტ არაი ჩინდა-დ არც კაცის ფეკ რაად მავიდოდ. ის დღე იქ დაიღამესა-დ წუხრ წამავიდეს. ღამი-ღამ იარესა-დ შუაღამის დროს კისტან მავიდეს. მასულებმ კისტანის მიღამოებში ჯერ ყარაულ დააყენესა-დ მემრ შივ შავიდ ხალხი სოფელში, დაიწყეს საკემებშიითა-დ კარებშიით თოფის სრევაი. მავრემ კისტანელთ ლაშქრის მასვლა მალევ გეგვ ძაღლების ყევაზედა-დ დიაც-ყმაწვილი მალე შახიზნულიყვ აბულეთაურთ ქვითკირშია-დ ზოგებ კიდევ სხვებს ქვითკირებში. ზოგებ კიდევ სოფლის გარეთ გასულიყვნეს, მანამ ლაშქარი სოფელს დაიჭერდ.

კისტანელები ქვითკირების სათოფებშიით ისრევდესა-დ ლაშქარი გარეთით. მასულმ ლაშქარმ, სადაც ვინ ჰველხი ჩაიგდ, ყველა მაკლეს, კისტანელებმაც კი დაკოცეს სათოფებშიით ლეკები.

*კისტან მოვიდა ლაშქარი ლეკისა-დ აკვანისაო,
აბულეთაურთ ციხესა კარ არ შავიკსნან ხისაო,
შივ სადამ შადგა ხოლივა, თეთრი მანძილა ტყისაო.
მავ მისურაულთ ახლებსა ჯიში აქვ არწივისაო.
აქებენ ბაბკიაურთა, ცლა მამად მაუდისაო.
კაკმატს მავიდა მაცნეი, კისტანს ძალ ადგა მტრისაო!
წინ-წინ კაკმატით მავიდეს, ეტლ მახევა გიორგისაო,*

ცოტინათ ჭორმეშინთა ჭეხა თან მახევა ცისაო.
გუდანაც გაგვიგებით, ძმას ბრალი მისწვდა ძმისაო,
გუდანელ-ბაცალიგვლებსა იმედ აქვს ხვადებისაო.
კადუს ლევ-ლუგან მავიდეს, მოკლე საყელ აქვ მთისაო.
გუნდი ლიქოკით გამასქდა ქორისა, შავარდნისაო.
დათვისჯვარ გადაიარეს ნამი გაბერტყეს მთისაო.
ჩაგროვდეს კისტნის ჭალასა, თეთრ ჩაჩენებ გელევდისაო.
აბულეთაურთ ციხესა თავს აღი გადაზდისაო.
შიიბნეს ლენი-დ ჰევსურნი, გურ-გურ დგას თოფებისაო,
ზოგნი ომობენ თოფითა, ზოგს წკეპა უდგას კმლისაო.
იმ დოღათ გაიდაურსა მუჭლი მასტეხეს მგლისაო,
ნუ იტყვიოთ ჩაღის სიკვდილსა, საწყინარი ას ხთისაო.
მხემ რო გაიგა, იწყინა, მთვარე შავს ივლებს პირსაო.
მგელათ უთურგათ აუგით ეკაღდამაი რვლისაო,
შიგ ჩაწვინეთ უთურგა, შუქ რო ჩაადგას მზისაო.
გვერდი ლეკ შამაუწვინეთ, მკოცელი ოროლისაო.
ლეკო, ოროლის მკოცელი, პირ თეთრის სიათისაო.
ურჯუკამ ქავთარიშვილმა შაშარ ჩამავკრა კმლისაო.
ეგ დოღათ გაიდაური, მანძილა დასცეს ტყისაო;
მაგას არ დაშა პატრონი, მძებნელ რო იყვას მტრისაო.

სოფლის გარეთ ვინაც გავარდ, ერთს სამი-ოთხს ახალგაზრდას შაუთვალეს. ცხენები სოფლის გარეთ ებ ბალახზე, მასხდესა-დ გასწიეს ჰევსურეთისკე კმის გასატეხლად. ერთი კაცი ლიქოკ წავიდ, ერთ ბისო-კაკმატ. ერთი გუდან-ბაცალიგოსა-დ ერთი კადუს. წინწინ კადუს გაიგეს იმით, რო კისტნით კადუსკე მოკლე გადასავალ მთაი. კადუხე ახლოს კისტანს ჰევსურეთის სოფელ არ ხყავ. იმითაც იყვ, რო კადუელნი ყველაზე წინ მეეშველნეს.

კადუთ ლევ-ლუგან მავიდეს საყელ ახლოს აქვ მთისაო.

კადუელები კაი მებძოლ ხალხ იყვ მაშინაც. მაგ სოფლის ხალხი ფერით ლეგაიასა-დ ტანად დაბალი სრუ ყველა. მაგრემ გულით მაგარ ხალხი ასა-დ მამაცობის ჯიში აქვ. კადუელებ რო მავიდეს, ჯერ თოფების ჭლა დაუწყეს ლაშქარსა-დ მემრ კმლით დეერივნეს შიგ. თაოდაც ბევრ დატოცესა-დ ლეკებმაც კი მაუკლესა-დ დაუჭრეს სამი-ოთხ კაცი. სხვა ჰევსურეთაც ყველკან გატყდ კმა, სადაც სოფლები კისტანსთან შორს არ იყვ. კადუს გარდა, კისტანსთან ახლოს

ას ბისო-ჭაჭმატი. ბისო ერთი სოფელ ასა-დ ჭაჭმატი მეორე, ესრ ორ სოფელ ისრ ახლოს ას ერთუცსთან, რო ერთს სოფელშიით ნაძახინარი მეორე სოფელში მიზდის. აქ ორსავ სოფელში ერთბაშად გატყდ კმაი-დ საჩქაროდ მავიდეს კისტან. ბისოელ-ჭაჭმატელნი გიორგის ყმანი არიანა-დ იმით ას ამათაზე ნათქვამი: „ეტლ მახყვა გიორგისაო“. ვითამ გიორგის (ჭაჭმატის ჯვარი) ყმათ გიორგის იღბალ, ძალა მახყვა-დ იმით გაიმარჯვებდეს ლეკებსთან.

გაიგეს გუდანა-დ ბაცალიგოსაც. შასხდეს ცხენებზედა-დ გამასწიეს ამათაც კისტნელთად დასაშველებლად.

ახლებსა ბაცალიგვლებსა იმედ აქვ ხვადებისაო.

ლიქოკი უფრო შორს ას კისტნითა-დ აქ ცოტა დაგვიანებით გაიგეს, მაემზადნეს, ერთად შაიყარნესა-დ ერთად წამავიდეს:

გუნდი ლიქოკით გამასქდა ქორისა, შავარდნისაო.

არაგვის ხალხსა-დ წყალსიქითას ვერცაით გააგებიეს სიშორის გამოთ, დანარჩენ ხალხი ყველა წავიდ კისტან მისაშველებლად-დ, მანამ ლაშქარი სოფელშიით გაბრუნდებოდ, მანამდინავ მიასწვრეს. ვინაც წინ მივიდ, იმეებმ შაუკრეს შინისკე წასავალ გზა ლეკებსა-დ აღარ უშობდეს. ხალხი თანდათან მადიოდა-დ ემატებოდ კვესურებს, მაგრემ ლაშქარი მაინც იქავ მეტ იყვ კვესურებზედ. დამით შაიბ ომი, გათენდ, გძელ სადილობა მავიდა-დ იქავ ომ იყვ. აი ლეკის ბელადი ბოლოს კმლით ომში მავიდა-დ ძალიან მაგრა იბძოდ. ერთხან ორნ კვესურნ წაეხვივნეს კმლებითა-დ ორნივ ერთბაშად დაჯოცნ, თაოდ უჭირველივ გადაშნ. მაშინდელ ნათქვამი ას:

*ლეკო, ოროლის მამკლაო, დედა გაგიწერა ხთისაო,
მაგაბა ბულაურამა პირ თეთრის სიათისაო.*

ეს ლეკი კმლით ისრ თიბდ ხალხს, როგორც ცელით ბალახს. ბოლოს კვესურები იმას ახლოს ვედარ ვინ უდგებოდ – რაკი იცოდეს, რო იმას კმალში ვერვინ გაუძლებდ. ბოლოს რო ძალიან გაუჭირდ, ერთმ კვესურმ ბულაურამ (ზოგი ამბობს ბუნო და ზოგი ბულაურ-ას ამ კაცის სახელს) დადლიშნ თავის სიათაი, თოფ გავარდა-დ ლეკის ბელად მიწაზე უსულოდ დეეც. ლეკებმ რო თავის ბელადი მამკვდარი ნახეს, აირ-დაირივნეს. კვესურებს გზები ხქონდ შაკრული, აღარცად უშობდეს, ბოლოს ლეკებმ ძალით გაიწიეს წასავლად-დ გაიტანეს კიდევ თავი. გზის შამკრავები ზოგებ დაჯოცნესა-დ ზოგები თოფის კლით შააწუხეს, რო დაქცევა მაუნდ. გაიტან

ლაშქარმ გზაიდ წავიდეს. ჰევესურებმა ჯერ კი მიზდიესა-დ ბოლოს თავ დაანებეს. მარბუნდეს ჰევესურნი, ზოგთ ჰევესურეთ მკედრებ წაიდესა-დ ზოგები ნალაშქრადეს სოფელს კისტანს ეკმარებოდეს, მკედრების დამარხვას უშველეს, მემრ დამწვარ-დანგრეულის სახლების აგება - დაფარებას უშველეს. ლეკების მკედრებ კიდევ ერთკან მიიტანესა-დ ზედ ფათოვლიან ტყის ტოტებ დააყარეს. ლეკებმ თავის მკედრები მალედ ვერ მაიკითხესა-დ დასულდ. ხოლოდ ბელად რო იყვ, იმან არც ფერ იცვალა-დ არც დასულდ. ბოლოს ორ-სამი კვირაიდგეს მავიდეს ლეკები მკედრების წასადებლად, საჯსარიც მაიტანეს (საჯსარი: მანამდინ რამდენიმე სპილენძს ან იარადეს არ მოუტანდნენ თავის მკედრების გამოსასყიდად, მანამდინ პატრონებს არ დაანებებდნენ. გააჩნდა, ვინ რამდენს მოითხოვდა. ეს იცოდნენ ლაშქრიანობაში; სხვა დროს მოკლულისა საჯსარი იშვიათ შემთხვევაში თუ მოხდებოდა რაიმე ჯიბრზე, თორემ ისე საჯსარი არ იცოდნენ). ბელადის დედაიც მავიდ სხვა ლეკებსთან ერთად. ნახ თავის შვილი სხვებს მკედრებშია-დ იტირ: შვილო, განა იმად გაჭმევიდვი ზისცვრით მაზელილს იფქლის პურსავ, რო ლოკიანებს ჰევესურებს მეეკვლიებოდივ. ანკი, იმას მეუბნებოდივ, რო მიავ ერთ ტყვია ვერ მამკლავს, არც მე მეგონავ შენ თუ რა მაგერეოდავ, ოხერ ტყვია მაგერივაგ, თორე ჰმლით კი ვერას ვინ გამაგჩებოდა. ჩაიარავ, შვილო, უბრალოდავ ჩემმ ამაგმაგ. რამთვენ წვალება გადავხყარევ შენ გაზდაშიაო-დ შენავ ერთ დღეს დამიბნელევ მზეივ. დედა ენაცვალავ შენს თოვლივით თეთრს თვალ-პირსავ. ასეთი სიტყვებით უტირავ დედას. ამ დედისა-დ არც საჯსარ გამაურთომა-დ აისრ გაუტანებავ თავის შვილი, სხვების ლეკებისად კი უსაჯსროდ არ ვინ დაუნებებავ.

ლეკის ლაშქარი ღულში

მიამბო დ. ლიქოკელმა, 50 წლისამ, სოფ. ქობულო, 1937 წ.

ლეკის ლაშქარს ჰევესურეთი ბევრჯელ დაულაშქარავ. ისითს მძიმე ლაშქარს უდენავ მაშინ, რო, რომენსაც სოფელზე გაივლიდეს, ჰმას ვერ გასცემდეს, არცრას თაოდ ეტყოდეს, აისრ გასცილდებოდეს. ზეზერ ჰევესურეთ ისით სოფელ არ ას, რო ლეკის ლაშქრისგან დამწვარ დანგრეულ არ ყოფილიყოს. ქმოსტი, როშკა, ბისო, კაკმატი, გუდანი, ჭორმეშავი, დული, გორშედმიონთ სოფლები, ჰევეამდინაც კი გადამდინარა-დ ულაშქავ სნოი. სადაც უფრო მაგარ სიმაგრე-ი ხქონდა-დ ძალზე შაუდგებოდ, უფრო ისეებ ულაშქრავის. უჰოცავ ხალხი, უდენავ ტყვეები. ეხლადაც კიდევ ას ზოგს სოფლებში მაშინ დამწვრების სახლების ხეები. ნამწვარევეები იქავ სახლებს უსხავ. ისით მძიმე ლაშქარ მადიოდ ლეკებისა, რო რომნისსაც სოფლისკე დაიხრებოდეს, სხო სოფლის ხალხი ჰმას ვერ სცემდ. ხანდიხან ჰევესურეთის ნაპირის სოფლებ

გაიარინა-დ შუას ჳევსურეთში დაეცნიან ერთ-ერთ სოფელსა-დ გაანადგურიან ისრ, რო სხვებმ სოფლებმ ვერც კი გაბედინ მიშველება. ერთ ესეთ მძლავრ ლაშქარი შაიყარ ღულისა-დ ჳორმეშავის მუქარაზე ჩაგვირილას მეთაურობით, მთიდიმთივ წამავიდეს ალაზნის თავისას. ჳორმეშავი-დ ღული ერთიმეორესთანით შორ-შორს არიანა-დ იმით ორსავ სოფელში ერთბაშად მისვლა ვერცაით მაუკერცდა-დ ღულს (ერთმა ხევსურმა მიამბო: ვითომც მაშინ ჳორმეშავშიც მოსულან, მაგრამ უმრავლესობა ამტკიცებდა, რომ ჳორმეშავში ღუკის ლაშქარი ყოფილა კი, მაგრამ სხვა დროს, ეს ლაშქრობა სხვა იყო, როცა ჳორმეშავიც გაუნადგურებია, ქმოსტი და როშკაცაო, რომლის ცნობები მე ჯერჯერობით დაწვრილებით კიდევ არა მაქვს. მხოლოდ რომელი ლაშქრობაც იწერება, ამისი ცნობები არის.) დაეცნენ მარტო. ჳორმეშავ ქვე ვერცაით მივიდესა-დ ღულის ბძოლაზე ეს სიმღერეი ნათქვამ:

*ამბობდა ჩაგვირილაი, გამავედ დავლათიანი,
გადმავიარე ქახუი, კლდიანი კინჭუხიანი.
ხიდოტან გადმავიარე, როვილიანი, მარახვლიანი.
გადმავედ ალაზნის თავა, ველ ყოფილიყვა ტრიალი.
ჳორმეშავ უნდა ვატირა თორმეტი ქალი თმიანი.
ღულელთ სიმავრეთ ჯავრი მჭირს, წინ მაგათ მიყვეს ზიანი.
ცხენნი მავიდეს ღულისთავ, ნალ-ურსმარს გააქვ ძვრიალი.
ღულის კლდით ამადიოდა თეთრის სიათის ყრიალი.
თათარაისა თათარა ომობს, არწივი მჭვრიანი.
ღუკი-დ აფშინა შაიბნეს, კლდე ჩამასტირის ტყიანი.
ვმლითა სცა ბებურიშვილმა, დადვა ხანჯრების პრიალი.
სრელოვან ჩამაქვითინებს ღულელთ ქალ-ზალი თმიანი,
რა გატირილებსთ ქალ-ზალო, ვეფხია დავჩათ ვმლიანი.
იდუა ჳრელაისშვილი, აზნაურივით ყმიანი.
სიძე ხყავ ხახიკაური, სიათის ტყვია მტკივანი.*

ღუკეთით წამასულ ლაშქარს სრუ მთათას უდენავა-დ როსაც გაუთენდებოდ, ქვე დადგებოდეს მთის დაბლობებში, რო არვის ენახნეს. ასეთი სიარულით მაახწიეს ღულის თავამდინა-დ იქით ჩამავიდეს ცხენდაცხენ.

*ღულისთავ ცხენნი მავიდეს, ალამს გახქონდა ბრიალი.
ნეტავინ, ღულელთ შვილებო, დღე გავითენდათ მზიანი!
წამახვალთ სიმავრეთაკვ, ვითამ ჯიკვნი ხართ რქიანნი.
თათარა თათარაისა ვეფხვი ას ქიბოშიანი.*

ღული, სოფელი, დაბლობ ადგილზე ასა-დ ლეკის ლაშქარი სოფლის სათავით დატიებული ცხენებით შამაყრილ სოფელში. ღულლებს ზოგებს სიმაგრეში შაუსწვრავა-დ ზოგის ხალხისად კი სოფელში მაუსწვრავ, კორწილში ნამყოფებისად. ამ დროს ღულს კორწილი ყოფილას ვეფხვიასა, ხალხ ხყონივა-დ სწორად ღუდის სმის დროს დასცემივ ლაშქარი.

*ღულის კლდით ღულელთ შვილებსა სიმღერე გამუდიოდა,
კორწილ აქე ვეფხვიასა, სტუმარიც მაუდიოდა,
კოდნ უდვან ღუდით სავსენი, ქაფ პერად მაუდიოდა,
გულკადარაებ ლეკები ძალით შინ შამადიოდა,
კოდთ ნადგომთ ღუდით სავსეთა სისხლ პერად გადმაზდიოდა,
კირიმი იღუაისა ნელ-ნელა გამადიოდა,
იქნებიმც ვეფხვიასად, ვეფხვიას ყურთ მიზდიოდა,
ღულის კლდით ღულელთ შვილებსა თოფის კმა გამუდიოდა,
ღულელთ შვილების ნაცოცი მკედრებ კლდეზე გადადიოდა.
ღულის ძირ წყალი დაგუბდა ორწყალში აღარ დიოდა,
კვირობდეს ფშავლის შვილები, წყალი რო აღარ დიოდა.
სულეთში ღულელთ შვილები ჩივილით შამადიოდა:
მკარ ვერ გვიჭირეს ჭვესურთა, მარტოთვან არ გადიოდა.*

კორწილში იმ დროს დასცემიონ, რო ჯერ ჭვესურებ ბევრ არ ყოფილ მასული-დ მარტონ ყოფილან ღულელნი. ლეკები პირდაპირ სახლებში შასულან, სადაც ვის გასწევიონ, უკოცავ ხალხი.

რაკელც სხვებს სახლებში, კორწილშიაც აისრ შასულან, დაღრევივ ერთუცს ხალხი კმლით, ხანჯრითა-დ თოფითა, უკოცავ ერთუცი. ვისაიც კორწილი ხქონდ, ისიც მაშივ მაუკლავ ლეკებს. მეორეს ღულელს ლეკისად დაუკრავ იმაშიავ თოფი-დ უნცროსიმც ხარავ ვეფხვიასავ, უთქომ. ამ დროს ვეფხვია იქავ ცოცხალ იყვა-დ გაიგონ, რო იმის შური იმის სიცოცხლითავ იძიესა-დ ვეფხვიასამც უნცროსი ხარავ, რო უთხრ იღუა-მ თავის მაკლულს ლეკს, მაშინ ვეფხვია სიკვდილის პირზე იყვავ მისული-დ, გაუხარდ ამ სიტყვის გაგონებაი. ვეფხვიას იმით გაუხარდ, რო საიქიოს შასულს უნცროსი (მოსამსახურე) მზას დახვდებოდ, არცად ჯავრ გახყვებოდ გულით მტრისაი. ბძოლაში საქორწილს ღუდიც სრუ სისხლში არეულა-დ სისხლი-დ ქაფივ კოდებსავ ერთუცში გადმაზდიოდისავ, იცოდინან. ერთ ღულელ ყოფილ, სახელგანთქმულ მეომარი, თათარაის თათარაი. შაზდგომივ სიმაგრეშია-დ თოფით სამი-ოთხ ლეკ მაუკლავ. ავშინაი ყოფილას ღულელი-დ ის კმლით გადასტანებივ ლეკებს. იმასაც კარგა უზარალებიან, მანამ

მახკლევდეს ლეკი-დ აფშინა შამბულან კმლითა-დ ხანჯრით; ისენ რო იბძოდეს, მეორე ლეკმ დასც აფშინას ხანჯარი ზურგშიითა-დ ისიც მაკლ. ღულელთ ქალ-ზალი ტყვედ მაუჭერავა-დ ამ დროს იდუა ჭრელიშივილი ყოფილ გზაში ჩამჯდარი, ქალ-ზალის ტირილ რო გაუგონავ, ჯერ თოფ უსრევა-დ მაუკლავ ლეკი, მემრ კმლით გადასტანებივ. ახლა სხვებ მიშველებიონა-დ დაუყრევიებავ ტყვეები. მაუყვანიანა-დ იქავ სიმაგრეში შაუხიხნებიონ. ლაშქარს რო ხალხის კოცით გულ მაუჯერებავ, სოფელიც დაუბერავ, რასაც ცხენებ მეეროდ, დავლა აულავის; მაშინ წამასვლა დაუპირებავ იქავ ღულისთავისას, მაგრემ ღულელთ არ დაუნებებავად გზა, ლაშქარი ღულის ძირისკე დაძრულა-დ აქაც გზა დახვედრივ შაკრული. ჯერ თოფ უჭლავის ღულელთა-დ მემრ კმლით გადასტანებიონ ზოგები. აქაც ლეკები-დ ღულლების ხუთი-ექვსამდინ კაც მამკედარ. მეთოფეებს ლაშქრისად გზა მაინც არ დაუნებება-დ იქავ ღულისთავისას წასულ, იქ ჩამსხდრებ მეთოფეები ზოგებ დაუკოცავა-დ ზოგებს ტყვია-წამალ გასთავებივა-დ ვედარ უსრევა, გზა დაუთმავისა-დ გაუშვავ ლაშქარი.

ღულლები ბევრ დაკოცილ ახალგაზრდებიცა-დ დიაც-ყმაწვილიც, ღულელებსაც კი უზარალებიან ლეკები. სიმდერეშიაც ეგრ ას ნათქომ, რო კვესურთავ მკარ ვერ გვიჭირესაო-დ მარტოთგან არ გადიოდავ. მართლაც ესრ ყოფილ, ღულელთად ლაშქრის დაცემა სხვა კვესურებმ გაიგეს კი, მაგრამ არვინ მიეშველ. ერთ-ერთ მაშინდელ სიმდერეში ას ნათქვამი:

მხარ არ გვიჭირეს კვესურთა, მარტოთგან არ გადიოდა.

დაიქცნეს კვესურთ შვილები, მთა-წვერზე მიდ-მოდიოდა.

კვესურები თავის სოფელში აღარ დამდგარან, მთაწვერთ გადასულან, რო აქ თუ მავიდავ, ლაშქარმავ სოფლებში არ მაგვიმწყვდიოსაო-დ იქით ყარაულობდეს თავ-თავის სოფლებს. ღულს იმით შასულან განსაკუთრებით, რო ღულელთ ჯავრი შჭირდ ჩაგვრილას.

ღულელთ სიმაგრეთ ჯავრი მჭირს, წინ მაგათ მიყვეს ზიანი.

წინათ ღულელთ უდენავ მზირადა-დ უზარალებავ ლეკები, იმის ჯავრზე მაუსხამ ლაშქარი-დ დაურბევა ღული. ტყვეების წასხმა ზდობნიოსა-დ ის კი ვედარ მახკერცებივ. რაკი ღულლებიც მაგრა დახვედრიონა-დ გზებ შაუკრავ. სხვა ლაშქრობების დროს კი ლეკებს კშირად მიხდენივ კვესურეთით ტყვეები. ლაშქარ რო წასულ, ღული ნაკარ გაუწირავ, ხალხ დაკოცილი, დასამარხავი, სახლ-კარი მინგრეულ-მანგრეული, თაოდაც ნაბძოლ ხალხი, დადალული. ლაშქრის წასვლა რო გაუგავ, მემრ ძლივ მაშველებივ ხალხი-დ უშველავ მკედრების დამარხვასაცა-დ დაშლილის სახლკრის შაკეთებასაც.

დიღღველი ლაშქარი საკემსურეთოღ გაგაის ძოძის მეთაურობით

მიამბო დ. ლიქოკელმა. 50 წლისამ, სოფ. ქობულო, 1937 წ.

გაგაის ძოძი იყვ ლაშქრობაშია-დ თარემობაში მუდამ გამარჯვებულ დიღღველი. დიღღოივ გაგაის ძოძის საყმოი ასავ, იტყოდეს მაშინდელნ კაცნი. ის საისკესაც გაუძღვებოდ ლაშქარსა თუ მზირს, ყველკან იმარჯვებდ. ერთხან გაბედ ბუდის ჰვესურეთის დალაშქვრაი-დ დაბეგვრაი. შაყარ დიღღოს მძიმე ლაშქარი-დ წამავიდ შაონის ჰორჰისას საჰვესურეთოდ. შაონის ჰორჰშიით გადმაჰდეს ჯუთის ჰორჰშია-დ გამამართნეს საძელისას ჰვესურეთ გადმასვლად.

ჰვესურთ ეჰვი ხჰონდ, რო ლაშქარ რაით დაგვეცემისაო-დ მთებზე ყველკან ვეშაგნი ხყვანდეს წალალუნნი, საითაც მტრის მასავალ გზები იყვ (ვეშაგნი: მეთვალყურენი, ყარაუნნი, მზვერაგნი). საძელესაც ვეშაგნი ჰვესურეთით ჰვეისკე გადასავალ მთაზე. ვეშაგნ ისით ალაგში იყვნეს ჩამსხდარნ, რო იმათ ვერცაით ვერ ვინ ღნახევდ. დღისით იმათ არც სიარულ იცოდეს იქი-აქათი, რო შამავალს მტერს თვალ არ შეეგდა-დ არ გამთხილებულიყვ.

გაგაის ძოძის ლაშქარ რო ჯუთის ჰორჰში მავიდა-დ საჰვესურეთოს გზაზე გამამართ, ეს საძელეს ვეშაგთ გაიგეს; წამალალეს საჩქაროდ კაცი-დ გატეხეს ჰმა ჰვესურეთ: მაგვეშველენითავ, ლაშქარ მადისავ. ჰვესურეთ ჯერ ახლო სოფლებში გატყდ ჰმაი, მემრ იმ სოფლებმ სხვას სოფლებში გატეხეს ჰმაი-დ ერთუცის მემჯობიას წამავიდ ხალხი ლაშქრისად დასახვედრად. მაშინ ჰმლით ომი იყვა-დ ჰმლებითა-დ საფარი იარადით წამავიდეს. ცხენებ როშკის ჰორჰში დაწირესა-დ თაოდ საძელე მთაზე შამაჰდეს. მანამ დიღღვლის ლაშქარ არ შამაჰდებოდ, ჰვესურებმავ შამაასწვრეს მთაზე წინ.

შამაჰდ დიღღველი ლაშქარიცა-დ დაერივნეს ჰვესურებიც ჰმლით. წინწინ ძოძი შამაეგებ ჰმლიანი-დ სცეს ჰვესურებმაც ძოძის ჰმლებითა-დ სრუ წინწინ ის მაკლესა-დ გადაავდეს გზის ძირში. დიღღვლებიცა-დ ჰვესურებიც ყველა ჰმლით ომში შავიდ, მარტო თითო-ოროლას ხჰონდ მშვილდ-ისარი-დ ისრით დაიწყეს ხალხის ჰოცა. ძოძის ჯერ ჰმლით სცესა-დ მემრ ისარ დახკრესა-დ იმით დაასრულეს. ჰვესურები თანდათან ემატებოდეს, შორეულ სოფელშიითაც დაიწყ ხალხმ მადენა. თითჰმის ყველას კუთხეშიით მავიდ უფრო ფარ-ჰმალში გამაცდილ მემომრები, ჰვესურები. მაგალითად: ჯურჰა, მარტია ფიცხელაური, გუდანელი ინა, ჰვესურეთის დიდად სახელგანთჰმული ჰირჩლა ბაბურაული, თვალაჯათ ალუდაური, ხიტალიონ ღერენაი-დ სხვებ კიდევ. ამებმ ამ ომშიაც ისახელეს თავი-დ სხვაკანაც სახელიანები იყვნეს, სხვებს ომებში, ე. ი. ლაშქარ-მეკოპარში. ჰვესურნ რო მოგროვდეს, თან-თან

გაწმირდ ომი, გაიმართ ზედ მთაზედ დიდ ბძოლა. ჯერ კი არ ბრუნებდ ღილღველთ ლაშქარი-დ ძალდაძალ იწვედ ჰვესურეთისკე, როსაც ნახეს, რო ჰვესურნი თან-თან მაღიოდესა, ემატებოდეს ერთუცს, წინამძღვარი ძოძიც მაუკლეს, აირივ ლაშქარი-დ დაბრუნდ უკენ. ყველას ღმეტდებოდ იმ დროს კირჩლა ბაბურაული. დაბრუნვილმ ღილღველებმ თაოდაც კარგა ხალხ დაჭრესა-დ დაცოცეს. ამ შუდლის შემდეგ კირჩლაისად უკითხავ ჰვესურთ: კირჩლაო, საკარგემოივ შენ გეკუთნისაევ თუ სხვა ვინ გჯობდავ. კირჩლას უთქომ: საკარგემოივ მე კი არ მეკუთნისაევ, ღუღელს თვალაჯაისძეს ეკუთნისაევ, იმითავ, რო მანამ მე ჰმალს ამაგიდებდივ თვალაჯაისძემავ ორ ქვე მაკლაო-დ მესამეს სცაევ ჰმალითავ. მემრ ჰვესურეთ საკარგემო არ მიუცავ თვალაჯაისძისად. წინწინ რო მასულ თვალაჯაისძე, ვინაც არ იცნობდ, იმეებს არაად ჩაუგდავ, იმით რო ძველ ჩოხა სცმივ, დახეული-დ ბეჩავა ღვონებივ. ვინაც იცოდ, რო იმას ზურაბის ლაშქართანაცა-დ სხოდაც ბევრკან უსახელებავ თავი, იმეებს კი იმედ მისცემივ თვალაჯაისძის მასვლით. წინწინ რო შუდლ ქნილ, მართლაც კირჩლა ყოფილ წინა-დ თვალაჯათ აღუდაური კიდე წინ გასცილებივ შუას ლაშქარში შაჭრილასა-დ იქ სამ მაუკლავ, მანამ კირჩლა ერთს მახკლევდ. აისრავ სხვებს აქ ნათქვამს მეომრებს ერთუცის მემჯობიაზე უკცოცავ ხალხი-დ ზოგები თაოდაც დაცოცილან. ღილღველთ ჰველით დაფანტულ ღილღველთ ლაშქარი-დ ზოგ რომენ გზით წასულა-დ ზოგ რომნით. ჰვესურთ მდევარი ჯუთამდინ კი მიხყოლიოსა-დ იქით დაბრუნვილ. ამაზე ნათქვამ სიმღერე სხვა-სხვანაირად იციან, ხოლოთ უფრო, სწორი, ძველი აქ მაყვანილ სიმღერე უნდა იყოს:

*გავაის ძოძივ, გერჩიევა, საემო გეჭამა ჰკვითაო;
 ეანა გეგნ, კარი გელაღა, ჯოხი მაგეჭრა ტყისაო!
 ჰვესურეთ რად მახვიდოდი, მართული თავის ყმითაო,
 ვიკეეხნავ საფეხენოჩია, სავსე მაგიოლოთ ტყეითაო!
 საძელეს დაგ ხვდეს ვეშავნი დაღესულები ჰმლითაო.
 თვალნ უხის თურმანაულსა ჯურჯასა შავარდნისაო.
 მარტიას ფიცხელაურსა, სამდევროდ მუკლი მგლისაო.
 ჰმან ჩავიყარნეს ჰვესურეთს, უხნოდა, არცრა ხნითაო.
 გუდან ვაივა ინამა, ხოთთა და ხოთიშობლითაო.
 კირჩლაი ბაბურაული, ორბი ცხენს შაჯდა მკრითაო.
 ბლო-ღელეუ გადაიარა, საძელეუ კინკილითაო.
 თვალაჯათ აღუდაური ქვეითა ცხენთან რბისაო,
 ხიტალით მავა ღერენა, არწივი კივილითაო.
 უკენ გამაუღვ მამაი, ბებერ ქეითინებს ჰმითაო:*

*„შვილო, არ მახლ ცოცხალი, არ მადბრუნდები გ ზითაო.
სახელის მაყვარული ხარ, შიგ ჩაერევი კმლითაო“.
აბამა ბასილაურმა მშვილდი აჭეხა რქისაო,
ჯაჭვს დახკრა, დააფლეთივა, სისხლმ წითლად შედებისაო,
საძელით ძობი გაივდეს, გ ზის ძირ ჩაიღეს გ ზითაო.
ჯაჭვ ბოძალს დაუხევიეს, რო ყარწიკაი ქსლისაო.
საკარგემო ვის მივსცათ კირჩლაო? შენ მეტ ვინ სცემდა კმლითაო?
თოლაჯათ აღუდაურმა ჩამამიარა მკრითაო.
სანამ თავს მავიბრუნებდი, მესამესა სცა კმლითაო.
მიზდიეს ქოთანამდინა, ჯუთა აავსეს მკედრითაო,
ჩატირის დიღღვლის ღაშქარი ყვარის წყალაზე კმითაო:
დაგვლიენა ბაბურაულმა, ვეფხემა დაგვლიენა მწკლითაო.
თვალაჯათ აღუდაური ჩამაგვეერია კმლითაო.
ღერენამ ხიტალიონმა აგვიღნა კივილითაო.*

ეს ღაშქარ კი ვეშაგო წყალობით კვესურეთამდინ აღარ მაუშეავ, ხალხს კი უზარალებავ, მაგრემ დიაც-ყმაწვილ გადაშჩომივ დაწიოკებასა-დ სახლ-კარი დაწვა-დანგრევას. დაბრუნვილს მდევარს გზაში მალგებებივ დიაც ყმაწვილი-დ მაუტანავის დამწეულის ხალხისად საგძალი. სახელის მაქმედებისად სახელ ულოცავ სწორებსაცა-დ სოფელში მამრჩლებს უფროსებსაც. თან საქებ სიმღერეებ უთქომა-დ დღესაც ჯარზე იმღერენ იმათ სიმღერეებს, რაითაც იმათ გვარი ჯერაც იქავ ამაყობს თავის ძველების ნაქნარი სახელით.

ხეშურთ ღაშქარი ოსეთში და მოხევეეში

მიამბო დ. ლიქოკელმა, 50 წლისამ, სოფ. ქობულო, 1937 წელი

ერთხან გუდანის ჯვარში შაიყარნეს კვესურები-დ გადასწვიტეს: ჯერ თრუსოს (ოსები) დალაქერაი-დ მემრ სნოსაი (სნო მოხევეების სოფელი). მაგრემ არც ადვილი იყვ იქ წასვლაი, იცოდეს მეკვეეთ ამბავიც, რო მშვიდობიანად არც ესენ გამაუშობდეს იქ მისულს კვესურთ ღაშქარს. იმით წალაღნეს ვაშაგნი ოსეთისა-დ კვეის დასათვალიერებლად (ვეშაგნი – მზვერაგნი) ვეშაგო დავალებული ხქონდ ოსების სოფელში მისვლაი-დ დათვალიერებაი-დ სნოს დათვალიერებაიც. იმათ უნდა გაევ მეკვეეები-დ ოსები მოხილად არიანა თუ ბრიყვად, სოფლებში ხალხ ბევრი ასა თუ წასულ-წამასულებ სად არიან, ყარაულებ უდგასა თუ არ, ან შაიარადება რაკელი აქვ. ეეხლადავ უჯობდა დალაშქერა, თუ სხო რომენიმ დრო უფრო კელსაყრელი

იმათ დასალაშქრავად. აი ამ ამბევების გასაგებლად გუდანის ჯვარში აირჩიეს ორი კაცი-დ წალაღეს ოსეთშია-დ მეკვევებში. ისენ რო იქაობას მაზვერევედესა-დ დაბრუნდებოდეს, გუდანის ჯვარის გამძლოთ მაუტანდეს ამბავს, ისენი ჰვესურთ დაიბარებდესა-დ ეტყოდეს ვეშაგთაგან მატანილს ამბავს. მემრ გადასწყვეტდეს, როს უნდა შაყრილიყვ ლაშქარი-დ წასულიყვ დასაცემლად. ვეშაგნ რო აირჩივნეს, დაამწყალობნესა-დ გაისტუმრნეს საკეოდ. ისენი ჯერ ოსეთში მივიდეს, იქ დაიწყეს სოფლებში სიარული, ვითამ სამუშაოდ დადიოდეს. იქ მაზვერეს ხალხი, გზები, ცხვარ-საქონი, ჰარავანი-დ გაიგეს ყველა დაწვრილებით. გაიგეს, რო ახლად ას მარჯვე ოსების დალაშქვრაი, ხალხიც წასულ-წამასული სოფლებშიითა-დ ჰარ-ცხენიც მარჯვედ დგას. თრუსოთ დაბრუნვილები სნოს მავიდესა-დ აქ დაიწყეს სოფლებში ჰეტიალი. აქაც სოფლის მაზვერვით გაიგეს, რო ეხლად უჯობ სნოს დალაშქვრაიც, თორე მემრ ხალხიც უფრო ბევრ მავ სოფელში, ეხლად წასულ-წამასულები არიან. ჰარ-ცხენიც აქაც მარჯვეს უდგასა-დ მემრ უფრო გაჭირდების აქ ლაშქრის დაცემაი. გზებიც კარგად გაიგეს, სიმაგრეებიც შაათვალიერესა-დ დაბრუნდეს ჰვესურეთ. მივიდეს გუდანის ჯვარის გამძლოთანა-დ უამბეს ყველა, რაიც გაიგეს ჰვეს.

*ჰვეით მავიდნეს ვეშაგნი, საჩქაროს იტყოდიანა,
გუდან აბემდეს დროშასა, სალაშქროდ ხკაზმებდიანა.*

გუდანის ჯვარის გამძლოთ დაიბარეს ჰვესურეთის სოფლებშიით თითო უფროს კაცი-დ გამაუცხადეს ვეშაგთ მატანილ ამბავი; ისიც უთხრეს, რო ვეშაგთავ ის ამბავ მაიტანესავ, რო ახლად ასავ იმათ დალაშქვრაივ მარჯვეივ. მემრავ მთაზედ სასიარულოიც აღარ იქნებისა-დ იქაც ჰარ-ცხენი მთაში აღარ იქნებისავ, არც გარეთაო-დ მემრ გაძნელდებისავ დავლის წამაღებაივ. სოფლის თავ-თავ კაცებს უთხრეს, რო შაემზადასავ ხალხიო-დ ენკენიას დილას გუდანით უნდა გაემართასავ ლაშქარივ. გუდანის ჯვარის დროშა უნდა აებასაო-დ წინ გაუმძღვასავ. ამის მომხრეი ასავ გუდანის ჯვარიცავ – თქვეს ჯვარის გამძლოთ. სოფლის თავ-თავ ხალხ წავიდა-დ გამაუცხადეს თავ-თავის სოფელში ხალხს. ვეშაგთ მატანილ ამბავიცა-დ ჯვარის გამძლოთ სურვილის დროიც უთხრეს: ენკენიას დილასავ გუდანის ჯვარის კარზეით გაემართასავ ლაშქარივ საკეოდავ (ენკენია: ერთ-ერთი რელიგიური დღესასწაული იყო, ენკენიის თვის თოთხმეტ რიცხვში). ენკენიაც მოახლოებული იყვ, ჰვესურები სალაშქროდ მავმზადნეს, შაიყარნეს გუდანის ჯვარის კარზე ენკენიის წინა დღეს. გუდანის ჯვარს ჰველსნები ბევრები ხყვანდესა-დ ლაშქარში მიმდინრებს ისეთს უნდა წაედ დროშა, რო ლაშქრის წინამძღვრობაიც შაზძლებიყვ. დღეობებში კი მედროშაე საკუთარი ხყვანდ, მაგრემ ლაშქარში სალაშქრო დროშას ერთს ააბემდესა-დ,

რაჭელაც ვთქვით, აირჩევდეს უფრო გამაცდილს მედროშაესა-დ დაავალებდეს ლაშქრის წინამძღვრობას, მემრ ხალხიც იმის წინამძღვრობას დაემორჩილებოდა-დ იმის სიტყვას იგონებდეს.

გუდან შაყრილმ ლაშქარმ შალვა ჩუჩაყაური აირჩივ დროშაის წამყვანადა-დ ლაშქრის წინამძღვრად.

დროშანი, ჩუჩაყაურო, შალვაგ შენ შავკვდებიანა!

გუდანის ჯვარის ყმათ უფრო აქ მაიყარეს თავი, წყალსიქითელ ხალხი როშკის გორ დაგროვდა-დ კაკმატლები – კაკმატ (ბუდე ხევსურეთის ხალხი ადგილების ანუ მდებარეობის მიხედვით არის ოთხად გაყოფილი და თავთავისი სახელი ჰქვია. ერთი არის „გორშელმი“, მეორე „წყალსიქითი“, მესამე „კაკმატის ტეობა“ და მეოთხე არაგვის ხალხი).

*ვაუები წყალსიქითლები როშკისგორ გროვდებიანა,
ელთან კაკმატელებსა, ხვადნ არცად მაჭყვიანა,
იმ ენკენიას დილასა საძელეს გადადიანა.*

ამნაირად ლაშქარი წამავიდა-დ როშკის კორკში გაიერთ თავი (თავი გაიერთა: ერთად შეგროვდა, საძელე: ხევსურეთიდან ყაზბეგისაკენ გადასასვლელი მთა). საძელე გადაიარეს, ჯუთის ჭალა გაიარესა-დ ჯუთას მივიდეს, ჯუთელთ სალოცავი ას აქ გიორგი-დ იმის კარზე დაისვენეს. გიორგის მადლ მასთხოესა-დ ერთ კარ შაუთქვეს: ამ ლაშქრობაშიავ წადმ დაგვეყვიო-დ კელ მაგვიმართევ.

*ჯუთას ჩავიდეს ჯვართანა, სიმღერეს ჩაეტყვიანო.
წადმ დაგვეყვე ჯუთის გიორგივ, საკარგემოს ვითქვემდიანო.*

ჯუთით ჩაიარესა-დ ჩავიდეს კვეს. კარკუჩა, ახალციხე, სნო, ეს სოფლებ გაიარეს, ზოგ ცხენიან იყვა-დ ზოგი ქვეითი-დ, თუ ვინ ხკითხევედ: „სად მიზდიხართ კვესურნო?“ კვესურებ უპასუხებდეს: „ჩვენ თაოდ ვიცით, სადაც მივდით, ეგ თქვენ საქმე არ ასრ. მეკვევები რო ხედევდეს მიმდინარს ლაშქარს, უკვირდ, სად მიდიანავ კვესურნივ, რო არცად სწორს პასუხს იძლევიანავ, ვითაიც მეკვევე რას შეეკითხებოდ, სწორად არ უპასუხებდეს.

კვირობენ მეკვევები, ლადნ კვესურნ სად მიდიანა?

მაგრამ ის კი არ იცოდეს:

*არშას მიდიან ჳევსურნი, სადილად სნოს მადიანა,
ცხენნ არშით გამაბრუნვილნი მავლენა-დ სნოს მავლიანა,
სნოს ღუღუშაურთ ციხესა ხარდახით ჩამაშლიანა.*

სნოს წყალ გაიარეს ჳევსურთა-დ ახსოტით სათრუსოოდ შაბრუნდეს, თრუსოს დაეცნესა-დ რასაც მაასწვრეს, დავლა წამიდეხს. ბევრ ხანს იქ არ დამრჩალან, არც ხალხ უზარალებავა-დ ვერც დავლა წამიდეხს ბევრი, რაკი ოსები მაგრად დახედეს, იქით მაბრუნვილნ ჳევსურნი ახსოტის მინდორში კარ-ცხენს დაეცნესა-დ გამაღალეს. აქაც მეჳევეებ დახედესა-დ ჳმლებით ომ მაუჳდ. ზოგ ხალხ წამავიდა-დ სნოს დაეცნეს დასაბეგრავად. მაგრემ აქაც სნოელ ხალხი მაგრა შახვდა-დ გაიმართ ბრძოლა. ახსოტის მინდორთ რო ომ ქნილ, ყველას ვერ მიუწონავ იმ ომში. ზოგებ თუ ქვე იბძოდეს ომშია-დ ზოგები შორით თვალით იჭერდეს.

*თავკანი ახსოტის მინდორთ კარ-ცხენებს დღალევედიანა (თავკანი, უფრო კარგები)
ომი მაუჳდა ძრიელი, ჳმალნ სისხლში ჩაფერნიანა,
ზოგნი შავიდეხს ომშია, ზოგნ თვალით იჭერდიანა.
აიმათ თვალით მჭერლები, ნეტარ შინ რას იტყვიანა,
შინ ჯალაფთ მაატყუებენ, კარში სწორთ რას ეტყვიანა.
სწორებს თუ მაატყუებენ, იქ ნამყოფთ რას ეტყვიანა.*

ისრ, ზოგები ჳევსურებ ქვე ომობდეს ახსოტის მინდორთა-დ ზოგებ ქვე ვერ შავიდეხს ომში. აქ სიმღერეში იმით ას ნათქვამ, რო ომში ვინაც ვერ შავიდავ, ჯალაფთ თუ მაატყუებენავ ან სწორთავ, რო ჩვენაც ვიომეთავ, იქ ნამყოფ ხალხს რასად მაატყუებენავ, რო თვალით ხედევდესავ, ომში ვერ დაიწონესავ შასვლაივ. ბოლოს დაბრუნდეს ჳევსურნი-დ წამავიდეხს საჳევსურეთოდ; მეჳევეები დაედევნესა-დ გზადავზა კიდევ ხქონდ შუდლი. ხოლოთ ის არვის აჳსონს, იმ ომში რამთვენ დაიჭრა-დ რამთვენ მაკვდ, ან ოსი, ან მეჳევეი-დ ან ჳევსური. მეჳევეები იმასაც ამბობენ, რო ჳევსურებივ დაბრუნვილებივ ცალეებ წავიდეხსავ. ვერც დავლა წავიდეხსავ. მეჳევეებმავ საძელემდინ მიზდიესაო-დ იქავ დროშიაც წაართვესავ.

*ამბობენ მეჳევეები: ჳევსურებ დავაქციენით,
წითელ-ყვითელნი დროშანი საძელეს დავაყრიენით.*

მაგრამ ჳევსურების ნათქვამი ანდრეზიცა-დ სიმღერეიც ისრ ას, რო გამარჯვებულებ დაბრუნებულან.

*ბარაქათო ჳევსურთ შვილებო, მამათაც ევერ ჳნიანა,
არშით ახყარნეს ყორნები, საძელეს ბუდობდიანა,
ჳევსურთ ჳმლებს დაღლოცევიდიან, რო ლეშით გვაძლებდიანა!
ჳმალნი, საძელეს ნაცადნი, დაღესნეს, იჳავ ჳრიანა.*

ამ უკენას სიტყვას ეტყობის, რო მეჳევეებთან უომებავ საძელესაც, აჳამდინ მახყოლიონ მეჳევენი დაბრუნვიღს ჳევსურთ ლაშჳარს.

თუშ-ფშაველ-ხეზსურთაბან მითხოს დაღაშჳმრა

მიამხო უნცრუა (ლუკა) ჳაბუშანურმა, 48 წლისამ, სოფ. ახიელში, 1935 წ.

მითხოელნი ჳშირად ეცემოდეს თუშ-ფშავლების ცხერის ბინაებს, ხალხს ჳოცდესა-დ იტაცებდეს ცხენების ჳოგს, ცხერის ფარებს. აისრავ ჳევსურეთითაც მიუდიოდ ჳარები, ცხენები, თითო-ოროლას ხალხსაც ჳოცდეს. ეს ამბავი იყვ სრუ ბოლოს დროს, მენშევიკების მთავრობა რო იყვ. მთავრობა ჳვე ვერას ეუბნებოდ მითხოვლებსა-დ თავისუფლად თარეშობდეს სადაც ეწად. ბოლოს თუშ-ფშავლებმ გადასწყვიტეს ლაშჳრის შაყრა, გადასვლაი-დ მითხოელთ გაბეგვრაი-დ სამაგიეროს გადაჳდაი. შაიყარნეს თიანეთშია-დ წამავიდეს მენთეშაშვილის მეთაურობით. გზა-გზათ კიდევ უერთდებოდ ფშავლები-დ ჳევსურები მოხალიხედ, ყველას სოფლებში გააგებიეს, ვისაც გინდათავ წამევიდითავ, მითხოთავ დაღლა ავიღათაო-დ ყველამ გავიყოთავ, რასაც ან წამავიდებთაო-დ ან გამავლაღათავ. ან თუ ვალ რა ვის მიუდისავ, ისიც წამავიდასავ. ხალხმ ეს ამბავ რო გაიგ, ზოგი დაღლის გულისადა-დ ვისაც ჳავრი შჳირდ ჳავრის ამასაყრელად მაემზადნესა-დ წავიდეს მითხოს დასაცემლად. უფრო ბევრ ხალხი ცხენოსან წავიდ. ვისაც ცხენ არ ხყვანდ, ჳვეითეებიც მიდიოდეს. ყველას მჳარეზებით გადავიდესა-დ შატილ მაიყარეს თავი, კარგა მძიმე ლაშჳარ შადგ. აირჩიეს ლაჳრის ჳელმძღვანელები-დ წავიდეს მითხოს. ლამით წალაღეს ხალხი-დ შაკრეს მითხოს გზები, საითაც საეჳვო იყვ კაცის წასვლაი-დ ჳმის გატეხა ღიღლოსად ახვაში. იჳით რო ხალხ არ მაშველებიყვ. გზებ რო შაკრეს, დაიძრ ჳარისა-დ შავიდ მითხოს სოფლებში. ყველას სოფელს მირგვლივ შამაეხვივნესა-დ აღარ ვინ გაუშვეს სოფლის გარეთ. ეს იყვ ღიღლას მალედ. ცხვარ-საჳონ თავად გამაუშვესა-დ თავის წყემს დაუყენეს. ხალხი დაიჳირესა-დ ერთკან შაყარეს ყველაი-დ დაუყენეს ყარაული. იარად, თუ რა-ვის ხჳონდ, ახყარესა-დ თავისად შაინახეს. დიაც-ყმაწვილ კი თავ-თავის სახლებში იყვ. ხოლოთ არც იმეებს აძღვედეს ნებას, რო იჳით სხვაკან სად წასულიყვნეს.

ყველას სოფელში დაჳოცეს რაიც მსუჳან ცხვარ-ჳედილაი-დ ან ჳარ მაეწონებოდ. დაღგეს კარში ღიღიდებ ჳობები, ადუღიღებდეს ჳორცს, თან მწვადს წვევდეს, პურს

ქისტის დიაცებს აცხობიებდეს, ზოგს ერბო გამახქონდ სახლებშით. სახლებში შადიოდესა-დ, რაიც მაეწონებოდ, გამახქონდა-დ ინახევდეს შინ წამასაღებად. შემის მაგივრად გამახქონდ სახლებშითა-დ ოჯისგანს წვევდეს (ავეჯს დილღვლების). ქისტებს ეუბნებოდნენ: რაც თუშებისაი-დ მშავლების ცხვარ-საქონი გყავთავ გამალაღულივ, ის მაღალეთავ, თორე აქითავ ერთს თვეს არ წაოლთა-დ სრუ გაგანადგურებთა-დ სრუ თავებს დაგჭრითავ, დილღვლებ კი ეუბნებოდეს: თქვენ ცხვარ-საქონ ვისაც მაუდისავ, ისეებივ ყაჩადები არიანა-დ ტყეში არიანავ გაქცეულივ, ჩვენ რას გვემართლებითავ, ალალ-მართალს ხალხსავ. ჟჯობავ, რო თავ დაგვანებთავ ალალ-მართალს ხალხსავ, თორე არ შავჩებისთავ, არც თქვენავ. წვედითა-დ ქურდ-ყაჩად ხალხს წაართვითავ. აბა, ჩვენ რაზე გვანადგურებთავ. მაგრემ ჩადგეს სოფლებშია-დ აღარ ეშობოდეს იქით. ვინაც გარეთ გასულე ქისტებ იყვნეს, გაიპარნესა-დ დილღოსა-დ ავევაში გააგებიეს: მითხოსავ ლაშქარ დაეცა-დ მაგვეშველენითავ. იქით ხალხ წამავიდ მასაშველებლად, მაგრემ, რაკი ხალხი დაჭერილი ხყვანდ, არცაით იყვ საშველი. მასულ ხალხს რო თოფის სრევა დაეწყ, ლაშქარი დაჭერილს მითხოვლებს დახვოდ, რო დღედამ იმათ ყარაულობაში იყვნეს. ამის გამო დასაშველებლად წამასულ ხალხი ჯერ მითხოს არ გამაცხადდ. მითხოს ახლო-მახლო იყვნეს დამალულები-დ ელოდდეს დროს, თუ ეს ლაშქარი ტყვეებს გაუშობდ კელჩით, მაშინ აუტეხდეს სროლასა-დ აზარალებდეს ლაშქარს.

ერთი სახელგანთქმული ყაჩადი იყვ სახელად ბაგი. ეს გასული იყვა-დ ხალხს ეს უფრო არ აძლევდა თოფის სრევის ნებას. ეხლა რო ვესრიოთავ, ეუბნებოდ – ჩვენს ხალხს აზარალებენავ. მაუცადათავ დროსავ (გასული: ყაჩადი, ტყეში მოსიარულე, რომელსაც ასეთ შემთხვევებში ხალხი ემორჩილება). თუშ-ფშავ-კვესურეთ ლაშქარი მითხოს ხუთ დღემდინ იყვ. ყველას დღეს არჩევდესა-დ კოდდეს საუკეთესო საკლაგებს და ათასნაირად ხრაკავდნენ, აკეთებდნენ მწვადებს, ყაურმასა-დ სხვა ესეთები. მშავლებმ ფშაური ხინკლის დუღილიც დაიწყეს. ტყვედ დაჭერილები ხყვანდეს ოცდაათამდენ კაცი-დ იმათაც აჭმევდეს იმათავ საქონის კორცს. ლაშქარი ჯერ მთხილად იყვა-დ დღე და დამ ყარაულობდეს გზებს, თანდათან ისრ შეეჩვივნეს, რო ბოლოს სრუ აღარას აქცევდეს ყურადღებას. გზებზეით ყარაულიც მახვსნესა-დ სოფლებში სრუ თავისუფლად დაიწყეს ქცევა. დიაც-ყმაწვილსთან კარგად იქცეოდეს, მაგრემ ყველაზე მეტად ქისტები იმან გაამწარ, რო თუშებს მთის წეს დაერღვივა-დ დიაცებსთან ძალადობა მაეკმარ. რა თქმა უნდ, ეს ყველას თუშებს კი არა-დ ორ-სამ კაცს ჩაედინ ეს მთის წესების შამრცხვენელ საქმე (მთიელები როცა ერთიმეორეს ლაშქარავდნენ, ქალებთან სრულ თავდაჭერილობას იჩენდნენ და ცუდი თუ რამე ვისმეს ჩაედინა, თავისი ამხანაგები არ აცოცხლებდნენ. აგრეთვე პატივს ცემდნენ მოხუცებს და ბავშვებს). ეს რო გაიგეს, მთელ ლაშქარი გამწარდა-დ დაუჟჯელად არ გაუშობდეს დამნაშავეებს, თუ ქისტებს ისეები ცოცხლები გამეეშვ. მაგრემ ამ ამბავმ

ქისტები სრუ გააცხარნა-დ თავს სასიკვდილოდ აღარ ზოგევედეს, ერთ-ერთის იმ ქალის ქმარი მითხოს სახელგანთქმული კაც იყვა-დ გაჯავრებულ მეემზად, სთხოვ, რო, როსაც დრო დაგეჩებისავ, სრუ დაგვცოცათავ ეს ხალხივ. ქისტებიც, როგორც ვიცით, დროს ელოდდეს.

ლაშქარმ ჯერ კი ეუბნ, მაასხითავ თუშ-ფშავლების ცხვარიო-დ თქვენს დაგიბრუნებთავ, მაგრემ ქისტებმ ის ცხვარ ვერცაით მაასხესა-დ ლაშქარმ იმათ ცხვარ-საქონ გამაიბრუნ წამასასხმელად. დაჭერილის ქისტებისა ტყვედ წამასხმა დააპირესა-დ ზოგებმ თქვეს: რად გვინდავ ესეებივ იქ წაყვანილებივ? ცხვარ-საქონ გაუშვათაო-დ ქვე გავლაღათავ, ეს ტყვეები ქვე გავათავისუფლათავ, აქ ხო აღარაი რჩებისავ, რო ტყვეების საჯსარ ვინ მაგეცასავ, ტყუილადავ ესეებ რად გვინდავ იქ ნადენებივ. ზოგებმ კი უთხრეს, რო ეს ტყვეებივ მანამდინ მაინც გავიყოლათავ, მანამ სამშვიდობოს არ გაოლათავ, თორე ჩვენ რო ესეებ გავათავისუფლათავ, გზას შავიკვრენაო-დ ცოცხლებს არ გაგვიტევენავ. სხებმ თქვეს, რო მითხოს რაც იარად იყვავ, ისიც ხო ჩვენ წამავიღითაო-დ რაითად შავიკვრენავ გზასავ. ბოლოს გადასწევიტეს ტყვეების გაათავისუფლებაი. ცხვარ-საქონი, ცხენებ, რაიც იყვ მითხოს, ეს სრუ გამაღალეს. ტყვეებ რო გაუშვეს, წავიდ-წამავიდესა-დ სუყველამ იშოვ თოფები, დამალულები ხქონიყვა-დ აიღეს კელში, ამ დროს გამაცხადდ დამალულ ხალხიც, რომნებიც მითხოვლთ მასაშველებლად იყვენეს მასულები-დ ტყვეების გაშობას ელოდდეს. გამაცხადდ ისრ, რო შინისკე გამამართულს ლაშქარს წინ მაასწვრეს ჯარეგასა-დ აღარ დაანებეს შინ წამასასველელ გზაი. ლაშქარმ ცხვარ-საქონს თავ დაანებ, თავის ცხენებსა-დ ჯარეგას სახლებში შააფარეს თავი. ქისტებმ წამასავალ გზაიც შაუკრესა-დ სადაც ლაშქარი თავშაფარებულ იყვ, იმ მიდამოსაც სიმირგვლივ შამაეხვივნეს. მიულალეს ქისტებმ ლაშქარს შუაკაცები: აიყარანავ იარადივ, თორე ძალით ავხყრითავ იარადსაო-დ ვაზარალებთავ კიდევაც. მაგრემ ლაშქარმ იარადის აყრაზედ უარი უთხრეს. აბა, თუ იარადს არ აიყრითაო-დ ჩვენ ბრალ ნუ ასავ, უთხრეს ქისტებმ. ლაშქრისა ერთ ნაწილი სოფლის ბოლოზე იყვ მამწევედეული, რაიც სახლებში ვერ დეეტეოდა-დ ვერც მაასწვრეს სახლებში შასვლაი. ერთს სახლის ეზოში შაიყარნეს ერთ – ბარისაჯოს მცხოვრები გიგია ჭინჭარაული-დ მეორე – სოფელ აკუშოში მცხოვრები იმედა ლიქოკელი. უჭკუათ გიგიაის (უჭკუანი: ჭინჭარაულების ქვეგვარია) შინშს, სულხანაურს, წინავ ერთი მითხოვლ ქისტი ხყვანდ მაკლული-დ უჭკუათ მითხოვლების თავ ეკიდ (თავი ეკიდა: სისხლი ემართა). დილღვლებმა გაიგეს, რო სულხანაურის შინშ მასულაო-დ მაინც მაკვლას უპირობდეს: სხვა რო ყველა ცოცხალ წავიდასავ, მაგას არ გაუშობთავ ცოცხალსაო-დ ავშინათ აბასავ. თქვეს ქისტებმა-დ ეს გიგიასა-დ აბასაც გაგებული ხქონდ. აბა ბლოში მცხოვრები იყვ, გვარად გიგაური. იმასაც ქისტები ხყვანდ

დავტოვებო-დ იმათ თავ ეკიდ. ეს ამბავ რო დაიწყო-დ ქისტებმ იარად მათხოეს, მაშინ აფშინათ აბა ნაცნობ ქისტებმ გამააპარეს, მაგკვლენავ, უთხრეს, არ გაგიშობენავ; სხო ამბავიც ძალინ ცუდ მახვდებისავ, აქაო-დ არ გვინდავ, იმ ქარ-ცეცხლში შენ გაეხვივა. აბა გავლენიან კაცი იყვ, ყველგან ხყავნდ კეები მეგობრები-დ იმეების დაჭმარებით წამავიდ; თითო-ოროლა სხვა ხალხიც გამააცილეს-დ წამალავს ქისტებმ. ერთ ჯარევიონ ქისტი იყვ, რომნის ცოლსაც თუშებმ შეურაცხყოფა მიაყენეს, იმ ქისტმ ქართულ იცოდა-დ შუაკაცად უფრო ის დავიდოდ: იარად აიყარეთაო-დ ცოცხლებს გაგიშობთავ მემრავ. მაგრემ იმას უნდოდ ლაშქარს იარად აყვარა-დ მემრ თუნდა ერთს მითხოვლს არ ესრივ თოფი, ის აპირებდ ხალხის ვოცასა-დ ჯავრის ამყრას. ამას სხვებიც ხყვანდეს მემჭრეები-დ მაკერტეს კიდევ ნახევარზე მეტის ხალხისად იარადის აყრაი. აივსნეს თოფ-იარადი-დ ჩააბარეს. ხოლოთ სოფელში ვინებიც იყვნეს შასულები, ისეები მაგრდებოდეს იარადის აყრაზე. ბოლოს უთხრეს გაგიშობთაო-დ ბანზე გამაუშვეს ხალხი. ერთ ქისტი, სახელად ძალუმჭანი ბოსელში შავიდ გიგიაისა-დ იმედაის გამასაყვანად. იმათ გადაწვეტილი ხქონდ ქისტს რო ვლნახავთავ, მაკვლათავ, თორე სრუ ერთიავ მაინც არ გაგვიშობენაო-დ გულჯავრიანებ მაინც ნუ დავივოცებოთავ. ძელუმჭან რო კართან მივიდ იმათ გამასაყვანად, გამავარდ იქითაც თოფი-დ ძალუმჭანი ბოსლის კარში მკვდარ დავც. ეს რო ნახეს ქისტებმ, ექნ იმათაც ბედადა-დ დასცხეს ტყვია ამ ხალხს, ისით თოფის ვმა ავარდ, რო ცის ქუხილს ღგვანდ. ღილღვლები, იგივე ქისტები, ახლოს იყვნეს ჩასაფრებულები-დ ერთ ტყვია არ დაუხარჯავ ისრ, რო ერთ კაც მაინც არ მეეკლას.

სოფლის ბოლოზე რაიც ხალხ იყვ, სრუ გაწყვიტეს, რო მკვდარ რიყესავით ეყარ. ღილღველთ რო თოფვა დაიწყეს, ბანზე ვინაც იყვ, ის ხალხ მიაწყდ ჭერხოს კართა-დ თოფები სრუ ბანზე მაში აჩქარებულებს, რო კარებში მარჯვედ ვერ შაძვრეს თოფიანები. ზოგ ხალხი აქაც დავოცესა-დ ზოგმ კი შაასწვრ ცოცხალმ. იქაც თითო ოროლა ტყვია შამავარდის საკომშიით. ბოლოს ცოტაად შანელდ თოფის ვმაი, ერთს კისტნელ ახალგაზრდას კვირიკა ექვივნა-დ საკომშიით დაიწყ გახედვა ნეტარ რა ამბავიავ. ნუ გახედავავ, ტყვიას ისრევენავ, დაუშალეს ამხანიგებმ. მაგრემ იმან თქო, მე მიცნობენავ ქისტებიო-დ თოფს არ მესრევენავ. ამ დროს გამავარდ თოფით, კვირიკას შუბლში მახვდ ტყვიაი-დ ტვინი ყორეთ შაასხ. მაკლეს კვირიკაიც. თოფის ვმა რო დავჭირდ, იმ დროს გამაიყარნეს უჭკუათ გიგიაი-დ იმედა ღიქოკელიც. ხალხს ვოცენაო-დ ჩვენავ აქ ნუ ვიმალებოთავ, იქნება გავასწვრათაო-დ არა და იქ დავივოცნათავ ჩვენაცავ. სადაც ხალხ ივოცებოსავ. დაქცეულნ რო გამაყრილიყვნეს, დაყვარ ქისტებსაც თოფები-დ იქავ დავევოცნეს ისენიც. ერთის ქისტისად კი იმათაც კიდევ მაესწვრ თოფის დავკრა, მანამ დაივოცებოდეს. ხალხ რო ჭერხოში შაიყარნესა-დ თოფებ ბანზე დაში, ერთმ არხოტიონმ, გიორგი ჯაბუშანურმ, მავვლ ამ თოფებს ველი, შაყარ ჭერხოში: არ გცხვენინათავ, უთხრ, ხალხიც ერთუცს

ვოცსაო-დ თქვენავ იარაღს კარში სწირავთავ. არხოტიონი ამ ომში ორ კაც იყვ მარტო, ძმები გიორგიი-დ უნცრუაი.

ქისტებმ ორმოცდაათამდე კაც მაკლესა-დ მასწყინდ ხალხის ვოცა, გულიც მაიჯერეს, იყარეს ჯავრი. კიდევ მაულალეს კაცი, რო იარაღ ჩავგაბარეთავ, ვინაც გადაგერჩითაო-დ წყედითავ, აღარ გვინდავ თქვენ დავოცაივ. გვეყვავ, რაც სისხლ დაიღვარავ. ხოლოთ თქვენს თავს აბრალეთავ, ცოდოც იყოსავ ეს სისხლივ. ჩვენ ამთვენს არ დავხვოცავდითავ, მაგრემ ყველა ცუდ-ი ხქენითაო-დ იმან მაიყოლავ. შუაკაცად წამალალეს ღიღღვლებმ სოფელ გუროში მცხოვრები ჳევსური მამუკა გოგოჭური, რომენიც დიდხანი იყვ მითხოს წასული საცხოვრებლად-დ იქ ცხოვრობდ. მამუკა დისწულ არხოტიონთა იყვ, სოფ. ახიელთ ნაროზაულთაი. იმან რო გიორგიი-დ უნცრუა არხოტივნებ აქ ნახ, იმის დედიძმათ სოფლელები, გაუკვირდა უთხრ: თქვენ რაიდ გინდოდათავ აქავ, მითხოელთავ თქვენ რა ემართავ. წავიდა-დ ღიღღველთ უფროს ყახადს, ბაგის, უთხრ, რო აქავ ორ არხოტიონ მახყოლივავ შემთხვევითავ. ისენივ ჩემებ დედულებიავ, ჩემის ხათრის გულისად გაუშვივ ისეებივ. მემრ ბაგიმ უთხრ, რო წყედო-დ ერთივ ჩემთან წამაიყვანევ. მამუკა წავიდა-დ გიორგი წამაიყვან ბაგისთან. ბაგი გიორგის კარგად მიეგებ, ჳელ ჩამართვ, ამბავი ხკითხა-დ უთხრ: ჳკვიან კაც მაჩნიხარაო-დ რა გინდოდავ აქავ. მითხოელთავ არხოტიონთა რა წამაულდავავ, შენ რაიდ გინდოდავ აქავ. ხო ხედავ აქ რამთვენ ხალხ დაივოცაო, რო მამკვდარიყავი, შენ რაის გულისად მახკვდებოდევ. მემრ ეთქვ ბაგის ერთის ქისტისად-დ მამუკაისად: ეს კაც გააცილეთავ, თოფ-იარაღიც თან წაიღასაო-დ ძმაიც წავიდასავ ამისაივ. ამათ არავინ რა დაუშავასავ, თორე თქვენ იქნებითავ პასუხისმგებლებივ. დავალებულ კაცებსაც გამეცილნეს ძმანი თავის იარაღით სამშვიდობო გზამდინ. დანარჩენ ხალხს მეტ გზა არ ხქონდ, აიყარეს იარაღი-დ ჩააბარეს ქისტებს. რო დადამდ, გამაუშვეს ეს ხალხიც. გამაყოლ ბაგიმ კაცებ, რო ესეებ აღარვინ დავოცასავ; წამავიდ ხალხი, ვინც ცოცხალ დარჩ. ქისტებ თუშებზე იყვნეს დაჯავრებულები-დ, თუ თუშს გაიგებდეს, არ უშობდეს ცოცხალს. იმით ბევრიც დაივოც, თუშებ უფრო. მშავლებიც ბევრ დაივოცა-დ ჳევსურ მარტო სამ მაკვდ. ზოგ ხალხს ბაგიმ უშველ, ჳევსურებს. უფრო ბევრ ხალხ კი სროლის დროს ჳერხოში თავშაფარებით გადაშჩა-დ აღარ დავოცეს მემრ ჳევ. არცრა უწესობა ჩაედინ ამ ლაშქარში ჳევსურებსა-დ ღიღღვლებმ იმითაც არ მაინდომეს ჳევსურების დავოცა. წამავიდ ლაშქრის ნარჩომი ხალხი-დ ცხენები-დ იარაღ კი მითხოს მარჩ სრუ. ყველას კაებ ცხენები ხყვანდ, კარგად შაკაზმულები, ჳვეით ცოტა იყვ. ცხენ-უნაგირიცა-დ ამოდენა მკვდრებიც სრუ მითხოს მარჩა-დ გაინაწილეს მითხოელთ. მკვდრები ზოგები წაიღეს მეპატრონეებმა-დ ზოგები იქ მარჩ. ქისტებს აძლევდეს ფულს, ისენი ევმარებოდეს მკვდრის დაძვეებაში-დ მშვიდობიანად გამაცილებაში. ვისაც რიგიან პატრონ არ ხყვანდ, დავვიანებით

წავიდეს მკვდრების მასატანად. ჳევსურებმ კი დაიწმარეს ნაცნობ ხალხი-დ დროზე მაიტანეს თავის მკვდრები. მშავლები-დ თუშებ კი ბევრ დარჩ იქ, უპატრონობის გამო. მკვდრებს რაც ტალავარ ეცვ, სრუ წახყარეს ქისტებმა-დ შიგათი საცვლებ გაუწირეს, აისრ დათარესა-დ გადაყარეს სოფლის ბოლოში შორს.

ერთ-ერთი ქეიფის დროს ხევსურმა და ფშაველმა მაშინდელ ამბავზე შეუმდერეს ერთიმეორეს შემდეგი ლექსი:

- *მიოხოს გადაედ, მშაველო, თქვენებ მკვდრებ აიქ ხყრიაო! (ხევსური)*
- *მენ იქ არ წავალ, ძმობილო, ვანა მენ არ მკვრეტს ტყვიაო. (ფშაველი)*

ამ ლაშქრობის შემდეგ ფშაველებმა და თუშებმ ხელი აიდეს მიოხოვლებთან ბრძოლაზე, ჳევსურებმ კი, აქ დახოცილი მკვდრების მეპატრონეებმ, არ მაისვენეს, მანამ სისხლ არ აიდეს მიოხოვლებზეთ. მაგრემ სისხლის აღებას მახყვ კიდევ მეორე მკვრითაც სისხლის აღებაი-დ სამ-სამ, ოთხ-ოთხ კაც კიდევ მაკვდ.

უჭკუათ გიგიას დაშჩ ცოცხალი შინში სულხანაური. ის წინიდგესავ მტრისად მიმყოლ ახალგაზრდა იყვა-დ გიგიასის სიკვდილიდგეს დავიდოდ სისხლის ასადებლად. ქისტ უნდა მაეკლა-დ შაეწირ გიგიასისად, ხოლოთ, რომენიც უნდა ქისტ ყოფილიყვ, ის კი სრუერთი იყვ სულხანაურისად. ერთხან წავიდ სულხანაური შურის საძებრად. შაკრ ქისტების მასავალი გზაი-დ ელოდებოდ ქისტის მასვლას. ამ დროს მავიდ ქისტის მოლა ცხენით. ესრივ სულხანაურმ, მაკლ მოლა. გადახტ, ჳელიც მაშჭრ, თავიც. ჩასხ იმისავ ცხენის ხურჯინში. შაჯდ ცხენზედა-დ წამავიდ. მოლაის თავი იმით წამაიდ, რო გიგიასის იარალი იყვ მიოხოს დამრჩალი-დ იმას თხოულობდ. მანამ იმ იარალებს არ მამიტანთავ არ მაგცემთავ მოლაის თავსავ. მაულაღეს კაცები:რმაგვეცივ ევ თავივ. ჩვენ საით მაგიტანათავ ის იარალივ, რა ვიცითავ, ვინ წაიღავ, რამთვენ დილღველ იყვავ მაშინავ შუღლშიაო-დ სად ვინ წაიღავ, რა გავიგათავ. სულხანაურმ თავ არ მისცა-დ ქისტებმაც თავ დაანებეს იმის თხოვას. დარჩ მოლა ქისტეთში დასაფლავებული-დ მოლაის თავი ჳევსურეთ, ბარისაცოს. მოლა როსაც მაკლავ, მაშინავ ლიქოკლებ ეტანნესავ სულხანაურსავ, ამბობდ ხალხი-დ სულხანაურივ იმათობას იმით არ ამბობსავ, რო ქისტების მასავალად, კაცის მასაკლავად ლიქოკი იმათ მარჯვეს ასა-დ არ შარჩენდეს ქისტები. ბარისაცოს ქვე ვერცაით მავიდოდეს ისენი-დ იმით იბრალებდეს თაოდ. მაგრემ, ხალხს გაუგო რა დაშჩების? გაივ ხალხმა-დ მიუტანეს ეს ამბავ ქისტებმაც. ქისტებმ უფრო მამკლავის სოფელისა, ან მოგვარის მაკვლა იცოდეს, თუ თაოდ მამკლავს ვერ ჩაიგდებდეს ჳელში. ჳევსურებისად კი სრუ ერთი იყვ, ხოლოთ ქისტურ ტალავარ კი სცმიყვა-დ ვინაც უნდა ყოფილიყვ. აი, ამით დამალ ლიქოკლების ამხანიგობა სულხანაურმ, რო იმ სოფელს დააზიანებენავ ქისტებივ.

სულხანაურმ რო ამით ვერ მათანოვ გიგიაის იარადი, კიდევ წავიდ. იფიქრ: მავსკლავავ ერთს ქისტსავ, კიდევ შავსწირავ გიგიასაო-დ იარადსავ ქვე წამავიდებავ გიგიაის იარადის მაგიერავ. წავიდ სულხანაური-დ ერთ ბარისაჯოელ ახალგაზრდა გახყვ, სახელად ხთისიკა, გვარად ისიც ჭინჭარაულ იყვ. ერთ მშაველ გახყვ, იმასაც ამ ლაშქრინდელ შური ხქონდ საძებარი. შატელ ძალიან კა მეგობარი ხყვანდ სულხანაურს, გიგიათ აბა. სხვა დროს, როსაც უნდა წასულიყვ შურის საძებრად, ან სხოდ რაად, აბასთან მიუვალად არ დადგებოდ. ძალიან უყვარდ ერთუცი-დ ერთ ორ დღეს მაინც აღარ გამაუშობდ აბა სულხანაურს, როსაც სტუმრად მიუვიდოდ. გვარად ისიც ჭინჭარაული იყვ. საუბედუროდ ახლა აღარ მიბრუნდეს შატელ სულხანაური-დ იმის ამხანიგები-დ პირდაპირ ჩაიარესა-დ ანატორ შაკრეს ქისტების მასავალ გზა. ამ დროს, სულხანაურის მეგობარი გიგიათ აბა წასულ ყოფიდ მითხოს საკლავების სავაჭროდ. დილდოს წასულს დილდურ ტალავარ ჩაუცომ, რო კვესურულის ტალავარს დასცინოდეს იქ. ახალგაზრდებს დილდურ ტალავარი ხქონდ ზოგებს დილდოს სასიარულოდ, შატელივნებს. ბუდის კვესურებ კი ესეთს ტალავარს მაშინ არ იცვემდეს. აბას უვაჭრებავ მითხოს ცხვარ-თოხლები-დ გამაღალ შინისკე. სულხანაურმა-დ იმის ამხანიგებმ ერთს დღეს იყარაულეს გზა, არცად ვინ მაუვიდ. მეორეს დღეს, გქელ-სადილობა იქნებოდ, რო აბამ ცხვარ-თოხლებ მასსხ. სულხანაურსა-დ იმის ამხანიგებს ქისტ ეგონ, კარგად გამაწყობიდ რო იყვ ქისტურ ტალავარში. სულხანაურმ უთხრ, რო ჩემის შინშის შასაფერ ქისტოვ ეხლად მავიდავ, რო სიარულზედა-დ მიხრა-მოხრაზე მავწყონ. ამხანიგებმ უთხრეს: კაცო, ეგ შატელიონ არ ვინ იყოსავ, ეგ ცხვრებ სად მიუდისავ. სულხანაურმ გაიცინა-დ უთხრა: ქისტებსავ სრუ დაუდისავ ცხვრებოვ დასაყიდადავ შატელავ. განა არ ვიცნობავ, შატელივნებს ეგეთ ტალავარ ვის აქვავ. აბა მარტო არ იყვ, ამხანიგებიც ეტანნეს კვესურულად ჩაცმულები. აგერაილევ, შატელივნებივ თან სტანიანავ, უთხრ სულხანაურმ, რადარ ერთუცს დგონავ ეგ ახალგაზრდაიო-დ ეგ სხვებ ამხანიგებივ. მე დამაცალეთავ, ჯერ მე ვესრევაო-დ მემრ თქვენაც ესრივიდითავ. გავარდ სულხანაურის თოფი-დ აბა ჩაიქც. ესრიეს სულხანაურის ამხანიგებმაც იქავ იმას. თოფის ჳმა რო გათავდ, იქით მეედინ ძახილი, რომენი ხარავ, რა გვემართავ შენივ, აბა რაზე მავვიკალივ. მაშინ უთხრ სულხანაურმ: ჩემ ძმობიდ მამიკლავავ, ნეტან იმის კვალად მე მამხვედრიყვავ ტყვიაივ. სულხანაური ამხანიგებმ აყენესა-დ წამაიყვანეს ძალად, აბაის მაკვლიდგეს სიცოცხლე აღარ მინდავ, აგებ მიაც აქ მამკლანავ, ამბობდ ისი. ამ ამბავზე დიდ ლექსები ნათქმები-დ ერთ-ერთ ლექსში ეს სიტყვები სტანავ:

*ნუ იცომ, გიგიასშვილო, დუსურბნის ტალავარსაო,
შავხვდების სულხანაური, გაფერებს ქისტის ყმასაო.*

ეს ამბავი ანატორ მახკდა-დ შატილსთან შორს არ ას ეს ადგილი. წამავიდეს ამხანიგები-დ შატილ გატეხეს კმაი. შატილიგენებმ გაიგეს, რო ესი სულხანაური იქნებოდ. დაიქც სოფლის ხალხი-დ შაუკრეს სულხანაურს ბუდე ჰვესურეთისკე წამასასვლელი ყველა გზები. წასვლაში გიგია მ უთხრ თავის სოფლელებს: ვისაც შაგხვდებისთავ, მაკალითავ სულხანაური-დ დღესავ ჩემ მუშები ხართავ, ჩემის შვილის მაკვლაზე რო კაცს ხკლავთავ, თავსავ თავში გავდბრივ. ე. ი. სისხლს სისხლში გაუბრივ (საერთოდ ეს ხვესურეთის წესში არ იყო, ერთი გვარის რო მოკვდებოდა, მისი მკვლელი მის ახლობელს უნდა მოეკლა, თუ შორეული მოგვარე იყო თავისი შორეული მოგვარის მკვლელის მკვლელი, მაშინაც არ ებრებოდა თავი თავში, არამც თუ თავის სოფლელის მოკვლაზე). საერთოდ, მაინც ეს ამბავი ასე მოხდა. სულხანაური მოკლეს ამავე სოფლელებმა ე. ი. გიგიას სოფლელებმა ამავე გზაობას, მაგრამ სულხანაურის მამა გოგოთური თავს თავში არ ბრიდა, ის უთვლიდა გიგიას: შენი შვილის სისხლს მე დავიდებ და ყველა წესებს შეგისრულებ, რაც ჰვესურეთში მოსისხლის წესია, ხოლოთ ჩემი შვილის სისხლი უნდა დაიდოს იმან, ვინც ჩემი შვილი მოკლაო. მე იმას სისხლს რად გაუბრი, ვინც შენი ახლობელი არ იყო, იმას რა საქმე ქონდა ჩემი შვილის მოსაკლავად. თავის დროზე შენ მოკლავდი თავის შვილის მოსისხლეს და მაშინ მე ხმასაც არ ამოვიდებდიო. გიგია კი შუაკაცების პირით ეუბნებოდა: შენი შვილი ჩემის დავალებით მოკლეს ჩემი შვილის გულისათვის და თავი თავში გაგბართო. სულხანაური მუდამ დადიოდა შატილში და მას არავინ კლავდა. მიზეზი თვითონ გახდა ჩემი შვილისიც და თავისი მკვლელობისიც და, ვინც ამ მიზეზზე სულხანაური მოკლა, კაცის თავი მას რად უნდა დავსდოო. ბევრი შუაკაცები დადიოდნენ, მაგრამ გოგოთურმა თავი თავში არ გაბარა, გიგია კი თავის გაბრას მოითხოვდა. ბოლოს ორივენი დაიხოცნენ და ეს საქმე შეურიგებლად და გაურჩევლად დარჩა მათ შთამომავლობას). წამავიდეს შატილიგენები-დ ზოგმ სად შაკრ გზაი-დ ზოგმ სად, ოროლ-სამ-სამთ. სადაც მივაგ, სულხანაურს მაკვლავთავ. გიგიამაც ის უთხრ, რო ამხანიგებ ექნებიანავ, მაგრემ სულხანაურის მეტ არვინ მახკლათავ. სულხანაური-დ იმის ამხანიგები ჯერ მთისას წამავიდეს ანატორითავ. დამით რო მთა-მთა გადიოდეს წვერზე, სულხანაურს რაიმ მეჩვენა, კაცები იყავ, თქო, მთაზედაო-დ არ გაგვიტევენავ. იქ გზა კი არავის ხქონიყვ შაკრული, რაი რა მაეჩვენ. დაბრუნვილიყვნეს მთაზე შამკდრები-დ ჭალაშიავ ჩამაყრილიყვნესა-დ ჭალაზე გზაურ წასულიყვნეს. თენებაზე მისულიყვნეს იქ, სადაც გზაი ხქონდ შაკრული. სულხანაურ წინ მიმავალიყვა-დ სხვები უკენ მიმდინარიყვნეს. ჩასაფრებულებში ერთს ახალგაზრდას გიგია ექვივნ, კურდღლიშვილს გიგიას ეძახდეს ამ ახალგაზრდას. წინწინ ამას ესრივ სულხანაურისადა-დ დაეკრ. ესრივ სხვებსაც. სულხანაური იქავ დაცემულიყვ. იმის ამხანიგები გადამხტარიყვნესა-დ კლდეს მახფარებიყვნეს. შატილიგენებს ეძახ: თოფ

არ გამაისრიოთავ, თორე ამაგაშიავ გაგწყვეტთავ. ეს კაციე სისხლზე მავკალითაო-დ თქვენ თუ თავ ცოცხალ გინდათავ, ადეთაო-დ წაედითავ. თუ ჰელ დაზძართავ, ვერც თქვენ წახოლთავ ცოცხლებივ. ისეებიც წამასულიყვნესა-დ შატილიენებიც წასულიყვნეს შინ. სულხანაურისად შატილიენებს ჩოჭა შამაეხურ ზედ, რომ მანამ წაიდებენავ, ცოლოი ასავ, პირდაუფარებლად იყოსავ.

ეს საქმე ბოლოს გაურჩევე დაში გიგისას-დ გოგოთურს. გიგამ დაუბარ გოგოთურს: შენ კი აგადებოვავ არგანივ შვილის სიკვდილმაო-დ მე ვერ ამადებოვავ. მე შენზე მაგარ კაც ვყოფილორავ. ვითამ გოგოთურმ შვილის სიკვდილზე ჯოს აილა-დ ჯოხით დაიწყ სიარული, ისრ წელში მასწყვიტ შვილის სიკვდილმ.

გეუბენ სულხანაურო, ღრიდე სისხლიანს გზასაო!

ერთხან ვატყდების კოკაი, მუდამ არ ზიდავს წყალსაო.

ეს სიტყვები იმისად ნათქვამს ერთ-ერთს ლექსში ას, იმის სიკვდილიდგეს. ჴშირად ლექსობენ ჴვესურები ახალუხალში.

ქისტებმ იცოდეს, რო მოლაის სიკვდილშიაც ეტან ლიქოკელი კაცი-დ სხოდაც ქისტეთში ჴშირად დადიოდეს ისენი-დ აწუხებდეს ქისტებს. ამის ჯავრზე იმათ მოკლეს სოფელ აკუშოში მცხოვრები ბათირა ლიქოკელი. ბათირას ორ ძმა დაში. ძალიან კარგები იყვნეს მტრისად მისაყოლადაცა-დ სხოდაც. არა მარტო ძმებ დაში, სახლისკაცებიც კეებ დაშიესა-დ დაიწყეს სიარულ ბათირაის სისხლის ასადებად. ხოლოთ ესენი უბრალო კაცის მასაკლავად აღარ დადიოდეს, ან უნდა მაეკლ თაოდ მამკლავი-დ ან იმის ძმა სახლისკაც მაინც, რო ბათირაის მამკლავს გულ მაინც სტკიენებიყვ. ბათირაის მამკლავი გვარად ლამუროვი იყვა-დ ამათ გვარისას იძევდეს. ბევრჯელ წავიდეს, ბევრჯელ შახედ სხვა ქისტი მარჯვე აღაგში, მაგრემ არ კლევდეს. ბოლოს ჩაუსაფრდეს სოფლის ახლოსა-დ დილას კარში გამასული ლამუროთ ელიზბარი მაკლეს. თაოდ მამრუნდესა-დ უგზოზე წამავიდეს მოიდი-მოთივა-დ მავიდეს ლიქოკ. ამაზე ძალიან თავ ისახელეს ჴვესურეთ გაგუჩამ, ხახონამა-დ აბიკამ (პირველი ორი – ბათირას ძმები იყვნენ, ბაჭყურათ გიორგი და აბიკა მათი ბიძაშიელები იყვნენ, რომლებიც სისხლის აღების დროს თან ახლდენ ბათირას ძმებს) ამ ელიზბარის მაკვლაზე საქებს ლექსებსაც ეუბნებოდეს ჴვესურები. უმდერდეს ჴერზედა-დ აძლევდეს პატივს.

ბოლოს ლამუროთ მაულალეს კაცი, რო შავდრიგდეთავ, ლიქოკლებს. რჯულის კაცებ შავყარათაო-დ რჯულივ რასაც იტყვისავ, ჩვენაც აისრ შავდრიგდათავ. ჩვენავ, უბრალო ხალხ, რაზედ ვკოცთავ ერთმანეთსავ. ბათირაიც აღალ კაც მაკვდავ, ბათირაის მაკვლაზე ელიზბარიც, აღალ კაც მახკალითავ. ბათირაის მამკლავივ ყაჩაღად ასავ გაქცეულივ, ან მოლა რაზე მავვიკალითავ. მიოხოს ხალხ

რო დაჯოცესავ, ჩვენის მოლაისა რა ბრალ იყავ, რო თავიც კიდე წაილითავ, რაც ჩვენს ქვეყანაში არ მამკდარავ. განა არ ვიცითავ, რო იმის მაკვლაში სულხანაურს თქვენ ეტანენითავ. ეს ყველა გავარჩიითავ რჯულითავ, თორე ჩვენ თქვენსავით უბრალო კაცს კი არ მავხკლავთავ, დამნაშავეს მაგიკვლავთავ-დ შიგ თქვენს სოფელში მაგკლავთავ. ამ რჯულში დაიბარეს მცოდნე კვესურებიც, ქისტებიც. თაოდ ლიქოკლებიც მავიდესა-დ ლამურონიც. რჯულის კაცებში ჯერ ლამუროთ იჩივლეს თავის საჩივარი-დ მაითხოეს ელიზბარის სისხლის ანაზღაურება ლიქოკლებისაგან, რაკი ის მეტად მაგვიკალითავ-დ არცრაის დამლევ იყავ. მემრ ლიქოკელთ იჩივლესა-დ უარი თქვეს ელიზბარის სისხლის ანაზღაურებაზე. ჩვენავ ვალზე მავკალითავ ბათირაის მაკვლაზედავ. იმის მაკვლავივ მაგათ სახლისკაც იყავ, იმას მასთხოვანავ პასუხივ. რჯულის კაცებმ ბევრ იწვალეს, რო შარიგება მაქვდინ, მაგრემ ვერა გააწყვესა-დ ჩაიშალ რჯული. წასვლაში ლამუროთ თქვეს: ეხლად რო ცუდ საქმე მახკდასავ, ჩვენ ბრალ ნუღარ იქნებისაო-დ წავიდეს.

ლიქოკელებმ იცოდეს, რო ქისტები ვალს არ შაარჩენდესა-დ ძალიან მოხილად იყვნეს წინას წლებში. უიარაოდ კარში არვინ გამავიდოდ. ისითს გზაზე არვინ გაივლიდ, საითაც ქისტების მასავალად მარჯვე იყვა-დ გზის შასაკრავად. მაგრამ ქისტები შურის საძებრად ეშმაკ ხალხ იყვ. იმათ კვესურებსავით აჩქარება არ იცოდეს სისხლის ასაღებად. კვესურები იტყოდეს: „ხე წაქცევაზე იქს ჩქამს,“ ვითამ ხე რო წაიქცევისავ, მაშინ გამაიღებსავ კმასავ. ე. ი. როსა მაგვიკვლენავ, მაშივ უნდა მავკლავთავ, თორე გულ რო შანელდებისავ, მემრ აღარა იქნებისაო-დ დარჩებისავ უძებარივ. ქისტებზე კი ისრ ას ნათქვამი: ერთმ ქისტმავ მამაივ ასი წლიდგე იძებნაო-დ კიდევ ავჩქარებულორავ, თქოევ. ესრ კარგა წლებმ გაიარა-დ ლიქოკლებს სიმთხილე თანთან დასცილდ (დაავიწყდა), ბოლოს ბაჭყურათ გიორგიმ ბულალაურთას სახლიც კი იყიდა-დ იქ დაიწყ კვნა-თესვა (ბულალაურთა ფშავლების სოფელია, მაღლა მთაზე, სადაც ქისტების მოსასვლელად სულ ადვილია. ბულალაურთას ხშირად ეცემოდნენ ქისტები და საქონელი გადაუდიოდათ მოტაცებით, რადგან გადასავალი მთა ქისტებისაკენ ახლო იყო). ბოლოს დროს ცხვარ-საქონიც კი დაუდიოდ იქ, რაკი კა საძოვარ იყვ ბულალაურთის მთაში. გიორგი კაი მცხოვრებ კაცი იყვა-დ შრომისმოყვარე. სხვებ უშლიდეს: ბულალაურთას ნუ წახოლავ, თორე მაგკვლენავ. რაკი ის ელიზბარის მაკვლაში ეტან, ქისტები იმას უფრო მახკადდეს მასაკლავად. გიორგი მაინც არ იშლიდ ბულალაურთას სიარულს. ბოლოს ერთ დღეს ცოლქმართ ბულალაურთას საქმე ხქონდა-დ იქით მადიოდეს აკუშოსკე. ამ დროს მასულიყვნესა-დ ჩასაფრებულიყვნეს ლამურონი. გზაში მამავალს გიორგის დააშაღეს თოფები-დ მაკლეს ცოლის თვალწინ. ერთ გადმახტ, გიორგის მკვარზე ნაკიდებ თოფ ადგლიჯა, წაიდ. აქ აწერილის ლაშქრობის სისხლი აქამდინ გაგძელდ. ამის შემდგე კი აღარვინ მამკედარ.

შშავლის ლაშქარი შატილში ბარას მითაშრობით

მიამბო მგელია ჭინჭარაულმა, 50 წლისამ, სოფ. შატილში

*საგინამ გიორწმიდელმა ლუდი ადულა სვიანი,
აწიენა ჯალაბაურნი, მამით შვილამდინ მტრიანნი.*

საგინა გიორწმიდელი ცხოვრობდ სოფელ გიორწმიდაში. გიორწმიდა მაშინ ძალიან კა ადგილი იყვ, კა მასავალი იცოდა-დ სასაქონელაც კა იყვ. აქაურ ხალხს კარგად ცხოვრობდა-დ საგინაიც კას ცხოვრებაზე იყვ. მენადირე იყვაც კა იყვ, ხოლოთ საოშკაცოდ ვერ ყოფილ ძალიან გამჭრიახი. შატილით ჯალაბაურთ ქალი მაუყვანავ ცოლად. ამ ქალს ბევრ ძმები ხყონიონ, თავაყრილნ ხალხნი ყოფილან, რო მთასიქით კაცად არვინ უგდავ.

საგინამ ერთხან ჯიკვ მაკლა-დ მახქონდ შინისკე ჯიკვის კორცის ბარგი. შახვდეს ცოლის ძმები, მახკადეს ზურგზეით ბარგი, შინ წაიდესა-დ ის ცალე გაუშვეს შინ. მეორედ კიდევ მახქონდ ჯიკვის კორცის ბარგი, იქავ შახვდეს ცოლის ძმები, ძალით წაართვეს ჯიკვის კორცის ბარგი; დაუწყ ხევწნა: დისშვილებ მანც არ გებრალეებისთავე, რო ცალე წავიდავ შინავ, ნახევარ მანც გამატანეთავ ე კორცისაივ. დაიკარგევ აქითავ, თორე კარგა გაგრეხვათავო-დ აისრ გაგიტევათავ, გაავდეს ცალეი (იმათ დას საგინასთან შვილებიც ჰყავდა). ამ ნადირის ბარგის წართმის გარდა, სხოდაც მასხარაად იგდებდეს თავის სიძეს. იარად რა მეეწონებოდა, თუ სხვა რა მაეწონებოდ სიძის სახლში, გამაართვემდესა-დ შინ წაიდებდეს. შაადონეს სიძეი-დ აღარ აძლევდეს მასვენებას. ბოლოს ცოლმ უთხრ საგინას: შენავ ჩემებ ძმებივ მასხარაად გიგდებენაო-დ მე ეგეთ კაც არ მამწონსავ. მაგ ჩემებს ძმებსავ ნუ ეგდებიებივ მასხარადავ, შაუქციევ, თორე მე მამწყინდავ ასეთს ყოფაში ცხოვრებაივ. საგინას უნდოდ, რო ეთქვ ცოლის ძმებისად: თავს თუ არ დამანებებთავ, უფერ საქმე მაგვივავ. მაგრემ შიშით ვერას ეუბნებოდის. იმის ცოლის ძმები, ჯალაბაურნი, არ მაიკდენდეს ასეთს ნათქვამს. სცემდესა-დ მასხარაად აიგდებდეს. მანც რო აღარ მასვენეს, საგინამ გადასწყვიტ იმათ დალევა. მაგრემ კაც არ ხყვანდ იმათ დამლევი. ისენ თუ ცოტან დეეკოცნესა-დ ზოგებ დამრჩალიყვნეს, ისენ სუყველათ გასწყვეტდეს, აღარვის გაუშობდეს ცოცხალს. ბოლოს საგინამ გადასწყვიტ: ლუდის ადულემა, ჯალაბაურთ წევაი-დ ამ დროსად მშავლის ლაშქრის მასხმაი-დ ჯალაბაურთ დათრობიდგეს ლაშქრის დაცემი-დ იმათ დატოცა ყველათაი. საგინა წამავიდ მშავს. მშავის კევ ერთ სახელოვან კაც იყვ, გარა თურმანაული. ის ისით სახელიან კაც იყვ, რო მშავ-კვესურეთ გარაის სახელ ყველამ იცოდ. ის ქისტეთაცა-დ ლეკეთაც უძღვებოდ მშავლის ლაშქარსა-დ, სადაც წავიდოდ, ყველკნით ნასახელარი ბრუნდებოდ. გარაის სახელი

საგინასაც გაგონილი ხქონდა-დ მშავს პირდაპირ იმასთან მავიდ. გარას უოხრ, რო მშავლის ლაშქარ შაყარევ, წამედივ, მე ჯალაბაურთ დაეიბარებავ, ლუდს ვადუღებაო-დ სასმელზე ყველას მავიყონავ. დაულიშნ დღეი. ამა-დ ამ წუხრას მეედივ შენი ლაშქართავ გიორწმიდასავ. ხალხივ მოვრალ იქნებისავ, პირდაპირ ჩემთ სახლთ დაეცენითავ, ჯალაბაურნ დალიენითაო-დ მემრავ შატილითავ იმათ ცხვარ-საქონიო-დ დავლაიც თქვენ წამაილითავ. ვისაც ჩემთან მაასწრობთავ, იქ დახვოცთავ, თუ შინ ვინ დარჩავ, მიხოლთავ იქაც დაცემითავ, კიდევ დახვოცთავ იმეებსავ, რო სრუ გათავდანავ, თორე არ მაისვენებენავ.

ესრ პირობა დადვესა-დ წამავიდ საგინაი. დალიშნულ დამისად საგინამ დაამზად ლუდი-დ აწივ ცოლეურები. სხვა ყველა წამავიდა-დ ერთ ძმა დარჩ შინ – ვარდანა, რომელიც ძმებზე კა იყვ.

გარამაც შაყარ მშავლის ლაშქარი, ააბეს ლაშარის ჯვარის დროში-დ წამავიდეს შატილის დასალაშქრავად.

*გარამა თურმანაულმა, მშავისკვე დაიარაო,
შაყარა მშავლის ლაშქარი, მათურა აიარაო.
წითელ-ყვითელი დროშაით ბოროლა გადიარაო.
კისტან ატირდა ბებერი, ჯარით სად მიხელ გარაო?
შატელ მივდივარ, ბებერო, ვარდანამ დამიბარაო.
მე-დ იმან უნდა ვიომათ, უნდა იჭეხნას ცამაო!
გვერდ უნდა გადაიქცივას ვარდანის ციხის ქვამაო!
უნდა ჭყიოდან გოზანი ვარდანის ციხესთანაო!
უნდა ტყვერებოდან ისარნი ციხისწვერ ხარდახთანაო!
პირ ცრემლით უნდა იბანას შექომ ვარდანის დამაო!
სისხლნი წავიდან ღვარადა, არ გაირივნას ზღვამაო.
უნდა დაკვერდან ღურბელნი, აღარ იწვიმას ცამაო.
გადუხნდეს საჭკერეტელშია, ცა წმინდა უცემს თვალსაო.
კმა ვადის საგათენებოდ, ბიბინ გაილა ცამაო.
საგათენებოდ დაეცნეს ვარდანის ციხის კარსაო.
– კარზე გამოდი, ვარდანავ, ნუ მაიმთვრალე თავსაო,
თას თუ გეჭირას ჳელშია, გადააწვადე სხვასაო,
თუ ჳელში ფანდურ გეჭირას, ძმას მიეც მეელიასაო!
– გამავალ, მეელიას მზემა, გამავაყოლებ ფარსაო.
დავიქნევ წარა-მართა ჩემს მისურაულს კმალსაო.
ვა, თქვენს ვარდანას მშობლებო, ველარ გადმოვედ ქავსაო.
თორ, თუ ქავს გადმავსულიყავ, გათრევიებდით მკვდარსაო.*

გარა მასულ მშავლის ლაშქრითა-დ პირდაპირ გიორწმიდას მისულ. ერთ-ერთი ჯალაბაურთ ახალგაზრდა გუროელთ ქალს ხყვარებივა-დ კარგა ხან რო გასულ სმაში, მემრ გამაუყვანავ ის ახალგაზრდა, წაუყვანავ სადამ სხვაკანა-დ იქ დაწოლილან ერთად. ხალხ რო კარგად დამთვრალ, შაუტყობიებავ მშავლებისად საგინას – ეხლადავ დროიაო-დ დასცემიონ კიდევ. შინ შასტანებიონ პირდაპირ კმლებითა-დ დაუტოცავ ჯალაბაურები. ჯალაბაურებსაც, ვისაც კელჩი იარად შაშჩომივ, იმასაც უომებავა-დ ერთ-ორი მშაველიც მაუკლავ. ესეებ რო დაუტოციან, წასულ მშავლის ლაშქარი-დ ახლა შატილ დასცემიონ ჯალაბაურთ ქვიტკირს. აქ ვარდანა ყოფილ დამრჩალი-დ მისულს ლაშქარს რო სრევა დაუწყავ ისრებისა, ვარდანაიც გამავარდნილ ფარ-კმლით. მაგრემ წინწინ გამასულისადავ დაუკრავ ისარი. ერთი ბებერ კაც ყოფილ, ჯალაბაური, კიდევ სახლში. გაბრუნვილს მშავლის ლაშქარს თათარ გაზდგომივ უკენა-დ გიორწმიდას რო დარჩ, ის შვილიც მაეშველა-დ ქახუს მაკლეს კიდევ ერთ-ორი მშაველი. მშავლის ლაშქარი გაბრუნდა-დ წავიდ შინისკე. საგინამ ცოლის ძმებ რო დააკოცივ, ადგა-დ თავის ცოლ-შვილით ფშავს წამავიდ. აიყარ იქით, იმით რო აქ აღარვინ დააყენებდ იმას. თურმანაულმ გარამ მაიყვან საგინაი-დ თავის სოფელში გოგოლაურთას დააყენ. ადგილ-მამულიც აქ მისცესა-დ სახლ-კარის გაკეთებაც უშველეს. ეხლადაც იმათი ჩამომავლობა გოგოლაურთას ხახონიშვილობით ეწერებიან.

*1. თათარი ჯალაბაური, საფეხვოს იჯდა ტყავითა.
დაკეცა ჯაჭვ-მუზარადი, დაწვა, დაიდვა თავითა.
ლაშქრად მასულთა მშაველთა დაუხვდა სტუმართავითა.
სამდევროდ გამაუდგების თოფითა უმართავითა.
გამაუყენებს შვილებსა ლეგის მგლის როტოთავითა.
შამაეწივის ქახუსა, ავორებს დათვებსავითა.
ცაში ეძახდა ყორნებსა, რაად დაზ-მაზდით მცავითა.
შახენეთ გიორწმიდასა, მშავლებ ხყრავ რიყესავითა.*

*2. შატილს ნუ წახვალთ მშავლებო, შატილს ვაჟნი დვან კმლიანნი,
თაოდავ ნაყენ წამალსა, ბაკნებით უღვან ტყვიანი.
მშავლებმ თქვეს, არ დავბრუნდებით, ვანა ქალნი ორთ თმიანნი.
ორშაბათ თენებაზედა დადვა თოფების ტყრიალი.
ვარბის გამარბის გარაი, მანძილა ქორბუდიანი.
ორშაბათს გათენებაზე დარჩა შატილი მკვდრიანი.
რად ვგრე, ჩემო ბატონო, მაგთვენ რად გვიყავ ზიანი?
გარა ვარ თურმანაული, მე ბევრკან მიქნავ ზიანი.*

ლაშარის გორზე მივოცავ ქისტის კარები რქიანი.

ქედსაკდელაში მაიღეს, ცხენ ლაშდართხმულნი ტიალნი.

თოფ-სიათანიც მაიღეს, ბუჩა მაიღეს ტიალი.

რო გამავარდის ბუჩაი, მთა-ბარმ გაიღის დგრიალი.

ასეთი ლაშქრობის შედეგად ცხრა კაცი მოკვდა ჯალაბაური და ჯალაბაურთაც ბევრი აზარაღეს მშავლები. რვა კაცი ჯალაბაურთ გვარიდან იყო და მეცხრე – მათი წყემსი.

წელან ვთქვით, რო ერთი ჯალაბაურთ ახალგაზრდა თავის მეგობარ ქალს გამაუყვანავად გადაურჩენავ. იმას სახელად წიქა ექვიენ. წიქამა-დ თათარმ კიდევ მეტი დავოცეს მშავლები იმაზე, რამთვენიც მშავლებმ ჯალაბაურთა მაკლეს. გაკდ ამაზე მტრობაი ერთი-მეორესთან. ბოლოს ადგ კაც-შუაკაცი-დ ლაშარის ჯვარში მააკდინეს შარიგებაი. კაც-შუაკაცში, მშაველ-კვესურების გარდა ქისტებიც კი ერივნეს, მცოდნე კაცები. რჯულში ბევრ სასაუბრო გახდ. იანგარიშეს ჯალაბაურთ მკვდრებიცა-დ მშავლებისაიც. მშავლები უფრო მეტ ყოფილიყვ მკვდარი ჯალაბაურთ მკვდრებზედა-დ მშავლებმ თავ-სისხლი მაითხოვეს იმთვენი, რამთვენიც მკვდარ მეტ იყვ. მაგრემ შუაკაცებმ ისი მააკერკეს, რო ლაშარის ჯვარისად აპატივებიეს ეს თავ-სისხლი. რჯული ლაშარის ჯვარში იყვ. შუაკაცებმ იმთვენ კენჭ აიღეს (ქვის კენჭები) რამთვენიც მეტი იყვ მშაველი ჯალაბაურების მკვდრებზე, ჯალაბაურთაგან მაკლული. ამააბრუნეს ერთ დიდ ქვაი-დ ჩაყარეს ეს კენჭები ამ ქვის ძირშია-დ უთხრეს მშავლებს: აი ჩვენ რჯულის კაცებმავე ეს გადავსწყვიტეთავ, რო ლაშარის ჯვარს თუ არ აპატივეთავ, ჩვენ ვერ მავაკერკებთავ უიძისოდ შარიგებასავ. იმთვენ კენჭი, რამდენიც მკვდარ მეტ იყვავ, იმით ჩავყარეთავ ამ ლაშარის გორზედავ ქვის ძირშიავ, რო ეს მკვდრებივ ლაშარის ჯვარმ იპატივაო-დ თქვენაც უნდა დასთმათავ. მშავლებმა ჯერ კი არ მაიწონეს, მაგრამ ველარაი ქნეს ლაშარის ჯვარის ხათრით, რაკი კენჭებ იქ ჩაიყარა-დ დასთანხმდეს შარიგებაზე. ადუღეს ლუდი, ერთი კარი დაკლესა-დ შაიყარნეს ლაშარის ჯვარში ერთად მოსისხლენი. შუაკაცებმა-დ კვეისბრებმ შარიგების დროს ორი ჯალაბაურთ ყმაწვილი დაასახელესა-დ დააყმეს ლაშარის ჯვარს, საბოლოოდა-დ მტკიცე ზავის ლიშნად. ეს ყმაწვილები ჯერ კი იყვნეს თავის შატიდ, მაგრემ ბოლოს ლაშარის ჯვარმ მაითხოვა-დ გადმაიყვან ის ყმაწვილები თავის მიწა-წყალზედა-დ დაასახლნ მისრიანთკარში. ერთმ ისწავლ მჭედლობა ლაშარის ჯვარის დაკმარებითა-დ დღეისნამდის მაუდის იმათ გვარს მჭედლობაი. იმათ გვარში ერთი მაინც გამავ კა მჭედელი ლაშარის ჯვარის მადენილობით. იმათ ადგილს მისრიანთკარ ექვიენა-დ ბოლოს ესენიც მისრიაშვილად დაეწერნეს, ხოლოთ ამათ ძირითად გვარ კი ჯალაბაური ას. ისენი დღესაც იქავ არიანა-დ კა განწყობილობაი აქვ შატიდის ჯალაბაურებთან.

დიღღველო ლაშქროს ღაცემა, ამღაზე დე ახიეღზე

დიღღველოთ-დ არხოტიონთ წინავ ძალიან დიდ მტერობაი ხქონდ ერთად. ხან ერთ მჭარე ეცემოდ მეორეს, მიუდიოდ ცხვარ-საქონი, კლევედეს ერთიმეორეს, ხან მეორე მჭარეი. ხოლოთ, როსაც ძალიან შაუჯერდებოდეს დიღღველნი არხოტიონთ მაუსვენრობით, მაშინ ისენი შაიყრებოდეს, წამოვიდოდეს ლაშქარადა-დ სრუ გაანადგურებდეს არხვატს. დიღღველნი იყვნესა-დ შეეძლიეფ არხოტის დალაშქვრა, არხოტიონთ კი დიღღველოთ დალაშქვრა ვერ შეეძლიეფა-დ, მთებში კი ხპარევედეს ცხენებს, ჳარებს, ხანდიხან ცხვარ-ბინასაც დაეცემოდესა-დ მიუდიოდ. კაცებს ხო სრუ ჳოცდეს, სადაც ვის გაეწეოდეს. დიღღველის მაკვლაი სახელ იყვა-დ უბრალოდ სახელის გულისადაც ჳოცდეს, სადაც ვის შახვდებოდეს. დიღღველნი წინწინ არას დაღღვედესა, ბოლოს ქვე არ შაარჩენდეს ვალს. ბოლოს დროს არხოტიენებმ დაუწყეს დიღღველებს ღონება, ხან კაც მაკლეს, ერთხან ცხენების ჳოგ გამაულაღეს. ცხენების ჳოგ რო მაასხეს, დიღღველოთ მაღაღეს კაცი სახელად საითი, არხოტიენებსთან სათხოვლად: დაგვიბრუნეთავ ეგ ცხენებიგ – რას გვემართლებითავ, რო ჳოგობრივ მიგიდისთავ. ერთისა-დ ორის ცხენის მაპარვა კიდევ აღარცრაიგ, თუ არა ოცი-დ ოცდაათ ცხენ რო მიგიდისთავ თითოს გაღაღვასავ, განა უპატრონოი ასავ ისი. გგონავთავეგ, რო შაგრჩებისთავ ეგ ცხენებიგ. თუ თავის თავისად კა გინდათავ, ეგ ცხენებ დააბრუნეთავ, თორე ხო იცითავ, ჩვენ ვერ გაგვიძლებთავ. წამაოლოთა-დ სრუ გაგანადგურებთავ. მაგრემ ჳერ ეს არ გვინდავ ჩვენავ. გვეყვავ, რაც ერთმანეთ ვაწუხებთავ, ექხლა ნუღარ ვიქთავ ისრავ საქმესავ, რო თქვენ ღონდებოდათავ ჩვენგანაო-დ, ან თქვენგანავ ჩვენ რაად უნდა გვეშინოდასავ. ეს გზაივ საღენივ ერთად გვაქვავ ჩვენაო-დ თქვენავ. ვერცად იმას ვხყრითავ ჳელსავ. თქვენაც გაკლავთაო-დ ჩვენაცავ – ერთუცის შიშითავ მთებში ვეღარ მივლითაო-დ სასაძოვრე მთებიც ყამირად რჩებისავ. ჳჯობავ, რო დავამშვიდათავ ეგ წარამარა საქმეებიო-დ მშვიდობიანად ვიცხოვრათავ. საითას ჳურ-მარილით კი კარგად დაუხვდეს არხოტიენები-დ ცხენების დაბრუნებაზე კი უარ უთხრეს, იმის მიუხედავად, რო უფროს ხალხი ურჩევდ დაბრუნებასა-დ ეუბნებოდეს: დაუბრუნეთავ ეგ ცხენებიგ, თორე დიღღველნივ არ შაგვარჩენენავ. ცუდს რას იქმენაო-დ მემრ აღარ იქნებისავ კაივ. ქურდებმ არც საითაის თხოვა გაიგონესა-დ არც თავის უფროსების რჩევაი, ცხენები მაინც აღარ მისცეს. საითა სწორად იმ დროს იყვ აქ მოსული, რო ქურდები ნაქურდალ ცხენებს ყოფდესა-დ თითოს კაცს სამ-სამ ოთხ-ოთხ ცხენ შახვდ, საითა ძალიან ნაწყენი იყვ, რო აქ მყოფს ასწორებდეს დიღღველოთ ცხენებსა-დ საითას გაწბილებულს დიღღოსავ მიღლაღვედეს, მაგრემ ერთ დიღღველს ამთვენ ხალხში რა გაუვიდოდ, ძალით ხო ვერ გაღლაღვედ ცხენებს. წავიდ საითაი-დ დიღღველოთ ყველა უამბ,

როგორ მავიდ ისი არხოტ, როგორ მაითხოვ ცხენები, რა უპასუხესა-დ როგორ ყოფდეს ღილღველთ ცხენებს არხოტიონ ქურდები. საითა ძალიან ნაწყენ მივიდა ღილღოს და ღილღველთ სოხოვ: მე არხოტის გზა კარგად ვიცი, არხოტიენების ამბავიც კარგად ვიცი, სად დადიან, რას საქმობენა-დ სად შავგიძლაჲ იმათად დაცემა, ან რო ჟჯობ, რო სრუ გავანადგურნათ ეგენი. მე გაგიძღვებით წინა-დ მაგათ ჯავრს მაშინ ამავიყრ, როსაც მაგათ კარ-ცხენს მაგათ თვალწინ გავასწორებთ ღილღოს. საითამ დაიარ ღილღველთ სოფლები, შაყარ ხალხი-დ გადასწყვიტეს ლაშქრად წამასვლა არხოტ. არხოტ სამ სოფელი ასა-დ ამლა უფრო ღილღველთ მისავალს გზაში ას, ჯავრიც უფრო ამლიონთაი შჭირდ ღილღველთ. რაკი უფრო ისენ აწუხებდეს ქურდობითაც, კაცის კვლითაც. მეორე სოფელი ახიელაი ასა-დ ისენიც ცოცოტას მონაწილეობას ღებულობდეს ღილღველთად პარვაშია-დ ამათაიც ჯავრ კი შჭირდ ღილღვლებსა-დ, მაგრემ ისრ ძალიან კი არ, როგორც ამღივნებისაი. მესამე სოფელი ჭიმდაი ას. ჭიმღივნები ღილღვლებს ბეგარასაც აძღვედესა-დ არცრას ხპარევედეს, ამათ ჯავრ სრუ არ შჭირდ ღილღველებსა-დ არც ფიქრობდეს იმათად დაცემას.

საითას წინამძღოლობით ღილღველთ გადასწყვიტეს ჩორეხისას წამასვლაი. მთიდიმთივ მასვლაი-დ შიტუს ამლიონთ კარავანზე დაცემაი. მაემზად კარგად მძიმე ლაშქარი-დ წამავიდეს, ჩორეხით ბისნას გადმავიდესა-დ საჯარის მაღალ შამაკდეს. საჯარის მაღალ დიდხანს იყვნესა-დ ათვალიერეს გზები, ან მენადირე ხო არცად ვინ იყვა-დ ან ყარაული. დვირბინებით რო გზები კარგად დაათვალიერესა-დ გაიგეს, რო აქ არცად ვინ იყვ, ადგესა-დ წამავიდეს, ტანიეს ჩაიყარნეს, ტანიით ოშანიკე იარესა-დ ოშანიკის ღელის კოფებში დაიმალნეს დადამებამდინ. აქითაც დვირბინებით ათვალიერებდეს გზებს, მთებს, კარავანსა-დ სხვას ცხვარ-საქონს, რო ღამით სცოდნიყვ, სად რას დააყენებდესა-დ საით უნდა მაველ, რო არ დაზარალბულიყვ ლაშქარი, მშვიდობიანად გამაელალ კარ-ცხენი-დ, თუ შახვდებოდ, ცხვარიც; დადამებამდენ აქ იმალებოდ ლაშქარი-დ დადამებიდგეს წამავიდეს კალთანის კორჯისკე, ამლიონთ კარავანზე დასაცემლად, რაკი დღისითავ დაათვალიერესა-დ გაიგეს, აქ შიტუს კარავანიც მარჯვეს იდგ. ერთ ცხრა-ათ კვამლი ამღივნებიც იყვნეს ამასულები საზაფხულო სამთოდ, თავის ცხვარ-საქონითა-დ აქ ცხოვრობდეს. ღილღველნი შიტუს მებოსლეებს უნდა დასცემიყვნეს, ისენი სრუ ტყვედ უნდა ჩაეყარნეს კელშია-დ ცხვარ-საქონ ქვე უნდა გამაელალ. ამაჲ დროს უნდა დასცემიყვნესა-დ ამლიონთ კარ-ცხენი უნდა გამაელალ შიტუთ. მაგრემ საჯარის მაღალი რო გადმაიარეს, იქ ძალიან მბილი-დ უბალახო ქვიშანი არიან, რო შურთხმა რო გაიარას ისიც კვალს დააჩნევს. მთაზე გადმამკდარმ ლაშქარმ ის აღარ მაისაზრ, რო ამ ქვიშაზე რო გავილითავ, კვალ დააჩნდებისავ, ღნახვენავ არხოტიენებიო-დ გაგვიმთხილდებიანავ. მთაზე გადმამკდარმ ლაშქარმ

სრუ მწკრივად გამაიარ ცხერის ფარასავით. ისეთ კვალ დააჩნდ ქვიშას, როგორც ორას-სამას სულ კარავან გაელაღას.

არხოტივნებს ბევრს ხქონდ კეებ დვირბინები-დ ფეხონ სადაც შაიყრებოდ, იქ იცოდინ დვირბინების მატანაი-დ ათვალიერებდიან მთა-წვევით. სწორედ ამ დღეს, რას დამესაც ლაშქარს გამაეველ, ფეხონი ისხდ ახიელა-დ აქით ნახეს დილღველთ გარმანავალი საკარის დელეშიითა-დ ქვიშა გაკწული. გატყდ კმა, რო მტერივ მოას გარმამკდარი ასავ. გააგებებს ერთუცს, აისხეს თოფ-იარაღი-დ წამავიდეს შიტუსკე. არხოტიონთ იცოდეს, რო საკარის დელისას მასულ მტერი წინწინ შიტუს დაეცემოდა-დ იმით ხალხმ პირდაპირ იქ გასწივ. დამე იყვ, რო არხოტივნებმ ოშანიკის რუვის ბოლოს მიახწიეს; იქ ღამით სპიჭკა გაანათეს კვალის გასაშინჯავად, ჩამავიდა ლაშქარი თუ არ. ამ დროს ლაშქარიც ჭაღას იყვ ჩამაახლოებულ-დ ნახეს სინათლეი. ხალხის კმაიც გაიგონესა-დ გაიგეს, რო კმა გატყდავ. გაგვიგესაო-დ ვეღარას ვიქთავ, შავვიკვრენავ გზებსაო-დ გვაზარალებენავ. მიბრუნდ ლაშქარი-დ წავიდ იქავ დილღოსკე. არცადარა ბევრ ხან იყვ. ამ დროს დაიწყ თენებაიც. მივიდეს არხოტივნები-დ ნახეს, რო ლაშქარ ჩამასულ, აქ მსხდარა-დ უკენ დაბრუნვილ. გამაუდგეს უკენა-დ ოშანიკეს რო შაკდეს, ნახეს, რო ლაშქარი ტანიეს ჩაყრილა-დ მიდის პირგაღმ. დაუწყეს თოფის კლა, მაგრემ შორი იყვა-დ ვერას აკლებდეს. ხოლოთ, საითას კი მახედ ფეკში ერთ ტყვი-დ დაიჭრ. ფეკით სიარულ კი აღარ შეეძლიყვა-დ მკრით წაიყვანეს. დაბრუნდ ლაშქარ, მაგრემ ძალიან გამწარდეს დილღველნი-დ გადასწვიტეს: რაც უნდა ძვირი დაგვიჯდასავ, ეგ ორ სოფელივ მაინც უნდა გაგანადგუროთაოდ მაინცავ. შაუდგეს კელმეორედ მზადებას ლაშქრისას. ეს რაიც იყვ. იყვა-დ არხოტივნებმ ამას კიდევ დაუმატეს დილღველთ გასამწარებ საქმეი. წავიდ შვიდი-რვა ახალგაზდა, საამლოს კორკში დაეცნეს მთაში ნადგომს დილღველთ ცხერის ფარას, წყემს ქვე მაკლესა-დ სამას სული ცხვარი შინ გამაღაღეს. ეს ცხვარი ბარის დილღველებისა იყვა-დ ახლა ისენი გამწარდეს მთის დილღველებზე უარესადა-დ ისენიც შაუერთდეს მთის დილღველს ლაშქრად წამასავლად. არხოტივნებმ მაღაღეს ეს ცხვარიცა-დ გაიყვეს იქავ იმ ქურდებმ, რომნებმაც მაღაღეს. ახლა კი დაიწყეს ჯავრობა ალაღ-მართალმ ხალხმ, თქვენავ ისრ იქცევითავ, რო თემ-სოფელსავ წყაღს შამაგვიგდებთაო-დ თაოდ მშვიდობიანად დასხდებითავ. ვის გაუგონავ ამთვენ ცხენებისა-დ ცხერის დენაივ, ვინ შეგვარჩენსავ მაგთვენსავ, ან ხალხის კოცასავ. ქურდები კი ამბობდეს: დილღველნივ ისრ დაშინებულნი-ი გვეყონავ, რომავ კმას ვეღარ ამადებენავ შიშითავ. თუ ვინ აქ მავიდავ, ჩვენ ვიცითაო-დ იმათავ. დილღველთ ამ ცხერის ფარას გამაღაღვაზე აღარც კაც წამაუღაღავ არხოტა-დ არც დაბრუნება მაუთხოვავ. პირდაპირ შაუდგეს ლაშქრის შაყრას. მაგრამ ახლა ძალიან სიმთხილით იყრებოდ დილღველის ლაშქარი, რო კმა არცაით გასულიყვა-დ

არხოტიონნი აღარ გამოხილებულიყვნეს. ორი კვირის წინ, მანამ ლაშქარ შაიყრებოდ, დაიწყეს მთაზე ვეშაგო ლაღვაი. იმაო გადასწყვიტეს ეხლა ისიოთის გზიო წასვლა, საიოთაც არხოტიონებს არ ხქონდ მოლოდინი-დ შიში. ესეო გზა მარტო ერთი იყვ შავანის ჭალაისასა-დ შიბუღელისას. შიბუღელე იმიოთ იყვ მშვიდობიან გზა, რო შიბუღელიოთ გადამჭდარ გზა წინწინ სოფელ ჭიმდას მივიდოდ, ჭიმდა არხოტიონების ერთ ერთ სოფელი იყვა-დ ამოთ ადგილსა-დ შავანლების ადგილს ყოფდ ცალ-ცალკე. შავანი დიღღვლების სოფელი ას. ჭიმლიონთა-დ შავანელოთ კა მეგობრობაი ხქონდ ერთადა-დ პირობა დაღვეს წინავავ, ერთსხვის პატრონობაზედ. ჭიმლიონნი შავანელოთ ბეგარას აძღვედეს წელში თიოთო ცხვრის ანგარიშს კომლზედ. ისენიც პატრონობდეს ჭიმლიონთა-დ აქისკე მტერს არ გამაუშობდეს ჭიმლიონთ დასაზიანებლად. არ ვის მისცემდეს ნებას არც მაპარვისას იმაოთა-დ, თუ რას ვინ მახპარევდ, შავანელინი მაუჭელევედესა-დ მაღვერიდეს ნაქურდალს საქონს იქავ ჭიმლიონთ (ეხლადაც ლაშქარმ ამოთ არა დაულიე). ჭიმლიონთაც პირობა-ი ხქონდ მიცემულ, რო შავანელოთ თუ რა არხოტიონებისაგან წაუჭდებოდ, ჭიმლიონნ აგებდეს პასუხს. ნაქურდალსაც ისენ მაუჭელევედესა-დ, თუ ვერ მაუჭელევედეს, უზღებდეს. არც სხვას მტერს გაუშობდეს იქისკე. სხოდაც დიღღველთან მესისხლეობა არ ხქონდ, არც ეხლა რაში ღებულობდ მენაწილეობას დიღღველთ წინააღმდეგობაში, არც კაცის კვლაშია-დ არც ცხვარ-ცხენების პარვაში. დანარჩენ ორ სოფელს კი ყველაში წილ ეღვ, უფრო ამდას. ამ ჭიმდას დიღღლოთ მასავალ გზა მარტო შიბუღელეი ხქონდა-დ აქიოთაც შიშ არ იყვ, რაკი ჭიმლიონთ შაონელთან ზავი ხქონდ. აქიოთ არ მავავ მტერივ, ეგონ არხოტიონებსა-დ იმიოთ არ აქცევდეს ყურადღებას ამ გზას. დიღღველთაც ესი ყველა კარგად იცოდესა-დ იმიოთ გადასწყვიტეს ლაშქრის წასვლა შიბუღელისას. მანამ ლაშქარ წამავიდოდ, მანამდინავ ორი კვირაიოთ წინ დაიწყეს მთებზე ვეშაგო ლაღვაი. არა მარტო შიბუღელეს დადიოდეს ვეშაგნი, საიოთაც არხოტის არემარეი ჩინდა-დ დიღღლოთ არხოტ მისასვლელ გზა იყვ. ყველას მთებზედა-დ გზებზე ლაღვედეს კაცებსა-დ აოვალიერებდეს არხვატს: არხოტიონები სად დადიოდეს, რას საქმიანობდეს, სამგზავროს იყვნესა თუ შინ, ან ამ გზებზე ხო არაად ვინ დადიოდ, რომენზედაც ლაშქარ უნდა მისულიყვ არხოტ. აოვალიერებდეს იმასაც, თუ სად უჯობდ გზების შაკვრა, რო ლაშქარ აღარცაიოთ დაზარალებულიყვ. ეს ამბეები დიღღველებმ ყველა კარგად გამაიკვლიესა-დ ბოლოს მთისად ბარის დიღღველებმ ყველამ ერთად მაიყარ თავი-დ დაგროვდეს შიბუს ჭალაში. ყველა კარგად იყვ შეიარაღებული-დ უფრო ბევრ ხალხი ცხენოსან იყვ. აქ დაოვალეს რამოვენ შავიყარენიოთა-დ აოთას ოთხასი კაცი გამავიდ. აირჩიეს ლაშქრის წინამდვრად სოფელ კართაში მცხოვრები ეღმარძაი, ანდარუყოს შვილი. ეღმარძა საურჯულოოს განოქმულ კაც იყვ, სახელიანი-დ თავგატანილი. არხოტის გზებიც კარგად იცოდა-დ მტერს რაკველ მევევლებოდ, რო ლაშქარ აღარ

დაზიანებულიყვ, ამის კილოც იცოდ კარგად. დიღღველო ეღმარძას შახფიცეს, რო ის რასაც უბძანებს, ყველანი შაასრუღებენ იძის ბძანებსასად იძის უკითხავად ერთს ნაბიჯს არცად ვინ გადაზღვემდ, ხოლოთ ეღმარძას ეწინაძმღვ, ლაშქრისად. ამ ლაშქარში შავანელნიც შიგ ეღვესად ხალხს სთხოეს, რო ჭიმღიონნი ჩვენ ძებეგრენი არიანავ, არცარაში ურვეიანავ ჩვენთან დანაშაულშიო, იმაო ნურას დაუშავებოთავ. ეღმარძაიცად სხო დიღღველო ხალხიც დახპირდეს, რო ჩვენავ ჭიმღიონთავ ერთს ბეწვს არ გაუმრუღებოთავ, ხოლოთ იმაო სოფელს უნდა შამავეხვივნათავ წინწინაო-დ ეგ ხალხივ, ე.ი. ჭიმღიონ ხალხივ, უნდა დავიჭირათაო-დ თან გავიყოლათავ ამღასაო-დ ახიელავ. ჭიმღასავ ყარაულებ უნდა დავაყენათავ, რო ამღიონ-ახიელელო ქალ-დისწულ არვინ გაიპარაოსად კმა არვინ გავვიტეხასავ იმ სოფლებშიავ. ჭიმღიონ ხალხივ, კაცებივ, თან ჩავიყენათავ, მანამ ამღიონ ახიელელო არ დავიმორჩილებოთავ. ჭიმღიონთ დიაცებსავ სოფლისად გაციღების ნებას ნუ მივსცემთაო-დ, როსაც ამ ორს სოფელს დავიჭეროთავ, ჭიმღიონ კაცებიც მაშინ გაუშოთავ. ამღა-ახიელ ქვას ნუ გავსწირავოთავ ქვაზედაო-დ ჭიმღას ბეწვსაც ნუ გავამრუღებოთავ. ეღმარძა ჯარის უფროსად იყვ არჩეული-დ იმან კიღვე თავის თანაშემწეები დალიშნა-დ მისც თავ-თავის დავაღება. ამ საუბრის ძემრ წამავიდეს საარხვატოდა-დ რო დაბნელდ, ჭიმღის კორკში გაღმავიდეს. გძელ ოკშობის ხან იქნებოდ, რო ჭიმღას დიღღველის ლაშქარი შამავეხვიე მირგვლივ. დაიბარეს უფროს კაცები-დ დაავაღეს სოფლის შაყრაი. სოფელი მავგროვეს, ვინც კი იყვ ქუდიანი სუყველი. უთხრეს შაყრიღს ხალხს: „აი ჩვენ ხო გვხედავოთავ, რო აქავ ძძიმე ჯარი ორთავ მასულივ. ამღა-ახიელასავ ვალ მიგვიღვესაო-დ უნდა ავანაზღაურათავ ის ვაღებივ. თქვენავ ჩვენთან არა დანაშაული გაქვოთავ, არცრას დავიშავებოთავ, თუ ექხლად არაში შავღიშნენითავ. აქით არვინ გაჩუჩუნდესავ, ან დიღიო-დ ან ცოტაივ, ან კაციო-დ ან დიაცივ, კმა არვინ გავვიტეხათავ, თორე ყველას გავანადგურებოთავ თქვენაცაო-დ ამღიონ-ახიელლებსაცავ. თქვენ კაცებ ჩავვიღექითავ შიგავ, გზაიც გვასწავლეთაო-დ ისიც გვასწავლეთავ, სად უნდა შაუკრათავ გზებივ, სად ასავ უფრო ისით ადვიღივ, საითაც ჩვენ არ დავზარადლებითაო-დ ამღიონ-ახიელელთავ კარში არ გამაუშობოთავ. თუ ცოტა რა მიზეზი-დ ტყუილ შავატყვითავ, ძემრავ ჩვენ ბრალ ნუღარ იქნებითავ. თქვენავ ისრ გიყურებოთავ, როგორც ჩვენს ძეგობრებსაო-დ ისრაც უნდა მაიქცნათავ, თუ თქვენის თავისად კა გინდათავ.

ეესრ ჭიმღივნები წამაიყვანეს ამღისკესად ახიელისკე, შუადშუ ლაშქარ იღვ, შუადშუ ჭიმღივნები. დიაც-ყმაწვილ კი სოფელში დარჩ თავთავის სახლებში. აქ ზოგი ამღიონთ ქალ-დისწულ იყვად ზოგი ახიელელთაი. ისეებ კი სწუხდებოდეს, მავგრამ რასად იქმოდეს, სიწუხიღით რას ვის აშველებდეს. სოფელს ყარაული ხყვანდა-დ კარში არვის უშობდეს.

ლაშქარ რო გამაემართ, ერთმ დილღველმ ჭიმლიონთ ძნები გადმააყრივ ცხენს წერილაზეით. სხვებ გაუჯავრდეს, აქავ ძნებს ნუ აშლევედითაო-დ იქავ ააგეს აი ძნები. ისრ ძალიან უმთხილდებოდეს ჭიმლიონთ ყანა-ძნას, რო ბეწვ არ გაამრუდეს. ლაშქარი რო ნამერცხალაებ გამავიდ, ორად გაიყარ. ზოგნი ნარღვევთას ჭალაზე წამავიდესა-დ ზოგნი ჭიშველის გორისას. ორკანავ გაიყოლეს ჭიმლივნები. ჭიშველის გორისას წასულმ ლაშქარმ გამაყვ ახალგაზდობაი, დაავალ ზეთზე მაღლიდან წასვლაი-დ ახიელის სოფლის მაღლა სათავეებში გზების შაკვრაი. ეს ჭიმლივნებმ ასწავლეს, სადაც იყვ გასავალი-დ გზის შასაკრავ ალაგები. დავალებულმ ხალხმ გაიარ მთები-დ სრუ შაკრეს ის ალაგები, საითაც ახიელ კარში გამასულს კაცს თოფ დასწვდებოდ, თუ იქ კაც გამავიდოდ, თუ ახიელა ჭველჩი ჩაგდებულ არ იქნებოდ. დაიკეთეს ჭვის საყუჩები-დ ჩასხდეს პირსოფლისკე. ახიელისძირ მისული ლაშქარი კიდევ ორად გაიყვ. ერთს ნაწილს ელამარძა გაუძღვ წინა-დ ამდას წავიდეს (ამ გზით მისული ლაშქარისათვის ამდა უფრო შორს იყო, ვიდრე ახიელი). ახიელისად დასაცემად, რაიც ლაშქარ დარჩ, ამათ თავის თანამემწე გაუწირ ელამარძამ წინამძღვრად. ახიელისძირ კიდევ გაანაწილეს ხალხი, შამაეხვივნეს ახიელას მირგველივ. ახლოს დაიკეთეს საყუჩები-დ ჩასაფრდეს. მემრ, უფრო მოშორებით მეორედ შამაეხვივნეს სოფელს. მესამედ სრუ გაკვეით-გამაკვეითი შამაეხვივნეს სოფელს, რო იქით თოფის ტყვია დასწვდებოდა კი სოფელს, ახლო კი არ იყვნეს, ეს მესამე შამაეხვეულ ყარაულები.

როსაც ლაშქარი ახიელას მიუახლოვდ, ერთი კაცი ახიელელი სახელად კოტე ამ დროს სამკალად წამასულიყვ „ჭანჭახას“. ჭიმლით მიმავალს გზის პირში მასულმ ლაშქარმ კოტე დაიჭირა-დ ახიელის სოფლის ბოლოში თან წაიყვანეს. თივის საკრეფზე მიდიოდეს ბალიაურები: ვახტანგი, ლადოი-დ თომაი. ჯერ კიდევ ღამე იყვა-დ დილღველები ჩასაფრებულები იყვნეს სოფლის მირგველივ. საკრეფზე მიმდინრებს დილღველებ ერთბაშად შამაეხვივნეს მირგველივ. ვახტანგი-დ ლადო ცოცოტეებ იყვნესა-დ ღამის სიბნელეში დაექცნეს, თომას კი ბევრ დილღველებ შამაეხვივა-დ ჭველში ჩაიგდეს. შაუკრეს ჭველები-დ ისიც ახიელის ძირ წაიყვანეს სახლში. თომას უნდოდ ჭველებ გაეკსნა-დ გასვლიყვ საით, მაგრემ შაუტყვესა-დ კინაღამ თოფ დახკრეს, შენავ ჩვენდ ღალატს აპირებავ. მემრ დაავალეს თომას, რო სოფელს უძახევ, რუსის ჯარი ასავ მასულივ, მეედითავ აქაო-დ შაიყარენითავ, ჯარის უფროს გიბარებსთავ. თომამ სოფელს ჭმამაღლა უძახ: „ჯარი ასავ მასულივ, სახლებში გამაგრდითავ“. აქ ქართულის მცოდნე დილღველებ ეტანნეს, გაიგონეს თომასის სიტყვები-დ უთხრეს: „ჩვენ გაგაღებთავ, რო სოფელ შახყარაო-დ შენ კი ეძახავ, რო სახლებში გამაგრდითავ; არ გემართლებითავ, რო ეხლადავ დაგკვერიტათავ. თომას რო მაინც ვერ აძახებოეს, რაიც იმათ უნდოდ, მემრ კოტე წაიყვანესა-დ სოფლის

ამარჩეულის კაცისად, ქორიათ უნცრუისად, აძახებოეს. უნცრუა მაუყვანესად-
უთხრეს: ჩვენ რუსის ჯარი ორთავ მასულიო-დ თქვენს სოფელსთანავ საქმეი გვაქვავ.
წვედივ, ჩქარა შაყარევ სიფელივ, აქ მაიყვანე ხალხივ, ჩვენს უფროსთანავ, თორემ
პასუხისგებაში მიეცემივ. უნცრუაივ დარწმუნდ იმათ საუბრით – ესენივ რუსის
ჯარიავ, რაკი დილდღურად არ ამბობდეს. საუბარი ნამდვილად რუსული ხქონდ.
დილდღურად არცვინ არ იღებდ კმას, ვინაც რუსულ ენა იცოდ, მარტო ესეები
საუბრობდეს, ვითომც ჯარსაც რუსულ ენაზე კამანდრობდეს. წავიდ უნცრუაი, მაუარ
სოფელსად ყველას უთხრ: ჯარი ასავ მასულივ, ჩამეედითავ სოფლის ბოლოშიავ,
თქვენთან მაქვავ საქმეივ, ამბობსავ ჯარის უფროსივ. არ დააკლდესავ არც ერთ კაცივ.
იარად ქვე არვინ მიიღათავ, თორე ჩამაგართმენთავ. იარადი ყველამ შინ დამაღლად
წამავიდეს სოფლის ბოლოში. ჯარის უფროსის დაბარებაზე. კაცები სრუ შაიყარად
სოფლის ბოლოში მივიდეს. აქ ლაშქრის უფროსმ უთხრ, რო დაითვალენითაო-დ, თუ
კიდევ ვინ ასავ კაცივ დამრჩალივ, ისიც მაიყვანეთავ აქავ. ბოლოს ხალხ რო სრუ
შაიკრიფესად მასხეს, მაშინ დაიწყეს დილდღურად საუბარი-დ გაივ ხალხმაც, რო
ეს დილდღელის ლაშქარ ყოფილასავ, რუსის ჯარ კი არავ. მანამდენ ყველას რუსის
ჯარ ეგონ, თუ დილდღურად საუბარ სად-ვინ გაიგონა-დ ეჭვ შეეპარ, ესივ დილდღელის
ლაშქარ თუკლად ასაო-დ თოფის სრევა გაბედ, სხვებ გაუჯავრდეს, რას შვრებითავ,
რუსის ჯარი ასავ, თოფს ვინ ისრევთავ. თოფის მსრევლებს – მიხა ოჩიაურს,
გიორგი ჯაბუშანურსად სხვებს ყველა გაუჯავრდა-დ აღარ ასრევიეს. როსაც ყველა
ხალხ მოგროვდ, შამაეხვივნეს მირგვლივ თოფებითა-დ უთხრეს: ეხლა აქ ჩუჩუნ
არაად ვინ ხქნათავ, თორე აქავ დაგკვრებთავ. ჩვენ ჯოგებიო-დ ცხვრის ფარებ რო
მაგიდიოდათავ, ეხლა სადალ წავგვიხოლთავ, ქვას ქვაზე არ გავსწირავთავ ამ თქვენს
ორ სოფელშიო-დ ჭიმდიონთავ ბეწეს არ გაუმრუდებთავ, რო ეგენივ ჭკვიანად
იყვნესაო-დ თქვენ კი, რაკელაც შავფერდებისთავ, ისრ მაგექცევითავ. სოფელში
ბევრ ხალხ მაკრიფეს, რაც დიაც-ყმაწვილი იყვა-დ ისეებიც ამ დატყვევებულ ხალხს
შამაურთეს. მემრ დეერიენეს სახლებსად სრუ გამაიტანეს, რაიც კა მაწვლეს.
თოფები, ვერცხლის იარადი, ფლას-ფარდაგი, ტალავარ, თუ რა მაეწონ, ისიც წაიდეს.
ზოგი ტანზე იცვემდ აქავ, რაიც მაეწონებოდ. ცხვარ-საქონიც სრუ გამაუშვესად
სოფლის ბოლოში მაღალეს. სხვაფრივ ძალიან სვინდისიანად იქცეოდეს, არც დიაც-
ყმაწვილისად რა უწყენავ, არც თაოდ კაცებისად რა ვისად უთქომ ცუდად. სრუ იმას
ეუბნებოდეს ახლებს: ხნიერს ხალხსაო-დ დიაც-ყმაწვილს არავის აწყინათავ; რო
ქვეც გლანდღევდასთაო-დ კმა არვის გასცათავ, მთიელს ხალხსავ არ შაშვენისავ
დიაც-ყმაწვილისაი-დ უფროსის ხალხის ჯავრებაივ. ერთმ დიაცმ, სარექათ მზექალმ,
შინ არ შაუშვ დილდღვლები. კარზე ნადგომ საქონ კი გაღალესად სახლშიით აღარა
წაადებოვ. ლანდღევდ, სწყევლიდა-დ დილდღვლები ქვე იცინოდეს; დაანებეს თავი,

აღარ შავიდეს სარექათას, სხოდაც უფროსებისაგან ნაბძანები ხქონდ, რო ახიელავ კაც არ მახკლათავ, მაგათავ ჩვენიც არვინ ხყავავ მაკლულივ. ცხვარ-საქონ კი სრუ უნდა გამაღლალათავ, იმითავ რო ჩვენს ცხენებისა-დ ცხვრის გამაღლაღვაშიავ წილ უძესავ ახიელლებსაცავ.

სოფელში ცხვარ კი სრუ არ იყვა-დ ღიღღველოთ ესიც იცოდეს. ჯარავან მთაში იდგ, ცხენებიც; შინ მარტო საწველავ საქონ იყვ. ახლა ჯარავნისაიდ ცხენის ჯოგის ჩამაღლაღვაიც მაითხოეს მთაშიით, გაიყოლეს ჯორით უნცრუაიდ ოცამდენ ღიღღველ გახყვ ცირცლოვან (ცირცლოვანი: ახიელელების საზაფხულო საიალაღე მთას ჰქვიან). ეს ხალხ რო სრუ ჯეღჩი ჩაიყარეს, ჭიმღიენებ შინ გაუშენეს. ცირცლოვან რო მივიდეს, გაუთენდ კიდეცა-დ მაკრიფეს ჯარ-ცხენი, გამაღლაღეს სრუ. თითო-ოროლა კი დამრჩალიყვ შორს წასულები-დ ყურემარეში მიფარ-მაფარებული. სოფელშიით რო სრუ გამაზიდეს, რაც კი გამასადეგ ქონება იყვ, ცხვარ-საქონიც სრუ მასხეს. ჯერ კიდევ ღამე იყვ. ახიელლები, კაცები, ამღას წამაიყვანესა-დ დიაცებ ქვე გაუშენეს თავისუფლად. ხოლოთ ხალხი სრუ არ წამავიდ ახიელით; ელოდდეს ჯარავნის ჩამაღლაღვასაცა-დ სახლებშიაც კიდევ იძევდეს, ხო აღარა დაგეჩავ, ან ხო არავინ დაგვიმაღავ კა იარაღი-დ საქონელივ.

კვირიწმიდას ცხოვრობდ ერთ მეკომური ამლიონი, სახელად კრუა ექვიენ. იმის საქონი-დ ცხენი შიბუღელისას გაღალეს ზოგებმ. ახიელელთ ცხვარ-საქონ კი ამღას გაღალეს ჭაღაისას წასასხმელად ღიღღოსკე. ახიელელთ ცხვარ-საქონ რო ამღას მიღალეს, ზედ დააყენეს ამლიონთ ძნებზედა-დ ბევრ გაანადგურებეს. მაშინ სოფელი იყვა-დ ძნები ყანებზე იდგ იქავ, ზოგი მასამკალიც იყვ. ამღას წასულს ღაშქარს ნაბძანები ხქონდ, რო ამლიონ კაცი სასიკვდილოდ არვინ დაეზოგ, ვისაც გაეწეოდეს. ამღას რო მივიდეს, სოფელს მირგელივ შამაეხვიენეს ორ-სამ პირად. აქაც გაჭეითი გაიფანტ ხალხი-დ ჩაუსაფრდ, ისეთ ალაგებში, საითაც სოფელი ჩანდა-დ თოფ დასწვდებოდ. მაგრემ ამღას მისვლა ამლიონთ მაღე გაიგეს იმით, რო დღემუდამ მალოდინი ჰქონდ ღაშქრისა – ბევრ დანაშაული ხქონდ ღიღღველთან. ახიელელნი კი ბრიყვად იყენეს, ეგონ, ჩვენ არ დაგვეცემისავ ღაშქარივ. წინწინ, რო ამღას მივიდ ღაშქარი, ძაღლების ჯმაზე გამავიდეს კარში ზოგიერთები-დ ხალხ რო ნახეს სოფელში, ან სოფლის პირთ მასული, მაშინ გაიგეს, რო ღაშქარ მასულავ, დაქცეულებ სოფელში შაიყარნესა-დ იძახეს, ღაშქარი ასავ მასულივ, სახლებში გამავრდითავ, ამ დროს ასტყდ თოფის სრევაიცა-დ ყველას მჯარეზე იმთვენმ თოფმ დაიწყ გამადენა, რო სრუ განათდ გაჭეით-გამაჭეითი. ზოგს ბანებზე ჩაღის ზვინებ იდგა-დ ცეცხლ შააყარეს. ამ დროს კარში გამავიდ მარაიზძეთ დავითი, მძინარს გამაღვიძებეყვ ხალხის ჩქამზედა-დ აჩქარებული გამავარდნილიყვ უიარაღოი, ვინები არიანავ, იმის გასავოდ. დავით კი ახალგაზდა იყვ ძალიანა-დ არც შიშ იცოდ;

იმით დიღველები გუნდში შავარდ შიგ, რომნები ხართავ? დავით რო უიარაღოი ნახეს, დიღველნი შამაეხვიენეს სიმირგველივა-დ დაიჭირეს. დაჭერილი შორს აღარ წაიყვანეს, რაკი უფროსის ბძანებაი ხქონდ, დახკრეს ტყვიად იქავ მაკლეს, ზედ ძნებ დააფარეს. დავითი დედისერთა შვილი იყვა-დ ერთ ბიძაი ხყვანდ. სხვა მეგვარე არვინ ხყვანდ. არცრა დანაშაული ხქონდ დავითს დიღველთანა-დ ის შახვდ იქავ ამ უბედურებას. სხვა ხალხი სახლებში გამაგრდ. ზოგები სიმაგრეში შავიდეს.

ახიელლებ რო მაიყვანეს დაჭერილები, ერთი უფროს კაცი იყვ, ახიელელი თათია ბალიაური. თათია დიღველებს ძალიან კარგად აჩნიყვა-დ ძალიან პატივს სცემდეს. წინავ მისვლა-მასვლაი ხქონდ, სტუმარ-მასპინძლობაი-დ პურ-მარილი დიღველთან. ბევრ ნაცნობ-მეგობრები ხყვანდეს, არ უნდოდ იმის დაჭერაი-დ არც ქონების წადება, მაგრემ თავის გადაწყვეტილი აღარ დაარღვიეს, წინავ ხქონდ ნათქვამი, რო არხობავ ყველას გვეყოავ ნაცნობივ, ნუვინ მავითხოვთავ ნაცნობის გათავისუფლებასაო-დ ამით ვედარას ამბობდეს დიღველნი, თორე თათიას დაჭერა ძალიან უმძიმდ. დაჭერილივით იყვ, მაგრემ თავისუფლად კი დავიდოდ. სხვებ ტყვეებს ქვე არ აძლევდეს ნებას იქი-აქათი გავლისას, თათია თავისუფლად იყვ. ცოტას ნაწყენებ იმით კი დარჩეს ამაზედაც, რო იმის ძმისწულის კარში ნახეს დიღვოთ გამალაულის ცხვრის ნაწილი. ისიც კარგად გაიგეს, რო იმის ძმისწულმ ჯოგის გამოლალვაშიაც მიიდ მონაწილეობა ცოტაად. ამაზე ცუდგულობდეს, თორე დიღველნი თავის დადგენილებას გადაუხვევდესა-დ თათიასას არას წაიყვანდეს, როგორც ელმარძა ამბობდ. თათიას უთხრეს დიღველებმ, რო წავდიო-დ ამლინებს უთხარივ: რაცრა საქონი ასავ, გამოუშონავ, წავიდანავ, ის ჳარავანიც ჩამაგვიღალანავ მთაში რო უდგასავ, თორე ჩვენ აქით აღარ წაოლთავ. ამლინთავ სრუ გავსწყვეტთავ კაცსაო-დ დიაცსავ. თაოდ კი გათენებიდგეს ისეთ ადგილზე ისხდეს დიღველები, რო ამლინთ სახლებშიითა-დ სიმაგრეებშიით არა დაეკლებოდ. თათია წავიდა-დ მივიდ ისითს სიმაგრეში, სადაც ბევრ ხალხი იყვ თავშეფარებული, უთურგათ ქვიტკირში. აქ ხალხს კიბე ჩაეგდა-დ საბლით ახყვანდ ერთუცი. თათიაც თავისთან საბლით აიყვანეს. თათიამ უთხრ, რო მე დიღველთ გამამგზავნესავ, საქონ ჩავგაბარეთაო-დ ჳარავანიც ჩამაგვიღალეთავ, თორე სრუ გაგანადგურებთავ. თან ისიც უთხრ, რო გამაგრდითავ სახლებშიავ, ჩვენ ჩავგიყარნესავ ჳელადავ მატყუებითაო-დ თქვენ მაინც ნუღარ მიხოლთავ ჳელადავ, რაც უნდა დაგემართათავ.

თათია იქავ ჩამაუშვეს საბლით, მავიდ დიღველთანა-დ უთხრ: ჩვენავ, ამბობენავ, აღარაი გვეყოავ, რაც საქონი გვევანდავ, ხო ჳელჩი ხყავავ-დ ჳარავანიც წავიდანაო-დ თაოდ ჩამალაღანავ. საქონი ნაპირის სახლებშიით გალალულ კი ხყვანდ დიღველებს. შუაგულ სოფელში სიმაგრეების ახლომახლო კი არ მისულან

შიშით; არც საქონი იყვ გამოშობილი იქით. დიღღვლებმ თათიას კიდევ დააგაღეს ამავე საქმეზე ამღივნებთან მისვლა. თათიამ უთხრ თავის ძმისწულს თომაზე, რო ეს გამამაყოლეთავ, ორნივე ვეცყვითავ უფროვე. დიღღველნიც გაბრიყვედესა-დ გაუშვეს თომანი. თომანი შეუერთდ სიმაგრეში ახალგაზრდების ჯგუფს, რომნებიც მტერთან საბოლოლად იყვნეს მამზადებულები. იქ ერთ ზედმეტ თოფიც ხქონდა-დ მისცეს თომას. თათიამ თომას უთხრ, რო შენავ აქ დარჩივე, ნუღარ წამახოლავ, თაოდ იქავ დიღღველთან წავიდა-დ მიუტან იქავ ისეთ ამბავი, რაიც ამბავი წინწინ მაუტან. თომაზე რო ხკითხეს, თქო: ვეუბენიო-დ აღარ წამავიდავე. იწყინეს კი დიღღვლებმ, მაგრემ აღარა უთხრეს, ხოლოთ ის კი თქვეს, რო მაგეებსავ ყველას გამავიყონთავ აქავ. თათია რო ამ სოფელში დავიდოდ, გატყვითით დიღღველნი სოფელს ტყვიას უშენდეს. ამ დროს დიაცებ გამავიდეს კარშია-დ სახლშიით სიმაგრისკე წავიდეს. ერთს დიაცს მზექალიკას თავის ქალიც ტელში ეჭირ. ოთხ-ხუთის წლისაი-დ თან მიხყვანდ. გატყვითით გამასრეული დიღღველთ თოფის ტყვია მახვდ ამ ქალსა-დ დედის ტელში იმაშიავ მაკლ. მიბრუნდა მზექალიკაი-დ იქავ შინ შაიყვან თავის მკვდარი ქალი, თავის შინ. თათიას ამღას ხყვანდეს დედიძმანი მარაიზძენი, წელან რო ვოტყვით, რო კარში გამასულ მაკლესავ დავითივე, ისი თათიას დედიძმის შვილიშვილ იყვ. იმათ სახლის გვერდ დავითი მაკლული ნახა-დ კიდევ დააფარ ძნები. დამალ იმის სიკედილი, რო დავითის ბიძამ თოთამ რო გაიგასავ, გაჯავრებულივ თოფის კლას დაუწყებსავ დიღღვლებსაო-დ ისეებივ დაჯავრებულივ ახიელლებს დაუწყებენავ კოცასავ. მემრ დიღღვლებს ოცდახუთ კაცი ახიელლები ტელში ეჭირ ტყვედ. ამღივნებს, რო მაეკლ ვინ, ახიელლებს ერთსა არ გაუშობდეს ცოცხალს, დახკოცდესა-დ თათია ამით ეუბნებოდ ამღივნებსაც, ხალხივ ტელში უჭერავავ, თოფ არ ვინ გამაისრიოთავ აქავ. თან თოთა ეძახს ჭერხოშიით, რო ჩემ ძმისწულ დავითიავ დატყერილიო-დ ამღივნებს უთხარივ თოფს არ ვინ გაისრიოსავ, ძმისწულ მამიკელიონავ. ამ დროს დავითი მკვდარ იყვ, თათიას ნანახი ხქონდა-დ დაუმაღ თოთასაც. დავითის დედას მინდა ექვივნა-დ თათია რო ნახ, უძახ: ჩემ შვილი ასავ ფეხშიშველივ გამასულივ, დიღღველთ სადამ ხყავავ დატყერილიო-დ თათები მაინც წაუღივ რო ჩაიცოსავ. თათიამ იმასაც დაუმაღა-დ არ უთხრ, რო შენ შვილივ მკვდარი ასავ. ახლადავ უთხრ თათების წადების დრო არ ასავ, მაიცადევე. ამღის პირდაპირ ბაბოთ ბეწიკაის ცხვარი იღვ სამასი. მივიდეს ცხვრის გამასალაღავად. ამ ცხვარს ეღვ ბეწიკაის წყემს თოთხმეტ-ხუთმეტის წლის ყმაწვილი, გუდამაყრელი. წყემსმ რო ისეები ნახ, დიღღვლები, გამაიქც შინისკე. გამაქცეულს წყემსს ესრიეს დიღღვლებმა-დ მაკლეს. ცხვარი პირაღმ გაუშვეს უწყემსოდ ამღის პირდაპირ. ამღის პირდაპირ ჩასაფრებული ბევრ დიღღვლები იყვ. თუ კარჩი ვინ გამაჩინდებოდ, უშენდეს ტყვიას. თუნდა კარში არვინ გამაჩენილიყვ, მაინც წვიმასავით მადიოდ ტყვია, აკლიდეს სახლების საკვებებს, კარებს. ამ ბბოლაში სამ ახალგაზდა

გავარდ: ამლიონი ობოლა, თომი-დ ბაბო. სოფლის ბოლოში ჩაუსაფრდესა-დ დაუწყეს თოფვა. ერთ დიღველი დაჭრეს სასიკვდილოდ, თაოდ დაიქცნესა-დ იქავ სოფელში მავიდეს. თომა კი წისქვილში შაძვრა-დ იქ გამავრდ, ტყვიამ რო დაიწყ მადენაი. კარგა წამაშუადდ, რო იქავ იყვ ლაშქარი. ულაღვედეს კაცს ამღივნებს: აიყარეთავ იარაღი-დ დაგვნებდითავ, თორე ჩვენ აქით არ წაოლთავ, სხო რო არა იყოსავ სრუ უწყლოობას ამაგწყვეტთავ. მაგრემ ამღივნებმ იცოდეს, რო ლაშქარ აქ დიდხანს ვერ დარჩებოდ ჳევსურეთის შიშითა-დ ცოტა ხანს იყვ გამავრება საჭირო. მაინც რო არ დაღმორჩილდეს, ბოლოს შაუთვალეს: ჩვენ წაოლთავ, ეე ტყვეებსაც გავღლაღვთაო-დ თქვენის ფეკით ჩამაგალაღვიებთავ თქვენს ცხვარ-საქონსაო-დ ჳარავანსავ. თუ არ ჩამაღლაღვთავ, მაშინ დავბრუნდებთავ იქავაო-დ სრუ თავს გავჭრითავ. ამ თქვენს სოფელსავ ნასოფლარად გადავაქცევთავ, ისრ აგიკლებთავ ბომბებითავ. ამ მუქართ გაბრუნდ ლაშქარი, წავიდ არხოტის ჳალაისას. ბებერ კაცი-დ ავადმყოფ თუ ვინ იყვ, გაუშვესა-დ ოცდახუთ კაცი ახიელლები თან წაიყვანეს ტყვედ. ცირცლოვნითაც მასხეს ახიელელი ჳარავანი-დ ცხენის ჳოგი, სოფელში რაიც იყვ ეს ცხვარ-საქონიც შაუერთეს ერთუცსა-დ გამაღალეს. შუადშუ ტყვეებ ჩაიყენესა-დ წამავიდ ლაშქარი. სამი-ოთხ კაცი ამღის პირდაპირზე წავიდ. ბეწიკაის ცხვარ რო უწყემსოდ იყვ წასული, იმას მიხპატრონდესა-დ გადაღალეს ზეთუკის წვერისას. ამღივნებმ გაიგეს ლაშქარი წავიდავ, გამავიდეს, მაგრემ უკენ ვერ გაუღდეს, იმის შიშით, რო იქ ტყვეები მიუდიოდა-დ აქით რო სროლა ვის აეტეს, დიღველები ტყვეებს დაუწყებდეს ჳოცას. ზოგები დიღველები იქავ შიბუ-ღელისას წავიდესა-დ კრუაის საქონი-დ ცხვარ გაღალეს კვირიწმიდით. დიღველები იქავ ჳიმღას იყვნეს, რო ჳიშველისას (ჳიშველი: ადგილის სახელია) ლადო ბალიაური ჳიმღას მავიდ. წინწინ რო ახიელ ლაშქარ შამავიდ, თომა ჳელჩი ჩაიგდესა-დ ლადოი-დ ვახტანგი ყმაწვილებ იყვნესა-დ ქვე დექცნეს. ვახტანგი ნეთხინას (ადგილია) ტყეში დამაღულიყვა-დ ლადო მთისკე წასულიყვ. მიმდინართად დიღველებს ერთკან ბომბ გადაეღ ღამით. ორ-სამკან ქვე ეთოფ ლადოი, ე მთან სრუ შჭერიყვნეს ყარაულებსა-დ ღამით ლადო ხან სად შავარდნილიყვ ყარაულებზედ, ხან სად. მაგრემ გადაშჩ, ტყვია არ მახვედრიყვ, იმის მიუხედავად, რო დიღველთ ბევრკან ეთოფ ისი. ჳიმღას რო მისულიყვ, დიღველებ იქავ ყოფილიყვნეს, ენახ ლადოი-დ ეთქვ: ესივ ტყვედ უნდა წავიყვანათავ, ვინ ასავ ეს ყმაწვილივ. ბაჭყიასა-დ სხეებს ჳიმღივნებს მავეტყუვ, რო ეს ყმაწვილივ ჳიმღიონიავ, სხვაკან სადამ წასულიო-დ ექლა მავიდავ. ახიელით კაცებ სრუ გაღალულები ხევანდ ტყვედა-დ დიაცებ იყვნეს მარტოები. აღარც იცოდეს ლადო ან ვახტანგ სად იყვნეს. ვახტანგმ რო გაიგ, ლაშქარივ გაბრუნდავ, მაშინ ის კი მალედ მავიდ, ლადო კი წუხრიხანამდინ ვერ მავიდ. არც იცოდეს თუ ცოცხალი იყვ კიდევ. ეს ყმაწვილებ დარჩ სოფელშია-დ ორ-სამი ბებერ კაცი. სხვა ხალხი სრუ წაიყვანეს ტყვედ. ცხვარი-დ საქონიც სრუ

გაწმინდეს ახიელთ, რო სამ თიკან კიდევ დარჩ ერთის სოფლის ცხვარ-საქონისა. ესრ სამს გზაზე წავიდ ამლა-ახიელელთ ცხვარ-საქონი, ერთი იქავ იმ გზაზე, რაზედაც მავიდეს, შიბუღელეზე, მეორე ცხვრის ფარა ზეთუკაზედა-დ მესამე არხოტის ჭალაისას გაღალეს ახიელელთ ვარცხენი-დ ცხვარ-ძროხა ქვე. ამღას რო გასცილდების, იქ ახლოს კალოთანის წყალ გამადის. ამ გზაზე შიტუს ამლიგნები მთაში დადიან. ერთ დიაცი ნინო მთაშით წამასულიყვ საშინაოდ; ერთ კა იორღა ცხენი ხყვანდ. ორწყალთანას რო მავიდ ლაშქარი, ცხენს გამაეკიდა-დ არ დაანებ ნინომ. იქ ვინაც იყვ იმ ღილღვლებმ კი არა უთხრეს ნინოს, მარტო ცხენს სოხოვდეს. ორწყალთანაის გაკვიით-გამაკვიითი ყარაული იღვ ღილღვლებისაი-დ იმეებს კაც ეგონა, კაცის გონობით ესრიეს თოფი, ნინოსაც მახვდ თოფის ტყვიანი-დ ცხენსაც. ორივე მაკლეს ორწყალთანას. ნინოს ძმა მინდია ტყვედ მიხყვანდ, ნახ თავის და მაკლული-დ აბა რას იზამდ, ნინო იქ დარჩ მკვდარი-დ მინდია სხვა ტყეებთან ერთად ღილღოს წაიყვანეს.

ამ დროს არხოტის ჭალას არაად ვინ დადისა-დ ზაფხულის ადიდებულის წყლისაგან ჩაწმენდილი გზა-ვიდი გაუკეთები იყვ დამრჩალი. აქ მდინარე ასა ზაფხულის ძალიან დიდებისა-დ სრუ ჩასწმენდს გზა-ვიდს, არხოტიგნები ზამთრამდინ არ დადიან ჭალასა-დ არც გზას აკეთებენ მანამდინ. ზაფხულის კი აუცილებლივ წაიდებს ალაღებულ წყალ გზებსაცა-დ ვიდებსაც. იმით რო ძალიან იწრო ჭალა იყვა-დ წყალმ ადიდება იცოდ, ტანის კარამდინ აკეთებდეს გზასა-დ იმის ქვენ მაინც ძვირად იცოდეს გზის გაკეთებაი. ესეთს გზაზე ჩაუყენეს ცხვარ-საქონი-დ წვალობით წავიდეს. იმ ღამეს ჩავიდესა-დ ტერღისკარ დადგეს. ტერღის კარი ღილღოსთან ახლო ას, არხოტიგნებს კი ეკუთნის ეს ალაგი. აქ ცოტა ბალახიან მინდორი ას; ცხვარ-საქონიც აქ დააყენესა-დ ტყვეებიც. საეჭვო გზებშიაც ყარაულებ იღვა-დ ტყვეებსაც მირგვლივ შამახეულები ხყვანდეს ყარაულები. დააგზეს მინდორზე ფიჭვის შეშის ცეცხლები ბევრკან, შაარჩიეს მსუქნებ ვერძები-დ დაკოცეს, ზოგებს ქვაბები ხქონდ არხვატით წამაღებული, ჩაყარეს კორცი-დ ადუღეს. მარილი-დ პურიც ახიელთ ხქონდ წამაღებული, ტყვეებიც დახპატიეს თავის ცხვრის ხორცის მწვადებზე. მეორე დიღას ახყარეს ცხვარ-საქონი-დ წავიდეს საღილღოოდ. თათიასთან მივიდ ერთ ნაცნობ ღილღველი-დ უთხრ: „თათიას შენავ კაი კაცი ხარავ, არც მე მემეტებივ, რო გაწყინასავ რა ვინავ, არც სხვას შენს ნაცნობ მეგობრებს ღილღვლებს ემეტებივ, მაგრემ, ხო იცივ, რო აქავ ბევრ ღილღველი ასაო-დ შენავ ყველა ვერ გიცნობსავ. შენის ძმისწულის კარზე რო გამაჩინდავ ღილღოთ გადაღალულ ცხვარივ, ამაზედ ცუდ გულ ექნავ ღილღვლებსავ, თათიავ თუ კაი კაცი ასავ, ამბობენავ შენ უცნაურებ ღილღვლებივ, რად არ დაუშალავ ძმისწულსავ ქურდობაივ. თავიან კაციას-დ თავის ძმისწულ კი არავ, თუ დაეშალავ, სხვებიც გაუგონებდესაო-დ ეს ცუდ საქმე არ მახვდებოდავ. ეეხლად შენ წედივ შინავ, არამც რა ვინ გაწყინასავ, ღილღოსად

საქჩერო კაც არ ხარავ. აბა, რა გინდავ დიღღოსავ, არც ასავ შენის საკადრისაივ, რო ტყვეივ დიღღოს მახვიდავ. ამ საუბარში დიღღველმ წინა ხალხ ქვე გაიცილა-დ უკენა ხალხი მასულ არ იყვ. თან იწრო გზა იყვ ტყიანი-დ საცალფეკო. მოსაუბრე დიღღველმ ისრ მათვერვ, რო იმისა-დ თათიანის მეტი იმ იწრო გზაში აღარვინ იყვ. ჩამართვ დიღღველმ კველი-დ შავიდ თათიანიც ტყეში, დიღღველ ქვე წავიდა-დ ამხანიგებს შაუერთდ. თათია, ლაშქარ რო ჩამაილივ, წამავიდა-დ მავიდ არხოტ. დიღღველთ გაიგეს თათია წავიდავ, ზოგებმ კი იწყინეს იმის წასვლაი-დ იმის მეგობრებმ უთხრეს, რო არა უნდავ, წავიდესავ, მაგის პურმარილივ დიღღველთაზედავ ბევრიავ დახარჯულივ. ევ კაცივ აქამდინაც არ უნდა წამასულიყვავ. დანარჩენ ტყვეები-დ ცხვარ-საქონი კი მიღალეს სოფელ გომტიკაურთას. გომტიკაურთისა-დ ჯარიეხის შუაში მინდორ ასა-დ იქ დაიწყეს ცხვარ-საქონის გაყოფაი-ცა-დ სხო ნადავლისაი-ც. ტყვეები ცალკე ხყვანდეს დაქუჩებულები, ყარაულებ ედვ. დიღღველთ ლაშქარ რო ჩავიდ, მაშინ ტყვეებმ იქ ნახეს საითაც, რომენიც ცხენების დაბრუნების სათხოვლად იყვ მასული. მემრ ლაშქარს გამაუძღვ საჯარის მალღისასა-დ ფეკში ტყვია დახკრეს არხოტივნებმა-დ დაჭრეს. ეხლა იატკაზ – მიავ არხოტ არ ვიყავივ ლაშქარშიავ, დღეს მავედივ გომტიკაურთასავ, საქმეი მქონდავ. მაგრემ ის ყველამ იცოდ, რო საითა ლაშქარში იყვა-დ იქ დიღღველთ ლაშქარს მავებ დიღღველთ ქალ-ზალი-დ მაულოცეს სახელი-დ გამარჯვებაი, გაღმართეს თამაშობა. ამ საქონში ყველაზე ტანიან ჳარ იყვ თათიანის ჳარი, როგორც ჩავიდეს გომტიკაურთას, მაშევ აარჩიეს ახიელელთ ჳარავანშია-დ დაკლეს ეს ჳარი. აღუღეს ჳორცი დიდს ჳარჩამავალ ქვაბშია-დ თაოდაც ჳამესა-დ ტყვეებსაც აჭმიეს.

საქონს როცა ყოფდეს, ტყვეებ ცალკე ხყვანდ მაშინ, რო თავის საქონის გაყოფა არ ენახ. სხოდაც ტყვეებს ცუდად არ ექცეოდეს, მიხქონდ იმეებსთანაც ჩანგური-დ ყველა თამაშობდ ჩონგურის დაკვრაზე, ვითამ სრუ არა მამჳდარ. სასმელ-საჭმელს ნიადე არ აკლებდეს. ბოლოს დიღღველებმ ტყვეებს უთხრეს: ეეხლად აირჩიეთავ სანდო კაცივ, რომენიც წავაო-დ იქავ მავავ, ამბავს მაიტანსავ აქავ, წავიდესავ ერთ კაციო-დ ამლიონთ უთხრასავ, რო ევ ჳარავანიო-დ ცხვარ-საქონ ჩამალალეთავ, თორე ამალთაო-დ სრუ გაგამტვერებთავ იქავ. მანამ არ მალალავთავ ჳარავანსაო-დ ცხვარ-საქონსავ, მანამდინავ ამ ტყვეებსავ დღეში ორს კაცს მავხკლავთავ. როსაც ცხვარ-საქონ მავავ, მემრ გაუშობთავ იმ ტყვეებსავ, რომნებიც ცოცხლებ დარჩებისავ. ამ საუბარში გაიყვანეს ორ კაცი ტყვეი, აი დღესავ ამ ორს დავხჳვრეტაო-დ ხვალავ კიდევ სხვებს დავხჳვრეტთავ ორს კაცსავ. აარჩიეს ისით კაცები, ვისაც უფრო ბევრ სახლისკაცებ დაშჩებოდ: გარსიაი-დ გიორგი ოჩიაურები. ესებ გაიყვანეს დასაჳვრეტლად. ეს იმით, რო იმათ დანარჩენები სახლისკაცები ვითამ მათხოვდეს იმათ თავ-სისხლს არხოტიონ ქურდებისგანა-დ

ამლიონთ ცხვარ-საქონის ჩალაღვაშიაც კელს შაუწყობდეს. გარსიაი-დ გიორგი მააფარნეს გორსა-დ იქ ტყუილად ორ თოფ გაისროლეს, ისენი იქ დაწირნესა-დ თაოდ ღილღვლები ტყვეებსთან მავიდესა-დ უთხრეს, რო დავკოცენითავ ისენი-დ ხვალავ ორს კიდევ მავხკლავთავ. სინამდვილეში კი გარსიაი-დ გიორგი ცოცხლები იყვნეს, იმათად არა დაუკრავ, თოფები ტყუილად დაცალეს.

არხოტ წასასვლელად აირჩიეს მინდია ოჩიაური-დ უნცრუა ჯაბუშანური. უთხრეს: მალე მალღალავთავ ცხვარ-საქონსავ, მეტ ხალხს გადაარჩენთავ ცოცხალსავ, თუ დაღვიანდებითაო-დ სრუ დღით ორ კაც მაკვდებისავ. ეს ორ კაც რო წამავიდ, მემრ მაიყვანეს ტყვეებსთან გარსიაი-დ გიორგიიც. არხოტ წამსვლელებს კი აღარ გააგებინეს, რო ესეებიც ცოცხლებიც არიანავ. წამალღალუმ კაცებმ კარგად იცოდეს, რო ამლიონნი იქ ცხვარ-საქონს არ ჩაულღალეუდეს, მაგრემ მაინც წავიდეს. მისულებმ უთხრეს, ჩვენავ ემბად წამავგლღალენესაო-დ რასაც იტყვითავ, იმ პირს წავიდებთავ, იქავ ღილღოს წაოლთავ. ცხვარ-საქონის ჩალაღვაზე ხო უარ უთხრესა-დ აღარც ეს მასულებ კაცებ გაუშვეს ამბის წასაღებად. იმათ თაოდ კი უნდოდ წასვლა, მაგრემ ხალხმ აღარ გაუშვნ. ვინ იცისავ იმ ტყვეებსაც რა მაველისაო-დ თქვენ მაინც ნულარ წახოლთავ, თქვენ მაინც მშვიდობიანად გადაშითავ. ღილღვლებმ გაყვეს ცხვარ-საქონიცა-დ ცხენებიც, სხო დავღაიც გაიყვეს, ჯერ კი არ გამაუშვეს ტყვეები-დ, რო მაინც არავინ მიულღალ ამლიონთ ვარ-ცხენი, გამაუშვეს ტყვეებიც. არც მაკლეს ვინა-დ არცრა აწყინეს პირადად ტყვეებს. ღილღოთ მასხმულ ცხვარი, რაიც გაიყვ ღილღველთ გაღალღალ ცხვარ-საქონში, ის ცხვარ პატრონებმ მაითხოეს, მაგრემ ღილღვლებმ არ დაანებეს. იმათ ცხვარიც ლაშქარმ გაიყვ, როგორც არხოტიონთ ცხვარ-საქონი. ამღას კი დარჩ ცხვარ-საქონიცა-დ ვარავანიც, ახიელ სოფელში სამ თიკან დამრჩალიყვა-დ ისეებიც დავკოცეს – ესეებ რადად გვინდავ. მთაშიაც ცოტა რაიმ დამრჩალიყვ ვარავნისად გადაკობილი-დ თითო-ოროდ კვამლს დაშწ ზოგს მაზვერი, ზოგს დეკეული. ვარი-დ ცხენ კი აღარვის დაშწ. მაშინდელს ლაშქრობაზე ლექსებიც ბევრია ნათქვამი. აქ მარტო ერთ ლექსს მავიყონთ:

*სამშაბათს გათენებდა დიდი დვას ცოდო-ბრალია;
იხევის დედამიწაი, ცოდვით ჩამადნეს ქვანია.
ცაზე აყენებს მასკვლავთა არხოტივნების ბრალია.
სიბრღულისგან ქრებოდა ცისკარი ამამკვღარია.
ორს სოფელს თავზე დაეცა მთელი ურჯულოს ჯარია,
უკენ ას ერავნელები, არა მიშჭირეს მკვარია,
მკრის ჭერის კვალად ვაუებმა ჩამაასწავლნეს ვ ზანია.
ჯარი მავედით, საქმე გოქვ, მასულთ ჩაყარნეს კმანია,
ამღას გვევავ ვიანარალი, მკვარზე წითელი ჯვარია.*

ჩამაიყვანეთ უფროსი, რომენ გყავთ მუბარია.
გათენებამდენ მაკრიფეს სოფელში ქუდოსანია.
მემრ იარაღებ მაკრიფეს: თოფი, ხანჯარი, კმალია.
ახიელის ძირ შაყარნეს არხოტის ჯვარის ყმანია.
ცოტანი ახიელენი, მიწას კნავს დიღღველთ ჯარია.
გათენდა, მაშინ გაიფესრ „ურჯულომ დაგვეცნა ცანია“.
დალატით მასვლის ჯავრითა კბილით დაკენიტეს ქვანია;
შაეკრა ყარაულებსა ველთ გასაუალი გზანია.
სრუ დაუჭერავ სოფელი, შაკრეს სიმაგრის კარია.
ახლა დაეცნეს ამლასა, დილა თენების ხანია;
დახკივლეს ქისტის შვილებმა, დაღვედრა ყველამ გვარია.
თოფის კმა, ელვა, ქუხილი, სრუ იძერის მთა და ბარია.
კარში გამავა დავითი, ხოდელი შვილი ჩქარია.
დაღვების გაკვირვებული, თან ღვონავ საოცარია.
აიმ დრო წამაეხვივნეს ქისტის შვილების ჯარია.
ნუ მახკლავთ, ქისტის შვილებო, ქვრივის გაზდილ ას, ბრალია.
დედა დაშეების ბებერი, დიაცი ახალზალია.
არცრას შევლს დედისერთასა, სალოცავმ ახკრა მჭარია.
სიკვდილს არ დაზღვეს დავითი, გულ უძე როგორც ქვანია.
ბრალი ას დავითისადა, არ მისცეს ომის ხანია.
გაწირა წუთისოფელი, არხვატს დასწერა ჯვარია.
მშვიდობით ამლის ციხეო, შენი ჩამაშლა ბრალია,
თუ მახკვედ, ღმერთმა გაცხონას, შინ ხო არ დაიმალა.
წადით ურჯულოებო, ჩავლილთამც დაგლევესთ წყალია,
ვიხარის ელამარძალ არხვატით წანატანია.
მიხელ, მივიდის ტყვეები, მივიდის კარავანია.
იცოდი, არც შენ შავრჩების არხოტივნების ვალია.
წინავაც გკოცდესთ რჯულ-დაღლნო, როსაც არ გედვათ ბრალია.
გაკსონსთა, საამლოშით გამავილაღესთ ცხვარია,
წყემსიც ქვიშაში გაწირეს, ტყვიამ დანაყა ძვალა.
ამავის მალექსებელი ვერ ტირის, როგორც ქალია.
არცარა ლხინით ვიამბე, სრუ ცრემლით ჩამავთვალა.
ეგეთან არა მეკონნეს არხოტ დაზდილნი ყმანია.
უშინებავის ქისტები, ბევრ რო შაყარეს ჯარია.
მაშინ კი გადაგატდევენთ, ტყემ რა გაიბას თვალა.
ბევრჯელ წინავაც დაგვეცნესთ, თავზე დაგხურნესთ ცანია.

ამდას რო ლაშქარ დაეც, მაშინ იმათ ეგონ, რო ლაშქარივ მარტო ჩვენ დაგვეცავო-დ ახიელელნ მაგვეშველებიანავ. მაგრამ არ იცოდეს, რო ახიელელთაც ლაშქარ დაეცაო-დ ვერცაით მაგვეშველებიანავ. ახიელლებ რო ჳელში ჩაიყარესა-დ ამდას მაიყვანნეს, მაშინ თათია შუაკაცად მილალეს ამდიფნებსთან, ის ჳმამაღლად მაუბარ კაც იყვა-დ იმის საუბარ რო გაიგონეს, მაშინ მიხვდეს, ახიელლებივ ტყვედ ჩაუყრავავ ჳელშიაო-დ იმათ მაშველების მალოდინივ ტყუილად გოქვაჲ. მაშინდელს ერთ-ერთ ლექსში ნათქმები ას აი ეს სიტყვები:

*მაველით ახიელელთა, არ მაგვივიდეს ხანზედა,
მეთემე მაგვეშველების, ხო მავლენ თენებაზედა.
ახიელითაც მავიდეს, თათიაი ცნეს ჳმაზედა.
ღალატით დაგვიბაღითნეს პოლიციის ჳმაზედა.*

ეესრ დარჩ ახიელაი-დ ამლა განადგურებული. ამდას კაც-ღიაცებ ჩაცოცესა-დ ახიელით ცხვარ-საქონი-დ ტყვეებ გალალეს. ახლა ამაზე არხოტიფნებმაც დაიწყეს მუქარის თხოვა ღილღველთად – თუ სხვას ვერას გავკდებითავ, სადაც ვის გავეწვიითავ, ჳოცას მაინც დაუწყებთავ. ორ კვირაჲ იქნებოდა ლაშქრობიდგეს გასულ, რო ღილღველთ ადგილში, ჩორეხ, არხოტიონ მენადირეებ წავიდეს სანადიროდ. აბიკაი-დ იმედა წიკლაურები. დღისით ინადირესა-დ ღამით წავიდეს ჩორეხის ეხისკე (ეხი: გამოქვაბული, კლდე) ღამის გასათენებლად. ჯერ კიდევ დღე იყჲ, რომ მიუახლოვდეს სადგომს. ჯერ უდვირობინოდ გახენესა-დ ნახეს, რო ეხის კარში რაებიმ დად-მადის; იმათ ჯიკვებ ეგონ. ამაილეს დვირობინი, გახენესა-დ გამოსცნეს, რო ჯიკვებ კი არ ას, ორ ღილღველ დაჲ-მაჲ ეხის კარში – ამზადებენ სალოგინეს, ბალახსა-დ შეშიაც მაუტანავ. ესეებ რომ ნახეს, ჩასხდეს კლდეში, რო ღილღველებმ აღარ გენახანავ. გადასწყვიტეს, რო დაღამებიდგეს მივიდაოთაო-დ ეგებიჲ დაჲცოცათავ. დაღამებამდინ აღგილზე ისხდესა-დ დვირობინებით გახედევდეს. რო დაღამდ, ეხში ცეცხლ დააგზესა-დ სინათემ დაიწყ გამადენაი. ადგეს არხოტიონ მენადირენიცა-დ წამავიდეს ეხისკე. ეხი ისეთს კლდეში იყჲ, რო იმის კართან ცუდ შასაჲდომი იყჲ. შასაჲდომსთანამდინ რო მივიდეს, აბიკამ უთხრ იმედას: ეხსადაჲ მე შავკდებიჲ ეხის კარშიაო-დ გავიგებავ, რაკელ არიანავ, რაკელან საით უფრო მარჯვეი ასავ მაგათ დათოფვაიჲ. თუ გამავიდაჲ ვინავ, დახკარიჲ, თორე მე მანამ იქ შავკდებიჲ, დამაზიანებენავ. ორთავ დაამზადეს თოფები-დ აბიკა შაჲდ ეხის კართან. ეხში რო შახენ, ერთ ფეჲზე იდგ ცეცხლთანა-დ მეორე ჳეჲ იჯდა-დ ერთუცს არხოტ ლაშქრობის ამბავს უამბობდეს. აბიკამ არცად ამხანიგისად მაცდა მაიგონ, რაკი იმათგან არხოტის ჳსენება გაიგონ, მაუბრუნ თოფი-დ წინწინ ფეჲზე ნადგომს დახკრ. ღილღველს რო ტყვია მახვდ, ზედ წაეფშენიტ აი დაგზებულ ცეცხლზედ.

მეორე დილდველი აირივა-დ ველარ გაიგ, რას უნდოდ ქნაი, მანამ ის გონთ მავიდოდ, მაასწვრ იმასაც აბიკამა-დ დახერ ტყვია. ისიც წამაიქც პირქვ. მაუყოლ მეორ-მეორეიც აბიკამა-დ, რო გაიგ, რო ორივ სასიკვდილოდ დაიჭრაგ, გადმახტა-დ მავიდ ამხანიგსთან. რაი ხქენიგ, უთხრ იმედამ, უხემოდ რაად სოფუგვ. რადად მინდოდა შენობაიგ, ორნ იყვნესაო-დ თითო ნასრევიგ ორთავ დაგხკარიგ, მემრავ მეორ-მეორეიც მაუყოლეო-დ ორნივ ცეცხლზე კი წაიქცნესავ. მაბრუნდესა-დ წამავიდეს. საჯარის დელეში წინას დღეს მაკლულ ჯიხვი ხყვანდად, იქ მავიდეს, იქ სადგომებს ეხებში დამე გაათენეს, მეორეს დღეს აიკიდეს ზურგზე ჯიხვის ტყავ-ჯორცის ბარგები-დ მავიდეს არხოტ. არხოტიენებს დილდველების ჯავრი შჭირდა-დ ძალიან გაუხარდ, რო უამბეს დილდველების დატოცის ამბავი. თავის სოფლელებ ხო ულოცევედესა-დ სხვას სოფელშიითაც მადიოდეს სახელის მასალოცავად.

დილდოს რო აღარ დაბრუნდეს, წამავიდ ხალხი საძველადა-დ დატელნეს ესში ნახევრად დამწვრები. ამაზე კიდევ ძალიან გამწარდეს დილდველნი-დ შამაუთვალეს არხოტიენებს მუქარაი.

მაგანძურის ლაშქარი არხოტში

მიამბო კუკუა ცისკარაულმა (56 წ.)

და მაშინ ჩავწერე 1920 წელში. ს. ახიელში

მაგანძური ხქვიან გუდანის ჯვარის ყმათ, ეს გვარები ჰევსურეთ ყველაზე ბევრ ხალხიან გვარები არიან. როგორც ამბობენ, ესენ სამის ძმისგან არიან გაჩენილნი. „არაბა“-ისაგან, „ჯინჭარა“-ისაგანა-დ „გოგოჭა“-ისაგან. არაბული, გოგოჭური, ჭინჭარაული – ეს გვარები სამივ ერთად გუდანის ჯვარს ეყმობიანა-დ იმათ მამულებიც ამტკიცებს იმათ მენათესავეობას. სადაც სოფლებში ცხოვრობენ, ყველკან ერთუცზე აქვ მამულები იმათ მამ-პაპისგან გაყოფილები. ამ სამ გვარს ერთუცშიაც კი ხქონდ შურმაქნეობაი-დ საერთო საქმეში კი ერთუცს გვერდი ედგეს, მჯარს შჭერდეს ერთუცს. ნამეტნავად მაშინ, როსაც გუდანის ჯვარი ბძანებდ წასვლას ერთ-ერთ სოფელში ან კუთხეში დაცემასა-დ ბეგრის დადებას გუდანის ჯვარის სასარგებლოდა-დ დავლის წამადებას. ასეთს ბძანებაზე შაიყრებოდ მაგანძური-დ წავიდოდეს ბეგრის დასადებად. გუდანის ჯვარის დროშაით ყველკან დადიოდეს ქისტეთში, მეტევეებში, არხოტში, არდოტ-ხახაბოშია-დ სხვაკან. ბევრკან ადგილ დაიჭირესა-დ ბეგარ დაზდვეს. ერთხან დასვეს ქადაგი გაიდაური-დ იქადაგ: ჩემნ ყმან შაიყარენითავ, დროშა ააბითაო-დ არხვატ გაბეგრეთავ:

ქადაგობს გაიდაური, ბძანებს გუდანის ჯვარიო:

ჩემს კარზე შაიყარენი სამის ბატონის ყმანიო.

*სამი ააბით დროში, სამსაე შააბით ზარიო.
ახიელის ძირ ჩავიდათ, ვატირათ ქალი, ზალიო.
იქ უნდა დავზდვათ ბეგარი კვამლად თითოი ცხვარიო.
ვაიგა არხოტის ჯვარმა, წელთ შამაირტყა კმალიო,
სხვაენით ამილაე ბეგარი, დამპალო, სად მიხვალაიო?*

გაიდაურის ქადაგობის შემდეგ მაგანძურებმა ერთიმეორე დაიბარეს და წამოვიდნენ არხოტის დასაბეგრაჲად. რაიცად შემთხვევით გოგოჭურებ არ გამახყოლივან. არაბულებისა-დ ჭინჭარაულების ლაშქარს აუბომ გუდანის ჯვარის დროში-დ წამასულან. კვირიწმიდას რო ჩავიდეს, მარტია შუქიაურ ავიდ ციხეშია-დ ახიელისკე მიმდინარს ლაშქარს უძახ: „გაიარეთავ, მანდავ სადილსავ ახიელელნ გაჭმევენაო-დ სამხარსავ აქავ მე გაჭმევთავ; ვითამ, ახიელ რო მიხოლთავ, იქავ ისენ დაგხედებიანთავ შასაფერადავ, აქ რო შამაივლითავ – მე ვიცვი; ვითამ, მიაც არ გაგიშობთავ უჭირვლებსავ. ლაშქრის მახლოება ვაიგეს ახიელელთა-დ სიმავრეში შავიდეს. ჳევსურთ ლაშქარ მავიდა-დ დაერივნეს სოფელს. ციხეშიით დაიწყეს თოფის სრევაი. თოფის სრევაზე ჳევსურებ შინ შავიდეს. ახიელლებ ციხეში იყენესა-დ ჳევსურებ სახლებს ხევანდეს დარეულები. ერთ ახალგაზდა ყოფილ ჳარათაი, იონეურ ექვიენა-დ ერთი ძალიან გძელი საციხეე თოფი ხქონდ. ამ თოფს ბურა ექვიენ. ორს სრევას წამალს იყრიდა-დ ორის ტყვიისოდენ ტყვია იდებოდ შიგ. სრევითაც ორის თოფის ძალით ისრევედ სიშორეზე. იონეურ თაოდაც კი ახალგაზდა იყვ, თოფ ხო გათქმული ხქონდ.

*თოფ კი აისეთა უნდა, ახიელ რო ბურაია,
თამარიზძე ჩაუქცევაე, ჳინჭარაულთ კულაია.
ჳელით ვითრევესთ, ჳევსურებო, ქალი ავუნდურაია.*

იონეურ რო ციხეში შავიდა-დ სხო ხალხებიც ჳევსურები იონეურის სახლში შავიდეს, იქ ფაფა ხქონიყვ ნადულარი-დ ლაშქრის მასვლაზე რო ციხეში წავიდეს, ფაფა უჭმელ დაშჩ. ჳევსურებმ ეს ფაფა ამაჭამესა-დ ერთ ჳევსური ბაკანში სათაონაპიროდ დაჯდ. ეს სახლი ციხესთან ახლო იყვ, გამავიდეს ჳევსურები-დ ამ სახლის დარიფანშიით ერთმ ჳევსურმ უძახ ივანეურს (ივანეური და ეს ხევსური წინათ ძმობილები ყოფილან): „ძმობილო, ფაფიან ბაკან ქვე ამავიჭამეთავ, შიგ ქვე „ჩავიკუნტეთავ“ ბაკანშიავ. ამ დროს ივანეურს ციხის სათოფეშიით თოფი ხქონდ ჩამადებული-დ ჳევსურ არ ჩენილ, შიგათ დარიფანში ყოფილ; ივანეურმ უძახ: ძმობილო! არ მამდისავ, რას იძახავ, აბა ცოტაად გამაჩინდიო-დ კარგად მიძახევ. ჳევსური ქოოდ კი არ გამაჩინდა-დ ცოტაად წამადგ წინ. იმთენად წამადგ, რო ერთ ბანის სანაპირონი ეფარებოდეს (სანაპირო:

მიწური სახლის ბანის პირზე დაწყობილი თხელი ქვები, „სიპი“). ივანეურმ გაიგ, რო სიპის მეტ ადარა ეფარებისავ. დაადე ლიშან ამ სანაპიროს, ივანეურს თავის თოფის ძალის იმედი ხქონდ, რო, თუ ამ სანაპიროს თოფს დახკრევდ, იმისად გავარდნილი, არც კაცს გასწირევდ უჭირველს. თოფ რო გავარდ, ტყვიამ სანაპიროც გაკვრიტად ჰვესურსაც მახვდა, იქავ მკვდარ დაეც. ეხლა გავიგონევ – უძახ, რაიც იძახევ, ძმობილო. მეორეს კიდევ სოფლის ბოლოში დახკრეს ტყვიაი-დ მაკლეს. ერთიც სასიკვდილოდ დაჭრეს. ამაებში ერთ არაბულ მაკვდ სოფელ ბაცალიგველი, ორი ჯინჭარაულ მაკლეს ერთი გუდანელი-დ ერთი ძეძეურთელი. ჰვესურებმ რო ნახეს, რო საქმე ცუდად ას, ვითაიც გამავარდ ციხეშიით, იმოვენ ტყვიამ ცალეზე არ გაიარ, შაშინდესა-დ წამასვლა დააპირეს, მაგრემ საითად წამავიდოდეს, იმათ გამასავალს გზას ციხის სათოფეები ზედ ჩამახედევდ. იცოდეს, რო გამამართულებს ახიელლებ უერთოდ აღარ გაუშობდეს. სხო ველარა მათკერჰესა-დ ერთმ ქალმ გამააცილ ყველაი, ეს ქალი ახიელელი იყვ, სახელად აგუნდა ექვიენ. გამასავალი გზა ისრ იყვ, რო წამასულს კაცს ზურგი ციხისკე ექნებოდ. ოცდაათ ორმოც საჯანს რო გამაივლიდ, იქ ერთ გორია, იმ გორს აქეთ გადმეფარებოდა-დ მემრ ციხე აღარ ჩინდ. თითო ჰვესურმ აიკიდის ზურგზე აგუნდა ქალი-დ მანამ გორზე არ გადმეფარის, აისრ გადმავლივის. მემრ მიბრუნდის აგუნდაი-დ სხვამ ჰვესურმ აიკიდის ზურგზედა-დ გადმავლივის. აგუნდაის ხათრით ციხეშიით თოფ ველარ ესრიეს, რო ნასრევ ტყვია ჰვესურს არ მახვდებოდ, თუ წინწინ აგუნდას არ მახვედრიყვ, ციხეშიით ქვეც უძახეს: „კახპაო, ნუ მიგიდისავ ეგ ჰვესურებივ, თორე გესრევთაო-დ მაგეებსთან ერთადავ შენაც მაგკლავთავ. მაგრემ აგუნდამ არ გაუგონ თავის მამისახლსა-დ ეს ლაშქარი თითოობით გადმაცილ გორს.

გადადის არაბულები, აგუნდის დანერბულები.

მკვდრებიც როგორც იქნებოდ ასეთი ჰვერკით წამაიდეს, აქ ვერცრა ბეგარ დაზდვესა-დ ვერც დაგლა წამაიდეს. პირიქით, საკაცეებ დააკეთესა-დ მკვდრებ წამაიდეს. ახლა კვირიწმიდისას შამავლა აშინებდ, რო მარტია შუქიაურ რო დაემუქრ, ის არ გაგვიშობსავ, კვირიწმიდის გზისას ველარ წამავიდეს, რაკი გზა სოფლისას მადიოდა-დ ციხეშიით მარტიას შიში ხქონდ. აუქციეს სოფელს მჭარი-დ თავის საკაცეებით კვირიწმიდას სოფლის თავი გადმაიარეს. ახიელით წამასულებს საჰვესურეთო გზა ორი ხქონდ, ერთი წყალშუისასა-დ მეორე კურკულისას. ჰვესურებივ ამაზე შამაივლიანავ, ოჩიაურ თათარასა-დ სხვებიც სტანებიონ, წყალშუისას წასავალ გზა შაუკრეს მიტალათ. ჰვესურებმ წყალშუის გზისას არ შამაიარესა-დ კურკულისას წავიდეს. გზის შამკრავებმ ნახეს, რო ჰვესურები

კურკულისას მიდიანა-დ ქართულის თოფების სასრევლად შორ მანძილ იყვ. თათარამ უთხრ ამხანიგებს: შორ კი ასაო-დ აბა აიმ ქუჩას რო მიდიანავ, აიმეებსად ვესრევავ – რას იქსავ, მიიტანსაევ თუ არავ ტყვიასავ. ესრივ თათარამა-დ ერთ ჳევსურ ჩაიქც. გაუკვირდ ყველას; საით-სად მიიღავ ტყვიაიო-დ მახვდავ. სად შჭირსავ, სადავ? – უძახეს ჳევსურებს. ჳევსურებმაც უპასუხეს: „ჯორჯას შჭირსავ, ჯორჯასავ“. „აუ, გააოკრასავ ღმერთმავ, ქვე კბილთაც ვესრიევ, ჯორჯაში რაიდ უნდოდავ – უძახ თათარამ. თათარა ეხუმრებოდა-დ ჳევსურებს ის ეგონ, რო ისით მართალ თოფ ხქონივავ, რო ამ სიშოროსავ კბილთად ნასრევივ ჯორჯაში მახვდავ. დაშინდეს ჳევსურები-დ რაც ძალიდ ღონე-ი ხქონდ, დაიქცნეს. საკაცეებ კი მაინც არ დაწირეს, თან წამაიდეს. მეტი აღარც ამეებმ ესრიეს. რომნებს გზაი ხქონდ შაკრული, რო ნახეს რო საკმაო საკაცეებ მიხქონდა-დ ნადავლ ქვე არა მიხქონდ. ახალგაზდა ხალხი ხო ლაშქარში იყვად ხნიერს ხალხს მალღინი ხქონდ დაეღის მატანისა. მაგანძურთ ახლები არხვატიო მავლენაო-დ დაეღას მაიტანენავ. ბაცალიგო სოფელ ისეთს აღავში ას, რო არხოტიო გადმამკდარს მეზავრს არხოტის მოაზედავ ღნახავს. ბაცალიგოს ერთ არხოტიონო ქალ იყვ გათხოვილი, იმას ძალიან სწყინდ მაგანძურის წასვლა არხოტა-დ რას იქმოდ, ხო ვერ წავიდოდ ქმარ-შვილიან ქალი. არხოტიონო ქალს მამამთილი ხევანდ სიბერისგან უსინათლო, ზალს მალმალედ უთხრის: „წედიო, გახენევ ჳერემეებ არცად მაუღისაევ (ჳერემა: ძროხის სახელია). ზალს ეს ამბავი მამამთილისგან ძალიან სწყინდ, მაგრემ თავის წესის მიხედვით, ხათრს უნახევდა-დ ვერას ეუბნებოდ. მამამთილის თქმაზე გავიდის, გახენისა-დ შამასულმ თავისად თქვის: არვინ მავავ, არავ. ლაშქარ რო დაგვიანდ, შასწუხდ ეს უსინათლო კაცი-დ უფრო მალ-მალე გაახენებივის ზალს. ზალი თან-თან გამწარდ ამ საუბარზე. ბოლოს რო გაახენებივ, გადმაჩინდ ლაშქარიც მოაზედა-დ სამ საკაცე მააქვ თან, ჳერემეების მაგივრად. გამწარებულმ ზალმ მამამთილის წარამარა გახედვნიებით საკაცეებ რო ნახ, შამავიდა-დ მამამთილს უთხრ: „თქვენმა ამაწვეტამავ, ჳერემეებ მაგილალესავ არხვატიოვ, ჳერემეების კვალდავ საკაცეებ მააქვავ. არ იცოდითაევ, რო არხოტიენები ჳერემეების კვალდავ ჳირს მისცემდესავ კარზე მისულს მეძალესავ. მამამთილმ რო ზღისაგან ეს სიტყვებ გაიგონ, გაჩუმდა-დ ჳმა აღარ ამაულავ. მაიტანეს საკაცეები ერთ ბაცალიგოს, ერთ გუდან, ერთი ძეძეურთას. თამარიზძეზე ერთმ ჳმით მატირალმ იტირ:

*თამარიზძეო, შავენაცველო,
დაყინულნ არ დაგილხვესაეო.
მაკლული უსაფეროთაეო.
ღიღღველთა, ყარწიკაიანთაო.*

ამ დროს ერთ არხოტიონთ ქალი იყვ აქ კმით მატირალი. ის თამარიზძის სატირლად არ მივიდოდ, რო იქავ ტირილში კმით მატირლებივ არხოტივნებზედავ ცუდად დაიწყებენავ ტირილსავ, მე იმას ვერ მავითმენაო-დ ისივ კვესურებს ეწყინებისავ. იმ ქალს ძალიან მამაც ქმარ ხყონივა-დ იმას უოქომ: „შენ წამეედივ იქავ, არხოტიონთადავ თუ ცუდ ვინ იტირავ, შენავ, რაიც გინდოდასავ ის იტირიდიო-დ, თუ რა ვინ თქოევ, მე იქ ვიქნებივ“. კვესურის დიაცს რო თამარიზძეზე უტირავ: „უსაფეროთ მაკლულო“, ეს ეწყინ არხოტიონთ ქალს, თაოდ გადმაკდ კმით სატირლად-დ იტირ:

*თამარულაო, * მახვედაეო,
არხოტივნები შინ დავიხვდაო.
ტყვიის სკამები ესხადაეო.
წამლიან კოდნი ედგესაეო.
ვაუებ ციხეში ხყონიყვაეო.
ბურაი გამადიოდაეო.*

კვესურებმ რო არხოტიონთ ქალისა ესეთი სიტყვებით ტირილი გაიგონეს, ძალიან იწყინეს: უყურეო, მაგის მამისახლისგან მაკლულს თამარიზძეზედავ რად ტირისავ. დაიწყეს ჯავრობა, მაგრემ იმის ქმრის შიშით კმა ვერ გასცეს. ლაშქრობასა-დ ბეგრის დადებას კი თავ გაანებეს მაგანძურებმ, რაკი გაიგეს რო არხოტივნები ბეგარს არ იდებდესა-დ იქ დაკოცვილის კაცების თავ-სისხლ კი დაზდვეს არხოტივნებს. კვესურეთის წესით ყველა რივ იყენესა-დ ბოლოს თითო საკლავსად ქინთით არაყს უზიდევდეს წელში თითოჯერ, თითო კაცის თავში. ამას ხქვიან რივის ყენება. ერთხან იონეურის ჩამამავლობის კაცმ, სახელად ბურძგლამ წაიდ თამარიზძის რიგი, გზახევ არაყ ქვე დაეხარჯ, დამთვრალიყვ, გადაქცეულიყვა-დ ცხენის ხურჯინიცა-დ წაყვანილ საკლავიც დახკარგ. დაბრუნვილი შინ მავიდა-დ არცად წასულან ამ წელს რივის საყენებად. იწყინეს რივის აღარ ყენება თამარიზძის მოგვარებმა-დ წამავიდეს შურის საძებრად. ეს იქნებოდ თამარიზძის სიკვდილიდგეს მესამე თუ მეოთხე თაობა, რივ რო აღარ უყენეს. ამ წელს მალე დაზამთრდა-დ მეორე ზაფხულ რო მავიდ, დაიწყეს შურის საძებრად სიარული. უნდა მაეკლ თამარიზძის მამკლავთ გვარში, ე. ი. კარათ გვარში ერთ-ერთი კაცი, ვინაც უნდა ყოფილიყვ. მასულები კარათ სახლებთან ახლოს ჩასაფრდეს კაცის მასაკლავად, მაგრემ ერთმ ამათ გვარის ბებერმ კაცმ, სახელად ოდინამ თვალ შაავდ კვესურის მზირთა-დ სოფელში კმა გაუტეს. ახიელელნი შაიარადდეს, ჯერ იქ დაიწყეს ძევაი, მემრ მიხვდეს, რო ესეებივ გუდანლები იქნებოდესა, წამავიდეს, გზა შაუკრესა-დ მთელ ღამე თეთრად გაათენეს იმათ ყარაულობას, მაგრემ კვესურებმ ეს იცოდეს; კმა რო გაგვიტყდავ, ესლად

* აჩქარებულმა თამარიზძის მაგიერ თამარულა ახსენა. ეს კი ქალის სახელია.

გზას შაგვიკერენაო-დ იმით უგზოზე გაიპარნეს მიტალათ-ას. მემრ იქავ რიგი იყენეს ჯარათ – წინას წელს რაიც დააკლდ, ის რიგიც უყენესა-დ ახალ რიგიც კიდევ ორიც ერთად მოღვარეს საკლავიცა-დ სასმელიც მიუტანეს. ბოლოს ჯვესურების საერთო კრებამ გადაწყვიტ ძველის თავების გათავებაი. მეთავეს ლუდ უნდა ედუდ, ერთ კურეტი უნდა დაეკლა-დ თექვსმეტი დრამა უნდა მიეც მესისხლეთად. ამ ლუდზე და კურეტის დაკვლაზე თავ-მეთავეები იმ ჯვარში ერთად შაიყრებოდეს, სადაურიც კაც მკვდარი იყვ. დრამაც აქ მაიტანესა-დ ასწონდეს შუაკაცები. აქ მახვდებოდ საბოლოოდ შარიგება თავ-მეთავეთ გვარებისაი-დ ამ შარიგებიდგეს იქნებოდეს ისრ, რაჰვლაც თავისუფალ ხალხი. მამკლავის გვარ მაკლულის გვარსთან, აქამდენ თუ ხათრიანად იყვა-დ ყმებივით ექცეოდ, ამ შარიგებიდგეს სრუ იკარგებოდ ხათრიცა-დ სხოიც სუყველაი. ჯვესურთ ამ ახალი რჯულის მიხედვით არხოტივნებმა-დ მაგანძურებმაც გაათავეს ეს სამის კაცის თავი. თითოზე ამ მოკლულების ჩამომავლობამ თექვსმეტი ძროხა დრამა აიღეს, კურეტი დაკლეს თითოი, თითო ქვაბ ლუდ ადუდესა-დ შუაკაცების დაკმარებით ერთად შაიყარნესა-დ გაათავეს საბოლოოდ თავ-სისხლი. ამ ლაშქრობის დროს ნათქვამ ლექს კიდევ ას ჯვესურებზედა-დ არხოტივნებზე:

შახენე კვირიწმიდასა, ყროლანი გამადიანა,
აქა ნუ მაზდით, ყროლანო, გუღს სისხლი გადამდიანა.
არ დაიჯერეს ყროლათა, სოფლადავ შამადიანა,
ციხით დაშჭეხნა ბურამა, ყაწიმნი ლამში ხყრიანა.
ამადევ თამარიზძეო, ლულუან გელევიანა.
ჩამაკედ ივანეურო, ყმაწვილას გაქებდიანა.*

(ლულუანი: ბრჭყვიალა რამეზე ბავშვებს ეტყვიან ის ლულუა არისო და ამ ლექსში თამარიზძეს ირონით ეუბნება ბავშურის ენით მელექსე. ლულუან გელევიანო. კვირიწმიდა: სოფელი ხევსურების მოსასვლელ გზაში). ერთი ასეთი ლაშქრობა ქმოსტზე მაუკდენავ მაგანძურსა-დ ბეგარ დაუდვავ წელში ერთ ცხვარი-დ სასმელი გუღანის ჯვარში მისაყვანადა-დ მისატანად. ის კი არვის აკსონს, რაჰვლ იბძოლეს ქმოსტელთა-დ მაგანძურმ. ეს ბეგარი ნელობამდინ კი მიუდიოდ მაგანძურსა-დ გუღანის ჯვარს. ბოლოს ქმოსტლებმ ბეგარზე უარ უთხრესა-დ მაემზად მაგანძურიც ქმოსტისად დასაცემლადა-დ ძალით ბეგრის წასაღებად. ქმოსტი ერთ სოფელია-დ ერთ სოფელი არხოტ ხყავ მამიძმაი. ქმოსტელთ მამიძმაი ას სოფელ ახიელი. ის კი არვის აკსონს, ნამდვილ მამიძმაი ასა, თუ ჯარით შაყრილან მამიძმაობაზე. ხოლოთ საერთო მტერთან კი გვერდი უდგებოდეს ერთუცს. ახიელელთ გაიგეს,

* ყროლანი – ბუდის ხევსურები.

რო მაგანძურივ ქმოსტზე დასაცემლად ემზადებისავ; წალალეს ქმოსტ კაცი. ამ კაცს ბაიჭაური ექვიენ. ახიელელთ ქმოსტელთან ბაიჭაურს დააბარეს: თვალყურით იყვენითაო-დ, როსაც მაგანძურივ თქვენკე წამავავ, ჩვენ გაგვაგებითაო-დ მემრავ ჩვენ ვიცითავ, რაჯელ დაუხვდებითავ მაგათავ. თქვენის უძმო-უმამიძმო თუკლად დგონიხართავ მაგანძურსა-დ კაც-ბევრაობით უნდავ, რო მაგერივნანთაო-დ ბეგარ წაიდანავ. თქვენ არ ხართავ უმამიძმონივ, აქ გყვიორთავ ჩვენავ, თუ ეგენივ არ დაიშლიანაო-დ მაინც ძალს გაღბედვენავ, სრუ მკედრებით ავავსებთავ მაგათავ. ქმოსტელთ ბაიჭაურის პირით ახიელლებს მადლობა შამაუთვალესა-დ სრული იმედი გამათქვეს. მემრ მაგანძურსაც შაუთვალეს: მეედითავ, თუ მაზდითავ, თქვენ თუ ბევრი ხართავ, მამიძმანივ ჩვენიც ახიელელნიო-დ ვნახათავ ვინ იზარალებსავ. თუ მაინც არ დაიშლითავ, ჯერ კი გირჩევთავ, რო თავ დაგვანებეთაო-დ ბევრ სისხლ არ დაიდვარასავ. ჩვენ არა გვმართებსავ თქვენივ, წინავაც ძალმამრეობით გვართვემდითავ ბეგარსავ. მაგანძურსაც ხყვანდ ჭკვიან ხალხი უფროსები-დ დაუშალეს ახლებს ქმოსტის დალაშქვრავ, იმის მემრ აღარც ბეგარ მიუცავ ქმოსტელთ.

ქისტის ლაშქრის დაცემა თუშების და ფშავლების ცხვარზე ბაბის მეთაურობით

მიამბო ბიჭურ ბადრიშვილმა, 50 წლისამ, სოფ. შუაფხოში, 1939 წელს

ქისტები ხშირ შემთხვევაში ეცემოდნენ ფშავლების და თუშების ცხვარ-ძროხას და მიუდიოდათ მითხოსაკე, სხვათა შორის, ერთხელ წამოვიდა ძალიან მძიმე ლაშქარი ცხვრის ფარების გასარეკად. მაშინ გაზაფხული იყო და მთებზე თოვლი კარგად არ იყო გამშრალი. ამ დროს ცხვარი შირაქიდან ამოსულიყო და თუშეთშიც და ფშავშიც ჯერ კიდევ ბარ ადგილებზე ტრიალებდა. მთაში ჯერ ბალახი ვერ იყო მოსული და ამიტომ საზაფხულო საძოვრებზე არ ამოსულიყვნენ. ქისტები ამ დროს იმიტომ წამოვიდნენ, რომ მაშინ მთებზე კიდევ თოვლი იყო და არავის ეგონა, თუ იქ, ან ადამიანი გაიძლებდა ღამით, ან ცხვრის გარეკა შეიძლებოდა ამ თოვლიანს მთაზე. მაგრამ ქისტები თუ რამეს დაეცემოდნენ და მოიპარავდნენ, საამისოდ თავს არც სასიკვდილოდ დაზოგავდნენ. ფშავლებს კი ეგონა, და თუშებსაც, ჯერ მთები გამოსული არ არის და მტერი აქ ვერ მოვაო, ამიტომ იყვნენ გაბრიყვებულად. ლაშქარი ღამით მოვიდა თუშთ-ბორბალაზე (მთა გადასასვლელი თუშეთისკენ). რადგან ძალიან მძიმე ლაშქარი იყო და ამდენი ხალხის ერთად წასვლა საჭირო არ იყო, ამიტომ აქ ლაშქარი ორად გაიყო შემდეგის პირობით: ნახევარი ლაშქარი თუშეთში უნდა წასულიყო და აქედან წამოედო ცხვრის ფარა, ნახევარი კი ფშავში და აქ, სადაც

შეხვედებოდა, წამოიღებდნენ ცხვრის ფარას. ფშავიდან გამოატარებდნენ ფშავეთის მთებს და თუშთ ბორბალაზე მოვიდოდნენ, თუშეთიდან წამოღებულ ფარასაც ამავე თუშთ ბორბალაზე გადმოატარებდნენ და ანდაქის მთებში ერთი მეორეს შეუერთებოდნენ. მთლიანად ლაშქრის წინამძღოლი იყო მითხოში სახელგანთქმული ყახალი ბაგი და ერთი თანაშემწე ყავდა. ბაგი ფშავში წამოსულ ლაშქარს გამოუძღვა და მისი თანაშემწე თუშეთში გაუძღვა ლაშქარს. პირობა ჰქონდათ: ვინიცობაა, თუ ერთ-ერთმა ლაშქარმა გაიმარჯვა და მეორემ რაიმე მიზეზით ვერ გამორეკა ცხვარი, მაშინ რომელიც მორეკავდა ცხვრის ფარას, ყველანი გაინაწილებდნენ, ხოლოთ მეტი წილი ერგებოდა გამარჯვებულ ლაშქარს. ფშავში წამოსული ლაშქარი სულ მთიდიმთივ წამოვიდა; გზადაგზა, სადაც საჭირო იყო, მეწვერე ყარაულები დააყენეს, ბორბალოდან მოყოლებულის სოფლიონამდინ. სოფლიონი თიანეთის ახლო არის იორზე და აქ შემომდგარიყო ფშავლების ცხვარი, საზამთრო საძოვრიდან – შირაქიდან, საზაფხულო სამთოებისკე წამოსული. აქ ბევრი ცხვრის ფარები იდგა. უფრო სათავეზე იდგა ჯღუგა ახალაურის, ანუ ჩორხაულის ცხვარი. ჯღუგა სოფელ უძილაურთიდან იყო და შვიდას-რვაასი სული ცხვარი ყავდა. ცხვარი მოდიოდა უძილაურთისაკე, მაგრამ, რადგან უძილაურთა მთა ადგილია და სოფლიონი უფრო ბარად არის, ჯერ-ჯერობით აქ ტრიალებდა, ვიდრე მთებში ბალახი ამოვიდოდა. მთა ბორბალოდან სოფლიონამდინ ძალიან შორს მანძილზე არის გადაჭიმული და კარგა ბლომად ხალხი დაშჭირდა მთის წვერებზე საყარაულოდ. ბოლოს ცხვარზე დასაცემად მაინც ასზე მეტი კაცი დარჩა კიდევ. ლაშქარი ღამის სიბნელეში სოფლივნის თავს მიიპარა და იქ ტაფებში დაიმალა, სადაც ამ დროს არავინ დადიოდა. იქით-აქეთ ყარაულები ედგა და ათვალიერებდნენ გზებს. საღამო ხანზე შეათვალიერეს ჯღუგას ცხვარ-ბინა, რომელიც უფრო ახლო იყო მათთან. დაღამდა და გრძელ ვახშობის დროს დაეცნეს ბინას. ერთი წყემსი მოკლეს და სხვები გაიქცნენ. ბევრი ისროლეს, რომ მთლად განათდა ის არემარე. ჯღუგას ცხვრის ფარას გამოუქქეს და გამორეკეს. დანარჩენ ფარებს პატრონებმა წამოურბინეს და სულ ბარად ჩარეკეს. თოფის ხმაზე ხმა გატყდა იორზე დასახლებულ ფშავლის სოფლებში და მღევრად წამოვიდნენ, ცხვარი კი მოდიოდა მთიდიმთივ. ჯღუგას ძმისწული ლექსო წამოვიდა ღამიღამ და მოვიდა ფშავისკვეს, ე. ი. არაგვის სათავეებში დასახლებულ ფშავში, უკანაფშავის თემში და აქ გატეხა ხმა. უძილაურთაც ამ თემში შედის და ეს ცხვარ-ბინა აქაური იყო. აქ ყველა სოფლებში მეორე დღეს გატყდა ხმა და ეს ხალხიც წამოვიდა გზის შასაკრავად. ცხვარი პირველად ჩქარა წამოვიდა, მაგრამ, როცა თოვლიან მთაზე ამოვიდა და თანაც დაიდალა, ნელ-ნელად მოდიოდა. მეორე დღეს ფშავის მთები ვერც კი დაანახევრეს. ივრიდან, სოფელ ბაჩლიდან წამოსულა ოთხი კაცი პირველსავე კმის გატეხაზე. იმავე ღამეს ამოვიდნენ მთაზე, ნახეს კვალი და ჯერ არ იყო ცხვარი გამოვლილი. ახალგაზრდებს გაუხარდა, რომ ცხვარს წინ შემოასწრეს და ადგილობრ

ქადღელეში ჩაუსაფრდენ. ჩაუსაფრდენ დაბალ ადგილზე, მაგრამ ძალიან მოტყუედენ. იქ იყო მაღალი მწვერვალებიც და იქ თუ ჩასაფრებოდენ, ქისტებს საშუალება არ მიეცემოდა ჩასაფრებულების დაზიანებისა, აქ კი მწვერვალიდან შემოუარეს ქისტებმა და ჩასაფრებულები დაახარადეს; ფშავლებმა სანგლები გააკეთეს ქადღელეში და ისე ჩასაფრდენ, რომ ცხვარი რომელი გზიდანაც მოვიდოდა, თვალი იქით ეჭირათ. მათ იცოდნენ, რომ აუცილებელივ ამ გზით, ე. ი. წვერიწვერ გამოატარებდნენ ცხვარს. სხვა გზა აქ არ იყო. გათენდა, მზე ამოვიდა და ამ დროს მოვიდა პირველად ქეჩები, ჯღუგას დიდი ვაცები ჰყავდა მაღალრქებიანი და ისინი იყვნენ ქეჩებად გაწვრონილნი. ფშავლებმა პირველად ხმაური გაიგონეს, რომ ქისტები ცხვარს მოერეკებოდნენ. მოკლედვე გამოჩნდა ჯღუგას ვაცის რქები და მოჰყვნენ ქისტებიც. ეს მაღლობზე იყო და ფშავლები დაბალში იყვნენ ჩამსხდრები. ზევიდან ქვევით უნდა დაეშვას ცხვრის ფარა და მერე ჩამოვიდოდა ამ ღელეში (უღელტეხილში) სადაც ოთხი ფშაველი იყო ჩასაფრებული. ცხვარი და დაშქარი რომ მოვიდა, ფშავლებმა ცოტა ხანს აცაღეს, რომ უფრო ახლოს მოსულიყვნენ და მერე ოთხივემ ერთბაშად აუტეხეს სროლა. პირველ სროლაზედვე ერთი კაცი მოკლეს და მეორე დაჭრეს. ცხვარს თავი დანებდა და ქისტები იქით-აქით გაიფანტნენ. ჯერ აქედან დაუწყეს სროლა ქისტებმაც, მერე ივრის მხარეზე გაუარეს ღელეს, სადაც ისხდნენ ფშავლები. ამ ადგილს ზურგიდან და ზემოდან მოუარეს, ფშავლები იმათვე ესროდნენ, ვინც პირდაპირ იმათ ესროდა, მეორეებმა კი შემოურბინეს და ზურგიდან ერთი ოცამდინ კაცმა ერთბაშად ესროლა და იქვე მოკლეს ოთხივე ფშაველი. ერთ მათგანს ხელიც მოაჭრეს და სხვებს ყურები დააჭრეს. იარაღიც აჰყარეს და ეს ყველაფერი თან წაიღეს. არც თავისი მკვდარი დასტოვეს აქ, ცხვარიც გარეკეს და გაუდგნენ ისევ გზას. ამ ამბავზე და ოთხ ფშაველზე, რომლებიც აქ დაიხოცნენ, გამოთქმულია შემდეგი ლექსი:

პირველად ღმერთი ვახსენით, ერში საყდარში მჯდარია.

მეორე თამარი ნეფე, ქრისტიანთ სახვეწარია.

მესამე ლაშარის ჯვარი, ფშავლების საკეხარია.

ამბობენ ჯარეგაშია, მითხოს იერება ჯარია.

სულითამც დაიკარგება, ბავი ხყავ წინამძღვარია.

დილა ნუმც გათენებულა სამშაბათ საწყინარია.

ორშაბათს გადმაუტეხავ ჩვენის სამშობლოს კარია.

ახალაურსა ჯღუგასა ნუმცა ჰყოლია ცხვარია!

სუ მაგისავან დაბრუნდა ამოდენ ცოდვა-ბრალია.

მაცნე მოიდა ბაჩალსა, ქისტებმ წავგართვეს ცხვარია.

შაიერებიან ბაჩალსა ოთხნივე ვეფხენი ძმანია.

საქისტოს გორ-გორ წამავლენ, ამაზე მოკლე ვ ზანია;
ერთმანეთს ეუბნებიან, ძმურად უჭიროთ მჯარია.
წინ მაუძღვება ბერიძე, შური შჭირს საძებარია.
მაშ რა ქნას, თუ არ წავიდეს? შვიდის წლის ნაწყემსარია.
მაჰყვება ნაკვეთაური, გულ უძეს უშიშარია.
ჭამაურ უფრო წინ უსწრებს, მთის შავარდენი ჩქარია.
უკენ მაჰყვება მჭედლური მძიმედა, როგორც ჯარია.
შამოხდეს ქადლეღეშია, სადაც რო მაღალნ მთანია.
ერთმანეთს ეუბნებიან, არ გაუტანავ კვალია.
თქვეს, მშვიდობითა ბახალო, მთებს შამაავლეს თვალია.
სანგაღს დაუწყით კეთება, თორე თენების ხანია!
იქ გააკეთეს სანგალი, საც ვიწრო გასავალია;
გათენდა, კიდევ გადმოხნდეს ჯღუგაის ვაცის რქანია.
მაუქეხებენ რჯულდაღლნი, ეჟენებს გაჰქონდა ჩქამია.
გადმაჰყვეს ქისტის შვილები, ჩუმი აქვს საუბარია.
ესროლეს, გამაგორეს: ეხლა გარეკეთ ცხვარია.
იმათაც ხელი უქციეს, რო ნახეს თავის მკვდარია.
ვაჰმე, რას ვერას გიქმოდათ ეგ მავოდენა ჯარია?
ომია ქადლეღეშია, დაბლა წვიმს, მაღლა დარია.
თითოს შჭირს ოროლ-სამ-სამი, პეტრეს მოგვიჭრეს მხარია.
მჯარს რადლა შჭრიდით, რჯულდაღლნო, რასად გიქმოდათ მკვდარია.
ან ყურებს რადლა აჭრიდით, ეგ რადლა საკვეხარია.
უშველე თამარ ნეფეო, შენც ხო წავისხეს ცხვარია!
არც თუ შენ გხურავ გვირგვინი, არც ლაშარის ჯვარს ჯმალია
აღარ თუ ხეავის ლურჯაი, როგორც რო ნიავექარია?
ცავ, რადარ ჩამაიქცევი? ზედ მაგველეება ბარია!
ნუ მიწყენთ დალოცვილებო, ჩემ სიტყვა პირისქარია.
უფრო ბერიძე დამნანდა, მაგის სიკვდილი ბრალია.
ბებერნ დედმამან დაწირნა, დიაცი ბატარძალია!
ეგ საქორწილო პურ-ღვინო, ახლა სარიგოდ არია.
ნახნავებ დასაფარ დარჩა, გუთანში შაბმულ ჯარია.
სათიბე გასათიბავი, ყანები დასამკალაია.
დედ-მამა დასამარხავი, გამაეჯარა კარია.
ამავის მალექსებელი სოფლად ყვარაში მდგარია.
ვიორგი მქვიან სახელი, კობრე შვილობით გვარია.

ეს ოთხ ახალგაზდა რო მაკლეს, ერთის ჳელი-დ ყურები ყველაისა დაშტრეს, თან წაიდეს. ზოგებმა საკაცე გააკეთეს და თავისი მკვდარიც თან წაიდეს. ზოგმა ცხვარს გამოუქენა ისევ. ფშავის ხევის ხალხი წამოვიდა. ზოგი ბორბალოხედ გზის შასაკრავად და ზოგი სხვა, ფშავის მთების გადასავლებში მიეშურებოდნენ, მაგრამ აქ ყველგან ქისტის ყარაულები დახვდნენ და მთებზე ასვლის და ცხვრისათვის გზის შეკვრის საშუალებას არ აძლევდნენ. ცხვარს თანდათან გაუჭირდა თოვლში სიარული უჭმელს, თან საკვალავი თოვლი იყო და ამიტომ ნელ-ნელად მოდიოდა. მეორე დღეს ისევ მშავის მთებზე დაუღამდათ, ხალხი ივრის მხრიდანაც მოჰყვებოდა მდევრად, არაგვის მხრიდანაც, მაგრამ წვერებზე ყველგან იყო ყარაულები და არ უშვებდნენ მდევრად მისულ ფშავლებს. ცხვარს მეორე დღეს მთიდიმთივ სიარული გაუჭირდა, უკანაფშავის მთებში, სახელდობრ საჯარავნოში გადმოყარეს არაგვის სათავეებში, აქ აპირობდნენ ბოთანაში გასვლას და იქიდან გადარეკას ანდაქის სათავეებში. მგრამ აქ ფშავლებს გზა ჰქონდა შაკრული და სროლა აუტეხეს. აქედან ცხვარი ისევ უკან დააბრუნეს და გადავიდნენ ალაზნის სათავეებში წიფლოვანში. ფშავლებს სროლა ნახქარევი მოუვიდათ, თუ ედროვა და ცხვარი დაბლა ჩამოსულიყო, მაშინ ფშავლები ცხვარსაც დააყრევინებდნენ და ლაშქარსაც აზარალებდნენ. მაგრამ გადმოვიდა თუ არა ცხვარი პირაქეთს, იმათ თოფის სროლა დაიწყეს და ქისტებმა ცხვარი შეატრიალეს და, როგორც ვთქვით, ამ მთას მეორე მხარეზე მოექცნენ, ქისტებს სადაც ცხვარი მიუდიოდა, აქ მძიმე ლაშქარი იყო, წინაც, მთებზე ბლომად ყარაულები იყვნენ და ცხვრის გასავალ გზაზე, მდევრად მისულს ფშავლებს არ უშვებდნენ. სადაც გაატარეს ცხვარი, აქაც გზადაგზა ყარაულებს ტოვებდნენ, რომ მდევარი უკან ცხვარს არ წამოსწეოდა და ზარალი არ მიეყენა ლაშქრისათვის. ყარაულების საშუალებით ისეთ მოხერხებულად მიუდიოდათ ცხვრის ფარა, რომ არაგვის არ შეეძლო მისი დაყრევინება. ასეთი ყოფით ორი დღე-ღამე იარეს ფშავის მთებში და მესამე დღეს მიაღწიეს თუშთ ბორბალამდინ. ყარაულებსა და ფშავლებს გზადაგზა სუ ყოველთვის განუწყვეტელი სროლა ჰქონდათ, ფშაველი იმ ოთხი კაცის გარდა აღარავინ მომკვდარა, ქისტი კი ორი კიდევ მოკლეს. ერთი ისეთ ადგილას მოკლეს, რომ ლაშქარმა ვედარ მოახერხა მისი ცხედარის თან წადება და ადგილზე დარჩა. მისი ძელები დიდხნობამდინ იყო იქ და მერე წაიდეს ჩუმად.

ცხვრის წამოღების მესამე დღე იყო, რომ ფშავლები ნამდვილ ბორბალს მთაზე ავიდნენ. ბორბალოდან ყველა ადგილები ჩანდა: ალაზნის სათავე, ივრის სათავე, არაგვის სათავე და არდუნის სათავეები. ჯღუგას ცხვარი ჯერ კიდევ არ იყო თუშთ ბორბალოზე გასული, არც ამ ბორბალოდან ჩანდა ის ცხვარი, რადგან პირიქითს მოყარებით მოუდიოდა წიფლოვანზე. ბორბალოზე ასულმა ფშავლებმა ქისტის ყარაულები სროლით მოიშორეს და თვითონ დაიჭირეს მწვერვალი. ეს იყო

დილას ადრე, მზის ამოსვლის დროს. ნახეს, რომ ჯღუგას ცხვარი არსად არის მოსული, ხოლოთ თუშეთიდან მოდის დიდი მძიმე ცხვრის ფარა; ტბათანის თავზე წამოწოლილი გორი იყო და ტბათანიდან გამოტაცებულ ცხვრის ფარას ლაშქრის მეორე ნახევარი მოერეკებოდა. როგორც ეტყობოდა, თუშები მდევრად მოჰყვებოდნენ და დაუსრულებელი თოფის ხმა ისმოდა. მაგრამ ცხვარი მაინც დაუბრკოლებლად მოდიოდა, იმიტომ, რომ აქაც ლაშქარს ყარაულები წინაც გაეგზავნა და უკანაც დაეტოვებინა. თუშებთან სროლა ჰქონდა ამ ყარაულებს და ცხვარი თავისუფლად მოდიოდა. თუშის ორ ბინას, ახლო-მახლო მდგომს, დასცემოდა ლაშქარი, სამი მწყემსი იქვე მოეკლა და ორი ფარა გაეერთიანებინა და გამოერეკა. თუშები რომ მოსდევდნენ და ესროდნენ, აქ ერთი ქისტის მომკვარიყო და ორი დაჭრილიყო. ფშავლებმა რომ დაინახეს თუშეთიდან მძიმე ცხვრის ფარა მოდის, მაღალი ბორბალოდან დაემშენენ თუშთ ბორბალოსაკე, თუშეთიდან მომავალი ლაშქრისათვის გზის შესაკრავად, რადგან დაინახეს, რომ თუშთ ბორბალოზე ყარაული არ იყო. აქ ისეთი ადგილია, რომ ფშავლები თუ მთასწრობდნენ და შეკრავდნენ თუშთ ბორბალოს, მაშინ აღარც თუშეთიდან წამოდებულ (გამორეკილის მაგიერ წამოდებულს ლაპარაკობენ ასეთ შემთხვევაში) ცხვრის ფარას გაატანდნენ და არც ფშავეთიდან წამოდებულს და ლაშქარსაც დიდ ზიანს მიაყენებდნენ, მაგრამ გზის შესაკრავად წასულ ფშავლებს ქისტებმა თვალი შემოაგდეს და ცხრა-ათმა კაცმა გამოსწია ზევით მთისკენ. ორი მოპირდაპირე, რომელიც მთაზე მთასწრებდა და გამაგრდებოდა, ის იქნებოდა გამარჯვებული, რადგან მეორეს აქ აღარ დაანებებდა გზას. ქისტები თან გამობრდნენ და თან ესროდნენ ფშავლებს. იმათ მანძილიც მოკლე ჰქონდა, მაგრამ გამბედაობა და სიმარტეც ფშავლებზე მეტი გამოიჩინეს და მათ შეასწრეს თუშთ ბორბალოს დელემი; ამოსვლისას ერთმა ქისტმა ქართულ ენაზე ხმამაღლა დაიძახა: „გაუმარჯოს“. ამიტომ ფშავლებს ეჭვიც ეპარებოდა: შეიძლება ვინმე მიღმაკეველი ჰევსური ედგაო, ე. ი. შეიძლება არდოტელი ან მუცუელი ხევსური ვინმე იყო ამ ლაშქარში და ქართულ ენაზე იმან დაიძახა „გაუმარჯოს“-ო. მაგრამ ქისტებიც ბევრი არიან, რომ ქართული ენა წმიდად იციან და იმათაც შეეძლო ქართულად გამარჯვების აღნიშვნა. ქისტები რომ მთაზე ამოვიდნენ, მაშინვე ჩასაფრდნენ კლდიან ადგილებში და იქისაკე მიმავალი ფშავლები სროლით მიაბრუნეს უკან. ცხვარს წინ მოუმძღვარებდნენ ქეჩებს და შუადაშუა კიდევ ხალხი ედგა. ვინც ცხვართან იყო, ისინი არც ზრუნავდნენ სხვა რამეზე, გარდა ცხვრის გამორეკისა. მათ არ სჭირდებოდა არც თავდაცვა, რადგან დამცველი ხალხი წინაც ჰყავდათ და უკანაც დატოვებული. ცხვარი დამშეული მოდიოდა და თან საკვალავ თოვლში სიარული უჭირდა. ამიტომ ნელ-ნელა მოერეკებოდნენ. ცხვრის ფარა რომ მთას მოუახლოვდა, ხალხის უმრავლესობა წამოვიდა და მთებზე პირიქით-პირაქეთ ყარაულებად გაიფანტა. ფშავლებს ეჭირა მაღლა ბორბალოს მთავარი მწვერვალი,

მაგრამ ქისტებს ეს გზა აღარ სჭირდებოდა, რადგან ფშავლებიდან გატაცებული ცხვრის ფარაც ამ მთის მეორე მხარეზე მოაქციეს და თუშთ ბორბალოსკენ მიუდიოდნენ, მათი გასავალი გზაც უზრუნველყოფილი იყო ყარაულებით. ამ ცხვრის ფარას ფშავლები ბორბალოდან ზედ დაჰყურებდნენ, დურბინდებით თხას და ცხვარსაც სცნობდნენ ცალკე-ცალკე, უიარაღო თვალით კი ხალხს დათვლიდნენ რამდენი კაცი იყო, თოფებს ესროდნენ ფშავლებიც და ისინიც, მაგრამ ბევრი არაფერი აკლდებოდათ, რადგან მანძილი კარგა შორს იყო. ამიტომ ნელ-ნელა ესროდნენ ერთიმეორეს. ქისტებმა რომ თუშთ ბორბალო დაიჭირეს, ფშავლებს ეგონა, ისინი მარტო ამით დაკმაყოფილდნენ, მაგრამ ქისტები ისე გაიფანტნენ, რომ სულ დაიჭირეს იქაური მიდამოები. ფშავლებმა საისაკეც ფეხი გადგეს წასასვლელად და გზის შესაკრავად, იმდენი ტყვია გამოისროლეს ქისტებმა, რომ წვიმასავით მოდიოდა და გამართული ფშავლები უკანვე ბრუნდებოდნენ. ისე მრავლდებოდა თოფის ხმა, რომ კაცი იტყოდა ეს კლდეები ფეთქდებაო. თუშეთიდან გამორეკილი ფარა ამნაირად ამოვიდა თუშთ ბორბალოზე, გადაეფინა ანდაქის მთებში და დამშეული ცხვარი დაედო საძოვარ ბალახს. ცოტა ხნის შემდეგ მოვიდა ჯლუგას ცხვრის ფარაც და გადავიდა თუშთ ბორბალოზე, გადავიდა ანდაქის მთაში და ორი მძიმე ფარა გაერთიანდა ფშავლებისა და თუშების ცხვრისა. ყარაულებმა რომ მთები საკმარისად დაიჭირეს და გამაგრდნენ, ქისტებმა აქ თითქმის ნახევარი დღე დაისვენეს. ცხვრის ფარები მოადოვეს და თვითონაც ძალიან დაქანცული ხალხი ისვენებდა, თან მოელოდნენ უკან ჩამორჩენილ ყარაულებს. თუშეთის მხრიდან კარგა ხანს ისმოდა თოფის ხმა, მდევრად გამომდგარი თუშებისაგან და ყარაულებისაგან. ფშავლებიც სხვას ვეღარაფერს ახერხებდნენ, რადგან მთები ქისტებს ეჭირათ. ბოლოს თუშებმაც რომ ვეღარაფერი გააწყვეს, დაბრუნდნენ უკან. რადგან ქისტის ყარაულებმა არსად გზა აღარ დაანებეს, ფშავლებმაც სადამო ხანზე დაანებეს თავი და წამოვიდნენ ფშავში. ქისტებმა კი ეს ორი შეერთებული ფარა გარეკეს ანდაქარჭილოს მთების თავებზე და გადავიდნენ მითხოში; იქ გაინაწილეს ამოდენა ცხვარი.

ასეთი შემთხვევები თუშ-ფშავლებსა და ქისტებს შორის აუარებელი იყო, ამის ჯავრზე იყო რომ ეს თუშ-ფშავლებიც ეცემოდნენ ქისტებს, მაგრამ ქურდობა-ყაჩაღობაში გამარჯვებული მაინც ქისტები რჩებოდნენ.

ასეთი ზარალის შემდეგ, ფშაველმა და თუშმა მეცხვარეებმა ერთიმეორისათვის დახმარება იცოდნენ. რამდენითაც ვის შეეძლო, იმდენ ცხვარს აჩუქებდნენ. იტყოდნენ, მაგას თავის უხეირობით არ მოუვიდა, ეგ მტრის ძალა იყო და მერე სხვას მოგვერგებაო. ამიტომ აჩუქებდნენ და, თუ მეტი არა, იმავე წელს ასი ცხვარი მაინც მოუგროვდებოდა დაზარალებულ მეცხვარეს. ჯლუგაც ძველი მეცხვარე იყო და ასეთი დახმარება ბევრისთვის ჰქონდა გაწეული. ახლა რომ ამანაც იზარალა,

ბევრმა აჩუქა ცხვრები და ამავე წელს ორასამდინ ცხვარი ყავდა და ისევ მეცხვარედ დადიოდა. თუშებშიც ასევე იყო და, ვისიც ცხვარი წავიდა, იმასაც თუშებში მიცეს ცხვარი ასამდინ სული.

**ქისტის ლაშქრის წამოსვლა საკემსუხეთოდ,
თუშეთს მიმავალ კარატის ჯვარიონთა შეხვედრა
ბორბლის მთაზე და ბრძოლა ფაშაველთა დახმარებით**

მიამბო გიორგი ლიქოკელმა, 56 წლისამ, სოფ. აჭეში, 1936 წ.

*კობლას ვაღმარჯვებოდა, ბორბალ ვაივლის მთისასა.
არ წირავს კარატის ჯვარი თუშეთ ბეგარსა ცხვრისასა.
შაიბნეს ქისტნი-დ ჳევსურნი, ბორბალ წვერს და ზძვრენ მთისასა.
დაგლევედესთ ქისტნი ჳევსურნი, გიშველათ თათარაულმა.
ბერმა გიშველათ ჯაჭნამა, ჩაბაკის ივანეურმა.
ხახიკის ხახონმ გიშველათ, ჟულაკმა მარიემულმა.
ხახიკის ხახონმ ჩავიდვათ არგამაქცევის სამანი:
ვინც მაგას გარმასცილდებით, დღენიმც ნუ გისხენთ სამამდი!
წინ ბუბნი გამაუფრინდა, ვეფხვმა დაშალა ძავარი.
კმანი ჩაყარნა მშავჩია, მანდით მაუგლენ თაე-კანი.
ბორბალ შაიბნეს ვაც-ვერძნი, რქათ ისარ გაზდის თბიანი.
ვაც-ვერძნი კი არა ყოფილან, კარატის ჯვარ ას კმლიანი.
ბორბალ აგებენ ციხესა, ბროლ-მარილას ქვისასა.
ლიბუდ უსხედმდეს ვაღათა ხახიკთ ხახონის კმლისათა,
შუბს უყენებენ კუთხადა, ბერისა ჯაჭნაისასა.
ფარს შაბემდეს კარადა ჩაბაკთა ემაწვილისასა.
კედად უყრიან ვაღათა მარიემულისძისათა.
ხეჭრად უყრიან ვაღათა თაე-თავის მითხოვლისათა.
ადეშად ფერცხალს აყრიან სამოცის ფხაჭეხლისასა.
შიგ შადგა მარიემული, ფერს დაიდებდა მგლისასა;
ზოვნი მასთესნა კლდე-კართა, ზოვნი ნახრამს ხკრნა კლდისასა.
დაგვეკსენ, მარიემულო! მადლსად დაგვეკსენ ხთისასა.
ვაფიცებთ ხატსა, დროშასა, ლაღის კარატის ჯვრისასა.
არ დაიჯერა ჟულაკმა, ნაქნარს ვიქ ხახონისასა.
ღანვისთ აბანო შენ ვითქომ, ბორბალ მარჯვე ას სავალი,*

ღნახიდი მარიემული, ლიქოკ გულდიდად მავალი!
ენახეთა-დ მაგვეწონების, ისარნ ხქონიევენს მწკავანი.
ჟულაკისთანა გაზარდას ჳევსურის ქალის რქემალ,
წაიარა და წაჯოცა მარიემულისქემალ.
ყველამ ეგრე ქნას ჳევსურმა, ომმ ქვე რა იცის გქელმალ.
ქალ ყველა დაიფიცებდა, ხემისა ძმისა მზემალ.
ხახიკის ხახონმ გიბოძა ისარი ორპირიანი,
ქისტო, მთით ჩამავაბრუნა, მიწა გაჭმივა მტვრიანი!
ჭანთეს, ტერელოს, ფხაჭეხა, კაც რამ დაღივა ჳკვიანი.
გზას რად უკრევედეს კოპალას, მსახურნ ეტანნეს ჳმლიანნი.
სამოცის ფხაჭეხლისაი სამნ კიდევ დარჩეს ჳმლიანნი.

კარატის ჳვარს ახქონდ ბეგარი თუშეთით. აქ ამ ჳვარის ჳვარიონნი სრუ წლისთაოდ დადიოდესა-დ მიხქონდ კარატის ჳვარის დროშაიც. შამაუვლიდეს თუშეთში სოფლებს. თუშებს კარატის ჳვარი სწამდა-დ ყველას სოფელში უჯოცდეს საკლავებს. სოფელიც სასოფლოდ უკლევდ საკლავსა-დ ვისაც სურდ თაგ-თავის ოჯახშითაც ცალკ-ცალკე დახკლევდეს საკლავს, დროშას დაღნათლევდესა-დ ჳვარიონთაც პატივს სცემდეს. ტყავიც კარატის ჳვარიონთ შჩებოდ ამ ჳვარისად დაკლულის საკლავისა, ჳორცს კი იქ აღუღილებდესა-დ იქავ ჳამდეს. როსაც შიშიანობაი-დ მტრიანობა იყვ, მაშინ კარატის ჳვარის ჳვარიონთ კიდევ გახყვებოდ კარატის ჳვარის ყმათაშით ახალუხალი, რო სამტროს გზაში არვინ დასცემიყვ ჳვარიონთ, დროშა არვის წაელა-დ ჳვარიონები არ დაეზიანნეს. ეხლადაც ეს ომ რო მაუკვდ, მტრიანობის გამო ჳვარიონთ ახალუხალი ხყვანდ გაყოლილი. ჳვარიონთ ლიქოკითავ მთიდმთივ იცოდეს წასვლაი, ფშავის მთებს გაივლიდესა-დ გადავიდოდეს თუშეთში. ამ ფშავის მთებზე თუშეთამდინ სრუ სამტრო გზა იყვ. აქ ჳშირად დადიოდ ქისტის ლაშქარი, ან თუშეთისად დასაცემად, ან ფშავისად, ან ჳევსურეთისად. თუ ლაშქარ არ იქნებოდ, მზირ ხო ძალიან ჳშირად დადიოდ, ან კაცის მასაკლავადა-დ ან ჳარ-ცხენისა-დ ცხერის მასაპარავად. კარატის ჳვარიონთ ერთხან წინავაც ხქონივ ესეთ შემთხვევა, რო ამ გზაზე შახვედრივ ქისტების მეკოპარი, მედროშავე ბღარა ქვე მაუკლავა-დ დროშა ქვე წაულავ. მაშინ ამ დროშას ისით ზარ ხქონივ, რო იმის ჳმაივ წვერზეითავ ჳალაში მადიოდისავ. ამ ზარს ექვიენ „გაჟეკაური“. ეხლადაც ჳევსურ მელექსეები თავის ფანდურს გაჟეკაურს ხქვიენებენ, ვით ჳმა-მადლა მაძახინარს. ამ ომში, რომენიც აქ დაიწერ, კარგა ბევრ ახალ-უხალ გახყვა კარატის ჳვარის ჳვარიონთ. ბორბალ რო გავიდეს, აქ დასვენებულს ქისტის ლაშქარს წააწყდეს. ლაშქარი საფშაოდ იყვ მიმდინარი-დ კარატის ჳვარის ჳვარიონთ დაეცნეს თავს. ერთ ახალგაზდა გაიქცა-დ მთაში ამასულ ფშავლებს

შაატყობივა-დ ისენიც მაეშველნეს. თაოდ კვესურებსაც მშვილდ-ისრები ხქონდა-დ გაკდ ქალიან დიდ ომი. ზოგნი კმლით ომობდესა-დ ზოგნი მშვილდ-ისრით. ორსავ მკარეხედ ბევრ ხალხ დაზარალდ. ბოლოს ერთ ქისტი ველარაით მაკლეს, რაკი ისით ჯაჭვ ეცვ, რო ისარ ვერას აკლებდ, ვერც კმალი. ბოლოს ხახიკის ხახონმ ესრივ ისარი წახრილსა-დ ჯაჭვის ბოლოში დაკრული ყელნი გაშჩინდა-დ მაკლ ისიც. გიორგის თქმითა-დ ხალხის გამაცემით, იმ ომში მამკვდარ სამოც ქისტი ფხაჭეხელი. კვესურებიც კი დაცოცილან ამ ომშია-დ არ არიან დასახელებული.

გიორგანი, მათი მონაღირეობა და ქისტებთან მოსისხლეობა

მიამბო და ჩამაწერინა კაგა ნაროზაულმა,
80 წლისამ, სოფ. ახიელში, 1925 წელს

გიორგანი ეს ერთ მამაი ას წიკლაურების გვარშია-დ ამდას ცხოვრობენ. ამათ მამა-პაპას საქმე არა ბევრად უკეთებავ. ესენი სრუ სანადირო კლდეში ისხდეს, კოცდეს ნადირსად, ზიდევდეს კორცს. ნახევართხან იმის კორცით იკვებებოდეს. სთველთ ლემ წამაილიან შინა, ძვალ იქავ სწირიან სანადიროში, გაზაფხულ ლემ არა ბევრად მახქონდ, ძვალ წამაილიან – ლემივ გაგვიფუჭვდებისავ ზაფხულისავ, გაზაფხულის ძვალსავ ტვინი აქვავ ბევრიო-დ იმით იკვებებოდეს. მაშინ ნადირიც ცხვრის ფარასავით ბევრ ყოფილა ჩვენს სანადიროს კლდეებში. ხანდიხან სათიბზე ნამყოფთ მაიგონიან: ევხლადავ ახალ კორც მავიტანათავ; წავიდიან, მაკლიანა-დ წუხრისად ნადირის კორცის ბარგებ მაიტანიან. სხოდაც ყველაად სახელგანთქმულნ ყოფილან გიორგანი, მეთოფენი, მამაცნი, პურადნი, მუკლადნი, ერთი სიტყვით, რაიც საოშკაცო საქმე იყვ, ამათ გვარის ხალხნი ყველაში საიმედონი-დ გამასადგენ იყვნეს. ერთს უშიშა ექვივნ ამათასა-დ ისით ჩქარა მსრეველ ყოფილ თოფისა, რო ზეამამავლის ყორნისად სამის სრევა მაუსწვრავ ქართულის თოფისაი, ზეამამავალს (პაერში) ყორანს მესამე ნასრევ ტყვია მახვედრივა-დ ჩამავარდნილ. თამარიზძეი-დ უშიშა. თამარიზძეს უთქამ უშიშაისად, ნაწოლნ ჯიკვენ რო უნახიან: შენ წვედივ დასთოფნიო-დ მე აქ შამამიკდებიანავ დაღალულნიო-დ მემრავ მე ვიცვი. უშიშა წასულ ისითის გზისას, სადაც ჯიხვები ვერ ღნახევდეს ნაწოლები, შორისას უნდოდ მავლა-მიპარება ჯიკვთად. თამარიზძეს უშიშა კი აღარ უჩინდ თვალითა-დ, სადაც იჯდ, აქით ჯიკვთ კი ზედ ჩახედევდ. უშიშას რო ნახევარ გზა ექნებოდ გაეკლილი, ამ დროს ხედავს თამარიზძე, რომ ჯიკვთ მგელი გადაეცან, სხვა ჯიკვებ ქვე დაექცა-დ ერთ ჯიკვი მიიმწყვილვ კლდის ძირშია-დ აღარცად უშობდ. ეტანებოდ მგელი-დ

უფარებდ ჯიჯვი რქათ. მგელ ცდილობდ, რო ყელში სად სწდომიყვა-დ მაეკლ ჯიჯვი, ჯიჯვი რქებით იცეველ თავს. მაგიდ უშიშაის მისვლის დროიც ჯიჯვთანა-დ შასწუხდ თამარიზძე, რო თოფ დროზე არ გამავარდა-დ ჯიჯვ არ განთავისუფლდ, თან ამბობდ, რო ექხლავ თუ მგელ გაუშეავ ჩემ ძმამაო-დ ჯიჯვ მაკლავ, მაშინავ ძმობას აღარ ვეცევივ მაგასავ. ამ ამბავში იყვ თამარიზძე, რო გამავარდ თოფი-დ მგელი დაეყუდ თავზედ, ჯიჯვ ქვე გაიქც. წამახტ ფეკზე თამარიზძე-დ უძახ: აი, შენი ჭირიმეე შენივ, რო ჯიჯვ არ მახკალიო-დ ეს მგელ მახკალივ. მგელს ტყავ გახკადესა-დ სათოფის ბუდეედ წამაიღეს, სხვაკან წავიდეს, იქ მაკლეს ჯიჯვი-დ იმის ჳორც წამაიღეს შინ. ერთხან სანადიროს კლდეში დევეების ნამყოფლავ სახლიც მაკვლეს. ერთკან ცოტა კარი იყვ შასავალი, შავიდესა-დ ნახეს შიგ ლამაზად გაკეთებული სახლი, დიდდის ქვებისგან აგებული-დ შიგ კაცისგან მაურეველის კლდეების სკამები იყვ დაწყობილი სახლის მირველივ. ეს ღამე აქ გაათენესა-დ საკვლაოდაც დაისწავლეს ეს სახლი. მემრ სხეებსაც ასწავლეს. იმ დევეების სახლში თუ შავიდოდ კაცი დასაძინებლად, დაძინების დროს შახევეწებოდ ამ ადგილის პატრონს: „შენ სტუმარი ორავ, შენ შამინახეე დღესღამავ“. ისრ კარგად გაათენებდ იმ ღამეს, რო უფერს სიზმარსაც არ ღნახევედ. თუ არ შახევეწებოდ კი სიზმარნ დაზარებდეს, სრუ საშინელს რასამ ღნახევედ სიზმარში.

გიორგანი არც ბევერნი იყვნეს, სამი-ოთხნ იყვნეს ძმა-შინშებ, მაგრემ დიდად სახელიანნ იყვნეს, როგორც მენადირეობით, აისრივ მტრისად მიყოლითა-დ მტერზე შურისძიებით. წინავ თქვიან: „გიორგათ ჭირივ ქვათაც არ სცხავავ“. ვითამ გიორგათ სისხლივ ქვათაც არ შაშჩომივაე, იმაზედაც კიდე შურს იძევენავ.

ერთხან სანადიროდ წავიდეს ორნ ძმანი თამარიზძე-დ მინდია. არხოტის ჳალა ჩაიარესა-დ ტერდისკრით აბრუნდეს ტერდის სანადიროთ კლდეოკე (ტერდა: ადგილი დიღველებისა-დ არხოტივნების სამძღვარზე. ტერდის წვერს იქითას გვერდზე ქისტები დასახლებული-დ აქათა გვერდი არხოტივნების ადგილი. დაბლა საწნავ-სათესი-დ ცხერის სადგომ ალაგები ასა-დ მადლა, სანადირონ კლდენი) ავიდეს შიბთ წვერ, ინადირესა-დ იქავ მადლა კლდეში დადგეს, ერთს ესში. მეორე დღეს უშიშაიც წავიდ სანადიროდ, ახიელით თავის დისწული ოდინა ეტანა-დ ამლით გაჯალათ ოდინა. ჩამაიარეს არხოტის ჳალა-დ ესენიც ტერდის კარა-დ შავწელისკე ლამინობდეს სანადიროდ წასვლას, მაგრამ ბისნის კარ მზირ დაუხედად. სასიკვდილოდ დაჭრეს უშიშა.

ამღას ერთ სახელიან კაცი ცხოვერობდ, გაგათ აბაიზძეი. ერთს დიღვეელს, სახელად ღაზიას, ამ აბაიზძის ჳავრი ხქონდ. ღაზიმ შაყარ თექვსმეტის კაცის მზირი-დ აბაიზძის მუქარაზე წამაიყვან საარხვატოდ. მაიყვანეს ეს ხალხი-დ ბისნისკარ ჩასხდეს გზაში. – გაგათ აბაიზძეივ სანადიროდ სად ჩამაივლისაო-დ ის უნდა მავკლათავ. როსაც სულხანაური უშიშაი-დ იმის ამხანიგები მივიდეს ბისნისკარ, ჩასავს დიდდებ

წყალ-სარეგები ხქონდა-დ თათიათ ოდინას, უშიშაის დისწულს, თოფი წყალში ჩაუვარდა-დ დალაფდ. ქართულ თოფის ტყვია-წამალიც სრუ დაულაფდ. ეს იმით, რო ოდინა ყმაწვილი იყვა-დ გამაუცდელი. უშიშამ-დ გაჯალათ ოდინამ წყალში თოფებს წვერებ წასტაცესა-დ მაღლა დაიჭირეს, ისრ რო იმათ თოფებს წყალი არ მიეკარ. თათიათ ოდინას თოფ კი ისრ დალაფდ, რო ცეცხლშიაც რო ჩაედვ, იმის წამალი მაინც აღარ აფეთქდებოდ. ბისნის კარ რო მივიდეს, ღაზიამ უშიშა ვერ იცნ, თორე ვერ დასწონდავ იცოდინან, იმითავ, რო ჩქარ იყვავ თოფის სასრეგლადაო-დ, თუ გასცდომიყვავ, აზარალებდავ მზირთავ. მისულეებმ წინ ნადგომს უშიშას დააპაღეს თოფები. წინა ნასრეგები დასცდ. უშიშა წინ მივიდოდა-დ ამხანიგნი უკენ მიხყებოდესაო-დ იმით მარტო უშიშას ესრეესა-დ ვერც ერთ ვერ დახკრეს. უშიშა საჩქაროდ წაეფარ ფიჭვის ხესა-დ ესრივ იმანაც კვამლზედ. თაოდ ღაზია რომენსაც ხეს ხყვანდ მაფარებული, იმ ხეს მახვდ უშიშაის ნასრეგ ტყვიაი-დ ნაფხენტალ გაასრევივ. მემრავ ღაზიამ თქვისავ: აი ნაფხენტალივ ზედ მკრავე მაშივავ, როგორც ჩვენ თოფებ გაიყარავ, ცოტათი მავშივ. უშიშამ მასრა მიაბრუნა-დ თოფის ისრით ტყვისად ცემაში ხეს გვერდზე წასცილდა-დ თოფის ისრიან ჰელ რო მაღლა ასწივ, იმ დროს მახვდ იღლის ძირში ტყვიაი-დ მჭარში გავარდ. ერთმ ტყვიამ თავს გაუარ ახლოსა-დ ცოტად გაღარ ჰორცი, ჩაიქც უშიშაი-დ თოფიც ჰელშიით ჩაუვარდ. ამ დროს მივიდეს: თათიათ ოდინაი-დ გაჯალათ ოდინაიც. თათიათ ოდინა დროთ ცოტა იყვ, გაჯალათ ოდინა კი კაის დროს ოშკაცი იყვ. გაჯალათ ოდინამ გამახკრ ჰელი უშიშაის თოფსა-დ მასრა საპირისწამლესაცა-დ გამაიქც შინისკე. დარჩ თათიათ ოდინა წყალში ჩავარდნილით თოფით უშიშასთან. ეს თოფ აღარ გავარდებოდა-დ უშიშაის თოფ გაჯალათ ოდინამ გაიტაც. თათიათ ოდინა თავის დედიძმას არ მაშორდ, რო ამასთანავ ზედ მაინც ნუ მაუტევა, თუ მავიდესავ, მიაც ამასთან მამკლანავ. გამაემზადნიან დიღღვლები უშიშასთან მასავლად-დ გადაუდვის თათიათ ოდინამ თავის მაშლილი თოფი. დიღღვლებმ რა იცოდეს, რო ეს თოფივ წყალში ჩავარდნილი აქვაო-დ არ გავარდებისავ, თორე იმასაც იქავ მახკლევდეს. იმათ ეგონ, რო თოფივ გატენილი აქვაო-დ ტყვია-წამალს ხარბობსავ, არ უნდავ რო ტყუილად გვესრივასავ, ძალიან გულით უნდოდ მკვდარსთან მისვლა, მაგრამ თათიათ ოდინაის შიშით ვერ მივიდეს. ჯერ კი იბრუნეს აქა-დ მიბრუნდესა, წავიდეს საშინაოდ.

თათიათ ოდინაისა დედაიძე ცხონდებისაო,

არ მაუტივნა მკვდარზედა, დისწულ ას დედიძმისაო.

აქრო ეს თოფებ ესრიეს ერთუცს, თოფის ჰმა ტერლისწვერ გაიგონეს თამარიხქემა-დ მინდია. უშიშას ჰმა – ძალიან თოფ-ი ხქონდა-დ ძმათ იცნეს უშიშაის თოფის ჰმაი, ერთუცს უთხრეს: უშიშაის თოფივ, რო ერთის მეტ აღარ გამავარდავ, იმას უჭირსავ

რამდენად, თორე სხვებ თოფებ რო ბევრ გავარდავ უშიშაის თოფ უფრო მეტ უნდა გავარდნილიყვავ. დაბრუნდეს ტერლის წვერითა-დ დაიქცნეს პირჩაღმ. სადუცე ჩამაიარესა-დ ტერლისკარ იწროს სახვევზე ჩავიდესა-დ აქ შაუკრეს გზა. ცოტა ხან დაილივა, მიუვიდეს დილდვლის მზირნიც. უშიშას რო დახკრესა-დ წავიდეს, ჩასაეს დილდვლებს კვალ ენახ, რო არხოტივნებს ჩაუვლავ სანადიროდ. დაზიმ უთხრ ამხანიგებს, რო სახვევებისას ნუ წაოლთავ, თორე ეს დათვების კვალ რო მიდისავ, ეგებ რაით დაგვაზიანებენავ. ამხანიგებს არ დაუშლავ – ჩვენავ წყალთსარევეებისას ვერ წაოლთაო-დ წასულან სახვევისას (სახვევი: ვიწრო ბილიკი, გადასავალი წყლის ერთკე მხარეზე, რომელიც ააცილებს წყალში გასვლას, მხოლოდ არის ძალიან ცუდი გადასავალი), დაზი კი ორ-სამი ამხანიგით სახვევთ ბოლოზე წყალდაწყალ წასულა-დ გაპარულ. „წველილიან“ იყვისავ დაზიივ, იცოდიან. წინავ გაიგისავ, თუ ცუდ რა ეხედვებოდისაო-დ მკარ აუქცივისავ. ეესრ დაზი გადაშჩომივ თავის ორ-სამი ამხანიგით. სხვებ ამხანიგებ მისულან სახვევზე, სადაც მინდიაი-დ თამარიზძე ისხდესა-დ გზა ხქონდ შაკრული. წინწინ რო მივიდეს, თამარიზძემ თვალ შააგდ დილდვლის მზირთა-დ თქო: აგერაილევ ჩემის ძმის გერშ მავიდავ. ჩვენის უშიშაის თოფის ბუდეივ დილდვლის თოფს შაშვენისავ. უშიშა რო დაეთოფ, თოფის ბუდე ჩადვარდნიყვა-დ დილდვლებს წამაედ. ეს თოფის ბუდე ძმებმ იცნეს. დილდვლებს რო მიუახლოვდეს, დაახალეს თოფები მინდიამა-დ თამარიზძემაც. სამ დილდველ აიმაშიავ მაკლესა-დ სხვები ჩდილში ტყედატყე დაიქცნეს, ვეღარც თოფ გაცალეს დილდვლებმ, ეს მაკლულები სამივ უშიშას შასწირეს: უნცროსებიც ხართავ – უთხრეს, უშიშაისებივ, ჯღან-თამც უბანდავთავ, წყალსამც უზიდავთავ. წამავიდეს პირშელმ, უშიშაის თოფის ბუდეივ წამაიდესა-დ მავიდეს ბისნის კარ. ნახეს რო უშიშა ჩაქცეული ასა-დ იმათ დისწულ ოდინა დადბრუნავს, ჳელჩი მაშლილ თოფ უჭერავ. უშიშამ იქავ გაივ, რო ჩემებ ძმებ მავიდესავ. მასულებმ უთხრეს: „ძმაო, დაგკრესავ განაევ, არც თაოდ წავიდესავ უჭირვლადავ. ამა ტერლისკრის იწრო სახვევზედ სამნ დავცოცენითაო-დ სამნივ შენ შამავწირენითავ. უნცროსებივ ეხლად მზას გყონავ. დაუწყეს ძმებმ უშიშას შინჯვა- რამ მაკლავ, სად შჭირსავ ამასავ? ეს თავში რო შჭირსავ, ეს ვერ დაიგდებდავ. უშიშამ უთხრ: არავ, ბრიყვებო, არავ, უშიშასავ ეგეთ ჳრილობა ვერ დაიგდებთაო-დ ა, ემან დამიგდავ. ასწივ მარცხენას ჳელსა-დ იდლის ძირშით ფირტვთ ამადბერნეს. მაშინ მიხვდეს რო აქ შჭირდ ურჩო ნატყვიარი უშიშას.

გაჯალათ ოდინამ რო უშიშაის თოფ გაიტაცა-დ გაიქც, იმას ეგონ, რო უშიშა ქვე მაკლესავ, თათიათ ოდინასავ მაშლილ თოფი ხქონდაო-დ იმასაც მახკლევედესავ, არცერთი იქნებისავ ცოცხალიო-დ ტყუილს ვეღარვინ გაიგებსავ. არხოტ მივიდა-დ ჳმა გატეს. თათიათ ოდინაიო-დ უშიშაივ ორნივ დავცოცნესავ, მე დავრჩივ მკვდრებსთანავ, მანამდინ ტყვია-წამალი მქონდავ, ქვე ვისრიეო-დ. ტყვია-წამალ რო გამითავდავ, ქვე გამავიქეცივ. ეს ყველა ტყუილი თქო, მართლა კი თათიათ ოდინა

ცოცხალ გაწირ მაშლილი თოფით, უშიშაის თოფი აღარც თაოდ გამაიტაცა-დ ტყვია-წამალ გზაზე დაშალ, ვითამავ თოფ ვისრიეო-დ გამითავდავ. არხოტ რო კმა გატყდ, დაიქც ხალხი-დ წამავიდეს მდევრად. ოდინაიც იქავ წამავიდ. მავიდ ხალხი-დ თამარიზძეს, მინდიასა-დ თათიათ ოდინას საკაცე გაეკეთა-დ უშიშას უპირობდეს ცოცხალსავ წამავიანას. ხალხმ ხკითხ, რაქველ თოფენეს, უშიშას რო დახკრეს გაჯალათ ოდინამ თოფ-იარად რაქველ გაიტაცა-დ გაიქც, თაოდ მაშლილი თოფით უშიშასთან დარჩა-დ არ მაუტივენ დილღვლები უშიშასთან. ისიც თქო, რო, ან თავის თოფ თუ მქონიყვავ მართულიო-დ ან უშიშაის თოფ არ გაეტაცავ მაგასავ, დილღვლებ რო გაბრუნდესავ, დავეწეოდით-დ თესლს დაუღვედივ იმათავ, თუ არა, რას უზმოდევ უიარადო კაცივ. ეს ამბავ რო გაჯალათ ოდინამ გაივ, ძალიან შასცხვენდ; თათიათ ოდინაიც რო ცოცხალი ნახა-დ უშიშაიც კიდევ არ იყვ მკვდარი, თავის ნათქვამი ყველა ტყუილ გამაშჩინდ. თან გაქცევა იყვ დიდ სირცხვილი-დ თათიათ ოდინაისა, ყმაწვილისა იქ გაწირვაი. ეს რო ყველა გაივ, გამატყდ, რო მე მეგონავ ორთავ დახკოცდესავ. ხალხმ შაარცხვინა-დ თითქმის ერთ წლამდინ სირცხვილით ხალხში ვედარც გადიოდ. მემრაც შუღლის დროს სრუ აყვედრებდეს: „გაქცა“-ს ეძახდეს. მარტო იმას კი არ აყვედრებდეს, ეს საყვედური იმის შვილებზედაც გადავიდა-დ შუღლის დროს იმათაც უძახიან: „გაქცაის შვილო“. ბისნისკრით ის ადგილ შორს არ იყვ, სადაც გიორგათ დაჯოცნეს. წავიდ ხალხი-დ მართლა ნახეს რო იწროს სახვევზე დაუჯოცნიან დილღვლები-დ დაგორვილებ წყალში ჩაყრილან. გამათარეს წყალშით, წყლის პირზე შამააწვინესა-დ იმათავ ყარწიკებ შამახურეს. წამავიდეს, იარად არ წამავიდეს, იმ დროს წეს არ იყვ, მაკლულს იარადს არ ხყრიდეს ადვილად. უშიშა საკაცით წამავიყვანესა-დ ამდას მაიყვანეს ცოცხალი. მეორე დღემდინ კიდევ იცოცხლ. ამის შემდეგ უფრო თავ ისახელეს გიორგათ, ჯერ იმით რო თოფის კმა იცნეს ძმისაი, მემრ იმით რო იმავ დღეს იძებნეს ძმა, კი არა და ცოცხალსავ გააგონეს უნცროსებივ მზას გყავავ. ამის შემდეგ ამ სახვევს სადაც გიორგათ დილღვლებ დაჯოცნეს „გიორგათ ნაომარ სახვევ“ დაექვივნ. დღესაც იქავ ხქვიან: გიორგათ ნაომარი. ამ ომზე სიმღერებიც ას ნათქვამი-დ სოფლის ჯარზე ფანდურზე იმღერს ხალხი.

დახკარით, ნუდარ გაუშობთ ძაღლს, დადიკაის შვილსაო!

ღაზია გამაუძღვების თექვსმეტის კაცის მზირთაო.

ჩაუსხდეს ბისნის ჭაღასა, გზა მავა ჩვენის მტრისაო.

ელიან აბაიზძესა ამლით, გაგაის შვილსაო.

თვალ მენადირეთ შავადეს, ხანია შუადღისაო.

უყვიან არგონებული, აღი ახვიეს პირსაო.

თუ ეცნა, ვერც კი დასწონდეს სულხანაურის შვილსაო.

ამით აშინებს უშიშა, ჯარ უწყევად მასრაისაო!
ტერლის წვერ გაუგონებავ ბისნას დაქცევა კლდისაო;
საკვირველი ას ვაუებო, თოფის კმა იცნეს ძმისაო.
კირიმი უშიშაისა ნელ-ნელად გამადისაო.
დაბრუნდეს სათაგეკაოდა, ქარ მუკლებს შაუჯდისაო.
სადუცე ჩამაიარეს არწივებმ კივილითაო.
იწრო შაუკრეს სახვევი, გზა მავა დილდვლებისაო!
შუადლის დრო რო მავიდა, ჯარი მააწყვეს მზირთაო.
ეტყოდა თამარიზძეი, გერშ მავიდ ჩემის ძმისაო.
თოფის ბუდე უშიშაისა დილდვლის თოფს შაშვენისაო.
ახლა მავათ უყვეს არგონებული, აღი ახვიეს პირსაო.
ღაზ ეტყვის ამხანიგებსა, ჩვენი შინ წასვლა ჭირსაო.
სამნი შაგეყარნეს წყალშია, სხვეები აგებლატნეს ჩდილსაო.
ცოცხალს უშიშას მაუვლენ, უნცროსებ მზას გეყანდისაო.
თათით ოდინაისა დედაიმც ცხონდებისაო.
არ მაუტივნა მკვდარზედა, დისწულ ას დედიძმისაო.
გაჯალათაი ოდინა ჭალაზე შამარბისაო.
ოცდახუთიანთ მასრათა შამაეს შამაშლისაო.

2.

ღმერთმა თქვა, განა ეშმაკმა, კაც კი რას მაიგონებდა;
უშიშას, სულხანაურთას, თუ მზირი აუღვებოდა,
სიკვდილსა უშიშაისას ქეყანა გაიგონებდა.
ბრალია უშიშაისად, შუღლის ხან არ ექნებოდა.
მავას თუ შუღლის ხან ხქნიყვა, გვიანაც გაიყრებოდა.

ამნაირად მაუკლავ სულხანაურთ უშიშაიდ იმის ძმებსაც ეს დილდვლებ დაეკოცავ. მაშინდელი სახელით ეხლადაც სახელიანი იმათ ჩამამავლობაი.

ერთხან ყოფილ უშიშა სანადიროდ წასული მარტოი, ტერლისკე (ტერლაიდ შავწყალი უფრო ბარის სანადიროდ ითვლების, რაკი ბოლოსე ტყეი აქ). აქ აღბათ ბარჩით საითამ იყვ მასული ვეფხვი, ის შახვედრივ უშიშას. უშიშა ჯიკვთ მიხპარევიბივა-დ რო ახლოს მისულ, გაუხენებავა-დ უნახავ, რო ვეფხვიც ჯიკვთ ეპარებისა-დ უშიშასთან არ ას ძალიან შორად. მაუკიდებავ ვეფხვსაც უშიშაისად თვალიდ-დ აუშლავ ჯაგარ. ვეფხემ ჯიკვთად პარებას თავ დაანება-დ გაბრაზებულმ უშიშას დაუწყ აზრებაიდ ხანდიხან ნაბიჯიც გადმადგის იმისკე. უშიშას არ უნდოდ ვეფხვისად თოფის სრევა, თან არ ემეტებოდ მასაკლავად, თან ის აშინებდ, რო

ტყვიამ რო არ დაიგდასავ, დაჭრილივ მე არ გამიშობსავ. მაგრემ ხედავს, რო ვეფხვი ნელ-ნელა უშიშაისკე მავ ჯაგარაშლილი. მეტ გზა არ ექნ, დაადვ თოფის ლიშანი-დ ესრივ, რაიც გინდა მახკდასავ ეგივ უერთოდ არ გამიშობსავ. ვეფხვს ტყვია მახვდად მზუბუქად დაჭრ. მანამავ თოფის კვამლ ამაჯდებოდავ, თქვის უშიშამ, ვეფხვივ ზედ მეცავ, გამკრავ კბილი-დ ჩოკის კალთაივ პირით გაიყოლავ. ჳორცზე კი კბილ ვერ მამავლავ. გამცილდა-დ წავიდავ, არცად იკადრავ მეორედ მებრუნვაივ. აღარც მე ვესრიევ მეორეივ. რახან მე ვხედევდივ, ქვე არ იკადრისავ გაქცევაი-დ, რახან გადაეფარისავ, მაშინ გაიქცისაოდ. წავიდავ ვეფხვივ. გადავხენე-დ აღარც ჳიკვენ იბადებოდესავ – თქვის უშიშამ.

კვირიკათ კუკუა

მიამბო და ჩამაწერინა კავა ნაროზაულმა, 80 წლისამ,

სოფ. ახიელში, 1925 წელს

კვირიკათ კუკუა იევ ახიელელი, ცისკარაულეების გვარისა, მამად კი კვირიკათაი ას ისი. კვირიკანი ისით ამაყნ კაცნ იყვნეს, რო თავის სიამაყით სრუ დაღეულან, ეხლად იმათა ქალ-დისწულიც აღარ ას, კაცი-დ გვარ კი არ. ისითნ ამაყნ ყოფილან, რო სოფელშიავ რაიც ეწადისავ, იმას იქმოდესა-დ სოფელსაც თავის ჳკევაზე გაავლევდესავ. ჳმის გამცემ არვინ ხყვანდავ. მტრისად მისაყოლად, სანადიროდ სრუ სახელგანთქმულნი ყოფილან. მაგრემ სიამაყეს არც ღმერთ მაიწონებს-დ არც ჳევსურეთულნ ხთიშვილნი, საბოლოოდ ამაყს კა არავის მაუვა-დ ბევრი ას შამთხვევა, რო ამაყ გვარი საბოლოოდ გაძევდების. ბოლოს კი კვირიკათაც ესრ მაუვიდა. ეხლა ახიელელნი რისხებაში ერთიმეორეს ესრ ეტყვიან: „გააძეოს შენობა არხოტის ჳვარმ, როგორც კვირიკათობაი გაძეებული“ (გაძეება: გვარის გათავება, ამოწყვეტა). ჳერ კიდევ ამაყობდ იმათ გვარი, როსაც ყველაზე კარგ ახალგაზდა წამაეზარდ – კვირიკათ კუკუა. კუკუა სახელგანთქმული იევ არხოტაც-დ ღილდოსაც; უკაცავ ნადირიც-დ ღილდველებიც. ღილდველნი ისით დაშინებულნი ხყონიონ, რო ყმაწვილ თუ ტირილს დაიწყებდ, იმით დააშინებდეს: დაჩუმდივ, თორე მავავ კვირიკათ კუკუაიო, თავს მაგჭრისავ. ყმაწვილებსაც საშიშ პირად გაგონილი ხყვანდ კუკუა-დ იმის ჳსენებაზე გაჩუმდებოდეს, აღარ იტირებდეს კუკუაის შიშით. კუკუა ღილდოს დავიდოდა-დ სახელის გულისად, სალად-სანებივროდ ჳოცდ ღილდველებს. ერთხან წავიდ კუკუა ღილდოს კაცის მასაკლავად, ავდრიან ღამე იყვა-დ ერთ სახლთან მივიდ სოფელში, საკვამთან მიუჯდა-დ ელოდებოდა კაცის გამასვლას კარში, კარში გამასულს დახანჯრევდა-დ წამავიდოდ. ამ სახლში ორ-სამის წლის ყმაწვილი ხყვანდა-დ ჳალაფთ რახედამ გაუბრაზდა-დ დაიწყ ტირილი. ტიროდა,

ველარაით აყენებდეს, ხან ეყვებოდესა-დ ხან უჯავრდებოდეს. ყმაწვილი მაინც აღარ დუმდებოდ. ბოლოს აიყვანეს მადლად-დ საკომშით კარში გადმასვეს, თუ არ დაზღვებივ, მავავ კუკუაიო-დ თავს მაგჭრისავ. კუკუა რო იქ იჯდ, იმათ რა იცოდეს. მეორედაც იქავ გადმაუშვეს საკომშითა-დ უთხრეს: მავავ კუკუაიო-დ თავს მაგჭრისავ. კიდევ არა უთხრ კუკუამ. მესამედაც რო ესეთ სიტყვებით გადმაუშვეს ეს ყმაწვილი, მაისვ კუკუამ ხანჯარს ჰელი, წამახკრ ყმაწვილს კისერშია, გაავდებივ თავი; უთაო გადაიყვანეს ჯალაფთ. მაშივ გაიგეს, რო კუკუა იქნებოდავ აქაო-დ იმან გვიყავ ეს საქმეივ. გატეხეს სოფელში ჰმაი, გამაუდვ კუკუას მდევარ, მაგრემ ის ისითის გზისას წამავიდ, რო მდევარმ ველარა გაივ, სად გაუქრ. ამ საქმის ქნიდგეს უფრო ჰმა გაუვარდ კუკუას, ღილღოსა-დ იმის შიშით ღამით კარში ველარ გამადიოდეს დაღამებიდგეს, უფრო ღიაც-ყმაწვილი. თაოდ კი იმის თქმა იცოდის, რო ბევრ მამიკლავ ღილღველივ, მაგრამ იმ ყმაწვილის მაკვლაივ ცოდოი ვქენივ. მართალიავ, „ძაღლისა ბატკან არ გაიზდებისავ“, მაგრემ ყმაწვილის მაკვლა მაინც ცოდოიავ, იმას ჯერ არაი ხქონდავ დაღეულივ. დიდის ღილღვლების ჰოცა კი მადლიც ასავ, ქვეყანას ჰირ მაშორდებისავ, რამთვენსაც ღილღველს მახკლავსავ კაცივ.

კუკუა და ჯურჰა

ერთხან ჯურჰა გაიყოლ, თავის სოფლელი, კუკუამა-დ წავიდეს ტერღის წვერისკე სანადიროდ. კუკუა ხო სახელიან კაც იყვ, არც ჯურჰა ჩამაუვარდებოდ ვაშკაცობით. სანადიროდ წავიდეს თათელისას. წინას დღეს თათელად ჩხატათ ინადირეს, აქ სხვა მენადირეებ ყოფილიყვენესა-დ დაემთხვ ნადირი-დ იმათ აღარა შახვდ. გაიარეს მთიდიმთივა-დ გადავიდეს ტერღას. რაჰველაც არხოტიენებმ იცოდეს სახელის გულისად სამხირ წასვლაი-დ ღილღვლების ხოცაი, აისრივ ღილღვლებმაც იცოდეს. ვინაც კას ოშკაცობაზე დებდ თავს, ის შახყრიდ მზირს, გამაუძღვებოდ, ჩაუსაფრდებოდ გზაშია-დ მახკლევდ არხოტიონს. არცარას წაიდებდ. ხოლოთ სახელ დაშჩებოდ. მავიდოდ ხალხი, სახელს მაულოცევდეს; აი, ამის გულისად ჰოცდეს ერთუცს არხოტიენები-დ ღილღვლები.

ამ დროს ერთ ღილღველი იყვ სახელიანი, სახელად ბოშტუა. ბოშტუას წინავაც დაუდიოდ არხოტ მზირი, ხან ჰარ-ცხენს იპარევდ, ხან კაცის მასაკლავად. ბევრჯელ თავიც ისახელა-დ ნასახელარ დაბრუნდ ღილღოს. კუკუაი-დ ჯურჰა რო სანადიროდ წავიდეს, სწორად ამ დროს ბოშტუამაც წამაასხ მზირი ტერღის წვერისკე. იქავ არხოტიონ მენადირე ვინ იქნებისაო-დ აგებავ კაც მავკლათავ. ტერღის წვერ ჩასაფრებული იყვ ბოშტუაის მზირი, რო კუკუაი-დ ჯურჰა მიუახლოვდეს ტერღის წვერს. მიუახლოვდეს ამ მზირთაცა-დ ერთბაშიად თოფებ დააშალეს კუკუასა-დ ჯურჰას. ჯურჰას ტყვიამ ტალავარში გაუარა-დ ტყვიის ქარმ გაავორ. მზირთ რო

ჯურჯა წაქცეული ნახეს, ეგონ, რომ მაგკალითაო-დ დაიქცნეს შინისკე. ჯურჯას ჯორჯთახე არა-ი შჭირდა-დ მაღედავ წამაფრინდ, კუკუამ უთხრ: რაი ხქენივ, სად დაგკრესავ? მგონავ ჯორჯ ხე არაი მჭირსავ – უთხრ ჯურჯამ, არიქავ, არ წავგვივიდანავ. შამაუბრუნეს ჯელხეითა-დ რომენიც უფრო თვალში მეეწონ, იმას ესრიეს ორთავ. ორივ ტყვია მახვდა-დ ჩაიქც ბოშტუაის ძმისწული, თოლგაის შვილი. დანარჩენ დილღვლები ქვე დაიქცნესა-დ თავს უშველეს. მივიდეს კუკუაი-დ ჯურჯაი თავის მაკლულ დილღველსთან, შამააწვინესა-დ ზედ იმისაივ ყარწიკა შამაახურეს. თოფ-იარაღიც ზედ შამააწყვეს, რაკი წინავ მკედრის იარაღის შინ წადება სირცხვილი იყვ. ინადირესა-დ ჯიხვის ჯორჯის ბარგებიც წამაიდეს. ეს ამბავი უამბეს თავის სოფლელებსა-დ სახელს ულოცვედეს ჯურჯასა და კუკუას: „სახელი-დ კაი კაცობა ღმერთმა ნუ მაგიშალასთავ, მუდამ გამაჯვებულე გამყოფნასთავ მტერხედაცაო-დ ნადირხედაცავ. დილღვლები კი ჯერ ახლოს ვერ მიეკარნეს თავის მკედარს, აქავ იქნებიანავ არხოტივნებიო-დ კიდევ ვის მაგვიკვლე-ნავ. მემრ წაიდეს საკაციოთ, ხოლოთ ბოშტუას კი უსაყვედურებდეს: არ დაზდეგივ, არ დაისვენეო-დ ეხვლად ძმისწულ მააკვლიევ. როგორც სხვა სახელიან კაცებისად იცოდეს, კუკუასა-დ ჯურჯასაც უთხრეს სიმღერე:

*ბოშტუა გადიდებულა არხოტივნების ჯავრხედა;
კაც არ უჯოცავ ბოშტუას, მლოცავ არ უღვას კარხედა.
ვაივა არხოტის ჯვარმა, ურჯულო დაღვა ძალხედა!
ჩამახევა მენადირეთა, ბეჭდებ ვადასხა მჯარხედა.
ტერლისწვერ გადამდინრებსა ყორნებ გადახეფეს თავხედა.
გზას უსხავ ბოშტუას მზირი ნახალიზრები სხვახედა.
აკლიან, არ ეკიდების, ანგელოზნ აღვან თავხედა.
იციან არხოტივნებმა თოფთა ჯმარება მკლავხედა:
არ დაზდევ თოლგაიშვილო, ტყვია აგასხეს ტანხედა!
ამბავ წაილი, ბოშტუავ, გულდიდად გახვიდ ჯარხედა.
შამამხვდეს არხოტივნები ტერლის სასწოროს გზახედა;
გამაწირვიეს ძმისწული გაზდილი მუქარახედა.
ბოსელთ აბრუნდეს ყორნები, ეთელეებიან მკედარხედა,
ჯერ იქ დაითვრნეს სისხლითა, მემრ ჩავლენ ტერლის წყალხედა.
კუკუასა და ჯურჯასა დასხდომა უღირს ჯარხედა.*

ამ სიმღერეს ჯარზე იმღერდეს ჯერ კუკუაისა-დ ჯურჯას სიცოცხლესავ, ჯარზე პატივად ჩხუტსა-დ კოშსაც უზიდევდეს სახელის ქნისად. იმათ სიკვდილიდგეს იმათ გვარს უმღერენა-დ სახელობენ ამ სიმღერით მოელ გვარი. კვირიკათა კი აღარ ასა-დ გარეთულ მოგვარეებიც – ცისკარაულეებ სახელობენ.

პირჩლათ მარტია

ჩამაწერინა კაგა ნაროხაულმა, 80 წლისამ, სოფელ ახიელში, 1925 წელს

პირჩლათ მარტიაიც მამად ახალათა იყვა-დ გვარი წიკლაური ხქონდ. სოფელ ამლას ქვე ცხოვრობდ. ეს კაციც ნადირობისა-დ მტრისად მიყოლის მეტს არას აკეთებდ. ნახევართხან სრუ სანადიროს კლდეში იჯდ, ჳოცდ ნადირსა-დ მახქონდ ტყავ-ჳორცი.

თათითა ოდინა ახიელელი, სულხანაურთ უშიშაზე რა დილდველნ არ მაუშენ, ის უშიშაისა დისწული იყვა-დ ამ პირჩლათ მარტიასა სიძე, მარტიას დაი ხყვანდ ოდინას. ოდინაიც ხო ვიცით სახელიან კაც იყვა-დ ჳშირად სიძე ცოლის-ძმანი ერთად დადიოდეს სანადიროდაცა-დ სამზირლადაც. ერთხან დაუბარ ამლით მარტიამ თავის სიძეს ოდინას: წამედიო-დ სანადიროდ წავიდათავ. მეემზადა-დ წავიდ ოდინაიც. სანადიროს კლდეში რა მივიდეს, წილი ყარეს, სად ვის ერგებოდ წასვლაი. ერთ ერთკან წავიდოდ, სხო სხვაკან; სადაც რას მახკლევდეს, ტყავ მამკლავს დაშჩებოდა-დ ჳორცს ორნივ წამაიღებდეს. თავთავად გაიყარნეს, ისეთ შორ-შორად წავიდეს, რა ღამის გათენებაიც კლდეში ცალ-ცალკე დაშჩირდ, ერთად ვერცაით მივიდეს. მარტიამ დღისით ინადირა-დ ტერღის წვერის ძირში დაუღამდ. აქ ერთ სადგომ ეს (გამოქვაბული) იყვა-დ იმაში დადგ ღამის გასათენებლად. ეს ეხი ისითს ალაგში იყვ, რა გათენდებოდ, შორს წასვლა არცად უნდოდ კაცს, ამ ეხის კარშითავ იჭერდ ნადირს თვალითაც, დვირბინდითაც (იჭერდ: ათვალიერებდა, გაჳყურებდა). ამ ღამეს საგძალ კი ხქონდ მარტიასა-დ ამ მოებზე შეშა კი არსად ას, რა ცეცხლ დაეგზ ღამით. დადგ მარტიაი წუხრ, პური ჳამ, გაეხვივ თავის ყარწიკაშია-დ დაიძინ. სიზმარში ნახ, რა ისი დილდველებ შაიყარნეს ერთუცხედა-დ თოფევდეს ერთუცს. ამ თოფვაში ვითამ ერთ ჳიჳვს მახვდ ტყვიაი-დ მაკვდ, კლდეთ გადავარდ. მარტიას გასატყავებლად მისვლა ეზარებოდ ამ ჳიჳვთან. გამაელვიძ მარტიასა-დ გაუჳდ საგონად – რაი ვნახევ ესივ. გათენდ. დილას გამავიდ ეხის კარში მარტია. ამაიდ დვირბინი-დ გახედავს სანადიროთ. იმას სანადიროთკე ხქონდ გული-დ გოშტიკაურთ მზირთ ნახესა-დ ისენი მარტიას ეპარებოდეს. მარტიამ იმ დროს შააგდ თვალ ამ მზირთ, რომ ისენი კიდევ ჩაუსაფრდეს კლდეებშია-დ დააშალეს მარტიას თოფები. მარტიას ერთმ ტყვიამ მჳარს გაუარა-დ ცოტა გაღვლიჯ, სასიკვდილოდ კი არა მახვდ. ტყვიამ წააქცივა-დ დილდველებს ეგონ, ქვეთუ მავკალითავ. ის წაქცეულ მაშივ საყუნს მაუჯდა-დ თოფ გადაუდგ. გოშტიკაურნ მარტიასიკე წავიდეს. გავარდ მარტიას თოფი, ერთს დილდველს გულზე მახვდ. რა ეს წაიქცა-დ მიხვდეს, რა მარტია ვერ მავვიკლავავ, მიბრუნდესა-დ დაიქცნეს; მარტიამ მასრა მიაბრუნ, ესრივა-დ მეორეს დილდველს მჳარ დაანაყივ. მჳარდანაყილ დილდველ კი იქავ წავიდა-დ მკვდარ იქდარჩ. მარტია საყუნშიით დიდხანს არ ადგ, ეშინოდ, რა აქ ჩასაფრებულ არვინ იყოსაო-დ

დამადარილანავ. ბოლოს რო დრო გავიდა-დ დაიჯერ აქ აღარ ვინ იქნებისავ, მივიდ თავის მაკლულს დიღღველსთან, შამააწვინ, ზედ ყარწიკა შამაახურა-დ იმის თოფ-იარაღიც ზედავ დააწყვ მკედარზედ. მარტიაი ოდინა რო ერთად შაიყარნეს, ოდინას ჯიკვებ დაეკოცა-დ მარტიას ხკითხ: შენ რაიდ სთოფეგ, რო თოფის კმა მადიოდაო-დ ისიც არეულადავ. მარტიამ უამბ თავის თავგადასავალი; ოდინამ უთხრ: შენ უფრო დიდ ჯიკვ მაგიკლავავ; ნეტაინ იქ ვყოფილიყავივ, რო მიაც თავ მესახელავ. ეს ჩემის მაკლულის ჯიკვის კორც ქვე გათავდებისაო-დ შენ სახელ მიწაწყალთობამდინ დარჩებისავ. კირჩლათ მარტიამ კი არ თქო, რო მიავ სახელი ვქენივ. მაგრემ ოდინამ ხალხს ყველა უამბა-დ დაიწყ ხალხმ მარტიასად სახელის მასალოცავად სიარული, მარტიას რო სახელს ულოცევდეს. დიღღველთაც თავის მკედარ წაიდესა-დ თავის დროზე ისენიც არხოტივნებზეით სისხლს აიდებდეს, იმათაც ისეთ წესი ხქონდ, რო ვალს არ შაარჩენდეს მალე თუ ნელად.

სახელს ხო ულოცევდეს მარტიასა-დ ორ-სამ სიმღერეიც უთხრეს საქები. ჯარზე ეხლადაც იქავ იმღერს ხალხი ამ სიმღერებს:

*ცეცნი ხართ არხოტივნებო, თქვენ არაი გკრავთ ჭკვისაო,
თავში არ ვიძესთ ტვინისა, მუცელში ნაწლავისაო.
ველობა გაუბედავის კირჩლათ, კირჩლაის შვილსაო.
ახიელ დაუბარებდა სიძეს თათიას შვილსაო,
სამხანივოდ ნაქებსა, წინავ ნაცად ხყავ მზირთაო.
არხოტის ჭაღას ჩადიან, გულში აქვთ ჯიკვებისაო.
წილს ყრიან სანადიროთა, მაზვერვა სწადის მთისაო;
თავთავად გაიყარნიან, ძალი აკსენეს ხთისაო.
წვერის ძირ დაღამებოვა მარტიას, კირჩლას შვილსაო.
კლდის ძირში დაძინებულსა სიზმარ უნახავ ცდისაო,
მეელის გათენებასა, მასვლა უხარის მზისაო.
გახედავს სანადიროთა, თვალი შაგდა მზირთაო.
თოფს ეხვეოდა მარტია, ყინხად დახპარავს ჭირთაო:
„ეეხლად ნუ მიღალატებ, ნუ დამიღალავ მზირთაო,
ცაღეზედ არ გაიარა, თავ არ ირჩივა სხვისაო.
აკლიან ვოშტიკაურნი, მარტიას არ ხვდებისაო,
ნასრევი მარტიასა ვალოზედ აჭკუავდისაო.
სწყეველიან ვოშტიკაურნი თემბოლოთაის შვილსაო:
შარშ ვადმადლაღე ჯარ-ცხენი, ვალ ვადმაგვიდე მტრისაო.
შორს დარჩა ჯურჯიაული, ბრალია კაის ყმისაო.*

თან რო ხევანიყვა ოდინა, თესლს დაულევდეს მზირთაო.
ამაგ სიმღერის მათქვამი კორმოვან წვერზე ზისაო.
ვესრიე, გამავაქანე, ჯიკვი თორმეტის წლისაო.
ქებას არ მავშლი მარტიავ, სადაც ჯარ ისხდას სმისაო.
2. ჭაუხში ვეფხვი ნადირობს, ჯიკვებსა ეპარებოდა.
ესრევდეს ვოშტიკაურნი, მარტიას არ მახვდებოდა.
ნასრევი მარტიასა ვალოზე აჩქამდებოდა,
დიხინი ვოშტიკაურთა ყორნის საჭმელად ჳლებოდა.
იმას ჩიოდა მარტია, თოფ სახელს მეკიდებოდა.
მაგას რად შხივი, მარტიავ, ორივაც შენ დაგრჩებოდა.
წამახვედ საშინაოდა, სახელ წინ მავიდევებოდა.
სახელს გილოცვენ სწორები, მამას პირს ედიმებოდა.

გულბაათის მოკვლა ოჩიაურთაგან

მიამბო კავა ნაროზაულმა, 80 წლისამ, ს. ახიელში, 1925 წელს

დიღღვლებმ დატოცეს არხოტიენები-დ ერთ ოჩიაურთაიკ მაკვდ ამ დატოცაში (აქ რასაც ვსწერთ, არც ერთის სისხლ არ დამრჩალ ისრ, რო დიღღველთაც სამაგიერო არ მაეკლას, ზოგ მალედავ, ზოგ გვიან. მაგრამ ზოგ ქვე არ მაკსონსო – თქო კავამ. არხოტიონნი თავის ნაქნარს სახელს უფრო იკსონებდესა-დ გვიამბობდეს უნცროსებს, თან მაშინდელს სიმღერებს გვასწავლიდესა-დ გვამღერებდეს ჯარზე, მემრ გვიამბობდეს რაზე ნათქვამი იყვ ეს სიმღერები-დ ვის უსახელეებავ თავ, რო ეს სიმღერე უთხრეს). ოჩიაურთაში მაშინ ერთ კაი მტრისად მიმყოლ ახალგაზდა დამრჩალ, სახელად თათარა. ეს ტანად დაბალ კაც ყოფილ, მაგრემ ძალიან გულადი, მუკლადი, მენადირეიკ ყოფილასა-დ მტრისად მიმყოლიც, რაიკ მაშინ კაცს სახელს გაუთქვემდ. ამ ოჩიაურთ კაცის მაკვლაში ერთი „ლუდელი“ (ლუდე, ქისტის სოფელია) კაც სტანებივ, სახელად გულბაათაი. გულბაათა დიღღოს სახელიან კაც ყოფილ, რო კაცის ყამ არ ხქონდავ. ცით თუ რა დაეცემისავ გულბაათასავ, თორე მიწაზეთ კი ვერას ვინ უზამსავ, თქვიან. გულბაათას სხო ზიანიც ბევრ უქნავ არხოტ. ოჩიაურთაიკ რო მაუკლავ, ოჩიაურნივ მუქარას სოხოენავ, გაუგავ გულბათას დედასა-დ ოჩიაურთან დაცინვით დაუბარებავ: ოჩიაურთავ საკვირველ კი არა მიყონავ, შვილივ გულბაათა არ მამიკლანაო-დ სალუდე ქვაბივ ქვიტკირის ბანზეთ არ გადმამიგდანავ. ლუდე შუას დიღღოს ასა-დ იმას დედა ხყონივ იმ გულბაათას ისით ამაყი-დ თამამ, რო იმედ ხქონივ ოჩიაურნივ იმთვენს ვერ გადბედვენავ, რო აქ მავიდანავ, ჩემს შვილს დასწონანავ მაკვლაივ. სალუდეს ქვაბს ხო ნიადევ ვერ გადმაგდებენავ ქვიტკირის ბანზეთავ (სალუდე ქვაბის გადმოგდება შურისძიებაში სავალდებულო კი არ

იყვ. მაგრემ ვითამ დასცინ ამ დიაცმ. თქვენავ იმის მეტად ვერ მახკლავთავ ჩემს შვილსავ, როგორც შუა სოფელში ჩემის ქვიტკირის ბანზეით სალუდე ქვაბს ვერ გადმაგდებთაო-დ თქვენს თავსავ კმას არ გაუტეხთავ. სალუდე ქვაბიც შემთხვევით ზდგომივ იქ, თორე იმას რა უნდოდ ქვიტკირის ბანზე). ეს ნაბარეე რა გაუგონავ ოჩიაურთ, ძალიან სწყენივა-დ უთქომ ერთუცისად: ან უნდა სრუ გავწყდათაო-დ ან ის შვილიც მაუკლათაო-დ ქვაბიც გადმაუგდათავ იმ დიაცსავ, რა თქოსავ: რა ღმერთ გამიწყრავ, ეს რა დავაბარეე, რა მიყვესავ ოჩიაურთავ. ამდგარანა-დ წასულან სამნი, ერთი თათარაი-დ ორნ სხვან გახყოლივან სახლისკაცები. წაიდეს ერთის კვირაის საგძალი-დ ჩაუსხდეს სოფლის პირდაპირ. ორ დღეს იყენეს დამალულები-დ ათვალიერებდეს სოფელს. მისვლა არ უძნელდებოდ, მაგრემ სახლ არ იცოდესა-დ არც იცნობდეს გულბათას. მესამეს წუხრას რა დადამდ, ერთ დილდველ სათიბით მავიდ წისქვილის თვალის დასავლებლად: ის რა წისქვილში შავიდ, შავეტანნეს ოჩიაურნიცა-დ დაიჭირეს ეს კაცი. უთხრეს: თუ შენის თავისად კა გინდაო-დ ის გინდავ, რა შენ ცოცხალ დაშჩავ, გულბათაის სახლ უნდა გვასწავლავ, ან სალუდე ქვაბ რომენს ქვიტკირის ბანზე უდგასავ. შენ ჩვენგან ნუ გეშინისავ, ჩვენ შენობას არ ვიტყვითავ. სახლივ თუ არ გვასწავლევ, მაშინ არ გაგიშობთავ ცოცხალსაო-დ იმის მაგიერავ შენზე ვიძიებთავ შურსავ. დილდველმ უთხრ: არ მავალებთავ მარჯვეს საქმესავ, ეს რა დილდველთ გამიგანავ, რა სოფელელს უდალატავ, ჯერ გულბათაის სახლისკაცებ არ გამიშობენავ ცოცხალსაო-დ, მემრავ, დილდოს აღარ გამამევალისავ კარშიავ, თორე მე გულბათაის მადლობელ კი არ ორავ. სოფელში კაცს კაცად აღარ გვაგდებსავ, ახიც ასავ მაგის მაკვლაივ. გამახყვ დილდველი-დ გამაუძღვ წინ. შუას სოფელში რა მავიდეს: აგერაილევ, უთხრ, გულბათაივ ამაგ კალოში წევსავ (უბრალთ კულეებზე დაფარებულ კალო იყვ), ლოგინ უდგასავ მანდავ, სალუდე ქვაბივ აგერაი, აი, მაღალ ქვიტკირ რა დგასავ, ამის თავზე უდგასავ. ქვიტკირის ბანზე ასაჭდომლადავ იქავ ხის კიბეი დგასავ წინგარდაზედავო-დ იმით ახლთავ. დილდველმ ესეებ ნელით კმით საჩქაროდ მაუამბა-დ წავიდ თავის გზაზე. ოჩიაურთ იმისგან აღარ ეშინოდ გავცემსავ, რაკი იმან თავის რჯულზე ხთის ფიც მისცა არ გიდალატებთავ.

გულბათის კალო ქვიტკირს მაშორებული იყვ ერთ ცხრა-ათის შაჟნით. დილდველ რა წავიდ, გადახტეს ოჩიაურნიც ხარხაზედა-დ შავიდეს კალოში. გულბათას ღვიძებიყვა თუ ამათ მისვლაზე გამაეღვიძ, უჩინჩი კაცები ნახა-დ გაიქც შინისკე. ოჩიაურთ თათარა ტანად დაბალ კაც ყოფილ, მაგრამ ისით მქისე ყოფილ, რა ერთბაშადავ გაქცეულ ცხენ ვერ გაასწრობდავ (მქისე: მარდი). გულბათა რა შინისკე გაქცეულ, გამაფრინდალ თათარაიცა-დ აჩქარებულს დაუცავ მკვარში ხანჯარი-დ თაოდაც ზურგზე შახტომივ. ის გულბათა ისეთ ტანიან კაც ყოფილ, რა დევივით იყვისავ აი ხალხშიავ. თათარა მანამ ხანჯარს ამასწვდიდა-დ მეორედ ჩასცემდ, გულბათას გადაუდიან ზურგში კვლნი, დაუჭერავ თათარაი თავის ზურგზედა-დ

ჭელის გაჩუქვის ნება აღარ მიუცავ, ისრ მაგრა დაუჭერავა-დ ბიჯ არ შაუშლავ, იქავ გარბოდავ შინისკესავ. ეს ყველა ერთბაშად მამკდარ, რო თვალწამიერთ ხანს. არიქავ, კაცები არ ხართავე უძახ თათარამ, დამიჭირავ კაცმავე, ხანჯარი მკარში შწრავაო-დ აისითასავ შინ მივხყვიორავ. მისულან ამხანიგებიც დაქცეულები-დ გვერდებზეით დაუხანჯრავ გულბაათაი. მანამ არ ჩაიქცავ, თათარასავ კიდევ არ უშობდავ. ეს რო დაუხანჯრავ, არც დაიგმინაო-დ არც კმა ამიიდავ, ისრ უწუმრად დალივავ სულივ. გულბაათა რო მაკედ, ამხანიგებმ უთხრეს თათარას: ეხლა წავიდათავ თორე აქავ შუ-ლილლოს ორთაო-დ კმა რო გაგვიტყდასავ, ვინ გაგვიტყვასავ აქითავ. თათარას უთქომ: მე აქითავ ესრ ჩუმად ვერ გავიპარებივ, იმ ქვავს გადმოვაგდებაო-დ, რაიც მაგვივავ, მაგვივავ. ბევრ უშალეს ამხანიგებმ, მაგრემ თათარამ მაინც არ დაიშალ. ავდ ქვიტკირის ბანზედა-დ მართლა მაკველ დიდი სალუდე ქვავი; გამააგორა-დ გადმაავდ ქვიტკირის ბანზეით. სოფელი გვერდალს ალაგში ასა-დ გადმავარდნილი ქვავი სოფლის შუახე გაგორდ პირჩაღმა-დ ისით ჯღარ-ჯღურ გაიდ, რო მთელ სოფელ გამაადვიდ. თათარა საჩქაროს ჩამაკვდ, მავიდ ამხანიგებსთანა-დ დაიქცნეს. მაგრემ სოფელშიაც ხალხი ქვავის კმაზე კარში გამაყრილიყვა-დ ნახეს დაქცეულები. გამაუდგ მდევარი-დ, თუ გზაში მკარ არ აექცივ, სამთავ გასწყვეტდეს. ამაზე სიმღერები იყვ. ამ სიმღერებს ეხლადაც იმღერს ხალხი ფანდურზედაცა-დ თავკმელადაც.

*ბლოსთავ შამარბის ლურჯაი, აღამს გახქონდა ბრიალი.
იქნების საკაისშვილი, სულხავა გულჯავრიანი.
ევე აქ რამ მაიყვანა, ჩვენგან რა შჭირდა ზიანი?
ძმა რო თინიბექმ მაუკლა, კმალ-ქარქაშ ხილიფიანი.
მეორე ოჩიაურთა, კალო დგას სისხლტივრიანი.*

გულბაათა რო მკედარ უნახავ, იმის დედას უთქომ: შვილო, შენ მამრევ კაც არ მეგონავ, როგორ მაგივიდავ, რო ვერ მარჯვედ მაგკლესავ. რადარ ენა გამიკმავ, ან მე რაად უბარევ ოჩიაურთავ – ესივ, რაიც ეხლა მიყვესავ.

თათარა ოჩიაური და თორღვა

მიამბო კავა ნაროზაულმა, 80 წლისამ, სოფელ ახიელში, 1925 წელს

ეს თათარა მენადირეიც ძალიან იყვ. სრუ სანადიროს კლდეში იჯდა-დ ჳოცდ ჯიკვებს. ერთხან ტერლისწვერ წავიდეს სანადიროდ თორღვა შუქიაური-დ თათარაი. იჭირეს დვირბინითა-დ საწოლში ჯიკვნი ნახეს ჩაწოლილნი. ერთს გზა უნდა შეაერა-დ ერთი ქვე მიეპარებოდა-დ ნაწოლთ დასთოფვედ ჯიკვთ. იქით აშლილნი ჯიკვნი, რომენსაც გზაზე წავიდოდეს, მენადირეებმ ის იცოდესა-დ მეორე აქ

შაუკრევდ გზას. ნადირნ რო ნახნეს, პურ არ ხქონდ ნაჭამი-დ წუხრამდინ ვერცად მაიცლიდეს პურის საჭმელად. აბა ჯერ პურ რა შავჭამათაო-დ მემრ წავიდათავ. ამიიდეს საგძალი, ქვიშაში დასხდესა-დ დაიწყეს ჭამა. თორღვამ სატანი (ყველი) მუკლზე დაიდვა-დ აისრ დაიწყ ჭამაი. თათარამ უთხრ, რო თეთრია-დ თვალ-მასამბელ რაიმ ტანზე არ უნდა მიიკარასავ. აქავ სამტრო ალაგი ასაო-დ მტერივ კაცის ტანზე თეთრად თუ რას ხედავსავ, თოფის ლიშანსავ იმასავ ადვილად დაადებსაო-დ დაახიანებსავ კაცსავ, მაიშორევ ევ სატანივ მუკლზეითავ. ახლადავ მტერსავ აქ რა უნდავ, უთხრ თორღვამა-დ არ გაუგონ. აილ მუკლზეით სატანი. შენ ნუ იტყვი, ამ დროს დილღვლებ მახპარებიონა-დ ჩასხდომიან საყუჩში. გამავარდავ თოფიო-დ აი თორღვაის სატანივ ცით მავიდავ (ტყვიამ შავადო ჰაერში). თორღვასაც აის მუკლი დაამტვრივა-დ პირქვ წამაიქც. გეუბენივ, უთხრ თათარამა-დ არ გამიგონევ, ეხლა ემბად გაცადე საქმეივ, არ დაიდრავ მანდითაო-დ თაოდ საყუჩს მიუჯდ. დილღვლებმაც ბევრი იწვალეს, ხან თოფ ავალეს, ის უნდოდ, რო ისიც მეეკლ, ან ტყვია-წამალ გაეთავებივა-დ მკვდარსთან მისულიყვნესა-დ თათარაიც მეეკლ (თორღვა იმათ მკვდარ ეგონ), მაგრამ თათარა გამაცდილ კაც იყვა-დ უბრალოდ ერთ თოფ არ გაცად. დილღვლები საყუჩში ისხდეს, იმათ არა მახედებოდ, აბა რად უნდოდ ტყუილად ტყვია-წამლის ხარჯვაი. დიდხან იყვნესა-დ, რო მაინც არა გაუვიდ, თითოობით გაიპარნეს დილღვლები. თათარამ საყუჩშიით ქუდ ამაუშე არგნით მალდა-დ რო თოფ არცად გამავარდ, გაიგ, რო გაპარულანავ. ჩაიარ იმათ ნახსდომში. ცემულიყვნეს მბილთ ქვიშათა-დ ჭალაში გაყრილიყვნეს. თათარამ ნახნ, მაგრამ ქართულის თოფის ტყვია იქ აღარ დასწვდებოდ. მავიდ თორღვასთან, გაშინჯა-დ მუკლი ხქონდ დამტვრეული. აიქით წამაყვანილ თორღვა მესამეს დდეს სრუ ზურგით ვლევით მაიყვან შინამდინ. აქ სოფლის აქიმებ იყვნეს, ბალახის წამლებით ახვევდესა-დ მაურჩინეს ფევი, ხოლოთ გახაიბრდა კი, მახრილ დაშჩ აი მუკლი. მაშინდლის სიმღერის ნაწყვეტი ას თორღვაისადა-დ თათარაისად ნათქვამი ეს სიტყვები:

*დედანიმც ნუ მიტირებენ, ნუმც არხოტიონთ ქალნიო,
თქვენ თუ თორღვაზე მავიშენათ, წელზე რად მიხდა კმალიო.*

ესრ არ მაუშვიან თათარას დილღვლები თორღვასთან, ხოლოთ ვერვინ მაუკლავ, რაკი ჩასაფრებულები ყოფილან ისენი სანგლებში. ერთხან დილღველთა-დ არხოტივნებს ზავი (შერიგება) ხქონივ ნაქნარი, რაიც კშირად ხვდებოდა-დ მემრ ან ერთ მკვარე ჩაშლიდ ზავსა-დ ან მეორეი-დ იქავ გააბემდეს ერთუცზე ნადირობასა-დ კოცას ერთსხვისას. ზავ რო ხქონივ ნაქნარი, დილღველთაცა-დ არხოტივნებსაც თავისუფლად უდენავ სანადიროდ. ეს თათარა ძალიან დაუნდობელ კაც ყოფილად

ჯავრიც შჭირებივ დილღველთა, რაკი ერთხან თორღვაიც კიდე ზურგით ათრევიეს ტერლით არხოტამდინ.

ერთხან ერთს ესში მისულ დასადგომად. შაუხენებავა-დ დილღველი მჯღარ შიგ ამ ესში. ის უფრო წინ მისულიევ დასადგომლად. თორღვას რო ეს დილღველი უნახავ, მაუბრუნებავ თოფი-დ შიგ ლაში დაუკრავ (ლაში: პირში). ეს დილღველ გვერდზე მჯღარ, პირში მახვედრილ ტყვიას კბილებ დაუმტვრევა-დ ქურში გადავარდნილ (ქური: ლოყა). დილღველ ცოცხალივ დამრჩალ, თათარას ის ეგონ, მაკკალივ, მახრუნდა-დ გამაიქც, დილღველიც წამავიდა-დ ცოდო-ჭირით შინამდინ მიახწივ. გამაარჩინეს დილღველი აქიმებმ (მაშინ ქისტეთში უფრო იყო შინაური ექიმობა გავრცელებული. მკურნალობდნენ ბალახის წამლებით). ეს რო მორჩ, წამავიდეს დილღველები-დ არხოტ მავიდეს, ვინ ხქენითავ ეს ამბავივ, რო ზავის ქნიდგესავ კაც დაგვიჭერთავ კიდევავ. არხოტიონთ იცოდეს, რო თათარა იყვ, მაგრემ უთხრეს: აქითავ იმ დროს სანადიროდ არვინ ყოფილავ, ყველა შინ იყვავ. იქნება ბუდის ჳევსურ ვინ იყვავ სანადიროდ მოსულიო-დ იმან ქნაევ ეგ საქმეივ. ჩვენებურ კაცივ ეხლად მაგას არ იქმოდავ, ზავს არ აუშლიდავ დილღველ-არხოტიონთავ. მართლად კი ბუდის ჳევსურები არხოტ ჳიკვებზე სანადიროდ არვინ დავიდოდ, ეს დილღველებმაც კარგად იცოდეს. არხოტივნებმ რო უატკაზეს, იმ დაჭრილმ დილღველმ თქო, რო ხალხ შაყარეთავ, რო არვინ დააკლდასაო-დ მე ვიცნობავ იმ კაცსავ. ესში რო შამამხენავ მე კარგად დაუაზრეო-დ დავისწავლეე იმის სახეივ. არხოტივნებმ იცოდეს რო ამის მაქმედი თათარა იყვ, მაგრემ მაინც არ გატეხეს, ის რო გაეტეხ, მაშინ დილღველნი პირის ჩაშლაზედა-დ კაცის დაჭრაზე საქონს მასთხოვდეს. საქონს თათარა არ მისცემდა-დ უარეს იქნებოდ. ხალხ რო შაყარეს, თათარა ციხეში შაიყვანესა-დ იქ დამალეს. დილღველებს უთხრეს: აი ხალხი ორთაო-დ, თუ იმის მაქმედივ აქ ასავ, რაც გინდა გადაგვაჭდიეთავ. ჩვენავ სხო კაც კი აღარ გვეყოვავ, ჩვენავ აქ ვიქნებითავ, თუ არ გვენდობითავ, თქვენ წეედითაო-დ ნახეთავ სახლებში, თუ დიაც-ყმაწვილის მეტ ვინ ასავ. ხალხ რო შაიყარ, მავიდ ის დაჭრილ დილღველი, დაათვალიერ ხალხი. ისივ აქ არ ასავ, თქო, ისივ არც ბუდის ჳევსურ იყვავ, არხოტულ ტალავარ ეცვაო-დ ლეგა ყარწიკა ესურავ. ბუდის ჳევსურებს ხო ყარწიკაებ არ აქვავ. ისივ დაბალა კაცა იყვაო-დ მელუასავითავ წითელან თვალან-ი ხქონდესავ. არხოტივნებ მაინც არ გატყდესა-დ პირობა მისცეს, ჩვენ ვიძევთაო-დ თუ გავივითავ, გეტყვითავ, ვინ იყვავ მაგის მაქმედივ.

პირხათ მინდია

მიამბო მინდია ოჩიაურმა, 70 წლისამ, სოფელ ახიელში, 1939 წელს

ოჩიაურთ გვარისა იყვ კირხათ მინდიაი-დ მამად კირხათ ეძახდეს. კირხათ მინდიას ღიღღვლებმ შინშ მაუკლესა-დ იმაზე გამწარებულმ დაიწყ ღიღღოს სიარული-დ ჳოცა ღიღღვლებისა. შინშ რო მაუკლეს, მაშინ უთხრ დამარხვაში მკვდარს, რო რაიდ მინდია ვიქნებივ, თუ „იოგისთაოდ“ ვერ გიძებნევ (იოგის თაოდ ძებნა თორმეტის კაცის მაკვლას ექვივნ. კაცსა თორმეტ იოგი აქვავ იცოდინან წინათა-დ. ვინაც ვაჟიავ, თავის მკვდარსავ იოგისთაოდ იძებნისავ. ერთის კაცის მაკვლაზედავ თორმეტს კაცს მახკლავსაო-დ თორმეტსავ მკვდარს შასწირავსავ. იოგისთაოდ ნაძებნს მკვდარსავ საიქიოს თორმეტ უნცროს ექნებისაო-დ ყველაზე მეტად იაღშიავ ისიავ). შინშ რო დადმარხ, დაიწყ მინდიამ შურის საძებრად სიარული, თერთმეტ ღიღღველ მაკლა-დ მეთორმეტე ტყვედ დაიჭირა-დ მაიყვან შინ. საჯსარ მისცესა-დ გაუშვ იქავ. მემრ იფიქრ, რო ერთ კაც მიკლავავ, ისიც უნდ მაკვლავ, რო თორმეტად შავასრულავ. წავიდ მეთორმეტე კაცის მასაკლავად, სხვაკან ვერცად ვინ შახვდ, მივიდ თავის შინშის მამკლავთ სოფელშია-დ იქ მაკლ ერთ კაცი; გამაიქც თაოდ. რო გაიგეს ღიღღვლებმ, გამაუდგეს მდევრად. მანამ ტყვია-წამალ ხქონდ, კი არ მაუშენ ახლოსა-დ, რო გაუთავდ, ერთს დეკაში გაძვრ (დეკა: ძალიან დაბალი ბუჩქები მთის ადგილებში იცის, ხელით გლეჯენ ამ ბუჩქებს და შეშის მაგივრობას ეწევა). იქით შამაზძახს გორულ ჯვარს: მიშველეო-დ შინავ რო ქორა ჳარი მყავავ, იმას დაგიკლავავ თუ მშვიდობით გადამარხენავ. ჳარ რო შაუთქომ, გორულს ჯვარს საფარველ დაუდებავა-დ ვედარ უნახავ ღიღღვლებს. ზედ დადიოდანავ, გაჳეთითითაც ეძახდიანავ, რო ამაგ დეკათან მივიდავ, მემრ აღარცად წასულაო-დ მაინც ვერ მაუჭველავ, საფარველივ ზდებივ. დაუნებებავ თავი, წასულან. ჯერ კი მჯდარ მინდია ამ დეკაშია-დ მემრა-დ წამასულ. მასულ შინა-დ უთქომ თავის თავგადასავალი, ქორამ მიშველავ, უთქომ; გორულ ჯვარსავ რო ქორა შამაუთქვივ, მემრ დამედვავ საფარველიო-დ ვედარ მნახესავ ღიღღველთავ, თორე მამკლევდესავ. ცოლს გაჯავრებულა-დ უთქომ: ერთ ჳარი გყავავ, გორულმ ჯვარმავ რო სრუ დაგვცოცნასავ, იმ ჳარს ვერ დაგაკვლევთავ ევხლადავ. მინდიასაც ძალად არ გაუნიჟებავ ჳარის დაკვლაი. გაშჩენივ მინდიას ისეთ სატკივარ ამ ქორაის არდაკვლაზედ, რო ვერ გაუძლავ სატკივრისადა-დ თოფ დაუკრავ თავისთავისად. თოფის ჳმა რო გაიგონეს, ხალხი შავიდ მინდიასთან; ნახეს, რო კაცი სისხლიანი, თოფ დაუკრავ. რაი ხქენივ – უთხრეს, მინდიაო, რაზე მაიკალივ თავივ (ჯერ კიდევ ცოცხალ იყვ მინდიაი). ეჳავ, ოჳერივ, მე არ მავიკალივ თავივ, ქორამ მამკლავ, ქორამავ. ქორაი მყვანდავ შათქმულიო-დ ის რო არ დაკვალივ, ისეთ სატკივარ გამჩინდავ, რო ვედარ გაუძალიო-დ თოფ დავიკარივ – უთქომ მინდიას.

მინდიას დები ხყონივ ქმართას წასულები. ერთს დას ნანა ქვივებულასა-დ კმით მატირად ყოფილ. მინდიას უთქომ: ეხლადავ ჩემს სიკვდილს გაიგებენავ ჩემებ დებიო-დ სატირლად მავლენავ. ჩემს სატირლადავ ნანას ნუ მაუტევთავ აქავ; იმათავ, რო ქება-დიდებით ტირილ იცისაო-დ მე არ მწადისავ ხალხშიავ რო ჩემებ დებ მაქებ-მადიდებდანავ. თუ საქებ რა მიქნავავ, ისივ ხალხმ თაოდ იცისავ, შინაურებისგან არ ვარგავ ქება-დიდებაივ თავისისაივ. მემრ მაკვდ მინდიაი-დ აბა დებს ვინ დაუშლიდ ძმის სატირლად მასვლას. მასულან დები-დ ნანას ძმაზე კმით უტირავ:

*ზენუბან ციხე დაიქცა
ნაგები ბასრი ქვისაო.
მამკვლარა ოჩიაური
მგელი, მჭამელი მტრისაო.
დათა მიუვა ამბავი:
ყინხად იკაწვრენ პირსაო,
თავი რად მახკალ, მინდიავ?
სიათა ყინხად ტირსაო!
თორმეტის შურის მძებნელო,
კვლად მამყვანო ტყვისაო.
დიღღვლები ქომოციხლები,
გაიმტყელებენ ძილსაო.
ვინად შავვიყრის ლაშქართა,
ვინად აუსხამს პირსაო?
კიშაოს ჭალა დავგენებდა,
ვინად ჩავგისხამს შვირთაო.*

აისეთნ ამაყნ ყოფილან ვირჩანი-დ ბოლოს ქოლდ დაილივნეს, აღარვინ დარჩ იმათაი. ოჩიაურნი ოთხ მამად იყვნეს: „აღუდიკანი“, „საჩინანი“, „ქალიელნი-დ“, „ვირჩანი“. სამ მამაი კიდევ დამრჩალი, მეოთხენ ვირჩანი ქვე დაღუულან თავის სიამაყით.

უშიშა ოჩიაური

ჩამაწერინა: ბაიჭაურ ცისკარაულმა, 58 წლისამ, სოფ. ახიელში, 1939 წელს

უშიშა ოჩიაურიც მენადირეიდ მტრისად მიმყოლ კაც ყოფილ. ოჩიაურთებიც უკვლავ მტერსად არც უშიშას ურჩენავ იმათად თავის ჭირი:

1.

უშიშავ ოჩიაურო, დალოცვა შენის პირისა!

ბევრა მაგიკლავ ღიღღველი, წყენა არ იცი ჭირისა.

2.

ჭიმლის კლდეთ ყეფენ ყორნები, ერთი უძახებს სხვასაო;

„ვევლო გაოს ოჩიაური, გავხყოთ ამაგის კვალსაო,

თოვს დახკრავს ღიღღველის გახდილსა, ფეკთ ძირ გასთელავს მკვდარსაო.

არ მაგვაკლებდა უშიშა სახრაოდ ღიღღველის ძვალსაო.

ერთხან წასულ უშიშა შურის საძებრად-დ ორნი სახლისკაცებ გაუყოლებიან. ამდისას გაუვლავად გამდინარნი ამლიონთ ფეხონს უნახიანად ფეხონმ სიცილ თუ დაიწყ – ოჩიაურთ ჩაიარესაო-დ ეხელადავ მამკლავს მახკვლენავ. იქ ერთი ოჩიაურთ დისწული ყოფილ აბათ კურდღელაიდ სწყენავ იმას ამლიონთ სიცილი-დ უთქომ: არ გინდათავ სიცილივ, ოჩიაურთავ ბევრჯელ მაკლესავ მამკლავიცაო-დ არა მამკლავიცავ, ეხელად რახან მაგიდანავ, მაშინ გაიგებთავ, თქვენ კი ისით ხალხ იცინითავ, რო შინით კარში გასვლაიც არ შაგიძლავთავ. გაჩუმებულ ფეხონიდ აღარ უთქომ კურდღელაისად, რო გაუგონავ ეწყინავ. ოჩიაურთ სამი-ოთხ დღეს დაუგვიანებავ. სოფელში მისულანად მართლა მამკლავ შახვედრივა-დ ის მაუკლავ. მეოთხე დღე იყვ, ოჩიაურთ წასვლისაიდ იქავ ფეხონ ისხდ ამდას. ერთ ჯვარის კვლკაცი იჯდ ფეხონში. ერთბაშად წამოხტა-დ პირჯვარ დაიწერა-დ (ჯვარის კვლკაცი: მოწმიდარი კაცი, რომელიც მკითხაობს კიდევ და ჯვარშიც მსახურობს) თქო: „დიდება ძალსა თქვენსა მიქიელის მწვეარნო“. ეს რო თქო, დაჯდ ეს კაცი. ფეხონს გაუკვირდა-დ უთხრეს: რა იყვავ, რა საოცარ დაგიდგავ? „მიქიელის მწვეართ შამაიარესავ სისხლით დასვრილთავ, თქო, აუცილებლივავ ოჩიაურთ რაიმ ზიანი ქნესავ ღიღღოსაო-დ იქ ჩაეშველებოდესა, იქით მამდინარნ იყვნესავ. ეს ისეთი ჯვარის კვლკაცი-დ მკითხავ კაც იყვ, რო ხალხი ამის ნათქვამ-ს ყველას იჯერებდ. სხო ხალხი კი აბა რას ღნახევდა-დ ამას კი გაეჩვენნეს სისხლით გათხვეფულნ მწვეარნი. რახან არხოტიონმ სად ვინ გაიმარჯვის, ეს კაც წინავაც ხედვედის ამ სახით არხოტის ჯვრის მწვეართ. იმ დღეს არცად ვინ მაგიდა-დ მეორე დღეს ამდის

პირდაპირზე მავიდეს ოჩიაურნი. კურდღელა გაიქც ფეხონშით, წყალს გავარდა-დ გაუვიდ გზაში დედულთ. რაი ხქენითავ? სოფელში მივედითავ, მამკლავიოდ შავგხვდავ, იმას დავაშალეთავ თოფებიო-დ მავკალითავ. კურდღელას გაუხარდ იმის დედულთ სახელის ქნაი, მაბრუნდ. ამლიონთ ფეხონშიავ მავიდა-დ შალანძდ ისეებ, ვინაც ოჩიაურთ ჩავლაზედ იცინოდ – აბა ვერ მაკლესავ ოჩიაურთავ მამკლავივ. თქვენავ რო აქ ნაცართ ხქაქავთავ, ეგენივ მაშინავ საურჯულოს დადიანაო-დ სახელს ცდიანავ. წამავიდ უფროსიან ხალხი-დ მასულეებს სახელ მაულოცეს. ამ წელმ ჩაიარა-დ მეორეს წელს დილღელის მზირთ აბათ კურდღელას, ოჩიაურთ დისწულს დახკრეს თოფი-დ მაკლეს. კურდღელა უკაცურ კაცი იყვად მძებნელ აღარვინ დაშჩ. უშიშა ოჩიაური მიუვიდ შინშებს, აღუდიკასა-დ ერთს სხვას: ჩვენავ დილღველთავ დისწულ მავგიკლესავ, იმათ შინით არვინ ხყავავ მძებნელიო-დ სირცხვილი გვძესავ, შურის საძებრად უნდა წავიდათავ. ისიც გაიგეს, სადაურმ დილღველმ მაკლ კურდღელაი, ეს იყვ ძალიან შორიულ დილღველი, ქორიალამოელი. მავმზადნესა-დ წავიდეს პირდაპირ იმ სოფლისკე მამკლავის მასაკლავად.

*რად გავიხარდათ, დილღველნო, არხოტივინების ზიანი?
 უშიშამ, ოჩიაურმა, არ დავიბარათ ვ ზიანი.
 მიუვლენ აღუდიკასა, შინშო, ორთ სირცხვილიანნი,
 ამლას მავგიკლეს დისწული, აბათ კურდღელა კმლიანი.
 ადგეს ჩაიდვეს სავძალი, წვერ გაიარეს კლდიანი,
 გავიდეს ქორიალამოს, ას დილა თვირთვილიანი;
 მაუვას ჩხორვეორელი მანძილა რქაჯანვიანი.
 ჩამაეხვივინეს თოფებსა, მაურებს გახქონდა ჟრიალი.
 ევ გინდა დილღველის გაზრდილო, მიწა შენც ჭამე მტვრიანი.
 „იქნებიმც კურდღელაისა-დ, მანდ დაწვევ გულს ნატყვიარი!“
 ჩორეს აყეფდა ყორნები, „ვინ იყავ, ვინ ხქენ რიალი?“
 იყვნიან ოჩიაურნი, ბევრკან სხვაკან ქნეს ზიანი.
 ნეტავინ მავათ დელასა, ჯარზედ სხენ სახელიანნი.
 ამაგ სიმღერის მათქვამი ზენუბან ბანზე ვზივარი.
 საამხანიგოდ რად გძულდით, მე განთ ქალ ვიყავ თმიანი;
 მეწადა, არ გამიყოლეთ, კმალ-კი წელთა მბავ ფხიანი.
 მკვართ თოფი მკიდავ კირიმი, ძალიან კმა-ძალიანი.*

წამავიდეს, ჩორეხის წვერ შამაკდესა-დ გადავიდეს ქორიალამოს. აქ ჩაუსაფრდესა-დ ელოდდეს მამკლავის მასვლას. უშიშა თაოდ იცნობდ მამკლავსა-დ შუადღის დროს ნახ, რო ეს დილღველ მავ გზაზედა-დ მკვარზე შიშველი თოფ უძეს. უშიშამ

უთხრ ამხანიგებს: „ეეხლად არ აშქარდათავ, თოფ არვინ გაისრივათავ, მანამ ახლოს არ მავავ. ახლოს რახა მავიდასავ, მე გეტყვითავ, დავხკრათაო-დ თოფებივ დალიშნებული გქონდასთაო-დ მე რახან გითხრათავ, მაშინ დასხლიტიდითავ. ეგივ თაოდ ასავ კურდღელაის მამკლავიო-დ აღარ წავგვივიდასავ. მავიდოდ ეს ღილღველ გზახედად-დ მავაყოლებდეს თოფის წვერებს. ერთბაშად ამ ღილღველმ თვალ შაავდ გადასხმულებს თოფებსა-დ შამაიბრუნ თოფი-დ გამაიბაბნეს კვამლნიც. წინწინ სრევა იმანავ დაასწვრა-დ აღუდიკას აი მიწა ზედ გამააშალ ტყვიამ. ხოლოთ კაცს არა მახვდ, რაკი სანგალში ისხდეს. ღილღველის თოფის კმას გახყვ ამათ თოფების კმაიცად-დ ჩაიქც ეს ღილღველი, ერთ ტყვია მახვედრიყვ გულზედა-დ მკვდარ წაიქც. ადგესა-დ უნცროსობა უთხრეს: „უნცროსიმც ხარავ კურდღელაისაივ, ჯდანთამც უბანდავავ, წყალსამც უზიდავავ, მამსახურეებასამც უწევავ საიქიოსა. მაკლეს, შამააწვინეს, ზედ ყარწიკა შამაახურესა-დ გასწირეს აიმაში. თაოდ მებრუნდესა-დ სახელიანნი შინ მავიდეს. იმათ სახელს ამ სიმღერის მათქვამიც მიღნატრიდა-დ სხვებიც. ნეტავინ მავათავ, რო ჯარზედავ სახელიანნ დასხდებიანავ.

ღილღველთაბან ცეცხლში დაწვა არხოტივნებისა

მიამბო ბაიჭაურ ცისკარაულმა, 58 წლისამ, სოფ. ახიელში, 1939 წელს

არხოტივნებს ერთ ადგილი ხქონდ ძაუგის ახლოს (ძაუგი: ახლანდელი ორჯონიკიძე). ამ ადგილს ჩურიანთა ექვინა-დ ძალიან კა ალაგიც იყვ. იქ ზაფხულის კი არვინ ცხოვრობდ, მარტო თივას თიბდეს აქა-დ ზამთრის ცხვარ-საქონ მიუდიოდ. გაზაფხულ იქავ წამავიდიან არხოტის მთაში. ჩურიანთას წასავალი-დ მისავალ გზა სრუ ღილღველების სოფლებზედ ხქონდ არხოტივნებს. ზავი ხქონდ თუ მტრობა არხოტივნებს ღილღველებთან, სრუ ერთი იყვ, მაინც იმაზედ უნდოდ სიარული. მაგრემ საშიშ კი იყვ კაცის მასაკლავადაცად-დ ღამით დამდგრებისად ცხენების დასაპარავადაც. დადიოდეს არხოტივნებ, მაგრემ ძალიან სიმთხილითა-დ ყარაულობით, რო არაით დაზიანებულიყვნეს, მაგრამ რაკი იმათ გზაზე იყვ სავალი, ღილღველნი მაინც არ აძღვედეს მასვენებას, ხან ცხენების დასატაცებლად ეცემოდეს, ხან კაცის მასაკლავად. არხოტივნები ჯერ კი უთმენდესა-დ, როსაც აღარც თმენა გავიდოდ, ისენიც კელს უქცევდეს. ხან ღილღველს მახკლევდესა-დ ხან ღილღველი მახკლევდ არხოტიონს. იყვ დაუსრულებელი კოცა-ჟღეცა ერთუცისაი-დ ნადირობაი ერთმანეთზე.

ერთხან, გაზაფხულ საკნავად წამავიდეს არხოტისკე ჩურიანთით ოთხ კაცი: გუგუჩათ თომა, ჯურკათ იონეური, საფარათ უშიშაი-დ ალიათ გიორგა. ჩურიანთით

ნელად წამავიდესა-დ მალედ დაუღამდ. იქ ანგუშტის ახლოს ერთი ფიცრული ქოხი იდგა-დ იმაში შავიდეს დასადგომლად. მიიტანეს ტყეშით ბევრ შეშაიდ ააგზეს დიდ ცეცხლი, დადგეს შიგ ღამის გასათენებლად. ამ დროს მგზავრად მიდიოდეს ნეთხლები-დ ორ სხო ღილღველი, სრუ ოთხ კაცი; ნეთხლების სისხლ ემართ არხოტივნებსა-დ ელოდდეს დროს, რო შახვედრიყვნესა-დ შური ეძივ. ამ ქოხს რო მიუახლოვდეს, ნახეს რო შიგ ცეცხლ ვისამ უგზავ. ჩამაჰდ ცხენზეით ერთ ნეთხელი, მიიპარა-დ საკომშით ჩუმად ჩახენ – ვინები არიანავ აქავ. ის არხოტივნებს ყველას იცნობდ, რაკი ნეთხა სოფლებზე ახლოს ას არხოტსთანა-დ ერთუცს ყველა იცნობდ ნეთხლები-დ არხოტივნები. საკომში რო შახენ, ცეცხლზე სინათეზე ნახ, რო არხოტივნები არიანა-დ ღამის გასათენებლად დამდგარან. სწორად ის არხოტივნები, ვისაიც ჯავრ ამ ნეთხლებს შჭირს. მავიდ ეს ღილღველ ამხანიგებსთანა-დ უთხრ: აქავ ისეთ არხოტივნებ დამდგარანავ, ვისაც სისხლ მიმართებსაო-დ შახვედრას ვნატრობდივ. თქვენ თუ მიშველთავ, კა იქნებისავ, თუ არ მამეშველებითავ, მე მაინც უნდა დავკოცაო-დ ცეცხლში დავწვავ ეგეებივ დღეზღამავ (დღეზღამ: ამაღამ). ზოგებმ ამხანიგებმ ჯერ კი დაუშალეს: ცეცხლში დავწვავ ცოდოიავ ხალხისაივ, მაგრემ ეს რო აღარ იშლიდ, ამხანიგებმაც უთხრეს: კარგივ, ამხანიგები ორთავ, თავს ხო არ გაგანებებთავ. ჩვენაც მაგეშველებითავ. ჩამაჰდეს ყველანი ცხენებზეით, ცხენები შორს დააბეს თივის ზვინზედა-დ თაოდაც იქ დასხდეს არხოტიონ მგზავრების დაძინებამდინ. არხოტივნებმ რო ცეცხლ დააქრესა-დ დაწვეს დასაძინებლად, კარგა ხანს კიდევ იცადეს ღილღველებმ. ეხლა კი დაეძინებოდავ, რო თქვეს, დაშალეს ერთ თივის ზვინი (ამ დროს აქ ყახახების თივა იდგა მინდორში), მაზიდეს ბევრ თივაიდ ამ ფიცრულს ქოხს მირგვლივ მაყარეს. მემრ მაუკიდეს ცეცხლი-დ თაოდ განზე დადგეს თოფებით მზას. გაფიცხებულს თივასა-დ ამ ქოხს მალე გაშჩინდ ცეცხლი-დ სახლში ბოლ დადგა.გამაადვიდ მგზავრებიც ბოლმ. თომა წინავაც მდგარიყვ ამ სახლშია-დ სცოდნიყვ აქ ორმო-ი ასავ ერთის კაცის ჩასაძრომივ. გაქცეულ ეს თომა, ორმოში ჩამძვრალიყვ. ერთ რომენიმ საკომში ამამძვრალიყვა მალლა, რო ამაჩენილიყვ, ღილღველებს თოფ დაეკრ ამისადაცა-დ შიგავ ჩავარდნილიყვ ცეცხლში. ერთი კართან მასულიყვა-დ დეეკრ თოფი იმისადაც ღილღველებს. ეესრ ეს სამ კაცი დამწვარიყვ ცეცხლში, სახლ რო ჩაქცეულიყვ, ბან დასცემიყვ ზედა-დ, ზოგ ნაწილებ გადამრჩალიყვ დაწვას, ნახევრად კი დამწვარიყვნეს სამნივ. თომა გადამრჩალიყვ ორმოში. ღილღველებს ჯერ კი ეცად აქ, მანამ არ დაეჯერ, რო ეეხლადავ ცოცხალ აღარვინ იქნებისავ, მემრ დაენებ თავი-დ წასულიყვნეს. თომას რო გაეგ, რო ეეხლა თუკლად გათენდავ, ამამძვრალიყვა-დ წასულიყვ იქავ ჩურიანთას. იქით წამასულიყვ ხალხი, ამავთხარ ნახევრად დამწვარ სამ კაცი. ერთ კაცი არხოტ წამალაღესა-დ სხვებმ ეს მკვდრებ წამაიდეს არხოტისკე.

არხოტ წამალაღულმ კაცმ არხოტ გატეხ ჳმაი-დ წამავიდეს არხოტიონნი, მაეშველნეს მკედრების ზიდვას. ამ ამბავმ ქნა დილღველთა-დ არხოტიონთ მტრობისა უფრო გაძლიერებაი-დ ერთუცის ჳოცა. ეს სამ კაც რო ცეცხლში დაწვეს, თითო კაცის სამაგიეროდ თითოს მაინც უნდოდ მაკვლაი; ახლა იქავ დილღველს მახკლევდესა-დ ესრ გპედლებოდ მესისხლეობა. ბოლოს იქმდინ მივიდის ზოგჯერ დილღველთაი-დ არხოტიონთ საქმე, რო გზაში შაყრილს ჳიჳეს შაიძლების გაუშობდ კაცი თოფის დაუკრავადა-დ დილღველი-დ არხოტიონ კი ერთუცს არ გაუშობდ გზაში შაყრილი მაუკლავად. ერთუცს თუ ღნახევდეს, მეტ არ უნდოდ, რომენიც დაასწრობდ, ის დახკრევდ თოფს. ყარაულობდეს ერთუცის სავალს გზებს, დაუდიოდ მზირი, უსხდებოდეს გზაში ერთუცსა-დ ჳოცდეს ნადირივით. ვისაც ვალ ეკიდ, ხო მაინც იძევდ მასაკლავად კაცს, ვინც უნდა შახვედრიყვ, მახკლევდეს, ხოლოთ დილღველი-დ არხოტიონ კი ყოფილიყვ. ვისაც ვალ არა მიუდევდ, ისენი სახელის გულისად ჳოცდეს. სხეები ჳოცენავ, სახელობენავ თავსაო-დ რაით მეტებიავ ჩემზედავ, მე რაადად ვიყვავ ისრავ, რო სახელ არაი ვქნაევ. სახელ თუ არ ხქონდ ნაქნარი (სახელი იყო კაცის მოკვლა) არც ხალხს მასწონდა-დ არც ქალებს. თუნდ სხოდ არ ვარგნილიყვ, თუ სახელიანი იყვ კაცი, არც ერთ ქალ არ დაიწუნებდ იმას. თუნდ სხოდ ძალიან კაი კაც ყოფილიყვ, ლამაზი, ჳკვიანი, მცხოვრები, თუ სახელი არ ხქონდ ნაქნარი, იმას კა ქალი ცოლად არ გახყვებოდ; რაით მეტები ასავ ჩემზედავ სხო ქალებივ, რო სახელიანს ქმრებს ხყონავ, იტყოდ კა ქალი, მე რაადად წაუოლავ ისითს ქმარსავ, რო სახელიანი არ იყოსავ.

*ქალმა თქო, ქმარსა წაუოლ, ბასრის ჳმლის ამამღებელსა,
შორად მძებნელსა შურისას, სახელის წამამღებელსა.*

აი, ეს სახელიანობის სურვილი, თან სიმღერეები, სახელის მალოცვაი, ქალებისგან ქებაი-დ კარგ ჳსენება, უფრო მეტად უძრევდ კაცის მაკვლისა-დ სახელის ქნის სურვილს ახალგაზდაებსა-დ საწადინოდა-დ სალად-სანებიეროდ ნადირობდეს ერთმანეთზე. მარტო არხოტივნებ კი არ იყვნეს ესრ, არც სხო ჳვესურები, ესეთ სახელობა დილღოს უფრო მეტად იყვ. უსახელო, ე. ი. ვისაც სახელ არ ხქონდ ნაქნარი, ესეთ დილღველი სრუ უცოლოი რჩებოდ. არ გახყვებოდ ქალი, თუშ ქურდ მაინც არ იყვ. თუ კაცებ არ ხყვანდ დაჳოცილები, ჳარ-ცხენებ მაინც უნდა ეპარ, რო ამით თავ ესახელ დილღველ ახალგაზდას, თორე არცრაად ვინ ჩაავდებდ, არც ქალი-დ არც კაცი.

ესევე დადგეს, იქ ცოტაად მაშორებით ერთ წყარო იყვა-დ წყალს იქით ზიდნევედეს; კარგა რა დაღამდ, ქურდობის დრომაც მაატან, მაშინ რიგრიგობით ყარაულობაიც მაყოლეს; ხიზნისა-დ ბინაის იქი-აქათი, რა არვინ მაგვეპარასაო-დ ან კაც არვინ მაგვიკლასავ, ან კარ-ცხენ არავინ მაგვეპარასავ. გძელ ოცშობა რა მავიდ, ორ კაც წყალზე წავიდა-დ უჩინს ღამეში იმათ ბინაისკე მამდინრებს ღილღვლებს შეეყარნეს ზედ. ღილღვლები-დ არხოტივნებ რა ერთუცს შახვდეს, მანამ ერთუცს რას დახკრევედეს, ღილღვლებმ მაასწვრეს გზის ძირში გადახტომად-დ დაქცევაი. ღილღვლებ რა გაიქცნეს, მებრუნდეს ეს წყალზე წასულელებიცა-დ ამხანიგებს უთხრეს: ემაშიავ მტერ-ი ვნახეთავ. ახლოს მაგვეპარებიყვენესავ, ზედ გადაუჩინდითაო-დ დაიქცნესავ. ველარა დავასწვერითავ, მოხილად ვიყვნათავ, თორე ეგეებივ დღეზღამ არ მაგვასვენებენავ, ან კარ-ცხენს გაგვიღალვენავ. დიაც-ყმაწვილი დააწვინეს. კაცები ზოგი ბინასთან ახლოს დაჯდ ყარაულადა-დ ზოგები წავიდესა-დ თითოობით ჩასაფრდეს ბინასთანით კარგად მაშორებით, უფრო ისეთებს ალაგებში, საითაც ღილღვლების მასავალ გზებ იყვ. ამ გზავრში ერთ კაცს ბაბუჯურ ექვივნა-დ ძალიან გამაცდილ მეველეი-დ მენადირე კაც იყვ. სრუ სანადიროს კლევებშია-დ ველზე იყვ თავის სიცოცხლეში. ჯიხვებიც ასობით ხყვანდ დაჯოცილი. ეს კაცი გავიდა-დ ბინასთანით კარგა მაშორებით დაჯდ. გაიკეთ საყუჩი, თოფიც ღილღვლების მასავლის გზისკე დაიჭირ მზას. გძელ ოცშობა რა გადავიდ, გახედავს ბაბუჯური – გზაზე შავებს რასამ ხედავს. შამაყენ თოფიც ფეკზედა-დ უფრო ისრ ჩასაფრდ, რომ იმას აღარცაით მახვედრიყვ ტყვიაი. ეს შავები თანდათან მახლოვდესა-დ ბოლოს გამაიცნ, რა სამ კაციასა-დ იმათ ბინაისკე ფეკაკრეფით მოხილად მადიან. ბაბუჯურმ ერთს დაადვ თოფის ღიშანი-დ დასხლიტ თოფი, თოფის ჳმას კაცის კივილნ გახყვეს ღილღვლებსთანით. იქითაც გამაიყარ თოფებ, მაგრამ ბაბუჯური ისითს საყუჩში იჯდ, რა იმასთან ტყვია არ მასულ. ცოტახან კაცის გმინვასავით რაიმ მადიოდავ, დაილივ ჩუმი. ბაბუჯურიცა-დ იმის ამხანიგებიც ღიდხანს არ ამდგარან თავ-თავის ალაგშიით. მემრ რა დრო გავიდ, ადგესა-დ მავიდეს ბაბუჯურსთანა ეს ღამე კაცებმ თეთრად გაათენეს ყარაულობაში. დიაც-ყმაწვილნ ბინაში იყვ, მაგრამ თოფის ჳმამ გამაადვიდა-დ დაშინებულებს აღარც იმეებს დაზძინებივ. აწ დაგვეცემიანაო-დ აწავ ღილღვლებივ. გათენებამდენ ვერცად წამავიდეს, რა შუა ღილღო-ი ხქონდ შამასავალი. გატეით-გამაჳკეითი სრუ ღილღველთ სოფლები ასა-დ შუაზე საარხვატო გზა მაღის. იცოდეს, რა ეს ღილღვლები აქაურებ იქნებოდესა-დ მამკვდარ რა იყოსავ ბაბუჯურის ნატყვიარ კაცივ. გზა გვექნებისავ შაკრულიო-დ ძალიან გვაზარალებენავ. დღისითავ თვალით მაინც ვღნახავთაო-დ იქნება ჩვენაც ჳველ გამავიდათავ. აიმ გულისად გათენებამდინ არც ყარაულ მახჳსნესა-დ არც ბინა გაჩუჩეს ალაგშიით. რა გათენდ, მივიდეს ბაბუჯურსთანა-დ ასწავლებიეს, აბა, რომენჩი

იყენესაჲ, რო ესრიევ. ბაბუჯურმ ასწავლ, რასაც ალაგში ესრიევ. მივიდ ხიზანათ აბიკაი-დ ნახ სისხლით მოსვრილი იქაობა, სხვებიც მივიდესა-დ ნახეს სისხლი. აბიკამ დაუაზრა გზის თავში ტყვიის ანაგლეჯი ბორცვი. გამათხარა-დ კაცისა-დ განავარდნი სისხლიანის ტყვიის ნაჭყლეტი გამაიტან მიწაშიით. დაიჯერეს, რო მახვედრივ. მავიდეს კაცები-დ ბაბუჯურს სახელ მაულოცეს, მაგრამ რა მაულოცეს, ხამხისას, ისმაოლათას, გომტიკაურთას, არიეხისასა-დ სხო ესეთ სოფლებისას უნდ წამასვლაი-დ იციან, რო ეს კაცები ბეჯითად ამ სოფლებებ იქნებოდეს. ამ ხალხს ამთვენ ცხვარ-საქონ მაულის, ეს დიაც-ყმაწვილი. გზაში ეს კაც მაკლული-დ ძალიან მარტეს საქმეში ჩაიყარნეს, მაგრამ რასად იქმოდეს, აღარცად ხქონდ წასავალი. რაც უნდა მასვლიყვ, მაინც ამ გზაზე უნდა გამაეველ. რას იზმოდეს, ახყარეს დილას ცხვარ-საქონი, მაიმზადეს თოფ-იარაღი კარგადა-დ გამაუდგეს გზას. დიაც-ყმაწვილს უთხრეს: თუ ჩვენ დაგვეცნესაო-დ ომ მაგვიჭდავ, თქვენ ნუ დაშინდებითავ. ეგ ცხვარ-საქონ გალაღეთავ, თქვენ არ გამაგეკიდებიანთაო-დ არცარას დაგიშავებენთავ. ჩვენ კი, რაიც შაგვიძლავავ ვიბრძოლებთავ, მანამ ცოცხლები ორთავ, ჳელგამაუტანლად აგებ არ დავივცნათავ. წამავიდეს, წინ დიაც-ყმაწვილი-დ ცხვარ-საქონ დაიყენესა-დ უკენ თაოდ მახყებოდეს კაცები. ხამხის ძირ რო მავიდეს, გახენესა-დ ხამხას შუას სოფელში ერთს სახლთან ნახეს შავ ალაში. მაშინ დილღვლებმ მკვდარსთან შავის ალმის გაკეთება იცოდეს. ეს ალამ რო ნახეს, გაიგეს რო პატალას სახლთან ას ეს ალაში. პატალას ყველა იცნობდ, რო ქურდი-დ ავ კაც იყვა-დ, ახლა კი მიხვდეს არხოტივნებიც, რო ბაბუჯურს პატალა მაუკლავ. ამ პატალას ბევრი ხყავ სახლისკაცები-დ მაკეთეი, ეხლა მიხვდეს რო მშვიდობით გადარჩომა მარჯვე აღარ ას ამ გამწარებულს ურჯულოშიით. ხამხა გზის თავზედ ასა-დ ბოლოზე გაშლილნ ყანან-ი ხქონ. არხოტ წასავალ გზა ამ ყანათ ბოლოზე მიდის. ნახეს დილღვლებმაც შამამდინარ ხიზანი-დ ხამხის ძირ, აი ყანათას, ურჯულოს გუნდ წამავიდ პირჩაღმ. ჩამავიდეს, დიაც-ყმაწვილსა-დ ცხვარ-საქონს ყურ არ უგდეს, გადვედობნეს კაცებსა-დ შუაში შამაიყარნეს. უთხრეს: გუშინწუხრავ თქვენავ პატალა მაგვიკალითავ; მაგვეცითავ ის კაცივ ჳელშიავ, რომენმაც მაკლავ, თუ არა და ყველას გაგწყვეტთავ. არხოტივნებმ უთხრეს: ჩვენს ბინაზე რაისად მავიდოდავ, ჩვენ ყველამ ვესრიეთაო-დ ვის ტყვია მახვდავ ღამითავ, ჩვენ ამას რაით გავიგებდითავ. რაიც გინდათავ, ისი ქენითავ, ხოლოთ უჭირვლად კი ვერც თქვენ წახოლთავ. ჩვენაც თოფებივ ჳელჩი გვიჭერავავ, ახლოს არვინ მოხვიდათავ, თორე თოფს დაგკრავთავ. ჳირის პატრონები მავიდესა-დ მაშივ თოფებ მაუბრუნეს. ასთემურა პატალას ბიძა იყვა-დ ის უფრო საქმეს აჭირებდ. იჭერდეს სხვები, დილღვლები-დ იზიდებოდ: ამ ჳიას მჭამლებმავ (ასე ეძახოდნენ დილღვლები ხევსურებს) დილღოს განთქმულ ძმისწულ მამიკლესავ. მე ამათავ ერთს არ გაუშობავ ცოცხალსავ. სხვას სოფელშიით მისული მშვიდობიან

ხალხ ჩაერივ გამწველებლად-დ ჭირის პატრონებს ისენ არ აძლევდეს ნებას თოფის სრევისას. იჭერდეს, ეხვეწებოდეს დიაც-ყმაწვილ მიუდისავ, ეხლა გაუშვენითაო-დ შურისძიების ხანივ მემრ გექნებისთავ.

ეს ბძოლა სხვას სოფლებშიითაც ნახესა-დ უფროს ხალხ მავიდ (ხნიერი ხალხი). დაიკადეს ქულები-დ ეხვეწებოდეს ხამხელთ: გაუშვითავ ეს ხალხივ, ხიზან მიუდისავ. მემრ გაიგებთავ, ვინ იყვავ პატალაის მამკლავიო-დ სად წავივათავ არხვატითავ. ეხლა კი ჩვენ გვაპატივეთავ. დილღველთ უფროსები გზაშიით მააშორებდეს ხალხსა-დ გამაუშობდეს არხოტივნებს, მაგრემ სხვები დაიქცეოდესა-დ იქავ წინ გადაუდგებოდეს. დილღველთ უფროს ხალხი იმთვენ შასწუხდ, რო სრუ ოფლში გაიბანნეს. ბოლოს ხამხელთ დახათრდ უფროსებისაი-დ გაუგონეს ხვეწნა (დილღველებმ ძალიან იციან უფროსის ხალხის ხათრი), დადგესა-დ გამაუშვეს დაგუბებული მგზავრი. არხოტივნებს კიდევაც არ ეგონ, თუ ან გზა არ ვის ექნებოდ შაკრული-დ ან მღევარ არ დაეწეოდ, მაგრემ არც ერთ მახკდ ესი-დ მშვიდობიანად გამავიდეს თავის მიწა-წყალზე.

პატალას ბაბუჯურის თოფის ტყვია გულში მახვედრიყვად იქავ მაკელ. ორნ ამხანიგნ შასხდომიყვნეს მკარსა-დ მკვდარ მიეტან შინ. არხოტივნების ბინაზე ცხენების დასაპარავად მიმდინარნ ყოფილიყვნეს. ეს პატალაის სისხლი დარჩ უძებარი-დ იმის სიკვდილიდგეს პატალაის სახლისკაცებმ სამოცდაათის წლიდგეს მასს მზირი, არხოტის ჭალას ჩაუსხდესა-დ ორ ახალგაზდა მაკლეს (ამათ სიკვდილზე მერე იქნება საუბარი). პატალაის სახლისკაცს ტურტური ექვივნა-დ ტურტურის მზირმ დაკოცნ ბეწინა-ბეწინანი, სრუ უდანაშაულო ახალგაზდანი. მაშინ ბაბუჯურმ კარგად თავ ისახელა-დ არხოტივნებმაც, რო იქავ შამაიარეს დილღოს გზაზედ. არც ბაბუჯურ გატეხესა-დ მშვიდობით გამავიდეს დილღველთ კელშიით; არც იარად აიყარეს, თოფის წვერებ სრუ დილღველებისკე ხქონდ მამარჯვებული-დ არც ახლოს უშობდეს დილღველებს. ამ სახელის ქნაზე სიმღერებიც იყვ ნათქვამი, რომენსაც ჯარზე ბაბუჯურსაც უმღერდესა-დ. ეხლადაც იქავ იმღერენ ფანდურზედა-დ თავკმელად მღერაშიაც.

1.

*ხამხით ტირილით წამავლენ, ქალებ იძახან თავზედა:
ძმაო, იძახან, შენ მამკლავნ მადიან ჩვენსავ გზაზედა.
მავათ მაკლული დიხინი, პატალა გვიწევს კარზედა.
მავიდა ასთემურაი, სიცილით დანდობაზედა.
წინა მგზავრმ ვინ შაიარა, ძმისწულ მამიკლეს რაზედა.
მე რომ პატალა გავზარდვ, ხამხას გაღმეტდა გორზედა.*

2.

ანგუშტით მგ ზავრი წამავა, ეხლა ხანი ას კენისაო.

დადვიან ღიღლოს მთაზედა, ღამით დარდი აქვ მტრისაო.

შუაღამის დრო მავიდა, თვალი შავდეს მზირთაო.

ერთმანეთს ეუბნებიან: - ნუ დავენდობით ძიღსაო!

არამც დაგვეცან ღიღღვლები, ვულ გავვიღაღან მტრისაო.

თოფ გადის ღიღლოს მთაზედა, ხან იყვა შუაღამისაო.

ბარაქალ ჭოლიკაურო, თესლი გაქვ არწივისაო.

შენის ჩახმახის ჩქამზედა ღიღღველ აყოლებს გმინსაო.

საკვირველ კი ას, გაუებო, შამავლა იმავე გზისაო.

ხამხას თვალით ხინს ალაში, ხამხლების დიხინისაო.

პატალას სისხლის აღება ტურტურისაგან 70 წლის შემდეგ

მიამბო ბეწიკა გიორგისძე წიკლაურმა, ამაში, 69 წლისამ, 1941 წელს

ღიღღვლებმ არ იცოდეს აჩქარება შურის საძებრად, არხოტივნებ კი მაშიავ აჩქარდებოდეს, სხვა კვესურებიც, შურივ მაშივ თუ არ ვიძიეთავ, მემრავ გული განელდებისაო-დ ველარას ვიქთავ.

ტურტური გაჩენილ არ იქნებოდ, როსაც ბაბუჯურმ პატალა მაკლ. დარჩ უძებარი პატალაი-დ ყველას დასცილდ, ეგონ ყველას, რო პატალაივ დასცილდაო-დ სამუდამოდ დარჩავ უძებარივ. პატალაის ახლოს სახლისკაცი ტურტური გაიზარდ, დაბერდა-დ ნახევრად თმა-წვერიც გაუთეთრდ. არხოტივნებიც დადიოდეს იმათ სოფელშია-დ თაოდ ტურტურის სახლშიაც სტუმრად. იმას არც კი უკსენებავ პატალაი-დ არც ვისთან ცუდგულობა შასტყობივ. ტურტურის გაჩენამდინ მალევე მამკდარს საქმეს თუ ტურტური მაზდევდ, არცვის ეგონ ისი; მემრ ტურტური ბეჩავაი-დ თავდაბალა კაცა იყვ.

ორმოცდაათ წელს კარგად გადაცილებული იქნებოდ ტურტურ, რო შაყარ ერთ ხუთი-ექვს კაცი მზირი, გამაუძღვა-დ ჩაუსაფრდეს არხოტის ჭალას, ადგილობრივ საძრომთ. ეს ძალიან იწრო ჭალაი ას, რომ ორ კაცი მთელს ლაშქარს აზარალებს ჩასაფრებული. ამ დროს გაზაფხული იყვა-დ ტყე ახალ აფათველულ იყვ, გზის თავში ცაცხვის ტყის ბუჩქებში გაიკეთეს სანგლები-დ ისითს ალაგში ჩასხდეს, რო იმათ ქვე არცაით რა დაეკლებოდა-დ გზაზე მიმავალს კაცს ქვე არ გასცდებოდ თოფი, ისრ ახლოს იყვნეს გზასთან. ორს დღეს ისხდეს აქა-დ არვინ შახვდ. ტურტურ იმ აზრით კი იყვ წამასულ, რო ვინაც უნდა არხოტიონ შახვედრიყვ, სრუ ერთი იყვ იმისად, მაინც მახკლევდ. იმან ისიც იცოდ, რო ბაბუჯურიც აღარ იყვ ცოცხალი-დ იმის შვილიც მაკვდ. შვილიშვილი ქვე არ დაშჩ ბაბუჯურსა-დ ისიც იმით ფიქრობდ, რო

მამკლავთ ქვე ვერა დავაკელივ, აღარც არიანავ, არც იმათ სახლისკაცებს ვიცნობავ. ეხლად ვინაც შამხვედებისავ, მავხკლავავ. ამ წინას წლებში ერთ ამლიონ მაკლეს ღილღვლებმ ბერდიათ გიგია. ამას ორ ახალგაზდა დაში ცოცხალი, სახლისკაცები. ერთსაც ბეწინა ექვიენა-დ მეორესაც (იმით იტყვიან „ბეწინა-ბეწინათ“ დაჯოცაივ). ეს ახალგაზდაები ძალიან კარგები იყვნეს, დაახლოებით ცხრამეტ-ოც წელში იქნებოდეს ორნივა-დ დაიწყეს გიგიაის სისხლის ასაღებად სიარული. ხან მთათას დადიოდესა-დ ხან ჭალაისას. ხოლოთ ისით დრო იყვ, რო ჭალაზე სიარული საშიში იყვ ღილღვლებისგან. იმათ ბევრს უშლიდეს, ჭალაზე ნუ დაზდითავ, მტერივ ზედ სად შავიყრისთაო-დ დაჯოცოსთავ, მაგრემ ისენ არ იშლიდეს, მაინც დადიოდეს. ალაღს ღილღველს კი ბევრსად შახვედებოდესა-დ მახკლევედეს, მაგრემ იმათ უნდოდ მამკლავ საით ჩაეგდ კელშია-დ ის მაეკლ – „მტკივნისად ეტკივნ“. ღილღვლების მასვლისა-დ მზირად ჩახდომის მესამე დღე იყვ, რო ბეწინა-ბეწინანი ჯალაფთ ძალად ჭალაისას წამავიდეს, ღილღოსკე, შურის საძებრად. მეემზადნეს საგძლით, თოფ-იარაღით კარგადად. დიღას კარგად გათენებულ არ იყვ, რო გამაემართნეს, ჩამაიარეს არხოტის ჭალაი-დ სამტროს გზას რო მაებნეს, ცოტა შორ-შორად დაიწყეს სიარული, არამც მტერ სად იყოსავ ჩასაფრებულივ, ზედ შავიყარნასაო-დ დაჯოცოცნასავ ერთადავ. ცალ-ცალკე რო ვიქნებითავ, უფრო ვერას დავაკლებენავ. საძრომთ რო ჩამავიდეს, წინ ჳირჩლათ ბეწინა მივიდოდა-დ ერთ ოცის საუნის დაშორებით ბაბუტო ბეწინა მახყვებოდ. ჳირჩლათ ბეწინა რო იმ ჭალაში მივიდ, სადაც ტურტურის მზირ ისხდ, ნახეს ღილღვლებმა-დ ზოგებმ თქვეს: „ნუ მავხკლავთავ, ყმაწვილიავ, ჯერავ წვერ-ულვაშ არ აქვავ. სხეებმ კი უთხრეს: მესამე დღეი ასავ, აქ ვსხეორთავ – არავინ მავიდავ. ეს საგძალიც გათავდაო-დ როსნამდინ უნდა ვისხდათავ აქავ. თუ ყმაწვილიავ, თოფ-იარაღივ რაად აქვავ (ბეწინას არც წვერ-ულვაშ ხქონდ ჯერ ამასული-დ ტანადაც დაბალ იყვ). დააშალეს თოფებიდ, ჩააქციეს იმაშიავ, სამი-ოთხ ტყვია ერთბაშად მახვდა-დ მაშივ მკვდარ დაეც მიწაზე. ბაბუტო ბეწინამ თოფის ჳმა გაიგონა-დ გაიქც ბეწინაისად მისაშველებლად. იმ დროს გადაჩინდ, რო ჳირჩლაის შვილს იარაღს ხყრიდეს, ბაბუტო ბეწინამ ეს ამბავ რო ნახ, პირქვ წაწვ მაშიადავ კლდეხედა-დ ესრივ ღილღვლებს. ერთს კი დახკრა-დ დაამტვრევივ მჳარი. მანამ მეორეს ესრევედ, დააჯალეს ამასაც თოფები წინწინას საყუჩშიავ ნახხდომებმ ღილღველებმა-დ სამი ოთხ იმას დახკრეს. ჳირჩლათ ბეწინაისად იარაღის ასაყრელად რო ჩამავიდეს, ზოგები ამხანიგებ საყუჩშიით კიდევ არ ადგეს, რო ამის იარაღის აყრაშიავ არამც იარაღიან ვინ მავიდასაო-დ, ზოგნი თუ საყუჩშიავ არ ვიქნებითავ, დავგაზარალებენავ. მართლადაც, თუ საყუჩშიით ყველა დაბლად ყოფილიყვ ჩამასული-დ ბაბუტო ბეწინაისად იქითავ არ დაეკრ, აქ ისით ჭალაი, რო ერთს არ გამოუშობდ ცოცხალს. ის მეთოფეიც ძალიან იყვა-დ მამაციც. ჳირჩლათ ბეწინას რო ახყარეს იარაღი, ახლა ბაბუტო ბეწინასთან მავიდეს იარაღის ასაყრელად. თოფ კი აიდესა-დ ამ დროს

ივანეურ გადაუჩინდ ოთხმოცის წლის კაცი. დიღველინი ყმაწვილისა-დ ხნიერს კაცს არც მახკვლენა-დ, არც რას აწყენენ. ივანეურ რო ნახეს თავის საქმეზე მიმავალი, ხნიერ კაც უიარალოი, დაანებეს ბაბუტო ბეწინაისად იარადის აყრას თავი, მარტო თოფ კი წაიღეს. დვირბინი, პატრონაი, ხანჯარ სარტყელ სრუ ზედ დაშწ, კელ აღარ ახლეს. ჳირხლათ ბეწინაისად კი აყრილი ხქონდ იარადი, წაიღეს თანა-დ წავიდეს. ის დაჭრილ კაციც სასიკვდილოდ არ იყვა-დ თანავ წაიყვანეს. მემრ ზოგმ კი ისი თქო მაკვდაო-დ ზოგ იმას ამბობდ, იქავ მარჩავ, ველარა გაიგეს კარგად. ივანეურმ რო ნახ ახალგაზდაები დაჯოცილები, მარბუნდა-დ წამავიდ არხოტ გასაგებიებლად. აქ გზა-გზათ ხალხი იყვ მუშის ასაყრელად ჩამასული-დ იმეებს უთხრ ეს ამბავ მახკვდავ „სადრომთავ“ (მუში: ცაცხვის ქერქი, რომლისგანაც ამზადებენ თოკებს). მემუშე ხალხმ ერთ კაც არხოტ წალალეს ჳმის გასატეხლა-დ სხეებმ სამუშაოს თავ დაანებეს, გაუდგეს დიღველებს, მაგრამ ისენი სამშვიდობოსაც იყენეს გასულები, რასად ვინ დააკლებდ, ესრ გვიან გამდგარ ხალხი. დააკეთეს საკაცეები-დ წამაიდეს მკვდრები, მემრ ამათ სისხლიც აიდეს, ამათ გარეთულებმ სახლისკაცებმ. ახლოელ კი ამათ აღარვინ დაშწ.

აი, ესრ სამოცდაათი წლიდგეს იძებნ ტურტურმ თავის სახლისკაც პატალა. იძებნ, მაგრამ რა ძებნა იყვ: ბაბუჯური „ჭოლიკაური“ იყვა-დ ეს ყმაწვილებ „აბაიზძენი“ იყენეს. ალალ-მართალ სისხლ დაღვარეს ორის ახალგაზდაისაი. ლექსიც ას ნათქვამი ამ ყმაწვილებზედ, ამათ სისხლ რო ამათ შორიულ სახლისკაცებმ აიდეს, ისიც შიგ ჩატანებული ამათ დაჯოცის ლექსში.

ლექსი თქვი, არხოტიონო, ვინაც რო სახელს იქამსა.

ადვილად დასთვლის სიტყვებსა, არცარას დაღლევს დიდხანსა.

არხვატიო მადის ამბავი, ჳმა მისწვდა დედამიწასა.

მზე შაიდება შავადა, ნაპირს ჩავიდა ზღვისასა.

მალლა ატირდეს ფრინველნი, ცრემლებ დაწურეს თბისასა.

ბრალისგან ველარ დავლითავ არხოტის ჳალაისასა.

ამლით სამზირლად წამავლენ, თქვეს, ჳავრს არ შავშჳამო მტრისასა.

დიდხანს არ ვავლევთ მზეზედა მამკლავსა ვიუაისასა.

მამა დაბერდა უშიშა, ჩვენ ვხედავთ თოფის ლიშანსა.

ჩადიან, ჩაბოინობენ ვეფხენი უშიშრად გზისასა.

ფრინველად აკლიან თბეები, არ აჩქამებენ ქვიშასა.

ის კი რას მალგონდებოდა, დიღველებ ელიან მისვლასა.

ჳირხლათ ბეწინას მისულსა, დაღლიშნეს როგორც ჳილდასა.

ერთმანეცს ეუბნებიან: „თვალ არ შავგავდას ხთისმადლსა!“

თორემ ვერ წაოლთ ცოცხლები, არ დაგვიფერებს სხვისასა.
 არცა სწყინს, არცრა ეშინის, მიხედს ნელ-ნელად სიტყვასა:
 „თვალ ვერ შავავდით, ღიღღვლებო, ვა, დედას ჴევსურისასა!
 მაგით ორ დასანანები, ხანს აღარ მაძღვეთ ცდისასა”.
 რო დაათავა, ესრე თქო: „სული ღმერთს, ლეში მიწასა”.
 ჴმა მისწვდა ბაბუტიშვილსა, ვეფხვს მეომარსა კლდისასა.
 უშიშა ჩამაეტანა გზაში ნასხდომს მზირს მტრისასა,
 თოფის ჴმას ერთუცს გააბომს, ნათოზს გაიღებს ძვლისასა.
 ბაბუტიშვილის ნასრევი ქისტს უმტვრევს ბეჭის ფიცარსა.
 სულეთ წაღლაღავს ბეწინა ორთავ მამტანსა წყლისასა.
 მემრ ბეწინასაც დაგვიკრეს, მასკვლავს მასწიღვენ ცისასა.
 მესხნი გაებნეს მთვარესა, ნაპირის ადვილისასა.
 არ ბოინობენ არწივნი, არ დიან ჩორეხისასა.
 სულეთში არხოტივნი გზას დახევეს სამოთხისასა.
 პირს იყენებენ ნათელსა სანთლისას, კელაპტრისასა.
 ჯავრს გულში ჩასვლას ამბობენ ბერდიშვილთ ახლებისასა.
 მარტოთ ამბობენ წასულთა, იმედს არა ორთ სხვისასა.
 ბაბუტამა და გიგიმა გზა დაისწავლეს მთისასა.
 შაკალის ხდილში ჩაუხხდეს, ძალს ავსენებენ ხთისასა.
 თან სტანავ არხოტის ჯვარი, ფხას გააწითებს ჴმლისასა.
 თოფ დახკრეს ღიღღვლის გაზდილსა, ბაიგულიშვილს ისასა.
 ჴმა გატყდა საურჯულოოს, ფრინველნ დაფრინდეს ცისასა.
 ამღას მავიდეს სოფლადა, სახელს ულოცვენ ჴირჩლასა.
 არ ხკარგავთ ბერდიშვილებო, ნაქნარსა მამ-პაპისასა.
 თქვენი ჴმა შორად გავიდა, ეურს მისწვდა ხემწიფისასა.
 ამავის მალექსებელი ნაპირს ზის კაეკასისასა.
 მალღა მივღნატრი ღურბელთა მდინართა აერისასა.
 ახიელაში ციხესა, აგებულს აბაისასა.

ეს ლექსი მემრ ნათქვამი ას, როსაც ეს ყმაწვილები დატოცესა-დ ამათ შორიულ
 სახლის კაცებმ ბაიგულიშვილ მაკლეს, ისა. ისა ალაღმართალ კაც იყვ, მაგრემ
 იმის მამკლავებ იმას ამბობდეს, რო ბეწინა-ბეწინანიც ალაღმართლებ დატოცნესაგ.
 ჩვენ რაადღა უნდა ვიძიოთავ დამნაშავეივ. ან სად მავკვლავოთავ ჩვენავ ხამხელს
 ტურტურსავ, რომენმაც ჴოლიკაურთ ბაბუკურისგან მაკლულის პატალაის შურივ
 ბეწინა-ბეწინათაზე იძივაგ. როსაც ბაბუკურმაგ პატალა მაკლ, მაშინავ ბეწინა-
 ბეწინათ მამებიც არ იქნებოდავ იარაღის ამტანებივ, ისენ კი არავ.

მანგიათ ბეწიკა

ჩამაწერინა 58 წლის დია თეთრაულმა, სოფ. ჭიმლაში, 1939 წელს

რაჭელც პატალაის მაკელის დროს მადიოდ მგზავრი, აგეთაივ მგზავრი მადიოდ ძაუგშიით საარხვატოდ. სვით დაბარგულებ ცხენებ მაუდიოდ, ხიზან კი არ მაუდიოდ, აქ მარტო კაცებ იყვ. დაუღამდ გზახედა-დ ღილღოს ჭალაზე დაშჭირდ დადგომა, რაკი უჩინ ღამე იყვა-დ გზა არ იგებოდ.

ღამით ცხენებს რიგ-რიგობით ყარაულობდეს, რო არვინ დასცემიყვა-დ ცხენებ არ გაელაღ. ამ მგზავრში იყვ ერთ ყველაზე ახალგაზდა ყმაწვილი მანგიათ ბეწიკა. ბეწიკა უფრო ბევრ ხანს ყარაულობდ, როგორც ახალგაზდა კაცი. სწორედ ამის ყარაულობის დროს დაეცნეს ღილღვლები-დ ძალით გაუბედეს ცხენების დატაცება. ბეწიკას იმთენად აღარ დასცალდ, რო ამხანიგებისად გაეგებივ. მაუბრუნ თოფი-დ ერთს ღილღველს თეთრად რაიმ უნათობდ, აი თეთრის ანდით ესრივ: „აღლაჰა“ გახყვ თოფის ჳმას ღილღვლის ყვირილი. ეს თეთრად სპილოს ტარ ყოფილიყვ ხანჯრისა; ტყვია მართლა ხანჯრის ტარს მახვედრიყვ. ძვალ დამტვრეულიყვა-დ აი ნამტვრეეები ღვიძლში შაეტან ტყვიას. თოფის ჳმაზე ბეწიკაის ამხანიგებიც წამაიშალნესა-დ ბინაის იქი-აქათი ჩასაფრდეს. ცოცხალ-მკვდარ ღილღველი წაიყვანეს ღილღვლებმა-დ გზაზე მაუკედ, მანამ შინ მიიყვანდეს. ამ დაჭრილის კაცის გმინვა-ყვირილი ბეწიკას ამხანიგებმაც გაიგონესა-დ გაიგეს, რო ის კაცი სასიკვდილოდ იყვ დაჭრილი. ახლა წამასვლაიც გაჭირდებოდ, ისიც იცოდეს, ბეწიკაის ამხანიგებ ცოტა არ იყოს დატყდესა-დ ბეწიკას უთხრეს: ნეტან სიმართლით კი არ გესრივაჲ, არ მაგეკლაჲ, ეხლა არც ჩვენ გაგვიშობენავ ცოცხლებსავ; მემრ საურჯულოს გზას გვინდაჲ ვავლაიჲ. მემრ თქვეს: დავანებათავ თავიჲ ამ ცხენებსაცაო-დ ბარგსაცავ, ჩვენავ ღამის ძალით წავიდათავ უგზოს გზახედაჲ, იქნება ცოცხლებ გადავშჩათავ, თორე სრუერთიავ, ცხენებსაც წაიყვანენაო-დ ჩვენაც არ გაგვიშობენავ ცოცხლებსავ. ბეწიკამ ჯერ კი იყურ ამხანიგების ნაუბარი-დ მემრ უთხრ: მე ბეწიკაი ორ, ცხენებს აქ არ დავსწირავა-დ არხოტ სირცხვილიან არ მიოდ, თქვენ სადაც გინდათ იქ წეედით. ცხენების აკიდებას მიშველეთა-დ მე ვავლლაღავ ცხენებს. ღილღოს გზას ღამით გავათავება-დ გათენებისად თავის ადგილში გადაოდ. იქ ქვე აღარვინ გამამიდგებისა-დ ვერცრას მიზმენ. აქ თუ ღამით მტერ შამხვდების, შორით ქვე ვერ მნახავს ღამით, რო გზაში ჩამიჯდას. ახლოს მასულისად მიაც აისითა კაცი ორ, რაჭელიც კაც ის იქნების. თოფი-დ ხანჯარ მიაც მაქვა-დ არც იმას ექნების ზარბაზან ქვე. მანამ ცოცხალი ორ, ქვე არ ვის დავანებებ ცხენებსა-დ რახან მაკვდ, მემრ ჯანაბეთ ჩემ თავიცა-დ ცხენებიც. გალალ ბეწიკამ ცხენები, ამხანიგებმ უშველეს აკიდებას, გატენ თოფიც, გადაიკიდა-დ წამავიდ. გამახყვეს ამხანიგებიცა-დ წამავიდეს ღამით. ღილღო სრუ ღამით შამაიარესა-დ გათენებისად

ოჯახის სათიბეთ გამასცდეს ღილღველთ-არხოტიონთ მიჯნას. მემრ კი დაუმშვიდდ გული ბეწიკაის ამხანიგებსაცა-დ დაუწყევს ქება ბეწიკას. მეორეს დღეს შუადღისად არხოტ იყვნესა-დ ხალხ მადიოდ ბეწიკაისად სახელის მასალოცავად. ის ღილღველი ჩხორეგოელ ყოფილიყვ. დაჭრილ წაეყვან ამხანიგებსა-დ გზაზე მამკედარიყვ. ამხანიგებმ აჩქარებით მიასვენეს მკედარი თავის შინა-დ წამავიდეს ამ მეზავრისად გზის შასაკრავად. გოშტიკაურთას რო გამასცდეს, ნახეს რო არხოტიენებს მალევე გაუვლავ გზაზედა-დ წასულან მშვიდლობით. ეტყობოდ ცხენების კვალს მალევე გავლილობა. აბა, რასად იქმოდეს, ეხლა კი დაბრუნდეს, მაგრემ საბოლოოდ კი ისრ არ ჩაივლიდ ეს სისხლ, რო სამაგიეროდ ერთ არხოტიონ მაინც არ მაეკლ ჭირისპატრონებს.

მაშინდელს ბეწიკაის ნაქნარს სახელზე ლექსები უთხრეს ახალუხალში, სალექსოიდ სიმღერეებიც ჯარზე სამღერალი. ამ სიმღერის ნაწილებ იწერების აქ რაკი ამის ჩამწერიებმ მეტ არ იცოდ:

1.

*ნასრევი ბეწიკაისა დაამტკრევს სპილოს ძვალსაო.
ევ მაგხვდა შენის ჭკვისაი, რას წაიღებდი სხვასაო.
გათენებისად მართმენ ჩხორეგოს ფალავანსაო,
დასტირის ღილღველთ ქალ-ზალი, ცრემლით იხოშვენ თვალთაო.*

2.

*ქალო, ორ შაწუხებული, თოვლი დათოვა მოაზედა,
უნდა დავწყევლა ზაფხულო, თუ არ მაგვიხვედ ხანზედა.
აბეჩავ არხოტიონო, კმაი გაქვ ქვეყანაზედა,
მანგიათ ოსისფერაი გამასერნავდა ბანზედა.
არ იცის სიფუდული, არც სახელთ იყრის მკვარზედა.
არც იცომს ახალს ტალავარს, დაისარტყლების ტეავზედა.
წამავლენ ძაუვ შიითა, მზირი აუღვა გზაზედა.
რა ვინდათ, ცხენის მჭამლებო, რაად ხართ დაცემაზედა,
ჩემთანით ვერას წაიღებო, ნახალიზრებ ხართ სხვაზედა.
ნასრევი ბეწიკაისა აჩქამდა სპილოს ძვალზედა.
ამბობენ ამხანიგები, ცხენებ დავწირათ გზაზედა.
ბეწიკამ გადიხახანა, კელი დაიდვა კმალზედა.
რაიდ ბეწიკა ვიქნები, ცხენებ დავწირა გზაზედა?
ღილღველების გამაქცეულსა ქუდიმც ნუ მხურავ თავზედა.
ბეწიკავ მანგიაშვილო, დაჯდომა გიღირს ჯარზედა.*

*სახელს გილოცვენ სწორები ამხანივთ მეტობაზედა.
გაჯალათ ქალის გაზდილო, გაითქვი გრანიცაზედა.
გლეხობას აღარვინ ვეცევის ე მოელსა ქვეყანაზედა.
შავკდებოდ ჯვარი, მერდალი ლამაზს კულის ტანზედა,
ტანად ხარ სასლად გაზდილი, გულ მაგარ გიძე ქვაზედა.
შენმა მხემ ჩემის ძმისამა, ქალს ცრემლი მამდის თვალზედა.
ქიჩილა მამიტანიდი, გადავიხურა თავზედა.*

გაჯალათ უშიშას მოკვლა დილდველთაგან

ჩამაწერინა ბეწიკა გიორგის ძე წიკლაურმა, 69 წლისამ,
ამლიონმა, 1941 წელს

მანგიათ ბეწიკამ რო დილდველ მაკლ, იმის ახლოვლები დადიოდეს ბეწიკაის მასაკლავად, მაგრემ კვლჩი ვერ ჩაიგდეს. ბეწიკა მთხილად იყვ. კარები-დ საკემებ ისრ ხქონდ გააკეთებულ, რო აქ ღამით ვერას დააკლებდესა-დ დღისით ჭიმღას არცად ას მზირის ჩასასხდომი. ტყე სრუ არ ას აქა-დ სხოთაც სრუ გლუვებ საძოვრებ მთები ხვევაგ სიმირგელივ. ერთხან შურის საძებრად მასულებ რო სხვას ვერას გავდეს, ბეწიკაის ბოსლის კარებ დაადესა-დ ჯარ-ცხენებ გაღალეს ბეწიკაისები. მაშინ სოველ იყვა-დ კალოობდ ხალხი. კალოს საღეწავად შუაღამიდგეს იცოდეს ადგომად-ღამით კალოობდეს. ბეწიკა ამ სოფელში ყველაზე მეტად მუშა-მშრომელი კაც იყვა-დ ყველაზე მალე ადგომა ამან იცოდ. შუაღამე იქნებოდ, რო ადგა მაღალ-ბანზე კალო ჩაუდგ. დიაცს უძახ: ჯარ-ცხენებ ამაღალე. აანთ დიაცმ სანთები, ნახ, რო არცად ჯარები აქა-დ არც ცხენი. ამაკდა-დ უთხრ ბეწიკას, რო ჯარ-ცხენებ ვისამ დაუპარავ – საძროხეს არცადად ასაო-დ კარებიც მღეები ასავ დაწირულებივ. ბეწიკა მიხვდ, რო ეს იმის მტრები იქნებოდესა-დ არხოტის ჭაღაისას გაღალევედეს ჯარებსა-დ ცხენს. სამღევროდ გაბანდული ახალ ჯღანნი ყველას ხქონდ არხოტივებსა-დ, რა თქმა უნდ, რო ბეწიკასაც ექნებოდ. ჩაიცვ საჩქაროდ, აისხ თოფ-იარაღი. მემრ ჭიმღას გატეხ ჳმა: ჯარ-ცხენებ გამიღალესავ. თაოდ ქვე გამაიქცა-დ გამაუდგ მღევრად ქურდებს. ახიელის ძირავ ჩამაეწივა-დ ახიელის ჳიდსთან თოფეს ერთუცი. ქურდებ ყოფილიყვნეს: ჯერნალი, ფარეშათ ოსი-დ ასმათი. ამ თოფვის დროს აირ-დაირივნესა-დ ჯერნალი სხვის გზისას წავიდ, ოსიმა-დ ასმათმ ჯარებ გაღალეს სხვის გზისას. აქ ორ გზა იყვ. ერთ გზა პირდაპირ ჭაღას ჩაივლის არხოტისასა-დ დილდოს ჩავ; მეორე გზაზე, სადაც ჯერნალ წავიდ, იმას ზეთუკისას უნდა გეველა-დ თათველ გადასულიყვ. იქით ღიგანს გაივლიდ, ჩხატათა-დ ტერღას გაივლიდა-დ პირდაპირ დილდოს გადავდებოდ. ამის მგზავრობაზე მემრ გვექნების საუბარი.

ახიელის ძირ თოფვით ღილღვლებმ კარ-ცხენი არ დაწირეს, მაინც იქავ გალაღეს, ამღას სოფლის თავი გადაავლიესა-დ მახხვედრეს პირჩაღმ ცერსა-დ სრუ რბოლით გაიყარნეს არხოტის ჭაღას. ახიელაც კმა გატყდა-დ გამაუდგ მდევარი. მაგრემ მანამ ახიელელნ მამზადებოდესა-დ წამავიდოდეს, ბეწიკა წინ მივიდ ამღას, აქ დედულნი ხყვანდენ, გაჯალანი. ბეწიკა დედულთას მივიდა-დ უთხრ: ღილღველთავ კარ-ცხენებ გამიღალესავო-დ არ არიანავ შორსავ. ერთი უფრო ყოჩად დედიძმიშვილი, ბიძაის შვილი ხყვანდ, უშიშია-დ მასულს ბეწიკას ეს დახვდ შინ. უშიშა საჩქაროდ მამზადა-დ გაიქც არხოტის ჭაღაისკე. სოფელშიაც კმა გატყდ. დაიქც მდევარ, მაგრემ უშიშა წინ წავიდა-დ ვეღარ ვინ მიეწივ. ჩაეწივ ქურდებს არხოტის ჭაღას, ოსის კარ-ცხენებ მიუდიოდა-დ ასმათი შორგვარად უკენ მივიდოდ, რო დაწეულის მდევრისად ჳელ შეეშალა-დ კარ-ცხენების დაწირვა არ მაზღობნიევ.

ძალიან უჩინ (ბნელი) ღამე იყვა-დ უშიშამ არ იცოდ, იმაზე წინ კიდევ ვინ იყვა მდევარში თუ არ. იმას უფრო ის ეგონ, რო ჳიმღიონნივ მალე წამასულნ იქნებიანაო-დ წინ წავიდესავ. ის გულდაგულ მირბოდ, რო წინას მდევარს ხალხს აგებ დავეწივავ, ერთად დავეწივითავ ღილღვლებსაო-დ კარ-ცხენს დავაყრევთავ. გამაქცეულ ერთს იწროს გზაში ვისამ წამაეწივ. გაიგ, რო კაც მივ წინა-დ მდევარ ვინამ ეგონ არხოტიონი. იმან არ იცოდ, რო ყველაზე წინავ მე ორავ, აქავ სხო არ ვინ ასავ. წინ რომენიც კაც გარბოდ, ახლოს მიეწივა-დ ქართულად უთხრ: რომენი ხარავ? ეს ასმათ ყოფილ ღილღველი. უშიშას არხოტიონ ეგონ. „აზ და“ (მე ვარ) თქო ასმათმ ღილღურადა-დ ამ თქმასთან ერთად შამაბრუნებულ თოფიც დასხლიტ. დაღიშნება ჳეე აღარ უნდოდ, ისრ ახლ-ახლოს იყვნეს. თოფ რო გავარდ, უშიშას გულს მარჯვენას მკარეს მახვდა-დ მარჯვენა ბეჭ დაამტვრივ ტყვიამა. ჩაიქც მაშივ. ასმათ ჳეე გაიქცა-დ ოსისთან მივიდ. კაც მამეწივაო-დ მაკკალივ. სცეს ამ კარებსა-დ რაიც ძალი-ღონეი ხქონდ, სრუ რბოლით გალაღეს. მავიდ სხო მდევარიცა-დ უშიშას მაეყუნეს გზაში ჩაქცეულს. ეს რო დაჭრილი ნახეს, ხალხ შახკროთ. ახლა უშიშაის შამაწვენაი-დ წყლის შასმევა, ახლა საუბარი. ამოობაში დრო გავიდა-დ გავიდეს ღილღველებიც სამშვიდობოს. დაანებ მდევარმაც თავი. უშიშაის მამა ჩაჩაური, ბიძა გაგა, სახლისკაცი მამუკაი-დ სოფლელი სულხანაურთ უშიშა გაერჩივნეს ამ მდევარშითა-დ უთხრეს: თქვენავ ეს დაჭრილ კაც წაიყვანეთავ, ჩვენავ კიდე გაუდგებითავ, იქნება ან იმათ დავეწივნათავ, ანავ იმას იქნება ჩავასწვრათაო-დ შაგეხვდესავ. ამღის პირდაპირზე რო კივილით გამაიარავ, ის ვერ იქნებისავ ჳერავ ჩავლილივ. არა და, იქნება ღილღომდინ წავიდათავ შურის საძებრადავ. ისენ პირჩაღმ წავიდესა-დ ხალხმ უშიშა წამაიყვან. ჳერ კი მიზდიეს, იქნება დავეწივნათაო-დ ამჟორიტეს რო გასცდეს, დედუფლისწყალთან დაისვენეს (დედუფლისწყალთ ეძახიან: თამარ მეფე რომ მოსულა ხევსურეთში, ის ყველა წყაროებს წონიდა და ყველაზე მსუბუქი ეს წყარო გამოვიდაო. თამარ მეფემ თქვაო: ეს წყალი რამდენიც უნდა დალიოთ, არ გაწყენსთო – იტყოდენ ძველი არხოტიონები და

ამიტომ ამ წყაროს დედუფლისწყალნი ქვიან. მართლა ძალიან კარგი წყაროც არის). დასვენებულები საუბრობდეს, თუ როგორ მაიქცნან, ღილღოს წავიდანა, თუ მაუცადან იმას იქ, რო ამდის პირდაპირ გამაიარ კვილით. ზოგებ იხი თქვეს, რო იხივ ადარ მავავ აქავ, ამდის პირდაპირ აივლიდავ, ზეთუკას შაჭდებოდავ, იქითავ მთიდმთივ გადავიდოდავ ღილღოსავ, იმას აქ რა უნდოდავ. მაგრემ ზოგებმ იხივ თქვეს, რო იქნება არ იცოდავ იმაზედავ გზაივ, აქავ ჭალაში იქნება სად ჩამავარდაო-დ ჩვენს ჩამავლას ვერ გაიგებსავ, კვალს რო დნახავსავ, თავის ამხანიგებისა ეგონებისავ. ცოტა ხანს კიდე მავიცადათავ, იქნება იღბალმ გაგვიჭრასაო-დ ის ღილღველივ აქ მავვივიდასავ. ამ საუბარში იყენეს, რო მავიდ ჯერნალიც. გაჯალათ გაგამ იცნა-დ უთხრ ამხანიგებს: ეგივ გათქმულ ღილღველი ასავ, ჯერნალიო-დ თქვენ ნუ დაუწყებთავ საუბარსავ, არა ვის შავატყვასთავ. ამდის პირდაპირ რო გამაიარავ, ეგ იქნებოდავ. ბეწიკამ რო მაკლავ, ეგ იმის მაკეთი ასაო-დ მავის გამალავიებული იქნებისავ ის კარ-ცხენიცავ. ისითს გზაში ისხდეს არხოტიენებ, რო ჯერნალ ახლოს გადმეყუდ ზედა-დ ადარცად ხქონდ წასავალი. ჯერნალ რო მავიდ, მაშინ ადგეს ფეჭზე არხოტიენები-დ გამარჯვება უთხრეს ქართულად. ჯერნალმ ქართულ იცოდ, მაგრამ ღილღურად შამაუქცივ გაგიმარჯოსთავ – „მარში ცოვაახალ“. გაგამ კვლის ჩამართმა მაინდომ, სხვებ კი იქითი მაშორებით იდგესა-დ ჯერნალამ კვლ არ მისც; ტყუილად უთხრ: ჩვენ წეს არ ასავ გზაში კვლის ჩამართმაივ. წეს კი იყვ, მაგრამ არ დაენდვ, კვლ რო დამიჭირასავ, სხვებივ თოფს დამკვრენავ.

– სად იყავივ, ჯერნალი? – ხკითხ გაგამ. მარაიზძეივ ჩემ ძმობილიავ, თქვა ჯერნალმ, გავიგივ, რო შვილი ხყვანდავ აოდავ, დღისით მე არ მეცადაო-დ დამი-დამ მავედივ იმის საკითხავადავ (ავადმყოფის სანახავად. მარაიზძე თვითონ ამლიონი იყო, სადაურებიც ეს კაცები იყვნენ და მარაიზძის და იმისი შვილის ამბავი კარგად იცოდნენ. ისიც იცოდნენ, რო მასთან არავინ მისულა და გაუგეს სიცრუე. ვითამ დავიჯერეთავ, ამაზე ადარა უთხრეს. ჯერნალ მაშორებით იდგა-დ თოფ კვლჩი ეჭირა. ახლა ამან ხკითხ, თქვენ საით მაზდითავ? ჩვენავ ნადირობად ვიყვენითაო-დ ვერცარა მავკალითავ – უთხრ გაგამ. ეს ჯერნალმაც იცოდ, რო ატყუებდესა-დ იმათაც იცოდეს, რო ჯერნალიც ატყუებდ. ჯერნალმა ის კი არ იცოდ, თუ იმის ამხანიგებმ გზაში კაც მაკლესა-დ იმის შურის საძებრად იყენეს ესეები. იმას ის ეგონ, რო უბრალო მდევარში ნამყოფებ იქნებიანაო-დ აგებ არ მამკლანავ. ის თუ სცოდნიყვ, რო კაციავ მამკვდარიო-დ ეს ხალხივ იმით ასავ აქავ, ის მაშივ თოფს იჭმარებდ ისით მაგარი-დ ელდა კაც იყვის, რო იმას არა დაესწრობოდ (ელდა: სწრაფი).

ეს საუბარი ძალიან მოკლედ გათავდა-დ „მშვიდობითავ“ – თქო ჯერნალმა-დ გაემართ. შენაც მშვიდობით წაედივ, უთხრ გაგამ. ჯერნალმ ისითმ გაიარ, რო იტყოდ კაცი, მჭრით გაფრინდავ. წამასცილდა თუ არა მააყოლეს იმეებმაც თო-ფები, ჯერნალს თავ ადარ მაუბრუნებავ უკუდმ, ის არ თქონავ, რო ჯერნალს ეშინიასავ. თოფებ რო გაიყარ, აშად

ჯერნალმ კვლები-დ პირქე წაიქც. აი თოფიც კვლშით შორად გაუვარდ. ოთხივ ტყვია მახვედრიყვა-დ იმავე წამს მაკედ. მივიდ გაგაი-დ: უნცროსიმც ხარავ უშიშაისაივ, უთხრ – ჯღანთამც უბანდავ, წყალსამც უზიდნავე. ახლა სხვებმაც მიუთვალეს ეს სიტყვები, უშიშაის უნცროსობა. ჯერნალი ისით თვალ-ტანად კაც იყვ, რო თოფდასაკრავადავ საქერო არ იყვავ, თუ კაცივ მეტისმეტად გაჯავრებულ არ იქნებოდაო-დ ან გულზე არ მავიდოდავ. კიდისყურ თოფვიდგეს რო ჯერნალ ამხანიგებს ცალკე გაეყარ, იმის მიზან ის იყვ, რო მდევარივ მე გამამიდგასავ კივილზედაო-დ კარ-ცხენებივ თავისუფლად გალალანავ ჩემმ ამხანიგებმავ. კივილითაც იმით კიოდ გზაზე მიმავალი, რო მდევარმავ ჩემ კმა გაიგონოსაო-დ აქისკე წამავიდანავ. მაგრემ ხალხმაც იცოდ, რო ის კაცი ტყუილად მივიდოდ იქ, კარ-ცხენ ჭალაზე წავიდოდ, სადაც იმის კმა იყვ. იქ კარ-ცხენების გზა არ იყვ.

ბოლოს ამდის პირდაპირ გზა ვეღარ გაიდ, ჭალაში ჩამასვლაიც აღარ მაუჭერკდ, რაკი იცოდ, რო მდევარ იყვ გამამდგარი. ერთ დიდ ქვაბ წამავედ ჭიმლით სპილენძისა, ჯერ კი ზიდნა-დ რო დაიდალ, დაავდ ისიც გზაში. წავიდ ზეთუკისკე, ზეთუკის წვერზე შაჯდა-დ იქით ვეღარ გაივ, რომენზე უნდა წასულიყვ. იმას მთათას უნდა გაეგლა-დ ღილღოს გადასულიყვ სოფელ შაჯალ, მაგრამ, რაკი გზა არ იცოდ, ზეთუკით პირხაღმ დაეშვა-დ ჩავარდ თათელის ჭალაში. იმან არ იცოდ ამ ჭალაზე გზა იყვა თუ არ, ან სად გავიდოდ კაცი. გამაუდგ თათელის ჭალას პირგაღმ. ამ ჭალაზე გზა არ ას. ისით წვრილ-ტყიანი-დ ნაგლეჯიანი, რო იქ კაცს თავისობას არ გაუვლავ. ჯერნალს რო წასავალ აღარცად ხქონდ, გავიდ თათელისკარ. ჯერნალ რო თათელისკარ გავიდ, ამ დროს გაჯალანი-დ სულხანაურთ უშიშა ჩავლილნ იყვნესა-დ იქ იცდიდეს, სადაც მაუვიდ ჯერნალი-დ მაკლეს. მაკლულის თოფი-დ ხანჯარ-სარტყელიც წამაიდეს. ამ სარტყელს შჭირდ ერთ ნატყვიარი-დ შუას წელში იყვ გაკვრეტილი. ამ სახელის ქნაზე სიმღერეი ას ნათქვამი-დ იმ სიმღერეში ამბობს მოქმელი:

გამამიტანეთ სარტყელი, რასაც შჭირს ნატყვიარიო.

მავიდესა-დ უშიშას ცოცხალსავ უთხრეს, თოფიდ სარტყელიც აჩვენეს, უნცროსივ წავილაღეთავ, იქ დაგხვდებისავ. სახელის ქნაზე სიმღერე უთხრეს ჯარზე სამღერალი:

*ახნავით მზირი გამავა, არხვატს უნდ დავსცნათ ცანიო,
ჭიმლას შამაჯდეს ბანზედა, თვალ შუაღამის ხანიო;
ბეწიკაის სახლთ და ზძევენ, მაგას მიგვიდევს ვალიო,*

გამაუყარეს ჯარ-ცხენი, გამაუდევნეს კარიო,
გამაუდგების მღევარი, დაიძრა მთაი-დ ბარიო.
ბეწია ამლას მავიდა, აქ თუ ხეონ დედოძმანიო.
მამეშველენით, დედულნო, მტერმ დამატანა ძალიო.
ჩაჩაურიშიელ უშიშა, შავარდენია ჩქარიო,
ბრალი ას უშიშაისად, არ ექნა ომის ხანიო.
ჩამაეწივნეს ჯერნალსა ამაგის მამ-ბიძანიო.
უშიშას, სულხანაურთას, უქრის დავლათის ქარიო.
ვიორგათასა მამუკას არწივს აკლიან მკარნიო.
თოფ დახკრეს ღილღველთ დიხინსა, პირქვ დაეფ შენიტა მკედარიო.
ცოცხალს უამბეს უშიშას, მზას გეაგის წყლის მამტანიო.
გამამიტანეთ სარტყელი, რასაც შჭირს ნატყვიარიო.

აღიათ ბაბას მოკვლა ღილღველთაბან

ჩამაწერინა მინდია ოჩიაურმა, 70 წლისამ, ს. ახიელში, 1939 წელს

აღიათ ახალა იყვ მტრისად მიმყოლ კაცი-დ იმის ჯავრ-ი შჭირდ ღილღველთ. ერთხან წამავიდ ღილღველის მხირი ახალაის მუქარაზე. ახალაის სახლ-კარი იცოდესა-დ ღამ-ღამობით, როსაც ხალხ დაწვებოდ, სიმირგელივ უვლიდეს ამ სახლს; ათვალერებდეს, საით უნდა მეეკლ ან ახალაი-დ ან იმის ძმაი. ესენი ქვიტკირში ცხოვრობდესა-დ არცაით რა იყვ მასაჯერკები. ერთ საკვამი ხქონდ, საითაც შაიძლებოდ თოფის სრევა შიგათია-დ ჯერ ერთ, რო მალლად იყვ ეს საკვამი, მეორე, ღამით ამ ქვიტკირში სანთებს არ ანთებდეს, ის კი იცოდეს, რო აქ ვინამ იძინებდ. ორ-სამს ღამეს სრუ უარეს ამ სახლსა-დ ვერას გაკდეს (მაშინ უფრო მამკლავს იძევდეს ან იმის ძმაშინშს, მემრ დაიწყეს ვინც უნდა შახვედრიყვ, ყველაის მაკვლა). ბოლოს გაიგეს, რომ ამ ოჯახში სტუმრებს მავიდესა-დ იფიქრეს ღილღველებმ, რო ეხლა კი გავიმარჯვებთავ. ამ ქვიტკირში სტუმრებს დააწვენენაო-დ მაშინავ მასპინძელიც აქ იქნებისავ; მაშინ დავხკრავთავ თოფსავ. სტუმრებს არაყ-ი ხქონდ მატანილი, სმა იყვ კარგა ხანს. ღილღველებ ახლოს იყვნეს დამალულები-დ ელოდდეს დაწოლის დროს; სადაც სმა იყვ, აქაც საკვმები დაგულვილები-დ გამაგრებულები იყვა-დ არცაით რა იყვ საქნარი. სმა რო გათავდა-დ, გაიყარ ხალხი, გაიგეს ღილღველებმაც, რო ეხლად დაწვებიანაო-დ მამეზადნეს. მართლა სინათლეიც მავიდ ამ ქვიტკირში. ქვიტკირის საკვამს შიგათით ფიცარი ხქონდ მაყუდებული-დ ეს წინავ გამაქანებული ხქონდ ღილღველებს ხანჯრის წვერით. მივიდეს საკომთან, ერთი ფეკზე დადგ, მეორემ იმის მკრებზე დადგ ფეკები-დ აისრ ასწვდ საკომთანამდინ. ნახეს, რო აღიათ გავა, ახალაის ძმა, ამახყოლიყვ

სტუმრებს დასაწვენად. მანამ სტუმრებ არ დააწვინ, არ ესრიეს, არამც სხვას ვის მახვდასავ ტყვიავი. როსაც დახურ სტუმრებსად აქათი გამაიარ, მაშინ დაღლიშნ თოფი კაცის მჭართაზე ნადგომმ კაცმა-დ გაგას იღლიის ძირში დახკრ ტყვიად მეორეს იღლიის ძირში გაღვარდ. იქავ დაეფშენიტად ამაუვიდ სული. ღიღღვლებმ ის კი გაიგეს, რო გაგა ჩაიქცად ის კი ვეღარ გაიგეს, მართლა მაკვდ თუ დაჭრიდ დარჩ. დაიქცნეს ღიღღვლები, არავის წყალათ გაიყარნესად მზისპირ სოფლის პირდაპირ კორომათ ჩასხდეს, აქით სოფელ კარგად ჩინსად გავიგებთავ, თუ მაკვდავ, მატირალ მავავ.

ხალხმ თოფის ჳმა რო გაიგონ სოფელში, გატყდ ჳმაი; გაიგეს, ღიღღველთავ გაგა მაკვესად-დ ჳალაისკე წამავიდ მღევარი, მაგრამ აქ რას მახკველევდეს, ღიღღვლებს საჭალაოს გზაზე არ გაუვლავ, ისენ მაშივ მზისპირ გაიყარნესად კორომათ შაკდეს, იქ დაიძინეს კიდეცად მეორე დილას ნახეს, რო ჯერ სოფელშიით მავიდ მატირალი-დ, მემრ თემშიითაც დაიწყეს მადენა. მაშინ მიხვდეს ღიღღვლებიც, რო მაგვიკლავავ. ადგესად იმავ დღეს წავიდეს მთიდმთივ.

ალიათი ახალა

ჩამაწერინა მინდია ოჩიაურმა, 70 წლისამ, ს. ახიელში, 1939 წელს

ახალა წინავ თუ სახელის გულისად დავიდოდ ღიღღოს კაცის მასაკლავად, ეეხლა გამწარდ ძმის მაკვლაზედა-დ დაიწყ შურის საძებრად სიარული. ჯერ ჩხორეგოს წავიდ, იქ ჩაუსაფრდ გზაშიად დილას გზაზე მიმავალს ჩხორეგოელს დახკრ თოფი. მემრ იმას ძმები დაში შურის საძებრად. ერთმ ძმამ დაინატრ რო თვალითამც მაინც მანახვიავ ახალაი-დ მემრავ, თუნდა უიარალოიც ვყოფილიყავივ, ე კაცნ გაიგებდესავ, რას უზმოდევ იმასავ. ახალაის მამა მგელა წმიდა კაც იყად ჯვარ ჳელზე მაუდიოდ. შვილიც, ახალა, იქავ ჯვარის ჳელკაც გამავიდ, ჳელზე კი არ მაუდიოდ, მაგრემ პირად კი ეუბნებოდ ჯვარი; ღიღღველმ რო ინატრ ახალაის შახვედრაი, არხოტის ჯვარი გაწყრად იარაღიან შახვედრ ის ღიღღველი, რომნისაიც ძმაი ხყვანდ ახალას მაკლული-დ ახალაის შაყრას ნატრობდ. არხოტის ჯვარმ ამ ღიღღველს სრუ უამკარ აურივად თოფის მბრუნებაიც ვერ მააკვრკ ახალაისკე; ახალამ მაუბრუნ თოფი-დ ეს მეორე ძმაიც იმაშიავ მაკლ. მემრ სხვებს ძმებს უთხრეს, რო თავ დაანებეთავ ახალასავ, თორე მაგასავ არხოტის ჯვარი ხყავავ მწყალობელი-დ ვერას გამაშხებითავ, იქავ თქვენ დაგაზარალებსთავ. მემრ დაანებეს თავი ახალაის ძევასად სამაგიეროდ სხვებზე იძიეს შური.

ახალამ იცოდ, რო გაგაის მაკვლაში ხამხელ შითურა ეტან. შითურა სახელგათქმულ ღიღღველ იყვ. უძღვებოდ მზირს, ხალხსაც ჳოცდა-დ ჳარ-ცხენსაც იპარევდ. სახელიც ესეთს კაცს ხქონდ მაშინ ღიღღოს. ახალამ იარ შითურაის

მასაკლავად, მაგრემ ვერცად ჩაიგდ ჳელში. სოფელ ხამხაიც ისეთს ალაგში ას, რო იქ მისვლა მარჯვე არ იყვ. ეს სოფელი შუას ღიღლოს ასა-დ სიმირგელივ სხო სოფლები ხვევაჲ. ბოლოს რო მაინც ჳელში ვერცაით ჩაიგდ შითურაი, გადასწყვიტ სოფლად მისვლაი, ის კი მაეკლაო-დ მემრაჲ, რაიც გინდა მამივიდასაჲ. წავიდ ხამხას. სოფლის სათავეში ღვიიან ალაგი ას, ღამით მივიდა-დ ერთს ღვიათ ძირში შადვრ. ისითს ალაგში ჩაჯდ, რო სოფელს ზედ ჩახედევდ. მოელ დღე ამ ღვიათ ძირში დაადამდ. ნახ, რო შითურაიც სოფელში ასა-დ წითელ ქუდი ხურავ თავზე. ახალამ იცოდ, რო ხამხას საფეხენო სოფლის პირში ხქონდა-დ ისიც იცოდ, რო დილა-წუხრ ხალხი სრუ საფეხენოში ისხდ. დაწუხრიხანდა-დ ჩამახყვ ახალაიც ბნელის პირთ. მეეპარ საფეხენოს გვერდზეით. ნახ, რო შითურა ფეხენის ბოლოში ფეკზე დგასა-დ უამბობს რასამ ხალხს. დაადვ ღიშანი ახალამა-დ თოფ რო გავარდ, გაეფშენიტ შითურა მიწაზედ. ახალა კი გადახტა-დ პირჩაღმ გაიქც. ხალხი მდევრად იქისკე დაიქც, სადაც ახალა-ი ნახეს. ახალა ჯერ პირჩაღმ გაიქც, მემრ აუქცივ მჭარი, პირაღმ წავიდ. ზედ უჩინ ღამე დაესწვრა-დ ველარა გაიგეს ღიღღვლებმ, საისკე გაუქრ. ჯერ კი მაზდიესა-დ, რო ვერცად მაკელეს, დაანებეს თავი. ის კი სრუ მთათას წამავიდა-დ მაგიდ არხოტ. არხოტ მაულოცეს სახელი-დ სიმღერეიც უთხრეს ჯარზე სამღერალი. სხვებ სიმღერებიც კი ბევრ იყვ ახალაზე ნათქმები, თავკმელად სამღერლებიცა-დ ფანდურზე სამღერლადაც.

1.

*ვეესურებ, არხოტივნებსა ხალიზს რად უღვეთ ცღისასა?
სათავეს რად არ დასხემდით, კოშს დაურიგებთ რვლისასა.
ახალა მგელაიშვილი სიზმარს ღნახეგდა ცღისასა.
ცოლი დაუცხოებს საგძალთა, მგელ წაოს მაღლის მოისასა.
ხამხას ჩავიდა სოფლადა, დისწულ რო დედიძმისასა.
შითურავ, გადიდებულხარ, ჳელთ მაგცემ შენის ჳკვისასა.
აეხლად ველარ წაუხოლ ნასრეესა ვირიძისასა.
თოფ დახკრა შუას ფეხონში, ნამტვრევს გაიტანს ძელისასა.
ამანდით გამაბრუნდების, ვეფხე წამავიდა მოისასა.
აუტყდა მძიმე მღვეარი, კვალს ვერ მახკელვენ მგლისასა.
შინ მასულ ცხვარსა დახკლევედა, რიგს იქამს პირიკსნისასა.
მეზობლებს გაავებებებს, სულს აკსენებდა მკედრისასა.
ქება შახკდების ახალას, მაქმედსა უქნარისასა.*

2.

*ახიელ არწივ გახდილა შავარდენტ ნაბიჭვარია,
უწოვაჲ ქრისტის დედაი, განთა კორცივლის ქალია.*

ახლას მგელაიშვილსა პირად ეტყოდა ჯვარია,
უშიშრად ჩამაიარა იწრო არხოტის წყალია.
დიღღველთ მემეტეს თოფ დახკრა, ფეკთ-ძირ გათელა მკვდარია.
ვაგაისადამც იქნები, ყოფილხარ შაშადარია.

3.

ახლა მგელაიშვილი კაც დაიბადა სხვაფერი,
დაბადების დღეს გამახყვა მარჯვენას მკარზე სანთელი.
ახლას, არხოტივნებო, ქალ აურჩიეთ საფერი,
ცოლმ რო დაუცხვნას სავძალნი, დალაკნას ვეფხემა მთა-წვერნი.
თელს ნუ დაუღვევ დიღღველებსა, გეყვა მავოდენ სახელი.
ბევრჯელ შაღებუ წითლადა წყალი ჭალაზედ ნადენი.

ახლა მტრისად მიმყოლ კაც ხო იყვა-დ სოფელშიაც დიდ კითხულ კაც იყვ. არხოტის ჯვარის კვლოსან იყვა-დ იმის უკითხავად არხოტ არა გაკეთდებოდა. ამაში ჯვარიც კვლს უმართვედა-დ თაოდაც ძალიან კაად აჩნიყვ არხოტივნებს. მტრისად მიყოლასთან ერთად, მენადირეიც ძალიან იყვა-დ ცოცდ ნადირს, ხოლოთ ჯვარმ რაც კვლ დაზღვ, მემრ კი დაანებ თავი ნადირობას. მარტო მტერს კი მიხყვებოდ. ამას არც ჯვარ უშლიდ.

ბაბუშური ალუდაური

ჩამაწერინა ალეკა ოჩიაურმა, 90 წლისამ, სოფელ ახიელში, 1925 წელს.

არხოტივნებს სისხლ ემართ სოფელ გოშტიკაურთას მცხოვრების დიღღველისა აკდოლაისა. აკდოლაისად ალიათ ახლას მაუკლავ ძმაი-დ ბევრ უწვალეებავ იმასაც, ახლას მასაკლავად ბევრ უვლავ, მაგრამ ვერას გაკვდ, რაკი ახლას არხოტის ჯვარი ხპატრონობდა-დ იმაზე მტერს არ გაამარჯვებებდ. ბოლოს აკდოლამ გადასწყვიტ, რო რაკი მამკლავ ვერ ჩავიგდივ კვლჩიავ, ეხლად ვინც უნდა არხოტიონ შამხვდასავ, მავკლაო-დ შავსწირავ ძმასავ. შაყარ ამ დიღღველმ მზირი-დ არხოტის ჭალას ადგილობრ ჯარაის წყაროთ ჩაუსხდეს. ჯარაის წყარო არხოტის სოფლებსთან შორს არ ას. ისეთს ადგილზე კი ას, რო საბოსლოს ტანიეს მიმავალ გზაიც ამაზედ გაივლისა-დ სხოდაც შეშაი-დ ყველა მასალა ხე-ტყისა აქით გააქვ არხოტივნებს. აკდოლამ რო მზირ მაასხ, სწორად ამ დროს ჯარაის წყაროს სახლის ხეები ხქონდ მადლით ჩამატანილები ალუდაურსა-დ იმის ძმას მინდიას. მესამე ახალგაზდა თავისავ სოფლელი ხყვანდ თან გაყოლებული,

პატარათ მანგია. ეს სამ კაცი ჯარაის წყაროთ ხეებს ამზადებდეს სოფელში წამასადებად. გძლებს ხეებს შჭრიდეს, ქერქს აყრევდეს, ცხვირევდეს საუღლის გამასამბელადა-დ ჳართად მასამბელად. ესეებ ამ მუშაობაში იყვნეს გართულებ, რო ავდოლა თავის ამხანაგებით მიეპარ ახლუაში, ესრიესა-დ მინდიას დახერეს ტყვია. მინდია რო ჩაიქც, გაიგეს დილღვლებმ, რო დაგხკართაო-დ პირჩაღმ დაიქცნეს. აღუდაურმ რო ნახ თავის ძმა ჩაქცეული, გაიქცა-დ არხოტის წყალს გაქცეულ გაფრინდ; გახყე პატარათ მანგიაიც. რო გადაჩინდეს ჯარაის წყაროთ იქითი, იქ გზა ჩაღმ ცერად დაუხვევდა-დ გძელ ჭალა გადიოდ. აღუდაურმ გადახენა-დ იქ არცად ვინ ას, არცად იმთვენ ხან იყვ გავლილ, რო ეს ჭალა გაეთავ გაქცეულს დილღვლებს. თუ არა, სად წავიდესავ, დაფიქრდ აღუდაური. ამ დროს გამავარდ თოფი-დ ტყვია აღუდაურის საპირისწამლეს მახვდ გულზე ნაკიდებს. საპირისწამლე რქისა იყვ გაკეთებული-დ ტყვიამ ზეთა გვერდ დაამტვრია, მეორეს კი ველარა დააკლ. აღუდაურს ტყვია ისითს მაგარი ძალით მახვდ, რო ტან დაუძრა, ტოტზე დეეც. წინწინ ვერც თაოდ გაიგ, ტყვია ჳორცზე მახვდა თუ არ. რო ჩახენა-დ ნახ საპირისწამლე დაუმტვრევაავ, გაიგ, რო არაი მჭირსავ ტანზედავ. დილღვლებს კი ის ეგონ, რო ჩაიქცავ, მაკკალითავ ეგიცავ. ადგეს საყუნშიითა-დ დაიქცნეს შინისკე პირჩაღმ. მაუბრუნ აღუდაურმაც თავის ჳირიმი-დ თოფ რო გავარდ, ავდოლა წაიქც. პატარათ მანგია მხეებს დილღვლებს ესრივ, მაგრემ იმათ მაასწერესა-დ მალე კლდეს მაეფარნეს, გოშტიკაურნი იქავ ჩასაფრდესა-დ დაანებ აღუდაურმაც თავი, რო გაიგ ერთ კაც ქვე მაკკალივ. მემრ დილღვლები შაუსხდეს მჳარსა-დ დაჭრილ ავდოლა წამაიყვანეს. მანგიაი-დ აღუდაური მინდიასთან მივიდესა-დ ნახეს, რო იქავ ცოცხალ იყვ, უთხრეს რო ერთ დილღველივ ჩვენაც მაკკალითავ, შამავწირეთავ. მინდიასაც გაუხარდ, რო მტრის ჯავრ არ გახყვ საიქიოსა-დ მისულს უნცროსიც მზას დახვდებოდ. აღუდაურ მინდიას დაუბრუნდა-დ მანგია არხოტ წამავიდ ჳმის გასატეხლად. მივიდ არხოტიონ ხალხი-დ წავიდეს აღუდაურის ნასრევში. ნახეს, რო ტყვიის გატანილი ფირტვის ნაგლეჯებ-ი ხყრავა-დ სისხლით მასვრილი იქაობაი. ჩამახყვ ხალხი სისხლის კვალზედა-დ მაჭველეს ამჳორიტეს ტყის პირში შამაწოლილ ავდოლა ცოცხალ მკვდარი. ამხანიგებს იქამდინ კი ევლივა-დ იქ ტყის პირში დაეწვინ, რო აღარ თაოდ შაზძლებიყვ იმის ვლევაი-დ არაცად ავდოლას ხქონიყვ დონე. დილღვლებს ისიც დგონებიყვ, რო აქამდინ არვინ გამავვიდგებისავ მდევრადავ. ხვალ მკვდარს წავიღებთავ, თორე ისი სასიცოცხლეო კი აღარ ყოფილიყვ.

ცოცხალ-მკვდარ რო მაეკველ, აღარც არხოტივნებს დეეკრ, ეგივ მასარჩო აღარ ასავ. მაბრუნვილიყვ მდევარი. მეორე დღეს ავდოლა მკვდარ წაედ დილღვლებს. აღუდაურს ეს დიდ სახელად გაუვიდ ჳევსურეთ. ულოცევედეს სახელსა-დ უზიდევდეს პატივს, სადაც ჯარზე შახვდებოდ სმაში. ეუბნებოდეს ახალ-ახალ სიმღერებს,

თავკმელად შასამღერნებსაცა-დ ჯარზე ფანდურზე სამღერლებსაც. ამ სახელის ქნით იმათ ჩამამავლობა დღესაც ამაყობსა-დ სახელიან გვარად სთელიან თავს. ეხლანდელ ხალხიც აღუდაურის შვილ-შვილიშვილებს უმღერენ აღუდაურისად ნათქვამს სიმღერებსა-დ ლოცვენაც ლუდიანებს თასებს აღუდაურისად. იმისად ნათქმების სიმღერების მღერა იმის შვილბოლოსაც ახალიზებსა-დ თავს აწონებს, ესეთის მეომრის შვილბოლოობით.

*ქავის კარ რა ამბავია, დილას ამაეს მზისასა.
გაბუერთ მზირი აუდვა, ჩამატეხნას ღვაე ცისასა.
ბრალი ას მინდიაისად, ხანს არ აძღვევენ ცდისასა.
კუთხის კუდაის ჩამაშლა, ბეჭნ რო მიანდუნა ქვიშასა.
ზედ დაშნა აღუდაური, დაელნებას ღვაე ცისასა.
გაქცეულ გამაფრინდების მაგ წყალსა არხოტისასა.
აკდოლას ჩამახკიოდა: „ველთ მაგცემ შენის ჭკვისასა“.
გაქცეულ ვერ გაეხვეწებ ტყვიასა ვირიმისასა.
თოფი დაგაყრის წამალსა, ტყვიას ზედ დაგკრავს ისარსა.
ბარაქელ აღუდაურო, გმინვას არ ხეურობ ძმისასა.
ჯარაის წყაროდ გახფრინდი, გაუფრინდომსა სხვისასა.
გოშტიკაური დოლაი ტოტით თხრის დაბლა ქვიშასა.
ჩამახყევ აღუდაურო, ნათოზსა გულ-ღვიძლისასა,
მახკვლაე ამჟორიტესა შასაფერს შენის ძმისასა.
აკდოლას გოშტიკაურსა, უკულმ მლოცავსა ხთისასა.
დაბრუნდი გაბუურის ძევ, ნაპირს ამახყევ წყლისასა.
ქება ნიაღვ შავგდების, იმაე დღეს მძებნელს ძმისასა.*

ულაკაურნი

ჩამაწერინა აპარეკა გოგოჭურმა, 47 წლისამ, ს. გუროში, 1938 წელს

ქისტებმ მაკლეს ულაკაური-დ დარჩეს ცო-ცოტეები ობლები ხოლიგაი-დ იდუა. ეს ყმაწვილებ ცო-ცოტებ იყვნესა-დ ულაკაურის სახლისკაცებმ იძიეს შური. მაკლეს სამაგიერო ქისტი. მაგრემ ეს ყმაწვილებ რო წამაიზარდეს, ხალხმ იქავ ყვედრება დაუწყ, მამა მაგიკლესთაო-დ, მაშინ თუ ყმაწვილებ იყვენითავ, ეხლა ხო დიდებ დაიზარდენითავ, რადარ თქვენაც მახკლავთავ. თქვენებმ სახლისკაცებმ რო მაკლესავ, თქვენ მაშინ ცოცოტეებ იყვენითაო-დ ახლა დროი ასავ, თქვენაც მახკლათავ; თუმც ამათ კი აღარა სირცხვილ ედგ – ხო მაკლეს კაცი, თუნდა იმათ მაკლა-დ თუნდა იმათ სახლისკაცებს, სრუ ერთ იყვ. მაგრემ ცუდის ხალხის ენა ცუდის მეტს რას იტყვის. კიდევ შააგულიანეს ეს ახალგაზდები შურის საძებრად წასავლად. ხოლიგა კი უფრო წარმამდგარ ახალგაზდა იყვა-დ იდუა კი თოთხმეტ-ხუთმეტი წლის ყმაწვილი იყვ. ამათ ერთ შინში (ბიძაშვილი) ხყვანდ აპარეკა. მაუვიდეს აპარეკას, რო ხალხ გვაყვედრებსავ; მართალიავ, მამაშჩვენე ნაძებნიავ, მაგრემავ ხალხ მაინც არ ისვენებსაო-დ წასვლას ვაპირებთავ შურის საძებრადავ, შენაც თუ იტყვიო-დ წამახოლავ, თუ არა მემრ ნუ იტყვივ, რო რადარ მიაც გამაგებიეთავ, რაად წახვედითავ უჩემოდავ. აპარეკამაც უთხრ: აბა თუ იქავ გვაყვედრებენავ, წავიდათაო-დ კიდევ მაკლათავ, მავიშორათავ ხალხის საყვედურივ. მამშადნესა-დ წავიდეს, იდუამ წინ-წინ მაშინ შაირტყ კმალი, სადილდოოდ რო მამშადნეს, ჩაჭდ ყვერფშია-დ დედას უთხრ: დამიაზრეო დედაო, არ მკდებისავე კმალივ? შვილო, კმალ კი გკდებისავ, მაგრემავ ცუდს გზახე მიზდითაო-დ მეშინისავ, მტერმ არ გაზარალნასთავ. ეჰ, დედავ, უთხრ იდუამ, – ხალხ გვაყვედრებსა-დ სირცხვილიანის სიარულს სიკვდილი გვირჩევ, რო ქვეც მაკვდათ, აბა რა მიწათ დავსწოვო.

ეესრ მემშადნეს, აისხეს იარადი-დ, წამავიდეს სამზირლად მითხოსკე. მივიდეს იმ სოფელსთან, სადაც მამის მამკლავთ გვარ ეცოდინებოდ. სოფელში არ შავიდესა-დ ბასოხ (ადგილის სახელია ბასოხი) კიდსთან ჩაუსაურდეს ტყეში. ელოდდეს, რო ამ სოფელელივ მგზავრად ვინ გამაივლისაო-დ იმას დავხკრავთავ თოფსავ. ელოდესა-დ ერთ დღეს ამ კიდზე თოფ-დასაკრავ კაც არვინ შახვდ. სრუ ხნიერები-დ დიაც-ყმაწვილ მიდ-მადიოდა-დ იმათ ხო არ ესრევდეს თოფს. იმ დამესაც იქ დარჩესა-დ, მეორე დღე რო გათენდ, თქვეს: ვინაც უნდა შავგხვდასავ, დავხკრათავ თოფივ. მეორე დილას მზე რო მავიდ, სოფელშიით გამაუშვეს ცხვარი-დ ერთი ახალგაზდა წყემს გამახყვ. წინ ცხვარ გამაიყარა-დ მემრ წყემს გამაჭდ კიდზე. გადაუსხეს თოფები-დ, რო თოფებ გაიყარ, ჩაიქც წყემსი-დ გადავარდ კიდისყურთან. ულაკაურნი დაიქცნესა-დ კიდ ჩაავდეს; ეგონ, კიდ თუ ჩავავდითავ, ქისტებივ წყალში ველარ გამავლენაო-დ მდევარ ველარას დავგაკლებსავ. თოფის კმა გაიგონეს ბასოხა-დ

გატყდ კმა სოფელში. გამაუდგ მდევარი. ისენ წამავიდეს კი, მაგრამ იმ იმედით, რო ღილღვლებივ კიდზე ვერ გამავლენავ. აჩქარებით არ წამავიდეს. მაგრამ წყალ არ იყვ ძალიან დიდი-დ ერთსხვის ძალით მდევარ წყალს გამავიდ. ულაკაურნ ჯერ სამნივ ერთად მიდიოდესა-დ, რო გაიგეს, მდევარივ წყალს გამავიდავ. აპარეკამ უთხრ, ეე გორი-გორ წავიდათავ. აქ ერთი ცოტა ტყე იყვ. ტყეში ნუ შაოლთავ, თორე წინ მაგვასწრობენავ. გორი-გორ წასულებივ ქვე არ მაუტევთავ ახლოსავ. გორზეითავ ვლნახავთავ მდევარსაო-დ ახლოს არ მაუტევთავ. იღუამა-დ ხოლიგამ არ გაუგონესა-დ ტყეში შავიდეს. აპარეკას მდევარ ჯერ კი გამაუდგა-დ, რო ვერა დააკლეს, დაანებეს თავი. იღუასა-დ ხოლიგას კი მაასწვრეს წინა-დ ისრ შამაიმწყვიდინეს შუაში, რო გასავალ აღარცაისკე მისცეს. ერთკნით რო დაუწყეს თოფვა, სხვაკე წამავიდეს, სხვაკნით დაუწყეს თოფვა, სხვაკე წავიდესა-დ ნახეს, აღარცად იყვ წასავალი. თაოდაც კლა დაუწყეს თოფებს, მაგრემ ჩასაფრებულს ხალხს რას დააკლებდეს. ამ თოფის კლაში ხოლიგას დახკრეს ტყვიად-დ მაშივ მაკვდ. იღუას საყუჩ აღარ ხქონდა-დ თავის ძმა დაიდვ მკვდარი საყუჩადა-დ იმაზეით დაიწყ სრევა. ჯერ კი ისრივ იღუამაც თოფი-დ დახკრეს ამასაცა-დ ჩაიქც ძმაზედა-დ მაკვდ ისიც. ღილღვლებმ რო დაიჯერეს, რო ორნივ დაგხოცენითავ, მივიდეს, ახყარეს იარაღიდ, თრით მითარნეს კიდსთანამდინ, კიდსთან წახყარეს ტალავარი-დ საბლით გადააბნეს ერთუცსა-დ ტიტვლები გადახკიდნეს კიდზე. ეს აპარეკამაც გაიგ, რო შინშნ დამიგოცნესავ, მაგრამ აბა რასად იზმოდ, იმასაც მახკლევდეს. წამავიდ აპარეკაი-დ გუროს მაიტან ეს ამბავი. გუროვლებ წავიდეს მკვდრების მასატანად, მაგრემ მანამ საკსარ არ მიატანიეს ღილღვლებმ, აღარ დაანებეს თავის მკვდრები. საკსრის მიტანამდინ არც კელ ვის ახლებიეს, მკვდრები კიდზე ეკიდ. იმის გულისად გუროვლებმაც საკსრის მიტანა არ დაავიანეს, რო თავის მკვდრები არ ემეტებოდ ესრ ყოფილიყვ. საკსრის მიტანიდგეს წამაიდეს მკვდრები-დ სამაგიერო სისხლის აღებაიც იმათ სახლისკაცებმ არ დაავიანეს.

ამ ულაკაურთ ომზედა-დ დავოცაზედ სიმღერებიც ას ნათქმები, ჯარზე სამღერლად:

- რა ამბავია, ვაუებო? რა წყრომაი დგას ხთისაო?
- ველობა გაუბედავის ულაკაურის შვილთაო.
- შინშ გახყვა აპარეკაი, მაგრა მჭერელი მკრისაო.
- შავად იღებნეს მასკვლავნი, მოვარეც შავს იცომს პირსაო.
- ჩამაიარეს ჭალაი, ბასოხ ჯავრი შჭირს მტრისაო.
- წყემს თოფის ბოლში ახვიეს, მანძილა დასცეს რქითაო.
- დაბრუნდეს ნასახელარნი, კიდ კი ჩაავდეს წყლისაო.
- მატყუვდეს სიყმაწვილითა, წყალ დიდი არ მადისაო.

ეგ ვერ დაიჭერს მდევარსა, ქისტებ შიგ გამადისაო.
ომობენ ულაკაურნი, ბძანება იქნა ხთისაო.
წინ-წინ ხოლიგას დაუკრეს, ხანი არ მისცეს ცდისაო.
მთით ჩამაბრუნდა იღუა, ნდობა ძნელია ძმისაო.
ყელჭრელსა იღუაისას კვამლი სულწუხად ზდისაო.
ეგ უფრო საკვირველი ას, ძმას საფარ ხქონდას ძმისაო!
ღმერთო რა დიდი ბრალია, კიდს დაკიდება მკვდრისაო!
შინ წაედ აპარეკაო, წასვლა წესია მოლისაო.
დედას უამბე ამბავი ჩვენი-დ ქისტების ცდისაო,
ვინ ეტყვის მაგათ დედასა? მალოდინ ნუ აქვ შვილთაო.
ამაგათ დებს კი უთხარით, ნაჭაპნ მაიჭრან თმისაო.
ამაგ სიმღერის მათქვამი არხოტ წინგარდას ზისაო.
მეწადა შაწუხებულსა შამახენება მთისაო.
ქარმ მაიტანა ამბავი მაგ ულაკაურთ ცდისაო.
გამამიტანეთ ხანჯარი, ნაქონი ღილღვლებისაო.
არ მამცემთ, არ მეწყინების თექვენ უფრო შაგვდებისთაო.

2.

„ამბობენ ულაკაურნი, შური გოქვ საძებარიო,
ნაძებნ გვეოვ ულაკაური, კიდევ გვიხედვენ სხვანიო.
ბასოხ კიდის პირ თოფ გადის, ურჯულოს შაზდგეს ზარიო.
ომობენ ულაკაურნი, სრუ იძვრის მთა და ბარიო.
ნაომარს ამაგათასა, თვალით ვერ ღნახვენ სხვანიო“.

გუროელთ ხარების დაპარვა ქისტებისგან და მისი ამბავი

მიამბო და ჩამაწერინა თორელ გოგოჭურმა, 40 წლისამ,

სოფელ გიორწმიდაში, 1936 წელს

ქისტები-დ გუროელები წინიდგესავ არას ზავზედ იყვნეს. ხან ერთუცს კოცდეს, ხან ხპარევდეს ერთუცს ქურდულად, ხან ეცემოდეს ქისტებიდ, ძალით იტაცებდეს ცხვარსა-დ კარ-ცხენს. ერთხან დასაცემლად მასულებმ მააკერკესა-დ გაღალეს გუროელთ კარები მთაში ნადგომები. კარები გაღალეს ოცზე მეტი, ვერც გაიგეს გუროელთ მეორეს დღემდინ. მეორეს დიღას მეკარავნემ მალედ გაიგა-დ ჳმა გატეს სოფელში. სოფელში დაიქც მდევარი. გახყვეს კარავნის კვალს (სხვას დროს ესრ გაბედულად მდევრის გაყოლა ანდრეზ არ ას, მარტო ერთხან კადუელნ გახყვეს ღილღომდინ კარებსა-დ მეორედ გუროელნი. სხვას წვრილმანს საქმეზე კი ბევრიდ

გახყოლივა-დ ასეთს დამცემს ხალხს ვერვინ სწონდ ამთვენს). გახყვეს გუროელნ კვალს, კვალი ისართლელისას წავიდა-დ არხოტის ადგილში ტანიეს ჩავიდ. აქით აიარ ლარტანის გორი, საჯარის დელე გაიარ, ბისნა გაიარესა-დ ჩორეს გადავიდ. ჩორეხით ჩაიარა-დ ნეთხის კარისკე წავიდ. ეს ისეთ მაღალ მთები გადავლილ, რო უცხომ რო ნახას, არ დაიჯერებს, თუ ამ მთების გადასვლას ჯარებ შახძლებს, ჯერ გვერდალ კლდიან მთებია-დ, მემრ შორი. არც ვინ იმას დაიჯერებს თუ დილდველთ ამდენ აღმა ჩადმა ავლიესა-დ თან გუროელნ მიხდევდეს. ერთს დღე ღამეს იდინეს ჯარებმა-დ გუროელნ კი დილას წამასულები წუხრ მიეწივნეს ნეთხისკარ.

გუროვლებმ აქ დასახელებული მთა-კლდეები ჯარების კვალზე იდინეს; თან-თან ატყობდეს, რო კვალი ახალი იყვ. ბოლოს ისრ ახლოს მავიდეს, რო ჯარები სადაც წყალში იყვ გასული, წყალ აღარ იყვ გამშრალი წყლის პირებში. დილდველებმ ნეთხის კარ მოლაღეს ჯარები-დ ბალახიანში გაუშვეს. თაოდ აიარესა-დ კლდის თბესთან დასხდეს დასასვენებლად. ამ დროს გადაჩინდეს გუროელნიც ოცამდინ კაცი-დ ნახეს თავის ჯარები. გუროელნ რო მავიდეს, ნახეს დილდველებმაც. ჯარებს თავ დაანებესა-დ წავიდეს გორისად მასატოლებლად. ეს გუროვლებმაც ნახესა-დ ერთ ახალგაზდამ თოფის სრევა მაინდომ ქურდებისად, მაგრემ ამხანიგებმ უთხრეს: არ გვინდავ კაცის სისხლის დაღვრაივ, ეს ჯარებ ხო დაწირესავ ესეებ გავლაღათავ. ამ საუბარში გამავარდ თოფი-დ სწორად იმ ახალგაზდას მახვდ ტყვია, რომენიც იმათ თოფვას მაითხოვდ. ტყვია გულში მახვდა-დ იმავე წამს მკვდარ დაეც დაბლა. გაიგეს ქისტებმაც, რო კაც მავკალითავ, გაიქცნეს მანამ გუროელნ ესრევდესა-დ გორს ამეტოლნეს. აღარც აქ დადგეს, გასწიეს ტყედატყე-დ წავიდეს დილდოსკე. გუროვლებმ ჯერ კი ვერ მიიწონეს ჯარებსთან მისვლა, ზოგებმ თოფებ გადაუსხ იქისკე, სადაც დილდველებ გადაეფარნესა-დ ზოგებმ ჯარებ გამაღალესა, გამაყარეს წყალს. გააკეთეს საკაცი-დ წამაიდეს მკვდარი. მეორეს დღეს ტანიეს მივიდესა-დ მესამეს დღეს ჯარებიც გუროს მაღალეს.

იმედაის შვილს, მაკლულს, ერთ უნცროს ძმა დაშჩა-დ ერთი ახლოელ სახლისკაცი. ესეებ ჯერ კი ძალიან ცოცოტეები იყვნესა-დ ერთ-ორი წლიდგე შახძლეს იარაღის კელჩი აღებაი-დ სამზირლად წასვლა. ამათ მამ-ბიძები მაღეუ დატოცილები ხყვანდა-დ ობლები იყვნეს დაზდილები. თექესმეტ-შვიდმეტის წლისებ რო დაიზარდნეს, ტუჩათ-ნიკოი-დ იმედათ ბატუჯა წავიდეს ქისტეთში შურის საძებრად. იმათ ისიც გაიგეს, რო ამათ ძმის მამკლავი სახანოელ კაც იყვ. მივიდეს ღამიღამა-დ სახანოს სოფლის პირდაპირ ჩასხდეს ტყეში. თავის მამკლავისა სახლ-კარიც კარგად იცოდესა-დ კაცსაც იცნობდეს. უყარაულეს მამკლავის სახლთა-დ, აქით რო არვინ გამავიდ, მამკლავის შინშს დააშალეს თოფები კარში გამასულსა-დ დაჭრეს. იმათ კი ის ეგონ მაკვდაო-დ, ქისტ რო დაიჭრ, დაიდგ, აღარ დაიძრ, რო მკვდარ ვეგონეო-დ აღარ მესრევენავ. მართლადაც ამ ყმაწვილებს მკვდარ

ეგონა-დ აღარ ესრიეს. ადგესა-დ წამავიდეს მითხოს ჩდილისას პირადმ. ამ თოფის კმაზედა-დ კაცის დაჭრაზე გატყდ კმა მითხოსა-დ მოელის სოფლების ხალხი დაიქც მდევრად. მითხოს ჩდილ ბოლოში ტყეი ასა-დ ტყეს რო ამაუწყდების, კლდიანები გორები მადის მოებისკე. ღილღვლებმ გზებიც კარგად იცოდესა-დ ისიც იცოდეს, რო მითხოს ჩდილი რო ამათავდებოდ, მემრ აღარცად ექნებოდ წასავალი. მანამ ისენი ტყეს ამათავებდეს, ღილღვლები წინ შახვდესა-დ შაკრეს იმათ ასავალ გზაი. მივიდეს ისენიც, ასცდეს ტყესა-დ მალლა კლდიანებს გორებს მაეკიდნეს. გახენესა-დ ნახეს, რო მალლა ღილღვლები ხყონ ჩასაფრებულები. ნიკომ უთხრ, რო იქავ პირჩადმ დავიქცნათავ, ტყეში შავიდათაო-დ იქითავ ღამით წაოლთავ, თორე აქ აღარ გაგვიშობენავ ცოცხლებსავ. ბაკუკა ძალიან დაღალული იყვა-დ უთხრ, რო რაიც გინდა მამივიდასავ, მე სიარულ აღარ შამიძლავავ. ნიკო გადახტ, ეც ერთს ყურესა-დ გაიქც პირჩადმ. შავიდ მითხოს ჩდილშია-დ დაღამებამდინ აქ დაიმალ. დაღამებიდგეს წამავიდ უგზოს გზათასა-დ შატილ მავიდ.

ბაკუკას კი შამაეხვივნეს მირგელივ ერთს გორზედა-დ დაუწყეს თოფვა. წინა ნასრევი მჭარს დახერესა-დ მასტეხეს მჭარი. ჩაიქც კლდეთ შუაშია-დ თოფ მაინც კელშიით არ გაუშე. უჭირველს ხელში იქავ თოფ ეჭირა-დ ღილღვლები იმით ვერ მიუდგეს ახლოს. ისითს ალაგში იყვ ჩაწოლილ, რო ერთის ხეცროს მეტი არა უჩინდა-დ. დახერეს ამ ხეცროსაც ტყეიაი. მაინც ახლოს ვერ მიუდგეს, არ იცოდეს კარგად, დაჭრილ იყვა, თუ ეშმაკობდ. ერთ ჯარევიონ ქისტე იყვ, თათარაის შვილი, გუროვლების კა ნაცნობი, ქართულიც კარგად იცოდ. ურჯულშიაც გავედინ კაც იყვ (გავედა // გაველენა). ისითი, რო ის რასაც იტყოდ, მითხოელნი იმის სიტყვას ძვირად დაღლაკევდეს. იმან უთხრ ქისტებს, რო მე მიოლავ მაგასთანაო-დ თოფ აღარვინ ესრივათაო-დ საქვეყნოდ თავ მამჭრათავ, თათარიშვილმავ დანდობითავ კაც მააკვლევივავ. ღილღვლებმაც შანელეს თოფის კლაი, თათარიშვილმ დაუწყ ქართულად ძახილი ბაკუკას: თოფ არ დამკრავ, მე მათლავ შენკესავ თათარიშვილივ. ბაკუკა მაინც თოფის მამჭმარე აღარ იყვ, ისრ ხქონდ კელი დამტვრეული-დ ახლა სისხლ მიხდიოდ ბევრი. მავიდ ბაკუკასთანა-დ იცნ იმედაის შვილი, ხუთმეტ-თექვსმეტის წლისაი-დ ორს ალაგზე იყვ დაჭრილი. შადბრალდა, უთხრ: ნუ გეშინისავ, მე შენ არ მაგაკვლევა. ძალიან ბრიყვად კი დახდითავ, შუა მითხოსავ შუა დღეში ხელავთავ კაცსაო-დ ვინ გაგიშობსთავ აქითავ, არ იცითავ, რო მდევარ გამავიდგებისთავ. მემრ წავიდა-დ ღილღვლებს უთხრ: ყმაწვილ ყოფილავ, ორს ადგილზედ ასავ დაჭრილივ, ეგ ყმაწვილივ მე მაპატივეთავ, თოფს ნულარვინ ესრევთავ, წავლალავა ვინავ, მაგრემ, სრუერთიავ, მაგას მოკლენ გზანი ხქონავ, ისრ მძიმედ დაჭრილიავ, რო ეგივ ცოცხალ ვერ მიახწევსავ შინამდინავ. ღილღველთ პირობა მისცეს, მაგრემ ჭირის პატრონებს მაინც არ ენდობოდ: წასულსავ იქავ რაით ესრევენაო-დ მემრ ჩვენაც ერთუცს გვინდავ კოცაივ, რო ჩემგან დაბალითებულ კაც

მაკლანავ (დაბალითება: მინდობა, მოტყუილებით, დაღატით მიყვანა ან თავისთან, ან საფარიდან გამოყვანა და დაზიანება). ბაჭუჭკასთან მივიდა-დ უთხრ: ამ თოფსავ ვერც წაიდებავ შენავ, მე მამეციო-დ მემრ მე გამაგიტანავ. იარადიან რო გნახანავ, ვაი თუ ცუდ ექნავ ჭირის პატრონებსავ, თქვენავ კაც მახკალითაო-დ იმის პატრონებსავ გული სტკივავ. ე თოფ მამეციო-დ წაედივ თუ შახძლებავ სიარულსავ. მე იქავ წაოლავ ქისტებსთანაოდ თოფს აღარვის გამავასრევიებავ. ბაჭუჭკას სხვა გზა არ ხქონდა და მისცა თოფი ქისტს. ქისტი ცოტა გზას გამოყვა, მხარი დაუჭირა და ისე გამოაცილა გორამდინ. მერე ქისტი ქისტებთან დაბრუნდა და დაჭრილი ყმაწვილი წამოვიდა. ამ დღეს იარ, ღამით იარ სვენებ-სვენებითა-დ მეორეს დღეს შატილ მავიდ. აქ სოფლის აქიმ იყვ გუგუაი-დ იმან დაახვივ ნაჭრევეებსა-დ კარგა ხნის წვალებიდგეს მაარჩინ, ხოლოთ მვარ კი გაუხაიბრდ. იმათგან დაჭრილ დილდველიც იქავ მარჩ. ბაჭუჭკა მვრით გახაიბრდა-დ დაიწყ ტუჩათ ნიკომ მარტომ სიარული სახანოს, მამკლავის მასაკლავად. ეს სახანოვლებმაც იცოდესა-დ ყველას თავ-თავისად ეშინოდ. ბოლოს შამაუთვალეს ნიკოს, რომ ჩვენ თავ დაგვანებევ, ნუ ვის მაგვეკლავავ; მამკლავივ აქ გყავავ. მაკალიო-დ ჩვენავ მდევრად არ გამაგიდგებითავ. ნიკომაც მანამ იარ, მანამ მამკლავ არ ჩაიგდ ჭველჩია-დ არ მაკლ.

ნიკომ მამკლავ რო მაკლ, მაშინ შუას რიყეში ჩაუჯდ. ის კაც გამთხილებულ იყვად ისითის გზისას დავიდოდ, რო ტყეში ჩამჯდარ კაც იმას ვერას დააკლებდ. სახანოს გვერდზე წყალ ჩამაუდისა-დ დიდ ქვიან რიყეი. იმ რიყეზე გავლით წავიდოდ, სადაც წასვლა უნდოდ გუროვლის მამკლავს. მივიდ ღამით ნიკოი-დ სოფლის პირში იმ რიყეში ჩაჯდ. გამავიდ ეს ქისტიცა-დ წასვლას აპირობდ, რო დაადვ ღიშან ნიკომ გულზედა-დ თოფ რო გავარდ, მკვდარ დაეც. იმის სახლისკაცებმაც გაიგეს, ნიკოიც ნახეს, რო გაქცეულ ტყეში შავიდ, მაგრემ არც თოფ ესრიესა-დ, არც უკენ გამაუდგეს. იმათ იცოდეს, რო ეს თავ თავში გაიბარა-დ თუ კიდევ კაცს მახკლევდეს, იქავ შიმ უნდოდა-დ არ შაარჩენდეს გუროვლები. ისიც ხო იცოდეს, რო იმედაიშვილი იმ კაცმ უბრალოდ მაკლ, ჯერ ჭარებ დახპარა-დ დილდოსკე გაულაალ, გზაში დაეწივნეს, ისენ არ თოფვედესა-დ იქავ ქურდმ ესრივა-დ მაკლ კაცი. ესრ წამავიდ ნიკო, ჯარგასაც ქისტის სოფელზე დღისით გადმაიარა-დ ჳმა აღარვინ გასც. ცოტახან იცოცხლა-დ ნიკოიც ისართდედეს ზვავმ მაკლ. ნიკოს სიცოცხლეშიაც სახელს ულოცევედ ხალხი-დ საქებს ჯარზე სამღერალის სიმღერებს ეუბნებოდეს. ეს რო ზვავმ დალივ, თავის ცოლ ეტანა-დ ერთ შატილიონი მაკლ იმათთან, ერთ შატილიონ ქვე გადაშჩ ცოცხალი. იმათად ნათქვამს ლექსშიაც ნაცსენები ნიკოს სიარული ქისტეთშია-დ იმის სახელიანობა ქება-დიდებით ას ნაცსენები ამ ლექსში:

ზევისგან დაჯოცილები: ნიკო, მზექლა და წიქა შატლიონი
(იწერება ნიკოს სახელობასთან დაკავშირებით)

ოკერო ისართღელეო, შაგეჭირხლება წვერიო.
სრუ თავზე გაძეს ლემადუ, ეგ ოკრად გასაჯდელიო.
შენა ხარ ცოდვით სავსეი, სრუ ძირით მასათხრელიო.
მირგვლივ ნახვევთა მთა-წვერთა სახელ გაღმეტდა შენიო.
ნეტავინ გკვრეტდას ტყვიანი, ან გჭრიდას კმლისა წვერიო.
იმ დროს იჭეხე, ოკერო, მთათ რო დაადგეს მზენიო.
ოროლს ლომივით ოშკაცსა რა უფერ დაზღვე ფერიო.
სხეებს მთებსთან დაიკვეხნიდი, სამნ კი მეც დაგვკოცენიო.
რა ცუდნი ხქონდეს საწყლებსა ის ორნი დღე-ღამენიო.
ნიკოს არ სცივა, წიქაო, უფრო ბრალი მაქვ შენიო.
ზეპირ ხარ თოვლზე დამრჩალი, კელით ვიჭირავ კელიო.
დაისვენებენ, წიქაო, სანადირონი კლდენიო.
ბევრჯელ ათენე მარტომა დიდი ღამეი ბნელიო,
ბევრჯელ კი გეწვა მკლავზედა შენი ბერდენკა ჭრელიო.
სიზმარში რა გეჩვენების, ზატორზე ვიძევს კელიო.
მაელი გათენებასა, ჯიკვებს შაუკრა წვერიო.
ბევრჯელ დასთოფე ჯიკვები, ჩამააწითენ კლდენიო.
მაგის მეტ, არას გიამბობ, ლექსი არ მიყორს გძელიო.
ქვე დაგიბნელდა, ნიკოო, მზესავით პირისერიო.
რაად გასწირე გამზდელი, დედა ნათია, ბერიო.
რაად გასწირე ლურჯაი, ნიაგქარივით ცხენიო.
წახვედი სახელიანი, სირცხვილ არ დაგჩა ბევრიო.
მითხოს უხარის ქისტებსა, ბევრას მაუვა ფერიო.
შენ დაგლილ იყო, ნიკოო, მითხოვლთ მთა და ველიო.
მითხოს დახვიდოდ სოფლადა, ძალზე ვერ გედგა მტერიო.
სოფლისპირ მახკალ მამკლავი, წითლად შადებენ კლდენიო.
უხარით კვესურთ შვილებსა, საქონ შაგეჩების ჩვენიო.
აქამდინ ხალიზ არ ხქონდა, უცბად უჭამდა მგელიო.
მკედარ ხო ნიადეგ მკედარია, ეგეთ უნდ იყოს მთელიო.
ბრალ-კი ას, ტუჩაის შვილო, რო გაგილაღდა მტერიო.
ვინაღ დარჩების ცოცხალი, ნიკოო, შენი ფერიო.

ქისტის ანდარუყო და კალთანელ მარტიას შვილნი

ჩამაწერინა გიორგი ქიბიშაურმა, 70 წლისამ, სოფ. ახიელში, 1939 წელს

ქისტის სოფელი, ქისტურად „ნელხ“ და ხევსურული გამოთქმით „ნეთხა“ ყველა ქისტის სოფლებზე უფრო ახლოს იყვ არხოტის სოფლებსთან. არხოტიენებსა-დ ნეთხელებს მიდენ-მადენა-ი-დ სტუმარ-მასპინძლობა-ი-ც ყველაზე კშირად ხქონდ ერთუცსთანა-დ სისხლ-ქურდობა-ი-ც ამათ უფრო მეტი ხქონდ ერთმანეცში, მანამ სხვა დილდვლებსა-დ არხოტიენებს.

ნეთხელნი ყველა დილდვლებზე მეტად ღარიბად ცხოვრობდეს, ყველაზე მეტს ქურდობდესა-დ ყველაზე მეტად დაუნდონი-ც იყვნეს. არხოტ თუ დაუნდო-ი-დ ღალატის ვინ იყვის, ნეთხელთ ღვაგავ თქვიან, სხოდ კი სავაშკაცოდ-დ სამამაცოდ დილდოს ყველაზე წინ იდგეს, ამ სოფელში ისით ვაშკაც არ გაიზდებოდ, რო სხვაზე ყოჩად არ ყოფილიყვ.

ამ სოფელში ერთი ძალიან თვალად ტანად-ი-დ მამაცი სახელგათქმული ვაშკაცი გაიზარდ, ანდარუყო. ანდარუყოს მამას ფარეშა ექვიენა-დ არხოტიენებსთან არც ეს იყვ ცუდს განწყობილებაში. შვილი-ც ესეთ გაზარდ, რო არხოტ კშირად დავიდოდა-დ არც არას ხპარევდ არხოტიენებს, ხოლოთ ბუდე-კვესურეთისკესა-დ მშავისკე ნუ დამიშლითავ ქურდობასავ – ტყოდ ანდარუყო-ი-დ არხოტავ ბეწვს არ გავამრუდებავ. არც სხვას ვის მივსცემავ არხოტისად ღალატის ნებასავ. ამავდროს ორნ ძმანი კალთანას ცხოვრობდეს ახალგაზდანი: ხირსილთ მარტიას შვილნი: კვირიკა-ი-დ გიორგი. ეს ახალგაზდანი-ც მაშინდელის კაცის წესით, დილდოსაც სახელგათქმულნი იყვნესა-დ კვესურეთაც პურადობით, გულადობით, ქურდობა-ი-ც შეეძლიყვ, კაცის მაკვლა-ი-ც, მეგობრობა-ი-დ, მტრობა-ი-სა-დ მაშინ ვაშკაცსაც ესეთობა გაუთქვემდ სახელს. ანდარუყო-ი-დ მარტიას შვილნი მალე დადმეგობრდეს, ერთმანეცს, ჯერ უბრალთ მიდენ-მადენა-ი-ც ხქონდ ერთადა-დ, შემრ ქურდობასაც კელ მიხყვეს. მარტიაშვილთ ანდარუყო აპარვიებდ დილდველთ კარ-ცხენსა-დ მარტიას შვილნი ანდარუყოს დახყებოდეს საქურდლად ბუდე-კვესურეთა-დ მშავს, იპარევდეს ცხენებს, მიუდიოდა-დ ყიდდეს დილდოს. ხალხი უტყობდ ამ ამბავს, მაგრემ შიშით ვერასვინ ეუბნებოდ.

ერთხან მშავით დაიპარეს ცხენები-დ დილდოს გაღალეს. იქ ანდარუყოს უნდა დაეყიდა-დ რასაც ფასს აიდებდ, შემრ უნდა გაეყვ ყველას ეს ცხენების ნაფასური. ანდარუყომ ცხენებ დაყიდ, მაგრემ კალთანელთ მაუშარ რახედამა-დ დახუთ (დახუთა: არ გადაუხადა) იმათ წილი ცხენების ფასი. ამაზე კარგა მაგრად შაიმდურნესა-დ ბოლოს იქავ დაშოშმანდეს, ხოლოთ კალთანელთ ძალიან გულში კი ჩაეჭრ ეს ამბავი-დ ფიქრობდეს: თუ დრო დაგეჩავ, ამას არ ვაპატივებთავ ანდარუყოსავ; ისრ პირად კი ვითამ სრუ არცრა-ი-ც, ისრ იყვნეს.

ერთხან ანდარუყო წავიდ ბარის ღილღოს, ნასირიეს (ნაზრანი ქისტურად). იქ ორი გათქმული ყაჩაღი ხყვანდ მეგობარი, წამაიყვან ისეებიცა-დ წამავიდ კალოთანისკე. ამ სამ ყაჩაღს გარიგებულ ხქონდ: უნდა გაეყოლნეს მარტიის შვილნიც ანდა, ან ცხვარზე სად დასცემიყვნესა-დ ან კარავანზე, გამაელალა-დ უნდა პირდაპირ ნასირიეს გაელაღ, რასაც მასხემდეს. შუაღამის დრო იყვ, რო კალოთანას მავიდესა-დ კვირიკაი-დ გიორგი გამაადვიძნეს მძინრები. კალოთანლებმ ღილღურ ენა წმიდად იცოდეს, მასულს სტუმრებს ღილღურად ხკითხეს მშვიდობა-ამბავი-დ შაიყვანეს შინ. რაიც სტუმარ-მასპინძლობის წესი, მასულებს კარგად დაუხვდეს. ანდარუყომ ქართულ იცოდა-დ ქართულად უთხრ მარტიის შვილთ თავის მასვლის მიხეზი. გამაგვევითავ თქვენაცავ უთხრ – გამაელალათავ ან ცხვარი-დ ან კარ-ცხენივ, ნასირიეს გავყიდათაო-დ გავიყოთავ ფასივ. ეს ორ კაცივ ნასირიელები არიანავ გათქმულებ კაცებიო-დ ესეებ შავვიწყობენავ ჳელსავ. ეხლა კი დაღალულები ორთავ, თქო ანდარუყომა-დ ხვალწუხრ კი უნდა წავიდათავ, რო ჩვენ მოსვლა არვინ გაიგასავ. გიორგიმ უთხრ: „რაიც შენ გინდავ, ყველა სამსახურს გავიწვევავ, ეხლა თქვენ მანსვენეთავ. გიორგიმ ცხვარ დაკლ, გამაადვიძ სტუმრები, ახალ ჳორცის ყაურმა აჭმივა-დ დაიწყ თენებაიც. ღილღვლებმ ტყეში გასვლაი თქვეს მასპინძლის ხათრით, ვაითუ აქავ მავიდავ ვინაო-დ გაიგებენავ ჩვენს აქ ყოფასავ. მაგრემ გიორგიმ უთხრ: ჩემს ჳერხოში არვინ შამავავ. ტყეში რო გახვიდათავ, მზიან დღეი ასაო-დ ქურდის კაცისად არ ვარგავ მზის ნახვაივ. იქავ ამ ჳერხოში მათმინეთავ (ქისტებმ იცოდეს, რო საქურდლად როსაც ემზადებოდეს, ერთს ან ორ დღეს მზეს არ ღნახევდეს. თუ დღისით მზეი ნახავ, ღამის სიბნელეში კარგად ვედარ ხედავსავ, თუ მზე არ ნახავ, კარგად ხედავსავ, რაც უნდა უჩინ ღამე იყოსავ). მეორე დღეს სტუმრები გიორგის ჳერხოში ტახტებში იწვესა-დ ეძინ. არვინ არ იცოდ თუ ესეებ აქ იყვნეს, ხოლოთ კვირიკამა-დ გიორგიმ თავის შინშს ჳაბუკათ გიორგის გაანდვეს ეს საქმე-დ დღისით ესი დავიდოდ ღილღვლებსთან. გიორგიმა-დ კვირიკამ თავის შინშს ისიც უთხრეს, რო საქურდლად გამაგვევივ. ჳაბუკათ გიორგი ქურდ არ იყვ, მაგრემ ეხლა ისიც შავულიანდა-დ მამეზად საქურდლად. ამ დღეს გიორგის ჳერხოში ექვს ქურდი იყვ, სამი ღილღველი-დ სამი კალოთანელი. ბევრის საუბრიდგე გადასწყვიტეს, რო პირიქით ჳევსურეთის მთებში ნადგომს ცხვარს სად დავეცნათაო-დ გამაელალათავ, მეორეს დღესავ მთიდიმთივ წასულებივ ჩორეს გადაოლთაო-დ იქამდინავ არც მდევარ გამავიდგებისავ. ეს დღე საუბრით გაატარესა-დ რო დაღამდ, წამავიდეს ექვსნივ საჭვესურეთოდ. შამაიარეს კალოთანის ჳორცი-დ წყაროსთავ (ადგილი არის კალოთანლებისა საზაფხულო საძოვარი და აქ მეცხვარეები ცხვარს აყენებდნენ) გზის მარჯვეს ნადგომი ჳლუგაის ცხვრის ფარა ნახეს (ჳლუგა იყო ფშაველი მეცხვარე სოფელ უბილაურთიდან და ამ მთაში ქირით აყენებდა ცხვარს). ჳლუგა ფშაველი

იყვ გვარად ჩორხაული. სრუ წლისთაოდ აძლევდ საბალახეს ქირას კალოთანლებს, გადმაუდიოდ ამათ მთაში, ზაფხულობით აძოებდ ცხვარს. ღიღღვლებმ რო ეს ცხვრის ფარაი ნახეს, სულმ წაზძლივ აქისკესა-დ კალოთანლებს უთხრეს: „რაიდ შორს დენა გვინდავ, აი, ცხვარივ აქ დგასავ. კალოთანელთ უთხრეს: ეს ცხვარ-მეცხვარივ ჩვენს მთაში დგასავ, ჩვენდ მბარებულიავ ჯვარისადაო-დ კაცისადავ. ჩვენავ ამათ ვერ უღალატებთავ. მემრ ისით პატრონი ხყავავ მაგ ცხვარსავ, ჯღუგაივ, რო იმას ვერას ვინ წაართომსავ უსიკვდილოდავ. ბევრ უშაღეს კალოთანლებმ, მაგრემ ანდარუყომ გაინიჟ, რო აუცილებლივ აქით უნდა გავლაღავ ცხვარიო-დ, თუ გინდათავ, თქვენ დამიშაღეთაო-დ თქვენაც მემცხვარეებს მიეშველენითავ. მიოღავ, დავიბალითებავ, როსაც დაეძინებისავ, ჯღუგასაც შავსკონავავ მაგის წყემსებსაცაო-დ ე ცხვარს ქვე გავლაღავთავ ჩვენავ. რო ველარა გაავონეს, კალოთანლებს ანდარუყოსგან ძალიან ეწყინ ესეთი თავხედობაი-დ ერთუცს ჩუმად უთხრეს: „თუ ამას ეს განიჟება არ შავანანეთავ, კაცებ არ ვიქნებითავ. ჩუმადავ ჯღუგას უთხრათავ ამათ ფიქრი-ოდ იმან თაოდ იცისავ. თუ ჯღუგას გაუჭირდავ, ჩვენაც იმას მივეშველნათავ. ჩვენდაო-დ ჩვენის ჯვარ-ჯვარის კარისად მბარებულს ქრისტიანს ხალხს კი ნუ უღალატებთავ. ამახედავ ამ ურჯულოს ქურდებს ნუ გავამარჯვებთავ. ანდარუყომ ბევრ აღარავის აუბნა-დ პირდაპირ მშავლების ბინაისკე წავიდ. ამათ მტრის შიშით მარკე ძაღლები ხყვანდ, რო იმათ გაუგოდ ბუზვიც არ გაივლიდ. თაოდ ჯღუგაი-დ წყემსებიც აქ მოხილად იყენეს, რაკი კალოთანის მთას ღიღღო ახლოს ხქონდა-დ მასალოდნელი იყვ ცხვარზე დაცემი-დ ცხვრის გალაღვაი. მაშინ აინალ თოფი ახალ შამასული იყვა-დ ჯღუგას სადამ ეყიდა-დ დღესა-დ დამეს კვლჩით არ იშორებდ. ღიღღველ-არხოტივნებ რო ჯღუგაის ბინაისკე წავიდეს, იმის ძაღლებმ მაშივ გაუგესა-დ კარგა შორს გზახე მავებნეს ყეფითა-დ ბინაისკე ფეკის გადადგმის ნებას აღარ აძლევდეს. ძაღლების კმაზე ჯღუგაი-დ იმის წყემსებიც წამავიდესა-დ მამავალ კაცებს შორიახლოს მირგვლივ შამაეხვივნეს. ჯღუგამ უძახ: რომნები ხართავ. ღიღღვლებ არ აშჩამდესა-დ მარტიათ გიორგიმ უძახ: ჩვენ ორთავ მარტიაიშვილნივ, სხო სტუმრები გვტანავავ, ჯღუგაო მავგაშორეე ეს ძაღლებივ. ჯღუგამ გიორგის კმა რო იცნ, გაუჯავრდ ძაღლებსა-დ ბინაში წაიყვან სტუმრები. ღიღღვლების სტუმრობა ამ შუაღამის დროს არ მავწონ კი ჯღუგას, მაგრემ იფიქრ, სტუმარივ მაინც სტუმარიავ, რაიც უნდა დრო იყოსა-დ ვინაც უნდა იყოსავ, გინდა ქრისტიანიო-დ გინდა ურჯულოივ. მიიყვანა თუ არა ბინაში სტუმრები, ჯღუგამ უძახ ერთს წყემსს, საკლავ მავყვანივ, ღიღღვლებს დააკვლივ, რაკი ისენი ქრისტიანის კვლით დაკლულის კორცს არ ჭამდეს. მემრ წყემსმავ გაატყავა-დ გააკეთ თავისებურ ყაურმაი. აჭმიეს სტუმრებს ახალ ცხვრის კორცი-დ მემრ წყემსი თავის ადგილზედავ წავიდ. სხო წყემსებ არც მავიდეს ბინაზე, ღიღღვლებმ ვერც ის გაიგეს, რამთვენ წყემს იყვ, ან იარად რა ვის ხქონდა-დ ან სად ვინ იყვ თეოზე.

პურ რო ჭამეს, ღიღღვლებმ ჩუმად მაისაუბრესა-დ გადასწყვიტეს, რო დაეძინებისავ, ჯღუგა ან დავიჭირათაო-დ ან მავკლათავ (კალოთანელნიც ისრ იჭერდეს თავს, ვითამ ღიღღვლებს უჭერდეს მკარსა-დ გააღალავიებდეს ცხვარს). წყემსებიც, თუ ძალზედ ვინ შავვიდგავ, დავკოცათაო-დ ეს ფარაივ ნახევარ მაინც მავსხლიტათაო-დ გავღალათავ. მაგრემ ეს ღიღღვლების აზრი კალოთანელებმ ჯღუგას გაანდვესა-დ უთხრეს: ძალიან მოხილად იყავივ, დაცემას გიპირობენაო-დ, როსაც საჭირო იქნებისავ, ჩვენაც შენ მავეშველებითავ. ჯღუგამ ღიღღვლებს ერთად გაუშალ ნაბადი-დ სამნივ ერთად დააწვინნ, არხოტენებს – ერთად. თაოდ კი გაიარა-დ ცალკე შამაწე ნაბადში გახვეული. იქით მაიპარ კალოთანლებთან მუცლით ქანვითა-დ უთხრ: ცოტაი ხნიდგესავ მე მავათავ გვერდზეით დავხკრავავ თოფსაო-დ სამთავ ერთად დავაკვერეტიებავ, ხოლოთ თქვენ მზას იყვენითაო-დ მამეშველებითავ. კალოთანელნიც დასთანხმდეს, მიცოცდ უჩინს დამეში ჯღუგა იქ, სადაც ღიღღვლებ იწვეს, პირქე დაწოლილმ ესრივ ერთად ნაწოლებს ღიღღვლებს, ორნ კი დააფარებივნ ერთუცსა-დ გაუარ ტყვიამ, მესამეს ქვე დასცდ მადლა აბრუნვილ ტყვიამ. ერთ კი იმაშიავ დარჩ მკედარი-დ ანდურაყო დაჭრილ წამახტა-დ გაიქცა-დ ქართულად იძახ:წ „აი დედას გიტრი, მოიცა“. გაქცეულს ანდარუყოსა-დ იმ ღიღღველს, რომენიც ცოცხალ დარჩ, გადევტანნეს კალოთანელნი-დ ხანჯრებ დასცეს ორთავ. ჭაბუკათ გიორგის თავის სახლისკაცის, მგელაის თოფი ხქონდ ქართული, გაქცეულს ანდარუყოს ეს თოფი თავში დახკრა-დ ორად გადატყდ:

რას სწყალობს მგელაის თოფსა, ნამტვერენი გადადიანა.

ეესრ ჩააქციეს ანდარუყოიც, გაქცეულს ერთ ტყვიამც კიდევ მაასწვრ ჯღუგამ, თავში ესვრივა-დ ლაშ-ყბან დაამტვერევივნ:

რაი ხკრეს ანდარუყოსა, ლაშნი რო გვერდზე ღბიანა.

ამნაირად დაკოცეს ღიღღვლები. ეს ამბავ ისრ ერთბაშად მახკდ, რო წყემსებმ ვერც კი მაასწვრეს თოფის კმაზე ბინაში მასვლა. მით უმეტეს, რო ჯღუგას წყემსებისად ნათქვამი ხქონდ, ამ ღამეს რაიც უნდა მამკდარიყვ. გამთხილებულებიც ხყვანდეს, რაწამს გაიგონებთავ კმასავ, რაისასავ ბინაშიითავ, იმავ წამს ბინაში მეელითავო-დ მავგეშველებითავ. წყემსებიც ესრაც მაიქცნეს, თოფის კმაზე მაშივ დაიქცნეს, ბინაში მავიდესა-დ ნახეს, რო საქმე გათავებული, სამ ქისტი წვეს მკედარი. ახლა კალოთანელნიცა-დ ჯღუგაიც იმან დააფიქრნ, რო ხალხ გაიგებსაო-დ სტუმრებ დაუკოცავავ, იტყვიანავ. იმას არვინ დაიჯერებსავ, რო ისენივ თაოდ აპირობდესავ

ღალატსაო-დ დაცემასავ, რო ჯღუგას არ დაესწვრავ. მოის ხალხში სირცხვილ იყვ სტუმრის მაკვლა, რო სტუმრის მეღალატეს კარში აღარ გამავევლოდ; თან კიდევ, მტერ გაუჩინდებოდ. ანდარუყოს ავ ხალხი ხყვანდ ძმა-სახლისკაცები, მამა ფარეშაი-დ ესენი არც კალოთანელთ შაარჩენდესა-დ არც ჯღუგას თავის ჭირს, როსაც გაიგებდეს. გადასწყვიტეს, რო დამაღან ამეების დაჯოცვა.

დამაღან რაჯელ? ერთ ის იყვ საშიშ, რო თოფის ჳმას ღამით ამლიონ მემთეებ გაიგონებდესა-დ იმათ ენაიც არ დაიჭერდ, ეტყოდეს ღილღვლებს, მეორე ის იყვ საჭირო, რო ისით აღგილას დაემარხ მკვდრები, რო ვერვის გაეგ. გადასწყვიტეს რო აიტანანანა-დ სანადირო კლდეთ ძირში, ქვიშაში დაღმარხანადა-დ ზედ ბევრ ქვიშა დააქანან. აიტანეს წყაროსთავ კლდეთ ძირში. აქ ძალიან მბილ ქვიშა იყვ. გაუთხარეს ქვიშა, ჩააგდეს სამივე მკვდარი-დ დააქანეს ზედ ქვიშა. ღამით მავიდეს ბინაშია-დ ღილას მალედ მიაყარ-მაყარეს მიწა ამ სისხლსაც, სადაც ისეებ დაჯოცეს. მემრ ცხვარ გაავლ-გამაველიეს ზედა-დ შადრიეს ნასისხლარი. რომენსაც გზაზე აავლიეს ეს მკვდრები, ამაზედაც მეორეს დღეს ცხვარ გაშალეს კვალის შასარეველად, რო ან სისხლ არ ვის ენახა-დ, ან კვალი. ეს ყველა კარგად შაარევეეს ცხვარს. მეორეს დღეს ჯღუგამ ორ-სამ საკლავ მისც კალოთანელებსა-დ ისეებ გამალალეს შინ, ვითამ ცხვარზე საკლავების საყიდლად იყენეს წასულები, იყიდეს საკლავები-დ მაასხეს მთაშით. ერთ კვირავ რო გავიდა-დ ანდარუყო აღარ დაბრუნდ, შასწუხდეს ჯალაფნი-დ წამავიდ იმის მამა ფარეშა მარტიანის შვილთან ამბის გასაგოდ. ფარეშა პირდაპირ ამასთან მავიდა-დ უთხრ: კაცო რა იქნავ ანდარუყოივ, რო ორი ამხანიგით წამავიდავ თქვენთანაო-დ აღარცად დაბრუნდავ. გიორგიმ უთხრ, რო აქ არვინ მასულავ, თუ მასულიყვესავ, აქავ ხალხიც ღნახევდაო-დ, ხო იცივ, უჩემოდავ არც წავიდოდესავ, არც ჳევსურეთაო-დ არც მშავსავ. აღბათ ჩემთან არ მავიდესავ, ღამით შაიარესავ ან მშავს იქნებიანავ წასულებიო-დ ან ჳევსურეთავ. ფარეშა ჳევსურეთაც წამავიდ, გიორგიც გამახყვ, მაგრემ რას გაიგებდეს ჳევსურეთ. ფარეშა ეშმაკ კაც იყვ. მეგობრებიც ბევრი ხყვანდ არხოტ. ბევრ იძივ, იწვალ, კაცებიც დააყენა-დ ბოლოს ამლიონთ მემთეების ნათქვამ გაივ, რომ ამა და ამ ღამესავ თოფის ჳმა იყვავ მშავლების ბინაშიავ. ეს ამლიონთ მემთეებისავან გამაითქვა-დ გაიგონეს ფარეშაის მეგობრებმ; ამეებმ ფარეშას უთხრეს. გამაითქვავ ისიც, რო თოფის ჳმა რო იყვავ, მეორეს დღესავ კალოთანელებმავ იმ ბინაშიითავ საკლავებ მაასხესაო-დ ამაზე ფარეშამ ეჭვ აიდ, ეგენ ხო არ უღალატებდესავ, ნაქურდალიც რო დახუთავ ანდარუყომავ. ეს ამბავ ჯღუგამაც გაივ, რო ეჭვ აიდესაო-დ. ერთ ღამეს იმათაც დაადვეს ჯოს თავის ცხვარსა-დ, წავიდეს მშავის მთებში. ახლა ეს გაიგეს ღილღვლებმ, რო მემცხვარეებიც გაიპარაო-დ უფრო დაეჭვიანდეს, ტყუილად არ წავიდოდავ ისეებივ, თუ გუღში მიზეზ არაი ხქონდავ. კალოთანა სამტროდ საშიშ ალაგში იყვა-დ მით

ემნელებოდ თქმა, იცოდეს რო მასვენებას აღარ მისცემდეს ნეთხელნი-დ იმათ მაკეთი. ამ მასახრებით ანდურაყოს მამკლავებმ ჯერ თავის მეზობლებს გაანდვეს: ისენივ ჩვენ დავკოცენითავ, ამ ამბავს აღარა დაეფარებისაო-დ ჩვენ აქ აღარვინ დაგვაყენებსავ. ე ბინა გააცალეთავ ღამითავ, მემრავ ავიყარნათაო-დ კახეთს წავიდათავ. ესეები ჯერ არ გამატყდეს, მანამ ბინა სხვას სოფლებში არ გაიტანეს ახიელა-დ ჭიმდას, მემრ უთხრეს ფარეშას: ჩვენ კი არ ვიყვენითაო-დ მეორეს დილას საკლავების საყიდლად მისულებმავ ერთ დილღველი ვნახეთავ მკვდარივ. მშავლების ბინაზედავ. ანდურაყო კი არ იყვავ იქავ. ვკითხეთავ მემცხვარეებსავ, რო ეს რა ამბავი ასავ, იმათ თქვესავ, რო ბინაზე დავგვეცნესავ გუშინწუხრავ. სამ კაც მავკალითაო-დ აიქავ ქვიშაში უნდა ჩავდმარხათავ, რო არვინ გაგვიგასავ. ორ კაც ატანილი გოქვაო-დ ესიც იქ უნდა ავიტანათავ. ნუ ვისთან იტყვითავ ამ ამბავსავ, ადგესაო-დ თითო ცხვარ მავგვეცესაო-დ არც ჩვენ ვამბობდითავ იმითავ. მემრ უთხრეს, რო აიმა-დ აიმ ალაგშიავ ქვიშაში იქნებიანავ. ამათ ესრ გადაფერეს, მაგრემ ვინ დაიჯერებდ ესეთს საუბარს. ფარეშამაც გაიგა-დ სხვამ ხალხმაც, რო ისენ იყვნეს. არაფერ არ უთხრ ფარეშამ იმით, რო გამთხილდებიანავ რო ის შამატყონავ, რო მე მაგათ ეს გაუვივ. მავიდ ბევრ დილღვლები, ამათხარეს მკვდრები-დ საკაცეებით დილღოს წაიდეს.

მანამ დილღველნი იმეებს დადმარხევდესა-დ შურის საძებრად წამასავლად მაიცლიდეს, კალოთანელნ ადგესა-დ გადაიხიზნნეს პირიქით ჭვესურეთისკე. იქით კახეთ წავიდეს, კახეთ იშოეს გასაველებ ტყე ასხაბარი-დ იქ დასახლდეს, ქისტაურის მარჯვეს.

დილღვლებმ რო მკვდრებ დადმარხეს, წამავიდეს შურის საძებრად-დ ნახეს კალოთანა სრუ დაცლილ – აქ აღარც კაცი ასა-დ აღარც საქონი. ამის მემრ გჰელდების დილღველ-არხოტიონთ მესისხლეობა. ამ ამბავზე კალოთანლებს ბევრ ლექსებ უთხრესა.

1.

*წამაველენ ნასირივლები, შამაიარნეს გზანიო,
მაუელენ ანდარუყოსა, დიხინ, გვიჭირვე მჯარიო.
ემზადა ანდარუყოი, იწროდ გაბანდა ჯღანიო,
უბეს ჩაიდვა სუდარი, ჯაღლაფთ დასწერა ჯვარიო.
ან მიაც იქ უნდა მავეკდა, ან უნდ მავლალა ცხვარიო.
კალოთანაში მავიდეს თვალ-შუაღამის ხანიო.
წამავეგებნეს ხირსილნი, მარტიის შვილნ ძმანიო.
დილღურად ხკითხეს ამბავი, დაიწყეს საუბარიო.
ეტყოდა ანდარუყოი, მშავლებს ხად უდვას ცხვარიო,*

ვიდინათ ანდარუყო, აღარ ას ბევრნი ვ ზანიო.
მშავლის ბინაზე მაგიდეს, ელვენ სიწმიდის ცანიო.
ვიორგიმ ანდარუყოსა არ მისცა ომის ხანიო,
მა კვირიკაის ხანჯარმა, აისხა სისხლის ცვარიო.
კორკშიით ღვედრა გამადის, ქიბიშაური ვარიო.
ვინ იყვავ, ვის ვავკმ ენაი, კორკში დვას ცოდო-ბრალიო.
საღექსოდ გამამიგ ზავნენ ტერღულის ჯიკვის რქანიო,
გავაწყენა ბელლის ყორესა, შორით ემბოდან თვალნიო,
მე თქვენსა ქებას არ მავმლი, სადაც დასხდების ჯარიო.

2.

ცდა უნდა აეგეთაი, მანდ რო კრაველან* ცდიანა:
ოკშამთ წინ, ოკშამთ უკენა, საბაკეს სისხლით სვრიანა.
ვიორგიმ კრაველიანამა ჩაჩნური გააპრიალა;
კვირიკამ კალოთანელმა აღარა დაავვიანა.
ჭაბუკათამა ვიორგიმრ სრუ ცივ-ცივ წამაიარა.
რას სწყალობს მეგლაის თოფსა, ნამტვრევენი გადადიანა.
მშავლის გა ზდიღმა ჯღუგამა, აინალ გააჭმიანა.
ორთ ერთუცს აფარებიებს, რაით დაკვრიტნა ტყვიამა?
რაი ხკრეს ანდარუყოსა, ლაშნი რო ვვერდზე ღბიანა.
სატყავენ გააყრევივნეს, ტყავებზე წილსა ყრიანა,
ვიორგი ეუბნებოდა, ერთს ტყავს ჩემობა ხქვიანა!
დედუნას დაუკერენით, ტყავთ საკვლნ არ ვვიბიანა,
წყაროსთავისკე გასწიეს, კარნი უღელში ღბიანა.
წვერისძირ ამიტანნეს, ქვიშაში ღმარხევდიანა.
ეგ ლექს გამავიგ ზავნათ ღულით ბაბილის ნიამა.

კალოთანელნი ისრ საჩქაროდ გადაიხიზნნეს, რო ღილღველთ ველარა მაასწვრეს, შურის საძიებლად ერთხანაც ველარ მაასწვრეს მასვლა იმათ აქ ყოფას. ესენ რო წავიდეს, დარჩ ამათ სოფელი ნასოფლარადა-დ მთა-ბარიც უკაცოდ. მაშინ ფარეშამ მაულალ კაცი არხოტიონთ, რო კალოთანის ადგილ-მამულშიავ კაცმ არ გაიარასავ, სამ კაც გვაკლავაო-დ მაგის გულისად აიყარავ ეგ სოფელივ. ეგ ადგილივ კაცის თავებში ჩვენ გვეკუთვნისავ (მთიელებში მაინც ის წეს იყვ მაშინ, რო კაცის მამკლავ რო აიყრებოდ, იმის ადგილ-მამული მაკლულის მეპატრონეს შჩებოდ). ჩვენავ იმათავ

* კრაველანი – ამ ძმებს იმიტომ ეწოდებოდა, რომ ძალიან ხუჭუჭი თმა ჰქონდა ორივეს, ბატკნის მატყლივით, ბატკნის მატყლს კრაველი ქვიან.

კახეთ ველარცაით მიფხვევებითავ, აი ადგილს დავიჭერთაო-დ ვინაც ამ ადგილს შაგვეცილებილსავ, მამკლავიც ისიავ ჩვენიც. იმაზე ვიძვევთავ შურსავ – ეს გაუგო ნუ გექნებისთავ, ამას წინსწრობით იმით გიცხადებთავ, რო მემრ აღარვინ სთქვათავ, წინავ რადარ გვითხარითავ, თუ ადგილს ჳელს ზდებდითავ.

კალოთანას ახლოს მესამძღვრედ ესახლ სოფელ ამლა. ამლიონთა-დ კალოთა-ნელთ მთა-ბარი ერთუცზე ხქონდ, უფრო სამთო საზაფხულო ადგილებ იყვ ერთუცზე გადაბმულები. ამლივნებმ უთხრეს: მაგათ ადგილ-მამულივ ჩვენს ადგილ-მამულზედ ასავ სრუავ. ჩვენ აქ არ შამაგიშობთავ, სამ კაცის თავ კი არაო-დ თუნდა სამოც კაცის თავ ემართასავ თქვენიც კალოთანელთავ. ჩვენავ ზოვ ფას მიცემული გვაქვავ კალოთანელთადავ, ზოგიც უნდა მივსცეთავ ადგილ-მამულშიავ. მართლადაც ამლივნებს ზოგს ვის მთა-ბარი ხქონდ ნაყიდი კალოთანლებისგანა-დ ზოგს ვისაი. ცალ-ცალკე კომლებს ცალ-ცალკე კომლებისგან. ფარეშა ხან კაცს უგზავნიდა, ხან თვითონ მიდიოდა და ურჩევდა: ჩემი შვილის ანდარუყოს და სხვების სისხლი აქ ასავ დაღვრილივ. აქავ ტბაი დგასავ სისხლისავ. მოდი, თავ დაანებეთავ ამასავ, ნუღარ დაღვრითავ სისხლსავ, მე კალოთანელთ ვერცაით მიფხვევებოვ. ამ მამულის დაჭერით თუ მაინც არ მამშორდავ სირცხვილივ, მე კარში გასავალი მაქვავ დაღუულივ. მე აქ საცხოვრებლად ხო არ მაოლავ, ან ის ფასიც მე მომეცითავ, რასაც კალოთანელთ აძლევთავ, ან იჯარა მამეცითავ, მაინც ხო თქვენ ჳელსაყრელ იქნებისაო-დ, უჯობავ, რო ამ ადგილის გულისად სისხლს ნუღარ დაღვრითავ. ეს ამბავი ამლივნებმ კალოთანელებსაც უთხრეს, დიღვევლივ ან მამულს თხოულობენაო-დ ან იმის ნაფასურსავ, თუ არა, მუქარას გვთხოვენავ. ამაზე კალოთანლებმ უთხრეს: იმათავ ჩვენავ მამულს არ ვაძლევთავ, წამავიდანაო-დ მაგვეკლანავ, ჩვენაც აისითა სისხლ გვიდგასავ, რაველიც სისხლ მაგათ ედგავ, თუ არა, ისიც საკმაოი ასავ, რო ადგილშით ავეყარენითაო-დ ქონებაიც სრუ გაგვიქარწყლდავ. თქვენ რო დიღვევლებს რა მისცათავ, ტყუილად ჩავივლისთავ, მანამ ფასს არ მაგვეცემთავ, მამულში არ გაგავლევთავ.

ამაზე დიდხანს იყვ საუბარი-დ ბოლდა. ბოლოს ამლივნები კალოთანელთ სრუ გაუსწორდეს მამულების ფასში, ზოგმ მეკომურმ მეტ იყიდა-დ, ზოგმ ნაკლები, ვისაც რამთვენი შეეძლიევ. ერთ ამლიონ კაცი, სახელად ბეწინა, ყველაზე კა მცხოვრები იყვ ამ სოფელში. სახელიანი-დ მაგარ კაცი ძალიან იყვ, რო ის არც დიღვევლს ეპოებოდა-დ არც ჳევსურს. ამან არც შიმ იცოდა-დ შასაძლებლობაიც ხქონდა-დ მით უფრო ბევრ იყიდ კალოთანლების მამული-დ დაიწყ ჳენა-თესვა იქ. ბოლოს ბეწინას შუღლ მაუვიდ ფარეშასთან, ნუ დახოლავ უთხრ ბეწინამ, ნუ რას ითხოვავ ჩვენგანავ, აგერაი შენაო-დ აგერაი კალოთანელნივ, მე მამულში ფას მივეციო-დ ჩემთან არა გესაქმისავ. გამწარდ ბოლოს ფარეშაი-დ დამუქარებულ წავიდ.

ფარეშას რო ანდარუყო მაუკლეს, მეორე შვილ დაშჩ კიდევ ოსი. ოსი მაშინ ცოტა იყვა-დ მალე წამაიზარდ. გაიგ ოსიმ რო ტანიესავ მემცხვარეებ გადმავიდესაო-დ ცხვარ-ბინა დადგავ. ანდარუყოს მაკვლაში რო ჯლუგა იყვ მემცხვარეი, ამის ჯავრი შჭირდ ოსისა-დ გადასწყვიტ ჯერავ მემცხვარეს მავკლავავ, იმის ჯავრ ამაგიყარაო-დ მემრავ კალოთანელთ მაგივრადავ იმათ მამულ ვინაც დაიჭირავ, ამლიონს ვის მავკლავავ. ჯლუგა ფშაველ მემცხვარე იყვა-დ ტანიეს გუდამაყრელ მემცხვარეებ გადმასულიყვნეს, მაგრემ ოსი ამას სრუ არ ფიქრობდ, ვინ იყვა-დ სადაურ იყვ. ხოლოთ მემცხვარე კაც კი მავკლა-დ სადაურიც უნდა ყოფილიყვ. ამ გუდამაყრელ მემცხვარეებს ანდარუყოს მაკვლა არც კი ხქონდ გავგონილი. წამავიდ ოსი, ერთ ამხანიგ სხო გამაიყოლ, მაეპარნეს ცხვრის ფარასთან ერთს გუდამაყრელს წყემსსა-დ მაკლეს თოფით. ვითამ მემცხვარეზე იძიეს ანდარუყოს შური. წყემს რო მაკლეს, მანამ სხო წყემსები მავიდოდეს, ცხვრის ფარა უპატრონოდ დარჩ, მაგრემ დილდვლებმ კვლ არ ახლეს, სირცხვილ იყვ შურის საძებრად წასულის კაცის ქურდობაი. დაბრუნდ ოსი-დ შინ მისულს დილდვლები სახელს ულოცვედეს წყემსის მაკვლაზე.

ეს შური რო იძიგ, ახლა დაიწყ არხოტ სიარული სამზირლად-დ კალოთანლების მაგივრად ამლიენებზე სისხლის ასადებად. აქ კი უფრო იმის მაკვლა უნდოდ, ვისაიც ჯავრი შჭირდ. უფრო იძევდ ახვათ ბეწინას, რაკი ფარეშასთანაც ნაშუღლარ იყვა-დ კალოთანელთ მამულიც იმას ეჭირ მეტი. ბევრჯელ იყვ ოსი სამზირლად, ბევრჯელ შახვდ არხოტიონ კაც მარჯვედ მასაკლავში, მაგრემ ჯერ არ უნდოდ უბრადლო კაცის მაკვლა, მარტო ბეწინას ემტერებოდ. იცოდ, რო ბეწინას თუ ვერ მახკლევდა-დ იმისიანს სხვას ვის მახკლევდ, ისი ნეთხელთ ასაყრელად გაუჭდიდ საქმესა-დ იმით ეშურებოდ ჯერ ამის მაშორებას. რო წამავიდოდ, ისითს ალაგში ჩაუსხის მზირ, რო ბეწინას თვალ არცაით შეეგდ, თორე ძალიან ეშინოდ იმისგან; ის თუ ჩასაფრებას მაასწრობდ, აზარალებდ მზირთ.

არხოტიენებს, სოფელ ამლიენებსა-დ ახიელლებს ერთ სამთო ადგილი ხქონდ – ტანიე. ტანიეს ზაფხულის თიბდესა-დ ზამთრის საქონ მიუდიოდ გასაკეებავად. აქ სახლებიც ხქონდ საზამთროი. ტანიესაც წინავ დილდვლები მდგარანა-დ მემრ არხოტიენებს ძალით დაუჭერავ ეს ადგილი-დ ამაზედაც ჯავრ მაზდიოდ დილდვლებს. ოსიმ იცოდ, რომ ზაფხულის პირთ არხოტიენები ვშირად დადიოდეს ტანიეს, ზოგი სახლებს მიწას აყრიდა-დ ტკეპნიდ, რო ზაფხულის წყალ არ ჩასულიყვა-დ ხე-ჭერ არ დამპალიყვ. ზოგს საქონი-დ ცხვარ მიუდ-მაუდიოდ, ზოგ კიდევ ჭალას დავიდოდ თავის სასაქმოზე. სწორად ამ დროს გაზაფხულ წამავიდ ოსი სამზირლად-დ ორნ სხვან გამაიყოლნ. ორს დღეს იცადესა-დ ბეწინა არ შახვდ, ისენი ტანიის კარ ისხდეს ტყეშია-დ იქით კარგად შორს ჩინდ არხოტით მასავალ გზა. ჩაიარეს სხო არხოტიენებმ, მაგრემ ოსიმ არ ათოფვივ ისეებ. ერთის კვირაის საგძალი ხქონდ წამადებული-დ ის ამხანიგებს ეუბნებოდ: ამ

საგძლის გათავებამდინ ქვე მაუცადათავ ბეწინასაო-დ, თუ მაინც არ მავიდავ, ბოლოს სხვა კაც მავკლათაო-დ მემრ წავიდათავ შინავ.

მესამე დღე გაუთენდ ღიღვლებსა-დ მზემას ხანთ მავიდ ახვათ ბეწინაიც, ერთ ამხანივ სხო ეტან – ძიათ აბაიხძე. მზირი მადლად ისხდ გზის თვალით საჭერლად. აქით შორ იყვა-დ არა დაეკლებოდ გზახე მამავალს კაცს. ადგესა-დ ჩამოირბოლეს მადლით. ტანისკარ ტანის წყლისგან გამახრამულ ბექ იყვა-დ იმას მაუსხდეს, არხოტის წყალზეით ბეწინაი-დ იმის ამხანივ მადიოდეს. არხოტის წყალზე მიმავალ კაცი ტანისკარ კიდსთან ცოტას მინდორზე გავა-დ ღიღვლელთ სწორად ამ გზისკე დაიკეთეს საყუჩებო-დ ჩასაფრდეს.

მავიდეს ბეწინაი-დ აბაიხძეიც ამ მინდორზე. ღიღვლები ბეწინას კარგად იცნობდესა-დ სამთავ იმას დადლიშნეს თოფები. აბაიხძეს ყურ არ უგდეს, ბეწინას თოფიც ჰქონდა-დ აბაიხძე უიარალო იყვ.

თოფებ რო გაიყარა-დ ბეწინას სამივე გასცდ, ერთ მირგვლივ კლდე იდვ გზის პირშია-დ ბეწინა იმ კლდისკე გაიქც ჩასასაფრებლად; რო გაივ, ტყვიამავ ახლოს გამამიარავ, მე მთოფევენავ, მივიდა კი კლდესთანა-დ მეორედ გამაიყარ თოფები-დ ბეწინას გულზე მახვდ ერთ ტყვიაი-დ იმაშიავ მაკვდ.

ძიათ აბაიხძე არხოტის წყლის პირისკე გადახტა-დ მავეარ; აღარ ჩინდ ის ალაგი, სადაც ღიღვლები ისხდეს. ბეწინაიც რო აქ გადამხტარიყვ, გადამწებოდ, მაგრემ ისი ისით უშიშარ კაც იყვ, რო პირდაპირ იქისკე გაიქც, საითაც თოფ გამადიოდ, ამ კლდესთან ჩაუსაფრდაო-დ მემრ კი ვერცად ერთ წაუვიდოდ ცოცხალ, თუ ამას საყუჩში მიესწვრ. ღიღვლელთ რო გაიგეს, მაკვდავ, დაიქცნესა-დ წავიდეს ჭალა-ჭალა რბოლით. ძიათ აბაიხძე კი წავიდა-დ არხოტ გატეხ ჳმაი, დაიქც მდევარ, მაგრემ რასად გამამწებოდეს, ისენ მალედავ დაიქცნესა-დ გადავიდეს სამშვიდობოს. ეს ბეწინა იმ გიორგათ ჩამამავლობის კაც იყვ, ჩვენ რო თამარიხძე, მინდიაი-დ სულხანაურთ უშიშა დავსწერენით აქ. ეხლადაც იმათ ჩამამავლობა აისეთივ ამაცი-დ მტრისად მიმყოლ ხალხ იყვ, როგორც ისეებ იყვნეს. მემრ ბეწინა ამათ გვარში ყველაზე კაი კაც იყვა-დ მთელს გვარს ძალიან უყვარდ. ბეწინა დაასაფლავეს კია-დ მეორესავ დღეს წავიდეს შურის საძებრად.

იმის სახლისკაცებ წავიდეს: ბადიათ იონაი-დ ხომიზურა – ძმანი, სულხანაურთ უშიშა, ორ გარეთულ სახლისკაც გახყვ – გაჯალათ გაგაი-დ ნისლაურთ ჳინლაი. ხომიზურას ცამეტის წლის შვილი ხყვანდ, ბაბუა; ამანაც მაინდომ სამზირლად წასვლაი-დ, ყმაწვილი ხარავ, არ გაიყოლეს. რო მაინც არ იშლიდ, იმეების წასვლის დროს ბაბუა შინ დაამწყვდიესა-დ გარეთით გადმაუკედეს კარი. ისეებ რო წავიდეს, საკვმისას გამაძვრა-დ წავიდ იმათ კვალზედა-დ არხოტის ჳალას დაეწივ. გაიყოლეს ისიც.

ნეთხას სოფელში არცაით ას მისავალი, ისით ჩდილი აქვ, რო იქით წამასვლა ძნელი ას. ამის გულისად, რო წამასვლაში აღარ დაზიანდან, მზირები ჩავიდესად-ნეთხის კარ კიდის თავში ფიჭვიანში ჩასხდეს. აქ თვალით უჩინდ ნეთხისკე მიმავალ გზაიც; შუდილლოთად-ნეთხით მამავალს კაცსავ ნეთხის ჭალაზედავ დნახევდ. ნეთხელთ იცოდეს, რო ეს ვალი დიდხანს არ შაშჩებოდა-დ მოხილობდეს. უიარადოდ შინით კარშიაც არვინ გამავიდოდ. წასვლა-მასვლაიც ძნელ იყვ ამ იწროს ჭალეებზედ, მაგრემ, როსაც აუცილებელ საქმე რა ექნებოდ, რასად იქმოდეს, წამასვლა უნდოდ. წამასასვლელი მარტო ერთ გზაი ხქონდ, რომენიც ჯერ იწრო ნეთხის ჭალას გამაივლიდ, მემრ ნეთხისკარ კიდს გამაჰდებოდა-დ დაბრუნდებოდ შუდილლოსკე, აქაც სრუ იწროდ ტყიანებ ჭალეებ იყვ. გიორგათ მზირი ღამით მივიდა-დ ჩასხდეს ფიჭვნარში, დაიკეთეს საყუჩებიც. გათენდა თუ არა-დ ორნ ღილღველნ მავიდეს ნეთხით, ღილღოსკე მიმდინარნი. მზირებმ ერთუცს უთხრეს, რო კიდს რო მიუახლოვდებისავ მაშინ ვესრიოთავ. თოფებ ყველამ გადაუსხა-დ დაღლიშნეს; ხომიზურას უთხრეს, შენ გვითხრიდივ, რო ყველამ ერთად დავსხლიტათავ თოფებივ. თოფების დასხლეტის დრო რო მავიდ, ხომიზურამ თქო: „აჰა“ ეს ნიშანი იყვა-დ ამის გაგონებაზე ღილღვლებისად დაღლიშნებულებ თოფებ ყველამ დასხლიტ. თოფებ რო გაიყარ, ერთ ღილღველი სირადათ არსამბეჭი იმაშიავ ჩაიქცა-დ მეორე ღილღველი დაჭრილი კიდის ძირში გადაბრუნდ ტოტიოთ-დ ჩაიმაღ. წაქცეულს ღილღველს კიდევ ესრიეს. ადგესა-დ წამავიდეს პირადმ.

ეს თოფის კმა ნეთხას სოფელ გაიგონესა-დ გატყდ კმაი. საჩქაროდ შაიარადდესა-დ დაიქც ახალგაზდობა სამდევროდ. ყველაზე წინ გამაიქც ფარეშიაიშვილ ოსი. ოსი გამაქცეულ მავიდა-დ კიდზე უნდა გამასულიყვ. არიქათავ, თქვეს მზირებმ, კიდზე ნუ ვის გამაუშობთავ, თორე გზას შავიკერენაო-დ დაგვაზარალებენავ. მანამდინ ოსი კიდზე შამაჰდებოდა, ესრიეს აქითაც. არ მახვდა კია-დ ტყვიამ რო ახლოს გაუარ, გაფრინდა-დ ბექს მაეფარ. მახყვ სხო მდევარიცა-დ ჩასაფრდესა-დ დაიწყეს თოფს სრევა. იმათ შორ ეგონ მზირებსთანამდენ, მაღლა დაიწყეს სრევაი-დ ტყვიამ თავში დაიწყ გადენა. მზირებმ ერთუცს უთხრეს, რო იმათავ შორი ღვონავავ, მაღლა გვაჰლიანავ, არ გაიგანავ რო ტყვია მაღლა გადადისავ, თორე დაგვაზარალებენავ. რახან თოფ გამავარდასავ, პირადმ დავიქცნათავ, ვითამ ტყვია დაბლა მადისავ, მემრ უფრო მაღლა დაიწყებენავ სრევასაო-დ ვერას დაგვაკლებენავ. მართლადაც ესრ მაიქცნეს: თოფ რო გამავარდის, პირადმ დაიქცნიანა-დ ტყვიამ უფრო მაღლა დაიწყ გადადენაი. თითო ოროლას ესენივ კიდევ აჰლიდეს, რო კიდისკე არ წამავიდანავ. ასეთი სიარულით შაჰდეს კშირს ფიჭვიანშია-დ ველარც ღილღვლებმ გაიგეს საისკე წავიდეს მზირნი-დ დაანებეს თოფის ჳლას თავი. მზირ რო არხოტ მავიდ, თემებშიითაც დაიწყ უფროს ხალხმ დენა, სახელის მასალოცავად, თავის სოფელში ხო ულოცევდეს; მაგრემ ხომიზურათ ბაბუას ამით გულ არ ხქონდ

ნაჯერები. ის ფიქრობდ, ბეწინასავ თუ კიდე არვინ შავსწირევ, ვერ მავისვენებავ. თავის მკრივ კიდე დიღღვლები იყვნეს დაჯავრებულები-დ ისენიც ცდილობდეს ახლა კიდე იმათაც მაეკლ არხოტიონ კაცი-დ ეძივ შური. ორივ მკარე მზას იყვ, სადაც ვინ შახვდებოდ, ნადირივით მაეკლ, მაგრემ ერთუცის ამბავ რო იცოდეს, რო არც ერთნი მაისვენებდეს კაცის მაუკლავადა-დ არც მეორენი, იმით დიღღველებიც გამთხილებულებ იყვნესა-დ არხოტივნებიც. არც ერთ ხალხ დადიოდად სამტროს გზახედ-დ არც მეორე. მთაიცა-დ ბარიც სრუ უქმად იყვ დამრჩალი, იმ მკარეზე სადაც დიღღველ-არხოტიონთ ან მთაი ხქონდ ერთუცის ახლოს, ან ბარი-დ ან სადაც გზა იყვ ერთუცისკე მარჯვე მისავალი. ამ სიმთხილით ხუთი-ექვს წელმ გაიარ, რო ვერცად დიღღველთ ვინ მაკლესა-დ ვერც არხოტიონთ.

ხომიზურათ ბაბუა წამახალგაზდავდა-დ ნადირობადაც დაიწყ სიარული, მაგრემ ბეწინა რაკი ძალიან უყვარდ, სრუ ის იყვ იმის გულში, კიდევ მაეკლავ საკუთრადავ დიღღველივ. ერთ სხვის გვარის კაცი ხყვანდ ბაბუას მეზობელი, ბაბუკურთ თათარაი-დ ამასაც დიღღველთ ჯავრი შჭირდ. თათარაის შინშისად ამ კარგა ხნის წინ, ძაუგშიით მიმავლისად, გზა შაეკრ დიღღველებსა-დ ცხენ წაერთვ. ერთხან ბაბუამა-დ თათარამ გადასწყვიტეს: წავიდათავ, ჯერ დიღღველ მაეკლათავ, ამავიყარათავ დიღღველთ ჯავრივ, მემრ მავბრუნდათავ, ტერდას ვინადირათაო-დ ჯიკვის ჯორციც მავიტანათავ. თათარაიც ბაბუასავით მაგარ ახალგაზდა იყვად კადაც აწნიყვ ერთუცი. ჩაიდვეს საგძალი-დ წამავიდეს: ჯერ დიღღველებზე სანადიროდა-დ მემრ ჯიკვებზე, ჩაიარეს ჭალაი-დ ჩაუსხდეს ნეთხისკარ. დიღას მზემამის ხანთ მავიდ ერთ დიღღველი ნეთხელი. დააშალეს თოფები-დ მაკლეს. მავბრუნდესა-დ ტყედატყე წამავიდეს ტერლისკე. ეს დიღღველიც იქავ ბეწინას შასწირეს. ნეთხას გაიგეს, მდევარ დაიქც, მაგრემ აფათვლულ ტყე იყვად ველარ გაიგეს საისკე წავიდ მზირი. ბაბუაი-დ თათარა მივიდესა-დ შამაუდგეს ტერლის ჭალას ტერდად სანადიროდ წასავლად. ამ დროს ერთ ნეთხელ დიღღველ ყოფილ ტერდას სანადიროდ, სახელად ჩარგეზა; მაუკლავ ჯიკვი, დაუწყვავ მძიმე ბარგი ჯიკვის ტყავ-ჯორცისაი-დ კლდეთას რო ველარ უზიდავ, პირდაპირ ტერლის ჭალას გამაზდგომივ ბარგიანი. თუმც საშიშ კი იყვ ეს გზა, მაგრემ აგებ არვინ შამხვდესავ, ალბათ იფიქრ.

ჩარგეზა ძალიან მძიმე ბარგით მავიდოდა-დ გზახე აღარ ხქონდ გული. თათარაი-დ ბაბუა ცალეებ მიდიოდესა-დ მთხილად ათვალთვებდეს თავის გასავალ გზას. ტერლის იწრო ჭალაში მალედ მახკრეს ჩერგეზას თვალი-დ ჩაუსაფრდეს. სრუ ახლოს რო მავიდ, ესრიეს თოფები-დ ჩარგეზაიც აქ მაკლეს. არც იარაღს ახლეს კველი-დ იმის ბარგს ხო რას კველს ახლებდეს, თაოდ წამოვიდეს კიდევ, ჯიხვებზე ინადირეს ტერდასა-დ თავის მაკლულის ჯიხვის ჯორცის ბარგებ მაიტანეს შინ.

როსაც არხოტის ჯვარში საყარყმოდ ვერძ დაკლეს, მაშინ მიხედ ხალხი, რო ამათავ სახელ რაიმ უქნავა. დაიწყო ხალხმ სახელის მასალოცად მასვლა. ზოგ კი იმასაც ამბობდ: ეგ ამბავი სასიხარულო არ ასავ, რამთვენიც ტყვია დილღველს მახვდავ, თუ მეტ არავ, იმთვენ მაინც მაგეხდებისავ ჩვენავაც. აბა რახედლო-დ რომენხედავ, რა სასარგებლო ან ჩვენდასაო-დ ან იმათადავ. უფრო ბევრ ხალხს კი უხაროდა-დ ამბობდეს: ახიავ დილღველის მაკვლაივ, რამთვენიც დილღველ მაკვდებისავ, იმთვენ ჭირ მაშორდებისავ ქვეყანასავ. სრუერთიავ, თუნდა მაკვლათაო-დ თუნდა არავ, ეგენივ ჩვენ მაინც არ დაგვინდობენავ, სადაც ვის გაგვეწვეიანავ, მაგეკვლენაო-დ აზირ ჩვენაც მაკვლათ მაინცავ. სახელის მქნელებს პატივსაც აძღვედეს ჯარხედა-დ ლექსებსაც უმღერდეს საქებს.

თათარაი და ბაბუა იყვნეს ქისტების მტერნია.

ნეთხაში სადამ ჩავიდეს, აღარ გაწირეს მტვერია.

ცის ქუხილივით ამადის, ერთუცს უხმობენ კლდენია.

სულეთ შავიდა ჩარგეზი, არ შაიყოლა ფერია.

რა შუაზე შჭრის საწყალსა, გაგლეჯილი აქვ წელია.

მარჯედ აღონებს ნაჭრევი, თვალებით ცრემლის მღვრელია.

ძალიან იზიდებოდა ვერცაით გამამსვლელია.

ველარაი ქნეს ნეთხელთა, დადგა მეორე წელია.

ისრ კი ნულარვინ მახედეებით, ვერ გამაიდათ ჯელია.

ამ ამბავზე დილღველები ძალიან გამწარდესა-დ დაიწყეს შურის საძებრად სიარული. მაგრემ არხოტიენებ ისრ ძალიან გამოხილებულებ იყვნეს, რო თავის სოფლებს ბევრად აღარ სცილდებოდეს. დილღველების მასავალის გზისკე დაწირეს ადგილებიც, ზოგი საზაფხულო-დ ზოგ საზამთროი, ისით ადგილებ, რო თითო ადგილი თითო სოფელს ყველაად შაინახევდ. მაგ.: ტერდა, ბისნა, თათხელი, ამჟორიტეი-დ ბევრად ტანიესაც აღარ დადიოდეს, საითაც სულთ იდგემდეს არხოტიონნი. ტანიეს თუ წავიდოდეს, ჯერ ყარაულთ წადლაღვედეს, გზებს შახკრევედეს, საითაც დილღველების მასავალ იყვ, მემრ მუშა ხალხ წავიდოდ სათიბლად-დ ყარაულებსაც ხალხ უთიბდ. აისრავ თივის კრეფაში იქცეოდესა-დ ზამთრის, როსაც საქონს ჩადლაღვედეს, მოებზე ქვე არ იყვ გზა-დ ჭალაზე აყენებდეს ყარაულს. თემ-სოფელ უსწორდებოდ საყარაულო ფასს. ტანიის გარდა სხვებს ადგილებში ჯიკვების მეტ აღარ დადიოდ. აისრივ დილღველებმ დაანებეს თავის ადგილებს თავი, უფრო ჩორეხს. ეს ადგილი ზაფხულობით სრუ მთის დილღოს კარ-ცხენს ინახებდა-დ ეეხლა სრუ თავ დაღნებდა-დ ჯიკვებმ დაისადგურეს აქაც.

ამ სიმთხილით კარგა ხანმ გაიარა-დ ვედარცვინ მაკლ ერთუცი, თუმც ორიგ მჭარე ჳშირად კი დადიოდ ერთსხვაზე სანადიროდ.

კალოთანელთ შააბეს ეს საქმე წინ-წინ ანდარუყოს მაკვლითა-დ ეხლა ამ ანდარუყოს შვილნიც დაზარდნეს ორნი – ნალი-დ ალბერდი. ანდარუყო რო მაკლეს, მაშინ ძალიან ცოცოტეებ დარჩესა-დ ეხლა წამაოშკაცდეს. მართალია, ოსიმ ბეწინაიც მაკლ, ტანიეს წყემსიც მაკლ, ანდარუყო უძებარ აღარ იყვ, მაგრემ უნცროს შვილ ალბერდი ავ კაც გამავიდა-დ ამბობდ, რო მამაშემ რო მაკლესავ, ჩვენ ობლებ დავრჩითაო-დ ობლობაშია ბევრ ტანჯვა გავიარეთავ. ბიძაშემ ოსიმ რო კაცებ დაჯოცავ, იმითავ თავის გულ მაიოხავ. ეხლა მე გავიზარდევ, ჩემი ჳელით უნდა დავღვარავ არხოტიონთ სისხლივ, რო გულ მაგიჯერავ.

ალბერდიც უფრო იმ ხალხს იძევდ, ვისაც კალოთანელთ ადგილ ეჭირ. მამისხემის სისხლივ იმ ადგილში დაიღვარაო-დ ეხლა სხვებ ხყრიანავ ჳელსავ იმ ადგილსავ. ორჯელ-სამჯერ გზაიც შაუკრ ალბერდმ ძაუგში მიმავალს მგზავრს. უნდოდ, რო ამლიონ ვინ ყოფილიყვა-დ მაეკლ. მაგრემ ამლიონი ამ გზაზე არავინ დავიდოდ, ჳეც დაცვარც ხალხი გზაში ჩასაფრებულმ ალბერდმ. არხოტიონს კაცს აღარ უშობდ. ბოლოს ბეგარ მაითხოვ, მაგრემ არ მისცეს.

გაჯავრებულმ ალბერდმ შაყარ სამი-ოთხის კაცისგან შამდგარ მზირი-დ წამავიდ ერთის კვირაის საგძლით, ამთვენ ხანსავ შამხვდებისავ ერთ მაინც ვინაო-დ მავხკლავავ. წამავიდესა-დ არხოტიონთ ადგილებში, ამჟორიტეს შაკრეს გზა. აქ აივლ-ჩაივლისავ ვინავ მენადირე მაინცაო-დ მავხკლავთავ; თუ ორ-სამს არავ, ერთს მაინც ხო მავხკლავთავ. იმ აზრით კი იყვ ალბერდ წამასულ, რო ერთ მგზავრში თუნდა ხუთ-ექვს კაც შახვედრიყვ, სრუ დაჯოცას აპირობდ. მამაშემს ანდარუყოსაო-დ იმის ამხანიგებსაც ვერ უყვესავ, რო ყველან დაჯოცნესავ, ეხლად მიაც აისრ უზამავ არხოტივნებსავ. მაგრემ აქ მარტო ერთ კაც შახვდ ამლიონი, მზევინარათ მინდია. მინდია მარტო წამასულიყვ სანადიროდ, ის ღილღოს ცხოვრობდ წინავ, ბევრ ხალხ იცნობდა-დ ფიქრობდ, მე არ მამკვლენავ. იმით დავიდოდ ის მარტო ამ გზაზე ბრიყვად. მაგრემ ალბერდი ნაცნობობამ არ დაიჭირა-დ გზაზე მიმავალს მინდიას დააშაღეს თოფები-დ მაკლეს. მამაშემივ ჳვიშაში დაღმარხესაო-დ გვაძევიესავ, თქო ალბერდმ. ეს კაცივ უნდა ვაძევივავ არხოტიონთავ. დააკრ ზურგზე ღიდ ჳვაი, მიიტანესა-დ სადაც ღიდ გუბე იყვ, წყალში ჩაავდეს. მიიტანესა-დ კიდევ ღიდიდებ სიპებ მიახეს ზედა-დ წავიდეს. ახლა ალბერდს მიულაცეს სახელი ღილღვლებმ. მინდია რო ნადირობით აღარ დაბრუნდ, დაიწყეს ჯერ თავის სახლისკაცებმ ძევაი, მემრ, რო მაინც არ მაიჯელ, თემშია-დ სოფელში რაიც ახალგაზდობა იყვ, ყველამ ძევა დაიწყ, არცად გაუშვეს დაუძევი, რაიც სანადიროებ კლდეები, ან სადგომებ ეხები სრუ დაიარესა-დ ვერ მაჯელეს. მემრ ღილღოსაც დაიწყ მშვიდობიანმ ხალხ დენაი-დ ძევა, ვისაც მტერ არ ხყვანდ იქ, ღილღველთად ვისაც დაღეულ არა-ი

ხქონდ. დაიწყეს იქ კითხვა: აქ ხო არცად მასულავ, ან ხო არვინ იცითავ, მაგრემ ღილღველთ რო ქვეც სცოდნიყვ, არ ეტყოდეს. ისით ატკაზ იცოდეს. ბუდის ჰვესურეთაც იდიეს, შატილისკესაც, მაგრემ დაიკარგ კაცი. მკითხავებმაც ბევრ რაიმ იმკითხავეს, მაგრემ არცარა ამეების მკითხაობით გამავიდ. მკითხავებ უფრო იმას აბრალებდეს, რო მაგანავ თავის რჯულს უღალატავ, ღილღველთ რჯულზე დაღვავ, იქ იცხოვრაო-დ იმით მაუვიდავ ეგივ. ეგივ ისრ დაიკარგებისავ, რო აღარც სრუ მაიწველებისავ, ზოგ მკითხავ იმას ამბობდ, რო ღილღოს ასავ ცოცხალივ. ვისაც რა მადგონდებოდ, ყველა იმას ამბობდ.

მინდია მაკლეს სთვლის დროს ენკენიის თვეში, თუ მარიანობის თვეში. დაზამთრებამდინ მთელ თემ-სოფელ იძევიდა-დ, რო მაინც არ მაიწველ, დაანებეს თავი. ზამთარმ გაიარ, გაზაფხულ მავიდად - ამჟორიტეს წყლის პირში ერთ ჰველ მაიწველ (იპოვნეს) მელ-კვერნაისავან გამახრული. მესამე-მეთხეს დღეს კიდევ გადმ წყლის პირში ფეკ მაწველეს. ამით მიხვდეს, რო აქ სადამ ასავ მაკლულივ; დაიწყეს წყალში ძევაი-დ ზურგზე ქვა დაკრული მინდიას გვამ მაწველეს. ჰველ-ფეკი ველის ნადირს დაეგლიჯა-დ უწველფეკო მაწველეს, თავ კი ზედავ ებ. მკერდსავ დიდიდებ სიპები ხქონიყვავ დასხმულიო-დ იმით ვერა დაეკლავ ველის ნადირსავ. თავსავ ქვა ზდებიყვავ. მემრ დაძიესა-დ მაკრიფეს, თუ სად კიდევ რა იყვ ველის ნადირისგან გაწირულ იოგები. წამაიღესა-დ დაღმარხეს.

კვირავს დაღამებადა, ვაპირებ ლექსის თქმასაო.

ამბობენ ამჟორიტესა დამდგარსა ცოდო-ბრალსაო.

რაად ხკლავთ მენადირესა, ღილღველებო, მინდიასაო?

დაღალტით რად ხკლავთ რჯულძაღლნო, იწროს რად უკრავთ ვზასაო?

თუ მახკლავთ, არ დაიჯერებთ, წყალს ნუ ვაატანთ მკვდარსაო!

ავნია არხოტიონნი, არ შავარჩენენთ ვალსაო.

აქებენ კირხლაის შვილსა, გრანჯას აქებენ კასაო.

საიმედო ხყავ წვრილაი, გასწავლისთ თოფის კლასაო.

შურის საძებრად წამავლენ, მავრად ჩაიცმენ ჯღანსაო.

თოფ ვადის ნეთხის ჩდილშია, ქარაფნ აძღვევენ ბანსაო.

მინდია რო დაღმარხეს, გაიგეს ღილღოსაც, რო მაიწველაო-დ აღბერდმ დაუბარ: მაგ კაცის მაკვლაივ სხვას არვის დააბრაღათავ. ეგივ მე მავკალივ. მამაშჩემივ რო გვაძვევიეთავ, მიაც იმით გაძვევიეთავ ებ კაცივ. ებ გასწორდავ ეხხლადავ, ხოლოთ ჩვენ სიობლეიო-დ ბეჩაობა კიდევ გმართებსთავ თქვენავ. ახლა ადვილ დაიჭირეთავ, სადაც მამიჩემის სისხლ დაიღვარავ. თქვენავ მაგას ნუ შჩივითავ, ჯერ კიდევ ბევრ ვალი გმართებსავ ჩვენიო-დ ყველას გადაგაკღვევთავ, მანამ არ მაგასვენებთავ.

თაოდ კი ალბერდი ისითს ალაგში დასახლდ, რო იმას არხოტიონნი ველარცაით რას დააკლებდეს, არხოტიონთ კი ისი შიშის ზარს ზდებდ. არხოტის ჭადას ველარც კი დადიოდეს იმის შიშით.

მხევინარათ მინდია რო მაკლეს, ამას სახლისკაცებ დაშჩესა-დ დაიწყეს შურის საძებრად სიარული. ის კი იცოდეს, რო მამკლავს ვერ მახჭველევდესა-დ არც დარდობდეს იმას, ხოლოთ დილღველ შახვედრიყვა-დ ვინც უნდა ყოფილიყვ, სადაურიც უნდა ყოფილიყვ, სრუ ერთ-იყვ იმათად, ხოლოთ დილღურ ტალავრიან კი ყოფილიყვ. დაიწყეს სიარულ, მაგრემ არ შახვდ ისითს ალაგში დილღველ, რო მაკელ ისი-დ თაოდ აღარ დაზიანებუელიყვნეს. კარგა რო მაზაფსულდა, ამავიდ ცხვარ-წყემსი ჩორეს. ცხვარი იყვ ბარშიით მასული აჩაროვლებისა. აქ მინდიას მამკლავთა კი არა, სრუ არვინ იყვ მთის დილღველი, მარტო ბარის დილღველები იყვნეს ესეები.

ბერდიშვილებმ წინა დღეს იჭირეს დვირბინით, სად ვის ბინაზე იყვ უფრო მარჯვე მისავალი-დ წამასავალი (აქ მარტო ერთ ბინა კი არ იყვ, ოცამდინ ბინა იყვ გაჯეთ-გამაჯეთით). ბოლოს ერთ ბინა შაარჩიეს, რომენიც უფრო სათავისკე იყვ კლდიანის ბოლოში. გადასწყვიტეს რო მაგ ბინაზე დაეთოფნათაო-დ ერთ მაინც მაკვლათავ. დამის ძალით ჩავიდესა-დ ჩახხდეს იმ ბინაის თავში კლდიანში. დილას რო გათენდ, წყემსებ თეოხეთ ადგესა-დ ცეცხლოთ მირგვლივ შამაეხვივნეს ბინაში. ამ დროს დაშადეს თოფები ბერდიშვილებმ. ერთ კაც აჩაროელ წყემს ქვე მაკლესა, მეორე წყემს ქვე დაჭრეს ტარგამელი.

გატყდ კმა ყველას ბინებზე. ახყარეს ცხვარი-დ ყველამ ჭადაისკე ჩალაღ. იმათ ეგონ ლაშქარ დაგვეცაო-დ ცხვარს გაღლაღვენავ. იმის შიშით ჩალაღეს ცხვარი დაბლა. ბერდიშვილებ კი ადგესა-დ წამავიდეს წვერისკე. ბინებზეით პირადმ წასულ მზირ რო ნახეს, დაუწყეს თოფის კლა დილღველებმ, მღევარიც გამაუდგ, მაგრემ ბერდიშვილები თოფის კლითავ პასუხობდესა-დ მღევარს ახლოს არ უშობდეს. დილღველები ჯერ კი ეცადნეს რო გზა საით გადაეჭრ მზირთან, მაგრემ თოფის კლით მაღლა ამასავალ აღარ მისცესა-დ დაანებეს თავი. წამოვიდეს ბერდიშვილნი. ის აჩაროელ წყემს იქავ მაკვდ. ტარგამელს ფეკი ხქონდ ბარკალში დამტერული-დ მაარჩინეს დილღველ სოფლის აქიმებმ, ხოლოთ გახაიბრდა კი, კოჭლი დარჩ სამუდამოდ.

ამ ამბავმ დილღველებ ძალიან გაამწარ, თუ რა ვის გიმართებსთავ, – შამაუთვალეს არხოტივნებს, – რადარ იმას სოხოვთავ პასუხსავ, თუ არა მენადირეებ თქვენ არ ხართაო-დ ნადირივ ჩვენავ, რო სადაც ვის შავგხვდებითავ, გეკოცთავ, თუ არა, რას გვემართლებითავ აღალმართალს ხალხსავ, სადაც ვის გვნახავთავ. თუ არ გაარჩიეთავ ხალხიო-დ ეესრ გაურჩევლად კიდე ვინ მახკალითავ, იცოდათავ, რო უფერს საქმეს დაგმართებთაო-დ ჩვენ ბრალ ნუ იქნებისავ მემრავ.

ამ ამბიდგეს ცოტაად დაწინარდ ხალხი, საუბარიც კი ხქონდ შარიგებაზე. დილდვლებ უფრო ამბობდეს: რაად ვკოცთავ ერთუცსავ, ტყავ არაად გამავადგებისაო-დ კორცივ მაკლულის კაციხაივ. ეს სადაურიავ, რო პირდაპირ ნადირობა გაიმართავ ერთუცხედაო-დ აღარც თქვენ გაქეთავ მასვენებაიო-დ არც ჩვენავ. დავანებათავ თავივ ერთუცის კოცასავ. შავღრიგდათავ, მკვდრებივ მკვდრებში გავლბარათაო-დ, ვისაივ მეტ მკვდარ გამავავ, თავ-სისხლ გადავიკადათავ. მემრავ თქვენაც მასვენებით იცხოვრებთაო-დ ჩვენაცავ.

არხოტივნებიც იყვნეს შარიგების მომკრე, მაგრემ მაინც არ ენდობოდეს ერთუცს. ბევრჯელ ვქენითავ ზავივ, თქო ზოგმ ხალხმ, მაგრემ დილდველ-არხოტიონთავ ზავივ ბოლოს არ გაუვიდავ. ზავის ჩაშლას დილდვლები არხოტივნებს აბრალედესა-დ არხოტივნები დილდვლებს, მაგრემ ბედენებ კი არ იყვნეს, არც ერთ მკარე ინდობდ ერთუცსა-დ არც მეორე, როსაც კი დრო დაშჩებოდ. ეეხლა კი ხალხი ვითამ დაწინარდ ცოტაად, მიდენ-მადენაივ დაიწყეს ერთად, ვისაც ერთუცის სისხლ არა ემართა-დ მშვიდობიან ხალხად ითვლებოდ. უფრო დილდვლებს არაად შჭირდებოდ არხოტ მასვლაი, არხოტივნებს კი ძაუგში წასავალ გზაივ დილდოზე ხქონდ. დილდოს ცხვარი ხეგანდა-დ ტყავ-მატყელის საყიდლადაც იქ უნდოდ დენა, მარილიც დათეხით მახქონდ; იქ დილდვლები ვეძის მარილს აღუდილებენა-დ არხოტივნებსაც იქით მახქონდ. არხოტ უპურობა იყვა-დ სიმინდიც ბარის დილდვლებშით მახქონდ საპალნეებით. ისრ რო არხოტიონთად აუცილებელ იყვ დილდოს წასვლაი-დ ისენ სრუ არაად გაივლიდეს. აი, ამ საქმეების გულისად არხოტივნებმ დაიწყეს დილდოს სიარული; ან მავკვდაო-დ ან მავიტანავ, რაივ ოჯახში მჭირდებისავ, ესეთის ფიქრით დადიოდეს დილდოს, რო მეტ გზა არ ხქონდ. დილდველნიც რაივად გაჩუმებულნ იყვნესა-დ არვის კლევდეს, ამით უფრო გაბრიყვდესა-დ მაუმატეს სიარულს არხოტივნებმ. ხოლოთ, ვისაც სისხლ ემართ, ისეებ კი არ დადიოდეს.

ჩორეს რო ცხვარ-ბინას დაეცნეს, ერთ კაც ქვე მაკლესა-დ ერთ ქვე დაჭრეს. ამ მზირთ წინამძღვარ იყვ ბერდელიათ წვრილაი, მაშინდელს ლექსში ნათქვამივ ას:

*ვევიმედების წვრილაი, მანგიათ აღვის ტანია.
თვალს უცემს წელზე ნახვევი აბოინაის ჯარია.*

ეს დილდველთაც კარგად იცოდეს, რო წვრილა ამ მზირთ წინამძღვარ იყვ, როგორც მენადირეი-დ მტერთან ბრძოლაშიაც გამაცდილი. ძალიანაც უნდოდ დილდვლებს წვრილაის კვლხი ჩაგდება, მაგრემ არცაით უკერვდებოდ. წვრილას ერთი უფროს ძმაი ხეგანდ, გიგია; წინწინ კი ესივ ძალიან მოხილობდ, მაგრემ რამთვენიც დრო გავიდა-დ დილდველთ არვინ მაკლეს, თანთან ყველა გაბრიყვდ, დასცილდ შიში-დ სიმთხილეივ. იმათან ერთად გიგიასაც ქლოდ დასცილდეს

დიღღვეღნი. ჯერ ჭაღას დაიწყ სიარული, დიღღვეღებისაღან საშიშ ადგიღებში, საოჯახოდ აოჯისღნის მასატანღად. მემრ ადღად დიღღღოსაც წავიდ ცხერის ტყავების საყიდღად. ერთ თავის სოფღელ ზნიერ კაცს გახყვ ბაჭათ უშიშას. იდინეს დიღღვეღების სოფღელშიად ივაჭრეს ტყავები. გიგიაღ დიღღღოს თავის სახელ დამად. მე ახიღელი ორავ უთხრ, მაგრემ დიღღვეღღო რა ეერევის, თუ კაცს ერთხან თვალ დახკრეს, მემრ ის აღარ დასციღღების, თუნდა ოცი წღიდღე წახვღას. ბერდღღღათ გიგია მადღე ნანახ ვისამ ზყონიყვაად იცნეს იქავ. წავიდღესად იმის მესისღღღებს გააგებიეს: აქავ წვრიღღის ძმა მავიღღაღად, ტყავებს ვაჭრობსავ. წამავიდ ორ კაციღდ ნეოხისკარ გზა შაუკრეს. დიღღღოს იმით არ მაკღეს, რო ვისთანაც სტუმრად იყვ მისუღი, მასპინძელი არ მისცემდ იმის მაკვღის ნებას, მანამ შინ არ წამავიღღო. შინისკე რო გაისტუმრებდ მასპინძელიღდ იმის სოფღის მიჯნას გასციღღღებოდ, მემრ აღარ იყვ იმის საქმე, რაც უნდა დადმართვიყვაად აი ამ გიგიასაც იმით შაუკრეს გზა ნეოხისკარ.

ივაჭრეს ტყავები ბაჭათ უშიშამად გიგიაღ; აიკიდეს ზურგ ზედაღდ წამაიდეს. გიგიას თოფიც ზქონდაღდ უშიშა კი უიარაღღ იყვ. ნეოხისკარ რო მავიღღეს, აქ ცოტა ველი ასად მისაფარებ აღარაისად აქე გზაზე მიმავალს კაცს. ამ ველში წინ უშიშა ედღად უკან გიგია მახყვებოდ. ამ დროს გამაიყარ თოფები; გიგიას მახვდაღდ იმავ წამს მაკვღ. გიგია რო ჩაიქც, ბაჭათ უშიშა გზის იქით გადაჭდაღდ ტყის ბუჩქთ მავეფარ. დიღღვეღებმ ამას თოფ არ ესრიეს, ერთ – უიარაღღობისად, მეორე, ზნიერობის გამო. ერთი წვრიღღ-მადღალი დიღღვეღ მავიდ, თავპირზე ფაშღღაჭაი ზქონდ დახვეუღი. უშიშაისკე თავ არ მაიბრუნ, მივიდ გიგიასთანად თოფ აღღღიჯა, წაიდ. მეორემ წყღის პირისას გაიარ, არც იმან მაიბრუნ თავი უშიშაისკე. იქითი ერთად შაიყარნესად წყნარი ბიჯით წავიდეს დიღღღოსკე. უშიშასთან არ უნდოდ პირისახის გამოჩენა იმით, რო გვიცნობსავ, მაგრემ გაუგო რა დარჩებოდ. ბოღღოს გაიღეს, რო ერთი გაჯაღღათ მაკღუღის ჯერნაღღის შვიღ იყვაღდ მეორე ბერდიშვიღღო რო ზორეს დაჭრეს, იმის სახღღისკაცი. ისენ თაოდ კი ისითს აღღღში ცხოვრობენ, რო იქ არზოტიონ კაც ვერცაით მივაღდ ვერას დააკღებს იმათ.

ისენი გიგიაის თოფს არ წაიდებღეს. მაკღუღის თოფის წადება ადვიღად არ იცოდეს, მაგრემ აქ რო უშიშა ცოცხაღ გაწირესად არ ესრიეს, ის აშინებდ რო გიგიაის თოფი იმას არ აედ, მზირთ არ გაზღღომიყვაღდ არ დაეზიანნეს გზაზე მიმდინარნი.

დიღღვეღებ რო წავიდეს, მივიდ უშიშაი, გიგია პირქე წაქცეუღ იყვ. შამააწვიღად შამახურ ზედ ყარწიკაი. თაოდ წამავიდ არზოტად იქ გააგებიეს: ნეოხისკარავ დიღღვეღღთავ გიგია მაკღესავ. მეემზად ხაღღი, წამავიდღესად მაიტანეს საკაციოთ. გიგია რო მაკღეს, მაშინ აღარც გიგიაის ძმა წვრიღღა იყვ ცოცხაღ, არც სხო ახღღეღა ვინ დაში მტრისად მიმყოღი. ორ ყმაწვიღ დარჩ: ჳირჩღღათ ბეწინაიღდ

ბაბუტ-თ ბეწინა. ესეებ კეებ ყმაწვილებ კი იყენეს, მაგრემ ჯერ იარაღის ატანისა-დ მტრისად მიყოლის დროს არ იყენეს. იმის გულისად, რო ახლოელ არვინ იყვ მძებნელი, გარეთულებმ სახლისკაცებმ დაიწყეს შურის საძებრად სიარული. შურს იძევდეს, მაგრემ ის კი არ იცოდეს, რო მამკლავ არცაით შახედებოდა; ოღონდ დიღღველ შახედრიყვ, სხვას არას დაზდედეს, ვინც უნდა ყოფილიყვ, მახკლევდეს.

ერთს სოფელს შაკალი ხქვიან ტერლის წვერის გადაბრუნვით. ამ სოფელში კაი მცხოვრებ ხალხიც იყვა-დ პურ-მარილიანიც, თან ალაღ-მართალი-დ უდანაშაულო ხალხ იყვ, რო თავისობას არც მამა-პაპას რაი ხქონდ იმათას არხოტიონთად დაღეული (დანაშაული). თაოდ ეხლანდელებ ხო დიდ პატივისმცემლებ იყენეს არხოტიენებისად. ნამეტნავად ბაიგულისშიღნი. ეს დიღღველნ სამნ ძმან იყენეს – მაჰამათ, მურწალი-დ ისა. ამათ ბევრ ცხვარი ხყვანდ, ზამთრის მინდორში დაუდიოდ, ზაფხულის არხოტიენების მთებს ქირაობდეს: ტერღას, ჩხატათა-დ თათელს. ამ მთებში იდგ ამ სამის ძმის ცხვარი-დ. იმათ ბინაზე სტუმრად მისულს არხოტიონს კაცს ისრ არ გაუშობდეს, რო პატივსაცემლად საკლავ არ დაეკლ. ნამეტნავად ბერდიშიღლები ხვდებოდეს, შურის საძებრად დიღღოსკე მიმდინარ მამდინრები-დ მისულებს ყველას პატივს სცემდეს. არხოტიენებიც ამათ არაით აწუხებდეს, პირიქით, კარგად ექცეოდესა-დ კა განწყობილება-ი ხქონდ.

ბერდიშიღლებმ დიღღოს იდინეს შურის საძებრად, მაგრემ ვერ მიახწიეს იქამდინ, სადაც საჭირო იყვ, არცად ვინ შახედ მარჯვეს ალაგებში. ბოლოს ამ გვარშიით ორ ახალგაზდა წავიდ შურის საძებრად, ბაბუტაი-დ გიგი. ამათაც ჯერ სხვა-სხვა გზებ იყარაულეს, რო სხვა დიღღველ ვინ მეეკლ. ბოლოს რო ვერა გააწყვეს, წამავიდესა-დ სათიბში ნამყოფი ბაიგულთ ისა მაკლეს. წამავიდესა-დ სოფელში მაიტანეს ამბავი: დიღღველ მავხკალითა-დ ულოცევდ ხალხ სახელს. ბოლოს რო გაიგეს ისა მაუკლავავ, უთხრეს თავისებმ: რაად მახკალითავ ჩვენ პატივისმცემელ ისაივ. ნისლაურთ აბიკამ ლექსიც უთხრ ბაბუტასა-დ გიგის, თავის ძმასა-დ შინშს:

*სამხირ წავიდეს ვაუები, მიდიან მაღლის მთისასა;
მივიდეს, თვალი დაავლეს სათიბეს შაკალისასა.
სათიბში ნამყოფს თოფ დახკრეს ბაიგულიშიღლს ისასა.
ვინაც გაჭმევდათ დუმასა, რაადად ხკლევდით იმასა.*

ესრ მაკლეს დიღღველი-დ ჩაითვალ ნაძებნად გიგიაი. მემრ წამაიზარდნეს გიგიაის ახლოელნი, ბეწინა-ბეწინანიც. ახლა ამათ დაიწყეს კიდევ სიარული დიღღოს შურის საძებრად. გიგიაივ გარეთულებმ სახლისკაცებმ იძებნესა-დ ახლა ჩვენ რო დავიზარდენითავ, ჩვენ უნდა ამავეყარათავ მტრის ჯავრივ. ისენი, მიმდინარნი არხოტის ჭაღას, დაკოცნ ტურტურის მზირმ (ეს დაწერილია: პატალაის

მაკელიდგე ბევრის წლებიდგეს პატალაის სახლისკაცმ ტურტურმ მაასხ მზირი, არხოტის ჭალას ჩასხდესა-დ მზირად მიმდინარნ ბეწინა-ბეწინანი დაკოცნეს). ამათაც აღარვინ დაწმ შინაურ მძებნელი. გარეთულებ კი დარჩეს.

ბაიგულთ ისაის ძმას მაჰამადს ფეკ მაშჭრესა-დ გაცალფეკავდ. ცხვარი იქავ ბევრი ხეყანდა-დ ღონდებოდ ზაფხულის რო კა ალაგ აღარცად ხქონდ სასაძოვრე. არხოტიონთანაც ზავ აეშალ, ძმა მაუკლესა-დ ვეღარც ამათ მთებში მაუდიოდ ცხვარი. ბოლოს რო გაუჭირდ, გადასწყვიტ არხოტ წამასვლაი-დ არხოტიონთა-დ თქმა: ცხვარ დამაყენებიეთავ მთაშიავ, ძმის თავს გაპატივებთავ, არ მაგკლავთავ. მე რამთვენიც უნდა მაგკლავ, ეხლა ჩემ ძმა აღარ გაცოცხლდებისავ. ამის სათქმელად წამავიდ მთათას ცალფეკ კაცი, ორი ჯოხითა-დ ერთ სხო გამაიყოლ დილღველი. ეს ისითს დროს წამავიდ, რო არხოტ მაშინ დღეობა იყვ, ათენგენაი, ათენგენას ამლიონთ „ზეთუკობა“ იცოდეს. ზეთუკა მაღალ მთაი ას დილღველების მასავალს გზახედ. აქ ერთ სალოცავი ხეყანდა-დ წელში ერთხან აღიოდეს ერთიანად სოფელი ამლაი, სწორად ამ ათენგენას. აქ წინას დღეს ყარაულების წალაღვა იცოდეს, რო დაეთვალთერ იქაობა, მტერ არცად ვინ იყოსავ. საყარაულოდ წასულ იყვ ორ ახალგაზრდა – ბათაკათ გიორგიი-დ ბაბუტა. ნახეს, რო ორ დილღველ ამლის პირდაპირ ამლისკე მივ, ერთი ორი ჯოხით მივ იმ ცუდ ღადა-ღუდე სავალზედა-დ ერთ ფეკით მივ. წამავიდესა-დ თოფით დაკოცნეს ორნივ. არც იმას გაუწიეს ანგარიში, ეს უფეკო კაცივ სამტროდ მამავალ არ იქნებისავ.

ეს მეორე ძმაიც ალაღ-მართალ მაკლეს ბაიგულიშვილი. დარჩ მარტო ერთ მუწალი-დ აღარც ვინ მაუკლავ მემრ იმათ სამავიეროი.

კადუელთ კარაზნის ბარეკა დილღველთაბან

მიამბო ბეჟიტა ქერაულმა, 50 წლისამ,

სოფელ უკენხადუში, 1936 წელს

კადუ სოფელი ჰევესურეთის სათავეში ას. აქ წინავაც ბევრჯელ დასცემიონ დილღველები-დ გადაულაღავ საქონი. ტანიის მთის ძირში ცხოვრობენა-დ ტანიისას ძალიან მარჯვეი-ას ამათ საქონის გაღალვა დილღველებისად. ერთხან დაეცნეს ღამითა-დ მთაში ნადგომ კარავანი გაღალეს ორმოცამდენ კარი.

მეკარავნემ გატეხ კმა სოფელში. კადუელნი ამავე ღამეს მამეზადნესა-დ წავიდეს მდევრად. ერთ სტუმრად მასულ ახალგაზრდა იყვ ხოშარაულთ ღაგაზაი. ისიც კადუელთან ერთად წავიდ მდევარში. გზახე წინ-წინ ტანიეს დაწვივნესა-დ დილღველებმ რო ნახეს გვეწვივანავ, ღარტანის გორხეთ დაუწყეს თოფვაი. კადულები არ აკლიდეს თოფებს, იმით რო შორ იყვა-დ იქ არა დაეკლებოდ აქით.

ტყვია-წამალს ზოგევედეს ლარტანის გორზეით რო თოფევედეს, ჰადუელებ ცოტა ხანს მაეფარნეს ნასოფლარ სახლებსთან, რო გაიგეს რო წავიდესაღ დიღღელებიღ, გახყვეს ჰადუელნიღ კვალზეღ. ბისნის კუროზე რო გადავიდეს, იქ კიდევ თოფეს ერთუცი ჰადუელებმა-ღ დიღღელებმ. აქითაც წავიდესა-ღ გადავიდეს ჩორეს. ჰარებ წინ მიდიოდა-ღ უკენ ყარაულ რჩებოდ, ესენ უკრევედეს გზასა-ღ თოფევედეს ჰადუელებს. ჩორეს რო გადავიდეს, დაღამდ კიდევღ. ჰადუელთ აქ არც გზა იცოდესა-ღ ვეღარც ჰარების კვალს იგებდეს. დარჩეს ჩორეს ველი-ვეღ, ჩოჭიანები, ნასოფლარ-დაღალულ ხალხი. აქ მაღლის მთისპირი ასა-ღ ძალიან შააწუხნ სიცივემ.

როგორც იქნებოდ, გაათენეს ეს გრიღ ღამე, დიღას ჩავიდეს ჩორეს, პირდაპირ დიღღევეღთ ცხვარ-ბინაზე. აქ ჰარების კვალიღ აირიღ, რაკი ზედ ცხვარ გაღალეს დიღღელებმ. ჰადუელებმ უთხრეს: ეხღაღავ ეს კვალიღ თქვენ აგვირიეთაო-ღ, თუ არ გვასწავლითავ ჩვენებ ჰარებ საისკე წავიღავ, ჩვენავ თქვენს იქით გზა არ გოქვავ. თქვენ ღნახეთაო-ღ ჰელ შაუწყვითავ. იცოღათავ, რო ან დავიგოცებითაო-ღ ან თქვენს ცხვარს გავღღალავთავ, თუ აქითავ სხვაკან არ გავგვართვითავ კვალიღ. კარგა ხანს ბძოღიდგეს უთხრეს ქისტებმ, რო აი დაბღა რო ჰიღიავ, იქ ნახეთავ კვალიღ, იქნება ჩვენ ვერ ვნახეთაო-ღ იმაზე გაღალესავ (ნახით ნახეს, ჰურიღ აჭმიეს, მაგრემ არ ამბობდეს). წავიდეს, გასინჯეს კვალი – წყალს გაუყრავ ჰარები-ღ პირაღმ აუყენებაღ, იქ ერთს მთას გადაიღლისა-ღ დულ-ჩხორეგოს ჰღალაში ჩავ. გაულაღავ დიღღელებს ჰარები-ღ დულ-ჩხორეგოსკე გადასულან. გახყვეს ჰადუელნიღ კვალზეღ. გადავიდეს ჩხორეგოს ჰღალაში. ამ დროს სოფელშით საქონ იყვ გამასული-ღ აირიღ ჰარების კვალი იმათ საქონის კვალში. მივიდეს სოფლის პირში ჩხორეგოსა-ღ მაიკითხეს თავ-თავ ხალხი. უთხრეს რო ჩვენებ ჰარებიღ თქვენს ჰღალაში მავიღავ, ან დაგვიგვეღთავ, თუ არა და ჩვენაც გავწყდებითაო-ღ არც თქვენს სოფელს გავსწირავთავ დაუზიანებსავ. ჩხორეგოველებმ თავისებური წესით იუარეს: აქ რა უნღავ თქვენს ჰარავანსავ. ბოლოს წავიდეს დიღღელები-ღ მამასახლისი მაიყვანეს.

დიღღურ ხადუელებმ არ იცოდესა-ღ ქართული ჩხორეგოველებმ. დიღღევეღთ მამასახლისს რუსულ სცოდნიყვა-ღ ჰადუელთაც ხყვანდ ერთი რუსუღლის ენის მცოდნე ბეჟიტაი. შაიბნეს ბეჟიტაი-ღ დიღღევეღთ მამასახლისი. დიღღევეღი ეუბნებოდ, რო თქვენავ ტყუიღად თავს გვახვევთავ თქვენს ჰარებსავ. აქ ვინ მაღღალევეღავ. ბეჟიტა კიდევ ეუბნებოდ: წამამყვეიო-ღ გაჩვენებაღ ჩვენების ჰარების ჩამანავალის კვალსავ აიმ მთაზეითავ. ბოლოს ბეჟიტამ უთხრ, რო გამაგვეყვეითავ კაცებიო-ღ დავძიოთავ ამ თქვენს ჰღალაშიავ. იცოდ რო ჰღალაში რო ჩამავიდ კვალი, ძალიან ახალი იყვ, შორს აღარ იყვნეს. დაეწეოდეს რო საქონის კვალს არ შაეშად ჰვეღი-ღ არცად იმთვენ დრო იყვ, რო აქით კიდევ სად შორს ყოფიღიყვ წასული. ბეჟიტა არ მაეშავა-ღ გაიყოღ მამასახლისიღცა-ღ სხვებიღ ჩხორეგოს ჰღალაში. დიღღელებს წასვღა არ ეწაღა-ღ ფეგტეს მიდიოდეს, მაგრემ ბეჟიტა გამჭრიახ კაც

იყვ, მაინც არ ეშობოდ უნდა დაეძიოთავ ეს ჭალებივ. ცოტა კი შავიდეს ტყეშია-დ ნახეს, რო ჯადუელთ ჯარავანი ერთს ცოტას ველში წევს.

რაკი დაიჭელ, გამალალეს ჯარები-დ მაასხეს ჩხორეგოს. ჭურდები ჯადუელესთან კი არ მივიდესა-დ კაც მაულალეს, რო ერთ ჯარ გაგვიწირანავ ფეკის ქირაშიავ, მაშ ტყუილად უნდა ჩაიარასაო ჩვენმ ამოვენ წვალეზამავ? (ეს დილღველთ წესი იყო). ჩვენშიავ ჭურდებს არას უწირვენავ, უთხრეს ჯადუელეზმ. ეს ჯარებიო-დ ჩვენც რო გვაწვალნესავ, თუ სად სამართალიავ, ესიც ჭურდებმ უნდა ზღანავ, ჩვენ რაიდ უნდა მივსცათავ ჭურდებსავ.

ბევრი ბძოლიდგეს ჯადუელეზმ წამაასხეს თავის ჯარავანი ჭალაზე. გოშტიკაურთას გამავიდესა-დ იქით დაუბრუნდეს არხოტის წყალს არხოტისკე. ეს დაღალულ ჯარები, ადიდებულ არხოტის წყალი-დ როგორც იქნებოდ ცოდო-ჭირით მაასწიეს არხოტამდინ მეორეს დღეს შუადღეში. დღეობაიც ხქონდ ამ დროს არხოტა-დ ამ დაღალულ ხალხს ლუდით კარგად გაუმასპინძლდეს. თან სახელსა-დ გამარჯვებასაც ულოცევდეს. მდევრად წასვლის მეოთხეს დღეს თავის ჯარავან მიღალეს სოფელში ჯადუელეზმ მშვიდობიანად.

ამ გამარჯვებისად ერთ კარგ ჯარი ხყვანდ სანების ჯვარისად შოქმული სოფელს, შვიდი-რვა საწყვის ლუდ აღუდეს. ეს ჯარიც დაკლესა-დ ერთ დღეს იდღეობეს. კარგა სახელადაც გაუვიდ ჯადუელთ, დილღომდე მიყოლაი-დ ჯარებისა იქავ მაღალვა იქით. ბევრ ცხვარ-საქონ გაულალავ დილღველთა-დ ესრ გულდაგულ ვერვინ გახყოლივ მდევარი, როგორც ჯადუელნი. მაშინდელს ჯადუელთ მეზავრობას მდევრობაში გვიამბობს ბეჟიტა თავის ლექსში; ბოლოს კი ისრ გამახყავ, რო ვითამ ამ ლექსის მოქმელი ბეჟიტა ხაიბარ იყვა-დ ჯადუელთ რო სახმთოი ქნეს, ესიც იქ დახპატიჟეს, როგორც საწყალ კაცი. მართლა კი ბეჟიტაის გამჭრიახოთ უფრო დაბრუნდ ჯადუელთ ჯარები.

*მჯარიდ მიჭირე, ფანდურო, მავაელათ ლექსის ფარგალი,
რაიც ფარგალში არ მავა, სხვასწლამდინ იყოს დამრჩალი.
ვადავერია პატრონი, მირველივ უბრუნავს მთა-ბარი.
სამ დღე ალავ ზე დაველივ, ვერ ვნახე კაცის ჭაჭანი.
მთაშიით ჩამამიჩინდა ტრედ მეგლობელი-დ მართალი.
გამავეგებე ვ ზაშია, კელით მივართვი სტაქანი.
ტრედო, მიაბზე ამბავი, შენი თავს ვადანაყარი!
საით-რა წამასული ხარ, ვისგან ხარ გამანავ ზავნი?
არცად შავ ხვდესა ვ ზაშია ჯადუელთ ახალვა ზღანი?
ქისტებს ჯარავან წაუხხამ, მდევარ ას უკენ გამდვარი.
ტრედმა თქვა, შამამეყარნეს სვილისფერანი გრანჯანი,*

საჩქაროდ გადაიარეს გადაკვართულნი კალთანი.
 მე წამამლაღეს კადუსა, ხარ მართლის ამბვის წამტანი.
 უფროსებს გაგვიგებზე, არ გაგვიცუდან ჯვარ-კარი!
 მეთემეს დაუბარიდი, თუ ყანა დარჩას სამკალი!
 ჩვენ აქით არ დავბრუნდებით, ძმურად ფიცი გვაქ ნაქნარი.
 სიკვდილს ვინებებთ კვლხედა, წილ კი არ ვის გოქვ ნაყარი.
 ერთ გვეტანავ ხომარაული, საგძალთა შორად გამტანი,
 ცდაი ჯილაგად მაულის, საგძალთა შორად გამტანი.
 კვალი კმელტბათკე წავიდა, კარების გადანაფშარი.
 კმელტბათ კიდურზე დაგროვდეს კადუელები თავკანი,
 პირი უკითხეს ერთუცსა, როგორ ვიკმართ აბჯარი,
 პირდაპირ წასვლა ირჩიეს, რად გვინდა სატოლ-საფარი,
 წინწინ ნასოფლარ მაგვითოფნეს, მთაზე ყრილიყენეს ძაღლანი,
 ლარტანის გორზე ხქონიყვა შამაყორვილი ფარგალი,
 მალეღამც დათავდებიან საჯარის აღმა-ჩაღმანი,
 მეორე ბისნის ჩდილჩია, ქისტ-არხოტიონთ საყარი.
 შვიდოც თოფ ხამავვაჭაღეს, არა გვესრიეს ცატკარი
 (არა ბევრი გვესროლეს, არც მაგდენი)
 ჩვენებს ყმაწვილებს უკვირდა, აუტყდა სიცილ-ხახანი
 ჩვენ მაგით არ დავბრუნდებით, ცოტან ორთ, განა ლაშქარი.
 ეხლა ჩვენთანით იყურეთ ვინტოგეკების ნაყარი.
 კადუელთ თოფებ დატყვერების, ლუდისკლდეთ უღვა ზანზარი.
 ტერლას კვირობენ ღილღველნი, რა ამბავია მამკდარი?
 ზედ ბნელი ღამე დაგვეცა, ველარ გავიგით გზა-კვალი.
 სპიხკაით ვშინჯეთ გორები, აქ არ ას გადმანაყარი?
 პერანგვიანა ხალხი ორთ მტრის ქეყანაში მამრხალი.
 სიცივე მარკედ გვაწუხებს, არცად პური გოქვ საგძალი.
 თეთრად თენდების ღამეი, კბილებს გააქვის კანკალი.
 ეგრე მაულის მდევართა, განა ორთ ქალის მაყარნი.
 მეორე დილა გათენდა, ვაკსენეთ ღმერთი მაღალი,
 შაუთქვეს სანების ჯვარსა კარი, განთურა ბატკანი.
 გვიშველგ სანების ჯვარო, დაგვეჭირდა მზირთ წინამძღვარი!
 ცხადად ჩავედით ჩორეხა, ღილღველების ბინა სად არი.
 აქით ჩვენ, იქით ღილღველებმა, ერთუცს უკსენეთ მამკდარი.
 ვქელმა, ურჯულოს ენამა შამავიქცივა მაგარი:
 აქ თქვენებს კარებს რა უნდა? თქვენი ტყუილად ტანტალი!

დაბლა ჭალაში დაძიეთ, კიდს ან ას გამანაყარი!
ტყუილად ამბობთ დიღღვლებო, ჭეხით არ მადის ავდარი.
მასწყინდა ხვენებურებსა მაგათ ქოთი და ყაყანი.
სუყველას მუშმარჯვებავ კელთ თოფი, წელზე ხანჯარი;
ერთმანეცს ეუბნებიან, მაგას დახკარი-დ მაკალი!
ზოვი ხაყარეთ წყალშია, ზოვ ღორებულად დაკალი!
კელხი ლიურლებ უჭერავ, რუსულად ხქვიან ნავანი.
უფროსებს ელოდებიან, ბერნი მაგვივლებ ჯაკნანი,
შუმიოხოს დაუცვეთიან დავითფერულნი ვადანი.
არადა წასვლას ვეჩქართ, ერთ მთა კიდევ გოქვ დამრჩალი.
მემრე კი აიქ გადაოლოთ, სადაც რო შუა ხახანი.
ღულ-ხხორეგოში ხავიდეს შუა დღე იყვა დამდგარი.
იმთვენ ურჯულო მავიდა, არ იყვა გადასათვალი.
თან მახყვა მამსახლისი, ქისტი გაზდილი სასალი.
ბევრაის საუბარშია ყელ გაშრა, დადგეს ლაშყბანი.
ეხალიზების პატრონსა ტყვე ძალით გამასაყვანი.
ძალმა დაკელა კარები ღულის ჭალახი შამდგარი.
დაბრუნდეს ნასახელარნი, მაუხარიან მთა-გ ზანი.
სახელს ულოცვენ უფროსნი, ემადრივლების ქალ-ზალი.
კარის პატრონებმ ადუღეს ღუდი შვიდი-რვა ნაყარი.
მეც აიქ დამიპატიჯეს, ხაიბარი ორ საწყალი.

ბეჟიტათ ბაბუა

ჩამაწყერინა ბეწიკა გიორგასძე წიკლაურმა, 69 წლისამ,
სოფ. ამლაში 1941 წელს

ბეჟიტათ ბაბუა ამლიონ იყვა-დ ძალიან სახელგათქმულ ახალგაზრდა იყვ. რაითაც
კი შაიძლების რო ოშკაც სახელიან იყოს, ის ყველანაირად კა იყვ. დიღღვლებს
ბაბუაის ჯავრ-ი შჭირდა-დ ერთხან ნადირობით მამავალს გზა შაუკრეს ისითს
ალაგში, რო ჩასასაფრები არცად ხქონდ. ბაბუაის პაპას, კირჩლათ მარტიას, ბევრ
დიღღვლები ხყონივ ნაკოცები-დ ის სისხლ დამრჩალ იყვ. ეხლა ბაბუაის მაკვლა
უნდოდ იმ ვალზედა-დ იმით შაუკრეს გზაი. წინწინ მასულს რო თოფებ დააკალეს,
ვერ დახკრეს, რაკვლაც ესრიეს ყველა ტყვიებ გასცდ. აღარცად საფარ იყვა-დ
საჭირო გავდ გამაქცევაი საფრისაკე. გამაიქც ბაბუა ჩასასაფრებლად-დ დააკალეს
დიღღვლებმ კიდევ ტყვიაი. ოცდაექვს ესრიესა-დ გააცდინეს, ოცდამეშვიდე მკლავში

დახკრესა-დ დაამტვრიეს მკლავი. თოფ კი წამაიდ მეორე ჯელითა-დ არც წაიქც, იქავ წამავიდ. რო გადმაფარ გორზე, წამავიდეს დილღვლებიც, ნეტარ რაი ქნაევ. ბაბუას ბევრ სისხლ გამაუვიდა-დ დასუსტდ. ჯერ კი იარა-დ მემრ გზის თავში შაკდა-დ ფიჭვის ხესთან შამაწვ, რო სიარულ აღარ შეეძლიევ. დილღვლებმ სისხლ რო ნახეს, ჯერ კი გამახყვეს კარგა გზას, რო დავათავათავ. ფიჭვს რო მიუახლოვდეს, სადაც ბაბუა იევ, კვალ დახკარგეს. სად წაუვიდ ბაბუა, ველარ გაიგეს. ბაბუას ღონე არ ხქონდალ, მაგრემ თუ ზედ მავიდესავ, ხანჯრის იმედ იქავ ხქონდ – ერთს მაინც მავხკლავ. მაგრემ დილღვლებმ თქვეს დავანებათავ თავივ, ის თავისთავად მაკვდებისავ. მიბრუნდესა-დ წავიდეს. ბაბუა დილღვლებსაც ხედავდა-დ ნაუბარიც მიზდიოდ, მაგრემ მკლავი რაკი დამტვრეული ხქონდ, თოფს ველარ იკმარებდა-დ თუ ახლოს მივიდოდეს კი, სიკვდილამდინ ძალ-ღონეს უნდოდ გამახენაი-დ ბძოლა.

დილღვლებ რო დაბრუნდესა-დ წავიდეს, ბაბუა დიდხანს იევ აქ. არცარაით ჯელი ხქონდ შასახვევი. ადგ მემრა-დ წამავიდ. სვენებ-სვენებით იარა-დ მახწვივ შინ. ერთ ორ თვეს კი ძალიან ცუდად იყვა-დ მემრ ჯევსურეთის სოფლის აქიმების დავმარებით მაშჩ ჯელი, დილღვლების ჯავრ კი ძალიან გულში ჩაექრ. სადაც ჯმა გატყდებოდ, ყველკან წინ ის გარბოდ მტრისკე, რო აგებად საით შავხვდავ დილღვლებსაო-დ ჯავრ ამავეყარავ. ერთხან ნეთხელ დილღვლებ წავიდეს არხოტ საქურდლად. დამით მივიდესა-დ ამლიონთ ჯარავანშიით ცხენებ დაიპარეს სამი. ამლიონთ მეჯარავნეთ მაშინ გაიგეს, როსაც ცხენები დაჭერილები ხყვანდა-დ დაიქცნეს კიდევ ცხენებით. მეჯარავნენი ჯერ კი დაედვენეს, თოფებიც ესრიეს, მაგრამ ამ უჩინს ღამეში ცხენიანს ხალხს რას გამაშჩებოდეს. ჯარავანს მაშინ ორ კაც ედგ, ერთ კაც იქავ ჯარავანსთან დარჩა-დ, მეორე კაც გამაიქცა-დ ამლის-თავ მთაზეით, სახელდობრ ბაგათით, ორ თოფ დაცალ. ეს ღიშანი ხქონდ: თუ ჯარავანს ვინ გაღლაღევდ, მაშინ ჯმის გასატეხლად ორ თოფ უნდა დაეცალ. სოფელში ჩამასვლამდინ ბევრ გზა იყვა-დ მანამ იქით აქ კაც ჩამავიდოდ, ბევრ დრო უნდოდ; თოფის ჯმას სოფელში ერთ მაინც ვინ გაიგონებდა-დ, გასტეხდ ჯმას: ბაგათითავ ორ თოფ გამავარდაო-დ ჯარავანს სადამ დაეცნესავ. ეს ხალხმ იცოდ, რომნის გზისასაც გაღლაღევდეს აქით წასხმულს ჯარავანს. ჯმის გატეხაზე საჩქაროდ მავმზადებოდესა-დ სოფელშიით იარადის ამტანი ყველა მდევარში წავიდ სამოკლოების გზებისას, რო ქურდებისად წინ მავსწვრ.

მეჯარავნენიც ესრ მაიქცნეს, ბაგათით დაცალეს ორ თოფი. ამღივნებმ გაიგონეს. ვინაც გაიგონ, იმან ჯმამადლად იძახ სოფელში: ჯარავანზე სადამ დაეცნესავ. ჩაიცვეს ფეკებს სამღევროდ დამზადებულ ჯღნები-დ დაიქც ხალხი სამღევროდ. არხოტის ჭალა ჩაიარეს, ტანიისკარს შაუბრუნდესა-დ ზოგი ტანიისკე წავიდ; სამ ახალგაზრდა კი პირდაპირ საჯარის დელისკე წავიდ „ნარღვევო გორისას“ (ეს ძალიან მოკლე გზა იყო). ბეუიტათ, ბაბუა, ბაბუჯურთ თათარაი-დ ბაჯათ გიორგი. სხვები

ტანიეს მივიდეს, ნახეს რო ცხენების კვალი ოშანიკის დელეზედ გადმამკდარად გამაუვლავ ნასოფლარი. გამასცილებიონ, მდეგარს ვედარ შაუსწვრავად წასულან ლარტანის გორისას, საჯარის დელისკე.

აბა, რასად უზამთავ, წასულანავ, თქვესად წამავიდეს შინისკე ყველანი. ამ სამ კაცმ აიარ ნარღვევთ გორი (ერთ-ერთი მაღალი გორის სახელია, რომელიც დაბლა ჭალიდან იწყება და საჯარის დელემდინ ადის, სადაც ქისტები ნაქურდალს აუცილებლივ ამ მთაზე გადაატარებდნენ. ადრე ვერც ავიდოდნენ რადგან ჯერ ოშანიკის მთა უნდა გადაევილოთ, ჩავიდოდნენ ტანიეში, ჭალაში და აქედან იწყებოდა ძალიან მაღალი ასასვლელი მთა. ეს იყო საჯარის წვერი). ნარღვევთგორისას ძალიან მოკლე ასავლად ითვლებოდ საჯარის დელემდინ, მაგრემ საკმაო მაღალი მთა კი იყვ. მზემაეთ ეს ახალგაზდები შაჯდეს საჯარის დელეშიად ნახეს, რო ეხლადალა გამაუვლავ ცხენებს, ნამ გაუბერტყავად სრუ ახალ კვალი ას. გაირბოლეს მთაი, ჩახენეს, რო ქვეთკე ახლოს ჩაუდის ცხენები იწროს ყურეში. აქ ძალიან ცუდ ჩასავალი ცხენებისადა-დ ცოდვა-ჭირით მიუდის, სხო გზა ქვე არ ას აქ. ამ ყურეზე უნდა ჩაავლიონა-დ ამ გზას სიცუდის გამო „საკჩუანი“ ხქვიან. ნახეს თუ არ ქურდები, გადაუსხეს თოფები, წინ ბეჟიტათ ბაბუაის თოფ გავარდა-დ ერთ დილღველ მაშივ პირქვე დაეფშენიტ. გაიყარ მეორეების თოფებიცა-დ მეორე დილღველიც ჩაიკეც. ბაბუაის ნასრევი მკარში მახვედრიყვა-დ გულზე გაღვარდნიყვ. მეორისად ფეკ გაეკვრიტ საორცხალზე. მესამემაც გაანებ ცხენებს თავი. ცხენებ შამამთხვა-დ მთაზე შამაჯდ. მაიჭირესა-დ დააბეს. ცოცხალ დილღველმ კოჭლა დილღველიც გადაითრივა-დ კლდეში ჩასაფრდეს ქვენ. მკვდარ კი აქ დარჩ. ჩაიარეს მკვდარსთანა-დ ბეჟიტათ ბაბუაის ამხანიგთ უთხრეს მკვდარს დილღველს: „უნცროსიმც ხარავ ბეჟიტათ ბაბუაისაივ, რო შარშავ მკარ მასტეხეთავ“. ბეჟიტათ ბაბუამ სიცილ დაიწყ. ცოცხალი ორავ განა მკვდარივ, რას მწირავთავ ამ დილღველსავ.

ნახეს რო ფეკვაკვრეტილს დილღველს ჯღან წაუყრავად გაუსრესავ სისხლიანი. სხო არა წამაიდეს, ეს სისხლიან ჯღან შააბეს ცხენს ყელზედა-დ წამავიდეს.

*ნასრევმა ბაბუაისამ ტყვიამ გაიღა ძვალთ,
ამხანიგნ ჩამახვიოდეს: ბაბუაისდამც ხარიო,
ახლა თქვენ ჭამეთ, დილღველებო, შარშ რო მასტეხეთ მკარიო.
ბაბუას ეცინებიან, განთურა ვიყავ მკვდარიო.*

დაბრუნდესა-დ წამაიყვანეს ცხენები, სამ ცხენ ყოფილიყვ მაპარული. სამ კაცს თითო ცხენ წამაეყვან. ცხენებ ნარღვევთგორისას ვერ ჩამაივლიდა-დ ტანიისას დაშჭირდ წამასვლა. ტანიეს ნასოფლარ ჩავიდესა-დ იქით ცხენებით ამდას მავიდეს, ერთს ცხენს სისხლიან ჯღანებ ყელზედ. ამ დროს ამდას საბეკურში დღეობა იყვა-დ

ერთიანა ამლიონნ იქ იყვნეს. პირდაპირ საბეკურისკარ მაგიდეს ცხენებით. ამლიონთ რო მასულები ნახეს, გამაეგებ მოელ ხალხი, ხკითხეს ამბავი-დ მაულოცეს სახელი. ცხენების პატრონებმ მაიყვანეს საკლავი-დ ამ სამის ოშკაცის სამწყალობნოდ დაკლეს ჯვარში. ამლიონთ ჩხუტ დაუდგეს პატივად ლუდიანი-დ უმდერდეს საქებს სიმღერებს. მემრაც ბევრ სიმღერეებ უთხრეს, რომნებსაც ეეხლადაც იქავ მდერობენ ჯარზე.

*დიღლოთ წამავლენ ქურდები, ძალს აკსენებენ ხთისასა.
ამლის კარავანს მახქადან, მადიან უგ ზოს ვ ზისასა.
შიტუთ დაპარვას ამბობენ ნარჩევის ცხენებისასა.
ვაუგეს მეკარავნეთა, ყარაულთ კარ-ცხენისათა.
კელს უშლის ღამის სიბნელე, ვერ ხედვენ თოფის ღიშანსა.
ამღას წამასვლას ამბობენ, ამანდ გატეხას კმისასა.
სამნი საკარეს წავიდეს, სხვებ მიდის ჭაღაისასა.
თვალის შავდებას ამბობენ, შინისკე წასულთ მზირთადა.
საკარის მაღალ თოფი ჭეხს, ჩამატეხნას ღვაგ ცისასა.
ეგ ბეჟიტათა ბაბუა ვეფხესა ღვაგ საღის კლდისასა.
დახკივის, გაყურებიებო კმას ჩემის კირიმისასა.
არ შავარჩენდით დიღღველნო, შარშ ჩემდ მატეხას მკრისასა.
ეგ ბაბუკურთა თათარა რკინას ღვაგ ფოღადისასა.
ჩამღვედრიდა სახელსა, კელთ მაგცემთ თქვენის ჭკვისასა!
კაებ მყონ ამხანიგები, არ დაგიფერებო სხვისასა!
შე სირაღაის გაზდილო, ტოტით გათხრევენ ქვიშასა!
ასთემურაის გაზდილო, გიმტვრევენ გულის ფიცარსა!
დაბრუნდეს ნასახელარნი, ცხენებ მაუდის ვ ზისასა.
ამღას მაგიდეს სოფლადა, სახელს ულოცვენ ცდისასა.*

თათიათ ბაბოს ცხვრის ბაღალვა დიღღველთაგან

მიამბო და ჩამაწერინა გიორგი ჯაბუშანურმა,
ს. ახიელში, 56 წლისამ, 1939 წელს

ჩვენ აქ ბევრკან ვთქვით რო ტანიეს არხოტიონნი ზაფხულის თიბევდეს. იქ არვინ არ ცხოვრობს ზამთრამდინ. რაკი ეს ადგილი დიღღველთ ახლოს ასა-დ საშიში დიღღველთაგან კაცის მასაკლავად. როსაც თიბენ, მაშინაც ყარაულ უდგას დიღღველთ მასავალს გზაზედ. ზაფხულის თივას დაამზადებდეს-დ ზამთრის

აჭმევდესა ცხვარ-საქონს. სახლებიც საზამთროდ თბილები ხქონდ დაკეთებულები. თათით იონაის შვილთ, ბაბოსა-დ მიხიელს ბევრ ცხვარ ხყვანდა-დ ტანიეს დაუდიოდ. სხო რო არვინ წასულიყვ, ისენ მაინც წავიდოდეს ზამთრის, იმით, რო იქ ზაფხულის არაი ძოვდა-დ საზამთრო საძოვრად კეებ ბალახები რჩებოდ. ერთხან ორ-სამ კვამლ სხო იყვ ტანიეს ჩასული-დ იონაის შვილთ ხყვანდ იქ ცხვარი. ეს ზამთარი ისეთ მშრალლით წავიდ, რო თოვლ სულ არცრუ მასულ. ეხლა წელწადნ იყვნესა-დ არცრუ ნახულ თოვლის სიმსი.

წელწადში ბაბო ახიელ იყვ წამასული-დ მიხიელ ედგ ცხვარს. სწორად ამ ღამეს მივიდეს ღილღველები-დ დაუწყეს კარს ღება. უნდოდ რო ცხვარ გამაეყარა-დ გაელაღ; მაგრამ მიხიელმ გაიგა-დ გამავიდ კარში, იმას ღილღველებ არ ეგონნესა-დ ღანძლვა დეეწყ; ვინ იყენითავ, ვინ მიღებდითავ კარსავ. ამ ამბავში, რა თქმა უნდ, რო ღილღველნი მაიმალეობდეს.

მიხიელს გაუკვდ საგონად, რო ვინ აღებსავ ეგივ ამ კარსაო-დ აღარ დაეძინ გონობაში. ღილღველთ კი რო ეგონ, ეხლა კი დაეძინებოდავ, იქავ მაუკვდეს კართ. მიხიელს არ ეძინ, იქავ გაუგავა-დ გამავარდ კარში წირვა-გინებით – რომენი ხარავ. ეს ღამე ესრ გაიარ. მეორეს დილას მიხიელ მალე წავიდ ახიელა-დ უამბ ბაბოს გუშინწუხრანდელ ამბავი. ბაბომ ვეჭ (ეჭვი) აიდ, რო ეგენივ ქურდებ იქნებიანავ. მენადირეი-დ მეთოფე კაციც იყვ ესი-დ გაუჯავრდ მიხიელს: რადარ თოფ დახკარივ კართავ, როსაც აღებდესავ, კარისად განავარდნ ტყვიავივ კაცსაც მახვდებოდავ. იმათავ წინმძღოლ ვინ ექნებოდავ აქაურიო-დ ღილღველ ქურდებ იქნებოდესავ. მემრ უთხრ: შენ არ იცივ, მტერს რაკველ უნდავ დახვედრაივ. შენ აქ იყავიო-დ წუხრავ მე წაოლავ ტანიესა-დ იქ მავიდასავ ვისაც უნდაო-დ რაკველიც წავავ, ე კაცნ გაიგებენავ. ამ დღეს დღეობაში იყვ, ლუდწარაივ სვა-დ საწუხროდ აისხ თოფწარადი, წავიდ ტანიეს. მიმავალმ, სოფელში დაიწყ ძახილ, რო გუშინ წუხრავ მიხიელისადავ კარ ვისამ უღავავ, ეგეებივ ღილღველებ იქნებოდესაო-დ აქაურ ვინ ექნებოდავ წინამძღვარივ. მიხიელმ არ იცისავ, მტრისად დახვედრა რაკველ უნდავ. ეხლად ბაბო მივავ იქავ. მე ვიცივ, რაიც უნდავ, ვისაც თავ მასწონსავ, ეხლად მავიდასავ იქავ.

ბაბომ ამის ძახილით გაიარ სოფელი-დ მივიდ ტანიეს. გზაზე ჯღანნ დაუნაგაბრდეს, წუხრ აშაღნ ჯღანნი, ერთ ჯღან კი გაბანდა-დ ისით ძილ დაეც, რო ველარცრაკველ ვერ შაზძლ ძილის გამთხობაი. მემრ იფიქრ: ცოტა ხან ჩავიძინებავ, ჯერავ მალეიავ, აქ არვინ მავავ. მალედავ გამავიდვიძებაო-დ ამ ჯღანსაც მაშინ გავღბანდავავ. სკამზე წამაწვა-დ დაიძინ. ამ დროს მივიდეს ღილღველები, ჩახენეს საკომშიითა-დ ნახეს ცეცხლის ცოტას სინათლეზე ბაბო სკამზედ ას წამაწოლილი-დ ხვრინავს. გაადეს ღილღველებმ კარები-დ შავიდეს, გამაუშვეს ცხვარი. ცხვარ მანამ კარში არ გამავიდ, ერთ კაც ბაბოს ედგ ყარაულად, თუ გამაეღვიძავ, თოფ დავხკრათავ. მაგრემ ბაბოს ისრ ყინხად ეძინ, რო ვერცრა ვერ გაივ. გამაღალეს ცხვარი,

გამაუქჩქესა-დ წამავიდეს ჭალა-ჭალა. გზა მშრალი იყვ, წყალ ცოტაინდ არცრამ არ შაუშად ხელი. გათენებისად ცხვარი ნეთხას მასხეს. ბაბოს კარგა მაგრა ეძინ, რო გამაელვიდ, გამახენა-დ ნახ კარებ მღეები, აღარც ცხვარი, გამოუყრავა-დ გაულაღავ. ერთ სხვა ახალგაზდა იყვ იქ კიდევ, გააგებივ ბაბომ იმასაცა-დ გაუდგეს ღამით მღევრად ბაბოი-დ ჩაჩური (ბაბოს მეტსახელად კანჯარუა ერქვა).

*ბაბოვ, რა გიყვეს ღიღღველთა, ცხვრის ფარა ვაგიღალესა?
მოხლად დაგიღესა კარები, არც კელი დაახქამესა,
გზაში რას დაეწეოდი, ვერ ვაგიგავის მალედა,
ჩაჩურმა, კანჯარუამა არ მაუცადეს მოვარესა.
მღევრად წასულეებ ვაეები ბნელს ვაივლიან ღამესა,
არხოტის ჭალას ჩადიან, ჩადიან, ჩაახანესა;
ნეთხას ჩავიდეს სოფლადა, არ დაგვიანდეს, მალედა.
მაჯლიგაისას შავიდეს, ნადულარ ფაფა ჭამესა.
მანამ გამავლენ კარშია, ღიღღველებმ ცხვარ მათვარესა.
დაგიბალითონეს, ვაეებო, მაგისტუმრებენთ ცალეთა.*

არხოტის ჭალა ღამით ჩაიარეს დაქცეულთ, მაგრემ ცხვარს ვეღარ დაეწივნეს. ხოლოთ ნეთხას ბევრით კი არ მიახწვრ ცხვარმ. მიხყვეს კვალსაღ ნეთხას მივიდეს მზემაეთ (მზის ამოსვლის დროს). ცხვარ სოფელს ცოტაად გაცილებულ იყვ. თუ გადახყოლიყვნეს, იქავ დახკელევედეს. მისულეებს მეეგებ მოელი სოფელი, კაცი დიაცი, დაუწყეს მშვიდობა-ამბვის კითხვაი-დ გაუბეს თავისებურად ბევრ საუბარი. ამ სოფელს ყველას ნანახვ კი ხყვანდ, რო ცხვარ აქ იყვ მისული, კვალიც აქ მიიღეს, მაგრემ ღიღღველები მაინც უარს ეუბნებოდეს, აქ ცხვარ არ მასულავ.

წამეეღითავ, უთხრ მაჯლიგამ, – პური ჭამეთავ. ჯერ კი იუარეს, მაგრემ ძალიან შიოდ-დ გახყვეს შინ. მემრ გამაოლოთა-დ დაუბძევთავ ცხვარსავ, იფიქრეს.

მაჯლიგასთან რო შავიდეს, მაშინ დახკიდეს საფაფე წყალი, ძალიან გააგძელეს იმის დუღება. არ დაუგზეს დიდ ცეცხლი ქვაბსა-დ მალე არ აღუღეს ფაფა. ახლა ჭამაში გაუბეს საუბარი-დ დააგვიანეს. ესენ რო აქ ისხდენ, ღიღღველებმ ამ დროს დაადგეს ცხვარს ჯოხი-დ გადაღუპეს იქით. მემრ გამავიდეს ჩაჩური-დ ბაბოი; ვეღარც კვალ გაიგესა-დ ვეღარც ცხვარ დაკვლეს. გამაეშვ ღიღღველებს თავის სოფლის ცხვარი, გაელალ ზედ იმათ ცხვრის კვალზედა-დ იმით შაურის კვალცა-დ დაიკარგ მოელ ცხვრის ფარა.

კაბა ნაროზაული

მიამბო გ. ჯაბუშანურმა, 56 წლისამ, ს. ახიელში, 1939 წელს

კაბაიც ძალიან მენადირეი-დ თოფოსნობით სახელგათქმულ კაც იყვ არხოტ. ერთ გბელ თოფ-ი ხქონდ ერაჯიბი. ქართულ თოფ იყვა-დ განსაკუთრებულ რაიმ ჯიშ თოფ იყვ. ორს სრევას წამალს იყრიდ, ორის ტყვიისოდენ ტყვია უნდოდა-დ სიგძითაც ორს თოფთ უდრიდ. კაბა თაოდაც ძალიან ტანიან კაც იყვ, რო ყველას უკვირდ: ამსიდილო კაცივ სანადირო კლდეებში რაკველ დაგავ. საქმეს ბევრად არ აკეთებდ, სრუ სანადიროს კლდეში იჯდა-დ ხოცდ ჯიხვებს. კაბას ვაჟ ქვე არ ხყვანდა-დ, ხუთ-ექვს ქალი ხყვანდ. ხანდიხან კაბამ ქალებ წაიყვანის ნანადირევის მასატანად, რაიც არხოტ წეს არ იყვ, დიაცის სანადიროში სიარული. მაიტანანავ – თქვის კაბამ, მაკლულის ჯიხვის კორც მაინცავ ხო უნდა ჭამანავო-დ რა უნდავ.

ესეთ უსაქმურ კაც რაკი იყვ კაბა, საქონის საჭმელი სრუ ნიადე უთავდებოდის (სრუ ნიადე: მუდამ). იმის გულისად ტანიეს თიბდისა-დ ათიბიებდის ქალებსაც. ხანდიხან ძალიან მტრიანობა იყვისა-დ კაბაის მეტ ტანიეს ვერვინ წავიდის სათიბლად. ის კი ტანიესაც თიბდა-დ, რახან იქაც გაუთავდის, გაზაფხულის პირთ ამჟორიტესაც ჩაღალის საქონი (ამჟორიტე: ეს არის ის ადგილი, სადაც ზაფხულობით დადის. დიღველები სამდღვართან ძალიან ახლოა და საშიში არის იმათგან. გაზაფხულის ხანზე კი ძალიან გაჭირვებულმა ხალხმა იცოდა ძროხების ჩარეკა, რადგან აქ ძველი ბალახიც იყო და ახალიც ადრე მოდიოდა, რადგან ბარი ადგილი იყო). ერთ წელს კაბას ტანიესაც ხქონდ ნათიბი-დ ერთს დღეს ამჟორიტესაც ეთიბა-დ შაენახ თივა საგაზაფხულოდ. ზამთრის ტანიეს ჩაღალა-დ იქ დაკვებ საქონი, წელწდიდგეს ამჟორიტეს ჩაღალა-დ იქ აძოებდ. საქონის საყურებლად ხო კაბაის ქალებ იყვნეს აქა-დ დღისით ხან ბუნავს აკეთებდ ცაცხვის ხისასა-დ ხან სანადიროდ დავიდოდ. ერთხან კაბაის ქალები საჯეროს მისატანად წავიდეს ახიელად კაბა მარტო დარჩ საქონთან. აქ ძალიან საშიშ კი იყვ დიღველთგან საქონის გასაღალავად, მაგრემ კაბა ძალიან მძიმეი-დ უშიშარ კაც იყვა-დ არ მთხილობდ ძალიან. ერთს წუხრას კაბა დაწოლიდ იყვა-დ ცეცხლიც დამქრალი ხქონდ; დაძინებულ კი არ ხქონდ, რო კართ ვინამ დაუწყ ბძოლა გასაღებლად. კაბამ სრუ არ იფიქრ, თუ ესეებ დიღველებ იქნებოდესა-დ უძახ ნაწოლმ: რომენი ხარავ, რას ებძვივ მა კართავ. კაბაის ვმა რო გაიგონეს, დაიქცნეს დიღველები. გაქცეულების ფეკის ვმა კაბამაც გაიგონ. გამავიდ კარში, გამახენა-დ არცად ვინად იყვ აქ. მაშინ მიხედ კაბა, რო ესეებ დიღველები იქნებოდა-დ არცად დაუძინებავ ყარაულობას. მთელ დამეს ეღვიძა-დ ჯავრ მაზდიოდ თავის თავზე, რაად უძახეო-დ დავამთხილევ, ეხლადავ დიღველ მექნებოდავ მაკლულიო-დ სახელიან ვიქნებოდივ, რო არ მეძახავ. მეორეს დამეს ცეცხლ კი მაღე გააქრ კაბამა-დ არ დაიძინ კი მაღედ, ყარაულობდ შუაღამემდინ;

არც ღიღღვლებ მივიდეს, რაკი იცოდეს რო გამთხილებული ასავო-დ ყარაულობას დაიწყებსაგ. იმათ იცოდეს ყარაულს რასაც დროს ზძინავა-დ სწორად იმ დროს მივიდეს, რო კაგა ძილს ველარ მალრევიყვა-დ დაზძინებიყვ. გააღეს ღიღღვლებმ კარი, გამაუყარეს საქონი-დ გაღალეს. კაგას მალედავ გამაღვიძ, გადახენ საქონთა-დ არ იბადების ჭაჭანი. კაგამ თქო: ამაგით იციანავ, ძილივ ოშკაცის ქმარიაგ. მაავლ თოფს ჳელი-დ გამაუღვ ღიღღვლებს. ვერცარა ბევრ გზა იმათ გეველ, მალედავ წამაეწივა-დ ნახ, რო მიუდის საქონი. ესრივ კაგამ, ტყვია ღიღღვლებსთან არ მივიდ, რაკი ღიშან არ ჩინდ. ისენიც გზადავა თოფევედეს, მაგრემ კაგამ მანამ მიზდივა-დ აჳალ თოფ, მანამ არ დაიქცნესა-დ არ დაწირეს კაგაის საქონი. ამალალ კაგამ თავის საქონი-დ ღიღღველნ ცალენ გაუშენ. ტყვია კი არც იმათ მახვდა-დ არც კაგას, რაკი თოფებს ვერ ღლიშნებდეს სიბნელით ერთუცს.

*მიკვირხარ, ჳალას მთიბელო, რამ მაგაცდინა ჳკვიანი!
დაგბევრებივა საქონი, აღარ გიკეებენ თივანი.
ჩაღღალენ ამჟორიტესა, ბარინს სათიბიანი.
„თუ თივა გამითავდების, სანეკროია ტყიანი“.
დაგძინებიყვა, კაგაო, ვითამ ჳიჳვი ხარ რქიანი;
გამავიყარეს საქონი, გამახყევ ბოროტიანი.
ბრალთა ერაჳიბისად, ღიშან არ ჩინდა ტიალი;
სულეთში არ შაახინა ურჳულო, დოღბანდიანი.
მეშვიდმეტე რო ესრივ, ღიღღვლებმ გაიდეს გრიალი.
ბევრკან კი ხერიან, კაგაო, მაგ ერაჳიბის ტყვიანი.
დააწირვიენ ძროხანი, გაუშვენ პიროფლიანნი.
საღექსოდ გამამიტანგ, რაისაც გეჳონდა პირობა,
თორე აისეთს ღექსს გეტყვი, ღამით მძინარიც სტიროდა.*

ღიღღველ–არხოტიონთ ყრილობა ზავზე

ჩამაწერინა გიორგი ჳაბუშანურმა,
56 წლისამ, სოფ. ახიელში, 1939 წელს

ღიღღველ – არხოტიონთ ბევრჳელ ხქონდ საუბარი შარიგებაზე. ბევრჳელ ზავიც უქნავ, ერთწორს წელს კი გაგძელებულ ზავი-დ იქავ აშლილ. ან სისხლს ვინ აიდებდ, ან მაიპარევედ რას ვინა-დ დაიშლებოდ ზავიც. ერთხან გაგათ გიორგა რო ტანიეს დაღვ ღიღღველთ ნაფარეხლებში, მაშინ ღიღღვლებ ახმტერდეს – ჩვენს ალაგში რად დაზღვევივ. გიორგიმ დაიბარ ეს ღიღღვლები, შასარიგებლად

ვარ დაუკლ, უღუღ კორცი-დ კარგად დაუხვდ. ჭამაში ერთ დიღღველმ უთხრ გაგათ გიორგას: ეს ვარის კორციე მანამ ყელში გვიდგასავ, კი გვაკსონსაო-დ კა გულიც გოქვავ შენხედავ. ლუკმა რა ყელს ჩასცილდებისავ კი, დაგვცილდებისაო-დ ჩვენაო-დ თქვენავ, აისეთეებივ ვიქნებითავ. ჩვენს შუაშიავ სისხლის ტბაი დგასავ გაუშრობელივ. მართლადაც ვარის დაკვლის მეორეს წელს დიღღველემ დახკრეს თოფი-დ ტანიეს მაკლეს გაგათ გიორგა.

ესეთი ჩვენი-დ დიღღველთ შარიგება, მაგრემ ერთხან კიდევ ცადეს ზავის ქნა. ერთ დიღღველი ნეთხელი ხნიერ კაც დავიდოდ დიღღველ-არხოტიონთ შასარიგებლად. ამ კაცს მაჯლიგა ექვივნა-დ კაცკითხულ კაც იყვ დიღღოს. მაჯლიგამ ბევრ იარა-დ ბოლოს დაითანხმ დიღღველებიცა-დ არხოტიენებიც რჯულზე. პირობა დადვ, რო დიღღველნიცა-დ არხოტიონნიც უნდა შაყრილიყვნეს ტერლისკარ დიღღველ-არხოტიონთ სასწოროს ალაგში, სამძღვრის ახლოს. დიღღველთა-დ არხოტიონთ უნდა აერჩივ რჯულის კაცები დიღღველებიცა-დ არხოტიენებიც. რჯულის კაცები იქნებოდეს უფრო ხნიერი-დ მაცოდარ ხალხი. მემრ წილს უყრიდესა-დ ვისაც წინწინ ერგებოდ ჩივილი, დიღღველთა თუ არხოტიონთ, წინწინ ის მკარე იჩივლებდ. ჩივილის ნება ყველას ხქონდ, მაგრემ საჩივარში საერთო საქმე უნდა ეჩივლ. მარტო თავის საკუთარ საქმეზე არვის აჩივლებდეს. თუ საკუთარს საქმეზე ვის დეეწყ ჩივილი, მე ის მამიკალითავ, მე ის მაზარადეთავ, ამ საუბრისად ბოლოს საერთო საქმეიც უნდა მაეყოლ.

ერთს დალიშნულს დღეს დაიწყ მადენა დიღღველ ხალხმაცა-დ არხოტიენებმაც. ტერლისკარ ერთ ცოტა ველი ასა-დ ერთს მკარეზე დიღღველთ დააგზეს ცეცხლები, მეორეზე არხოტიონთ. იმთვენ ხალხ იყვ, რო სრუ სამი-ოთხკან ეგზ ცეცხლი. გიორგობის თვე იყვ მაშინა-დ მთებში აგრილებულ იყვ. აქ ფიჭვის ხეების ნალეწი ხყრავა-დ ისით ცეცხლებ დააგზეს, რო ალი ცას მიდიოდ. სრუ გატყერებულ იყვ ტერლის კარი ღამითაც.

ხალხი-დ კაცშუაკაც რო მავიდ, დიღღველებმაცა-დ არხოტიენებმაც ცხვრებივ, თხებ მასხეს. ქვაბებიც მაიტანეს, დატოცეს საკლავები, ადუღეს კორცი-დ ერთუცს ხპატიჯებდეს კორცის საჭმელად. დიღღველნი ქრისტიანის ჭელით დაკლულის საკლავის კორცს არ ჭამდესა-დ იმის გულისად, რო დიღღველებივ უნდა დავხპატიჯავ, არხოტიენებმ თავის საკლავებიც დიღღველებს დაატოციეს. კორცმ რო იღუღ, ახალგაზდებებ სრუ ფეკზე იღვა-დ ხნიერ ხალხ ქვე დასხესა-დ მაართვეს პური. ხნიერმ ხალხმ რო პური ჭამ, მემრ ახალგაზდებებმაც ჭამეს პური. მემრ დასხდ კაცშუაკაცი-დ გაიმართ ჩივილი.

წინწინ დიღღველთ ერგ ჩივილი-დ ჭეგაისშვილ მავიდ კაცშუაკაცსთან სასაუბროდ (კაცშუაკაცსთან მარტო მაჩივარ კაც მავიდოდ, სხო ხალხ შორს იყვ იმათანით). ჭეგაისშვილმ დაიწყ საუბარი ძველისძველ მამ-პაპათ ამბეებით,

ვინ ვის მაუკლავ, მემრ სამაგიერო სისხლ ვის აუღაუა-დ ვინ დამრჩალ უძებარი. ვის მაუკლავ მამკლავი-დ, ვის ალალ-მართალი, უდანაშაულო კაცი. როს ქნილ ზავი-დ ვის აუშლავ მემრ ეს ზავი. ბოლოს იანგარიშ ერთიმეორის ჳელით მაკლულ არხოტიენები-დ დილღველ მეტ გამაიყვან მამკვდარი არხოტიონ მკედრებზე. ზავის აშლაიც არხოტიენებს მახვივ თავზედა-დ დამნაშავის მაგივრად უდანაშაულოს კაცის მაკვლა ხო არხოტიენებისგან მეტ გამაიყვან. ისეთის კაცის მაკვლა, რო მამკლავის გვარეულ მაინც არ ყოფილიყოს, ეესეთა დილღველებისგან ცოტა მაკვლ. ბოლოს თავისავ ჩივილს დაუმატ, რო არხოტიონ ხალხმავ რო კვამლზედა სამშამ ცხვარი ზღასავ, მაშინ ძლივ გასწორდებისავ დილღველ-არხოტიონთ საქმეივ, თუ არა და ხალხის გულ არ გაიწმინდებისაო-დ ეს ზავივ იქავ ჩაიშლებისავ. ზავს რო ვიქთავ, თუ ეს პირობა შასრულდებისავ, მაშინ წინდიც უნდა მივსცათავ ერთუცსავ (წინდი: წარმომადგენელი, რომელიც ერთი არხოტიონი დილღოს იცხოვრებდა და ერთი დილღველი არხოტ, ეს კაცები იქნებოდნენ ძლიერი გვარიდან და ეს გვარი იყო პასუხისმგებელი, არხოტიონი დილღველთ წინაშე და დილღველი არხოტიონთ წინაშე რაიმე უწესო საქმის მოხდომისათვის). მემრავ ეს წინდიო-დ ამის გვარი იქნებიანავ პასუხისმგებლივ მეორე მკარის ხალხთანავ; თუ არა, არა გამავავ ამ ჩვენი საუბრითავ.

მივიდა ჳეგაიშვილი, ძაღლივით იღერდებისა;

საკვირლა მავრად იჩივლა: კარი რო კარსა ხვდებისა.

ჳეგაიშვილმ რო საჩივარ გაათავ, ახლა არხოტიონ უფროს კაც გამავიდ საჩივრად. ფილიპე (ფიცხელა) ნაროზაული. არც ეს იყვ ჳეგაიშვილზე ნაკლებ მაუბარ, მავრემ ჳეგაიშვილმ ზოგ ამბეები ისითი თქო, რო ფიცხელას სათქმელი შასაქცევ აღარაი ხქონდ. უფრო ალალ-მართალის ხალხის ჳოცაზე არხოტიონთგან. ხოლოთ ფიცხელამ ძველ ამბავი იჩივლ, რო დილღველნივ ლაშქრად გვეცემოდესავ. მარტო ერთს დამესავ სამოც მაუკლავავ ამლიონიო-დ ეხლა იმათ ჩამომავლობა რამთვენ გვაკლავავ. ჩვენგან კი არავ, დილღველთგან გვერგებისავ სამშამ ცხვარიო-დ მეტიცავ. კარში გამასავალ აღარ გოქვავ თქვენგანავ, ან რას ვავიკდებითავ სამოც კვამლივ ამთვენს დილღველსავ. ძაღმამრეობას ხვმარობთაო-დ რაკვლაც გწადისთავ, ისრ აბრუნებთავ საქმესავ, კარი გაქვთავ ჩვენდავ შაკრულივ.

ფილიპე ნაროზაული წითელს გველივით შქენდისა.

მემრ ფიცხელაის ჩივილზე მაჯღლივა გამავიდა-დ იმან იჩივლ: მართალიავ, ჩვენ მამა-პაპანივ ლაშქრად ეცემოდესავ, მავრემ ბევრ ხეირ არც თაოდ დაეყარავ იმ

ლაშქარსავ. ერთხანავ ჯუთით გადმაცრილს ლაშქარს გაშჭრესავ ახიელის ძირავ თავივ, დაბალითებით იარადაყრილს ხალხსავ. მეორედ: წელწადში რო დაეცნესავ ამდასავ, ის ლაშქარიც სრუ გაუწყვეტავ სიცივესაო-დ არხოტივნებსავ. დილდველთ რამთვენ ჩამამავლობა გვაკლავავ იმათავივ. ჭეგაიშვილმავ სამ-სამ ცხვარივ ტყუილად თქოვევ, ჩვენ მეტ ზარალი გოქვავ დილდველთავ არხოტიონთგანავ კაციოთაცაო-დ საქონითაცავ.

მაჯლიგა დაითრებოდა, ყორნის სულ არ გაძღებისა;

სრუ ჩვენ ვერ ვაჭმევთ დილდველებსა, ვითასაც მაშვიდებისა.

მაჯლიგაის ჩივილიდგეს მარაიხძეთ თოთა გამავიდ არხოტიონი-დ ამან იჩივლ. ამანაც თავის საჩივრის ბოლოს თქო, რო მაჯლიგა რო ჩივისსავ, არხოტიონთავ დილდველის ლაშქარ აზარალესავ ორჯელავ, ერთი ხკითხეთავ მაჯლიგასავ, ის ლაშქარივ ჩვენ დავიბარეთავ, თუ თაოდ მავიდავ ჩვენ გასანადგურებლადავ. ის ლაშქარივ ჩვენ მამა-პაპათ კი არ აზარალესავ, ჩვენ მამ-პაპანიცაოდ ძალმამრეობითავ ჩვენავ დილდველთავან ორთავ ამ დღეშიავ, რო არც გზა სად გოქვაო-დ, არც მასვენებაივ, თორე მაგათ კვალად რო სხო ხალხი ცხოვრობდასავ, ძაუგში სასიარულო გზა მაინც თავისუფალ გვექნებოდავ. ეხლა ქვე არ გვიშობენავ გზახედავ. რაც არხოტ ხალხ დასახლებულავ, ჩვენ მაგათგან ორთავ დაჩაგრულნივ, თორე ახლა კაციც მეტ გვექნებოდაო-დ საქონიცავ. ჩვენგან ერგების კი არავ, იმათგან გვერგებისავ საქონის მაცემავივ, თუ ეს რიგიან რჯულ იქნებისავ.

ესეთი საუბრით ბევრ გამავიდ დილდველიცა-დ არხოტიონიც. ყველამ თავთავისა იჩივლა-დ შუაკაცებიც ყურობდეს. მწერლად იჯდ სისკარათ იონეური, ახიელელი, რასაც ვინ იჩივლებდა-დ ის ქვე სწერდ ყველას ქაღალდში.

სისკარათ ივანეური რუსულად რასამ სწერდისა.

აქ რო რჯულ იყვა-დ საჩივარ გაჭურებული, ერთ სთვლის დამე თეთრად გათენდა-დ მეორეს დილას ამლით ბაბუჭურთ თათარა მავიდ შაიარადებული. იმან თქო რო ჩენი-დ დილდველთ შარიგებაივ უბრალოი ასავ, ტყუილად სწვალობთავ, ჩვენა-დ ევენ ვერ შავრიგდებითავ; აქავ ფარეშაისშვილ იქნებისავ მასულივ, თქვენ გადრიდეთავ როგორაო-დ მე ის უნდა მავკლავ, თორე მაგას კელჩი ვედაროს ჩავიგდებაო-დ ძალიან ჯავრი მჭირსავ მაგისავ.

ფარეშაისშვილი ახვათ ბეწინაის მამკლავიც იყვა-დ სხოდაც ბევრის უფრის ჩამდენი არხოტ. ამის ჯავრი ყველა არხოტიონს შჭირდ. ეს თათარაიც კი არ უყვარდ დილდველებს, ესიც იყვ ორის დილდველის მაკვლაში ნატანები-დ ძალიან

მაგარ მტრებ იყვნეს ესეები ერთმანეცისები. თათარა არ გაუშვეს, უთხრეს: კაცო ხო ხედავ რამთვენ ურჯულიო ასავ მასულივ; ესეებივ ფეკით არ გაგვიშობენავ არც ერთსავ, აქ თოფ არ დასცალაო-დ ეს ხალხ დააღუპვივავ. ამ საუბარზე თათარა ცოტა ხანს კი დადგა-დ მემრ გაიპარ ფიჭვიანებში, იქით ფარეშაის შვილის სათოფავად. ნახეს რო თათარა აღარცად ას, გაიქცნეს, დაძიესა-დ ფიჭვიანში მაკვლეს, მემრ კიდე გაუჯავრდეს, ეს ხალხ არ დააღუპვივაო-დ წამაიყვანეს იქავ ხალხში. ამ დროს ფარეშაიშვილიც დიღღველ ხალხში იჯდა-დ დვირბინით სრუ პირშელმ შამახელვედ არხოტიონ ხალხს.

*გაღმიდან ფარეშათ ოსი დვირბინით იცქირებისა,
ამ დროს თათარა მავიდა, აივსა ჯიბვირებითა.
ვაბრუნებთ, აღარ ბრუნდების, გაღმისკე იზიდებისა.
კვლხი ბერდენკა უჭერავ, არ ვიცით, რა იქნებისა.
ვიძიეთ, ველარ მავკვლეთ, ფიჭვის ძირებში ძვრებისა.*

ამ დროს აქვე იყვნენ თავის საკუთარს საქმეზე მაფიქრალ ხალხიც, რომნებიც მარტო თავის საკუთარ საქმეზე ფიქრობდეს, არას აჯავრებდ საერთო საქმე. ზოგს საყიდ რაი ხქონდ, ზოგს გასაყიდი, ზოგს ნაქურდლის გაცვლა უნდოდ. ესეთებ იყვნეს უფრო ქურდები. მაგ: კვირიწმიდელთ ბეწინაიშვილთ ბაბუასად ბეწიკას ცხენი ხყვანდ კახეთით მაპარული-დ დიღღველებში წამაყვან გასაცვლელად. ავაჭრიდეს ამ ცხენს დიღღველებს, ხან უცვლიდეს, ხან არბოლებდეს, როგორ რბოლა იცისავ. ხან დიღღველ შაჯდის ზედ დასაცდელად, ხან ბეწინაის შვილნ შასხდიანა-დ არბოლებდიან რიგ-რიგობით. აწონებდეს ცხენს დიღღველებს, აგებ როგორ გავსცვალათავ ნაქურდალზე მაინცავ, რო კახეთავ გზაი ხქონდასავ, დიღღოს უფრო არაად დავდითაო-დ აქაურ ნაქურდალს ცხენს ვიყონიებთავ.

*შუაში ბეწინაშვილი მაპარულს ცხენსა სცემდისა;
ხანდიხან გააქცივიან, კრილ კარგად გაითვლებისა,
ერთ ძმა რო დაიღალების, მეორე ვადაჯდებისა.
მავოდენ ინაბარშია კახეთურა კი კვდებისა.
მაგათ მტერ არას აჯავრებს, თუ საით გაიცვლებისა.*

ამ ერთმ ღამემ გაიარა-დ ჩივილ ძლივ მათავდ. მეორეს დღეს ახლა რჯულის კაცების საუბარი-დ ბძოლა იყვ. დიღღველნი მათხოვდეს კაცის თავ-სისხლს, რამთვენსაც მეტს კაცს ანგარიშობდეს არხოტიონთგან მაკლულს. არხოტიონ რჯულის-კაცები ქვე არ სთანხმდებოდეს ამაში, დიდის საუბრიდგე, არხოტიონთ გასადებ გადასწყვიტეს დიღღველთ სასარგებლოდ – კვამლზე სამ-სამ ცხვარი.

რჯულის წესი ას, რო გარჯულებილს მაშივ არ გამაუცხადებენ. მტრებსავ, ან ერთს არ მაეწონებისაო-დ ან მეორესავ. საუბარ მახკდებისაო-დ იშუღლებენავ. როსაც მტრები შინ-შინ წავლ-წამავლენ, ნარჯულავს მაშინ გამაუცხადებენა-დ, თუ რომენიმ არ დაუჯერდების ნარჯულავს, მაშინ ერთუცს მაინც ვედარცაით რას ეტყვიანა-დ არ იშუღლებენ, რო მემრ რჯულის კაცებ არ გაკდან შუღლის მიზეზი.

ეხლადაც დიღღველ-არხოტიონთ რჯულის კაცებმ აქ არ გამააცხადეს ნარჯულავი. ერთუცს უთხრეს, რო თაფ-თავის სოფელში გამავაცხადათაო-დ თუ არხოტიონნივ ყაბულს გაკდესავ, შაგატყობიებთავ, თუ ყაბულს არ გაკდესავ, აღარვინ მაოლთაო-დ იმით გაიგებთავ.

ეს ნარჯულავი აქ ვერვინ გაიგ, გამამეშვიდობნეს ერთუცსა-დ წავიდ-წამავიდეს. დიღღველთ რჯულის კაცებმ დიღღოს გამაუცხადეს ნარჯულავი-დ დიღღველთ არ დაიწუნეს რჯულის ნათქვამ, რაკი ხალხი თაოდაც ამას თხოულობდ.

არხოტიონთ რჯულის კაცებმ რო გამააცხადეს კი, არხოტიენები ძალიან ნაწყენებ დარჩეს, ერთს თიკანს არ მივსცემავე დიღღველთავ, სამს ცხვარს კი არავ, თითოითო არხოტიონმ თქვის. საბოლოოდ ჩაიარ უბრალოდ ამთვენ ხალხის წვალებამ, ვერ შასთანხმდეს დიღღველ-არხოტიენები-დ დარჩეს შაურიგებლად.

ამ რჯულში დამსწრომ ნისლაურთ მინდია მ ლექსიც თქო ამ რჯულზე:

*დავჯგ, გონობა დავიწყი, ხანია ლექსის ბეჭდებისა.
ნათქვამ ლექს იანვარშია ნიადევ არ მასცდებისა.
გავღმართე დავითთეული, თუ წინა გამიტყდებისა,
დიღღველებსა-დ არხოტიენებსა ლექსებს ვინ ეუბნებისა.
კიდევ გამასთქომს მერცხალი, როსაც კი დაითვრებისა.
დღისთაოდ დავა მაჯლიგა, ყორნის სულ არ გაძღებისა,
ჩვენ ხო ვერ ვაჭმევთ, ნეთხელნო, ვითასაც მავ შივდებისთა.
წავედით კაცშუაკაცი, იქ რო ტერღის კარს ვეტყვითა,
ბევრი მავიდა დიღღველები, ცახ-ცახ გახქონდა ყბებისა (ყბები: წვერები),
სამ-სამკან ცეცხლი დავავ ზით, თხებიც დავკოცეთ, ცხვრებიცა.
ვიორვიობის ღამეი სრუ თეთრად გათენდებისა.
დიღღველი ჭეგაისშვილი ძაღლივით იღერღებისა,
საკვირღა მაგრად იჩივღა, კარი რო კარსა ხვდებისა,
ფიცხელა ნაროზაული წითელს გველივით შექნდისა.
სისკარათ ივანეური რუსულად რასამ სწერღისა.
სამ-სამ ცხვარ ვადაუწყევტავ, მიმცემ ვინ იყვა ერთისა,
მე კი შავს თიკანს არ ვაძღევ, ზოგებ მკედართ იწირებისა.
გაღმიდან ფარეშაშვილი დვირბინით იცქირებისა,*

ახლა თათარა მავიდა, აივსა ჯიბგირებითა.
ვაბრუნებთ, აღარ ბრუნდების, გაღმისკენ იზიდებისა.
კელხი ბერდენკა უჭერავ, არ ვიცით, რა იქნებისა.
ვიძიეთ, ველარ მავკელით, ფიჭვის ძირებში ძვრებისა.
შუაში ბეწინაშვილი მაპარულს ცხენსა სცემდესა.
ხანდიხან გააქცივიან, კრილ კარგად დაითვლებისა.
ერთ ძმა რო დაიღალების, მეორე გადაჯდებისა,
მავოდენს ანაბარშია კახეთურა კი კედებისა.
მავათ მტერ არას აჯავრებს, თუ საით გაიცვლებისა.
გამავრდით, არხოტივნებო, გატეხით რა იქნებისა.
ვინაც მაკედების, დავღმარხათ, სხო კიდე გაიზდებისა,
კმა შორად ვავივარდებისო, მტერ მავით დაშინდებისა.
აბეჩავ, არხოტივნებო, მაგარს პირზე კი ზდგებითა!
ჭალაზე ქავი ვივლევათ, ქორი ვერ გადახტებისა,
შივა სხავ მეთოფეები, ბერდენკაები ტყვრებისა.
თუ სად მავიდა ლაშქარი, სრუ მზორით აივსებისა.
მივსწერათ კემწიფიანთა, თოფებიც გვინდა, კმლებიცა.
სისხლის წყალმ უნდა წაიღას კიდებიცა და გზებიცა.
ოჟო, დადევით დიღღველნო, თორ კიდევ იტირებდითა,
ვაზაფხულინდელ დავცილდათ, სოფელ აავსით მკვდრებითა,
მავის მეტს აღარ ვიამბობთ, ევ თქვენის გამარჯვებისა.

ეესრ არხოტ რო დაბრუნდესა-დ ნარჯულავის გამაცხადებაზე უარ რო თქო ხალხმ, რა თქმა უნდ ეს დიღღველთაც გაიგესა-დ ძალიან ნაწყენებ დარჩეს. აღარცად თაოდ დადიოდესა-დ არც არხოტივნებს აძლევდეს მასვენებას. სამზირლად სიარულიც დაიწყ ჭირის პატრონებმ, რაკი შარიგება არ მახვდ.

ხოხორა

ჩამაწერინა ბეწიკა წიკლაურმა გიორგის ძემ,

ს. ამაღ, 69 წლისამ, 1941 წელს

ხოხორა იყვ მშაველ მემცხვარეი სოფელ უძილაურთაში მცხოვრები. ეს ფშავშიაცა-დ ჳევსურეთაც ძალიან სახელიან კაც იყვ. იმის ცხვარ-ბინას ბევრჯელ დასცემიონ შირაქში თათრები, ქისტები მთაში, საძოვრებზე, მაგრემ ვერვის რა წაუღავ ჳირის მეტი იმის ბინაზეით. ხოხორამ ერთხან ტანიეს გადალალ თავის ცხვრის ფარები ზაფხულში. აქ არხოტივნებისგან იქირავ მთაი-დ აძოებდ. დილღველთ შიშით აქ ცხვარ ვერვის გადაუდიოდ, ხოხორამ კი შიშ სრუ არ იცოდა-დ იმით გადადიოდ ტანიეს. ცხვარს დააყენებდ ბინაშია-დ ღამით გავიდიოდ თაოდა-დ ცხვარსთანით შორს ჩასაფრდებოდა-დ ყარაულობდ მთელს ღამეს.

ერთს ღამეს ხოხორამ შალიშნ, რო მტერ სადამ იყვ იმის ცხვარსთან ახლოს მასული. ძაღლები ეტანებოდესა-დ აჭმევდესა-დ აჩუმებდეს. ხოხორამ იქისკენ მაი-მარჯვ თოფი, სადაც ძაღლები ხყეფდ. ამ დროს გამაჩინდ შამბებშიით ოთხ კაცი-დ წავიდ ცხვრისკე. როსაც ერთად შაქუნდეს მაუბრუნ ხოხორამ თოფი უჩინს ღამეში, თოფ კი მიუჭირ იქისკესა-დ დასხლიტ. თოფ რო გავარდ, გახყვეს დილღვლის კივილნიც. ეს დილღველ სასიკედილოდ დაიჭრა-დ ამხანიგებმ არ გაწირეს, შაუსხდეს მჭარს, აიყვანესა-დ მადლა თბილწყალთ საბინაოში გაწირეს.

მეორეს დილას სისხლის კვალს ახყვესა-დ ცხვრის სათავეში მაჭველეს მკვდარი. წამაწოლილიყვაო-დ მკვდარსაც ისრ დაშოშიყვაო თვალებივ, რო იქავ ცხვარს ჩამახედებდავ. ამის მემრ კი ახყარა-დ გადალალ ხოხორამაც ცხვარი, თორე დილღველნი მასვენებას არ მისცემდეს.

დილღველი ბათირი

ჩამაწერინა ბაიჭაურ ცისკარაულმა,

58 წლისამ, სოფ. ახიელში 1939 წელს

ბათირი სახელგათქმულ ქურდი-დ ყახად დილღველ იყვ. ხან ქურდობდა-დ ძაღდაძალაც იტაცებდ ვარ-ცხენს. ხოლოთ არხვატით არ აპარვიებდეს იმის მეგობრები დილღველები, არხოტიონთებიც ნაცნობ მეგობრებ რაკი იყვნეს. ერთხან წამავიდ საქურდლად ბათირი-დ ნეთხელ ფარეშა, გამახყვეს ორნ სხვანი. ბათირა ჳერ კი ეუბნ ამხანიგებს, არხოტიონთ ვარ-ცხენებ დავიპარათავ. ამხანიგებ არ დასთანხმდეს, წავიდათაო-დ პირიქითით დავიპარათავ, თორე არხოტივნებივ ახლოს არიანაო-დ არ შავგარჩენენავ.

როგორცად იქნებოდ, გააბედვიესა-დ წაიყვანეს პირიქით ჯვესურეთისკე საქურდლად. პირიქით ორ-სამკან მივიდეს ჯარავანხედა-დ ყველკან გაუგეს, ბოლოს ყველას სოფლებში ჯმა გაუტყვ: ქურდები არიანავ გადმასულებიო-დ მოხილად იყვენითავ. ყველკან გამთხილდ ხალხი-დ ვედარცად ვერ გაიმარჯვეს. დაბრუნდესა-დ წამავიდეს სადილდლოდ. ტანიის დელისას გადმაცდეს, ტანიის ჯორჯ გაიარესა-დ, ნასოფლარ ჩამავიდეს. აქით ორ გზა მიდის, ერთი მთისას – საჯარის დელისასა-დ მეორე ჭალაისას. ამ დროს გაზაფხული იყვა-დ არხოტიონ ხალხ ჭალაზე დადიოდ სამუშაოდ, ზოგ მუშს ხერიდ, ზოგი მარჯილის ფეჭებსად, სხვას აოჯისგანს ამზადებდ. მანამ წყლის ადიდება იქნებოდ, მანამდინ ეშურებოდეს აოჯისგნის დამზადებასა-დ წადებასაც. ეს ნეთხელ დილდვლებმაც იცოდესა-დ ბათირს უთხრეს: მათათს წავიდათავ, თორე ჭალაზე არხოტივნებ იქნებიანაო-დ არ გაგვიშობენავ. რა გაშინებსთავ, უთხრ ბათირმ – ხევსურსავ, ჭიაის მჭამელსავ, ჯელით დაგიჭერთავ (დილდვლები გასაჯავრებლად ჭიაის მჭამელს ეძახოდენ ხევსურს). ვერ დაიჭერთავ ხელითავ – უთხრეს, თოფ-იარადი აქვავ თანაო-დ, არ დაგვეჭერიებისავ ჯელითავ. ბათირამ უთხრ: ეხელ მთას არ აუდგებივ გადასავლადავ, თუნდა გზაზე სიკვდილ ვიცოდავ. წამავიდ ბათირი-დ გამახყვეს სხვებიც ჭალაისას. ტანიისჭალა ჩამ ცერად ას ჩამასავალი, ოდროხოლო, კლდიანი. ჩამახყვეს ამ გზას დადამებიდგეს. ასურში (ადგილის სახელია) რო ჩამავიდეს, ფარეშამ უთხრ: აქავ კვამლის სული დგასავ, გზაზე სადამ ვისამ უგზავავ ცეცხლივ.

სიპიანავიდ რო ჩამაიარეს, იქ ნახეს რო ეხში ცეცხლ ვისამ უგზავა-დ ხალხი დამდგარი. დილდვლებმ თქვეს, წყლის პირზე გავიარათავ, გავსცილდათავ. მიბრუნდესა-დ წამავიდეს წყლისპირისკე. აქ ტანიით მდინარე ჩამადის, რომენიც ტანიისკარ ასას უერთდების, გამაიარეს ამ მდინარის პირზედ სწორად იმ დროს, რო არხოტივნები, ვინაც აქ იდგეს, ამათა ვინამ ერთ-ერთი წყალზე გავლილიყვ წყლის შასასმელადა-დ. გამავლილ დილდვლებს თვალ მახკიდ. დილდვლებმ კი ვერ ნახეს ისი. იმათ რო გაიარეს, მავიდა-დ ამხანიგებს უთხრ: მტერმ გაიარავ. წამახტეს ყველანი-დ გამაუდგეს უკან. რო დაიქცნეს, წინ ფუნჩათ დავითი გამაუძღვ. ტყეში რო გადმავიდ, წამაეწივ დილდვლებს. დილდვლებს იმათ საუბარ გაეგონა-დ სხვები ქვე დაქცეულიყვნასა, ბათირი გზაში ჩამჯდარიყვ. დავით რო მისულიყვ, დაესხლიტ დავითისკე თოფი-დ აღი ზედ აეხვივ. მანამ თოფის ცეცხლ გათავდებოდ, გვერივ დავითის თოფის ცეცხლი დილდვლის თოფის ცეცხლში. დავითის ნასრევი დილდველს მჯარს მახვედრიყვა-დ დაემტვრივ. ამ დროს მასულიყვ მამუკათ დიაიც. დილდველ პირგალმ წავიდ დაჭრილი-დ ესრივ დიამაც. ეს ზურგში მახვდ დილდველსა-დ მარჯვენას მჯარზე ჯიბაის მასრას გამადვარდ. გადახტ სხვებ დილდვლები გზის მარცხნივ ტყეში, დაჭრილიც თან გადაიყოლეს, არხოტივნებმ ეს ვედარ გაიგეს,

პირდაპირ გზაზე მარბოდეს. დიღღვლებმ ბათირ წყლის მარჯვეს ერთს ტყის ბოლქვში ჩასვესა-დ გარშემო ქვე შამაულობეს ფათელიანით ტყის წოწკებით. თავად ქვე წავიდეს, არხოტავ ხმა გატყდებისაო-დ ჩვენაც დაგვკოცენავ. არხოტივნები ზოგები იქავ წავიდეს თავის ბინაშია-დ ერთმ არხოტ გატეს კმა: მტერ იყვავ აქაო-დ თოფვა მაგვიკდავ. დაიქც ხალხი-დ, მავიდეს საგათენებლოდ სიპიანაჰიდ. დიღღვლების მთოფავებმაც უამბეს, ემაშიავ ეესრ ვოოფეთავ. ნახეს ერთს ბოლქვში, რო ტყის ტოტებ რაიმ ას ჩაკაფული, ჩაწყობილი ბოლქვში. მივიდეს, შახენესა-დ ნახეს, რო დაჭრილ დიღღველი წევს შიგ. დიღღველმ რო ნახ მისული ხალხი, თავზე ჩოკა მაიხვიგ. ხალხმ რო ეს კაცი ნახ, მიუბრუნეს თოფები-დ დააშალეს. მეორ-მესამეს დღეს მავიდეს დიღღველნი-დ წაიდეს თავის მკედარი. მკედრის წაღების დროს წეს არ ას კიდევ თოფვაი, მავლენა-დ თავისუფლად წაიდებენ თავის მკედარს. რა თქმა უნდ, რო არხოტიონნი არ გაისვენებდეს დიღღვლებისგან, აუცილებლივ სამაგიეროს მიიღებდეს – ერთს მაინც არხოტიონსაც მახკლევდეს სამაგიეროდ.

*ამბობენ, თუ არ ტყუიან, ტანიეს ჭეხას ცისასა,
მქისედ მაქცევას ამბობენ იმ ფუნჩათ დავითისასა.
ცეცხლი გავიდა ცეცხლშია, ქისტს უმტვრევს გულის ფიცარსა,
დიღღველ მაუკლავ, ამბობენ, მამუკათ დიაისადა.
გულდაგულ მისვლას ამბობენ იმ მჭედელთ ბადაისასა.*

დიღღველ-არხოტიონთ კორღანი და ბაბა ბალიაური

ჩამაწერინა კაგა ნაროზაულმა,
80 წლისამ, ს. ახიელში, 1925 წელს

დიღღველ-არხოტიონთ ადგილებს ხქონდ ყველკან თვალსაჩინო სამძღვარი, გარდა არხოტის ჭაღისა. შაონის დიღღოსკე იყვ სამძღვარი – შიბუს მთა, შაკვალ-ისკესა-დ ამლა-ბიფიელისკე – ტერღის წვერი. ჩორეხისკე – ბისნის წვერი; არხოტის ჭაღაის სამძღვარზე ბძოლა იყვ. შიბუს მთა დასავლეთისკე იყვ არხვატით, ბისნის წვერი ამასავლეთისკესა-დ ტერღის წვერი ჩდილოეთისკე. სამჯრეთის მჯარეზე ბუდე კვესურეთი იყვ. სხვაკან არც გზაი ხქონდ. კვესურეთისკე კი სამი-ოთხ გადასავალიც იყვ მთაზედ. დიღღოსკე წასავალ კი ეს ოთხ გზა იყვ აქ დასახელებული. მთებზე სადაო არა იყვ, ერთს გვერდზე დიღღველთ ადგილ იყვ წვერამდინა-დ მეორეზე არხოტიონთაი. წვერი ყოფდ თავის ადგილს. ხოლოთ დიღღველნი არხოტის ჭაღას მიიწევდეს არხოტისკე, მიადწევდეს კორღანსაც.

ერთხან დიღღვლებმ დაქრთამეს კემწიფის მეკვლეები-დ მაასხდეს დიღღველ არხოტიონთ ადგილის გასამიჯნავად არხოტის ჭაღას. არხოტიონნი ამბობდეს,

რო ჩვენ ადგილივ ოჯახის სათიბეთანით ასაო-დ კორდანიც იქ ჩავდგათავ. როსაც დიღღვლებმ ჳელისუფლების ხალხ მაიყვანეს, ამ დროს ბევრ დიღღველ მახყვ. წამავიდესა-დ პირდაპირ ტერლის კარ, დაიწყეს მიწის თხრა კორდნის ჩასადგმელად. ამ დროს დაიბარეს არხოტ თავგზიანი-დ მესაუბრე კაცი ბალიაურთ გაგაი-დ სამი ოთხ სხო კაცი.

ტერლისკარ რო თხრა დაიწყეს კორდნის გასაკეთებლად, ბალიაურთ გაგა არ აძღვედ ამის ნებას, ეს ადგილივ ოჯახის სათიბეთანამდინ ჩვენიავ, აქ რა უნდავ კორდანსავ. ხან კორდნის გამკეთებლებს მიღვარდისა-დ დაუსრივის თოჯ-ბარები, ხან ჳელისუფლების წარმომადგენლების კარავში შავარდის ყვირილით: ნუ აკეთებთავ აქავ კორდანსავ, თორე მავიყონავ არხოტიოთაო-დ სისხლის წყალს გაგავღვევავ აქავ. გაგა რო კარავში შავარდის, მახკიდიან მჳარს ჳელი-დ გამაიყვანიან იქავ გარეთი. მაინც რო მარტო გაგას ამოდენს ხალხთან არ გაუდიოდ ბძოლავი, არხოტ წალად გაგამ კაცი, შაუთვალ არხოტიონთ: ყველა შაიარადდითაო-დ ჩამედითავ ჩქარადავ, რო მახოლთავ ყველა საყუქს მახუსხეთავ, ხოლოთ ჩემს თქმამდინავ თოფ არვინ გასცალათავ. მანამ თქვენ მახოლთავ, მე არ გავაკეთებებავ კორდანსავ. წალადულმ კაცმ ეს ყველა ამბავი კარგად მიიტან არხოტ. ხალხმ რო გაგაის დანაბარებ გაივ, მაშივ მაემზადნესა-დ წამავიდეს შაიარადებულები. ყველა წამავიდ, რო ყმაწვილებისა-დ ბებრების მეტი სოფელში ქუდიან კაც აღარ დარჩ. არხოტის ჳალა სრუ მღვერულად ჩაიარეს, ტერლისკარ რო მავიდ ხალხი, ყველამ საყუქ გაიკეთა-დ ჩამახუსხდეს თოფებს. გაგამ რო ნახ არხოტიონ ხალხი ჩამასული-დ ჩასაფრებული, მივიდა-დ ჳელისუფლების კაცებს უთხრ: აგერავი, გახენეთავ, რო არხოტიონ ხალხ ჩამავიდაო-დ თოფები აქვავ გარმასხმულივ. ეხლავ, თუ ცუდ საქმე მახჳდავ, თქვენ იქნებითავ მიზეზიო-დ უჭირვლებსავ არც თქვენ გაგიშობენთავ, ისრ გაბრაზებულ ხალხიავ მასულივ. აი, მე გიცხადებთაო-დ ჩემ ბრალ ნულარ ასავ, ეხლად რაიც მახჳდებისავ, თუ აქით წაიღებთავ ამ მიჯნასაო-დ იქ არ გააკეთებთავ, სადაც ჩვენი-დ დიღღველთ სამძღვარიავ. ამ ხალხმა-დ დიღღვლებმ რო ეს არხოტივნები ჩასაფრებულები-დ იარადში ჩამსხდრები ნახეს, აიღეს ბარგ-ბინაი-დ წაიღეს პირგადმ. დიღღვლებიც თან გახყვ. აისხეს თოფ-იარად არხოტივნებმაცა-დ შორი-ახლო თან გახყვეს. მეკორდნე ხალხმ ორ-სამკან კიდევ დააპირეს კორდნის გაკეთებაი-დ ჩამახუსხდიან არხოტივნებიც თოფებს. ადგიან იქავა-დ კიდევ გადმ წავიდიან. ეესრ ჩახყვეს არხოტიონნი-დ ბოლოს ოჯახის სათიბეთ ჩავიდეს, აქ მისცეს ნება კორდნის გაკეთებისა. მეკორდნეებმაც ამათხარეს მიწა, ჩაყარეს ნაწშირი, ერთ მინა ჩაავდეს შივ (ბოთლი), მემრ აავეს კაცის სიმადლე ციხია ზედა-დ ამ დღიდვე დაწესდ დიღღველ-არხოტიონთ საზღვარი ოჯახის სათიბეთ.

არხოტივნებმ კი ბალიაურთ გაგას არხოტის ჳვარში სამწყალობნელო ჩხუტ დაუდგეს ადგილის დაჭერისადა-დ გამავრებისად. ყველას დღეობაში ერთ ჩხუტ

აავსიან ლუდითა-დ დაამწყალობნის ჯერ ხუცესმ გაგაი-დ მემრ ყველამ ერთად. ანთებულ სანთლითა-დ ლუდიან თასით ჩამაავლივიან გაგაის სადღეგრძელო-სამწყალობელი.

არა მარტო ამ კორღნის გადაწევა გააკეთ არხოტიონთ გულისად გაგამ; ის რო მცოდნე კაც იყვ. არხოტიონნი ბევრს რაშიამ ირჩევდესა-დ აუბნებდეს სასოფლო საქმეებზე. ადგილებზე, სადაც რა ვის გაუჭდებოდ საბძოლლად არხოტიონთან, ხო გაგა სრუ არხოტიონთ კვალად იყვ მაუბარი-დ ისეთ საუბარ იცოდ, რო არც გაუშობდ საქმეს, ისრ რო არ გაემარჯვ.

ტანიეზედ რო იყვ ბძოლა-საუბარი, მაშინაც პირველ მაუბარ გაგა იყვა-დ მემრ სხვებიც ეშველებოდეს. არხოტიონთ ერთ ადგილი ხქონდ „ტანიე“. ძალიან მდიდარ ბაღახ მადიოდ აქ. ზაფხულის თიბდესა-დ ზამთრის საქონს ინახევდეს. ამ ადგილზე ჯერ დიღველებ გადმადეანესა-დ მემრ კვესურები კადუს მცხოვრებლები. ყველა ამ საჩივრებში გაგა იყვ კელმძღვანელი. დიღველები ამბობდეს, რო ტანიევი ჩვენ გვეჭირავ, შემდეგს სამძღვრებში მაქცეულივ: მზის ამოსაჭედით საზღვრებდავ ისართ დეღე, დასავლეთით კალთთანის მთაი-დ ფატეხის დეღე. სამხრეთ მკარეზე საზღვრებდ ტანიის დეღეი-დ ამის გადადმ კვესურები ცხოვრობდეს კადუვლები, ჩრდილოეთის მკარეს იყვ არწივის მადალი.

ამ ადგილს ედავებოდეს დიღველები სოფ. ხამხას მცხოვრებლები. ერთ-ერთ საჩივარში ამ სოფლის დიღველები, სახელდობრ: მარზი, მაზიკოი-დ ჩიმირზა მასოსტოი ამტკიცებდეს, რო ამ ადგილშიავ ჩვენ წინაპარნი ცხოვრობდესავ. ეს ადგილივ ჩვენ გვეკუთვნისავ. ბოლოს დროს ცხოვრობდავ ჩვენის გვარის კაცივ სახელად ბელხი. ბელხის სიკვდილისდგესავ იმის შვილ დარჩავ იმ ადგილებშიავ, სახელად ბუბენტვი. ბუბენტმავ იქავ ციხეიც აიშენაო-დ წისქვილიცავ, დიდხანს ცხოვრობდავ. ის მამაშვილნივ სიკვდილამდინ იქ ცხოვრობდესავ ტანიესავ. ხოლოთ სიკვდილიდგეს აღარ დაწირნესავ იქაო-დ ჩვენებურის წესის გულისადავ მაასვენესავ თავის სასაფლაოზედავ, ხოლოთ ბუბენტის დედა კი მაკვდავ ტანიესაო-დ იქავ დადმარხესავ. თუნდა იმის საფლავს გაჩვენებთავ, ამბობდ დიღველი. ისიც რო მაკვდავ, იმის მემრ ცხოვრობდავ სხო ჩვენის გვარის კაცივ ურუშივ. მემრ ურუშის შვილ ურუსხანივ. სრუ ბოლოს ცხოვრობდავ ბახკუზარივ. მემრავ მაუჭდავ აურზაურივ არხოტიონებსთანაო-დ დაანებესავ თავივ ამ ადგილსავ. მემრავ ჩვენ გვთხოვავ აქ დადგომავივ ამღას მცხოვრებმავ გიორგამაო-დ ჩვენის ნებართვით დასახლდავ, ხოლოთ მამულის დალა უნდა მეეცავ. ერთს წელს კი მაგვც ის დალაი-დ მემრ კი დალაზედაც უარ გვითხრ. დაღას რო აღარ გვაძლევდავ, მემრავ დასაჯესავ ჩვენ წინაპრებმაო-დ მაკლესავ დაღის არ მაცემაზედავ. მემრავ იმის ცხვარ-საქონიც სრუ დიღღოს გამაღალესავ. მეორე კაციც კიდევ მაკლესავ ამღიონივ ტანიეს სიარულზედავ. ამის მემრ აღარ სარგებლოვდესავ ამღივნებივ

ტანიითაჲ. რამთვენისამ წლიდგესაჲ ძალით შავიდესაჲ არხოტიენებიჲ ტანიესაო-დ დაიწყესაჲ ცხოვრებაიჲ.

დიღღველებ ესეთს ამბებებს ბევრს რასამ ჩიოდესა-დ ვითამ ამტკიცებდეს ყველას, მაგრემ გაგამ რო იჩიულ, მაიყვან ისით ძველ ამბებები ტანიეზედ, რო დაამტკიც ის, რო არხოტიონთ ეკუთვნოდ ტანიე-დ არა დიღღველებს, დაინარჩომ ამანავ, ე. ი. გაგამ, ტანიე არხოტიონთ სასარგებლოდ.

დიღღველთან რო გაიმარჯვესა-დ დაიჭირეს ტანიე, ახლა ჰვესურებ გარმედავნეს, ჰადუვლები, ტანიეიჲ ჩვენ გვეკუთვნისაჲ. ჰადუვლებ იმას უმტკიცებდეს, რო დიღღველთ დადგომამდინავ ჩვენ ვმდგარობდითაჲ ტანიესაჲ. მემრავ ჩვენ ჰადუს გადმოვსულორთაო-დ ტანიესაჲ დიღღველ დაგვიყენებაჲჲ ღალითაჲ. დიღღველიჲ ღალას გვაძლევდაჲ ჩვენავ, ტანიისასაჲ. ამაზე საჩივარში დიღღველებიჲ დაიმოწმეს, ღალას ვაძლევდითაჲ ჰადუვლებსაჲ. ამაზე იმოწმებდეს ნეთხას მცხოვრებლებს, ესენიჲ ასეთნაირად ემოწმებოდეს, დიღღველების მოწმობა ჰადუვლებისათვის ასეთი იყო: „ნება დართვითა უკანხადოში მცხოვრებ ხევსურებისა, მე ვცხოვრობდი ექვს წელს ტანიეს ხეობაში და, რაც ხანს მე იქ ვიყავი, იმ მამულის ღალასა და ქირას ვაძლევდი უკანხადუელებსა, აგრეთვე საბალახესაც ისენი იღებდნენ ხოლმე, ხოლო მას აქეთ ხუთი ან ექვსი წელი იქნება, რაც უკანხადუელების სიტყვით ავიყარე და გადავსახლდი ჩემსავე უწინდელს სოფელს ნეთხაშია.

რაიჲ ვაჩვენე, სიმართლით არის: აშუყო გაზაშვილი.

ესევე უკანჰადუელები ამბობდეს, რო ჩვენავ ნეთხელებიჲ გვედგავ ტანიესაჲ, ხამხლებიცაჲ. ისენი ასახელებდეს აი ამ კაცებს: სოფელ ნეთხას მცხოვრებლებს: აშუყო ღაზიშვილი, ალიმირზა ბექობოლოთაშვილი, მადი დაქიროვი, ასლიგა მათიევი, ფედა ნალბაბაშვილი დაქიროვი, ფარეშა ზაუროვი, დოლა გოშტიკაური. ხამხის სოფლებები: ორასხა უშაროვი და ასლამა თოთიევი. ერთ-ერთ საჩივარში ასეთნაირ ხერხს ხმარობდეს ჰადუვლებ, რო ამთვენ დიღღველებ დაიმოწმეს. ამ საჩივარში თითქმის ჰადუვლებ გამარჯვებულებ დარჩეს, მემრ წავიდ გაჯავრებული გაგა ქალაქში საჩივრად-დ ორი სხო კაც გაიყოლ. მთელს ერთს თვეს დარჩ ქალაქში საჩივარშია-დ მაიტან ბძანება, რო ტანიე არხოტიონთ უნდა დაშჩომიყვ. მაგრემ არხოტიონთ სანების ჯვარის შიშით აღარ დაიჭირეს, რაკი ჰადუვლებმ ტანიის ნახევარ ნაწილი სანების ჯვარს შასწირეს იმის შიშით, რო არხოტიონნი წავგართმენავ. მემრ ნახევარ დაიჭირეს არხოტიენებმა-დ ჰადუვლთ ნაწილსაც კი თაოდ იჭერდეს. ჰელს ხერიდეს, ხოლოთ სანების ჯვარს აძლევდეს ადგილის ქირას.

ერთხან აღარ მისცეს არხოტიენებმ ქირაი-დ ჰადუვლთ თივებს შაუყარეს ცეცხლი-დ დაწვეს. ამაზე გაუჰდ ჰადუვლთა-დ არხოტიონთ შუღლი-დ ჭრა-

ჭრილობა. ბოლოს იქავ შადრიგდესა-დ დაამშვიდეს საქმე, ხოლოთ ადგილის ქირაკი სრუ მიხქონდ სანების ჯვარში.

ამის გარდა ღილღვლები კიდევ დავობდეს: არხოტავ ჩვენები მამპაპები მდგარანაო-დ ეს ადგილი ჩვენ გვეკუთვნისავ. წინწინავ დალას ვიღებდითავ ადგილისასაო-დ მემრავ მაგვისპესავ დალის ძლევავივ. ამაზე ღილღველთ ძალიც გაბედესა-დ თხოულობდეს დალას. მაგრემ გაგაის მეთაურობით არხოტივნებმ ღილღვლებს პირიქით მასთხოეს ზოგიერთ სოფლებს მამულების ქირაი, ე. ი. ნადალური. ჩვენავ წინავავ ღილღოს ვმდგაროროთავ, უთხრეს, ამდასაო-დ მადალ-ბიფიელშიავ (ამდა ქისტის სოფელსაც ჰქვიან ერთ-ერთს და არხოტშიც არის სოფელი ამდა). თამარ-მეფისობასავ ჩვენ მამ-პაპან გაქრისტიანებულანავ იქავ, იჩივლეს არხოტივნებმ. ამაზე აითვალწუნესავ მაჰმადიან ქისტებმავ ისენიო-დ თამარ-მეფის სიკვდილიდგეს ვეღარ დამდგარანავ იქაო-დ წამასულანავ, შამაერთებიონავ სხო არხოტივნებსავ. ის ადგილებივ ეგრ დამრჩადაო-დ ღილღვლებ დასახლებულანავ. მემრავ ჩვენავ იმ ადგილის დალასაც ვიღებდითავ. ამავე დროს ერთი ძუნძული (სახელია კაცისა) ცხოვრობდ ახიელ, ღილღველნ რო ამას დაობდეს, რო არხოტის ადგილებივ ჩვენ გვეკუთვნისავ. ეს ძუნძული ამაზე ძალიან ბრაზობდ. წავიდა-დ სოფელ ბაასერელთ წისქვილებ დაამტვრივ, თქვენავ არხვატს კი არაო-დ ამ ადგილებსაც წავართომთავ, ეს წისქვილებივ ჩვენს წყალზე გიბრუნავსთავ, ეს წყალივ ჩვენს მთას გამაზდისავ.

ამგვარად ადგილებზედა-დ სამძღვრებზე დიდ დავიდარაბა იყვა-დ ბოლოს შინაურ შარიგება მააკდინეს ღილღველ-არხოტიონთ. წინდიც მისცეს ერთუცსა-დ კარგა ხანს დამშვიდებულად იცხოვრეს. წინდად ღილღოს მიცემულ იყვ ცამეტ-ოთხმეტის წლის ყმაწვილი ოდინათ გარსია. ერთი იმისავ სწორი ღილღველი იყვ არხოტ წინდად მასული. წინდას იქაცა-დ არხოტაც ძალიან კარგად უვლიდეს, ერთ-ერთ ოჯახს მიაბარებდესა-დ სასმელ-საჭმელს ხალხ უზიდევდ. ოდინათ გარსია იქ დიდხანს იყვა-დ, ღილღურს წმიდად ამბობდ, როგორც ღილღველი. ბოლოს მამამ წამაიყვან, როსაც დაცოლშვილების დროს მავიდ.

ზავი კი ქნეს ღილღველ-არხოტიონთ, მაგრემ ადგილებსა-დ დალას კი მაინც იქავ სთხოვდეს ერთუცს. ზავმა-დ წინდის მიცემამ ერთუცისად იქამდინ მიიყვან მშვიდობიანობა, რო ერთუცს აღარ ვოცდეს, ხოლოთ ადგილებზე საუბარი კიდევ გქედდებოდ.

ბარკანხიევის გვარის ხალხმ, ხამხის საზოგადოებისამ, მადალეს კიდევ ორი უფროს კაცი-დ მათხოეს არხოტის ორ სოფელი-დ იმათ მთა-ბარი. ეს კაცები იყვნეს: ბახმათ ბათაევი-დ ახსაკ პარაგულოვი. ამ ორთ თქვეს: არხოტის ორის სოფლის მიწაწყალივ უპატრონოდ ყოფილასავ, ჩვენ პაპა ხაშილვა ბარკანხიევი თავგზიან კაცი ყოფილასა-დ წასულ საქართველოს კემწიფესთან ერეკლესთანა-დ

უთხოვავ: ეს ორ უპატრონო ადგილ გვიბოძე, რო დაესახლდათავ. ერეკლეს ეს ორი სასოფლო ალაგი-დ იმის მთა-ბარი ჭიმდაი-დ კალოთანა უბოძებავ ხაშილ-გაისადა-დ სიგელიც მიუცავ. მემრ ჩვენ მამ-პაპათ იქ უცხოვრებავ. რაკი ძალიან მთა ალაგი იყვ, არ მასწონებივ ეს ალაგი-დ გადმასახლებულან იქავ დილდოს. მემრ მასველიონ პირიქითელ ჭვესურები ჩვენებს სათხოვრად, რო ამ თქვენებს ალაგებშიავ ჩვენ დაგვაყენენითავ. სოფელ კალოთანას დადგომა უთხოვავ ზეისტეხოელ ჭვესურსა-დ ბლოელ ჭვესურს ჭიმდას დადგომა უთხოვავ. ჩვენ მამ-პაპათ უთქომ, რო ჩვენ მაინც იქ არ ვცხოვრობთაო-დ მივაქირავათავ ამ ჭვესურებსავ ეს ალაგივ. მაუთხოვავ ჩვენებს კვამლზე თითო ცხვარი, ვინც აქ დასახლდებისავ, კვამლზე თითო ცხვარ გვაძლიოსავ. დასთანხმდებიონ ეს ჭვესურებიცა-დ უძლევა ვე ნელობამდინ კვამლზე თითო ცხვარი. ერთხან არ გადაგვიცადესა-დ მაემზად ჩვენ ხალხი ძალით წამასაღებლად, გაიგეს კალოთანელთა-დ ერთ საკლავიც მაგვევარეს – გვაპატივეთავ, რო გადავდა დაგიგვიანეთაო-დ გადასაკდელიც მალე გადაგვიცადეს. ამის გარდა, ამ ხარჯის ამკრეფს აძლევედეს კიდევ თითო ჯამს ერბოსა-დ თითოს სატანს ფევის ქირას. ვისაც ცხვარ არ ხყვანდ, სამ აბაზ თეთრს (ფულს) გვაძლევედეს. ან ათ იდაყეს (წყრთა) ჭრელს გრეხილს. ამ ადგილის სიგელები მაშინ დაგვეწვ, რო წინწინ რუსობა შამავიდ. მაშინ წინ-წინ რო ისეებ ჩვენს სოფელში შამავიდეს, ერთი პრიშტავი-დ ერთი მდელი დაცოცნეს ჩვენებმ. ამაზე შამასულ რუსის ჯარი-დ ჩვენებ სახლები საცხოვრებლით სრუ გადაუწოვ. აი ის სიგელებიც მაშინ დაწულ, რომნებიც ერეკლესგან ხქონივ ნაბოძები. მაგრემ ბეგარს სიგელების დაწვიდგესაც სრუ გვაძლევედეს.

ესეთის მაგალითების მაყვანით თხოულობდეს დილდველნი კიდევ ამ არხოტის ადგილებს, მაგრემ ჭიმლივნი პირიქით შავანის კორცსა-დ შიბუს ედავებოდეს, ევ ადგილივ ჩვენ გეჭერიაო-დ ჩვენ გვეკუთვნისავ. თქვენებისგანავ დალასაც ვლებულობდითაო-დ რაკი ბევრნი ხართავ, ეხლადავ ძალით იჭერთავ ჩვენს ადგილსავ. ესეთ საუბარ სრუ გაუთავებლად ხქონდ დილდველ-არხოტივნივ. როსაც ზავ აიშლებოდ, ხო ნიადეგა-დ, ზავზე როსაც იყვნეს, მაშინაც კიდევ არ ისვენებდეს.

მარტო დილდველებ კი არ ედავებოდეს არხოტიონთ ადგილებს, ბოლოს არხოტივნივმ თაოდაც დაიწყეს ერთმანეცში ბძოლა ადგილებზე. ამლიონ-ახიელელნი როსაც არხოტის ჭალაზედა-დ ტანიეზე დავობდეს, მაშინ ჭიმლივნი მონაწილეობას არ დებულობდეს. მაგრემ, როსაც დაიჭირეს ეს ადგილები, მაშინ ჭიმლივნივმაც დაიწყეს აქ სიარული. შეშის, აოჯისგნის მზადება. ამლიონ-ახიელელნი კი უშლიდესა-დ ეუბნებოდეს: როსაც ჩვენ ვიბძოლითავ ამ ადგილის გულისადავ, თქვენ მაშინ გასვენებით ისხეითავ, ფეკდაწვიდინივ. ეხლად მზა ადგილ მაინდომეთავ მუქთადავ. ჩვენ სისხლითა ვმლით დავიჭირეთავ ადგილივ, ეხლად ნულარ დახდითავ.

ამაზე შუღლი-დ ჭრა-ჭრილობაიც ბევრჯელ იყვ. ბევრჯელ აკიდებულს ჯორებსაც მაუჭადეს შეშაიდ ცალეებ გამაუშენეს ჭიმლივნები. ამლაიდ ახიელა ორიე სოფელ ისითს ალაგში ას რო ჭალაისკე მიმდინართ ჭიმლიონთ ამ სოფლებზე უნდ გავლა. ამლიონ-ახიელელნიც იმით ეთამამებოდეს, რო ამ სოფლებს ქვე არაად ხქონდ სადენი ჭიმლისკე. ბოლოს რო მაინც არ აძლევდეს ჭალას სიარულის ნებასავ, მაშინ ჭიმლიონთ თითოობით თხოვა დაიწყეს: წელსავ მე მამეცითავ ნებაივ, რო ვზიდნავ ჭალაითავ ზეკმელ შეშაივ. ამის გულისად საკლავიც მიღგვარიანად შაეხვეწნიან არხოტის ჯვარში. ამ ხალხმაც ნება მისცნისად სარგებლობდიან ერთს წელს. ზოგ თავხედ კაცი ერთი წლიდგესაც არ ანებებდად ამაზე შუღლ მადიოდ. ჩირახის ნებას კი აძლევდეს, რასაც კაცი ჭიმლაით ზურგიოთ მაიტანდ. ამ ჭალას სიარულზე ბევრჯელ ლექსსაც ეუბნებოდეს ჭიმლივნებს.

1.

*დაიცადეთ გუგუანო, დამაცალეთ, აცალეთა,
ჭალას აღარ ჩამოვიშობთ, არ მაგაჭრევთ სატარესა.
შეშას არ მაგატანებთ, მუში ჩემ[.] ეს ახყარეთა.*

2.

*რა კაი ზამთარ დაგვიდგა, ხალხი სრუ ჭალას დისაო,
ზოგებ დახკა ზმავს ცხენებსა, ზოგ ხალხ ქვეითად ზისაო.
ზოგებ დაზდგემდა ყონდებსა, ზოგებ ცეცხლს შაუყრისაო.
ზოგებ კი იქავ აქრობენ, ნეტარ ვინარა ეჯისაო.
უთურგათ დავითს გაექრა, მა ნიკაპაის შვილსაო.
უთხარით ერავენელებსა, ვ ზა ხკვეთან ჭალაისაო.
კლდის ძირში შატოლებულნო, შუქ გენატრებისო მზისაო.
რად შჩივით ოზიოსთანა, ვ ზა გვინდა ჭალაისაო.
შელმათ აღუას ეჩივლა, მა ორტვინაის შვილსაო.
რა გვულავთ, დედას ვიტირებთ, გამავლა ვინდათ ვ ზისაო,
ჯორებს მაგიკდით შეშასა, პატრონს გაგიგებთ ძირსაო.
ქოჭნიდ დაზდგენით ბურდასა, მაგ მინდიაის შვილსაო;
შიშველზე არცად მივიდას, სქლად დააკეცეთ ძირსაო.
ბეთან დაზიდნეთ საფქავი, ძალი ავსენეთ ხთისაო.
მელექსეს თუ რას იკითხავთ, ნაკშირაულის შვილსაო,
კისერ არავინ მასტეხას, არ ჩამახართ ძირსაო.*

ამ ლექსებზე შუღლი-დ ჭრა-ჭრილობაც მახვდ, მაგრემ ჭიმლივნები ჭალას მაინც არ გაუშვეს. ჭიმლივნებს საცნაე-სათიბი ბევრი ექირ თავის სოფლის მარჯვეს, ხოლოთ ტყე არ ხქონდად შეშის ზიდვაი შჭირდებოდ ამლიონ-ახიელელთ აღგილშიითად

ეს აწუხებდ. სათიბ მთებ ხქონდ ბევრი. ჭიშველი ხქვიან, დიდ ადგილი ტაფად რო მთელს სოფელს ხკმარობდეს, ესეთი ჭიშველი ხქონდა-დ ნახევარსაც ვერ თიბდეს. იმათ მემიჯნედ იყენეს ახიელელნი-დ სრუ არ ხქონდ სათიბ მთაი. ახიელ სხო გვარებ უკაცურად იყენესა-დ ცისკარაულების გვარ იყვ კაცრიელ გვარი. ცისკარაულებ გადაეკიდნეს ჭიმლიონთ იმ ჭიშველზე, რომენიც ახიელისკე ახლოს იყვ: ეგ ჭიშველიც ჩვენიავ, თქვენავ ძალით გიჭერავთავ. ბოლოს ფიცზე მიდგ საქმეი, ცისკარაულებ დაემზადეს, რო არხოტის ჯვარში დავიფიცავთავ, რო ეგ მთა ჩვენ ყოფილავ, მაგრემ ჭიმლივნებს ჯვარი ძალიან აშინებდა-დ აღარ დააფიცეს. ჯვარივ დამფიცავსაო-დ დამფიცვიებსავ ორსავ ერთფერა-დ უწყრებისაო-დ, თუ კი ჯვარ გაგვიწყრებისავ, რადად გვინდავ ადგილივ. ადგესა-დ დაანებეს ჭიშველი, ბოლოს ახიელ ცისკარაულების გვარს იმთვენ სათიბი ხქონდ, რო ვერ თიბდეს ვერც ნახევარს, სხვა გვარის ხალხ იმათგან ქირაობდ სათიბეს.

ახლა საცნავს მიწაზე გაუკდ სასაუბროდ ახიელელთა-დ ჭიმლივნებს, იმათ ახიელისკე შორით ეჭირ ჭიშველის გორზეით, დიდის ბძლით ეს ადგილიც დაიჭირეს ახიელლებმ ნამერცხალაებამდინ. ხოლოთ ძალიან ტაროცს (ტაროცი: თვალთვალი) კი ედგეს ერთუცის ცხვარ-საქონსა-დ არ უტევდეს თავ-თავის ადგილში.

ამლიონ-ახიელელთაც ხქონდ ბძოლა ადგილზე. ამლიონნი ახიელამდინ გადმადიოდეს ჭალაზე. ეს ჭალა ჩვენიავ. თათხელის გორსაც კორომათანამდინ თავისობდეს. სოფლის პირდაპირ მზის ამასაჯედისკე საბათაურომდინ გადმადიოდეს, ორჯელ-სამჯერ სოფელიც დაემზად ერთუცში მისასვლელადა-დ საშუღლარად, მაგრემ უფროსების კაცების ჩარევით იქავ დამშვიდდეს, ხან ერთუცს საქონს კუდებს უჭრიდეს ადგილში გადასულს, ხან საქონ გამაღალიანა-დ მაემზადის მეორე სოფელი თავს დასაცემლად, მაგრემ უფროსებმ კაცებმ არ გაუშვიანა-დ შარიგება მააჯდინიან იქავ. ბოლოს არხოტის ჯვარის ხუცესმ შამაუარ დროშიათა-დ იმან დააწეს სამძღვრები-დ ჯვარის ხათრით აღარ გადადიოდეს ერთსხვის მიჯნაზე.

ტანიე ორად ხქონდ გაყოფილი ამლიონ ახიელელთ. ცალკე ამლივნების სათიბებ იყვა-დ ცალკე ახიელლებისა. ერთსხვას თუ თხოვით გაათიბიებდეს, თორე ისრ არ გადადიოდეს ერთსხვის ადგილში.

თათხელიონი

ჩამაწერინა ბეწიკა გიორგასძე წიკლაურმა, 69 წლისამ, ს. ამაში, 1941 წ.

თათხელიონი ერთ სოფელ იყვ ამდისა-დ ახიელის შუაში, სხოდ არვის ავსონს ეს ხალხი ვინ იყვ, ხოლოთ აქ საფლავებ მაიკველ ჳვნაშია-დ ამეებს ეტყობოდ, რო ქრისტიანულად პირწადმ იყვ ნამარხი. თათხელიონთ ადგილი ცალკე ეჭირა-დ იმათ შიშით იმათ ადგილში მგზავრიც ვერ დადიოდ. ამლიონ-ჭიმლიონთა-დ ახიელელთ თათხელიონთ სოფლის ბოლოზე ერთუცში სადენი-დ იმათ შიშით გაწირეს ეს გზაი. ჳალაზე სიარულის კვალად, ჩდილზედა-დ ოღრო-ჩოღრო საგალზე გაიდეს გზაი-დ იმაზე დიოდ ხალხი. ეხლადაც კარგად ეტყობის ის ნაგზევი, რომენზედაც თათხელიონთ შიშით დადიოდეს. საქონს ხო არც ახიელელთას შეეძლიყვ იმათ ადგილში ფეკის გადადგმაი-დ, არც ამლიონთას. თუ მაასწრობდეს წაიყვანდეს შინა-დ აღარც დაუბრუნებდეს პატრონს. ან ვინ მივიდოდა იმათთან შიშით.

ამლიონ უფრო ახლოს ცხოვრობდეს იმათანა-დ ბოლოს ამლიონებს ისრ გაუჭირეს საქმე, რო გადასწვიტეს დაცემაი-დ ან თავის თავის გაწყვტა ან იმათაი. ერთი ხუთი-ექვსი დღის ყანა იყვ ამლას ხთისად გაწირული ყველას მამულებზედ კას ალაგში. ამას საერთოდ ჳნევედესა-დ სახმთოს მუშაობდეს სოფლის სამწყალობნელოდ. სოფელმ რო თათხელიონთ დალევა გადასწვიტ, მაშინ თქვეს: ვინაც თათხელიონ სისკარას მახკლავსავ, ეეს „უფალთ ყანანი“-ვ იმას ხქონდანავ. თათხელიონ სისკარა ყველაზე მეტად ამაყ კაც იყვა-დ ის აშინებდ ხალხს, რო ჳმლით შუდლშიავ იმას ვერას დავაკლებთავ. ამლიონთ ნაუბარი ხქონდ ერთუცში თათხელიონთ დალევაი-დ ჳერ წაულალეს კაცი: დავგანებეთავ თავივ, ნუ გვაწუხებთავ, თორე სრუ ვერ მაგითმენტავ. ეს კაცი ხნიერ იყვ, რომენიც წაულალესა-დ ამლიონთ ეგონ თათხელიონნივ უფროსობის ხათრს შაუნახვენაო-დ არას ეტყვიანავ, არას აწყენენავ ამასავ. მაგრემ თათხელიონთ ამ ბერიკაცის ნაუბარ არც სრუ იყურეს, დაიჭირეს ეს ბერიკაცი, შარვალ წახყარესა-დ ჳარის გალო შაუდვეს ტანში (გალო: მხრის ან ფეხის ძვალი). ჳელები ჳურგში დაუკონეს მაგრად, რო გალო ვერ მაეშორა-დ აისითა მისულიყვ ამლას. მართლადაც ეს კაც ჳელდაკონვილ წაუიდა-დ რაჳელიც თათხელიონთ გაუშვეს, აისითა მივიდ ამლას სოფელში. ამ ბერ კაცს გალო მააშორეს, ტანთ ჩააცვესა-დ, მეემზადნეს ამლიონნიც თათხელიონთან დასაცემლად. დიაცებმაც უთხრეს, რო ეხლა კი თუ ეგენ არ გასწვიტენითავ, ჩვენ ვეღარ ვიტყვით, რო ქუდიანებ ქმრები გყვოვავ.

შაიარადდეს ამლიონნი-დ წამავიდეს. ერთ ამლიონ ძალიან მაგარ ახალგაზდა იყვ. უთურგიათაი-დ კარგად შაიარადებულიც იყვ. როგორც ამბობენ, ისი თათრების ჩამომავლობაშიით უნდა ყოფილიყვ. თათრებ რო მდგარან წინავ, მემრ წასულანა-დ

იმათ კაც დამრჩალ ერთი, იმაზე გაშენებულან უთურგიანი, როგორც თაოდ ამბობენ ჭოლიკაურნიც.

თათხელიონთ სოფელს რო მიუახლოვდეს, ჩვეულებრივად იძახეს: თათხელიონნო, კარშია გამეედით, შინ ხართა (თათხელიონნი ასეთს ძახებას ყველას ავალებდეს, ვინაც იმათ სოფლის ახლოს გაივლიდ. თუ იძახებდ, გამავიდოდეს კია-დ რაკი არ გაიპარ, შაიდლების მშვიდობით გაეშვ, თუ არ იძახებდ გამვლელ კაცი-დ გაპარვით გაივლიდ, ვაი იმის დდეს, თუ ღნახევდეს, გაუდგებოდეს, მიეწოდესა-დ სასიკვდილოდ დაშჭრიდეს). თათხელიონთ რო ძახილ გაიგონეს, ჯერ სისკარა გამავიდ. იმას ეგონ ჩვეულებრივი მგზავრი-დ მაინც გასაგოდ გამავიდ, ვინ ასავ. სისკარა რო გამავიდ, გადახტ ეს უთურგიათაიცა-დ სცა კმლით თავში. სისკარა ბრიყვად იყვა-დ ჩაჩქან არ ესურ. უთურგიათამ კმალ ისრ მაგრად დახკრ, რო თავ ორად გაუხეთქ. დაეცნეს სხვებსაც ამლიონნი-დ დაჯოცეს ყმაწვილებიანად. სისკარაის ცოლ კი არ მაკლესა-დ ამდას რო თათრებ იყვნეს, ერთ-ერთმ იმან წაიყვან, რაკი ლამაზ იყვა-დ ვერ გაიმეტეს მასაკლავად. გაწვიტეს თათხელიონნი-დ თაოდავ დადმარხნეს. ქონებაიც წამაიდეს იმათაიდ გაიყვეს ამლიონთა-დ მამულიც სოფელზე გაყვეს. „უფალთ ყანან“ კი უთურგიათას მისცეს სისკარაის მაკვლაზე. ეხლადაც იქავ არიან ის ყანანი. უთურგიათა კი აღარვინ ასა-დ სხვებმ იყიდეს იმათ მამული, ჯღუნათ მიხეელას უჭერავ ეხლად. ნასახლარებ კი იქავ ას იმათები თათხელის ბოლოს. სასაფლაოიც ცალკე ხქონივ იმათ თავის სოფლის ბოლოში. სხვათ არხოტიონთ ახიელ ხქონდ სასაფლაო ყველას ერთად. კალოთანელთ კი გამაუყვავ ბოლოს ცალკე იმით, რო მკვდარ წამაუდავ ზამთრის ახიელისკე, დასცემივ ზვავი-დ ეს მკვდრის წამამღები ხალხ სრუ დაუხოცავ. მემრ სანების ჯვარის დროშაით შამაუვლა-დ დაუწესებავ ერთს ალაგში თავის სასაფლაო. თათხელიონთ კი ცალკე რაად ხქონდ სასაფლაო, ის არავინ იცის. ან რაად იყვნეს ისითნ ამაყნ, რო თავის სოფლის მიდამოს არვის გაუშობდეს თუ არ იძახებდეს: „თათხელიონნო, კარშია გამეედითავ“. ეს ძახება ხალხში ისრ ას იქავ დამრჩალ, რო იმათ ნასოფლარსთან რო გაივლის დიაც-ყმაწვილი, იქავ იძახებენ იმავე სიტყვებს, რასაც იმათობას ეძახდეს. თუ ეს არ უძახეთავ, იციან ყმაწვილებმ: თათხელიონნ გამავეტანებიანა-დ დავიკვლეთებითავ. კაცებსავ წინავ კი დაშჩომივ ეს ძახილი ჩვეულებად-დ, ეხლა კი დიაც-ყმაწვილების მეტი ამას აღარვინ იძახებს. იმათ ტყეიც მარჯვეს ხქონდ თათხელის ჩდილში, სათიბიც იქავ ხქონდ. საკნავი: სამთოდ თათხელის მზისპირზე ხქონდა-დ საბარო საკნავ თავის სოფლის ბოლოზე ხქონდ, სასაძოვრე თათხელის გორზე ისრ მაწყობილსა-დ ცალკე გამაჭრილს ალაგში ისხდეს, რო სხვათ არხოტიონთან საერთო არცრა არ ხქონდა-დ არცრაად მივიდოდეს იმათან. როგორც გადმაცემით იციან, მდიდრებიც ყოფილან.

*ის არ ეგონა სისკარას, თუ მტერი მადრეოდა,
თავის თათხელი, მზისპირი შიგშიგ აერეოდა,
წინითი ნადგომ სუფრაი თუ სისხლში გაერეოდა,
ამაგის სამკლავ-საფუჯარს პატრონ თუ დაშჭირდებოდა.
ფლახ-ფარდავს ჭერში ნაქონსა ქანდარა გაუტყდებოდა,
სისკარას ცოლი, ღამაზი, სათათრედ გაუჭდებოდა.*

ამდას მაშინ, ძველად, ორ გვარის ხალხ ყოფილ ძრეელი (ძრეელი: ბევრი, მძლავრი გვარი): უთურგიანი-დ ახალანი. სხვის გვარის ხალხი ცოტა ყოფილ. ამ ორს გვარს არაად ვინ უგდავ, რაიც სწადინებოვ ის უკეთებავ. სადაც მამულ მასწონებოვ, იქ მამულ დაუჭერავ. უფრო ახალან ყოფილან ამაყნი, უთურგიან ისრ ძალიან ამაყნ არ ყოფილან. ამავე დროს იყვ ბერდიშვილთ გვარისა ერთ ყმაწვილი-დ დედა ხყონივ. ისენ რაკი უკაცურნ ყოფილან, მამულ ბევრ ხქონივ მამ-პაპათა დამრჩალი. ერთხან ამ ბერდიშვილთ ყმაწვილსა-დ იმის დედას სასუქ უთრევავე თავის მამულზე. ეს ყმაწვილ იმთვენ ყოფილ, რო ჯინის გადაქცევაკ კი შახძლებოვ სასუქით სავსისა თავის მამულში. დედა აუესებდ ამ ჯინს, ეს ყმაწვილი გაღლაღევდ ჰართა-დ გაიტანდ მამულში, იქ გადააქცევდ ჯინს, მემრ იქავ მასხემდ ჰართ, ეესრ ეშველებოდ დედას.

ამ დროს ერთ ახალათ გვარის კაცი-ი ჰნევედ ყანას ადგილობრივ „საეშმაგრუის ჩდილში“. ნახ რო ეს ყმაწვილ ათრევეს სასუქსა-დ ერთს ალაგში ამ ახალათ კაცის მამულზედ ას ჰარებოვს გამასავალი. როსაც ამ ყმაწვილმ ჰარებ მასხს ამ ახალათ მამულში, მივიდ ეს კაცი, ჯინი თავის მამულში წააქცივა-დ დაცალ, ცალენ ჰარნ მიაბრუნნა-დ გააღალვივენ ყმაწვილს. ეს ყმაწვილი ტირილით მივიდ დედასთან. დედამ უთხრ: აბა, რა უყოთავ, შვილო, ჩვენ ვინ კაცი-პატრონი გეყოვავ. ნიადგვ იმას გვიხმენავ, რაიც ვის სწადისავ. ნუ რა უთხრიდივ, თორე არამც მაგკლანაო-დ დავიდუპებოვ. სამი-ოთხჯერამც წააქციოსავ ევ ჯინიო-დ მემრ შახცხევენდებისავ, თავს დაგანებებსავ; ან ეტყვისავ ვინავ, რო ცოდოი ასავ, ნუ აწუხებავ დიაც-ყმაწვილსავ. მეორედ გაღალ ჰარებო ამ ყმაწვილმა-დ ეს ახალათ კაცი იქავ გამაუვიდ გზაშია-დ გადაცალ ჯინი თავის მამულში. მასამედაც რო ესრავ გააკეთა-დ ამ ყმაწვილმ შალანძლ ტირილით, შენ როგორ თუ მღანძღავავ, ამ კაცმ დაიჭირ ეს ყმაწვილი, წაიყვანა-დ სადაც ჰნევედ, თავის ნაჰნავში კვალში ჩადვად ჩაღმარხ ცოცხალი.

ამ დროს ერთი უთურგიათ გვარის კაცი აქავ ახლოს ტყეში შეშას შჭრიდ. ეს კაცი ტყეშით ყველას ხედევდ, იმ ჯინის თავის მამულში წაქცევასაცა-დ ეხლადაც ნახ, რო ყმაწვილი ცოცხალ დაღმარხ. ეხლა კი ველარ მათმინ, შალბრალდ ეს ყმაწვილი-დ გამაიქც. მავიდა-დ უთხრ ახალათას: შენ რას შჩადივ, დღესავ ჯერ სასუქ აღარ დაანებევ თავის მამულში გასატანადაო-დ ეხლადავ ცოცხალ

დადმარხვე, ახლოს არ მახვიდავ, თორე ერთუცს დაეკოცთავ მე და შენავ. მივიდ ეს კაცი-დ იქავ ცოცხალ ამათხარ ეს ყმაწვილი-დ გამაუშე შინისკე. ახალათაიცი მაერიდ ერთუცის დაკოცასა-დ აღარა უთხრ უთურგიათას. ის იქავ ტყეში წავიდ სამუშაოდ.

ორბელნი

მიამხო და ჩამაწერინა ბეწიკა გიორგასძე წიკლაურმა, 69 წლისამ, 1941 წ.

არხოტისა-დ კალოთანის წყალ რო იყრებიან, ამას ხქვიან „ორწყალთანა“. ორწყალთანის პირდაპირ მაღლა კლდეში, მზის ამასაკედისკე მჭარეს იქავ ას ნასახლარები. ამ ალაგს სიმირგვლივ ისითნი კლდენი ხვევიან, რო ყორან ვერ დაეკარების, ხოლოთ ერთ გზაი ას მისავალი. იტყვის კაც, რო ეს კლდენიცაო-დ ეს გზაიცავ კელთ რასამ გაუკეთებავავ სიმაგრის გულისადავ. აქ მტრიანობაში დასახლებულ ხალხი-დ შასავალს კართან ყარაულ ზდგომივ. სხვაკნით არცაით არ იყვ კაცის მისავალი-დ არც შიშ უნდოდ. დიდიდ ნასახლარ კი არას, ცოცოტა ნასახლარი, ხოლოთ მსხვილისა-დ მაგრის ქვისგან გაკეთებული. აქ რაიც გზა მიდის, ცხვარ კი თავისუფლად დადის აქა-დ ზგელფეკ საქონ ალბათ არც ხყვანდ. იმ კლდეში ეხლადაც იციან: სოფლის ცხვარს გაუშობენ, გამასავალს გზაში წყემსებ დასხდების, ცხვარ მთელს დღეს ძოვს, წასავალ ქვე არცად აქვა-დ წუხრ იქავ იქ მაუვა, წამაასხმენ შინ ცხვარს. ორბელნი თაოდაც ამაყნ ხალხნი ყოფილანა-დ მტერიც ბევრი ხყონივ. ბოლოს მტერს რო შაუწუხებიან, ამდგარანა-დ წასულან იმერეთშია-დ იქ დასახლებულან. ეეხლადაც იმ ალაგს ორბელთა-ი ხქვიან, იმათ ნასახლერებს ორბელთ ნასახლარები. იმათ სახელიანობასა-დ კაობას ჯერაც იქავ ამბობს ხალხი-დ იმათ წასვლიდგეს ერთ სიმღერეიც ას იმათად ნათქვამი-დ ამას არხოტივნები ეეხლადაც უმღერენ ერთუცს:

*ადგეს, წავიდეს ორბელნი, იმერეთ წყალსა გაკდესა,
იმას კი ვერავინ იტყვის: ვერ იყვნეს, იმით წაჰკდესა.*

თათრების დასახლება ახიელში

ჩამაწერინა გიორგი ჯაბუშანურმა, 52 წლისამ, სოფ. ახიელში 1935 წელს

წინანდლების საუბრით ვიცით, რო ახიელ წინწინ თათრები მდგარან. საით მასულანა-დ აქ რაად დასახლებულან, ის არვინ იცის, ხოლოთ ის კი ნამდვილად იციან, რო აქ წინწინ თათრები მდგარა-დ ისენ რო წასულან, ორ კაც დამრჩალ იმათაი, ერთს ქვივნებულა აღია, მეორეს ბაჯა. ეხლა იმათ ჩამომავლობას იქავ იმათ სახელს ეუბნებიან „აღიანი“, „ბაჯანი“. თათრებ აქით იმით აყრილან, რო ზამთრის სიდიდეს შაუშინებიან. მაშინ ახიელის პირდაპირ დიდ ტყე ყოფილა-დ, ირმებ სცოდნივ ამ ტყეში. ეხლადაც ამ ადგილს საირმეი ხქვიან. გაზაფხულ ზედველაის რუვისას ეხლადაც დიდმ ზვავმ იცის მასვლა, რო ხანდიხან მამულებს დაიჭერსად მასაჰნავ დარჩების, რაკი თოვლი შუას ზაფხულამდინ არ გადნების. მაშინაც, როსაც აქ თათრები იდგეს, ერთს ზაფხულ დიდ ზვავ მასულა-დ ირმის ჳბო მაუტანავ მკვდარი. უნახავ თათრებს ირმის ჳბოი-დ ერთუცისად უთქომ: გაზაფხულ მასულა-დ ჩვენ ვერ გავგიგავავ; ასერაი, ირემს ჳბო ხყონივავ. ხაფხულ მასულასა-დ აყრილანა-დ წამასულან, ხოლოთ ერთ კოჭლა ყოფილა-დ არ იციან, რაადად დარჩ.

აღიაი-დ ბაჯა კი დამრჩალან აქ. ამათ ნასახლარები-დ ნადგომი ბევრკან ას ახიელის მიდამოებში. ეხლადაც იმათ ჩამომავლობის ხალხი ჳელს ზდებს ამ ადგილებსა-დ ვის აძლევენ მაჳვნა-მათიბის ნებას. იმათ ნასახლკრალეები საკაკიბიის გორის ბოლოს ჳოვლ-კარაც ეტყობის, რუჩუასაც, ციხეებთაცა-დ ახიელაც ხო ეხლაც ცხოვრობენ სოფელში. როგორც ეტყობის, ციხეებთ უფრო დიდხანს ნაცხოვრისი იმათგან. იქ ნასახლარებიც იქავ ეტყობის, ჳელ-საფქავაებიც იქავ ხყრავ იქ. ცოცოტა წისქვილ ხქონივა-დ ჳელით უბრუნებავ ერთუცხედ. აისრ უფქავა-დ ის უჭამავ. დაბლა წყალ კი ას საწისქვილო, მაგრემ ისენი მტრის შიშით ვერ ჩამდინარან წყალზე. ჳელსაფქავაები ჩვეულებრივს წისქვილს დგავ. ხოლოთ ზეთას წისქვილს ერთკან ნაპირისკეს აქვ ჩაჳვრეტილი, ჩხირის ჩასაჩრელი. იმაში ჩაუგდებდეს ჩხირსა-დ იმით შამააბრუნებდეს საზეოს წისქვილს საქვეოზედა-დ დააფქვევდეს. მაგრემ ძალიან ცოცოტეებ ქვებ იყვა-დ ცუდად ხორხნიდ. რო გაცრილიყვ კი საცერს არა გაუვიდოდა-დ აღბათ გაუცრელს აცხოვდეს, რო მაშინ არც პურ ხქონიყვ საკმაო, უფრო ბალახეულობა უჭამავ ზაფხულის ბევრი-დ ნადირის ჳორც ხქონივ გაუთაო. ციხეებთ, ნასახლარებში სხოდასხო ნივთეულობაიც იჳელების. ერთხან ოქროს ვერძიც მაჳელ თათიათ ბაბომ. საფლავებიც ხქონივას აქა-დ, სხოდასხოწანიარ სამკაულეებ ამაჩინდ. აქ ნასამჳედლოვრები ძალიან ბევრი, დამწვარ ქვაი-დ სამჳედლოს ხარჯიც ბევრი ხყრავ. აქ ერთს კაცს აღიათ უშიშას სამალავიც მეეჳელ. ქვაბ იყვავ ოქრო-ვერცხლით სავსეიო-დ შიგავ ყვითელ ჳბო იწვავ ოქროსფერივ. უშიშას უჳნავ

აქ ყანაი-დ საჯნისის წვერ გაედვავ რასამავ, დავაყენენივ ჯარნიი-დ ჩავხენევ. დიდივ სალუდე ქვაბ იდგავ. საჯნისის წვერივ იმის ყურშატში გაზდებიყვავ. ავხჯადევ სიპი-დ ჩავხენევ. სრუ ოქრო-ვერცხლით ამატენილ იყვავ ის ქვაბი-დ, ოქროსფერ ჯბო იყვავ ზედავ. ანაბრივ ეშმაკ იყვავ ჯბოს სახითავ. შავშინდი-დ გონ ამჯდვიყვავ. გონთ რო მავედვი, მიაც ქვენ ვიყავი-დ ჯარებიცავ. ავიარე-დ ბევრ დორდ მივაყარევ. უშიშამ არვის ასწავლ ეს ქვევრი, ან ქვაბი. თავის შვილს გიგოლს ასწავლა-დ ამადების ნება არც იმას მისც. ეშმაკი ხპატრონობსა-დ დაიქველთებივ. გიგოლმ იცოდა-დ არცვის იმან ასწავლ, რომენს ალაგში ას. აქავ რო თათრებ მასულანავ, ბევრ ოქრო-ვერცხლ ხქონივავ, რო აყრილანავ, მიწაში დაუმაღავავ, რო კლოვ წავიდებთა-დ, კლოვ აქ ვედარვინ მასულასა-დ დამრჩალავ იმათ სიმდიდრეივ. ციხეებთავ ბევრკან დგასავ ქოცოივ, იცოდიანად, ეშმაკი ხყავავ დაპატრონებულო-დ იმის შიშით ვერ ვინ თხრიდ. ეშმაკებივ ცუდს გვიზამსავ, თორე რო მაეძივ, კი მაიქველებოდ ქოცოი. თათრები ციხეებით ვერც წისქვილებისად ჩამადიოდეს ჭალაში, არც წყალი ხქონდ ახლოს, ამ ადგილშით კარგა შორს მაშორებით გამადიოდ ძალიან ცოტა წყარო. აქ საქონისად ლათბა ედგა-დ კაცისად ოჯახში საჭირო წყალიც იქით მახქონდ. ამ წყაროს ეხლადაც თათართ წყლიანი ხქვიან. საჯნავ-სათესი აქვ კია-დ ბევრ კი არაი აქვ ციხეებთ ახლომახლოს. მეორე ნაცხოვრისი ას იმათა რუჩუას. აქ ჯვარნიც ხქონიონ იმათ, ეხლადაც იქავ ას ნადარბასალი-დ თათართ ჯვარანი ხქვიან. ახიელთ ნახევარ ვერსზედ ას დაშორებული ეს თათართ ჯვარანი, სოფლის მზის ამასაჯედისკე მჯარეს. იქავ თათრებს რახან დღეობა-ი ხქონდისავ, ფანდურზე მღერაივ სოფელში მადიოდისავ – იცოდიან წინათ. ახიელაც მდგარან სოფელშია-დ იქაც ოქრო-ვერცხლ ჩაუდგამ ქვაბით მიწაში. იმათ ნადგომში გუგუათ ბაიჭაურს უთხრავ სახლის ლიბუი-დ იქ ამაშენივ ერთ სალუდე ქვაბი ოქროთა-დ ვერცხლით სავსეი. ამასაცავ ზედ ეწვავ ყვითელ ჯბოი-დ შამამაბობინნავ თვალნივ. ისივ ეშმაკ ანაბრივ იყვავ, გონ ამჯდა-დ გონთ რო მავედვი, მემრ მივაყარევ მიწაი-დ სახლის ლიბუივ წინ გარმავსვივ, იცოდის ბაიჭაურმ. ის ქოცო ჯერაც იქ ას დამრჩალი, ეშმაკების შიშით ვედარვის ამაუთხრავ. აი ეს თათრები ესეთ მდიდრებ ყოფილანა-დ საით მასულან კი არვინ იცის. ხოლოთ იმ ორს კაცზე გამრავლდეს: ბაჯანი-დ ალიანი. საერთო გვარ კი ჯაბუშანური აქვ თათრების ჩამამავალთ. სხვა არხოტონთ ყველას ერთად აქვ სასაფლაო ნაკურთხი თამარ მეფისგანა-დ, იმ დროს ისენ რაკი თათრებ ყოფილან, თამარ მეფეს ნება არ მიუცავ, რო იმათ მკვდარ ქრისტიანების მკვდრებსთან დაემარხ. იმათ ცალკე მაუზომ მიწაი-დ ეხლაც ჯაბუშანურთ სასაფლაო-ი ხქვიან. ხოლოთ რო გაქრისტიანებულან, მემრ ერთი კაცი არხოტის ჯვარს თავის ხუცესად აუყვანავა-დ მას აქეთ იმათ გვარის კაცი აუცილებლად ას არხოტის ჯვარის ხუცესი. ერთ კაცს, რო ან დაბერდებსა-დ ან მაკვდების, არხოტის ჯვარი მეორეს მამიზეზებსა-დ მიიყონს ხუცესად. იმათ

გვარშით იყვ ალიათ მგელა ხუცესი-დ ჳელზედ მაუდიოდ არხოტის ჳვარი-დ პირად ეუბნებოდ. ხალხსაც ძალიან სწამდა-დ წმიდა კაცად იყვ ჩათვლილი. სიცოცხლით ანდრეზად გაწირ მგელამ, რო აქ დამმარხიდითავ, რახან მაკედავ. სოფლის პირდაპირ ერთ ცოტა მიედანი ას, ფურთოკიანი ხქვიანა-დ იქ დაასახელ თავის საფლავი. რო მაკვდ, იქ დაასაფლავესა-დ იმის გვარი წელში ერთხან დღეობას ჩადის მგელა-ის საფლავზე. ერთს საკლავს კლავსა-დ ლუდ მიაქვ. ხალხსაც აწვევენა-დ ერთს დღეს დღეობობენ. იმის შვილ ახალაიც ხუცეს იყვ. ახალაის შვილი ქორია, ქორიის შვილ გიორგი, ეესრ გადადის ხუცესობა იმათ გვარში. ახიელელთად იციან ჳაბუშანურთ: ჩვენიავ ახიელაივ, თქვენავ ჩვენ ამანათად ხართავ მასულნივ დანარჩენ გვარებივ, წინწინ დამდგარნივ ჩვენ ორთაო-დ ადგილ-წყალიც სრუ ჩვენ ყოფილიყვავ მაშინავ. ჩვენგან მაცემული გაქვთავ, რაიც ადგილ-მამული გაქვთავ ეგიცავ.

დიდის ხნის დამდგარნი ახიელ ჳაბუშანურნ. მაგრემ იმათ გვარი არაადამ გამრავლებულ, ცოტანი არიან ძალიან. ხოლოთ ავ ხალხნი არიან, მტრისად მიმყოლნი-დ მაგარნი ხალხნი. სხვა გვარები გვიან მასულები ახიელ, მაგრემ ისეებ უფრო გამრავლებულანა-დ ეხლა ძრიელ გვარები. ადგილ-მამული ნავაჭრი აქვ ხალხს, ზოგი ჳაბუშანურთგანა-დ ზოგი თაოდ დანაყესა-დ აქციეს საჭნავ-სათიბ მიწებად. ერთ ქვიტკირიც უდგას ბაჯათ, სამთვლიანი. ამ ქვიტკირს იყენებდეს მტრის დაცემის დროს, აქ ხიზან შავიდოდა-დ იარადიან ხალხი ქვიტკირშით თოფებს ავლიდ მტერს. ალიათაც ხქონივ ქვიტკირი, ის კი არა, იმთვენ ყოფილა. ბაჯათ ქვიტკირ კი სახელგათქმულ ყოფილ სიმაგრით.

*ფაცხვერას ბაჯინცაურსა შაზვერვა სწადის მთისაო,
ახიელის ძირ ჩამსვლა, ეერება დროშისაო.
გატეხა გაუტეხლისა იმ ბაჯათ ქავ-ციხისაო.
გამაყვანაი-დ წაყვანა ქალისა განძისაო,
გამატანაი-დ წატანა ჳვირაულის კმლისაო.*

მშავლებიც კიდე მახქადდეს ბაჯათ ქვიტკირსა-დ ამზადებდეს ლაშქარს დასაცემლად ბაჯათ ქავციხეზე, მაგრემ აღუდა იყვ ბაჯათა მაშინ კა მეომარი-დ ახლა იმან დაუბარ ფაცხვერას:

*ლაშქართ დავვევსენ ფაცხვერო, ერთხან გამუძვედ მზირთაო;
დავხვდების ბაჯაის შვილი ცირცლოვან წვერის ძირსაო,
სხო ამხანივებ არ უნდან, იმედ აქვ ქასისაო.
შამაგეწვეის მდევარი, შავქვიშას, წვერის ძირსაო.*

*მაგდევდას თათრისეული, ჭეხა გეგონას ცისაო.
გაკლიდას მართალ-მართალსა, თავს გეშლებოდას ქვიშაო.
რადარ გარმახილ, მშაველო, რაად მიასუქებ ნადირსა?
თოფი მაქე ავის პირისა, თუნდ ტერღას ხკითხე ნადირთა,
აღუდ ორ კურდღელაისძე, მწარეს გიმზადებ სადილსა.*

ასეთ გათქმულ იყვ ბავთო ქავ-ციხეი-დ მტერიც მახქადდ იმ დროს, მაგრემ პატრონებიც კეები ხყვანდესა-დ ვერას აკლებდ მტერი.

ყინვართ ბამავლა ახიელ

მიამბო ხიზანა ნაროზაულმა, 55 წლისამ, სოფ. ახიელში, 1939 წელს

ახიელა სოფელი ერთს მიგვერდლებულს ადგილზედ ას. ეხლად ძველ სახლებ მადლად გვერდალში ას. წინავ ყინვართ შიშით ჭალაში სახლებ არ ყოფილ, მემრ ნელად თანდათანობით ჩაუნაცვლებავ სახლები-დ ჩაუტანავ ჭალაში. მაშინ კი, როსაც ყინვართ გამაიარეს, სახლებ მადლად ყოფილ. ახიელას მარცხენას გვერდზედ ერთ განიერ ჭეობაი აქე. იქ ერთ წყალიც ჩამადის „არაგვის წყალა“. ეს არაგვის წყალა სანადიროს მთებშით იწყობის. წინწინ ყინვართ ძირშით გამადის. ეს ჭეობა სათავეში სამად იყრების: ერთი „ბერაული“ ჭეობა, მეორე „ჩამაგის“ ჭეობა-დ, მასამე „ძველნასოფლარის“ ჭეობა. ბოლოში ყველა ერთდებისა-დ „ნეთხიოს“ ჭეობა-ი ხქვიან. აქ ნათქვამს სამსავ ჭეობას მუდმივ ყინვრები აქე სათავეში. ზამთარ-ზაფხულ აქ სრუ ას ყინვრები მთის ოდოდენი, გაწოლილი, ზოგი გვერდალს კლდეებზე გაკრული-დ, ზოგი მიედანზედ. ერთი სიტყვით, ყინულის მთები. ზაფხულს როსაც სიცხე, დარებ დადგების, დნების ყინვარი, ეს არაგვის წყალა ისრ ადიდდების, რო სრუ მამტვრევს ნეთხიოს ჭალას, ეს ჭალა ძალიან დახრილი ას (დაქანებული) თავისთავადა-დ მემრ, ქვა-კლდიანი. არაგვის წყალა რო ადიდდების, ისით-ისით კლდეს მავარებს, რო ახიელ ღამით ძილს არ აძინებს იმის რახ-რუხი. ხანდიხან ამ ყინვრებსაც სქდების პირები-დ მადის წყალი, ყინვარი-დ, ქვა-კლდე ერთსხვაში არეულ, რო შავ ბუქვი ადის მადლა ალაღებულის წყლისა. სადაც ის ყინვრები ას, ჯიჭვებ იცის ბვერი-დ იმ დროს არხოტივნები იქით ირჩენდეს თავს, ჯიხვის ვორციოთ. იმათ ეს ყინვრებიც დათვალიერებული ხქონდა-დ ძველ ნასოფლარის ყინვარ ისითს ალაგში იყვ გადმაწოლილი, რო ადვილად წამავიდოდ. თან იმასაც ამბობდიან, რო მავ ყინვართ ძირშიავ მთისოდენ გველაშაპ-ი წევსავ. ის თუ წამავიდავ, ამაგ ყინვართავ ზურგზე თან წამაიდებსაო-დ გადლევწსავ ამ ჭეობასავ. მენადირებმ თქვიან: კაცი რო ახლოს მივიდასავ, სრუ ჩხარ-ჩხურ გამადისავ შიგითავ, გველეშაპიო-დ ეშმაკებივ სრუ რასამ აჩხარჩხურებენავ, რო

ყურთჳმა არ ჩამავარდებისავ. იმასაც ხედვედეს მენადირებ, რო ყინვარ მაჳსნილ იყვ. საითაც წინ იყვ ძველ ნასოფლარი გადმაწოლილი. საშიშ იყვ გამასაქანავადად მემრ, ნეთხიხოს ჳალა რაკი დახრილ იყვ, რაილ დაიჳერდ ამ მოისოდენს ყინვარს, თან გველეშაპი-დ ძალიან საშიშ იყვ ამ ყინვართ გამავლა. აი, ამის სიმთხილით ძველ ახიელლები მაღლად აგებდეს სახლებს, რო გველეშაპსა-დ ყინვარს არ დაეზიან სახლები. გველეშაპ რო გამაივლისავ, თჳვიან წინათ, თავივ ყინვართაზე წინ ექნებისავ გამაყოფილივ, ყინვარნ კი ზურგზე ექნებიანავ შასხმულნივ, სადაც სახლო ღნახავსავ, პირს გახკრავსაო-დ სახლსავ, შივ ნამყოფს კაცსაო-დ საქონსავ, ერთ ლუკმად ჩასოქამსავ ყველასავ.

ბოლოს მართლა მეეჳსნ ეს ყინვარი-დ წამავიდ დიდ უზარმაზარ გორის ოდენი. ის რო მთაშით გამაემართ, ისით ჳექა-ჳუხილ ასტყდ, რო მთებს სრუ ზანზარ გახჳონდ. რა თჳმა უნდ, რო ახიელაც გაიგეს, ყინვარნ წამავიდესავ. გველეშაპივ სახლებს შაშჳამსავ. ამის შიშით ხალხ გამაიყარ სახლებშითა-დ უფრო მაღლისკე წავიდ. კაცები ზეთზე ნეთხიხოსკე წამავიდეს, გველეშაპს ვღნახავთავ. დიაც-ყმაწვილ კი დაშინებული დასამალავს ალაგს იძევდ. ყინვარი, წყალი, მიწა დიდის გორის ოდნად მავიდოდ ნეთხიხოს ჳალაზე, რო შავ ბუჳვი ცას გადიოდ. ხალხ მაღლა იყვ, მაგრემ მაინც კიდევ საშიშ იყვ საზარელ იმის ნახვაი. მაღლით კლდეებს დაუწყეს გორება, რო ყინვარნ მავიდეს. „გველეშაპმავ დიდ კლდე რაიც ნახისავ, ჩათჳისავ“ – თჳვიან, წყლისაო-დ ყინვარის ბუჳვში გამაყოფილი ხჳონდავ ყინვართ ძირშიავ თავიო-დ აისრ მივიდოდავ. ისრ წიოდავ მიმავალივ, რო იმის წივილისგან იძროდავ არე-მარეივ. რო გაუვლავ, ისრ გაულეწავ ჯერ ნეთხიხოი-დ მემრ არხოტის ჳალეებ, რო ერთ წლამდინ გასავალ აღარ ყოფილ. დაზამთრებამდინ არცად დაწმიდებულ ნეთხიხოს ჳალაზე წყალი. ახიელ კი სახლებ რაკი მაღლა იდვ, ვერ შასწდომივ იჳამდინ. ეხლა სადაც ას სახლები აგებული, იჳ კი სრუ ნაოჳარ დამრჩალ. ეხლა სახლებ კი ას აგებულ, მაგრემ საშიშ კი ას იჳავ ყინვართავან. რაკი მასალოდნელი დიდის ყინვარის მახეთჳაი-დ გამაჳანვა. წასულს წლებშიაც წამასულიყვ ბერაულით ყინვარი-დ მიწის ზეავი. სახლო ოდოდენ ყინვარი ზოგ სად ეყარ ნეთხიხოს ჳალაზედა-დ ზოგ სად. წყალიც აღადებულ მავიდ, რო სოფელ ცოტაით გადაშნ წადებას. კვამლზე სამ-სამ ცხვარ გაიდესა-დ ჳაბირებით გაამავრებიეს სოფლის გვერდი, მაგრემ თუ ყინვარ წამავიდ კი, ჳაბირებ ვერ დაიჳერს.

ბელიკას ჩამარტვა ყინვარში

ერთ ახიელელი, სახელად გელიკა, ძალიან კა მენადირე იყვ. ძალიან ბევრს ჯიხვებს ვოცდ, რო იმის ბან-კარი რქებით სავსე იყვა-დ რამთვენ ან ჯვარში ხქონდ შაწირული. ახლო-მახლო სანადიროების გარდა, შორს სანადიროებშიაც დავიდოდ ისი. ერთხან ერთი ამხანაგით წავიდ სანადიროდ ტანისკე. აქ ერთს ალაგს „თბილწყალნი“ ხქვიანა-დ ბევრ ნადირ იცის. გელიკაი-დ იმის ამხანიგი პირდაპირ თბილწყალთ წავიდეს. აქ ზედ წვერზეით გადმაწოლილნი ყინვარნი, დაბლად ერთი ძალიან დიდ მიედანი, ტაფა-დ, ამ ყინვართ ბოლო ამ ტაფში უძეს. ყინვართ ერთკე მჭარეს არწივის მაღალი აქვ, მეორეზე ისართ ღელე, არწივის-მაღლით დილდოსკე გადაკვდებისა-დ ისართ ღელით გუროს გადაკვდების გზაი. იმით ხქვიან ისართ ღელეს ორ სახელი: ისართღელი-დ გუროს მთა. მენადირეები არწივისმაღლისკე გვერდზედ ხყვანდეს ყინვართად აქით იჭერდეს (იჭერდეს: ათვალიერებდნენ) კლდეებში ნადირს. აქით ნახეს რო ყინვართ ისართ ღელისკე გვერდზე ნადირთ საწოლებში ჯიკვები წევს (ნადირთ საწოლი: ჯიხვებს ყველგან კლდეებში აქვს დაჩემებული საწოლი ადგილები და დღისით მუდამ იქ მივლენ და დაწვებიან. შერჩეული აქვს ისეთი ადგილები, სადაც მონადირე ადვილად ვერ მიეპარება ახლოს. ყველა საწოლებში არის ისეთი მაღლობები, სადაც როგორც ყარაული, ასე წვებიან თითო-ოროლა ჯიხვი და ამ მაღლობიდან ათვალიერებენ მტრის მისასვლელ გზას. ყველაზე ადრე ისინი გაიგებენ მონადირის მიახლოვებას. ერთი ფეხზე წამოხტომა ამ ყარაული ჯიხვისა საკმარისია, რომ ყველა იქ მწოლიარე ჯიხვები წამოვარდებიან და გაქცევით უშველენ თავს). ჯიკვები ღამით საძოვრად ჩამადიანა-დ დილას მაღელ საწოლებისკე წავლენ. მენადირეებმ თუ დილას ნახეს ნაწოლ ჯიკვები, წუხრ შაუკვრენ გზასა-დ, ბალახისკე მამდინარს თოფვენ, თუ წუხრ ნახესა-დ თოფვის დრო აღარ ას, მაშინ დილას შაუკვრენ გზას საწოლისკე მიმდინარს ნადირსა-დ იქ თოფვენ. გზა კარგად იცინან, რომენზეც ჩამაივლიან, ან აივლიან საწოლისკე ნადირნი.

გელიკამა-დ იმის ამხანიგმ ნახეს წუხრ, საწოლშიით ჩამაიშალ ნადირი-დ, წავიდ დაბლა საძოვრად (ჯიხვები სადაც წვებიან, იქ ბალახი არ არის, რადგან იქ ძალიან მაღალი მთებია და ბალახი აღარ მოდის. იქ არის სუფთა კლდეები და ქვიშები უბალახო. ამიტომ ჯიკვები საღამოობით დაბლა მოდიან ბალახის საძოვრად). ამ დროს აღარცაით იყვ გასავალ, რო გზა შაეკრ ჩამამდინარის ნადირისად. გასავალ იყვ მიედანი, ყინვართაზე სხვაკან ქვე არ იყვ გზაი. გამავლებს მენადირეებს ღნახევდ ნადირი-დ დამთხვებოდ. ისით ყათლად გასავალ იყვ ყინვარ, რო ყველკნით კარგად ჩინდ იმაზე გავლილ კაცი-დ იმით ვერ უწუხრიეს ნადირსა-დ დილამდინ მაიცადეს. დილასავ ამამდინარს ჩაუკრათავ გზაივ, გადასწყვიტეს. იმ ღამეს აქ დარჩეს ეხშია-დ

დილას მანამ ნადირი ბალახშიით პირაღმ დაბრუნდებოდ (მენადირებმა დაბრუნვის დრო იცოდეს) წავიდეს მენადირენიც გზის შესაკრავად. გელიკას ამ ყინვარზე წინავაც გვევლა-დ იცოდ, რო ალაგ-ალაგ დაკსნილ იყვ ეს ყინვარი, ხანდიხან დახეთქილებ ქარბუქებისგან პირწამბულ იყვის. გელიკამ არგნით გაუშინჯავად არ გაიარის ზედ. ეხლადაც წინ გელიკა ედგა-დ შინჯვედ არგნით გასავალს გზას. ერთკან დიდად ყოფილიყვ გახეთქილ ყინვარი-დ ზედ გამბულ თოვლიც მიეყინ, ისრ რო არგანი მაგარზე მახვდ, როგორც სხვას ყინვარზედ. სხოდ ქვე არა ეტყობოდა-დ გელიკა ჩვეულებრივად მივიდოდა-დ ერთირაოდ ჩატყდ ეს ყინვარი-დ ჩავარდ გელიკა შიგ. ამხანიგი უკენ მიხყებოდა-დ ერთირაოდ წინ ნადგომ კაცი თვალშიით დახკარგ. ყინვრის ჩატეხა კი გაიგონა-დ შაშინებულს მაინც ეშმაკებისგან მამკდარ ამბავ რაიმ ეგონა-დ დიდხან გონზე ვერ მავიდ. მემრ მივიდ ახლოსა-დ ნახ, რო ყინვარი ჩატეხილი, ჩავარდნილი გელიკა. ჯერ ქვე ვეღარა გაიგ რა ექნა-დ, მემრ რო გონზე მავიდ, დაიწყ ჩაძახილი: „გელიკაო“! ჯერ კი არად, მემრ იქითაც ყვირილივით რაიმ გაიგონ. დაღონდ ეეხლა ეს კაცი-დ აღარ იცის რაი ქნას, არხოტ წავიდასა-დ ისით შორი, რო ხალხი მეორეს დღესაც ვერ მავ. მემრ მაღვონდ რო გუროს წავიდაო-დ იქით მივიყვანავ ხალხივ, ჭაპნებიც მავიტანათაო-დ იქნება როგორ ამავიყვანათავ. რაიც ბარგი ხქონდ აქ დაყარა-დ პერანგიანა წავიდ გუროსკე. გადაიარ ისართ დღელი-დ გძელ სადილობისად გუროს გატეხ კმა: გელიკაივ ყინვარში ჩავარდაო, მამეშველენითავ. გუროელნ საჩქაროდ მამეზადნესა-დ წამავიდ მთელ სოფლის ხალხი. წამაიდეს ჭაპნები (ჭაპანი: ძროხის ტყავისგან დაწნული თოკის მსგავსი, რომელიც ძალიან მაგარია და ხმარობენ მაგრად შესაკრავი საქმისათვის, ან მძიმე რაიმეს გასათრეველად, რომ საჭირო იყოს გამძლე რაიმეთი შეკვრა). გუროელნი ყინვარზე მავიდეს მზეგადენის ხანთ. დაიწყეს ჩაყვირილი-დ ნელად იქითაც გაიგონეს ყვირილივით რაიმ კმა. გადააბეს ერთუცს შვიდი-რვა ჭაპანი-დ ბოლოზე ქვა მააბესა, ჩაუშვეს ყინვარში გელიკასთან. რო ჩავიდ ეს ქვაი, ბევრ ღონე აღარ ხქონდ გელიკას, მაგრემ გაიგ რა ამბავიც ასა-დ მაიკრიფ ძალ-ღონეი, მაიხვივ წელზე ჭაპანი-დ გაინასკე მაგრად, რო აღარ გაკსნილიყვ. მემრ ჩასწივ მაგრად ჭაპანსა-დ გააგებივ, ეეხლა ასწიეთავ. გუროვლებმ ამასწიესა-დ ამავიყვანეს ცოცხალ-მკვდარი. ფერ კი ცოცხლისა აღარ ამახყვა-დ სულს კი იქცევედ კიდევ. გუროვლებმ ასწიესა-დ მშრალზე გაიყვანეს. დაუგეს ყარწიკები, ზედაც ყარწიკეებ დახურესა-დ დააწვინეს. გონთ მავიდ, საუბარიც დაიწყ. რო ჩავვარდივ, აქით ჩაბრუნვილს თოვლში ავიხვიეო-დ მაგრა არას ვეკლებოდივ. სადაც დავდებივ, არც იქ დავეცივ მაგრადავ, რაკი წინავ თოვლ ჩამიდგაო-დ ის დამდგარიყვაო-დ იმაზე დავეცივ. რაზედაც მე დავდებივ, ის ალაგივ გახეთქილს ყინვარსავ ბოძივით გავიდული ხქონდაო-დ კაცის დასადგომ მიედან იყვავ. ახლა თოფ რაკველამ გაიკიდაო-დ არ ვიცივ, რაკველ მახკდავ ჩემ იქ

დადგომავივ. მე სადაც ვიყავივ, იმის დაბლად ვინ იცის, სადამდინ ჩავვარდებოდივ, თუ იქით გადავვარდნილიყავივ. ძირშიით ჩხარ-ჩხურიო-დ ქოთ ამადიოდავ ეშმაკებისაივ. მჩეჩელნ სადამ ხევანდესავ ეშმაკებსაო-დ საორცხლებისაიო-დ ჩეჩის კმაიც მამდიოდისავ. ხანდიხანავ: გელიკაო – მიძახიანაო-დ ამეედინისავ სიცილივ. ანაბრივ იცოდინანავ რო მეშინოდავ. საბელივ თუ მალე არ ჩამაგეშვათავ, ბევრ გონ კი აღარ მქონდავ, მალე მავკედებოდივ. საბელ რო გავიგივ ჩამაუშვითავ, ისით გამიხარდავ, რო უჭირველივით დავრჩივ. რო წამამიყვანეთავ, ჭყვივ-კივილ დადგავ ეშმაკებისაივ: გელიკა წავიდავ, გელიკა წაიყვანესავ. მე კი გორულს ჯვარს შამავზძახნეო-დ ჩუმ დაილივავ, რო გორულს ჯვარსავ კარ შამაუთქვივ სამეშვლოდავ (გორული ჯვარი ქავთარ-ოჩიაურთ სალოცავი იყო საკუთრად და ეს გელიკა ქავთართ გვარის კაცი იყო და ითვლებოდა გორულის ჯვარის ყმად. თავის ყმებს გორული ჯვარი ამისთანა შემთხვევებში ვითომც სხვებზე მეტად ეხმარებოდა) გელიკა რო ცოტაად მაგონდა-დ მადონივრდ, წამაიყვანეს გუროვლებმა-დ ტანიეს საბოსლოებში ჩამაიყვანეს. მეორეს დილას გელიკა კარგად ადგ. ისი-დ იმის ამხანიგი ტანიის ჭალაისას არხოტ წამავიდეს. გელიკამ შინ მასულმ შათქმულ კარიც დაკლ გორულ ჯვარში, მაგრემ ერთ წლამდინ მაინც ავადობდ, ვეღარც ნადირობად დავიდოდ, გვერდებსაც იტკივებდა-დ გულსაც, არც ფერი ხქონდ კაი.

სინდიურისქე

ჩამაწერინა ბერდია წიკლაურმა, 30 წლისამ, ს. როშკაში, 1939 წელს.

სინდიურისქე გათქმულ მენადირე ყოფილ. იმის დავლილნ იყვნეს არხოტისა-დ მთასიქითის სანადირონი. შიბუსად კდესაც ბევრჯელ უვლავისა-დ უნადირებავის. როშკის კორკში ას ერთი ძალიან მადლად აყუდებული კლდის მთაი. ზოგს გვერდებზე ამ კლდეს ზამთარ-ზაფხულ გაუშრობლად თოვლი აქვა-დ ზოგზე მშრალ ას. ეს კლდენი ისრ არიან აყუდებულნ, როგორც კაცმ კვლით რაიმ გააკეთას. იმ სიმადლეი ეს მთა, რო მთის წვერზე სრუ გამაულევლად შამახვეული ნისლები. ამ კლდეში ერთ გზაი აქვ ჯიკვებს, სხოდ იქ კაც ვერ მიეკარების. ცოტას გზას კი შაიძლების შახყვას ჯიკვთ კაც, მადლამდინ კი გზას ვერ იქს. თუ მენადირე არ შააწუხებს ჯიკვთაც უჭირს იქ ასვლაი. ამ კლდეთ ჯერ უბალახონ ქვიშანი ხქონ ბოლოზედ, მემრ კიდე დაბლად საძოვარ მთებიც იწყობის. აქავ ამ კლდეთ ძირში „აბუდელაური“ ხქვიან ადგილსა-დ ერთი ცოტა ტბაიც დგას. ამ ტბას ხქვიან „აბუდელაურის ტბა“ (ამ ტბაზე თქმულეზაიც ას, იკსარსავ ტბაში დევ მაუკლავაო-დ სხო ასეთები). აი ამ კლდეთ ხქვიან „ჭიუნნი“. ჭიუნში უფრო დიდდ ჯიკვ გადმავიდოდ გველის მთით. ჭიუნთ ბოლო ველი აქვ, რო ჯიკვები მიმავალს

კაცს სრუ ხედვენად მაღლა რო შადგებიან, კაც ვედარ შახყეების ამ მიუკარებელს კლდეს, ვერ გაივლის.

სინდიურისძემაც ამ ჯიკვების მუქარაზედ ბევრჯელ იარ აქ. ბევრჯელ ღამეიც ათენ, მაგრემ არ იქნ, ვერცაით ვერ მიუვიდ ისრ, რო ეთოფ ჯიკვები. მიახლოებას მუდამ იგებდესად გაურბოდეს. ბოლოს გაჯავრებულმ გადასწყვიტ რო კლდეში გახყვავ, რახედაც ეგენ გაივლიანავ, წრიაპიანივ მიაც გავივლივ. დაიკრ ფეკზე მაგრემ წრიაპები-დ დილას უყარაულ, ნახ რო ჯიკვებს იქავ გაუგავ სინდიურისძის მისვლაი-დ დაქცეულან. იმ სიმორეზე ნახნ, რო იქ თოფ არცაით დასწვდებოდ. ადგად გახყვ კვალზე. შაკდ იქამდინ, სადაც ჯიკვენ იწვეს. მიეპარად ნახ, რო თექსმეტ ჯიკვი წვეს ერთს გორახედ. დაათვალიერად რომენიც ჯიკვი უჯობდ იმას ესრივ. ის ჯიკვი ცოტაად გადმაგორდა-დ კლდეს მაედვ. სხვებ ჯიკვებ ეცნეს ერთს ქარაფიანს კლდესად სხვას მკარზე მექცნეს მთას. სინდიურისძემ ჯიკვი სადაც მაკლ, აღარცაით ექნ გასავალ, ვედარცად ჩაღმ წამავიდ ესეთს კლდეში. კაცი აღმ აივლისად ჩაღმ ჩამასვლა უჭირს, თვალიც შაუშინდა-დ გულიც სინდიურისძესა ჩაღმ ფეკ ვედარ ჩამადვ. თავისუნებურად პირაღმ წავიდა-დ შაკდ ჭიუხთ წვერზე. წვერზეით ვედარცაისკე ვერ ქნა ჩუჩუნი-დ იქ გაიყინა-დ მაკედ. ხალხმ ბევრ იწვალ ასასვლელად, სინდიურისძის ჩამასატანად, მაგრემ ვედარცაით ვერ მიეკარნეს. ბოლოს ხალხ ამბობდ, რო იმის ძვალნივ ქარმ გადაყარნავ ქვად ნაქცევნივ, ჭიუხთ წვერზეითავ ჯუთის მთაშიავ. იქ ერთ მუდმივ ყინვარივ ქვიშიანს ალაგშია-დ ერთი დიდ კლდეი ჩინს სახლის ოდენი. ხალხი იმას ეძახის „სინდიურისძის ძვალთ“ ევ კლდეივ სინდიურისძის ძვალნიავ ქვად ნაქცევნიოდ ჯუთისკე გადაყრილნივ ქარისაგანავ. დღესაც იქავ ას იქ ის კლდე.

ამ კლდის მთას ხქვიან ჭაუხნი, ჭიუხნი. ზოგ ერთს ამბობს, ზოგ მეორეს. ამ მთის წვერს ხქვიან ჭიუხის წვერი, ჭაუხის კუჭულა, სინდიურისძის მაღალი.

*არ ეშობიან ღურბელნი მაღალს ჭაუხის წვერსაო.
ჭაუხის კუჭულა ზედა სინდიურისძე წვერსაო.
ჯიკვების მუქარაზედა ღამეს ათენებს ბნელსაო.
ნეტარ შამდგართ ჯიკვთ რაი ქნეს, ან იმ ვეფხვს რა იჭერსაო?
ჯიკვნი ჩივიან დამდგარნი, ვედარ შაუდით კლდესაო.
ჩვენს გარდასავალს სარტყელში ვეფხვი მწკლიანი წვერსაო.
ჯიკვებ რო კლდეებს შასჩივის, კლდეები კალმის წვერსაო,
კალამი დასწერს ქაღალდსა, ამბავს გვიამბობს ძველსაო.
შიბუთ მაუვა ამბავი, წყალი მაიტანს პერსაო,
კაცს იკვლევს სინდიურისძე, ნაცოცის ჩამამთვლელსაო,
თექსმეტ ჯიკვ შიით ნარჩევსა, კლდე შიით ჩამამწვდელსაო.*

*დადუმდა თოფი მაჟარი, კლდეებში აღარ ვერსაო.
დაისვენებენ ჯიკვები, ვინად შაუკრავს წვერსაო,
ამგ სიმღერის მათქვამი ჯვართ კორკის წვერზე წევსაო.
წინავ აძლევდეს პატივსა კაის სიმღერის მოქმელსაო.
აეხლად პატივს აძლევენ წინ ყანწის გადამსმელსაო.
შინ აწევდიან სტუმარსა, კელს გახკიდებდეს კელსაო.
ეეხლად ქალებს ეტყვიან: „წაედ, წამალ თქვენსაო“.
ლექს მარტომ ქვე არ დავთვალე, უთხარ ფანდურის ყელსაო.*

ხალხ იმოვენს ცდილ იქ ასვლასა-დ სინდიურისძის ძვალო ჩამატანას, რო კლდე წერაქვითაც კიდევ უკიბავ. ეეხლადაც ეტყობის იქ ნაკიბავი, მაგრემ რას შააჯდენდეს იმსიმაღლეთ კლდეთ. მაინც ვერცაით ასულან. სინდიურისძეზე სხვებ ლექსებიც გამიგონავ (ამბობს მოხრობელი), მაგრემ მე ვერ ვიცი. ვის ან გვარისა იყვ სინდიურისძე, არც ის ვიცი, ხოლოთ ის კი იციან, რო ის ჰვესურ იყვ.

ხოგაის მინდი

ჩამაწერინა ლელა ბალიაურმა, 65 წლისამ, სოფ. შუაფხოში, 1940 წელს

ხოგაის მინდი არხოტიონ იყვ სოფ. ამლიონი. კა ახალგაზდა იყვ მენადირეი-დ მტრისად მიმყოლი. წინავ ჰვესურთ ლეკის ლაშქარს უდენავ, უჭერავ ტყვეები, მიზდენივა-დ ზოგ სად უყიდავა-დ ზოგ სად.

ერთხან არხოტაც მასულ ლეკის ლაშქარი-დ მაუჭერავ ტყვეები, სხვებს ტყვეებთან ერთად ხოგაის მინდიც დაიჭირესა-დ წაიყვანეს ლეკეთში. მინდი ჯერ იქ ხყვანდა, მემრ წაიყვანესა-დ კაცის მჭამლებში გაყიდეს. კაცის მჭამლებს სხო ტყვეებიც ბევრი ხყვანდ. გაასუქებდეს ტყვესად დახკლევდესა-დ ჭამდეს: კაცს შუბლზედაც ძაბს გადაახვევდესა-დ მკლავებზედაც. მემრ სრუ ხინკალს აჭმევდესა-დ ხინკლის წვენს ახვრეტიებდეს, რო ძალიან გასუქებულიყვა-დ დაეკლ. როსაც იმოვენ გასუქდებოდ, რო შუბლზედა-დ მკლავებზე გადახვეულ ძაბი შიგ ჩაიმალებოდ კორცში, მემრ ფეკვებით ჩამახკიდებდეს ტიტველს ჭერში, იქი-აქათი საორცხლის კბილთავით რკინები იყვ დაკეთებულები. ერთკე გააქანებდეს, ერთი გვერდით ეცემოდ მწვეტებს რკინებს, მეორეკე გაქანებული მეორეს გვერდით ეცემოდა-დ დახდიოდ სისხლი. მანამდინ აქანებდეს, მანამ სისხლ სრუ არ გამაშრებოდა-დ მემრ დახკლავდესა-დ ჭამდეს.

მინდიას ძაბებ მახხივს შუბლზედაცა-დ მკლავებზედაც, მაგრემ მინდია ეშმაკობდ, რო არ გასუქებულიყვ. თან საჭმელსაც იკლებდა. ერთმ ტყვედ ნამყოფმ ქალმ უთხრ, რო აი მე გავესუქდიო-დ დამკვლენავ მალედავ. შენ ეცადევ რო არ

გასუქდავ, ახალგაზრდა კაცი ხარაო-დ ცოდოი ხარავ. მე მაშინ არ ვიცოდევ, რაველ მავექცეულიყავივ, ნაცარ რო მეჭამავ, არ გავსუქდებოდევ. ეეხლად დაგვიანებუღილ ასავ, აღარა მეშველებიასვ. შენ დაისწავლევე: პურს რო შჭამავ, მემრავ ცოტა ნაცარ შაშჭამიღიფო-დ, აღარ გასუქდებივ, იქნებ გადაშჩავ. მინღიამ ეს დაისწავლა-დ პურის ჭამამღე უღუმღივ ნაცარ შაჭამის, რო არვის გეეგ. არ გასუქდ მინღიამ-დ უკვირდ იმის პატრონსაც: ეს რადარ სუქდებისავ. ხან სცემდ – შენავ ეშმაკობავ რასამავ, მაგრამ ცემით ძალად ხო ვერ გაასუქებღეს.

რო მაინც არ სუქდებოდ, დაუწყეს მინღიას სამუშაოზე ვლევაი. დახყვანდ სათიბზე, სამკალზედა-დ სხვა სამუშაოებზედაც, როსაც იმ ოჯახში მუშაობღეს. ერთხან წაიყვანეს გველები დასაჭერად, დაიჭირეს ბევრი გველები, მასხეს დუღრუყეებით შინ. ამ გველებში ერთი სისხლივით წითელ გველ ერივ. შინ რო მავიღეს, დაჯოცეს ეს გველები სადუღებლადა-დ საჭმელად. ეს წითელ გველ რო დაკლეს, ისრ შაინახეს, რო მინღიამ ვერ გაივ, სად წაიღეს, სისხლი რაიც გამაუვიდ სრუ ენით აღოკეს, ორ-სამ წვეთ სისხლი მიწაზე ჩავარდა-დ ისეებ რო კარში გავიღეს, მინღიამ აღოკ ეს სისხლი. ეს რო აღოკ, გაჯდ ცუდად, რო ველარცად ვერ ისვენებდ, სადაც დაუგებღეს ლოგინს ოცის თქმის ხანთ ვერ გახდლებდა-დ სხვას ლოგინზე უნდოდ გადასვლაი. მემრ ერთ ღიაც შამავიდ იმის მასპინძელსთანა-დ უთხრ, რო ეს კაცივ მეცხრეს ლოგინს მანამ არ გამაიცვლისავ, მანამღენ ვერ მაისვენებსავ. მეცხრეს ლოგინსაც რო გამაიცვლისავ, მემრ გაჯდებისავ კარგადავ. გაჯდ მინდი თანთან ცუდადა-დ უცვალ ლოგინები მასპინძელმ. მართლა რო მეცხრეს ლოგინზე გადავიდ, მაშინ დაეძინა-დ მეორე დღემღე ეძინ. რო გამაელვიდ მინღის, იღღიის ძირებში ორსავ გვერდზე რეებიმ ხქონდ ჩამაკიდებული საკალტის პარკის ოღნად. მინღიას დანა-ი ხქონდა-დ ჯერ ერთ იღღიის ძირ გაიჭრა, მემრ მეორე. როგორც ნაცრიან პარკ გაჭრასა-დ ნაცარ გარმაიშალას, ეეგრ გარმაიშალ იღღიის ძირებშიით ტიღი. გველის სისხლ რო აღოკ, იმისგან სრუ იღღიის ძირში შაყრიღიყვ ის ტიღი, რაიც კაცს ჳორცთაში აქვ (ხევსურებს ისეთი წარმოდგენა ჳქონდა: ვითომც ტიღი ადამიანს ხორცში ჳქონდა, როგორც ბაციღები და ვისაც გარეთ დაეხვეოდა, ვითომც იქიდან იყო გამოყოფიღი და გარეთ გამოსული რაიმე მიზეზის გამო, უფრო გუღის სიმწუხარეს აბრალებღენ, მაშინ გამოიყოფა და გარეთ გამოვას). გაღმაყარ მინღიამა-დ გაღმაფხიკ სრუ. მინღიამ თქვის: „სიმძიმეივ კაცსავ ტიღისგან ხქონივავ. ის რო მამშორდავ, ისრ დავმზუბუქღევ, რო ქარ მიტაცებღავ, თუ ქვებს არ ჩავისხემღევ უბეშიავ. ეს ტიღ რო მამშორდავ, დავმზუბუქღევ კიღეცაო-დ ნაუბარიც ყველაისა მამეღინავ: ქვისა, ხისა, წყლისა, ბალახთაი. ერთი სიტყვით ქვეყანაზე რაც კი ას, მინღიმ ყველაის ნაუბარ გაიგონ. განაევ, უსვინღისო, გაიპარეოდ შადლოკევ იმ გველის სისხლივ, უთხრ თავის მასპინძლის ცოღმ წრა უნდავ, გამაიყენევ მაინცაო-დ არ გაგცემავ. მინდი რო დამზუბუქდ, ისით მუქღ

მეც, რო გაქცეულ ცხრას მთას გადაივლიდა-დ დაღალვას არ გაიგებდ. ეხლა გამაპარვაზე დაიწყო ფიქრი. სოფელშიით რო წამავიდოდ, აქ ერთს ჳიდზე უნდოდ გამასვლაი-დ მინდიათ არ იცოდ, თუ ამ ჳიდზე ნაცარს ყრიდეს, იმით რო, თუ იქ ტყვე გაიპარებოდ, გაიგებდეს კვალს, ამ ჳიდზე განავალ იყვა თუ არ. კვალ დაახნდებოდ ნაცარზე. არც გზა იცოდ მინდიათ, რომელ გზით უნდა წამასულიყვ. ორჯელ გამაიპარ წამასავლად, ორჯელავ გაუგეს ჳიდზე კვალი, დაიჭირეს-დ მაიყვანეს იქავ. მემრ ერთს ლეკს შადბრადლა-დ ჩუმად უთხრ მინდის: „გზასავ მე გასწავლივ, ხოლოთ არავინ გაიგოსავ, თორე მიაც მამკველენაო-დ შენაცავ. ხვალ გადახვიდვი უთხრა-დ ემაგ შენის მასპინძლის კარში დაუჯდვიდვი. მე მაოლაგ შენთანაო-დ ზურგ იქისკე დავდგებვი, საისკესაც შენ გზაიავ, თორე რო პირიქისკე დავდგავ, გამიგებენავ. იმით გაიგებავ შენს წასავალ გზასავ, რო მე ზურგივ იქისკე მექნებისავ. ჳიდზე რო მიხოლაგ, პირუკულმ გახჳდვიდვი, რო იქავ ნაცარი ხყრავაო-დ შენ კვალვი ისრ დაახნდასავ, ვითამ იქით ვინამ გამამჳდარავ. მემრავ იქ აღარ ვინ გამავიდგებისაო-დ შენავ ქვე წახოლაგ. ისეებ აქ დავიწყებენავ ძეგასავ, ხოლოთ ქარ იცისაო-დ უბეში ჩაისხვიდვი, ქარმ არ გავიტაცასავ. იქავ ერთვი ნაცრიან მთა დავხედებისაო-დ პირდაპირ წახვიდვი, იქ ციდამტკაველა კაცები ცხოვრობენაო-დ ისენ გასწავლიანავ გზასავ. ეს დღე რო დაღამდ, მინდი ჩუმად მაემზად გასაპარავად (ხოგაის მინდი უფრო სწორი სახელია, მაგრა ზოგნი მინდიასაც ეძახიან). რო დაღამდ, ივაჳშმესა-დ დაწვეს დასაძინებლად, აღგა-დ გაიპარ ჩუმად. ჳიდზედ რო მივიდ, პირუკულმ გაიარ. ჳიდს რო გასცილდა წავიდ მთისკე, სადაც ლეკმ ასწავლ. აქაც გზა-გზა ნაცარი იყ ნაყარი კვალის გასაგებლად, მაგრამ მინდიმ სადაც ნაცარ იყ დაყრილი, იმ გზაზე აღარ გაიარის, იარ ეესრად, გამასცილდ ლეკის მთებსა-დ (პირუკულმაო-დ წასულავ. მებრუნდეს ჳიდსთანითა-დ იმ მჳარისკე, დაიწყეს ძეგა) სამშვიდობოს გავიდ. მინდია მთებზე რო მივიდოდ, ძალიან ქარ იყვა-დ რო არ გაეტაც, უბებში ქვებს ისხემდ. ისით დამზუბუქებული-დ მუჳლიან იყვ, რო აღმებშიაც სრუ რბოლით დავიდოდა-დ დაღალვას ვერ იგებდ. ბოლოდ ერთ მთაზე მივიდ. სრუ ნაცრისა იყვ ეს მთა. ფეჳნ შიგ მიდიოდეს მუჳლამდინ. აქ რახან ქარმ დადბერნის, ნაცრის ბუქვი ნისლივით გაწვის მთებზე. იარ ეესრ ცოდო-ჭირითა-დ ბოლოს ციდამტკაველების სოფელში მავიდ. ციდამტკაველებს სახლებიც თავის შაშადრად ცოცოტეები ხჳონდ. ხოგაის მინდი რო ნახეს მისული, ყველან მაგროვდეს. იმასთან დაუწყეს საუბარი: სდაური ხარავ? საით მახოლაგ? სად მიხოლაგ? მინდიამაც უთხრ რო მიაგ ტყვეი ორავ გამაპარულივ. შინ წასვლა მინდაო-დ გზა არ ვიცივ. გზასავ ჩვენ გასწავლიდითავ – უთხრეს ციდამტკაველებმა – მაგრემაო არ გვცალიანავ, დღეხლამავ ფრინველთ ლაშქარ უნდა დავვეცასაო-დ ომ გვექნებისავ. ბევრ ფრინველ მავაო-დ ჩვენ იმათ რას გაუძლებთავ, გაგვანადგურებენავ. ოღონდ თქვენ გზა მასწავლეთავ, უთხრ მინდიამა-დ მაგ ლაშქარსავ მე მაგაშორებთავ, ისრ

ამავსწყვეტავ, რო მანამ მიწა-წყალნიაგ, იმათ თქვენ ახლო ვედარ გაიარანავ. გაუხარდ ციღამტკაველა კაცებსად უთხრეს: ეხლადავ გაზაფხული ასაო-დ ჩვენავ მინც თქვენკე მკარეს გვინდავ წამასვლაივ. ერთ კაცსავ შენ გამაგაყოლებთავ, რომენიც ამღას გაჩენილ, გაზდილი ასავ. იმანავ გზაიც კარგად იცისაო-დ თავის სოფელში მშვიდობით მიგიყონსავ, ხოლოთ ეხლადავ ამ მძიმე ლაშქრისგან დაგვიტსენივ (მინდის გველის სისხლის შალოკის მემრ ყველაის ნაუბარ მიზდიოდა-დ თაოდაც იცოდ ყველაის ენაზე საუბარი). მინდიმ იმ დღეს დაიმზად მშვილდ-ისარი-დ მაემზად ფრინველის ლაშქრის საკოცლად. რო დაღამდ, მოელ სოფლის ციღამტკაველეებმ ერთად მაიყარეს თავი-დ ელოდებოდეს ლაშქრის მასვლას. მინდიაიც ამათან იყვ. რო დაღამდ, ასტყდ მკრების ბარტყ-ბურტყი, სტვენა, კივილი, ყრანტალი, რო იქაობა სრუ დაიდრ. ციღამტკაველაები მინდის მირგვლივ შამაეხვივნესა-დ მინდიმ დაიწყ ფრინველების ჯოცა ისრით, ფრინველებმ ნახეს რო ციღამტკაველებსთან ერთ დიდ კაც მასულა-დ ისრით ჯოცს. ჯერ კი შაიბოლნეს ფრინველნი ციღამტკაველებსთან მისავლადა-დ ბძო-ლის გასამართავად, მაგრემ მშვილდისრიანს კაცს ვედარ მიეკარნესა-დ ვინაც ცოცხალ გადაშწ, უკენ დაბრუნდ. ციღამტკაველეები ისრ გადაშწეს, რო წყლიან ჯამიც კი არვის წახტევივ. მინდიმ რო ესეებ გადაარჩინ, მემრ უთხრეს: შენავ დიდ სიკეთე გვიყავიო-დ ეხლა გადაგიტდითავ სიკეთესავ, კაცს გაგაყოლებთავ. მაიყვანეს ერთ ცალთვალი ციღა-მტკაველაი-დ უთხრეს: აი ეს კაცივ ამღას გაჩენილ-გაზდილიაო-დ ეს გაგყვებისავ იქამდენავ. მემრ ამ ციღამტკაველამ უთხრ: „ვერ მიცნობავე მიავ?“ „ვერ გიცნობავ“ – უთხრ მინდიმ. „მე ოსი ორავ, უთხრ ციღამტკაველამ, რო ამღასავ ყორეზე ვიჯედევ, ყმაწვილებმ გადამიარეთაო-დ შენ მესრიენივ ქვანივ. თვალში მამახვედრენიო-დ აი ეს თვალივ შენგან მაქვავ გამათხრილივ. მინდიას გაუკვირდ ამღასავ ციღამტკაველს რა უნდოდაო-დ ან მე ქვა როს ვესრიევ. მე ეს ხალხივ აქამდინ არ მინახავავ; მაგრემ მაშინ ციღამტკაველამ უთხრ: ჩვენავ მემთაბერე ხალხი ორთავ. ზაფხულობითავ თქვენს მკარეზე მავდიორთაო-დ ზამთარს აქ ორთავ. იქისკე რო წამაოლთავ, შუას გზაში ერთ მთაი დგასავ. იმ მთამდინ აი ეესეთეებ კაცები ორთაო-დ იმ მთას რო გამავსცდებთავ, გუგუტეებად ვიქცევითავ (გუგუტა: გუგული). თქვენს ქვეყანაში გუგუტეები ორთავ. აქისკე რომ წამაოლთავ სთველთავ, მაშინ იმ მთის გამაცილებიდგესავ იქავ ესეთა კაცებად ვიქცევითაო-დ აქავ ეესრ ვცხოვრობთავ. მართალიავ, შენ თვალ გამათხარევ, მაგრემ ეხლად დიდ სიკეთე გვიყავივ, მე გამაგყვებივ. მეორეს დღისად მაემზადნესა-დ წამავიდეს მინდიი-დ ცალთვალ ციღამტკაველა. რვა მთა გადამიარესა-დ მეცხრეს მთაზე რო შამატდეს, მაშინ უთხრ ციღამტკაველამ: ეხლად ამ მთას რო გავსცილდებთავ, მე კაც ვედარ ვიქნებივ. აქითავ გუგუტაად ვიქცევიო-დ წინ გაგიძღვებივ. გადმასცდეს ამ მთასა-დ მართლად გუგუტაად იქც. გამაუძღვ იქით წინა-დ წამავიდეს. ესრ იარეს კარგა ხანსა-დ ბოლოს „მართოყანისგორ“

მაიყვანა-დ იქით გაანებ თავი (მართოყანის გორი ადგილის სახელი. ეს ადგილი ამდას ეკუთნისა-დ ორი ვერსით ას დაშორებული სოფელს). მინდი შინ მავიდ ამდას. მეეგებ ხალხი-დ ულოცვედეს ტყვეობით მშვიდობიანად დაბრუნებას. თან უკვირდ ხალხს მინდიას გამაცვლა, რო სრუ აღარ ღვეანდ იმას, რაიც წინავ იყვ. მინდიამ ყველა უამბ ხალხს თავის თავგადასავალი. უთხრ ისიც, რო ეხლა ყველაის ნაუბარ მიზდის, ქვა-ხეთაიც, მიწა-წყალთაიცა-დ ყველაისა. დაიწყ მინდიამ ამდას ცხოვრებაი სხვანაირად, რაიც წინავ იყვ. წინავ მინდია მტრის სისხლის სმით ვერ გაძღებოდა-დ ეხლა კაცის კვლა კი არა, ჯინჭველასაცა-დ ბალახებსაც ყველას ფეკს არიდებდ, ყველა ებრალებოდ. ტყეში წავიდის შეშის მასაჭრელად, ან აოჯისგნის რაის გასაკეთებად, მაგრემ ვერცრა ვერ გააკეთისა-დ ცალეივ დაბრუნდის. მოსაჭრელად რასთანაც მივიდის, ყველა ეხვეწებოდ მე ნუ მამჭრივ, გავიზდებიო-დ გამაგადგებივ რაადავ. ან ეტყოდ მე ემად გამაგადგებიო-დ მე ემადავ. სათიბზე რო წავიდოდ, ვერ მასთიბდ, ყველა ბალახ ეხვეწებოდ, არა მე ნუ მამჭრიო-დ არა მიავ. მე ეემის წამალი ორაო-დ მე ეემისაივ. ვერც გაივლიდ ბალახიანში, ყველა იმას ეხვეწებოდ ნუ წამაქცევავ, ნუ გამთელავავ, ცოდოი ორავ. გზაზე მიმავალიც დაღონებით დავიდოდ, მიწაზე მცოცავები ყველა ეხვეწებოდ, ფეკს ნუ დამადგამ, ნუ გამჭყლეტავ. სამკალში კი კარგად მკიდ, რო ერთს თავთავს არ გასწირევდ. ყველა თავთავები იმას ეხვეწებოდეს, მე ნუ გამწირავავ, არა მიავ. თოვლ მამასწრობსაო-დ ზამთრისავ კარში დავრჩებივ. სხვის ყანაშიაც რო გაველ, მთელ დღე იქ დაუღამდებოდ; დაუწყებდეს თავთავებ ხვეწნას – აქ დაგვწირავ პატრონმაო-დ ზამთარ მაგვასწრობსავ, აგვიღივ, ცოდოი ორთავ. ნადირის მაკვლას ხო სხვებსაც უშლიდ, სიცოცხლეივ ჯერ ქვა-ხეს უხარისავ, რაად უნდა მახკლათავ, რას ემართლებითავ.

მინდიმ თქვის: უმრეცხლომ (ორსული) დიაცმავე ველზე არ უნდა დაიძინასავ, თორე გველ ემტერებისავ. ყმაწვილივ სხვადასხვანაირიასავ მუცელშიავ ჩასახულივ. ისივ რო ნაწილიან იყოსავ, მძინარს დიაცსავ გველ შაუვავე მუცელშიაო-დ ყმაწვილსავ ნაწილს ამააცლისავ. უმრეცხლოს დიაცსავ თუ გველივ უკენ გამაუღგაო-დ გაექცავ, თუნდა არაუმრეცხლოსავ, გზადაგზა ყველა ასწავლისავ გველსავ, ქვა-ხე ბალახიო-დ დედამიწაივ – ემაზე გაიარავ. ხოლოთ თუ წყალში გავარდავ გაქცეულ კაცივ, ის წყალ ჩავლიდ იქნებისაო ახალ წყალ ეტყვისავ მე არ მინახავავ, არ ვიცვი, მე ეხლად მაოლავ. მაშინ გველიც ვედარ გაიგებსავ, გავიდავე წყალშიავ თუ არაო-დ დაანებებსავ თავსავ (ნაწილიანი: ყმაწვილი იბადებაო, ამბობენ ხევსურები, სხვანაირიო. ბეჭებს შუა რადაც პატარა ადგილზე ისეთ რადაც აქვს ხორციში, რომ დამე შუქს უშვებსო. ასეთი კაცები ბავშვობაშივე იხოცებიან და თუ როგორმე გაიზარდა, არაჩვეულებრივად კარგი უნდა გამოვიდესო. თვალად-ტანად და ყველაფრით, რაც კი შეიძლება ადამიანის სიკარგეში ითვლებოდეს. მხოლოდ ასეთი ბავშვის გაზრდა

იშვიათია, მისი ნაწილიანობა დედის გარდა არ უნდა იცოდეს არავინო. იმას უნდა ეცვას ორი პერანგი, რომ შუქმა გარეთ არ გაეტანოს, არ უნდა იბანოს ტანი ხალხში. სახალხოდ ჩოხაც კი არ უნდა გაიხადოს, თორემ თუ ვინმემ გაუგო და დაუნახა მხრებში ნაწილი, მერე აღარ იცოცხლებს, გახდება ავად და მოკვდება. თუ ვერავინ გაუგო ნაწილიანობა კი, ყველაფერში იღბლიანი იქნება. ამიტომ ხევსურები ძალიან კარგ კაცზე იტყვიან: ძალიან კარგია და ალბათ ნაწილიანიო). მინდი სხვასაც ბევრს რასამ ამბობდ ესეთებსა-დ იჯდ სრუ უსაქმურად. ბოლოს მინდის ერთმ მემცხვარემ გაუგ ყველა ეს ამბავი, გაიტყუვ ველზედ. წამახკრ კისერში ჩომახი-დ პირისას რაიმ წამაგდებივ ნიგვზის ოდენი (კაკლის ტოლი). მააგლ მემცხვარემ ჰელი-დ თაოდ შაჭამ. დარჩ მინდი აისეთაივ კაცი, რაჰელიც ტყვედ წაყვანამდინ იყვა-დ მემცხვარე აისით იქნ, რაჰელაც მინდი იყვ. ყველა მიზლიოდ ახლა იმას. ქვა-ხეთ ნაუბარიცა-დ მიწა-წყალთაიც. ეს მემცხვარე წავიდა-დ გადაიხიზნ აქით, მინდი შინ დარჩ ამდას. დაიწყ მინდომ ნადირობადაც იქავ სიარული-დ შურის საძებრადაც, როგორც არხოტის წყლის დილდოს ჰოცდ დილდვლებს, აისრავ მითხოსაც დაიწყ სიარული-დ სახელის გულისად კაცების ჰოცა. მემრ მინდიასაც მაუკლეს მითხოვლებმ სახლისკაცი-დ გაუჰდ შური საძებრად. ბოლოს გაუძღვ მზირს მითხოსკე, სამი-ოთხნი გაიყოლნად წავიდ თერეთეგოს (ქისტის სოფელია). ერთი კა ძმობილი ხევანდ მინდის-აღდისძე. ამხანიგებს უთხრ მინდომ, რო ჩემს ძმობილსთან წავიდათავ თერეთეგოსაო-დ ის გვეტყვისავ, როგორ მავიქცნათაო-დ რაჰელ უფრო გავიმარჯვებთავ. თერეთეგოსთავ რო მივიდეს, მაუვიდ ისით დიდ წვიმა, რო ცას პირ მასტყდ. თან უჩინ ღამე იყვ, წავიდეს თერეთეგოსკე, მაგრემ გზა ვერივ უჩინში, ერთს სოფელშიით ძაღლის ყევა მაზლიოდა-დ იქისკე წავიდეს. მივიდეს სოფელშია-დ ერთს ციხის კარში უძახეს მასპინძელს. ეს ციხე სწორად აღდიზძის ციხეს ღგვანდა-დ. მინდომ ღამის სიბნელისგან კარგად ვეღარ გაივ. აღდისძეობით უზახეს, მაგრემ აღდისძე არ გამადგ. გამავიდ ამ ქვიტკირშიით აღაჩა, სოფელიც თერეთეგო კი არ ყოფილ, მიზუ ყოფილ. აღაჩამ სტუმრებ შინ შაიყვან. რო შავიდეს, იცნეს მინდი, გაიგეს რო ეხლადაც სამზირლად მასულ იყვ. წინავაც ბევრჯელ უზარალებავ მითხოსაცა-დ სხვას დილდოსაც ხალხი. ერთ გათქმულ კაცი ბაზდეთაიც ხევანდ მაკლული, სწორად იმათ მაკეთე, ვისთანაც ეხლად მივიდეს. იცნეს მინდი, მაგრემ მაინც კარგად დაუხვდეს. არა შაატყობიეს, გიცანითაო-დ მტრებიც ორთავ შენებივ. იმ ღამეს პურ აჭმიესა-დ დასაძინებლად ყველანი ციხეში შაიყვანნეს. იარაღები ხო მისულებს, მთის წესით, მასპინძლისად ხქონდ ჩაბარებული-დ მასპინძელმ სხვას სახლში შაინახ. ესეები ციხეში დააწვინ უიარაღოდ (ციხე: კოშკი, სიმაგრე). რო დაწვეს, აღაჩამ ქვიტკირის კარი გარეთით გადმაიკედ, თაოდ ერთ ახალგაზდა ბაზდეთ გაგზავნა-დ დააბარ: ხოგაის მინდი დავიჭირეთავ თავის ამხანიგებითავ. თუ ვალ ვის მივიდვსთავ, ეხლა მეედითაო-დ

ველო გვეყონავ. ექვლად ამავეყარათავ ამათ ჯავრივ. თათ ვავედა-დ თავის სოფელს გააგებოვ. ხოგაის მინდი დავიჭირევე სამზირლად მასულივ. ოთხ კაც სხოი სტანავავ. ქვიტკირში მყონავ დამწვედუელნივ. ხვალავ ბაზდეთითაც მავავ ხალხივ, კაცი მყავავ წალალულიო-დ თქვენაც მახოლთავ, იარაღიც აყრილი აქვავ.

ბაზდეთ წალალულ კაცი მივიდ იმ კაცის ძმასთან, ვინაც მინდიას იქ ხყვანდ წინავ მაკლული. იმის ძმათ ერთს ბათაჰა ექვივნა-დ მეორეს სულხავა. ამ ამბვის გაგონებამ, რო მინდიივ დაჭერილიავ, ძალიან გაახარნ ეს ძმან. ესენ ბევრჯელ უძღვებოდეს მზირს მინდის მასაკლავად, მაგრემ ვერცაით ჩაიგდეს ჰელჩი. ეხლარაკი ჰელჩი ჩაგდებულ იყვ, ამაიყრიდეს ჯავრსა-დ იძვედეს იმაზე შურს. გავიდეს ეს ძმანი, სხვას ხალხსაც გააგებოვ: მითხოსავ მინდი დაუჭერავავ.

მაემზად ეს ხალხი-დ წამავიდ. მეორეს დღეს სადილობისად ცხენებით მიზუს მავიდეს. მიზუელ ხალხმაც თავ მაიყარესა-დ შამაერთყნეს სიმირგვლივ ციხეს.

*ხაძის ხაბირიკაო, ყველა გავიწყრას ჯვარიო,
დანდობით დააკოციენ არხოტ ნარჩევენი ემანიო.*

(აღაჩას მამას ერქვა ხაძა და ხაბირიკა არის მისი გვარი. მთიელთა წესით ამ ლექსში გაკიცხულია დანდობით და დალატით დახოცინება სტუმრებისა).

ციხეს რო შამაეხვივნენ, გაიგ მინდიმ, რო გვიდალატავ მასპინძელმავ, მაგრემ რასად იქმოდეს, რო უიარაღოვ იყვნეს. ხოლოთ ციხის ზეთვალში აჰდეს. ამ მზირთ ერთი ძალიან მქისე ახალგაზდა ეტან, კვირიკა ჯაბუშანური. კვირიკამ უთხრ ამხანიგებს, რო მოდი დავხტათავ ამ ციხის ჩარდახშითავ, რაიც მაგვივავ, მაგვივავ, სრუ ერთიავ ხო მაინც დავგვკოცენავ. აქით გახტომა ვის გაუგონავ უთხრეს ამხანიგებმ. მე გავხტებოვ, თქო კვირიკამ. დაიყარნ ჯღანნი, დაბანდნ იწროდა-დ ჩაიცივნ მაგრად. ციხეს ქისტები ჯარად შამახვეულები ხყვანდა-დ ამ დროს გადმახტ კვირიკაიც ციხის ჩარდახშით. დაბლა რო დაეც, შახკროთ ხალხი, ეს როგორ გამახტავ იქითავ. აირ-გაირივნესა-დ მანამ გონზე მავიდოდეს, გადახტ კვირიკაი-დ სოფლის გვერდზე ტყეში შავარდ. ჯერ კი გამაუდგესა-დ დაანებეს თავი, რაკი მინდი ჰელჩი ხყვანდ.

*გაბანდა ჯაბუშანურმა ციხის ჩარდახში ჯღანნიო,
ამანდით გამაუფრინდა, დახივა დიღღვლის ჯარიო.*

წამავიდ კვირიკაი-დ არხოტ მშვიდობით მავიდ. მაიტან ამბავი, რაიც დღე ადგივ მინდისად იმის ამხანიგებს. კვირიკა რო გაიქც, შავიდეს ქისტებიც ციხეშია-დ

ტყვეებს ხელეხ დაუკონესა-დ გამაიყვანეს ხალხში. ესეებ რო გამაიყვანეს, მითხოელთა დიაც-ყმაწვილიც კიდევ მაღიოდ მინდის სანახავად. მინდიამ ხალხს მასპინძელზე უთხრ: აი, ამ რჯულწაწყმედილმავ, სტუმრის მეღალატემ აღაჩამ მიღალატაო-დ ეეხლად უიარალოი ვდგეორავ. მამეციტავ ჩემებ იარაღებო-დ მემრ მნახიდიტავ, რაკელ მინდიი ორავ. თუ ოშკაცები ხართავ, მიაც იარაღებ მამეციტაო-დ გამავცადატავ ერთუცივ. ააბა, დილღვლებ რას კელს გაუკსნიდესა-დ იარაღებს მისცემდეს. გაიყვანეს, დააყენეს ჯილდაადა-დ დაუწყეს თოფების კლაი. მინდიივ თოფის ტყვიის ქარმ წააბრუნისავ პირ სხვასკესავ. მაბრუნდისავ მინდიო-დ იქავ პირხალხისკე დადგისავ, მტერსავ ზურგს არ ვანახევევავ, პირ-წადმ მავკედებოვ. ეესრ დაუკოციან ოთხნი. მინდი, იკურა, აკა, ერთიც მინდის ძმა იყვ, რომნის სახელიც არვის ავსონს კარგად. ჯაბუშანურ ყოფილ მეხუთეი-დ ის ქვე გამახქცევივ. აღარვინ იცის ისენი ქისტეთ დაღმარხესა თუ მაიტანეს მკვდრები არხოტ.

ხოგაის მინდი მართლა იყო და ეს მისი მოკვლაც ასე მოხდა. ჯაბუშანურის გამოქცევა. აქ რაც ხოგაის მინდის ცხოვრებიდან დაიწერა, ხალხს ჯერაც სინამდვილედ მიაჩნია.

*არხვატით მზირი გავიდა, ღალატით გახყვა ჯვარიო,
ხოგაის მინდი გაუძღვა, გააბერტყივა ნამიო.
ემშაკიმც დაიწყევლები, აღბათ უქცივა მკარიო,
დაეცა მონა ავღარი, გადაერივნეს ვზანიო.
გადუხხდეს თერეთეგოსა, ას შუაღამის ხანიო:
მინდომ თქო: სოფლად ჩავიდათ, ძმობილ მყავ ფიც-ნაჭამიო.
მიზუს მიუდგეს ციხეთა, „ძმობილო, შინა ხარიო?“
ქავს გარეთ გამაავებეს ქემხით ნაკერი ტყავიო.
ახყარეს იარაღები მინდიას საომარიო.
შაყარნეს სიმაგრეჩია, გამაუჯარეს კარიო.
მინდი ძმას ეუბნებოდა: „ძმავ, რად გატეხით ხარიო?
აკასთან, აკურასთანა ჩვენც დაგვეთმობის თავიო.
მე თერეთეგო მეგონა, შივ აღდისძეი ვარიო,
აქ მიზუ ტიაღებულა, აღაჩა ქისტის ქალიო.
კაცი წაღალეს ბაზდეთა, თქვენაც გვიჭირეთ მკარიო!
მინდი ჩავიგდით კელადა, მითხოელთ ნიავ-ღვარიო.
ცხენთ შასხდეს ბაზდელთ შვილები, მახქრიან როგორც ქარიო.
წინ-წინ მავიდეს ბაზდეთით ბათაჯ სულხავა ძმანიო,
ღურჯამა ბათაჯაისამ მაღლა მაილა თავიო,
აივსა გათენებისად მიზუსა ციხის კარიო.*

ვაბანდა ჯაბუშანურმა ციხის ხარდახში ჯღანო,
ციხის ზეთას თვლით გამახტა, დახივა დიღღელის ჯარიო.
კვირიკავ ჯაბუშანურო, დიდხანს ცოცხალიმც ხარიო!
წაედ-წაილი ამბავი, მინდის ადგიყვა ძალიო.
გაგეცნობიეთ მინდით, ჩვენი-დ თქვენ მეომარიო.
გამაიყვანეს მინდით, როგორც ნაკურთხი კარიო,
კელნ დაუკსნენით მინდისა, კელშაკრულისად ბრალიო.
კელხი მისცენით აბჯარნი, მინდომ დაცადას თავიო!
აბჯარნ თუ ვერ მაიკმარნა, ძაღლებს გადუგლით მკვდარიო!
არ დაიჯერეს ქისტებმა, დაბაკად შადგეს მკვდარიო.
ხოვაის მინდი კვდებოდა, მზე წითდებოდა, ცხრებოდა,
მასკვლავებ ჩამადიოდა, მთვარეც უკულმ დგებოდა.
ცაზე მდინარი ფრინველი თბე-ბოლოთ იხოშებოდა.
ხოვაის მინდის დედასა, მზე იდვა, აღარ სთბებოდა.
ცხენი მინდისა ტიალი, ლურჯა ტოტებზე დგებოდა“.

თომა ბაღიაურის მკვლევარობის შესახებ

ლელა სულხანის ას. ბაღიაური, ს. შუაფხო, 15. VII. 52 წ.
(ხელნაწერის ფრაგმენტი)

თომა რო მაკლეს, ჩვენ რიგ არ გვიყენეს, მარტო მიწათშასამსვლელი საკლავ დაკლეს, ბეწიკა (მკვლელის მამა) ამბობსავ – რიგს არ უყენებავ.

რიგის ყენება ისი, რო კაცებ მაკლენ. მაიყვანენ ერთ ასამტეხლო საკლავს (ჯერ ის უნდა დიკლას, მანამ არ დახკვლენ, კაცებ ვერას იამბობენ). ერთ ცხვარ და ერთ მესამის კურეტ სახლში რჩებიან. მამკლავის ძმა მაკლულის ძმას რიგს უყენებს ერთის საკლავით. შინშიც შინშს უყენებს რიგს. სამის რიგისა უნდ სრუ. ძმაი და შინშ ერთნაირად უყენებენ რიგს, კაცებ დის, მაგრამ ჭირის პატრონ რიგს არ დაიყენებს ადვილად.

ჩვენ არ გვიღალევედეს კაცებს, - იმაად რო არვინ გვეყვანდ. მემრ გიგიტა იყვ იქ (სიძე ს. ჯუთიდან), იმან თქვა, რო დღეს ღამავ რიგ თუკლად (მე მგონია) მააქვავ ამლიონთავ. მემრ ვახტანგ მავიდ (მოკლულის ბიძაშვილი). თქვა რო რიგ მააქვავ დღესავ. საუბარ მეედინ კარჩითა, მჭედელთ მინდია შამავიდ, მეედინ ჩქამ სხვებისაიც. თოთია (მჭედელთ მინდიას ძმა) იყვ (ახიელელი, ოჩიაური). ჯღუნათ მიხიელ (ამლიონი, ჭოლიკაურთა) წამეველად. იმის მამა ხომიზურათ ბაბუაის, – ჩემის სახლისკაცის მაკლულ იყვა-დ ეგივ მამკლავთ ქალიაო-დ მიხიელს არ გააჯავებსავ. მე მიხიელს

უთხარი, – ნუ მიწყენავ რო საუბარ დავიწყავ. არ მაქვავ იმის დროივ. გავედ კარში, იქითი დგას ერთ ცხვარი, ერთ კურეტი, ერთის ძროხისა სპილენძის ქვაბი. ის თომას რიგი. სხვა საკლავებ კიდევ ძმა-შინსებისაი. კაცები კიდევ ახიელლები-დ ამღივნები. გამავედ მია-დ მინდიას უთხარი – ნურას მიამობავ, ორ კვირავ თავდებისაო-დ კაც არ გვინახავავ მასულივ, მე არ ავიღებავ რიგსავ, გამედიოდ შინ წეედივ. – არ მაგვიტევავე შინავ ლელაო – მითხრ მინდიამ. შამედივ – უთხარ იმას, სხვებისად კი არა მითქომ. შავედი-დ დაგჯედი. მემრ შამაბლუნდ მუკლის ჯვრით სტეფანი, თოთიაი, ჯღუნათ მიხიელი, მაიყვანეს ასამტეხლო საკლავი. უნდა დაეკლ. არ დახკლავ – უთხარ თათარათ ბაბუას, თორე საკვირველს ვიქავ. ახლა ვახტანგმაც უთხრ. დავეზიდ სტეფანს საკლავზედ. – გაუშვივ თორე გავიბრუნებაო-დ ერთს ეგეტს კი შამაგდებავ (შემოსდო, შემოჰკრა) რო სისხლ დაასხავ! შენ გნახსავ კაცმავ, შენ შუაკაცობაივ“! ამადგ თუთი (მაკლულის ბიძაშვილი ქალი) გამაღვლიჯ აი საკლავი-დ ეხოში გარმაატყერ. გაჯავრდ თოთიაი – რაად ისრევთავ. მემრ ჯღუნათ მიხიელმ დაგვიწყ საუბარი. უთხარ რო დაგვანებ თავივ, არ მწადისავ შენთან საუბარივ. გეხვეწებივ, არ გებრალეზიავ, კაც მაკლესავ, თოფ დახკრესავ. იარად რო დეეკრავ – ვიტყოდივ მაუკტავ. იმან დალიშნებულ თოფ დახკრავ.

მამიკადეს ქუდები, შამამეხვეწნეს. გამავყარენ. მემრ შამავიდ ტორუაი (ჯაბუშანური. ჯვარის ხელსანი). გვითხრ – დაიყენეთავ, მატანილიავ, მამკვდარიავ კაცივ. თუ რას იქმენავ ბალიაურნივ, იქმენაო-დ, თუ არა, რიგის არყენებით არა იქნებისავ. ვიყენეთ მემრ. ვახტანგმაც თქვა. შამაიყვანეს საკლავი, ქაზდარში (იატაკი) მაშტრეს თავი-დ გაისრიეს. მემრ ძმის რიგი, მემრ შინშის რიგი (საკლავების დაკვლაში არას იტყვიან, უჩუმრად რასამ დაიუბნებენ სულისად). სამივ ქაზდარში დაიკლ. ცხვარი-დ კურეტ ცოცხალნ გაუშენი. აი ძროხის ქვაბ იყვა-დ, ქვე შავინახი. ძალად იციან თავის მაჭრა საკლავისად. კელოსან მაშტრის ან შუაკაცები.

თომა რო მაკვდ, ტანიეს საბოსლოს მარჩეს ბეწიკანი. ისენ სახლჩი არ უნდა მასულიყენეს, თემჩი უნდა წასულიყენეს. მამკლავი-დ იმის წილ არ უნდა ყოფილიყენეს შინ, სხვებ კი. ისენ სრუ მასულიყენეს შინ. არ გვერიდებოდეს უკაცურობით. მემრ უთხარ ვახტანგს – შენ ჩაუტანევ უკენავ ე რიგივ ტორუასაც. წუხრ ჩაუტან თუთიმ, ჩაავლივ კურეტი-დ ცხვარი. ევ ამღიონთ რო რივ გადმაყარესავ. მავიდეს კაცები-დ გაიდეს რივ ჯურუმით. რივ თუ გადმაყარეს, ის აღარ დაბრუნდების უჯურუმოდ. დრამაი ხქვიან. რივ საკლავით მაიღესა-დ მაყოლეს კიდევ ერთი ცხვარ ჯურუმს, სრუ ორ საკლავ მაყოლეს. ისეებ დაჯოცეს. ავიტანეთ ის რივ იქავ.

მემრ ბერდიშვილთ ითხოვეს – მკვდარ გვატირებიეთავ. თომა დისწულიც იყვ იმათაი-დ წესიც ას. მავიდეს დიაცები, მაიყვანეს საკლავი. მაისტელ (ამღიონი წიკლაური) მახევე, კელში საკლავ ეჭირ. ჩვენ ტალავარ გამავიდიოთა-დ იტირეს.

მემრ ამლიონთ აკლიყვ (რიგთან ერთად არბითიც უნდა მაეტანათ) არბითი. ისენ გიგიტას აბრალეზდეს (მეარბითე ისი, ვინაც ენას გადრევს, ვის ენაზეც მახკვლების შუღლი). ჩვენთანავ, – ამბობდეს ამლიონნი, – მეარბითეს ვერ მახკველვენავ. მე მითხრეს ახიელელთ ჩუმად, რო გიგიტასავ ვაჟებ რო არ ხევენდასავ, მაში იქნებისავ მეარბითეივ. გიგიტაივ წილჩადებულ მაკეთეიავ, ვაჟები ხევაავ, ისივ არბითს არ გაიტანსავ. ერთად გაივლიდესავ ნიადეგავ გიგიტაიო-დ თომაივ.

გიგიტა მეარბითე იქნებოდ, რო ვაჟებ არ ხევენიყვ. 5 ძროხას გადაიკვდიდ. არბითს არ გადაიკვდის მოგვარე, დისწული, მამიდაშვილი-მეარბითე ჩაჩაურთ გიგია (ამლიონი) იყვ, იმის ენაზე მახკვ. იმან გაიდ არბითი-დ ჩვენ მაგვიტანეს ბალიაურთ (გიგიტაისად ბერდიშვილთ უნდა მეეთხოვ ბეწიკაის სიკვდილში).

ლადოს დედა ბაბუას ეძახდა. გავწირეთ ბაბუაის (თომას ბიძაშვილი) მასვლამდე. ბეწიკას (მკვლელის მამა) ხქონდ ნათქვამი – მაკვდასავ თუ მაკვდებისავ, ძაღლ ჩაადნასავ. ეგიც გავწირეთ. ახლა გერმანიას (ამლიონი) ეთქვ, რო ი კაც მახკალითავ, შენაც ეემაჩი დაგაწვენთაო თომასაც ძაღლ ჩაადნასავ – ეთქვ იმისადაც იმეებს. გიორგას გეგონ (გიორგა ახიელელი, ჯაბუშანური). მემრ დამტკიცდ ეგი. მაგაზე გაიდეს 5 ძროხა სამეენეო. ზოგს რა ვის ხქონდ ნათქვამი, ზოგს რა ვის. ზოგს ნამდერალი ხქონდ, ზოგს ნათამაშარი. იმათ სრუ საკლავებ უნდა დაკოცან.

ახლა აკიან შეებნეს ნისლაურთ კირჩლას (მკვლელის ახლობელი). მე უთხარი რო აქ ნუ მავლენავ. კარებს ნუ შაამბენავ. კირჩლას მაინც ჩეეთრივ თივა ნეთხიხოთ.

ლექსიკონი

ათეგრება, ათეგრებული – ამოჩემება, ამოჩემებული ადგილი (ცხოველის მიერ)

აიბრუნებს – აღმა არეკავს, ზემოთკენ მიაბრუნებს

ალვანია//ალმანია – განსაკუთრებით მძიმე ჭრილობისათვის ან მკვლელის საფასურად აღებული რჩეული დრამა (3-5 ძროხის რაოდენობით)

ამაებაშად – ამდროულად

ამლათი – სწრაფი, უცები

ამლათად – სწრაფად, უცებ

ანდე – ალღო, ვარაუდი

აოჯისგანი//აგაჯისგანი – ყოველდღიური მოხმარების ხის ნივთები

აპარეკი – აბრეკი. აგრეთვე აპარეკად წასვლა

არგანი – ხელჯოხი, საბჯენი ჯოხი, სანადირო ჯოხი

არო – არა

ასამტეხლო – შუაკაცების მიერ საკლავით ხვეწნა ჭირის პატრონისთვის რიგის ენებაზე საუბრის დასაწყებად

აშურდება – შეიძულებს, მტრობას ჩაიდებს გულში

აჩქამება – ხმის გამოცემა; ლაპარაკი

აწევს – აწვევს, მიიპატიუებს

აჭკავადების – ახმიანდება

ახალი, ახლები წახალგაზრდა, ახალგაზრდები

აჯვა – ნგუშების, დილდვლების ერთ-ერთი თემი

ბირკოლი – მარცხი, უბედურება

ბისნა – მთა არხოტში

ბუნა – კაჟიანი თოფი

გავედა – გაგლენა

გავედიანი – გაგლენიანი

გათავთავადება – გაცალკეება

გათავწვევრება – გაამაყება, გათავხედება

გაიჩუჩების – ოდნავ გაინძრევა

გალო – ღრუიანი ძვალი

გამჩვენება წახვისთვის საჩვენებლად რამის კეთება

განთ(ა) – განა

გაინიჟებს – დაიჟინებს

გაჟეკაური – ფანდური

გარგინეთ – გარგუნეთ

გარდი-გადმე – გარდი-გარდმო

გარეთული – შორეული, გარე
გარეთული სახლისკაცი – შორეული ბიძაშვილი, გარე ბიძაშვილი
გასული – ყაჩაღი, ტყეში მოსიარულე
გატევა – გაშვება
გაძევა – გვარის გათავება, ამოწყვეტა
გაჭვით-გამაჭვითი – გაღმა-გამოდმა
გეჯა – არყის სახდელი მოწყობილობა- დანადგარის ნაწილი
გზა-გზათ – გზადაგზა
გლის – ნაყავს, სრესს, ამსხერვეს
გოზა – მშვილდის სახელურის მარჯვენა და მარცხენა მხარე
გრდემი – გრდემლი
გუდანური (იგივე **ტყაფ-საღამო**) – ცხვრის მატყლიანი ტყავებისაგან შეკერილი საბანი
გულჭადარა – ლეკების ეპითეტი
გურგუალი – ქუხილი, გრგვინვა, გრიალი
გურგური – გრიალი, გრგვინვა, ქუხილი
გბელსადილობა – გვიანი სადილობის დრო, დროსგადაცილებული სადილობა

დაბალითება, დაბალითებით – მინდობა, მოტყუილებით, დალატით მიყვანა ან თავისთან, ან საფარიდან გამოყვანა და დაზიანება
დაგზება – ანთება, გაჩაღება (ცეცხლისა)
დაეტივება, დაეტიება – შეუტევს, იერიშს მიიტანს
დარილი (დაადარილებს) – ხელსაყრელი მომენტის გამოყენება, დროს შერჩევა და დალატით ვინმესთვის ზიანის მიყენება
დაზემვა – საუბარი, თქმა, გამოცხადება (ჯვართ ენაზე)
დაილანიმა – დააპირა წასვლა
დალევა – 1. გაფუჭება, წახდენა 2. მოსპობა, განადგურება
დამარჯვება – გაიოლება
დამკაცრება – მიცვალებულს რომ თვალებს დაუხუჭავენ, ხელებს გულზე დაუწყობენ, მუხლებს გაუსწორებენ, პირსაც მოუკუმავენ და დააწვენენ გულადმა
დამკლეება – დანაგვრა
დატიებული – დატევიებული, იერიშზე გადასული
დაუაზრებს – ყურადებით შეხედავს, დააკვირდება
დაღვედრავს – 1. დაიმუქრება, დაიკვხებს. 2. გააკიცხავს, უსაყვედურებს. 3. დააბარებს
დაწირული – დატოვიებული
დახუთავს – არ გადაუხდის ვალს
დაკერდებიან – გაჩერდებიან
დიდება – ხატისთვის შესაწირავის შეწირვისას სათქმელი ლოცვა
დიჩინი – რჩეული, ამაყი, თავკაცი, ამპარტავანი

დრამა – სისხლის საზღაური

დუღრუყა, დუღურა – ნახვრეტოანი მსხვილი ღერო მცენარისა ან ხისთვის გაუჭრელად გაძრობილი ქერქი

დუსურბანი, დუსულბანი – მუსლიმი

ეზრახების, ზრახეგს – ხმას სცემს, ელაპარაკება

ეკალდამა – აკლდამა

ელდა – სწრაფი

ელქეში – სწრაფი

ერანელეები – ასე ეძახიან სოფ. ჭიმდის მცხოვრებლებს

ერაწი – პატარა ქვაბი

ესი – გამოქვაბული კლდეში

ვეზნა – თოფისწამლის ჭურჭელი, საიდანაც საპირისწამლეში და მასრაში ყრიდნენ წამალს

ვეღაროს – ძალიან გვიან, დროზე ვეღარ

ვეშაგი, ვეშაგნი – მეთვალყურე, მხვერავეები, რომლებიც ათვალიერებენ ქისტების მოსასვლელ გზებს, ან ღაშქარი ხომ არ მოვიდოდა ან მზირი ხომ არ იყო გამოსული

ზუბუქი – მსუბუქი

თაგი ეკიდა – სისხლი ემართა

თაგ-კანი – უფრო კარგები

თაგკმელად – უფანდუროდ, უაკომპანიმენტოდ

თამაქო – თამბაქო

თაო – თვითონ, თავად

თაოპირად – თვითონ, დამოუკიდებლად

თეთრი ოქროთ გაუღესავს – როცა ვინმე ვინმეს დაჭრის და შემდეგ ინანიებს დანაშაულს, იტყვის, თეთრი ოქროთ გაუღესავო, ე.ი. ვერცხლით ავუნახდაურებ ზარალსო

თბე – ფრთა

თბე-ბორბალი – წისქვილის ბორბალი და მისი ფრთები

თელეზა (ეთელეზიან) – დასაჯდომად მომზადებული ფრინველის ტრიალი ჰაერში

თემ-თემი – სხვადასხვა თემი

თვალწამიერთი – თვალის ერთი დახამხამება

თულუხი – სპილენძის ჭურჭელი, ჩვეულებრივ, მაღალყელიანი

იაღში – ნათელში, წმინდა სულებთან

იმი(თ) – მიტომ

ინაუღლებს, ინაუღლის – ნაღვლებს, იდარღებს

იოგისთაოდ ძებნა – თორმეტი კაცის მოკვლა სისხლის საფასურად

იშობარი – უნებლიე

იშობრად ^{უნებლიედ}

იჭერს – 1. უყურებს, უცქერის 2. არქმევს, ეძახის

კა – კარგი

კაცრიელი – ვისაც თავის გვარში ბევრი მამაკაცი ჰყავს, გვარძლიერი

კვამლი – კომლი

კიბირჭი – იგივეა, რაც **კინჭუხი** – შვერილი კლდის ბილიკზე

კლოვ – სხვა დროს

კორამი – ნიადაგიდან ამოზრდილი კლდე

კოში – გივეა, რაც საკარგემო

კულა – ოთხკუთხედი ქვის სვეტი

კურო ^{ბორცვი}

ლეგლუბა – რუხი, ლეგა

ლეგლუბანი – რუხი, ლეგა, ნაცრისფერტანსაცმლიანი

ლეში – რბილი ხორცი

ლიგანა, ლიგანი ^{შთებზე და სანადიროებზე აგებული პატარა კოშკი} გზის გასაგნებად

ლოტონი – მგლების ხროვა

ლოციანი – ჭუჭყიანი

მაგარ – აგრეთვე

მაგიტელავთ – მოგიძებნით

მაგრემ – მაგრამ

მამკლაგ-მამკედრობა – მოსისხლეობა

მამა (მამები) – ახლო ბიძაშვილები, ერთი გვარის განშტოება, ერთი წინაპრიდან

^{მომდინარე, მოგვარეები.}

მანძილა – კარგი ვაჟკაცის ეპითეტი; დიდი, ზრდადასრულებული და ხვნაში გაწვრთნილი ხარი

მაჯარი – ერთგვარი კაჟიანი თოფი

მარახელიანი – ჭირხლით დაფარული

მასმური – ახალგაზრდა, თასის დაღევას რომ შეძლებს, დაახლოებით 14 წლისა და ზევით

მაღალ, მაღალი – მწვერვალი, თავი

მაღალ-დაბალი – ძლიერი და სუსტი

მაჭყივის – ჭიხვინით მოდის

მებეკური – საბეკურში მომსახურე, საბეკურის მცველი.

მეზღენე – ხატში სალოცავად მისული

მეთავე – მოსისხლე

მეკვლეობა ღამე – ახალწლის ღამე

მემჯობიაზე – დასწრებაზე, ჯობნაზე
მესხნი გაებნეს მთვარესა – მთვარე დაბნელდა
მეწვერე – ყარაულები ყველგან, სადაც გადასასვლელი და გზის შესაკრავი ადგილები იყო მოებზე, ე.ი. მეწვერე ჰქვიან მოების ყარაულს
მზეგადენა – სადამო ხანი
მზემამსწვრალ ეშმა – ცრურწმენით, თუ ეშმაკმა მზის ამოსვლამდე ვერ მოასწრო დამალვა, სადაც მზე მოასწრებს, იქ დარჩება
მზექცევა წმის მოქცევა
მზირი ჩასაფრებული და მოწინააღმდეგის მომლოდინე მტერი, ერთი ან რამდენიმე კაცი
მთვრალხუშტი – ნამთვრალევი, მთვრალ-ფხიზელი
მითხო – მთიელ ჩეჩენთა თემი
მიყოლა – ვინმეს შურის საძებნელად სიარული
მოხიბლა – მოწამლა, მოშხამვა
მრავალანი // მრევალანი ერთ-ერთი თანავარსკვლავედი, ხომლი ვარსკვლავების
მუში – ცაცხვის ქერქი, რომლისგანაც ამზადებენ თოკებს
მყოლი – მყარი
მწკალზე ბრუნავს – საომრად ემზადება
მძღვარი – მიჯნა, ზღვარი ორ ყანას შორის

ნათოზი – ნამსხვრევი, ნაფლეთი
ნამრგალი – ნარგუნები, რაც ვინმეს ერგო, შეხვდა
ნარეწი – პირები, ვინც მიცვალებულს უთევენ ღამეს და გვამს აპატიოსნებენ
ნაუღელი – ნაღველი
ნაჭაპნი – ნაწნავი
ნაჭრევი – ჭრილობა
ნახევართხან – ნახევარ დროს; ხშირად
ნელად – გვიან
ნელობამდინ, ნელობამდენ – გვიან დრომდე
ნიაღვ – რაღა თქმა უნდა, ცხადია

პირისერი – პირისახე

ჟამის წირვა – ლუდის კურთხევა ხატში
ჟამის-საწირი//ჟამსაწირი – სამი ქადა, რომელთაც ჟამის წირვის დროს ადიდებენ
ჟერს – ჟღერს

რაგანდი – რაც გინდა, ყველაფერი; რაც უნდა
რაით – ვაი თუ, საფიქრებელია, რომ..
რიგის ყენება – მკვლელისგან მოკლულის ოჯახისთვის მისაყვანი საკლავის დაკვლა

რქაჯანგინი – 1. ყოჩი, ვერძი 2. ბებერი ჯხვის ეპითეტი 3. კარგი ვაჟკაცის ეპითეტი

საადიმოდ – სანადიმოდ, საღალღობოდ, დროის გაასატარებლად

საარდაროდ გახდომა – სადავოდ, საკამათოდ გახდომა

საბეკური – ხატის (ჯვარის) ადგილი (სოფ. ახიელში)

საბელი – თოკი

სადარავდრო – გვალვის ან დიდი წვიმიანობის დროს დასაკლავი საკლავი

სადიაცო – ხევსური ქალის კაბა

სადულარი – ლუდის მასალა, ქერი და მისთანანი

სადულრობა – ლუდის ხარშვა

საკარგემო – ბუდე ხევსურეთში, საყარემო - არხოტში: სახელის ქნის შემდეგ ჯვარში დაკლავდნენ ხარს ან კურეტს; ვაჟკაცის განსაკუთრებული დამსახურებისათვის მისაცემი ჯილდო

სამანი – რაიმე მიჯნის ნიშანი, ჩვეულებრივ, მაღალი ქვა

სამეზღენეო ლუდი – მეზღენეთათვის განკუთვნილი ლუდი

სამეკვლო/სამეკვლეო – 1. სპეციალური ნამცხვარი, რომელსაც მეკვლეს შეაგებებენ კარებში. 2. მეკვლესთვის განკუთვნილი

სამეშელო – ვისამე საშეკლად ხატისთვის შეწირული საკლავი

სამწყალობნო, სამწყალობნელი – დმერთის(ხატის) წყალობის მიმღები

სანაპირო – მიწური სახლის ბანის პირზე დაწყობილი თხელი, „სიპი“ ქვები,

სანგალი – ქვებისაგან შემოდობილი საფარი, საიდანაც თოფს ისვრიან

სასალი – წვრილი და მაღალი, წერწეტი

სასანთლე – მეკვლესთვის გამომცხვარი საწირი, ერთი მოზრდილი და ერთი პატარა ქადა

სასულარმამკედრო – სისხლის გადასახადი, ერთი დღის სახნავი მიწა, რომელიც მეკვლეს მოკლულის ოჯახისთვის უნდა მიეცა

საუკენმამკედრო – მოსისხლეთა შორის ბოლოს მოკლულის ჭირისუფალისათვის მეკვლეს შერიგების დროს უნდა გადააეხადა 5 ძროხის საფასური;

საუკენმამკედრო განხრახ მეკვლელისთვის დაწესებული დამატებითი გადასახადი იყო

საუკმრო – გამახეიბრებელი; საუკმრო ნაჭრევი – გამახეიბრებელი ჭრილობა

საფათველი – საფათველი ნაჭრევი, მსუბუქი ჭრილობა, რომელზედაც კაცმა შეიძლება ფოთოლი მიიკრას და ისე, შეუხვევლად განიკურნოს

საფარველს დაზღებს – უჩინარს გახდის

საფუკარი – ხელთათმანი

საქნარი – მიცვალებულის ხარჯები, ქვლეხი

საქჩერო – გასამეტებელი, დასათმობი

საცხად – ცხადად, ყველას გასაგებად

საწოლო, საწოლნი – მიუდგომელი ადგილი, სადაც ჯიხვები დღისით წვანან

საწყავი – საწყაო

საყელი – უღელტეხილი, გზაჯვარედინი
საყური – ჩასასაფრებელი ადგილი, საფარი, სამზირი
სახეიელი – შესახვევი
სახლისკაცი – ბიძაშვილი
საჯსარი – ტყვის ან სხვა რისამე გამოსახსნელი ფასი
სისვი – მწვანე
სთვა – როვა
სისხლტიგრი – ბევრი სისხლი
სრუაც – სულაც კი, თუკი
სტამბოლი – ძველი, ერთგვარი კაჟიანი თოფი
სულწუხი – 1. მოსაწყენი, უფერული 2. ფიცხი, სწრაფი

ტაროცი – თვალთვალი, შესაფერისი დროის შერჩევა
ტაფი – ტაფობი
ტოტი – ხალი, ტორი
ტყაგ-საღამო – ქვეშაგები, დასაგებ-დასახური

უთაური – უგერგილო, ვისაც საქმის გაკეთების თავი არ აქვს
უკლოობა – უბედურება, სახიფათო საქმე
ურსა – ცალპირა, არა საკეცი დანა. ის ტყავის ქარქაშში არის ჩაგებული და ხევესურები წელზე შებმით ატარებენ. იყენებენ სამეურნეო დანიშნულებითაც და ხანდახან შუღლშიაც, როცა სხვა იარაღი არ შერჩებოდათ ხელში
ურანგა (შატ.), **მურანგა** (არხოტი) – ხეზე დაუჭკდევენ (ნაჭდევს გააკეთებენ) და პირობას დადებენ, თუ ეს ავადმყოფი მორჩება, ან სხვა რამე სათხოვარი თუ აქვს და ეს შესრულდება, ერთს საკლავს მიუყვანენ, რომელ ჯვარსაც ურანგას დაუდებდნენ.
ურინი, ურინჩი – ბნელი, ბნელში
უჭურავს – ჭორს, საძრახის საქმეს უგონებს, ეჭვობს
უჯერო – ჯიუტი, ურჩი

ფარაგი – მოქარგული გულისპირი
ფაშლაკა ყაბალახი
ფეკითი – ღირებულების აღმნიშვნელი ცოცხალი საქონელი, ძროხა
ფუღულობა – პრანჭვა, კოხტაობა
ქადება – შეპირება
ქავი – მაღალი გაღავანი, სადაც კაცი ვერ გადავა და შიგ მოთავსებულია ქვითკირის სიმაგრე
ქავის-კარი – ეზო-მიდამო
ქაზდარი – ატაკი
ქერი – ვაცი, რომელიც ფარას მიუძღვის წინ

ქინთი – ტიკი

ქიჩილა – თავშალი, ლეჩაქი

ქჩერება, ქჩერობა – გამომეტება

დამისთევა – ხატის მსახურთა მოწვევა სახლში და მათი პატივისცემა

დაჯია – ცერზე წამოსაცმელი ჩხუბში სახმარი კბილებიანი იარაღი

დეედრით – დაქადებით, თავმომწონეობით, კვეხნით

ღონდების – წუხს; ეძებს

ყათლადი – უტყუო, უკლდეო ადგილი; ველიანი ტყეში

ყამი – შიში, რიდი

ყარწიკა – შალისაგან მოქსოვილი და მერე მოთეილი უსახელოებო მოსასხამი, საწვი-
მარი, რომელსაც მთიელი ხალხი ნაბდის მაგიერ ხმარობდა და სატარებლად მსუბუქი იყო

ყინვარი – ყინული

ყინჩი – კარგი, მოსაწონი

ყონდი – დაჭრილი და ერთმანეთზე დაწყობილი შეშა

ყოფილამ – თურმე

ყურა – 1. უყურო 2. თოფისწამლის დასაყრელი ადგილი ძველებური თოფის ჩახმახზე

ყურება – 1. სმენა 2. მოვლა, ყურისგდება, მიხედვა

შამთხეება – დაფრთხება

შარი – ტვინსა და თავის ქალას შორისი

შარის ბობი – ტვინის მაგარი გარსის თანაშეზრდილი ნაწილი საგიტალურ ნაკერთან

შაშარი ხმლის წვერი

შიგიში[გ] ერთმანეთში

შინ მისვლა – არაყის მიტანა და მტერთან სახლში მისვლა. შინ მისვლა კარგავს ხუთ ძროხა ღრამას. არის შემთხვევა: ან გადაიხადოს ხუთი ძროხა ან არყით შინ მიუვიდეს, ბევრი არ კადრულობს შინ მისვლას. მას შინ ხვეწნაც ქვიან. შინ არ ვეხვეწები და ღრამას გადავიხდიო. უმრავლესობა ასე ფიქრობს და შინ მისვლის მაგიერ იხდიან ხუთ ძროხა ღრამას

შტროშაროში არის – გაურკვეველ, ბუნდოვან მდგომარეობაში არის

შურმაქნეობა მტრობა და სიძულვილი

ჩააცვეთს – ზედიზედ ჩაარტყამს

ჩაეს – ჩასვლისას

ჩარექი – ერთ კილოგრამამდე (960 გრამი)

ჩაწყულა – მასრა, რომელშიც ერთი გასროლა თოფის წამალი წინასწარ არის ჩაყრილი, აწყული

ჩდილი – ტყით დაფარული ფერდობი, რომელსაც მზე იშვიათად უყურებს; ადგილი, რომელსაც მზე იშვიათად ადგას

ჩხიმი – თავის ქალის ზედა და ქვედა ძვალს შუა მდებარე ღრუბლის ნივთიერება–
დიპლოე (შან.)

ჩხუტი – 1. მომცრო კასრი ლუდისთვის. 2. ერთფუთიანი საწყაო (მარცვლეულის)

ცალე – ცარიელი, მარტო, თავისუფალი.

ცდა – ბრძოლა

ცერი – დამრეცი

ციცციე წამაიელის – სწრაფად წამოხტება

ციხია – ვინმეს დაწყევლის ნიშნად აგებული პატარა კოშკი

ცლანგი – პირის მტეხელი, დალატიანი

ცლანგიანი – დაუნდობელი; გამცემი

ცქამლა, გაიცქამლების – უბარაქო, უბარაქოდ გათავდება

ძაგარი – ჯაგარი

წევა // წევა – მიპატიუება

წევით – მიწვევით, მიპატიუებით

წელწადი – ახალი წელი

წელწადილა – ახალი წლის დილა

წელწადწუხრა – ახალი წლის საღამო

წერა – ერთად აგებული სამი წერილა

წერილა – ოთხკუთხედად აგებული 21 ძნა

წინგარდა – ბოსლის ბანი დაბლა, რომელიც ჭერხოს აქვს დაფარებული

წინიღგეს – ადრიდანვე, ოდითგანვე

წინწინ – პირველად, ჯერ, წინდაწინ

წირვა – 1. მიცვალებულის ღანძღვა

წუხრა – საღამო

წუხრ – საღამოზე, მიმწუხრისას

წუხრისხან – საღამოხანს, შებინდებისას

ჭიკად – მჭიდროდ, ვიწროდ, მაგრად

ჭკლე – ჭდე, ნაჭლევი

ჭკლევა – ხეზე ნაჭლევის გაკეთება ხატისთვის მიცემული აღთქმის შესრულების ნიშნად

ხეცრო(ნი) – გავა

ხვალი – კარგი ცხენის ეპითეტია

ხვალწუხრ – ხვალ საღამოს

ხილიფა – მშვილდის ჩასადები

ხიზანი ოჯახი, ცოლ-შვილი

ხლათვა, ხლართვა წხელის შეშლა, დაბრკოლება

ხუცობა, იხუცა – საღეთისმსახურო ტექსტის თქმა ხუცვის მიერ შესაწირავის შესრულების დროს

ჯალი ქუმელი

ჯარაგანი წაიალაღე მთაზე გაშვებული ხარები და ბერწი საქონელი

ჯელითი – ნივთიერად გამოსატული საქონლის (ძროხის) ღირებულება (მაგ. სპილენძით, ვერცხლით, პურით, ერბოთი და სხვ.)

ჯვაფი წადრმავეებული ადგილი, ორმო

ჯმელი პატივი ერთი აბაზი ვერცხლის ფული მსუბუქი ჭრილობისათვის, შეიძლება სხვა რამეც ყოფილიყო.

ჯორჯი – ხეობის სათავე

ჯრილი – წვრილი, წმინდა მტკერი

ჯალაფი – 1. ოჯახის წევრები; 2. ცოლი

ჯარი – ხალხის თავყრილობა

ჯვარის შეცოდება – ჯვარი გამწვრალია ადამიანზე, მას კარგი ანგელოზი აღარ პატრონობს და ჯვარი თუ ეშმაკი რაღაცა ცუდ საქმეს ჩაადენინებს.

ჯვარის კელკაცი – ჯვარის მსახური, მოწმიდარი კაცი, რომელიც მკითხაობს კიდევ


ჯვარში შეჯდომა – მკვლეელი ან სხვა მძიმე დანაშაულის ჩამდენი ღამე მივიდოდა დაზარალებულის სოფელში, ერთ ხარს ან მოზვერს მიიყვანდა, დააბამდა ხატის კარზე, თვითონ ხატის შენობაში შევიდოდა და ცეცხლს გააჩაღებდა. სოფლიდან რომ დაინახავდნენ, მივიდოდნენ და შუამავლად მიეგზავნებოდნენ დაზარალებულთან. ეს იყო ხატის სახელით პატიების თხოვნა, რასაც დაზარალებული ხშირად ანგარიშს უწევდა.

ჯორჯა – კისრის ძვალი

ჯურუმი – ჯარიმა

ჯურუმს უბომს – ჯარიმას აკისრებს

ჯღანი – ფეხსაცმელი; ბანდულები



მოკლე ბიოგრაფიული ცნობები.....	5
ღირსეული მტრობის ვიწრო ბილიკებზე (ამირან არაბული).....	7
შესავალი.....	11
მონადირენი – ადუა და გიგიტა.....	14
ლეღას მოკვლა იშობრად.....	21
უთურგით თათარისაგან ბერდიათ ჯურჯაის მოკვლა იშობრად.....	25
მამკლაგ-მამკვდრობა ახიელში.....	37
მამკლაგ-მამკვდრობა სოფელ ჭიმლაში.....	45
ცისკარაულების და თეთრაულების მამკლაგ-მამკვდრობა.....	47
უძველესი დროის მამკლაგ-მამკვდრობა.....	53
აბაისგან გიგის მოკვლა.....	56
ჯაბუშანურთა და გაჯალათ თავ-მეთავეობა.....	59
მამკლაგ-მამკვდრობა შუქიაურთა და მამუკაურთა.....	61
გიორგათა და ჭოლიკაურთ მამკლაგ-მამკვდრობა.....	63
არხოტის ჯვარში ღილღველწარხოტიენების შუღლი.....	68
ღილღველ ანდარუყოს და მისი ორი ამხანაგის დახოცა.....	71
ჯღუნათ მიხიელისაგან თავის ძმის გამიხარდის მოკვლა.....	76
ალუდაურისაგან თავის ძმის ბაბოს მოკვლა.....	78
შინშის სისხლზე თავის შვილის მოკვლა.....	80
მიამბო და ჩამაწერინა მანვე თათიკათ იმეღამ.....	82
მიამბო და ჩამაწერინა იმეღა თათიკასძე გოგოჭურმა.....	83
შატილივნები, მანგიანი და მუცუფლები, დაიაურნი, მათი თავ-სისხლი.....	86
ჩამაწერინა იმეღა თათიკასძე გოგოჭურმა, ქაცუაურთ მამისამ.....	92
გუროელ-შატილიონთ შუღლი.....	94
ბაბუკთ ნათელიძე.....	101
კინწანი და ჩოღართ მამუკა.....	109
ადუას მოკვლა.....	112
ადუაის მკვლელის მოკვლა.....	113
კინწათ გიორგისაგან დამწვართ ხთისოს მოკვლა.....	114
შიშისაგან კოხიოთ ყუღიას მოკვლა მამულის თაობაზე.....	118
უჭკუანი და კოკონი.....	120
ვაჟუნათ ლეგუას და მგელათ ნადირასაგან ერთიმეორის დახოცა.....	125
ხარათ და ოჩიაურთ შუღლი.....	127
ჭარა-ოჩიაურთ შუღლი.....	134
ბაიჭაურისა და გარსიას შუღლი.....	138
უთურგათ დავითისა და აბიკათ გიგიას შუღლი.....	140
ბლოელ-წინცადუელთ შუღლი.....	142
კოჭლათ ბერდიანისა და თათართ ბაბუაის შუღლი.....	150
კოჭლათ ბერდიანისა და ვუთლათ გიორგაის შუღლი.....	155
არაბულ-ჭინჭარაულთ შუღლი.....	157
ბათურაისა და იმეღას შუღლი.....	165

ხთისოს და ლევანის შუღლი.	168
გეჯურას და თოთიას შუღლი.	169
მიამბო ისევ თოთია გოგოჭურმა სოფ. გუროში.	171
მიამბო თოთია ბადიასძე გოგოჭურმა სოფელ გუროში.	174
გუროელ გეჯურასა და ოჩიაურ გიგიაის შუღლი.	175
ოჩიაურ გარსიას და მანგიათ აპარეკაის შუღლი.	177
დოლათ და დამწვართ ბრძოლა,დოლათ წასვლა აპარეკად	181
გაგა და ღილღველნი.	183
მითხოს დალაშქერა ჯევესურებისაგან.	194
ღილღველთ ლაშქარი ჯუთას და არხოტს.	202
ღილღველის ლაშქრის დაცემა ფხიტუს ცხვარზე,საჭარის-მაღალ არხოტივნების დაწვეა მდევრად და ბრძოლა ერთი-მეორესთან.	214
აჯვათ ლაშქარი, შიშნია (იგივე მინდია) ბალახურიზისაგან არხოტ მომავალი აჯვათ ლაშქრის დაბრუნება.	220
ლეკის ლაშქარი კისტან.	224
ლეკის ლაშქარი დულში.	228
ღილღველთ ლაშქარი საჯევესურეთოდ გაგაის ძოდის მეთაურობით.	232
ხევესურთ ლაშქარი ოსეთში და მოხევეებში.	234
თუშ-ფშაველ-ხევესურთაგან მითხოს დალაშქერა.	238
ფშაველის ლაშქარი შატლში გარას მეთაურობით.	248
ღილღველთ ლაშქრის დაცემა ამღაზე და ახიელზე.	252
მაგანძურის ლაშქარი არხოტში.	268
ქისტის ლაშქრის დაცემა თუშების და ფშაველების ცხვარზე ბაგის მეთაურობით.	274
ქისტის ლაშქრის წამოსვლა საჯევესურეთოდ,თუშეთს მიმავალ კარატის ჯვარიონთა შეხვედრა ბორბლის მთაზე და ბრძოლა ფშაველთა დახმარებით.	281
გიორგანი,მათი მონადირეობა და ქისტებთან მოსისხლეობა.	283
კვირიკათ კუკუა.	289
კუკუა და ჯურჯა.	290
ვირჩლათ მარტია.	292
გულბათის მოკვლა ოჩიაურთაგან.	294
თათარა ოჩიაური და თორღვა.	296
ვირჩლათ მინდია.	299
უშიშა ოჩიაური.	301
ღილღველთაგან ცეცხლში დაწვა არხოტივნებისა.	303
ღილღველებში რომ ასეთი სახელობა იყო,ბაიჭაურმა მაგალითისათვის ჩამაწერინა შემდეგი ამბავი.	306
პატალა და ბაბუკური.	306
პატალას სისხლის აღება ტურტურისაგან 70 წლის შემდეგ.	310
მანგიათ ბეწიკა.	314
გაჯალათ უშიშას მოკვლა ღილღველთაგან.	316
აღლიათ გაგას მოკვლა ღილღველთაგან.	320
აღლიათ ახალა.	321
გაბუურთ აღუდაური.	323
ულაკაურნი.	326

გუროვლთ ხარების დაპარვა ქისტებისგან და მისი ამბები.....	328
ქისტი ანდარუყო და კალოთანელ მარტიას შვილნი.....	333
ჭადუელთ ჳარაგნის გარეკა ღილღველთაგან.....	352
ბეჟიტათ ბაბუა.....	356
თათიათ ბაბოს ცხვრის გალაღვა ღილღველთაგან.....	359
კაგა ნაროზაული.....	362
ღილღველწარხოტიონთ ყრილობა ზავზე.....	363
ხოხორა.....	370
ღილღველი ბათირი.....	370
ღილღველწარხოტიონთ კორდანი და გაგა ბალიაური.....	372
თათხელიონნი.....	380
ორბელნი.....	383
თათრების დასახლება ახიელში.....	384
ყინვართ გამავლა ახიელ.....	387
გელიკას ჩავარდნა ყინვარში.....	389
სინდიურისძე.....	391
ხოგაის მინდი.....	393
თომა ბალიაურის მკვლევლობის შესახებ.....	401
ლექსიკონი.....	404
ხევსურეთის სქემატური რუკა.....	415
სარჩევი.....	416

